

国家重点图书

正史地理志汇释丛刊
主编 谭其骧

安徽教育出版社

汉书地理志汇释

周振鹤 编著

汉书
· 地理志 ·
汇 释

主 编 谭其骧
副 主 编 邹逸麟 周振鹤
编 著 周振鹤



安徽教育出版社

图书在版编目 (C I P) 数据

汉书地理志汇释 / 周振鹤编著. —合肥: 安徽教育出版社, 2006. 6

(正史地理志汇释丛刊 / 谭其骧主编)

ISBN 7-5336-4757-2

I. 汉... II. 周... III. 地理志—研究—中国—汉代 IV. K928.634

中国版本图书馆 CIP 数据核字 (2006) 第 056207 号

责任编辑: 彭克明

装帧设计: 袁 泉

出版发行: 安徽教育出版社 (合肥市回龙桥路 1 号)

网 址: <http://www.ahep.com.cn>

经 销: 新华书店

排 版: 安徽飞腾彩色制版有限责任公司

印 刷: 合肥远东印刷厂

开 本: 787×1092 1/16

印 张: 35

字 数: 630 000

版 次: 2006 年 6 月第 1 版 2006 年 6 月第 1 次印刷

印 数: 10 00

定 价: 72.00 元

发现印装质量问题, 影响阅读, 请与我社发行部联系调换

电 话: (0551) 2822632

邮 编: 230063

丛刊前言

二十四史中的《汉书·地理志》、《续汉书·郡国志》、《晋书·地理志》、《宋书·州郡志》、《南齐书·州郡志》、《魏书·地形志》、《隋书·地理志》、《旧唐书·地理志》、《新唐书·地理志》、《旧五代史·郡县志》、《新五代史·职方考》、《宋史·地理志》、《辽史·地理志》、《金史·地理志》、《元史·地理志》、《明史·地理志》，习惯上总称“正史地理志”。这十六部正史地理志，记载西汉、东汉、晋、刘宋、南齐、北魏、隋、唐、五代、宋、辽、金、元、明各时代县以上行政区划的建制，有的还兼及其沿革与境内山川、城邑、乡聚、关隘、古迹、名胜、物产、户口、去州去京水陆道里，等等，是我国古代地理著作中最基本、最重要的一部分。认真阅读正史地理志，是每一个想了解、研究中国历史地理的学者的必由之路，必不可少的基本功。通常这十六部志都分散编次在二十四部正史中，检阅极为不便。清季广雅书局曾刻有《历代地理志汇编》，近半个世纪来久已绝迹于书坊，亦难以在各图书馆中觅得。本丛刊的第一步工作就是选择这十六部地理志的最善本汇为一编。

十六部正史地理志或多或少都存在着错误或遗漏。通行本《汉书》有颜师古注，《续汉书》有刘昭注补，读者藉颜、刘之注得对志文的缺谬稍稍得到些补正知识。但《晋书》以下并没有这样的注。清代考据学兴起后，重视历代地理沿革蔚为一时风气，不仅诸家笔记文集多有这方面的篇章条目，一些诸史考异商榷一类著作中，对地理志的考订往往特别丰富，还有不少对两汉、晋、宋、魏、隋等志的校注、补正、疏证、辨疑等专著。而所有这些注释考辨工作，对两《汉志》作出的成绩最大。因此清末王先谦编撰《汉书补注》、《后汉书集解》，汇集颜师古、李贤、刘昭以后诸家注释。《汉志》原来是《汉书》一百二十卷中的两卷，《续志》原来是《后汉书》一百二十卷中的五卷，一经加上《补注》、《集解》，《汉志》和《续志》的篇幅便都占了全书的十分之一。

可是时至今日，读两《汉志》又不应该满足于《汉书补注》、《后汉书集解》了。因为在这两部书之后八十多年来，学者们又作出了不少对两汉地

理能有所补益的新著。至于《晋志》以下,连清人的考订也还没有像王先谦《补注》、《集解》那样的著作为之汇集,当然更难看到所有前人已作出的研究成果。而为了让史学工作者特别是历史地理研究工作者能够接近全盘了解这些成果,从而在此基础上对正史地理志和历代政区沿革及其有关地理情况作出进一步认识研究,那么,广泛搜集有关论著,为每一部正史地理志作出尽可能完备的注释,无疑是比汇集地理志本文更有价值,也是最为艰巨的一项工程。这正是本丛刊准备对学术界——尤其是历史地理学、方志和地名学等方面的研究者——提供的主要贡献。

有关注释和论著的每一条资料不可能是全部可取的,每一个论点也不可能是全部正确的,当然要由编者予以判断、决定是非。取的都交代原著名或原作者;舍的一般不提,遇有影响较大的谬说,则须予以驳正。

十六部正史地理志原来的详难度既大不相同,后人注解考释的价值也迥不相侔。我们这几个编者只能每人认定一二部,按总编例,尽最大努力争取达到最高成就,但决不可能使所有原志中的问题全部得到解决,也不可能使各志的汇释都取得同样的或差不多的详密度和精确度,这是肯定的。所以这部丛刊只能基本上是前人研究成果的结集,加上少量编者所搜集到的有关资料和作出的新考证,只能说是对正史地理志的整理研究工作踏上了一个新阶段,当然不是说整理研究工作可以从此结束。

这一丛刊的准备工作已经进行了一段时间,但一直未能找到合适的出版社,因为在目前的情况下,一般的出版社由于经济上的原因,都难于接受这类学术性的著作。安徽教育出版社慨然以学术为重,不顾经济上可能的损失,准备出齐这套丛刊,这是值得学术界、出版界称赞的一件好事。

班固及其《汉书·地理志》

——代序

班固(32—92),字孟坚,东汉历史学家和文学家。其主要著作《汉书》是继《史记》之后的第二部正史,同时也是第一部断代史。

班固本人在中国地理学方面有着不可磨灭的贡献。

首先,他在《汉书》中列入《地理志》专篇,这个作法为后世大部分正史所遵奉,于是在二十四部正史中就有了十六部地理志(或名郡国志、州郡志),这些地理志为我们保留了一大批极可宝贵的古代地理学资料。因此,《汉书·地理志》(以下简称为《汉志》)的出现是有划时代意义的,班固的开创之功不可没。

其次,《汉志》本身从总的方面来看又是十六部地理志中最好的一部,后世的地理志没有哪一部能超过它所达到的水平。不但如此,它还是我国古代地理学史上最杰出的作品之一,能与它相提并论的只能数上《禹贡》、《水经注》和《徐霞客游记》而已。

在我国古代,地理学始终只是史学的附庸,认识地理主要是为了解经和读史,远未达到为地理而研究地理的水平。因此就班固在地理学方面的杰出贡献而言,说他以史学家身份而兼地理学家也并不过分。

历史文献中关于班固生平的记载并不多,只附见于《后汉书》其父《班彪传》中,而且其篇幅又大半为《两都赋》和《典引篇》所占去,难以详细了解班固撰写《汉书》的经过。只知他一生仕途很不顺利,虽才华横溢,而“位不过郎”。或者这正促使他愤然著书而获得成功。对于历史学家班固的成就,这里不来详加剖析。这里所写的只是通过《汉书》的成就来透视班固在地理学方面的贡献。

《汉志》的正文以平帝元始二年(公元2年)的行政地理(或称政区地理)为框架,将西汉一代的各种自然地理和人文地理现象分系于相关的政区之下,使人们能从政区的角度来了解各种地理现象的分布及其相互关系,这种编写体例,我们可称之为行政地理志。这种体例创自班固,表现了一种新的地理观——以人文地理为中心的地理观。在班固以前的地理著作,如《山海经》、《禹贡》、《职方》等,一般都以山川为主体,将地理现象分列于作者所拟定的地理区域中,而不注重疆域政区的现实情况。

新地理观的出现固然一方面反映了班固个人的识见,另一方面也是历史发展的必然产物。我国封建社会的行政区划起始于春秋战国之际,但其时尚未有

统一四海的封建国家出现,随后秦代虽然一统天下,又历时太短,唯有西汉是我国第一个长期稳定而又疆域广袤的封建大帝国,在二百年间,建置并完善了一套郡(王国)——县(邑、道、侯国)二级制的行政区划。正是这种长期实施的社会制度,促成了新地理观念的产生。而且这种观念随着大一统观念一起被长期继承下去,不但各正史地理志都以《汉志》为范本,即《元和郡县志》以下的历代全国地理总志也无不仿效其体例,只不过在内容上有所扩展而已。

《汉志》全文由三部分组成,所涉及的地理门类相当广泛,内容十分丰富。其前序部分照录《尚书·禹贡》和《周礼·职方》两篇文章,并述过三代以来的政治地理变化,表明作者的历史地理观点。其附录部分则采辑成帝时刘向所言的“域分”和朱赣所条的“风俗”,相当于现代的全国区域地理总志和风俗地理志的合篇。“域分”和“风俗”部分虽非班固所写,但他将这两篇材料加以组织并采入《汉志》之中,表明了他高人一着的见识。汉代以后,未必没有这样的作品出现,但却没有一篇由于其他正史地理志的采录而保留下来,从这一点来看,班固保存地理资料的功劳为许多后来者所不及。另外值得注意的是,附录中还保留有点滴域外地理(关于倭国)及一段弥足珍贵的海外交通路线的记载。

《汉志》正文部分的主体由平帝元始二年的 103 个郡国和 1587 个县邑道国的名称组成,是我国历史上第一份完备的行政地理实录,既反映了西汉末年的政区分布和疆域范围,也成为后代追寻政区建置来历的基础,在历史地理研究方面有重大的意义。

在行政地理的框架中,班固纳入其他门类的地理现象,将其分系于各有关的郡国和县道之下,组成一幅绚烂多采的西汉地理景观。

这些地理现象大略地如下。

自然地理:描述了全国三百多条水道的源出、流向、归宿和长度。实际上是《水经注》出现以前内容最丰富的水文地理著作。同时还有重要山岳方位的记录以及自然资源分布情况记载。

经济地理:有盐、铁、工官以及其他官营手工业机构分布情况。有屯田的记录,有水利渠道的建设。

人口地理:有各郡国及首都长安、少数重要郡国治所和县的户数和口数资料,是我国最早的人口分布记录,也是当时世界上最完善的人口统计材料。

文化地理:有陵邑、祖宗庙、神祠的分布,无异于一幅颇为详尽的宗教地理图。后世的地理志在这一方面始终未能有所超越。此外,还有历史意义的古国、古城及其他古迹的记载。

军事交通地理:有重要的关、塞、亭、障的分布以及通塞外道路的内容。

在记叙西汉当代地理情况的同时,班固还很重视历史地理资料的采录。除

在《汉志》卷首交代秦汉以前的沿革地理概况外,在正文中还叙述各郡国从秦代到王莽时的建置沿革。县一级政区并载明王莽的改名,体现出地理现象变化的连续性,从这方面看,《汉志》又是一部历史地理著作。

《汉志》内容的丰富,表明班固搜集资料用力之勤及整理排比能力之强,也反映了汉代社会文化高度发展的水平,已能对各种地理现象进行认真调查和考察,并留下详尽的记录。班固曾任兰台令,使他有机会接触大量典籍和官方文献,造就写出《汉志》的基础。

在历数《汉志》的优点之后,还必须指出它的不足之处。首先是行政地理志这一体例本身的缺陷。由于将地理现象分系于各有关郡县之下,就使得这些现象显得支离破碎,失去了系统性和完整性,对水道的描述尤其如此。其次是班固本人造成的错误。西汉政区的设置和废弃在二百年间是经常发生的,因此一讲行政地理就必须与一定的年代相联系。但是作为《汉志》主体的行政地理恰恰是两份不同断代年限的资料的混合,郡国一级的名目以元始二年初的版籍为据,而各郡国所属县邑却反映成帝元延绥和间的情况,由此产生了某些王国下属侯国这样与历史事实不符的矛盾。在自然地理方面也有类似情形。由于班固到底是专攻历史的专家,不注重地理的实践活动,未曾亲自从事考察,因此只能杂采诸记,揉合成志,因而产生一些毛病。如《汉志》记滹水东至文安入大河,其实是将《山经》滹水“东流注入河”的记载与汉代滹水东至文安入海的实际情况调和在一起,引起后人阅读和理解的困难。

但是,尽管有上述缺点,《汉志》仍不失为我国古代最杰出的地理著作之一,班固开创行政地理志体例的识见和保存西汉地理资料的功劳永远值得称道,班固的地理观也值得今人认真加以研究。

中国传统文化的主要特点之一就是重人文,轻自然,强调天人合一。班固的地理观正是这种文化精神的体现。这种精神长期延续的结果是利弊参半。利的一面是为我国保留了一大批有价值的人文地理资料,弊的一端却是妨碍了自然地理观念的发展,因而直到明末《徐霞客游记》出现之前,我国始终缺乏对自然地理现象进行科学描述和研究的专著,至多只有记录自然地理现象分布和简单描述的作品(即如《水经注》那样的水文地理专著,也还是偏重于人文地理内容的记录,而且这些内容主要得自于对大量六朝地志的出色剪裁,并非全是实地考察的结果)。因此夸大点说,班固的地理观在中国地学史上若隐若现地发挥了一千多年的影响,不管这一影响是利是弊,都应该引起我们的重视。

例 言

一、本书以虚受堂本王先谦《汉书补注》为工作本，边行点校与汇释。

二、汇释内容分为六类，按以下次序排列：

1. [颜注] 照录颜师古及其以前诸家对《地理志》所做的全部注释。

2. [补注] 采录王先谦补注中除《续汉书·郡国志》刘昭注及《水经注》外的全部内容。补注虽然搜罗繁富、采摭大备，但又失之枝蔓烦琐、篇幅臃肿，尤其引用《水经注》材料过多，而不尽得当，故本书只采用其中与阐释《地理志》有关的内容，以省篇幅。于刘注则只择其精要，以免与本丛书中的《郡国志集释》重复。

3. [中华校] 择录中华书局本校勘记中为补注本未包括的内容。

4. [集释] 收录补注以后近人今人对《地理志》的研究成果。间或有补注未收的古人重要的注释。

5. [编者按] 摘录编著者本人的研究结论。

6. 汉县今地的注释，单独列于汇释内容之最后，只注相对方位，具体位置以《中国历史地图集》第二册，西汉时期地图为准（遇《图集》有误，则在按语中说明）。

三、凡对《地理志》本文、本注及颜注的内容有删节或改动的字，一律用（ ）标示，增加或改定的字以[]标示，并出校。补注中的避讳字径行回改（如郑元改郑玄），不出校。补注明显误刊之字亦迳行改正，不出校。会引起异议的误刊字则加按语说明而不改动。

四、关于标点符号的使用：

1. 由于各类注释多非直接引用各家之说的原文，尤其补注所引多经剪裁截合，故引文一般不用引号。

2. 补注凡直接引用之说，皆称某某曰；转述之说则称某某云。故本书在曰之后用冒号，在云之后用逗号，以资区别。

3. 补注直接或间接引用之书名和篇名最为任意多样，且全书前后并不一致。如引《左传》就有左氏传、左襄十二年传、左哀传等区别；引《汉书·地理志》则有地理志、汉志、前志、班志、志之区别；甚至割裂篇名至难读，如“功臣当涂康侯魏不害表注九江”之类。故标点符号中以书名号最难标示（若旧式水波纹式书名号则易标），只能视具体情况而变通。至简称之纪、传、表、志，或本传，世家之类皆不标书名号，然《史表》、《续志》则标。两人并列之传则标成周勃、樊噲《传》，并以此类推。

五、补注于每县之下皆引《一统志》、（少数用《纪要》或他书，间或不引）文以释汉县相当清代某地，其释文正多误少。本书对于误释者基本上不予正讹，因已作今地注释，且将出之《中国历史地图集》释文对此会有详细阐述，无须重复。

六、文中繁写字一般都改为简写体，但遇有以异形字互释的情况，则保留其繁写体，如岳、嶽、湿、濕（溼）、传、傳、漂、漚等等，以存原文之指。此外，凡《汉书·地理志》志文地名中所存的异体字，也一应保留原字，不作简化处理，如藁、縉、於、濕、溼等字不改作稿、野、于、湿等。

目 录

总序	1
代序	1
例言	1

地理志上一

引论	1
----------	---

京兆尹(30)

长安(31)	新丰(31)
船司空(31)	蓝田(32)
华阴(32)	郑(33)
湖(33)	下邳(34)
南陵(34)	奉明(35)
霸陵(35)	杜陵(35)

左冯翊(35)

高陵(36)	栌阳(36)
翟道(36)	池阳(36)
夏阳(37)	衙(38)
粟邑(38)	谷口(38)
莲勺(38)	酈(39)
频阳(39)	临晋(39)
重泉(40)	郃阳(40)
投栩(40)	武城(41)
沈阳(41)	襄德(41)
徵(42)	云陵(42)
万年(42)	长陵(43)
阳陵(43)	云阳(43)

右扶风(44)

渭城(45)	槐里(45)
鄠(45)	盩厔(47)
陂(47)	郁夷(48)

美阳(48)	郿(49)
雍(49)	漆(50)
枸邑(50)	隃麋(51)
陈仓(51)	杜阳(51)
汧(52)	好畤(54)
虢(54)	安陵(55)
茂陵(55)	平陵(55)
武功(55)	

弘农郡(57)

弘农(57)	卢氏(57)
陕(58)	宜阳(59)
龟池(60)	丹水(60)
新安(61)	商(61)
析(61)	陆浑(62)
上雒(62)	

河东郡(63)

安邑(63)	大阳(64)
猗氏(64)	解(64)
蒲反(65)	河北(65)
左邑(66)	汾阴(66)
闻喜(66)	濩泽(66)
端氏(67)	临汾(67)
垣(67)	皮氏(68)
长脩(68)	平阳(68)

襄陵(69)	彘(69)	偃师(91)	京(91)
杨(69)	北屈(70)	平阴(91)	中牟(91)
蒲子(70)	绛(70)	平(93)	阳武(93)
狐谿(71)	骐(71)	河南(93)	缙氏(93)
太原郡(71)		卷(94)	原武(94)
晋阳(72)	葭人(72)	鞏(94)	穀成(94)
界休(73)	榆次(73)	故市(94)	密(95)
中都(73)	于离(74)	新成(95)	开封(95)
兹氏(74)	狼孟(74)	成皋(96)	苑陵(96)
邬(74)	孟(74)	梁(96)	新郑(97)
平陶(74)	汾阳(75)	东 郡(97)	
京陵(75)	阳曲(75)	濮阳(98)	观(98)
大陵(75)	原平(75)	聊城(99)	顿丘(99)
祁(75)	上艾(76)	发干(99)	范(99)
虑虓(76)	阳邑(76)	茌平(100)	东武阳(100)
广武(76)		博平(100)	黎(101)
上党郡(77)		清(101)	东阿(101)
长子(77)	屯留(78)	离狐(101)	临邑(101)
余吾(78)	铜鞮(78)	利苗(102)	须昌(102)
沾(79)	涅氏(80)	寿良(102)	乐昌(102)
襄垣(80)	壶关(80)	阳平(102)	白马(103)
兹氏(81)	高都(81)	南燕(103)	廩丘(103)
潞(81)	隋氏(82)	陈留郡(104)	
阳阿(82)	穀远(82)	陈留(104)	小黄(105)
河内郡(82)		成安(105)	宁陵(105)
怀(83)	汲(83)	雍丘(105)	酸枣(105)
武德(83)	波(84)	东昏(106)	襄邑(106)
山阳(84)	河阳(84)	外黄(106)	封丘(106)
州(84)	共(84)	长罗(107)	尉氏(107)
平皋(85)	朝歌(85)	偃(107)	长垣(107)
脩武(85)	温(86)	平丘(107)	济阳(107)
圉王(86)	获嘉(86)	浚仪(108)	
轵(86)	沁水(86)	颍川郡(108)	
隆虑(86)	荡阴(87)	阳翟(109)	昆阳(110)
河南郡(87)		颍阳(110)	定陵(110)
雒阳(89)	荥阳(90)	长社(110)	新汲(110)

襄城(110)	郾(111)	临颍(112)	父城(112)
郟(111)	舞阳(111)	成安(113)	周承休(113)
颍阴(111)	密高(111)	阳城(113)	纶氏(114)
许(112)	偃陵(112)		

地理志上二

汝南郡(115)		舞阴(128)	西鄂(128)
平舆(116)	阳安(116)	穰(128)	郾(128)
阳城(116)	滢强(117)	安众(129)	冠军(129)
富波(117)	女阳(117)	比阳(129)	平氏(129)
鲟阳(117)	吴房(118)	随(130)	叶(130)
安成(118)	南顿(119)	邓(131)	朝阳(131)
朗陵(119)	细阳(119)	鲁阳(131)	舂陵(132)
宜春(119)	女阴(119)	新都(132)	湖阳(132)
新蔡(120)	新息(120)	红阳(133)	乐成(133)
濯阳(120)	期思(120)	博望(133)	复阳(133)
慎阳(120)	慎(121)	南 郡(133)	
召陵(121)	弋阳(121)	江陵(134)	临沮(134)
西平(121)	上蔡(121)	夷陵(135)	华容(135)
滹(121)	西华(122)	宜城(135)	郢(135)
长平(122)	宜禄(122)	郢(136)	当阳(136)
项(122)	新鄴(122)	中庐(136)	枝江(136)
归德(122)	新阳(122)	襄阳(136)	编(136)
安昌(123)	安阳(123)	秭归(137)	夷道(137)
博阳(123)	成阳(123)	州陵(137)	若(137)
定陵(123)		巫(138)	高成(138)
南阳郡(124)		江夏郡(139)	
宛(125)	犍(125)	西陵(140)	竟陵(140)
杜衍(125)	鄢(125)	西阳(141)	襄(141)
育阳(125)	博山(126)	郟(141)	软(141)
涅阳(126)	阴(126)	鄂(141)	安陆(141)
堵阳(126)	雒(126)	沙羨(142)	蕲春(142)
山都(127)	蔡阳(127)	郢(142)	云杜(142)
新野(127)	筑阳(127)	下雒(142)	钟武(143)
棘阳(127)	武当(128)		

庐江郡(143)

舒(145)	居巢(145)
龙舒(145)	临湖(146)
雩娄(146)	襄安(146)
枞阳(146)	寻阳(146)
灊(147)	皖(147)
湖陵邑(148)	松兹(148)

九江郡(148)

寿春邑(149)	浚道(149)
成德(149)	橐皋(149)
阴陵(149)	历阳(149)
当涂(150)	钟离(150)
合肥(150)	东城(150)
博乡(151)	曲阳(151)
建阳(151)	全椒(151)
阜陵(151)	

山阳郡(151)

昌邑(152)	南平阳(152)
成武(153)	湖陵(153)
东缙(154)	方与(154)
橐(154)	钜野(154)
单父(154)	薄(155)
都关(155)	城都(155)
黄(155)	爰戚(155)
郛成(156)	中乡(156)
平乐(156)	郑(156)
瑕丘(156)	留乡(157)
栗乡(157)	曲乡(157)
西阳(157)	

济阴郡(158)

定陶(158)	冤句(159)
吕都(159)	葭密(159)
成阳(159)	鄆城(160)
句阳(160)	柰(160)
乘氏(161)	

沛郡(163)

相(163)	龙亢(164)
竹(164)	穀阳(164)
萧(164)	向(164)
铎(165)	广戚(165)
下蔡(165)	丰(165)
邾(165)	譙(166)
蕲(166)	屯(166)
辄与(166)	山桑(166)
公丘(167)	符离(167)
敬丘(167)	夏丘(168)
洨(168)	沛(168)
芒(169)	建成(169)
城父(169)	建平(169)
酇(170)	栗(170)
扶阳(170)	高(170)
高柴(170)	漂阳(170)
平阿(171)	东乡(171)
临都(171)	义成(171)
祁乡(171)	

魏郡(171)

邺(172)	馆陶(172)
斥丘(173)	沙(173)
内黄(173)	清渊(173)
魏(174)	繁阳(174)
元城(174)	梁期(174)
黎阳(174)	即裴(174)
武始(175)	邯会(175)
阴安(176)	平恩(176)
邯沟(176)	武安(176)

钜鹿郡(177)

钜鹿(177)	南谿(178)
广阿(178)	象氏(178)
廙陶(178)	宋子(178)
杨氏(179)	临平(179)
下曲阳(179)	贯(179)

郾(179)	新市(179)	武垣(197)	阿陵(197)
堂阳(180)	安定(180)	阿武(197)	高郭(198)
敬武(180)	历乡(180)	新昌(198)	
乐信(180)	武陶(181)	勃海郡(198)	
柏乡(181)	安乡(181)	浮阳(199)	阳信(199)
常山郡(181)		东光(199)	阜城(199)
元氏(181)	石邑(182)	千童(199)	重合(199)
桑中(183)	灵寿(183)	南皮(200)	定(200)
蒲吾(183)	上曲阳(184)	章武(200)	中邑(200)
九门(184)	井陉(185)	高成(200)	高乐(200)
房子(185)	中丘(185)	参户(200)	成平(201)
封斯(186)	关(186)	柳(201)	临乐(201)
平棘(186)	鄯(186)	东平舒(201)	重平(201)
乐阳(187)	平台(187)	安次(202)	脩市(202)
都乡(187)	南行唐(187)	文安(202)	景成(202)
清河郡(188)		束州(202)	建成(202)
清阳(188)	东武城(188)	章乡(202)	蒲领(203)
绎幕(189)	灵(189)	平原郡(203)	
厓(189)	郃(189)	平原(204)	鬲(204)
贝丘(189)	信成(190)	高唐(204)	重丘(205)
愍题(190)	东阳(190)	平昌(205)	羽(205)
信乡(191)	繆(191)	般(205)	乐陵(205)
枣强(191)	复阳(191)	祝阿(205)	瑗(206)
涿郡(191)		阿阳(206)	漯阴(206)
涿(192)	迺(193)	朐(207)	富平(207)
穀丘(193)	故安(193)	安惠(207)	合阳(207)
南深泽(194)	范阳(194)	楼虚(207)	龙额(208)
蠡吾(194)	容城(194)	安(208)	
易(194)	广望(195)	千乘郡(208)	
郑(195)	高阳(195)	千乘(209)	东邹(209)
州乡(195)	安平(195)	涇沃(209)	平安(209)
樊舆(195)	成(196)	博昌(210)	蓼城(210)
良乡(196)	利乡(196)	建信(210)	狄(210)
临乡(196)	益昌(196)	琅槐(210)	乐安(211)
阳乡(197)	西乡(197)	被阳(211)	高昌(211)
饶阳(197)	中水(197)	繁安(211)	高宛(211)

延乡(211)

济南郡(212)

东平陵(213)

台(213)

土鼓(213)

阳丘(213)

菅(214)

历城(214)

著(215)

泰山郡(215)

奉高(216)

荏(216)

肥成(217)

刚(217)

盖(218)

东平阳(218)

莱芜(219)

嬴(220)

蒙阴(220)

宁阳(221)

富阳(221)

桃乡(222)

邹平(213)

梁邹(213)

於陵(213)

般阳(214)

朝阳(214)

獠(214)

宜成(215)

博(216)

卢(217)

蚡丘(217)

柴(217)

梁父(218)

南武阳(218)

钜平(220)

牟(220)

华(220)

乘丘(221)

桃山(221)

式(222)

齐郡(222)

临淄(223)

利(224)

钜定(225)

广饶(225)

临胸(225)

平广(226)

北海郡(226)

营陵(227)

安丘(227)

淳于(228)

平寿(228)

都昌(229)

平的(229)

寿光(230)

饶(230)

桑犊(230)

密乡(231)

乐都(231)

上乡(231)

成乡(231)

昌国(224)

西安(224)

广(225)

昭南(225)

北乡(226)

台乡(226)

剧魁(227)

辄(227)

益(228)

剧(229)

平望(229)

柳泉(230)

乐望(230)

斟(230)

平城(230)

羊石(231)

石乡(231)

新成(231)

胶阳(232)

地理志上三

东莱郡(233)

掖(233)

平度(234)

临胸(235)

牟平(235)

轸(236)

昌阳(236)

当利(237)

阳乐(237)

徐乡(237)

睡(233)

黄(234)

曲成(235)

东牟(236)

育犁(236)

不夜(236)

卢乡(237)

阳石(237)

琅邪郡(238)

东武(238)

海曲(239)

朱虚(239)

梧成(240)

姑幕(241)

临原(241)

菽(241)

餅(242)

零段(242)

云(243)

不其(239)

赣榆(239)

诸(240)

灵门(240)

虚水(241)

琅邪(241)

柎(242)

邾(242)

黔陬(243)

计斤(243)

稻(243)	皋虞(243)
平昌(243)	长广(243)
横(244)	东莞(244)
魏其(244)	昌(244)
兹乡(245)	箕(245)
裨(245)	高广(245)
高乡(245)	柔(245)
即来(246)	丽(246)
武乡(246)	伊乡(246)
新山(246)	高阳(246)
昆山(246)	参封(246)
折泉(246)	博石(246)
房山(247)	慎乡(247)
驷望(247)	安丘(247)
高陵(247)	临安(247)
石山(247)	

东海郡(248)

郯(248)	兰陵(248)
襄贲(249)	下邳(249)
良成(249)	平曲(249)
戚(249)	胸(250)
开阳(250)	费(250)
利成(250)	海曲(250)
兰祺(250)	缙(251)
南成(251)	山乡(251)
建乡(251)	即丘(251)
祝其(251)	临沂(251)
厚丘(252)	容丘(252)
东安(252)	合乡(252)
承(252)	建阳(253)
曲阳(253)	司吾(253)
于乡(253)	平曲(253)
都阳(253)	阴平(254)
郳乡(254)	武阳(254)
新阳(254)	建陵(254)
昌虑(254)	都平(254)

临淮郡(255)

徐(255)	取虑(256)
淮浦(256)	盱眙(256)
朐犹(256)	僮(257)
射阳(257)	开阳(257)
贲其(257)	高山(257)
睢陵(257)	盐渼(257)
淮阴(257)	淮陵(257)
下相(257)	富陵(258)
东阳(258)	播旌(258)
西平(258)	高平(258)
开陵(258)	昌阳(258)
广平(258)	兰阳(259)
襄平(259)	海陵(259)
舆(259)	堂邑(259)
乐陵(259)	

会稽郡(260)

吴(261)	曲阿(262)
乌伤(262)	毗陵(262)
馀暨(263)	阳羨(263)
诸暨(263)	无锡(263)
山阴(263)	丹徒(264)
馀姚(264)	娄(264)
上虞(264)	海盐(265)
剡(265)	由拳(265)
大末(265)	乌程(266)
句章(266)	馀杭(266)
鄞(267)	钱唐(268)
鄞(268)	富春(269)
冶(269)	回浦(269)

丹扬郡(269)

宛陵(271)	於潛(271)
江乘(271)	春穀(271)
秣陵(271)	故鄣(271)
句容(272)	泾(272)
丹阳(272)	石城(273)

胡孰(274) 陵阳(274)

芜湖(274) 黟(275)

溧阳(276) 歙(276)

宣城(277)

豫章郡(277)

南昌(278) 庐陵(278)

彭泽(278) 鄱阳(278)

历陵(279) 徐汗(279)

柴桑(279) 艾(280)

赣(280) 新淦(280)

南城(280) 建成(281)

宜春(281) 海昏(281)

雩都(281) 鄡阳(282)

南野(282) 安平(282)

桂阳郡(283)

郴(283) 临武(283)

便(284) 南平(285)

耒阳(285) 桂阳(285)

阳山(286) 曲江(286)

含洑(286) 浚阳(286)

阴山(286)

武陵郡(288)

索(288) 孱陵(288)

临沅(288) 沅陵(288)

鐔成(289) 无阳(289)

迁陵(289) 辰阳(289)

酉阳(290) 义陵(290)

佷山(290) 零阳(291)

充(291)

零陵郡(292)

零陵(292) 营道(293)

始安(293) 夫夷(293)

营浦(293) 都梁(293)

泠道(293) 泉陵(294)

洮阳(294) 钟武(294)

汉中郡(294)

西城(295) 旬阳(295)

南郑(295) 褒中(295)

房陵(296) 安阳(296)

成固(297) 沔阳(297)

钲(297) 武陵(297)

上庸(298) 长利(298)

广汉郡(298)

梓潼(299) 汁方(299)

涪(299) 雒(299)

绵竹(300) 广汉(300)

葭明(300) 鄠(300)

新都(300) 甸氏道(300)

白水(301) 刚氏道(301)

阴平道(301)

蜀郡(301)

成都(302) 郫(302)

繁(303) 广都(303)

临邛(303) 青衣(304)

江原(304) 严道(305)

绵虬(305) 旄牛(306)

徙(306) 湔氏道(307)

汶江(308) 广柔(309)

蚕陵(309)

犍为郡(309)

犍道(309) 江阳(310)

武阳(310) 南安(310)

资中(310) 符(310)

牛鞞(310) 南广(311)

汉阳(311) 郫郫(312)

朱提(312) 堂琅(312)

越巂郡(313)

邛都(313) 遂久(313)

灵关道(314) 台登(314)

定笮(314) 会无(315)

笮秦(315) 大笮(315)

姑复(315)	三绛(315)	牂柯郡(329)	
苏示(315)	阰(316)	故且兰(329)	鐔封(330)
卑水(316)	灞街(316)	暨(330)	漏卧(331)
青蛉(318)		平夷(331)	同井(331)
益州郡(321)		谈指(331)	宛温(332)
滇池(321)	双柏(322)	毋敛(332)	夜郎(332)
同劳(322)	铜濑(322)	毋单(333)	漏江(333)
连然(322)	俞元(322)	西随(333)	都梦(333)
收靡(323)	穀昌(324)	谈藁(333)	进桑(333)
秦臧(324)	邪龙(324)	句町(334)	
味(324)	昆泽(324)	巴 郡(334)	
叶榆(325)	律高(325)	江州(335)	临江(335)
不韦(325)	云南(326)	枳(335)	阆中(335)
嵩唐(326)	弄栋(326)	垫江(335)	胸忍(335)
比苏(327)	賁古(327)	安汉(336)	宕渠(336)
毋极(327)	胜休(328)	鱼复(337)	充国(337)
健伶(328)	来唯(328)	涪陵(337)	

地理志下一

武都郡(338)		金城(346)	榆中(346)
武都(338)	上禄(339)	枹罕(346)	白石(346)
故道(339)	河池(339)	河关(347)	破羌(348)
平乐道(340)	沮(340)	安夷(349)	允街(349)
嘉陵道(340)	循成道(340)	临羌(349)	
下辨道(340)		天水郡(350)	
陇西郡(341)		平襄(350)	街泉(350)
狄道(341)	上邦(341)	戎邑道(350)	望垣(350)
安故(342)	氐道(342)	罕开(350)	绵诸道(351)
首阳(342)	予道(343)	阿阳(351)	略阳道(351)
大夏(343)	羌道(343)	冀(351)	勇士(351)
襄武(343)	临洮(343)	成纪(351)	清水(351)
西(344)		奉捷(352)	陇(352)
金城郡(344)		獾道(352)	兰干(352)
允吾(345)	浩亶(345)	武威郡(352)	
令居(346)	枝阳(346)	姑臧(355)	张掖(355)

武威(355) 休屠(356)
 掾次(356) 鸾鸟(356)
 扑剌(356) 媼围(357)
 苍梧(357) 宣威(357)

张掖郡(357)

觶得(358) 昭武(358)
 删丹(358) 氏池(359)
 屋兰(359) 日勒(359)
 骊靬(359) 番和(359)
 居延(359) 显美(360)

酒泉郡(360)

禄福(361) 表是(361)
 乐涫(361) 天依(362)
 玉门(362) 会水(362)
 池头(362) 绥弥(362)
 乾齐(362)

敦煌郡(362)

敦煌(364) 冥安(364)
 效穀(365) 渊泉(365)
 广至(365) 龙勒(366)

安定郡(366)

高平(367) 复累(367)
 安俾(367) 抚夷(367)
 朝那(367) 泾阳(367)
 临泾(368) 鹵(368)
 乌氏(368) 阴密(369)
 安定(369) 参繇(369)
 三水(369) 阴槃(369)
 安武(370) 祖厉(370)
 爱得(370) 胸卷(370)
 彭阳(370) 鹑阴(370)

月氏道(370)

北地郡(371)

马领(371) 直路(371)
 灵武(371) 富平(372)
 灵州(372) 眴衍(372)

方渠(373) 除道(373)
 五街(373) 鹑孤(373)
 归德(373) 回获(374)
 略畔道(374) 泥阳(374)
 郁郅(374) 义渠道(375)
 弋居(375) 大夏(375)

廉(375)

上郡(375)

膚施(376) 独乐(376)
 阳周(376) 木禾(377)
 平都(377) 浅水(377)
 京室(377) 洛都(377)
 白土(377) 襄洛(378)
 原都(378) 漆垣(378)
 奢延(378) 雕阴(378)
 推邪(378) 桢林(378)
 高望(378) 雕阴道(378)
 龟兹(379) 定阳(379)
 高奴(379) 望松(379)
 宜都(379)

西河郡(380)

富昌(380) 眴虞(380)
 鹄泽(381) 平定(381)
 美稷(381) 中阳(381)
 乐街(381) 徒经(381)
 皋狼(381) 大成(381)
 广田(381) 圜阴(381)
 益阾(382) 平周(382)
 鸿门(382) 蔺(382)
 宣武(382) 千章(382)
 增山(382) 圜阳(383)
 广衍(383) 武车(383)
 虎猛(383) 离石(383)
 穀罗(383) 饶(383)
 方利(383) 隰成(384)
 临水(384) 土军(384)

- | | | | |
|----------|---------|-----------|----------|
| 西都(384) | 平陆(384) | 武州(395) | 涅陶(395) |
| 阴山(384) | 觥是(384) | 剧阳(395) | 崞(395) |
| 博陵(384) | 盐官(384) | 平城(395) | 埒(395) |
| 朔方郡(384) | | 马邑(395) | 疆阴(396) |
| 三封(384) | 朔方(386) | 代 郡(396) | |
| 修都(386) | 临河(386) | 桑乾(397) | 道人(397) |
| 呼道(386) | 窳浑(386) | 当城(397) | 高柳(397) |
| 渠搜(386) | 沃壑(387) | 马城(397) | 班氏(397) |
| 广牧(387) | 临戎(387) | 延陵(397) | 标氏(398) |
| 五原郡(387) | | 且如(398) | 平邑(399) |
| 九原(388) | 固陵(388) | 阳原(399) | 东安阳(399) |
| 五原(388) | 临沃(388) | 参合(399) | 平舒(399) |
| 文国(388) | 河阴(388) | 代(399) | 灵丘(399) |
| 蒲泽(388) | 南兴(388) | 广昌(400) | 鹵城(400) |
| 武都(388) | 宜梁(388) | 上谷郡(402) | |
| 曼柏(388) | 成宜(388) | 沮阳(402) | 泉上(402) |
| 稠阳(389) | 莫𪚩(389) | 潘(402) | 军都(403) |
| 西安阳(389) | 河目(389) | 居庸(403) | 雌督(403) |
| 云中郡(389) | | 夷舆(403) | 宁(404) |
| 云中(390) | 咸阳(390) | 昌平(404) | 广宁(404) |
| 陶林(390) | 桢陵(390) | 涿鹿(404) | 且居(404) |
| 楼和(390) | 沙陵(390) | 茹(404) | 女祁(404) |
| 原阳(390) | 沙南(390) | 下落(404) | |
| 北舆(391) | 武泉(391) | 渔阳郡(405) | |
| 阳寿(391) | | 渔阳(405) | 狐奴(405) |
| 定襄郡(391) | | 路(405) | 雍奴(405) |
| 成乐(392) | 桐过(392) | 泉州(406) | 平谷(406) |
| 都武(392) | 武进(392) | 安乐(406) | 庠奚(406) |
| 襄阴(392) | 武皋(392) | 犴平(406) | 要阳(406) |
| 骆(393) | 定陶(393) | 白檀(406) | 滑盐(407) |
| 武城(393) | 武要(393) | 右北平郡(408) | |
| 定襄(393) | 复陆(393) | 平刚(408) | 无终(408) |
| 雁门郡(393) | | 石成(409) | 廷陵(409) |
| 善无(394) | 沃阳(394) | 俊靡(409) | 资(409) |
| 繁峙(394) | 中陵(394) | 徐无(409) | 字(409) |
| 阴馆(394) | 楼烦(395) | 土垠(409) | 白狼(410) |

夕阳(410)	昌城(410)
骊成(410)	广成(411)
聚阳(411)	平明(411)
辽西郡(411)	
且虑(412)	海阳(412)
新安平(412)	柳城(412)
令支(413)	肥如(413)
宾从(414)	交黎(414)
阳乐(414)	狐苏(414)
徒河(415)	文成(415)
临渝(415)	条(415)
辽东郡(416)	
襄平(416)	新昌(416)
无虑(416)	望平(417)
房(417)	候城(417)
辽队(417)	辽阳(417)
险渚(418)	居就(418)
高显(418)	安市(418)
武次(418)	平郭(418)

西安平(418)	文(418)
番汗(419)	沓氏(419)
玄菟郡(419)	
高句骊(420)	上殷台(421)
西盖马(421)	
乐浪郡(421)	
朝鲜(422)	诃邯(422)
浞水(422)	含资(422)
黏蝉(423)	遂成(423)
增地(423)	带方(423)
骊望(423)	海冥(423)
列口(423)	长岑(423)
屯有(424)	昭明(424)
镂方(425)	提奚(425)
浑弥(425)	吞列(425)
东曦(425)	不而(426)
蚕台(426)	华丽(426)
邪头昧(426)	前莫(427)
夫租(427)	

地理志下二

南海郡(428)	
番禺(428)	博罗(428)
中宿(428)	龙川(429)
四会(429)	揭阳(429)
郁林郡(429)	
布山(429)	安广(429)
阿林(430)	广郁(430)
中留(431)	桂林(431)
潭中(431)	临尘(431)
定周(431)	增食(432)
领方(432)	雍鸡(432)
苍梧郡(432)	
广信(433)	谢沐(433)
高要(433)	封阳(433)

临贺(433)	端谿(433)
冯乘(433)	富川(433)
荔蒲(433)	猛陵(434)
交趾郡(434)	
羸陵(434)	安定(435)
苟扁(435)	麓冷(435)
曲易(435)	北带(435)
稽徐(435)	西于(435)
龙编(435)	朱戟(436)
合浦郡(436)	
徐闻(436)	高凉(437)
合浦(437)	临允(437)
朱卢(437)	

- | | | | |
|-----------------|---------|-----------------|----------|
| 九真郡(437) | | 武邑(454) | 观津(454) |
| 胥浦(438) | 居风(438) | 高隄(454) | 广川(454) |
| 都庞(438) | 余发(438) | 乐乡(454) | 平隄(455) |
| 咸驩(438) | 无切(438) | 桃(455) | 西梁(455) |
| 无编(438) | | 昌成(455) | 东昌(455) |
| 日南郡(439) | | 脩(455) | |
| 朱吾(440) | 比景(440) | 河间国(456) | |
| 卢容(440) | 西捲(440) | 乐成(456) | 候井(456) |
| 象林(441) | | 武隧(456) | 弓高(457) |
| 赵 国(441) | | 广阳国(457) | |
| 邯鄲(441) | 易阳(442) | 蓟(458) | 方城(458) |
| 柏人(442) | 襄国(442) | 广阳(458) | 阴乡(458) |
| 广平国(443) | | 留川国(459) | |
| 广平(444) | 张(444) | 剧(459) | 东安平(460) |
| 朝平(444) | 南和(444) | 楼乡(460) | |
| 列人(445) | 斥章(445) | 胶东国(460) | |
| 任(445) | 曲周(445) | 即墨(461) | 昌武(461) |
| 南曲(445) | 曲梁(445) | 下密(461) | 壮武(461) |
| 广乡(446) | 平利(446) | 郁秩(462) | 挺(462) |
| 平乡(446) | 阳台(446) | 观阳(462) | 邹卢(462) |
| 广年(446) | 城乡(447) | 高密国(462) | |
| 真定国(447) | | 高密(462) | 昌安(463) |
| 真定(447) | 襄城(447) | 石泉(463) | 夷安(463) |
| 肥彘(447) | 绵曼(448) | 成乡(463) | |
| 中山国(448) | | 城阳国(463) | |
| 卢奴(448) | 北平(449) | 莒(464) | 阳都(464) |
| 北新成(449) | 唐(449) | 东安(464) | 虑(464) |
| 深泽(449) | 苦陉(450) | 淮阳国(465) | |
| 安国(450) | 曲逆(450) | 陈(465) | 苦(466) |
| 望都(450) | 新市(451) | 阳夏(466) | 宁平(466) |
| 新处(451) | 毋极(451) | 扶沟(466) | 固始(467) |
| 陆成(451) | 安险(451) | 圉(467) | 新平(467) |
| 信都国(451) | | 柘(467) | |
| 信都(451) | 历(453) | 梁 国(467) | |
| 扶柳(453) | 辟阳(454) | 碭(470) | 留(470) |
| 南宫(454) | 下博(454) | 杼秋(470) | 蒙(470) |

已氏(471)	虞(471)	凌(480)	泗阳(480)
下邑(471)	睢阳(471)	于(480)	
东平国(472)		广陵国(480)	
无盐(472)	任城(473)	广陵(481)	江都(481)
东平陆(473)	富城(473)	高邮(482)	平安(482)
章(473)	亢父(473)	六安国(482)	
樊(473)		六(483)	蓼(483)
鲁国(474)		安丰(484)	安风(484)
鲁(475)	卞(475)	阳泉(484)	
汶阳(476)	蕃(476)	长沙国(484)	
骆(476)	薛(477)	临湘(485)	罗(485)
楚国(478)		连道(485)	益阳(485)
彭城(478)	留(478)	下隲(485)	收(486)
梧(478)	傅阳(479)	酃(486)	承阳(486)
吕(479)	武原(479)	湘南(486)	昭陵(486)
留丘(479)		茶陵(486)	容陵(487)
泗水国(479)		安成(487)	

总论	488
主要参考文献	520
地名笔划索引	524

引 论

昔在黄帝，作舟车以济不通，

【补注】先谦曰：《御览·舟部》引《世本》共鼓、货狄作舟。注云，黄帝二臣。《释名》黄帝造车，故号轩辕氏。《易·系辞》舟楫之利，以济不通。

旁行天下，

【颜注】师古曰：旁行，谓四出而行之。

【补注】先谦曰：《广雅·释诂》旁，广也。亦与方通用。《齐语》以方行于天下。韦注，方，犹横也。广横一义。

方制万里，画壑分州，

【颜注】师古曰：方制，制为方域也。画，谓为之界也。壑，古野字。画音获。

【补注】王先慎曰：《广雅·释诂》方，始也。言黄帝遍行天下，始裁制万里，区别州野，颜说误。先谦曰：《说文》州，畴也。畴其土而生之。《释名》州，注也。郡国所注仰。

得百里之国万区。

【补注】先谦曰：《御览·封建部》引《东观汉记》博士丁恭等议云，古

帝王封诸侯，不过百里，故利于建侯，取法于雷。《黄帝纪》置左右大监，监于万国。《封禅书》黄帝时，万诸侯。是故《易》称：“先王（以）建万国，亲诸侯”，

【颜注】师古曰：《易·比卦》象辞。

【补注】王念孙曰：建上本无以字，此后人依《易·象传》加之也。孟坚引《易》以证上文百里之国万区。加一以字，则累于词矣。景祐本无以字。《书》云：“协和万国”，

【颜注】师古曰：《虞书·尧典》之辞也。

此之谓也。尧遭洪水，

【补注】钱坫曰：《说文》洪，洚水也。洚水不遵道也。《史记》作鸿水，字通。

裹山襄陵，

【颜注】师古曰：裹字与（古）怀（字）同。怀，包也。裹，驾也。言水大泛溢，包山而驾陵也。

【补注】钱坫曰：裹，古正字。汪远孙曰：北宋本无古、字二字。

天下分绝，为十二州，

【颜注】师古曰：九州之外，有并州、幽州、营州、故曰十二。水中可居者曰州。洪水泛大，各就高陆，人之所居，凡十二处。

【补注】宋祁曰：注文，南本无九州以下十五字。景本元注末凡十二处四字。钱坫曰：九州之名，《禹贡》、《周官》而下，又有《尔雅》。冀州之外，有幽州，以青州为营州，无梁州。郭璞以为是殷制。《说苑》以营州为青州，余与《尔雅》同。《尚书》十二州，伪孔传以为禹治水之后，舜分冀州为幽州、并州，青州为营州，与此云云不合，非也。先谦曰：《谷永传》，永奏云，尧遭洪水之灾，天下分绝为十二州。《尧典》：肇十有二州。郑注，舜以青州越海，而分齐为营州。冀州南北太远，分卫为并州。燕以北为幽州。新置三州，并旧为十二州。说与此同。时舜摄政，尧尚在，故此言尧也。马融以为禹平水土，置九州。舜分为十二州，在九州后，此古文异说，非是。王应麟《通鉴地理通释》云：《舜典》言肇十二州，咨十二牧，而后命禹平水土，当以《汉志》为正。使禹治之。水土既平，更制九州，

【补注】先谦曰：陈祥道《礼书》云，《礼》言共工霸九州。《黄帝书》言地有九州。则尧以前九州耳。及水土既平，禹又即旧域而辨之，以为九州。故《书》言禹别九州，《传》言贡金九牧也。列五服，

【颜注】师古曰：其数在下也。

任土作贡。

【颜注】师古曰：任其土地所有，以定贡赋之差也。

【补注】钱坫曰：贡，其书篇名也。先谦曰：《志》明言任土作贡。又据沟洫、食货两《志》，贡皆作贡赋解，钱说谬。

曰：禹敷土，

【颜注】师古曰：敷，分也。谓分别治之。自此以下，皆是《夏书·禹贡》之文。

【补注】先谦曰：敷，《夏纪》作傅。段玉裁、成蓉镜定敷为古文，傅为今文。案下敷浅原，志仍作敷。而豫章历陵下云：傅易山，古文以为傅浅原。是古文作傅，不必定作敷。今文作敷，不必定作傅。班氏世传夏侯《尚书》，三家异字，亦有与古文会者（详皮锡瑞《今文尚书考证》）。且《汉书》本多假借古字，不得执一二异字，以为今古文尚书之证。段云：班用今文，浅人改傅为敷。成云：班用古文，故作敷，不作傅。皆非也。至班氏学宗今文，兼采古文。《后书》称其学无常师，显然可证。此志所用古文，皆特著之。下云古文以为，及桑钦所言，是也。余称《禹贡》皆是今文。盖地理之学，或今文说解不全，或后儒征引较塙。学问之途日开，择善而从，通人不废，以大体论。后汉皆祖述今文，其古文虽立学官，尊信者少，至郑氏以大儒倡明古文，举世争趋，风气一变，千载以下，今文一线，殆将废绝。就其时代，推究义例，犹存旧观，徒比附较论于文字异同，转失之

矣。

随山栞木，奠高山大川。

【颜注】师古曰：栞，古刊字也。奠，定也。言禹随行山之形状，则刊斫其木，以为表记，决水通道，故高山大川，各得安定也。

【补注】钱坫曰：奠，祭也。先谦曰：官本，安定也，作其安定。《说文》栞，槎识也。引《书》随山栞木。《夏纪》作行山表木。用故训代经也。《纪》奠作定，足征钱说之非。

冀州既载，

【颜注】师古曰：两河间曰冀州。载，始也。冀州，尧所都，故禹治水自冀州始也。

【补注】汪远孙曰：《禹贡释文》引韦昭曰：载，事也。与郑注《尚书》合。先谦曰：《吕览·有始篇》：两河之间为冀州，晋也。高诱注：东至清河，西至西河。颜及张守节《史·正义》，并从载字断句。说者谓《夏纪》作禹行自冀州始。训载为始。是今文说。案《史记》始下，仍有冀州既载句。则上句史公叙述之词，不必执为今文训始之证。

壶口治梁及岐。

【颜注】师古曰：壶口山在河东。梁山在夏阳。岐山在美阳，即今之岐州岐山县箭括岭也。禹循山而西，治众水。

【补注】先谦曰：本志冯翊夏阳下云，梁山在西北。壶口、岐山，见下道山。

既修太原，至于嶽阳。

【颜注】师古曰：太原，即今之晋

阳是也。嶽阳在太原西南。

【补注】汪远孙曰：案《说文》，嶽岳一字。先谦曰：晋阳，今太原府太原县。嶽即太嶽，见道山。

覃怀底绩，至于衡章。

【颜注】师古曰：覃怀，近河地名也。底，致也。绩，功也。衡章，谓章水横流而入河也。言禹于覃怀致功，以至衡章也。底，音之履反。

【补注】钱坫曰：章字同漳。漳水过邺县以下，称衡漳。汪远孙曰：底当作底。先谦曰：《夏纪》底绩作致功。郑注：衡漳，漳水横流入河。覃怀为县名，属河内。《索隐》河内有怀县。今验地无名覃者，盖覃怀二字，当时共为一地之名。先谦案，郑读衡为横，用今文说。马融以衡漳为二水名，王肃从之。此古文说。上党长子下云：鹿谷山，浊漳水所出，东至邺，入清漳。沾下云：大龟谷，清漳水所出，东北至阜成，入大河。

厥土惟白壤。

【颜注】师古曰：柔土曰壤。

【补注】钱坫曰：《释名》：壤，濡也。肥濡意也。依字，厥应作昏，经典通借厥。先谦曰：《夏纪》厥改其，下并同。土下无惟字。

厥赋上上错，

【颜注】师古曰：赋者，发敛土地所生之物以供天子也。上上，第一也。错，杂也。言赋第一，又杂出诸品也。

【补注】先谦曰：《夏纪》无厥字。厥田中中。

【颜注】师古曰：言其高下之形，总于九州之中，为第五也。一曰，为

其肥瘠之等差也。它皆类此。

【补注】皮锡瑞曰：叙传云，坤作地势，高下九则。刘德注：九则，九州土田上中下九等也。班氏以高下九则属地势，则颜前说为正。先谦曰：《夏纪》无厥字。

恒、卫既从，大陆既作。

【颜注】师古曰：恒、卫二水名。恒水出恒山。卫水在灵寿。大陆，泽名，在巨鹿北。言恒、卫之水，各从故道，大陆之泽，已可耕作也。

【补注】先谦曰：《夏纪》作改为。常山上曲阳下云：恒水出，东入滹。灵寿下云：卫水出东北，入漳池。大陆见道川。《淮南·地形训》：晋之大陆，赵之巨鹿。高注，大陆，魏献子所游，焚焉而死者，是也。巨鹿，广阿泽。《禹贡》大陆，即赵之巨鹿。郑志答张逸云：巨鹿，今广河（阿之误）。泽，与班高合，今文说也。惟《周礼》疏所引郑注，用《尔雅》十藪。晋有大陆，以释《禹贡》，失之。余详巨鹿。

鸟夷皮服。

【颜注】师古曰：此东北之夷，搏取鸟兽，食其肉而衣其皮也。一说，居在海曲，被服容止，皆象鸟也。

【补注】先谦曰：《大戴礼·五帝纪》、《说苑》并作鸟。裴驷《史·集解》引郑注云，东北之民，搏食鸟兽者也。此颜前说所本。郑王本尚书作鸟，今古文同。唐《石经》误岛，后人遂并《夏纪》改之。

夹右碣石，入于河。

【颜注】师古曰：碣石、海边山名也。言禹夹行此山之右而入于河，逆

上也。

【补注】先谦曰：《夏纪》河作海。徐广云：海一作河。河字是。碣石，见下道山。

洹、河惟兖州。

【颜注】师古曰：洹本济水之字，从水彡声。言此州东南据济水，西北距河。洹音姊。

【补注】先谦曰：《吕览·有始篇》：河济之间为兖州，卫也。高注：河出其北，济经其南。《说文》洹下云：洹也。从水彡声。济下云：水出常山房子赞皇山，东入泚，从水齐声。志文于房子之水作济，余皆作洹，与《说文》合。惟济阴、济南、济阳之类作济，以郡县之名，世俗相沿，不能改而从古也。《夏纪》作济，亦三家《尚书》之本有异。王应麟《汉艺文志考证》以济为字误，是也。成蓉镜以济、洹为今古文异，殆非。《夏纪》惟作维，而惟豫州，惟梁州，惟雍州，并作维，本志通作惟，下文淮溜亦作惟；而琅邪朱虚、箕下淮水作维；灵门、折泉、横下淮水作淮，初无一定。成据《夏纪》作维，谓惟古文，维今文，引《匡缪正俗》云：古文《尚书》为惟，今文《尚书》变维为证。复据《说文》引《夏书》淮溜其道，以淮为古文。又因《夏纪》作淮，而以淮为今文，惟为古文。展转纷纭，徒形词费。《周礼》古文之学，淮字作维。《毛诗》维字，《韩诗》作惟。近人据此为今古文之辨，要是偏端，无与大体也。下文道沔水及河东垣下自注：沔水出。《天文志》：角、亢、氐，沔

州。并作沅。知此沅字，后人妄改。《夏纪》亦作沅州。

九河既道。

【颜注】师古曰：九河，河水分为九，各从其道。《尔雅》曰：徒骇、太史、马颊、复酺、胡苏、简、絮、钩般、鬲津，是曰九河。一说道读曰导。导，治也。

【补注】先谦曰：九河见道川，亦详《沟洫志》。

雷夏既泽，雍、沮会同，

【颜注】师古曰：雷夏、泽名。在济阴城阳西北。言此泽还复其故，而雍、沮二水同会其中也。沮音千余反。

【补注】齐召南曰：注城阳，当作成阳。《尚书·疏》亦讹城字。盖人传写误添土旁耳。此成阳有尧冢灵台，汉时故县，在今濮州东南，曹州东北。若城阳国，则在今莒州，非雷夏泽所在也。先谦曰：本志济阴成阳下云：雷泽在西北。郑注：雍水、沮水相触而入泽中。今古文雍皆不从水，枚本改灃。

桑土既蚕，是降丘宅土。

【颜注】师古曰：降，下也。宅，居也。言此地宜桑，先时人众避水，皆上丘陵，今水害除，得以蚕织，故皆下丘，居平土也。

【补注】先谦曰：《夏纪》作于是民得下丘居土。段玉裁云：《风俗通义》引《尚书》，民乃降丘度土。足证今文作度。史迁改居。如度西曰柳谷，改居西也。班志作宅土，后人用古文改之。案此班用夏侯《尚书》，与古文合，非后所改。

厥土黑坟，

【颜注】师古曰：色黑而坟起也。坟音扶粉反。

【补注】钱坫曰：《方言》：青幽之间，凡土高而且大者，谓之坟。𦵏，𦵏木条。

【颜注】师古曰：𦵏，古草字也。𦵏，悦茂也。条，修畅也。𦵏音弋昭反。

【补注】先谦曰：《夏纪》作草𦵏木条，同。惟班作𦵏，全书多如此，非今古文之异。《说文》𦵏下引《夏书》曰：厥草惟𦵏，知有𦵏惟者古文，无者今文。

厥田中下，

【颜注】师古曰：第六也。

【补注】宋祁曰：正文厥字，别本无。先谦曰：下文无厥字，别本是也。《夏纪》亦无。

赋贞，

【颜注】师古曰：贞，正也。州第九，赋亦正当也。

【补注】刘敞曰：田中下而言厥赋贞，乃第六明矣。自孔氏固误之。何焯曰：赋乃与田正当，不谓与州也。王先慎曰：此当连下作字为句。《集解》引郑云：贞，正也。治此州正作不休。十三年乃有赋，与八州同，言功难也。其赋下下，颜训作为治水，误。《禹贡》言作者，皆谓耕作，若训治水，其文不当在降丘宅土下。九州之赋，惟缺下下，兗赋至少，固当第九，刘、何说亦非。

作十有三年乃同。

【颜注】师古曰：治水十三年，乃

同于它州，言用功多也。

【补注】先谦曰：《夏纪》同，马、郑本亦作年，是今古文同。枚改载。皮锡瑞云：《河渠书》引《夏书》曰：禹抑鸿水十三年，过家不入门。《魏志·高堂隆传》：洪水滔天，使鲧治之，绩用不成，乃举文命，随山刊木，前后历年二十二载，合禹十三年，与鲧九年计之。今文说也。马注：禹治水三年，八州平，故尧以为功而禅舜。是十二年而八州平，十三年而兖州平。十三年，并鲧九年数之，盖古文异说。厥贡漆、丝，

【颜注】师古曰：贡，献也。地宜漆林，又善蚕丝，故以献也。

【补注】钱坫曰：漆应作豸，借水名为之。

厥斐织文。

【颜注】师古曰：斐与筐同。筐，竹器，筐属也。织文，锦绮之类，盛于筐筐而献之。

【补注】先谦曰：《夏纪》斐作筐。本书通作斐，并借字，依《说文》当作匪。官本注：筐缺末笔，犹承旧本。浮于沛、漯，通于河。

【颜注】师古曰：浮，以舟渡也。沛、漯二水名。漯水出东郡东武阳。因水入水曰通。漯音它合反。

【补注】宋祁曰：漯疑作湿。注同。徐松曰：应作湿。先谦曰：《夏纪》亦作通。枚改达。平原高唐下云：桑钦言，漯水所出。东郡东武阳下云：禹治漯水，东北至千乘入海。班氏兼采今古文也。汉隶变古，此作漯，亦班用今文之证。成蓉镜又以为后人据《夏纪》、枚书所改，非矣。

海、岱惟青州。

【颜注】师古曰：东北据海，西南距岱，岱即太山也。

【补注】先谦曰：本志泰山博下云，岱山在西北。《夏纪·正义》舜分青州为营州，辽西及辽东。

嵎夷既略，惟、留其道。

【颜注】师古曰：嵎夷，地名也。即阳谷所在。略，言用功少也。惟、留，二水名。皆复故道也。惟水出琅邪箕屋山。留水出泰山莱芜县。惟字，今作潍，留字或作淄，古今通用也。一曰，道读曰导。导，治也。

【补注】钱坫曰：阳谷即阳谷，亦云汤谷，并字通。苏舆曰：颜用马训，见《集解》引。《说文》略下云：经略土地也。《广雅·释诂》略，治也。先谦曰：《说文》嵎下，引《书》宅嵎夷，此古文作嵎，班作嵎，与《夏纪》同用今文也。一作禺铍，见《说文》场下与《释文》引《史记》及《考灵曜》；一作禺铍，见《索隐》引《今文尚书》及《帝命验》，《书·正义》引夏侯等书；一作郁夷，皆今文也。禺、嵎之省文。夷通借作铍。铍，古文铁字，铍又铁之伪文耳。琅邪箕下云：维水北至都昌入海。泰山莱芜下云：留水东至博昌入沛。案志文，彼作维水，此仍作惟，不杂出。

厥土白坟，海濒广瀋。

【颜注】师古曰：濒，水涯也。瀋，卤咸之地。濒音频，又音宾。瀋音昔。

【补注】先谦曰：《夏纪》同作瀋，用今文。濒作滨，俗字。《史·集解》、《释文》引郑注并云，斥谓地咸卤。是

郑本作斥，用古文。志下又作𪛗，乃瀉之省。陈奂云，𪛗读为开拓之拓，言海滨地广可以煮咸。𪛗本字，𪛗假借。《閼官传》𪛗，大貌。此取广𪛗之谊也。

田上下，赋中上。

【颜注】师古曰：田第三，赋第四。

【补注】先谦曰：《夏纪》同。

贡盐、絺，海物惟错，

【颜注】师古曰：葛之精者曰絺。海中物产既多，故杂献。

【补注】宋祁曰：献下当添也字。先谦曰：《夏纪》贡上有厥字，后人妄增。史公以其代厥，不得有厥字明矣。岱畎丝、臬、𦉰、松、怪石，

【颜注】师古曰：畎，小谷也。臬，麻属也。𦉰，青金也。怪石，石之次玉美好者也。言岱山之谷出丝、臬、𦉰、松、怪石五种，皆献之。畎音工犬反。

【补注】先谦曰：《说文》畎作𡿨，古文作𡿨。《释名·释山》云，山下根之受霤处曰𡿨。

莱夷作牧，厥篚檿丝。

【颜注】师古曰：莱山之夷，地宜畜牧。檿，檿桑也。食檿之蚕丝，可以弦琴瑟，檿音鸟簞反。

【补注】刘敞曰：贡絺丝不特言篚，檿丝言篚，而叙莱夷之下，明此莱夷之贡。先谦曰：《夏纪》作改为、檿作畚，盖三家尚书异文。

浮于汶，达于沛。

【颜注】师古曰：汶水出泰山郡莱芜县原山。言渡汶水，西达于沛也。汶音问。

【补注】王念孙曰：达，本作通。凡古文《尚书》言达于某水者，今文《尚书》皆作通，《汉书》皆用今文，故亦作通，上文通于河是也。《史记》亦作通，其间有作达者，皆后人以古文改之。先谦曰：此人沛之汶，与琅邪朱虚出东泰山入维之汶有别，见下道川。

海、岱及淮惟徐州。

【颜注】师古曰：东至海，北至岱，南及淮。

淮、沂其乂，蒙、羽其艺。

【颜注】师古曰：淮、沂二水已治，蒙、羽二山皆可种艺也。淮出大复山，沂出泰山。沂音牛依反。

【补注】齐召南曰：案志，沂水出泰山郡盖县。然泰山乃郡名，非谓沂水出泰山之麓也。注与淮出大复对言，竟似沂出东岳矣。先谦曰：淮沂见道川。本志泰山蒙阴下云，蒙山在西南；东海祝其下云，羽山在南。段玉裁云：乂，今文当作艾，于汉石经鸿范残字知之。案汉人引书，艾乂互见。石经亦一家之学，《汉书》不必尽与之同也。《夏纪》乂改治。

大壑既猪，东原底平。

【颜注】师古曰：大野，即钜野泽也。猪，停水也。东原，地名。底，致也。言大野之水，既已停蓄也。东原之地，致功而平，可耕稼也。

【补注】先谦曰：官本底作底，下并同。停蓄作淳蓄。山阳钜壑下云，大壑泽在北。案《说文》壑下云，古文野。《夏纪》猪作都。《集解》引郑注云，今东平郡即东原。

厥土赤埴坟，草木渐包。

【颜注】师古曰：埴，粘土也。渐包，言相渐及包裹而生。

【补注】先谦曰：渐包，《夏纪》同，今文也。《释文》埴，郑作戔。徐、郑、王皆读曰炽。韦昭音试，《说文》薪下引《书》草木薪苞，是古文作戔薪包。

田上中，赋中中。

【颜注】师古曰：田第二，赋第五。

【补注】先谦曰：《夏纪》同，田上衍其字。

贡土五色。

【颜注】师古曰：王者取五色土，封以为太社。而此州毕贡之，言备有。

【补注】先谦曰：《正义》引《太康地记》，城阳姑幕有五色土，封诸侯，锡之茅土，用为社，即《禹贡》徐州土也。又《寰宇记》云，徐州岁贡五色土各一斗，出彭城县北三十五里赭土山。《夏纪》土上有维字。

羽畎夏狄，峯阳孤桐，

【颜注】师古曰：羽畎，羽山之谷也。夏狄，狄雉之羽可为旌旄者也。羽山之谷出焉。峯阳，峯山之阳也。山南曰阳。孤桐，特生之桐也，可为琴瑟，峯山之南生焉。峯音驛。

【补注】先谦曰：东海下邳下云，葛峯山在西。古文以为峯阳。《夏纪》狄作翟。《毛诗·卫风》右手秉翟。《韩诗》今文作狄。据此，翟狄古通，成蓉镜以作狄为古文，非也。班用古文，以峯阳为山名，《说文》及《史·集解》引郑注，以峯为山名，颜用以注志，与班旨不合。

泗潏浮磬，

【颜注】师古曰：泗水之涯，浮出好石，可为磬也。泗水出济阴乘氏县。

【补注】先谦曰：官本考证云，泗，监本讹四，今改正。先谦案：泗水出鲁国卞，颜注未审，见下道川。《夏纪》潏作滨。

淮夷嫫珠泉鱼，

【颜注】师古曰：淮夷，淮水上之夷也。嫫珠，珠名。泉，及也。言其地出珠及美鱼也。嫫音步千反，字或作玼。

【补注】先谦曰：《说文》玼，珠也。宋宏云，淮水中出玼珠，珠之有声者，重文作嫫。案马注以淮夷为二水名，古文说。郑注，淮水之上夷民，与宋宏合，用今文说也。《夏纪》亦作嫫。《索隐》云，一作玼。是《史》、《汉》二书皆有两作，传本岐出，非今古文异。泉，古暨字。

厥棐玄纁縞。

【颜注】师古曰：玄，黑也。纁，细纁也。縞，鲜支也，即今所谓素者也。言献黑细纁及鲜支也。

【补注】刘敞曰：此棐亦属淮夷。浮于淮、泗，达于河。

【颜注】渡二水而入于河。

【补注】王念孙曰：河，当依《说文》作荷，颜依文作解而不知其谬也。又下文山阳郡湖陵，《禹贡》浮于淮、泗（今本讹作泗、淮），通于河。水在南，河亦当作荷。《尚书》、《史记》皆讹作河。自《韵会举要》始正其误，而近世阎若璩，胡渭言之益详，毋庸复辨。《地理志》荷字多作荷。下文道

荷泽，又东至于荷。及济阴郡下云，《禹贡》荷泽在定陶东，是也。《水经注》亦作荷（《泗水注》引《地理志》曰：荷水在南）。《五经文字》云，荷，古本亦作荷。先谦曰：达字误，当作通。《夏纪》作通，山阴湖陵下亦作通。荷水见道川。

淮、海惟扬州。

【颜注】师古曰：北据淮，南距海。

【补注】汪远孙曰：扬当从木旁。凡地名姓名字皆作杨。先谦曰：汪说是也。详见《天文志》。

彭蠡既猪，阳鸟道居。

【颜注】师古曰：彭蠡，泽名。在彭泽县西北。阳鸟，随阳之鸟也。言彭蠡之水，既已畜聚，则鸿雁之属所共居之。蠡音礼。

【补注】先谦曰：彭蠡见道川。《夏纪》猪作都，道作攸。《说文》道读若攸。《汉书》多古字，攸并作道。

三江既入，震泽底定。

【颜注】师古曰：三江，谓北江、中江、南江也。震泽在吴西，即具区也。底，致也。言三江既入，则震泽致定。

【补注】先谦曰：本志会稽吴下云，南江在南，东入海，具区泽在西，古文以为震泽。中江、北江见道川。《夏纪》底作致。

篠簜既敷，

【颜注】师古曰：篠，小竹也。簜，大竹也。敷，谓布地而生也。篠音先了反。簜音荡。

【补注】先谦曰：篠当为筱，疑后

人据枚书改之。《说文》筱，箭属。筱可为干，筱可为矢。《夏纪》作竹箭既布。

岁夭木乔。

【颜注】师古曰：夭，盛貌也。乔，上竦也。夭音于骄反。乔音桥，又音骄。

【补注】先谦曰：《夏纪》多两其字，两惟字，后人妄增。

厥土塗泥。

【颜注】师古曰：輶洳湿也。

田下下，赋下上错。

【颜注】师古曰：田第九，赋第七，又杂出诸品。

【补注】先谦曰：《夏纪》重上字，错改杂。

贡金三品，

【颜注】师古曰：金、银、铜。

【补注】先谦曰：郑注，铜三色也。三色者，青、白、赤，颜用伪孔说。

瑶、琨、篠簜，齿、革、羽毛，

【颜注】师古曰：瑶、琨，皆美玉名也。齿，象齿也。革，犀革也。羽旄，谓众鸟之羽可为旄者也。琨音昆。

【补注】先谦曰：《说文》琨，琨或体。《夏纪》作琨，亦三家本异。簠当为筱，筱簜，纪作竹箭。毛作旄，颜注作羽旄，足证毛字后人妄改。下荆州正作羽旄。枚书下有惟木二字，史汉无，明衍文。

鸟夷卉服，

【颜注】师古曰：鸟夷，东南之夷，善捕鸟者也。卉服，絺葛之属。

【补注】先谦曰：《夏纪》作岛夷，后人妄改。

【集释】或以岛夷为正。南北朝时期，北方统治者视南方人为岛夷，见《魏书》。《定海厅志》引元吴莱甫《甬东山水古迹记》昌国即禹贡岛夷，后属越日甬勾。清胡渭《禹贡锥指》以为岛夷指日本。近人杨守敬《历代地理沿革图说》则云，当以琉球、吕宋诸国当之。

【今按】鸟夷、岛夷两说至今仍然并存。但似以鸟夷为长，鸟或是夷之图腾。

厥斐织贝，

【颜注】师古曰：织，谓细布也。贝，水虫也，古以为货。

【补注】刘敞曰：予谓织贝特叙鸟夷之下，明鸟夷之斐也。缙贝为布如厚缙，今亦有之。贝，木名也。先谦曰：颜用伪孔说。《集解》引郑注云，贝，锦名。《诗》云，成是贝锦，刘以贝为木名，亦非。

厥包橘、柚，锡贡。

【颜注】师古曰：柚似橘而大，其味尤酸。橘柚皆不耐寒，故包裹而致之也。锡贡者，须锡命而献之，言不常来也。柚音弋救反。

【补注】先谦曰：《夏纪》亦作包，今文也。古文作苞，见《说文》柚下及《诗·木瓜》笺引。《史·集解》引郑注，锡贡，有锡则贡之，或时乏则不贡。锡所以柔全也。皮锡瑞云，《史记》锡大龟，锡土姓，皆改作锡，惟此与锡贡馨错作锡，盖今文说当为贡锡，颜引王肃说以注汉志，非。

均江海，通于淮、泗。

【颜注】师古曰：均，平也。通淮、泗而入江海，故云平。

【补注】先谦曰：《夏纪》同。志多于字。《集解》引郑注，均读作沿。沿，顺水行也。《释文》沿，郑本作松，松是讼之误。马本作均，云均平。颜用马说。孙星衍云，均盖徇字。《一切经音义》引《三苍》云，循，古文作徇，与沿义合。

荆及衡阳惟荆州。

【颜注】师古曰：北据荆山，南及衡山之阳也。

【补注】先谦曰：荆、衡见道山。江、汉朝宗于海。

【颜注】师古曰：江、汉二水，归入于海，有似诸侯朝于天子，故曰朝宗。宗，尊也。

【补注】先谦曰：江、汉见道川。阎若璩云，江所历之州，曰梁、曰荆、曰扬；汉所历之州，曰梁、曰豫、曰荆。

九江孔殷，

【颜注】师古曰：孔，甚也。殷，中也。言江水于此州界分为九道，甚得地形之中。

【补注】先谦曰：九江见道川。《夏纪》孔殷作甚中，今文说。郑注，殷，犹多也。九江从山谷而出，其孔众多，古文说。

沱、灞既道，云梦土作义。

【颜注】师古曰：沱、灞，二水名。自江出为沱，自汉出为灞。云梦，泽名。言二水既从其道，则云梦之土可为（畋鱼）[畋亩]之治也。沱音徒何反。灞音潜。一曰，道读曰导。导，治也。

【补注】先谦曰：官本注，畋鱼作畋亩，是。南监本同。本志南郡枝江下云，江沱出西，东入江。灊水不见志，枚书作潜，《夏纪》作潞，古潜、潞通用。《毛诗》潜有多鱼。《韩诗》作潞，非今古文异也。云梦土，一本作云土梦。《夏纪·索隐》单行本出云土梦之字云，云土梦，二泽名。引韦昭云，云土，今为县，属江夏。《地理志》江夏有云杜县，是其证也。是小司马《史记》本及韦昭《汉书音义》本，并作云土梦，古土杜通用。皮锡瑞云，王逸《楚辞注》梦，泽中也。楚人名泽中谓梦中。《左传》江南之梦，即江南之泽，云土梦亦即云土泽耳。其说是也。又案《史记》各本作云梦土为治，颜注《汉书》亦作云梦土，明史汉又皆有云梦土者。

成蓉镜云，云梦本一藪，见《周官》、《尔雅》、《吕览》、《战国策》、《淮南·地形训》、《盐铁论》、《说文》、宋玉《高唐赋》、司马相如《子虚赋》；或单称云，见《左·定传》；或单称梦，见《左·宣、昭传》。杜预云，楚之云梦，跨江南北，是也。云梦土作义者，盖云梦为地至广，其中有泽有土，当洪水泛滥，皆在巨浸中，至是而水猪于泽，其土乃可治。《书》云梦土作义，正以著泽之底定耳。《周官》、《尔雅》所记者云梦泽，而楚王宋玉所游者，则云梦土矣。先谦案：南郡华容下云，云梦泽在南，正应《禹贡》，而云杜县名，必本云土，明出三家异本。凡志用古文《尚书》，皆明著古文及桑钦说，今志不言，其非今古文异可知矣。小司马以云梦为二泽，李吉

甫诸儒，并说江北为云，江南为梦，非是。

厥土塗泥。田下中，赋上下。

【颜注】师古曰：田第八，赋第三。

【补注】先谦曰：《夏纪》同。

贡羽旄、齿、革，金三品。

【颜注】师古曰：白金以上，所贡与扬州同。

【补注】先谦曰：《夏纪》同。

椶、幹、栝、柏、厉、砥、簠、丹，

【颜注】师古曰：椶木似櫟而实。幹，栝也。栝木柏叶而松身。厉，磨也。砥，其尤细者也。簠，石名，可为矢鏃。丹，赤石也，所谓丹沙者也。椶音丑伦反。栝音古活反。砥音指，又音（砥）[砥]。簠音奴。

【补注】先谦曰：官本砥作抵，是。《释文》椶又作櫟。《说文》櫟，椶或体。史汉同作椶。《考工记》注，《禹贡》荆州贡櫟、幹、栝、柏。《夏纪》厉作砺，俗字。

惟箛、箛、栝，三国底贡厥名，

【颜注】师古曰：箛、箛，竹名；栝，木名也。皆可为矢。言此州界，本有三国致贡斯物，其名称美也。箛音困，箛音路，栝音（栝）[栝]。

【补注】先谦曰：官本注，栝作栝，是。《说文》箛下引《夏书》曰，惟箛箛栝。箛下云，箛古文。栝下云，栝也。《夏书》曰，惟箛箛（脱上竹）栝，木名也。《夏纪》箛作箛，栝同。徐广注，一作箭足杆，杆即栝也，音栝。先谦案：史汉用今文作栝，则栝是古文。作箛者，或夏侯《尚书》与

古文合耳。皮锡瑞云，《夏纪》箴箴作竹箭，故塗一作箭足，盖路之坏字。郑以厥名属下读，古文异说。

包匭菁茅，

【颜注】师古曰：匭，桺也。菁，菜也，可以为菹，茅可以缩酒。苞其茅，匭其菁而献之。匭音軌，菁音精。

【补注】先谦曰：《晋志》零陵泉陵县有香茅，古贡之以缩酒。《正义》引《括地志》辰州卢溪县西南三百五十里有包茅山，山际出包茅，有刺而三脊，因名。

厥棐玄纁玼组，

【颜注】师古曰：玄，黑色。纁，绛也。玼，珠之不圆者。组，绶类也。纁音勋，玼音机，又音祈。

九江纳锡大龟。

【颜注】师古曰：大龟尺有二寸，出于九江，锡命而纳，不常献也。

【补注】先谦曰：下文纳并作内，此后人据枚书改。纳锡，《史记》作入赐，以诂训代也。皮锡瑞云，锡大龟三字当连读，盖天子锡诸侯之大龟。《礼·乐记》青黑缘者，天子之宝龟也。从之以牛羊之群，则所以赠诸侯也。《公羊传》言宝玉大弓有龟青纯。公羊以宝即宝龟，与《乐记》合，是古天子有锡诸侯宝龟之礼。纳锡大龟，谓纳此锡诸侯之大龟。《史记》作入赐，亦谓入此赐诸侯之大龟也。

浮于江、沱、灋、汉，逾于洛，至于南河。

【颜注】师古曰：逾，越也。言渡四水而越洛，乃至南河也，南河在冀州南。

【补注】王念孙曰：洛，本作雒，此后人以俗本《尚书》改之也。凡伊雒瀍涧之雒字，从佳旁各；泾渭洛之洛字，从水旁各。一为豫州川，一为雍州浸，载在《职方》，不相假借。故《说文·水部》洛字注内，但有雍州之洛，而无豫州之雒。今经传中伊雒之雒多作雒者，后人惑于魏文帝之言而改之也。《尚书》有豫州之雒，无雍州之洛，其字古今文皆作雒，而今本则作洛，则又卫包以俗书改之也。此志弘农郡上雒下云，《禹贡》雒水出冢领山，东北至巩入河，豫州川；左冯翊褒德下云，洛水东南入渭，雍州浸。其秩然不紊如此，而后人犹改雒为洛，弗思之甚也。然下文之伊雒瀍涧，其川茨雒（今本茨作菜，辨见《高纪》荥阳下），及弘农郡卢氏、滎池、新安、上雒四县下之雒字，河南郡谷城下之雒字，则仍然未改。幸其参善不一，犹可考见班氏原文雒洛二字之辨。《古文尚书撰异》言之甚详，今举其大略如此。

先谦曰：《夏纪》颺汉作潒于汉，于字衍（详《禹贡班义述》），潒灋字同。逾于洛，《夏纪》作踰于洛，下逾并作踰。

荆、河惟豫州。

【颜注】师古曰：西南至荆山，北距河水。

【补注】先谦曰：官本考证云，荆山，监本讹荆州，从宋本改正。

伊、雒、瀍、涧，既入于河，

【颜注】师古曰：伊出陆浑山，雒出冢领山，瀍出谷成山，涧出龟池山，

嶓冢山也。言水已去，二山之土皆可种艺。沱、瀾二水，治从故道也。岷音旻。嶓音波，道读曰导。

【补注】宋祁曰：岷疑作嶓，注同。钱大昭曰：岷，闽本作嶓，注同。下文岷山皆作嶓，闽本是。苏舆曰：《说文》作𡵓，岷即𡵓省。段玉裁谓古文《尚书》作𡵓，今文作汶。案，汉志作岷或作嶓（湔氏道下），亦作汶（有汶江道），又作文（《武纪》、《西南夷传》同，即汶之省）。《夏纪》作汶，而《河渠书》作岷，参差不一如此。未可据为今古文之辨。先谦曰：岷、嶓见道山，沱见道川。本志巴郡宕渠下云：瀾水西南入江。《夏纪》瀾作潞。

蔡、蒙旅平，和夷底绩。

【颜注】师古曰：蔡、蒙二（水）[山]名。旅，陈也。旅平，言已平治而陈祭也。和夷，地名。亦以致功可耕稼也。

【补注】苏舆曰：颜训旅平为平治而陈祭，既倒经文，且《禹贡》三言旅，皆属山，言治毕陈祭，山川皆同，何独于山举之。窃谓旅，陈也。陈，列也。洪水泛滥，山没于水，水归山出，表识可验，粲然陈列而平治也。故下以刊旅并言，荆岐既旅，义亦同，先谦曰：官本注，水作山，是。南监本同。蜀郡青衣下有蒙山。和即桓水，见下。

厥土青黎。

【颜注】师古曰：色青而细疏。

【补注】先谦曰：《夏纪》黎作骊。田下上，赋下中三错。

【颜注】师古曰：田第七，赋第八，又杂出第七至第九，凡三品。

贡璆、铁、银、镂、𦍋、磬，

【颜注】师古曰：璆，美玉也。镂，刚铁也。磬，磬石也。璆音虬。

熊、羆、狐、貉、织皮。

【颜注】师古曰：织皮，谓麋也。言贡四兽之皮，又贡（维）[杂]麋。

【补注】先谦曰：官本维作杂，是。南监本同。

西顷因桓是徕，

【颜注】师古曰：西倾，山名。在临洮西南。桓，水名。言治西顷山，因桓水是来，无它道也。顷读曰倾。

【补注】先谦曰：西顷见道山。蜀郡下云，桓水出蜀山西南，行羌中，入南海。郑注，以织皮西顷为句，以桓是为陇阪名，与史汉句读不同，乃古文异说。

浮于瀾，逾于沔，

【颜注】师古曰：汉上曰沔，音莫践反。

【补注】先谦曰：《夏纪》瀾作潜，后人妄改，仍当为潞。沔水一名沮水，与漾水合，故漾兼沔称。沔见道川。

入于渭，乱于河。

【颜注】师古曰：正绝流曰乱。

【补注】先谦曰：渭见道川。

黑水、西河惟雍州。

【颜注】师古曰：西据黑水，东距西河。西河即龙门之河也，在冀州西，故曰西河。

【补注】先谦曰：扬雄《雍州箴》黑水西河，横截昆仑，邪指阆阆，画为雍垠。

弱水既西，

【颜注】师古曰：治使西流至合黎。

【补注】先谦曰：弱水见道川。

泾属渭汭。

【颜注】师古曰：属，逮也。水北曰汭。言治泾水入于渭也。属音之欲反。汭音芮，又音而悦反。

【补注】先谦曰：泾水见道川。《说文》水相入曰汭。

漆沮既从，酇水迺同。

【颜注】师古曰：漆沮，即冯翊之洛水也。酇水出酇之南山。言漆沮既从入渭，酇水亦来同也。迺，古攸字。攸，所也。沮音七余反。

【补注】先谦曰：漆沮、酇见道川。荆、岐既旅，

【颜注】师古曰：荆、岐二山名，荆在岐东。言二山治毕已旅祭也。

【补注】荆，岐见道山。

终南、惇物，至于鸟鼠。

【颜注】师古曰：终南、惇物二山皆在武功。鸟鼠山在陇西首阳西南。自终南西出，至于鸟鼠也。

【补注】先谦曰：本志扶风武功下云，大壹山，古文以为终南。垂山古文以为敦物，皆在县东。《夏纪》惇作敦。鸟鼠见道山。

原隰底绩，至于猪蹯。

【颜注】师古曰：高平曰原，下湿曰隰。猪蹯，地名。言皆致功也。

【补注】先谦曰：武威武威下云，休屠泽在东北，古文以为猪蹯泽。《夏纪》作都蹯。

三危既宅，三苗丕叙。

【颜注】师古曰：三危，山名。已可居也。三苗本有苗氏之族，徙居于

此，分而为三，故言三苗。今皆大得其次序。

【补注】先谦曰：《夏纪》宅作度，丕叙作大序。丕，大，故训字。《御览》引《河图括地象》云，三危山在鸟鼠之西南，与汶山相接。《地道记》云，三苗所处，今安西州。《五帝纪》三苗在江淮荆山，舜迁三苗于三危，故雍州有三苗也。

厥土黄壤。田上上，赋中下。

【颜注】师古曰：田第一，赋第六。贡球、琳、琅玕。

【颜注】师古曰：球、琳，皆玉名。琅玕，石似珠者也。球音求，又音虬。琳音林。琅音郎。玕音干。

【补注】先谦曰：《夏纪》球作璆，盖三家异字。《论衡·率性篇》：《禹贡》曰：璆、琳、琅玕，此则土地所生真玉珠。段玉裁云，真玉谓球琳，真珠谓琅玕。此今文说也。《释文》琳又作玲。郑注，璆，美玉。玲，美石。案，《说文》玲下云，玲璆石之次玉者。郑训美石，则其本琳必作玲，此古文异说。

浮于积石，至于龙门西河。

【颜注】师古曰：积石山在金城西南。龙门山在河东之西界，皆河水所经。

【补注】先谦曰：积石、龙门见道川。

会于渭汭。

【颜注】师古曰：逆流曰会，自渭北涯逆流西上。

织皮，昆侖、析支、渠叟，西戎即叙。

【颜注】师古曰：昆仑、析支、渠叟，三国名也。言此诸国皆织皮毛，各得其业，而西方远戎，并就次序也。叟读曰搜。

【补注】宋祁曰：姚本，各得其下添事字，次字改作此。先谦曰：《夏纪》仑作仑，叟作搜，叙作序。案，昆仑山祠见金城临羌。昆仑障见敦煌广至，并不从山。《沟洫志》亦作仑。朔方渠搜县亦不作叟。《西域传·赞》云，《书》曰，西戎即序。言禹就而序之。又《叙传》西戎即序，夏后是表。亦不作叙字，皆通用，非今古文异。

道汧及岐，至于荆山。

【颜注】师古曰：自此以下，更说所治山水首尾之次也。治山通水，故举山言之。汧山在汧县西。道读曰导，后皆类此。汧音苦坚反。

【补注】先谦曰：《夏纪》道下有九山二字。本志扶风汧下云，吴山在西，古文以为汧山；美阳下云，岐山在西北；冯翊襄德下云，北条荆山在南。逾于河；

【颜注】师古曰：即梁山龙门。

壶口、雷首，至于大嶽；

【颜注】师古曰：自壶口、雷首至于大嶽也。雷首在河东蒲阪南，大嶽即所谓嶽阳者。

【补注】先谦曰：官本大作太，南监本同。本志河东北屈下云，壶口山在东南；蒲反下云，雷首山在南；颍下云，霍太山在东。

底柱、析城，至于王屋；

【颜注】师古曰：底柱在陕县东北，

山在河中，形若柱也。析城山在潞泽西南。王屋山在垣县东北。

【补注】先谦曰：《夏纪》底作砥，下同。底柱见道川。本志河东潞泽下云，析城山在西南；垣下云，王屋山在东北。

太行、恒山，至于碣石，入于海。

【颜注】师古曰：太行山在河内山阳西北。恒山在上曲阳西北。言二山连延，东北接碣石而入于海。行音胡郎反。

【补注】先谦曰：本志河内野王下云，太行山在西北；常山上曲阳下云，恒山北谷在西北；右北平骊成下云，大碣石山在西南。

西顷、朱圉、鸟鼠，至于太华；

【颜注】师古曰：朱圉山在汉阳冀县南。太华即今华阴山。

【补注】宋祁曰：阴山，姚本作阳山。先谦曰：官本顷作倾，南监本同。本志陇西临洮下云，西顷山在西南；天水冀下云，朱圉山在县南梧中聚；京兆华阴下云，太华山在南。

熊耳、外方、桐柏，至于倍尾。

【颜注】师古曰：熊耳在陕东。外方在颍川故县，即崇高也。桐柏在平氏东南。倍尾在安陆东北。言四山相连也。倍读曰陪。

【补注】先谦曰：本志弘农卢氏下云，熊耳山在东；颍川密高下云，古文以为崇高为外方山；南阳平氏下云，桐柏大复山在东南；江夏安陆下云，横尾山在东北，古文以为陪尾。《夏纪》作负尾，三家异文。

道蟠冢，至于荆山；

【颜注】师古曰：蟠冢山在梁州南。此荆山在南郡临沮东北。蟠音波。

【补注】先谦曰：官本此作北。齐召南云，南北当作西北。各本皆误。先谦案：颜言此者，以别于北条荆山。本志陇西西下云，《禹贡》蟠冢山；南郡临沮下云，南条荆山在东北。

内方，至于大别；

【颜注】师古曰：内方在荆州，大别在庐江安丰也。

【补注】先谦曰：本志江夏竟陵下云，章山在东北，古文以为内方山；六安安丰下云，大别山在西南。皮锡瑞云，自杜预始疑大别不在安丰。《元和志》遂以翼际山当之，非古义。

嶓山之阳，至于衡山，

【颜注】师古曰：嶓山在蜀郡渝氏西。衡山在长沙湘南之东南。嶓山，江所出。衡山，江所经。

【补注】齐召南曰：此本孔传之误也。衡山，湘水所经，北去岷江甚远，安得谓江所经乎。先谦曰：本志蜀郡渝氏下云，嶓山在西徼外；长沙湘南下云，衡山在东南。

过九江，至于敷浅原。

【颜注】师古曰：敷浅原，一名（博）〔博〕阳山，在豫章历陵南。

【补注】先谦曰：官本博作傅，是。引宋祁曰，傅阳，《尚书》注作博阳，一本作溇阳。案，南监本亦作博阳。九江见下。本志豫章历陵下云，傅易山，古文以为傅浅原。

道弱水，至于合黎，余波入于流

沙。

【颜注】师古曰：合黎山在酒泉。流沙在敦煌西。

【补注】先谦曰：官本黎作黎，南监本同。道下《夏纪》有九川二字。本志张掖删丹下云，桑钦以为道弱水，自此西至酒泉合黎；居延下云，居延泽在东北，古文以为流沙。《说文》溺水自张掖删丹西至酒泉合黎，余波入于流沙。桑钦所说，全用志文。案，《释文》弱本作溺，疑古文作溺，班氏从俗，特以今文易之。《水经注·禹贡山水泽地》篇作合离。

道黑水，至于三危，入于南海。

【颜注】师古曰：黑水出张掖鸡山，南流至敦煌，过三危山，又南流而入于南海。

【补注】先谦曰：本志益州滇池下云，有黑水祠。《禹贡山水泽地》篇，三危山在敦煌县南。

道河积石，至于龙门，

【颜注】师古曰：积石山在河关西羌中。龙门山在夏阳北。言治河施功，自积石起，凿山穿地，以通其流，至龙门山也。

【补注】先谦曰：本志金城河关下云，积石山在西南羌中，河水行塞外，东北入塞内，至章武入海；冯翊夏阳下云，龙门山在北。

南至于华阴，东至于底柱，

【颜注】师古曰：自龙门南流以至华阴，又折而东经底柱。

【补注】先谦曰：《夏纪》无两于字。志京兆有华阴县。《禹贡山水泽地》篇，砥柱山，在河东大阳县东河

中。

又东至于盟津，

【颜注】师古曰：盟读曰孟，孟津在洛阳之北，都道所凑，故号孟津。孟，长大也。

【补注】先谦曰：《夏纪》同，枚书作孟津。

东过洛汭，至于大伾，

【颜注】师古曰：洛汭，洛入河处，盖今所谓洛口也。山再重曰伾，大伾山在成皋。伾音平鄙反。

【补注】钱坫曰：洛水入河处，在今河南开封府汜水县西北。先谦曰：《沟洫志》作雒内，此洛字，后人所改。汭内通作。《夏纪》作大邳。《沟洫志》亦作伾。《禹贡山水泽地》篇，大伾在河南成皋县北。

北过降水，至于大陆，

【颜注】师古曰：降水在信都。大陆在钜鹿。

【补注】先谦曰：官本注，降作泽；南监本正文注，并作泽。上党郡屯留下云，桑钦言绛水出西南，东入海（当作入漳，《河水注》引，正作漳）；信都国信都下云，《禹贡》绛水入海（《郡国志》亦云信都有绛水），字并作绛，此作降，后人所改。《夏纪》作降。《索隐》云，《地理志》从系作绛，尤其明证。钜鹿钜鹿下云，大陆泽在北。案志云，桑钦以绛水为入漳，古文说；信都下绛水入海，今文说。

又北播为九河，

【颜注】师古曰：播，布也。

【补注】先谦曰：志，九河有三：勃海成平下云，蓍沱河，民曰徒骇河；

东光下云，有胡苏亭；平原鬲下云，平当以为鬲津。

同为逆河，入于海。

【颜注】师古曰：同，合也。九河又合而为一，名为逆河。言相迎受也。海，即渤海是也。

【补注】宋祁曰：迎改作逆。钱大昕曰：逆当作迎，迎逆声相近，义亦不异。宋改迎为逆，于义虽通，终失班氏之旧。先谦曰：《沟洫志》作迎河。勃海郡，莽曰迎河；南皮，莽曰迎河亭。此作迎河无疑。《夏纪》、《河渠书》作逆河。又太史公云，东阙洛汭，大伾迎河，足证《夏纪》、《河渠书》之逆河，后人据古文改之。

嶧冢道漾，东流为汉，

【颜注】师古曰：漾水出陇西氐道，东流过武关山南为汉。禹治漾水，自嶧冢始也，漾音恙。

【补注】先谦曰：《说文》漾下云，从水漾声；滂下云，古文从养。《夏纪》作漾，盖兼存古文；志作漾，用今文。下作养，亦兼录古文。养即滂之省也。嶧冢见上。本志陇西氐道下云，养水所出，东至武都为汉；武都武都下云，汉水受氐道水，一名沔，过江夏，谓之夏水，入江。

又东为沧浪之水，

【颜注】师古曰：出荆山东南流为沧浪之水，即渔父所歌者也。浪音琅。

【补注】皮锡瑞曰：《文选·南都赋》流沧浪而为隍，廓方城而为墉。李注引《左传》方城以为城，汉水以为池。是沧浪即汉之别流。马郑皆以为夏水，盖今古文说不异。《沔水注》以武当之千龄洲当之，非是。先谦曰：

《夏纪》沧作苍。

过三澨，至于大别，

【颜注】师古曰：三澨水在江夏竟陵。澨音筮。

【补注】先谦曰：《禹贡山水泽地》篇，三澨地在南郡郢县北沱。注云，马郑王孔，咸以为三澨水名。许慎言澨者，埤增水边，土人所止也。《左传》有句澨、漳澨、苕澨。服虔或谓之邑，又谓之地。京相璠、杜预云，水际及边地名也。今南阳、襄阳二县间，有南澨、北澨。诸儒之论，水陆相半，惟郑玄及刘澄之言，在竟陵县界。

南入于江，

【颜注】师古曰：触大别山而南入江也。

东汇泽为彭蠡，

【颜注】师古曰：汇，迥也。又东迥而为彭蠡泽也。汇音胡贿反。

【补注】先谦曰：豫章彭泽下云，彭蠡泽在西。

东为北江，入于海。

【颜注】师古曰：自彭蠡江分为三，遂为北江而入海。

【补注】何焯曰：《史记》注，孔安国云，自彭蠡江分为三道，入震泽，遂为北江而入海。案，入震泽之语，最为谬妄，颜削去，得之。先谦曰：会稽毗陵下云，北江在北，东入海。

崤山道江，东别为沱，

【颜注】师古曰：别而出也。江东南流，沱东行也。沱音徒何反。

【补注】先谦曰：本志蜀郡湔氐下云，崤山在西徼外，江水所出，东南

至江都入海。郢下云，《禹贡》江沱在西，东入大江。

又东至于醴，

【颜注】师古曰：醴水在荆州。

【补注】先谦曰：马郑注本及《夏纪》同，是今古文并作醴。枚书作澧，唐石经以下从之，非。《集解》引郑注云：醴，陵名。大阜曰陵。长沙有醴陵县。

过九江，至于东陵，

【颜注】师古曰：东陵，地名。

【补注】先谦曰：庐江寻阳下云，九江在南，皆东合为大江。又金兰西北有东陵乡。先谦案：此九江，今文说。《禹贡山水泽地》篇，九江地在长沙下隲县西北。本《山海经》洞庭九江为文，桑钦古文说也，班、郾皆不用之。

东迤北会于汇，

【颜注】师古曰：迤，溢也。东溢分流都共北会彭蠡也。迤音弋尔反。

【补注】先谦曰：汇谓震泽。东迤者北会于震泽，出为南江，详会稽吴下。

东为中江，入于海。

【颜注】师古曰：亦自彭蠡出。

【补注】先谦曰：自震泽出。丹扬芜湖下云，中江出西南，东至阳羨入海。

道沔水，东流为沔，

【颜注】师古曰：泉出王屋山，名为沔，流去乃为沔也。沔音弋离反。

【补注】宋祁曰：沔音一作沔。

入于河，轶为荥，

【颜注】师古曰：轶与溢同。言济

水入河，并流而南，截河，又并流溢出，乃为茱泽。一曰，轶，过也。音逸。

【补注】先谦曰：本志河东垣下云，沅水所出，东南至武德入河，轶出茱阳北地中，又东至琅槐入海。

东出于陶丘北，

【颜注】师古曰：陶丘，丘再重也。在济阴定陶西南。

【补注】先谦曰：济阴定陶下云，《禹贡》陶丘在西南陶丘亭。

又东至于荷，

【颜注】师古曰：即荷泽。

【补注】段玉裁曰，此谓定陶之荷泽，非谓湖陵之荷水也。先谦曰：济阴郡下云，荷泽在定陶东。

又东北会于汶，

【颜注】师古曰：济与汶合。

【补注】汪远孙曰：於，当作于，《尚书》作于，不作於。先谦曰：此沔汶通沛之汶也。泰山莱芜下云，原山，《禹贡》汶水出，西南入沛，桑钦所言。

又北东入于海。

【颜注】师古曰：北折而东也。

【补注】先谦曰：《夏纪》作又东北。

道淮自桐柏，

【补注】先谦曰：本志南阳平瓦下云，桐柏大复山，淮水所出，东南至淮陵入海。

东会于泗、沂，东入于海。

【补注】先谦曰：鲁国卞下云，泗水东南至方与人沛；济阴乘氏下云，泗水东南至睢陵（当作淮阴）入淮，

泰山盖下云，沂水南至下邳入泗。

道渭自鸟鼠同穴，

【补注】先谦曰：本志陇西首阳下云，鸟鼠同穴山，渭水所出，东至船司空入河。

东会于酆，

【补注】先谦曰：扶风鄠下云，酆水出东南，北过上林苑，入渭。

又东至于泾，

【补注】先谦曰：安定泾阳下云，开头山在西，泾水所出，东南至阳陵入渭。至当作会，《夏纪》同。

又东过漆、沮，入于河。

【补注】先谦曰：扶风漆下云，漆水在县西；北地直路下云，沮水出西，东入洛；冯翊襄德下云，洛水东南入渭，说者以为添沮。

道洛自熊耳，

【补注】汪远孙曰：洛当作雒。先谦曰：本志弘农上雒下云，雒水出冢领山东北，至巩入河，熊耳获舆山在东北。

东北会于涧、瀍，

【补注】先谦曰：弘农新安下云，涧水在东南入雒；河南谷成下云，瀍水出偃亭北，东南入雒。

又东会于伊，又东北入于河。

【补注】先谦曰：弘农卢氏下云，伊水出，东北入雒。

九州道同。

【颜注】师古曰：各以其所而同法。

【补注】苏舆曰：颜说非，道攸字同，此攸训所，不可通。《说文》攸，行水也。戴侗《六书故》引唐本，水

行攸攸也。案当作行水攸攸，行水顺其性，则安流攸攸而入于海，正与此攸义合。九州之水皆攸行，而会同于海，承上文言之。史公于《禹贡》攸皆改所，惟此作攸，而于句上加于是二字，明不训攸为所，颜说失其旨矣。四奥既宅，

【颜注】师古曰：奥读为塿，谓土之可居者也。宅亦居也。言四方之土，已可定居也。塿音于六反。

【补注】先谦曰：《夏纪》亦作奥。《大传》坛四奥。是今文作奥。《说文》塿，四方之土可定居者也。《玉篇·土部》引《夏书》四奥既宅。盖古文作塿。《夏纪》宅改居。

九山栞旅，

【颜注】师古曰：九州之山，皆已栞木通道而旅祭也。

【补注】先谦曰：《夏纪》亦作栞，今文同。枚书作刊。皮锡瑞云，《史记》道九山，则《禹贡》之山实有九数，非谓九州之山。以经考之，汧及岐，至于荆山，一也；壶口、雷首，至于大嶽，二也；底柱、析城，至于王屋，三也；太行、恒山，至于碣石，四也；西顷、朱圉、鸟鼠，至于太华，五也；熊耳、外方、桐柏，至于陪尾，六也；嶧冢至于荆山，七也；内方至于大别，八也；嶠山之阳，至于衡山，九也。其数适合。盖山之数不止于九，而脉络相承，数山实止一山，故可合为一山，观经文皆自某山至于某山，此数山可合为一山之证。

九川涤原，

【颜注】师古曰：九州泉源，皆已清涤无壅塞。

【补注】先谦曰：九川，弱水一，黑水二，河三，漾四，江五，沅六，淮七，渭八，洛九也。史公弱水上增九川二字，则九川非九州泉源可知。

九泽既陂，

【颜注】师古曰：九州陂泽，皆已遏障，无决溢。

【补注】先谦曰：皮锡瑞云，九山九川，皆实有九，则九泽亦当实有九数，非谓九州之泽也。以经考之，雷夏一，大野二，彭蠡三，震泽四，云梦五，荥波六，荷泽七，盟猪八，猪野九，适符九数。雷夏、彭蠡、震泽、荷泽，《禹贡》明著泽名；云梦、盟猪、大野，皆为泽，见《职方》；荥泽，见《左传》；猪野泽，见《水经》。其或一州无泽，或一州二泽、三泽，盖无一定，非如《职方》所在，一州一泽也。

四海会同。

【颜注】师古曰：四海之内，皆会同会京师。

【补注】先谦曰：官本注，无皆字，引宋祁曰，之内下，姚本有皆字。

六府孔修，

【颜注】师古曰：水、火、金、木、土、谷，皆甚治。

【补注】先谦曰：《夏纪》孔改甚。庶土交正，底慎财赋，

【颜注】师古曰：言众土各以其所出，交易有无，而不失正，致慎货财，以供贡赋。

【补注】先谦曰：《夏纪》庶改众，底改致。《集解》引郑注，众土美恶及高下，得其正矣，颜说非。

咸则三壤，成赋中国。

【颜注】师古曰：言皆随其土田上中下三品，而成其赋于中国也。中国，京师也。

【补注】先谦曰：官本注，田作地，下有自字。引宋祁曰：邵本，其土地下，自字作田，南监本与此本同。《史·集解》引郑注，中国二字属下为句，古文说也。王褒《四子讲德论》云，咸则三壤，颜与郑读不同，盖袭汉人旧说。

锡土姓：“祇台德先，不距朕行。”

【颜注】师古曰：台，养也。言封诸侯，赐之土田，因以为姓。所敬养者，惟德为先，故无距我之行也。台音怡。

【补注】先谦曰：《夏纪》锡作赐，《集解》引郑注，祇台训敬悦，颜注不同，盖亦袭汉人旧说。

五百里甸服：

【颜注】师古曰：规方千里最近王城者为甸服，则四面五百里也。甸之为言田也，主为王者治田。

【补注】先谦曰：《夏纪》云，令天子之国以外五百里甸服。皮锡瑞云，此言甸服在帝畿千里之外，如《职方》甸服在王畿千里之外也。其外，侯、绥、要、荒，各五百里。五服四面相距，方五千里，加帝畿千里，则六千里。贾逵、马融以为中国方六千里，盖同史公之说，然史公意以为帝畿之外，乃为五百里甸服，纳总之属，即在五百里甸服中。而马注云，甸服之

外，每百里为差，所纳总、铨、秸、粟、米者，是甸服之外，特为此数。其侯服之外，每言三百里、二百里者，还就其服之内，别为名耳，非是服外更有其地也。甸服之外五百里，至城千里，其侯、绥、要、荒服，各五百里，是面三千里，相距为方六千里。据此，则马意以为五百里甸服，即是帝畿千里，甸服外乃别有纳总之属，虽皆云六千里，而其义稍异。

百里赋内总，

【颜注】师古曰：自此以下，说甸服之内，以差言之也。总，禾稿总入也。内读曰纳，下皆类此。

【补注】先谦曰：官本注，摠作总，南监本同。《夏纪》内作纳，通用字，下同。

二百里（纳）〔内〕铨，

【颜注】师古曰：铨，谓所刈，即禾穗也。铨音室。

【补注】钱大昭曰：纳，南监本，闽本作内，上下文皆为内，此纳字误。先谦曰：官本作内。

三百里内甸服，

【颜注】师古曰：甸，稿也。言服者，谓有役则服之耳。甸音工黠反。

【补注】钱坫曰：甸，《夏纪》作秸，依义即稽字也，别作秸耳。《礼器》注又作𥝿，亦别字。此则借用甸𥝿字。陈奂曰：甸服，《书》作秸服，二字连文得义，断去其稿，又去其颖，谓之秸。带释言，谓之秸服。秸者，实也。秸服者，粟之皮也。服与𥝿声相近，自伪孔传误秸为稿，而颜又误解服字耳。

四百里粟，五百里米。

【颜注】师古曰：精者纳少，粗者纳多。

五百里侯服：

【颜注】师古曰：此次甸服之外，方五百里也。侯，侯也。主斥侯而服事也。

百里采，

【颜注】师古曰：又说侯服内之差次也。采，事也。王事则供之，不主一也。

二百里男国，

【颜注】师古曰：男之言任。任王事者。

【补注】先谦曰：《夏纪》作任国，任男通用字。今文，男皆作任，此疑后人据枚书改之。《王莽传》，莽封王氏女皆为任用。今文《尚书》制爵也。莽下书曰：在采任诸侯，是谓维翰。

三百里诸侯。

【颜注】师古曰：三百里同主斥侯，故合而言之，为一等。

【补注】先谦曰：《夏纪》、枚书，亦作三，疑三当为二。

五百里绥服：

【颜注】师古曰：此又次侯服外之五百里也。绥，安也。言其安服王者政教。

【补注】先谦曰：《夏纪》五上增侯服外三字。

三百里揆文教，

【颜注】师古曰：揆度王者文教而行之也。三百里皆同。

二百里奋武卫。

【颜注】师古曰：奋其武力以卫王

者，二百里皆同。

五百里要服：

【颜注】师古曰：此又次绥服外之五百里也。要，以文教要来之也。要音一遥反。

【补注】先谦曰：《夏纪》五上增绥服外三字。

三百里夷，

【颜注】师古曰：夷，易也。言行平易之法也。三百里皆同。

二百里蔡。

【颜注】师古曰：蔡，法也。遵刑法而已。二百里皆同。

【补注】先谦曰：颜用马说。郑注，蔡之言杀，减杀其赋，义异。

五百里荒服：

【颜注】师古曰：又次要服外五百里，此五服之最在外者也。荒，言其荒忽，各因本俗。

【补注】先谦曰：《夏纪》五上增要服外三字。

三百里蛮，

【颜注】师古曰：蛮，谓以文德蛮幕而复之。三百里皆同。

【补注】先谦曰：《正义》引马融云，蛮，慢也。礼简怠慢；来不距，去不禁。与颜说异。

二百里流。

【颜注】师古曰：任其流移，不考诘也。三百里皆同。

【补注】刘敞曰：予谓唐虞九州，州方千里，通三千里也。要荒，乃在九州外矣。夷者，言稍以夷礼通之，于春秋譬杞、莒也。蔡，读如蔡，蔡叔之蔡。蛮者兼言蛮俗矣，于春秋，

譬楚、越也。流，读如流其工之流。此两者之分。夷近而蛮远，蔡轻而流重。《王制》曰，千里之外曰采、曰流。采亦当作蔡，声之误耳。

东渐于海，西被于流沙，朔、南泉，声教讫于四海。

【颜注】师古曰：渐，入也。被，加也。朔，北方也。讫，尽也。言东入于海，西加流沙，北方南方皆及，声教尽于四海也。一曰，渐，浸。泉，及也。

【补注】先谦曰：官本，泉并作泊。引宋祁曰：泊疑作泉，注同。皮锡瑞云，《贾捐之传》以朔南暨声教为句。荀悦《汉纪》亦云北尽朔裔，南暨声教。《后汉·杜笃传》朔南暨声，诸夏建和。是两汉人皆以朔南暨声教为句，近人于暨字断句，非古义也。且汉志作泉，又何以解乎。

禹锡玄圭，告厥成功。

【颜注】师古曰：玄，天色也。尧以禹治水功成，故赐玄圭以表之也。自此以上，皆《禹贡》之文。

后受禅于虞，为夏后氏。

殷因于夏，亡所变改。

【补注】陈奂曰：《尔雅·释地》，说者以为殷制。

周既克殷，监于二代而损益之，定官分职，改禹徐、梁二州合之于雍、青，

【颜注】师古曰：省徐州以入青州，并梁州以合雍州。

分冀州之地以为幽、并。

【补注】何焯曰：《周礼》注，此州

界，扬、荆、豫、兖、雍、冀，与《禹贡》略同，青州则徐州地也。幽、并则青冀之北也。无徐、梁，梁属于雍，犹幽并之属于冀也。

故《周官》有职方氏，

【颜注】师古曰：夏官之属也。职，主也。主四方之土地。

掌天下之地，辩九州之国。

东南曰扬州，其山曰会稽，

【颜注】师古曰：在山阴县。

【补注】先谦曰：本志会稽山阴下云，会稽山在南，扬州山。

薮曰具区，

【颜注】师古曰：薮，大泽也。具区在吴也。

【补注】先谦曰：官本注末无也字。会稽吴下云，具区泽在西，扬州薮。

川曰三江，滬曰五湖；

【颜注】师古曰：滬，古浸字也。川水之通流者也。浸，谓引以灌溉者，五湖在吴。

【补注】汪远孙曰：滬，隶省作漫，俗作滬。先谦曰：会稽吴下南江，毗陵下北江，丹扬芜湖下中江，并云扬州川，即《禹贡》三江也。五湖，志不载。钱坫云，今松江也。亦名笠泽。《春秋·传》鲁哀公十七年，吴越战于笠泽。《史记·孔子列传》及越纽作战于五湖，是也。今苏州府吴江县东有水通淀泖诸湖者皆是。

其利金、锡、竹箭；民二男五女；畜宜鸟兽，

【颜注】师古曰：鸟，孔翠之属；兽，犀象之属。

谷宜稻。

正南曰荆州：其山曰衡，藪曰云梦，川曰江、汉，

【补注】先谦曰：本志长沙湘南下云，衡山在东南，荆州山。南郡华容下云，云梦泽在南，荆州藪。江、汉朝宗于海，《禹贡》在荆州，志不言。

浸曰颖、湛；

【颜注】师古曰：颖水出阳城阳乾山，宜属豫州。许慎又云，湛水，豫州浸，并未详也。湛音直林反，又音直减反。

【补注】先谦曰：颖川阳城下云，阳乾山，颖水所出，至下蔡，入淮，荆州浸。湛水，志不载。据《汝水注》，湛水源出南阳犍，至颖川昆阳入汝（分见县下），注云，《周礼》荆州，其浸颖、湛。郑玄云，未闻，盖偶有不照也。今考地则不乖其土，言水则有符经文矣。

其利丹、银、齿、革；民一男二女；畜及谷宜，与扬州同。

河南曰豫州：其山曰华，

【颜注】师古曰：即华阴之华山也。连延东出，故属豫州。

【补注】先谦曰：本志京兆华阴下云，太华山在南，豫州山。

藪曰圃田，

【颜注】师古曰：在中牟。

【补注】先谦曰：河南中牟下云，圃田泽在西，豫州藪。

川曰荥、雒，浸曰波、澨，

【颜注】师古曰：荥，即沔水所溢

者也。波，即上《禹贡》所云荥波者也。澨水在楚，亦不当为豫州浸也。澨音庄亚反。

【补注】先谦曰：官本，即下沔作流，引宋祁曰：流当作沔。荥，即《禹贡》之荥，波，即《禹贡》之播。志不载。波见《澧水注》，详南阳鲁阳下。澨见《沔水注》，详南阳随下。

其利林、漆、丝、枲，

【补注】先谦曰：《周礼》郑注，林，竹木也。官本林作麻。

民二男三女，畜宜六扰，

【颜注】师古曰：马牛羊豕犬鸡也，谓之扰者，言人所驯养也。扰音人沼反。

【补注】钱坫曰：扰应为纒字，盖柔谨之意。

其谷宜五种。

【颜注】师古曰，黍稷菽麦稻。

【补注】苏舆曰：依志例，其字当衍。下其畜宜鸡狗，其川曰河沛，其畜宜六扰，其民三男二女，并衍其字。

正东曰青州：其山曰沂，藪曰孟诸，

【颜注】师古曰：沂山在盖县，即沂水所出也。孟诸，即盟猪也。

【补注】先谦曰：沂山，志不载。《沂水》篇，沂水出泰山艾山。注云，郑玄云，出沂山。亦或云临乐山。据此，沂山即艾山也。梁国睢阳下盟诸泽，亦不言青州藪，盖夺文。

川曰淮、泗，浸曰沂、沐；

【颜注】师古曰：沐水出东莞，音术。

【补注】先谦曰：本志南阳平氏下云，淮水出，青州川；鲁国卞下云，泗水出，青州川；泰山盖下云，沂水出，青州浸；琅邪东莞下云，朮水出，青州浸。颜注，朮，即沐也。郑司农以淮为睢，沐为洙，与汉志不合。其利蒲、鱼；民二男三女；

【补注】钱坫曰：《周礼》作二男二女。郑注，二男二女，数似误也，当与兖州同，二男三女。其畜宜鸡、狗，谷宜稻、麦。

河东曰兖州：其山曰岱，藪曰泰壑，

【颜注】师古曰：即大壑。

【补注】先谦曰：本志泰山博下云，岱山在西北，兖州山（今本误作求山上）。山阳钜壑下云，大壑泽在北，兖州藪。泰大通用。《周礼》作大壑。其川曰河、沛，

【补注】先谦曰：《禹贡》沛、河惟兖州，志不言。浸曰卢、潍；

【颜注】师古曰：卢水在济北卢县。郑康成读曰雷，非也。

【补注】先谦曰：琅邪箕下云，维水出，兖州浸。卢，志不载。颜谓在济北卢县。案，泰山卢下，济北王都，并无卢水。颜注误也。琅邪横县有久台水，《潍水注》以为卢水，当从之。详横下。郑读卢为雷，读潍为雍，以为雷泽雍沮，与汉志异。

其利蒲、鱼；民二男三女；其畜宜六扰，谷宜四种。

【颜注】师古曰：马牛羊豕犬鸡，

黍稷稻麦也。

正西曰雍州：其山曰嶽，

【颜注】师古曰：即吴曠也。

【补注】先谦曰：本志扶风汧下云，吴山在西，雍州山。明志以岳为吴。藪曰弦蒲，

【颜注】师古曰：在汧县。

【补注】先谦曰：汧下云，北有蒲谷乡弦中谷，雍州弦蒲藪。川曰泾、汭，

【颜注】师古曰：汭在邕地。《诗·大雅》公刘之篇曰，汭鞠之即。

【补注】先谦曰：安定泾阳下云，泾水出，雍州川；扶风汧下云，芮水出西北，东入泾。芮即汭也，不言雍州川，夺文。

其浸曰渭、洛；

【颜注】师古曰：洛即漆沮也，在冯翊。

【补注】先谦曰：官本无其字，是。南监本同。陇西首阳下云，渭水出，雍州浸；冯翊襄德下云，洛水东南入渭，雍州浸。

其利玉、石；其民三男二女；畜宜牛、马，谷宜黍、稷。

东北曰幽州：其山曰医无间，

【颜注】师古曰：在辽东。

【补注】先谦曰：辽东有无虑县，后汉因。《续志》注有医无虑山。案《续志》山水多本前志，疑班志原有医无间山在西，幽州山九字，而传本夺之。

藪曰獫狁，

【颜注】师古曰：在长广。

【补注】王念孙曰：穰本作奚，此后人依《职方》改之。杜子春读穰为奚，是。奚为本字，穰为借字，故班志作奚。琅邪下作奚养泽，是其证。《说文》藪字注及《风俗通义》并作奚。若志文作穰，则注当云穰音奚，今注内无音，则本是奚字明矣。先谦曰：本志琅邪长广下云，奚养泽在西，幽州藪。

川曰河、沛，浸曰菑、时；

【颜注】师古曰：菑出莱芜。时水出般阳。

【补注】先谦曰：泰山莱芜下云，菑水出，幽州浸；齐郡临淄下云，如水西北至梁邹入沛。《菑水注》云，即时水也，颜云出般阳，误。志无幽州浸三字，盖夺文。

其利鱼、盐；民一男三女；畜宜四扰，谷宜三种。

【颜注】师古曰：黍稷稻。

河内曰冀州：其山曰霍，

【颜注】师古曰：在平阳永安县东北。

【补注】汪远孙曰：山上当有其字。先谦曰：官本有其字。本志河东虓下云，霍太山在东，冀州山。

藪曰扬纡，

【颜注】师古曰：《尔雅》曰，秦有扬纡，而此以为冀州，未详其义及所在。

【补注】先谦曰：《周礼》扬作杨。郑注，阳纡未闻。

川曰漳，浸曰汾、潞；

【颜注】师古曰：漳水出上党长子。汾水出汾阳北山。潞出归德。

【补注】钱大昕曰：志不载潞水所出，其出北地归德者，乃洛水，非潞水也。颜注误。先谦曰：上党沾下云，清漳水出，冀州川；太原汾阳下云，汾水出，冀州浸。《浊漳水注》以潞水为即浊漳，详上党潞下。

其利松、柏；民五男三女；畜宜牛、羊，谷宜黍、稷。

正北曰并州：其山曰恒山，藪曰昭余祁，

【颜注】师古曰：在太原邬县。邬音一户反，又音于庶反。

【补注】先谦曰：本志常山上曲阳下云，恒山在西北，并州山。太原邬下云，昭余祁在北，并州藪。《尔雅》、《说文》作昭余祁；《淮南子》作燕之昭余，无祁字。《吕览》作大昭。

川曰虹池、呕夷，浸曰涑、易，

【颜注】师古曰：虹池出卤城。呕夷出平舒。涑出广昌。易出故安。虹音呼。池音徒何反。呕音於侯反。

【补注】先谦曰：代郡卤城下云，虹沱河，并州川；灵丘下云，滹河，并州川。钱大昕云，颜注本《周礼》郑注，以祁夷当呕夷，然班实以滹水为呕夷，故于灵丘之滹河云，并州川，而于平舒之祁夷水，不云并州川。是班与郑异也。颜注虽宗后郑，却失班旨。又广昌下云，涑水，并州浸；涿郡故安下云，易水出，并州浸。

其利布帛；民二男三女；畜宜五

扰，

【颜注】师古曰：马、牛、羊、犬，豕。

谷宜五种。

而保章氏掌天文，以星土辩九州之地，所封封域皆有分星，以视吉凶。

【颜注】师古曰：保章氏，春官之属也。保，守也。言守天文之职也。分音扶间反。

周爵五等，而土三等：公、侯百里，伯七十里，子、男五十里。不满为附庸，盖千八百国。而太昊、黄帝之后，唐、虞侯伯犹存，帝王图籍相踵而可知。周室既衰，礼乐征伐自诸侯出，转相吞灭，数百年间，列国耗尽。

【颜注】师古曰：耗，减也。音呼到反。

【补注】先谦曰：官本耗作耗。至春秋时，尚有数十国，五伯迭兴，总其盟会。

【颜注】师古曰：此五伯，谓齐桓、宋襄、晋文、秦穆、楚庄也。迭，互也。伯读曰霸。迭音徒结反。

陵夷至于战国，天下分而为七。

【颜注】师古曰：谓秦、韩、魏、赵、燕、齐、楚也。

合从连衡，经数十年，秦遂并兼四海。以为周制微弱，终为诸侯所丧，故不立尺土之封，分天下为郡县，荡灭前圣之苗裔，靡有

孑遗者矣。

汉兴，因秦制度，崇恩德，行简易，以抚海内。至武帝攘却胡、越，开地斥境，南置交阯，北置朔方之州，

【颜注】师古曰：胡广记云，汉既定南越之地，置交阯刺史，别于诸州，令持节治苍梧，分雍州置朔方刺史。

【补注】先谦曰：扬雄《并州箴》云，雍，别朔方也。余详朔方郡。兼徐、梁、幽、并夏、周之制，改雍曰凉，改梁曰益，凡十三（郡）[部]，

【中华校】凡十三（郡）[部]，杨树达说郡字误，当作部。按景祐、殿、局本都作部。

置刺史。先王之迹既远，地名又数改易，

【颜注】师古曰：数音所角反。是以采获旧闻，考迹《诗》《书》，推表山川，以缀《禹贡》、《周官》、《春秋》，下及战国、秦、汉焉。

【颜注】师古曰：中古以来，说地理者多矣，或解释经典，或撰述方志，竞为新异，妄为穿凿，安处互会，颇失其真。后之学者，因而祖述，曾不考其谬论，莫能寻其根本，今并不录，盖无尤焉。

【补注】钱大昕曰：《水经》载《禹贡》山川泽地所在，不见于此志者，如河东大阳无砥柱，燉煌燉煌无三危，河南成皋无大邳，南郡邳县无三潞，

是也。志与《水经》异者，碣石在辽西临渝，而志在右北平骊成；龙门在河东皮氏，而志在冯翊夏阳；九江在长沙下隲，而志在庐江寻阳，蟠冢在陇西氐道，而志在西县；大别在庐江安丰，而志在六安；积石在陇西河关，而志在金城；太华在弘农华阴，而志在京兆；恒山在中山上曲阳，而志在常山上曲阳；嵩高在颖川阳城，而志属颖川之密高；太岳在河东永安，而志属河东之彘。

考光武省六安入庐江，顺帝改彘名永安，华阴之改属弘农，河关之改属陇西，上曲阳之改属中山，《续汉志》有明文，若右北平之骊成，颖川之密高，《续汉志》俱不载，则亦世祖所并省。《水经》所据，皆后汉之疆域，似

异而实同也。若龙门之在夏阳，九江之在寻阳，西县之蟠冢，两汉志并同，此其不能强合者。又志于《禹贡》山川，不称《禹贡》，又不称古文者，京兆华阴之太华，河东蒲反之雷首，泰山博之岱山，河内野王之太行，弘农卢氏之熊耳，南郡华容之云梦，庐江之东陵，丹扬芜湖之中江，会稽毗陵之北江，山阳巨野之大壑，南郡枝江之江沱。

先谦曰：钱所举不能合者三事：龙门所在之夏阳、皮氏，蟠冢所在之氐道、西县，皆壤地错入，非有歧异。惟九江，一以为在寻阳，一以为在下隲，则今古文之不同也，其不称《禹贡》，盖夺文，后不复出。

京兆尹

京兆尹，

【补注】先谦曰：《决录》注：京，大也。天子曰兆民。潘岳《关中记》云：治长安城中。《黄图》云：京兆治所，在故城南尚冠里。《续志》后汉同。

故秦内史，

【补注】先谦曰：《百官表》，内史，周官。秦因之，掌治京师。

高帝元年属塞国，

【补注】先谦曰：司马欣国桃林之塞，因取名焉。汪远孙云：京兆尹、左冯翊皆属塞国，项羽所立。《史记》以汉入关为元年。二年汉并三秦为渭南、中地郡，志仍记也。胶东、衡山亦羽所封故国，必系之高帝元年者，同此尊汉之例。

二年更为渭南郡，

【补注】全祖望曰：渭南、河上置郡，《异姓诸侯王表》以为元年八月，可据。此与高纪作二年，误也。《功臣表》敬市侯阎泽赤以二年四月由河上守迁殷相矣，岂待雍亡之后。先谦曰：《史记·秦楚之际月表》书八月司马欣、董翳降汉，九月属汉为渭南、河上郡。班氏于《高纪》书二年，乃统词，非事实，全说是也。

九年罢，复为内史。

【补注】阎若璩曰：秦之内史治咸阳县，汉更名曰渭城。汉之内史，则治长安城中。

武帝建元六年分为右内史，

【补注】齐召南曰：《百官表》景帝二年分置左内史、右内史，与此不同。颜彼注谓据《史记》，知志误。案《史记·景纪》二年秋，但云置内史，设祠为县，未云分置左右内史也。未知颜氏何据？若据本书表，则孝景元年即书中大夫晁错为左内史矣。先谦曰：《郑当时传》建元四年为右内史。《汲黯传》召为主爵都尉，公孙弘请徙为右内史。《东方朔传》又诏中尉、左、右内史表属县草田。右内史即京兆尹也。事皆在建元六年前，知分置左右不始于武帝。

【编者按】左右内史之分当早至文帝后元年间。《汉书·枚乘传》有“二十四郡，十七诸侯”之说。查《史记·诸侯王表》十七诸侯并存时间是文帝十六年至后元七年初，与之同时之二十四郡须并数左右内史方能足数（参见《西汉政区地理·结语》）。

太初元年更为京兆尹。

【补注】全祖望曰：志于王莽所改郡县诸名皆载，而京辅三郡之分为六尉，独略之。此当云：王莽曰西都京兆大尹，后又分其旁县为郡二，曰京尉、师尉。先谦曰：自故秦内史至此，班氏本文小字。

元始二年户十九万五千七百二，口六十八万二千四百六十八。

【颜注】师古曰：汉之户口，当元始时，最为殷盛，故志举之以为数也，后皆类此。

【补注】王鸣盛曰：元始，王莽秉

政，户口之盛，必多增饰，班岂不知，盖取最后之籍以为定，不必以其盛也。先谦曰：《续志》后汉因，属司隶校尉部。

县十二：

长安，

【补注】先谦曰：《始皇纪》始皇封弟成峤为长安君，是长安地名，秦时已有：

高帝五年置。

【补注】钱坫曰：《史记·将相名臣表》作六年置。据表，六年更名，钱引以驳志文，非。

惠帝元年初城，六年成。

【补注】先谦曰：详《惠纪》。县人许商，见《儒林传》。樊中子、万章，见《游侠传》。谷永见本传。

户八万八百，口二十四万六千二百。

【补注】王鸣盛曰：志每郡有户口数，县下惟京兆尹长安、左冯翊长陵、右扶风茂陵、颍川郡阳翟、雋陵并有户口。河南郡雒阳、南阳郡宛、蜀郡成都、鲁国鲁、楚国彭城，有户无口。详略皆无义例，有则书之，无则阙也。各县户口，皆注其县下，独雒阳注于郡名下，书法参差，亦无义例。

王莽曰常安。

【颜注】师古曰：王莽篡位，改汉郡县名，普易之也，下皆类此。

【补注】吴卓信曰：《莽传》始建国元年，改曰常安。三年，以为新室西都。先谦曰：后汉因。《一统志》故城今长安县西北十三里。钱坫云：俗呼

杨家城。

【编者按】治今陕西西安市西北汉城。

新丰，骊山在南，

【补注】吴卓信曰：骊或作丽、酈、离，同山。在今临潼县南二里。蓝田山在今蓝田县东南三十里。

故骊戎国。

【补注】段玉裁曰：书故骊戎国者，缀春秋也。先谦曰：《一统志》骊戎城在今临潼县东。

秦曰骊邑。

【补注】钱坫曰：《史记》始皇十六年置骊邑。

高祖七年置。

【补注】应劭曰：太上皇思东归，于是高祖改筑城寺街里以像丰，徙丰民以实之，故号新丰。

【补注】王念孙曰：七当为十。《史记·高祖纪》十年七月，更命骊邑曰新丰。是其证。周寿昌曰：据《三辅旧事》及《渭水注》，新丰为太上皇置，与应说合。案太上皇上尊号在六年，崩在十年七月，则七年置新丰无疑。《史记》言更名在十年，此以七年纪其改置之实也。王改七为十，太上皇崩于十年，尚何庸作新丰邪。先谦曰：官本注，寺作市。后汉因。《一统志》故城在今临潼县东北。

【编者按】治今陕西临潼县东北。

船司空，莽曰船利。

【颜注】服虔曰：县名。师古曰：本主船之官，遂以为县。

【补注】何焯曰：《百官表》都司空注：如淳云，律司空，主水及罪人。船既司空所主，兼有罚作船之徒役，皆在此县也。先谦曰：《续志》，后汉省。《渭水注》：《三辅黄图》有船库官，后改。《一统志》故城今华阴县东北。

【编者按】治今陕西潼关县北。

蓝田，

【补注】先谦曰：秦取楚汉中，再战于此。吕不韦为相，食蓝田。并见《国策》、《楚世家》。梁惠成王三年，秦子向命为蓝君，见《纪年》。县见《五行志》。夏侯婴战此，见《婴传》。南有峽关，见《高纪》。《续志》，后汉因。《一统志》故城今蓝田县西三十里。

山出美玉，

【补注】先谦曰：南山出玉石，见《东方朔传》。蓝田璧见《外戚传》。《一统志》山在今县东三十里。

有虎候山祠，

【补注】先谦曰：《续志》刘注：《地道记》有虎候山。《长安志》亦载之。吴卓信云：《蓝田县志》县西十五里，有虎珂山，疑是。

【编者按】据《郊祀志》载，成帝建始间有各类神祠六百八十三所。本志在有关县城下，载录了位于该县境内的神祠数目和名称（其中有些县神祠数目太大，则只举若干神祠名为代表），累计这些数字得二百九十余所，加上本志失载而《郊祀志》已载明地点的部分神祠，共约三百二十来所。这三百多所祠庙的具体分布情况可参

见拙著《西汉宗教地理略说》（载《中国文化》第三辑）。

秦孝公置也。

【补注】先谦曰：《六国表》秦献公六年，县蓝田。孝盖献之误。

【编者按】治陕西今县西。

华阴，

【补注】先谦曰：全祖望云，当有京辅都尉治五字，传写夺之。先谦案，此据《百官表》、《赵广汉传》。其治华阴，见《黄图》及《宣纪》本始元年注。县人杨敞，见本传。

故阴晋，

【补注】段玉裁曰：故阴晋，所谓下及战国秦汉也。先谦曰：故魏地，文侯时，秦侵阴晋，见《魏世家》。惠王与赵肃侯遇此，见《赵世家》。公孙衍，阴晋人，见《秦纪》。

秦惠文王五年更名宁秦，

【补注】齐召南曰：《秦纪》惠文王六年，魏纳阴晋，更名宁秦，非五年，当是传写之讹。钱坫曰：《六国表》亦作六年。《华山记》云，华山界秦晋之境。晋之西鄙，则曰阴晋；秦之东邑，则曰宁秦。先谦曰：曹参赐食邑宁秦，见《参传》。

高帝八年更名华阴。

【补注】先谦曰：华阴名始见《禹贡》。《寰宇记》云，以在华山之阴，故名。

太华山在南，

【补注】段玉裁曰：太华作太者，非。古有大无太，太出于后汉臆作耳。太华山上当有禹贡二字，传写夺之。

先谦曰：《禹贡山水泽地篇》华山为西岳，在华阴县西南，与志合。《一统志》山在今县南十里。

有祠，

【补注】先谦曰：宣帝置，见《郊祀志》。

豫州山。

【补注】段玉裁曰：凡言某州山，某州川，某州藪者，皆以释《职方》、缀《周官》也。

集灵宫，武帝起。

【补注】吴卓信曰：桓谭《集灵宫赋序》华阴集灵宫，武帝所造。欲怀集仙者王乔、赤松子，故名殿为存仙。端门南向，署曰望仙门。

莽曰华坛也。

【补注】先谦曰：《续志》后汉改属弘农。《一统志》故城今华阴县东南。

【编者按】治陕西今县东。

郑，

【补注】先谦曰：秦武公时县郑，见《秦纪》；魏文侯攻秦至此，见《魏世家》；商鞅发邑兵击郑，见《商君传》；新郑反，见《始皇纪》；县有通里，见《五行志》；县人田广明，见《酷吏传》。

周宣王弟郑桓公邑。有铁官。

【颜注】应劭曰：宣王母弟友所封也。其子与平王东迁，更称新郑。臣瓚曰：周自穆王以下，都于西郑，不得以封桓公也。初，桓公为周司徒，王室将乱，故谋于史伯，而寄帑与贿于虢会之间，幽王既败，二年而灭会，四年而灭虢，居于郑父之丘，是以为

郑桓公，无封京兆之文也。师古曰：《春秋外传》云，幽王既败，郑桓公死之，其子武公与平王东迁。故《左氏传》云，我周之东迁，晋郑焉依，又郑庄公云，我先君新邑于此。盖道新郑也。穆王以下，无都西郑之事，瓚说非也。会音工外反。

【补注】吴卓信曰：《史记·索隐》引《世本》云，郑桓公居棫林，徙拾。宋忠注，棫林与拾，皆旧地名。自封桓公，乃名为郑耳。汪远孙曰：《后书·百官志》郡国盐铁官，本属司农，中兴皆属郡县。钱坫曰：今华州南山商洛之间出铁。先谦曰：《秦纪》晋悼公追秦军，渡泾，至棫林。《续志》后汉因。《一统志》故城今华州北。

【编者按】治今陕西华县。

湖，

【补注】先谦曰：《范睢传》王稽载睢入秦，过湖关。《索隐》云，湖，京兆湖县。先谦案，秦时因其地有鼎湖以名关耳，初县名胡，《索隐》语未晰。县有泉鸠里。见《武五子传》。

有周天子祠二所。

【补注】先谦曰：祠见《郊祀志》。钱坫云：《四夷县道记》故祠在湖城县西南十里。

故曰胡，武帝建元年更名湖。

【补注】齐召南曰：建元下脱某年字，宋本亦然。钱大昭曰：《寰宇记》作建元元年。段玉裁曰：胡者大也。见《释故》。盖周时旧名，武帝嫌其为匈奴之称，易之。钱坫曰：胡，周厉王名。或天子祠即厉王。周寿昌曰：《河水注》引《魏土地记》云，湖县有

黄帝登仙处。帝铸鼎荆山下，有龙垂胡于鼎，帝登龙升天，名其地为鼎湖，县之名胡盖以龙胡故也。地曰鼎湖，故武帝改为湖耳。先谦曰：顾炎武云，晋有二瑕，其一《左传》所谓郇瑕之地，详河东解下；其一河外之瑕，《左传》晋侯使詹嘉处瑕，以守桃林之塞，即此胡县。《礼记》引《诗》：心乎爱矣，瑕不谓矣。郑注：瑕之言胡也，瑕胡音同，故记用其字，胡即瑕之音转字变。先谦案：胡瑕音转，义原可通。惟胡之为县，在函谷关内，函谷即桃林，其山自衙岭绵亘达于弘农郡弘农县，统为桃林之塞……瑕之为邑，度不能远至桃林塞内，然则顾氏以胡为瑕，似未可据。余谓胡县地与郑比，《纪年》及《韩非子》俱载郑武公灭胡，杀关其思事，此乃武公所灭之胡国，后因置县，故受是名耳。《西域传》颜注：故，谓旧时也，下并同。后汉改属弘农。《一统志》故城今阌乡县东。

【集释】王峻《汉书正误》曰：陈（景云）云建元下脱六字。

【编者按】治今河南灵宝县西。

下邳，

【颜注】应劭曰：秦武公伐邾戎，置有上邳，故加下。师古曰：邾音圭，取邾戎之人而来为此县。

【补注】先谦曰：《郊祀志》下邳有天神祠。《续志》后汉省。《一统志》故城今渭南縣东北。

【编者按】治今陕西渭南市东北

南陵，文帝七年置。

【补注】吴卓信曰：《史记·景纪》二年置南陵县。本志及《百官表》、《将相表》云，南陵文帝置。盖文帝置陵，景帝置县也。薄太后以孝景前二年崩，以吕后合葬长陵，故特起陵，近文帝霸陵，在霸陵南，故曰南陵。先谦曰：《续志》后汉省。《一统志》故城今咸宁县东南。

沂水出蓝田谷，北至霸陵入霸水。

【补注】宋祁曰：沂，越本作沂。段玉裁曰：《渭水注》泥水、浚水皆出蓝田谷，入霸。沂盖泥之声误也。沂又误析，故颜音先历反。此当云泥水、浚水皆出蓝田谷，北至霸陵入霸。今本脱浚水。酈所据脱泥水，故叙泥水不引志文，而浚水篇引志文也。然据宋敏求《长安志》，则酈注述泥水，所脱多矣，安知不在所脱中也。今正沂作泥，又补浚水，庶合。先谦曰：诸家改沂为浚，不如段说之精。泥亦作涅。涅、浚、霸三水出蓝田，入霸陵。因二县地割置南陵，故系之此下。

霸水亦出蓝田谷，北入渭。

【颜注】师古曰：兹水，秦穆公更名以章霸功，视子孙。沂音先历反。视读如示。

【补注】宋祁曰：章，淳化本作革（宋说多谬，不复加驳）。钱大昕曰：古下皆班氏本文，谓霸水古曰兹水，秦穆公始更名耳，非颜注也。师字，后人妄加。沂音上，当有师古曰三字。钱坫曰：《说文》霸作灞。潘岳云：玄霸素浚。以玄霸为称，本名兹水，兹字从二玄。《左传》何故使我水兹，兹者黑也。先谦曰：滋兹古今字。

【编者按】治今陕西西安市东。

奉明，宣帝置也。

【补注】先谦曰：因宣帝皇考史皇孙陵置。纪在元康元年。《续志》后汉省。《一统志》故城今长安县北八里。

【编者按】治今陕西西安市西北。

霸陵，故芷阳，

【补注】先谦曰：秦宣太后悼太子葬此，见《秦纪》。亦作茝阳，见《始皇纪》。高帝宴鸿门，脱身从骊山道芷阳间行，见《高纪》。夏侯婴战芷阳，见《婴传》。

文帝更名。

【补注】先谦曰：文帝陵。《将相表》孝文九年，以芷阳乡为霸陵。县人杜君敖，见《游侠传》。

莽曰水章也。

【补注】先谦曰：莽名县，即取秦穆章霸功之义。《续志》后汉因。《一统志》故城今咸宁县东。

【编者按】治今陕西西安市东北。

杜陵。

【补注】先谦曰：县人朱博、史丹、韩延寿、苏建、张汤，见本传。蒋翊见《鲍宣传》，田何见《儒林传》，陈遵见《游侠传》。

故杜伯国，

【补注】钱坫曰：周宣王臣，事见《墨子》。先谦案：杜伯事，见《纪年》。

宣帝更名。

【补注】先谦曰：宣帝陵。秦武公县杜，见《秦纪》。宣帝乐之，起陵更名，见《宣纪》。瓚注，杜陵在长安南五十里。

有周右将军杜主祠四所。

【补注】先谦曰：《封禅书》杜亳有三杜主祠，而雍菴庙亦有杜主祠。杜亳者，徐广注，京兆杜县有亳亭也。《郊祀志》作五杜主，与此云四并异。雍菴庙杜主祠在雍县，与此无涉。右将军即杜伯。

莽曰饶安也。

【补注】先谦曰：后汉因。《一统志》故城今咸宁县东南。

【编者按】治今陕西西安市东南。

左冯翊

左冯翊，

【补注】先谦曰：《决录》注，冯，冯也；翊，明也。先谦案：冯也之冯，读凭。《诗·卷阿》有冯有翼，翊翼字通。郡名取此。阎若璩云：左冯翊虽

先书高陵，不为治，治长安城中，以《赵广汉传》及《景纪》注、《百官表》注知之。《韩延寿传》，为左冯翊，出行县，至高陵，证最分明。先谦案：《黄图》云，冯翊治所，在故城内太上

皇庙西南。

故秦内史，高帝元年属塞国，二年更名河上郡，

【补注】先谦曰：辨见京兆尹下。

九年罢，复为内史。武帝建元六年分为左内史。

【补注】先谦曰：亦当从《百官表》，景帝二年分置。

太初元年更名左冯翊。

【补注】全祖望曰：莽分左冯翊曰前辉光，后又分其郡为二，曰翊尉、光尉。

户二十三万五千一百一，口九十一万七千八百二十二。

【补注】先谦曰：《续志》后汉因，属司隶。

县二十四：

【补注】吴卓信曰：《韩延寿传》为左冯翊，恩信周遍二十四县。

高陵，

【补注】先谦曰：《秦策》昭王封同母弟显为高陵君，所谓高陵进退不请也。是高陵地名，秦时已有。

左辅都尉治。

【补注】钱坫曰：《百官表》武帝元鼎元年置三辅都尉。

莽曰千春。

【补注】先谦曰：《续志》后汉因。《一统志》故城今高陵县西南一里。

【编者按】治陕西今县。

栎阳，

【补注】先谦曰：《项羽纪》司马欣都。高祖二年，都栎阳，七年，徙长

安。

秦献公自雍徙。

【补注】先谦曰：徙下语意不完，盖夺此字。《秦纪》献公二年城栎阳。徐广云，徙都之。《六国表》十一年县栎阳。又《秦纪》云，十八年雨金于此。

莽曰师亭。

【颜注】如淳曰：栎音药。

【补注】段玉裁曰：汉郡县名字多异读，殆因方语之旧。吴卓信曰：《王莽传》天凤元年改诸郡县名，县以亭名者三百六十。先谦曰：《续志》后汉省。万年下刘注，秦献公都栎阳，是也。据此，县并入万年。《渭水注》：白渠自高陵来，东迳栎阳城北，又迳秦孝公陵北，下入莲勺。《一统志》故城今临潼县东北七十里。

【编者按】治陕西西安市临潼区东北。

翟道，

【补注】先谦曰：《百官表》，县有蛮夷曰道。《穆天子传》，天子南征朔野，迳绝翟道，升于太行。是翟道地名，周时已有。

莽曰涣。

【补注】先谦曰：《续志》，后汉省。《寰宇记》中部县下，引《洛水注》云，猪水，出翟道县西石堂山，西南入洛。《一统志》，故城今中部县西北四十里。

【编者按】治今陕西黄陵县西北。

池阳，惠帝四年置。

【补注】先谦曰：《周繆传》，赐食邑池阳，是秦有地名，惠帝置县耳。县人韩幼儒，见《游侠传》。《续志》，后汉因。刘注，有鬼谷，先谦案即槐谷，见《齐策》。秦封泾阳君市于此。故西晋时析置泾阳县。《渭水注》，白渠自谷口来，东南迳池阳城北，下入高陵。《一统志》，故城今泾阳县西北二里。

嵯峨山在北。

【颜注】应劭曰：在池水之阳。师古曰：嵯峨，即今俗所呼嵯峨山是也。音嵯啮，[嵯]音才葛反，又音五葛反。

【补注】汪士铎曰：并无池水，此仲远习语，乃在大白渠之阴耳。先谦曰：颜注絜下，当更有絜字，今夺。《一统志》，嵯峨山在今泾阳县北，东入三原界，西入淳化界，本名嵯峨山，亦作嵯峨。九嵎、嵯峨，并见《上林赋》。《雍录》云，咸阳县东二十五里兰池陂，即始皇遇盗之地。汉于其北立池阳县。先谦案，渭城下云有兰池宫。渭城去池阳中隔泾水，以此为池阳立证，未为得也。

【编者按】治今陕西泾阳县西北。

夏阳，故少梁，

【补注】段玉裁曰：少梁见《左传》，此缀春秋也。先谦曰：本梁国，秦灭之。见《左桓、僖传》杜注。后为秦少梁邑，晋取之，见《文传》。战国属魏，文侯城之，惠王时，与秦战，败于此，地遂入秦，见《魏世家》。

秦惠文王十一年更名。

【补注】先谦曰：更名，见《秦

纪》。

《禹贡》梁山在西北。

【补注】苏舆曰：缀《禹贡》梁山在此。明冀州梁岐即雍地，证之《尸子》、《吕览》、《淮南》（并龙门、吕梁连言）、《韩奕·郑笺》。《河水》郢注并同。宋晁说之始指离石、吕梁、介休、狐岐，证梁岐在冀（见王天与《尚书纂传》）。近朱鹤龄《禹贡长笺》（《四库提要》有驳语）、戴震《水地记》等书申其说，似违班旨。先谦曰：《诗》，奕奕梁山。《禹贡》山水泽地篇，梁山在夏阳县西北河上，与志合。《一统志》，山在今韩城县西，接郃阳界。

龙门山在北。

【补注】段玉裁曰：此释《禹贡》雍州道河之龙门。凡言《禹贡》某山某水者视此，缀《禹贡》也。先谦曰：司马迁生龙门，见《迁传》。《禹贡》山水泽地篇，龙门山在皮氏县西。《一统志》云，山在今韩城县东北，黄河西岸，跨山西河津县界。

有铁官。莽曰冀亭。

【补注】先谦曰：《续志》，后汉因。先谦案，北有韩原，秦获晋惠公于此。秦灵公城籍姑。《括地志》云，故城在北。《河水》篇，河水自河东皮氏来，而出龙门口。注云，昔禹疏决梁山，谓斯处。《魏土地记》云，梁山北有龙门山，大禹所凿。河水南合畅谷水，又迳梁山原东原，自山东南出至河，晋之望也，在夏阳县西北。《一统志》，故城今韩城县南二十里。

【集释】陈直按：夏阳有扶荔宫，志未注。扶荔宫遗址在今韩城县之芝

川镇，出土有“夏阳扶荔宫令壁，与天地无极”的铭文砖。

【编者按】治今陕西韩城市南。

衙，

【补注】先谦曰：春秋秦邑。《国语》范无弼云，秦有征衙。宪公出子葬此，见《始皇纪》。

莽曰达昌。

【颜注】如淳曰：衙音牙。师古曰：即春秋所云秦晋战于彭衙。

【补注】先谦曰：《续志》，后汉因。刘注，有苍颉冢，在利阳亭南。先谦案，《秦纪》武公伐彭戏氏，张守节以为即彭衙。《一统志》，故城今白水县东北。吴卓信云，六十里彭衙堡。

【编者按】治今陕西白水县东北。

粟邑，

【补注】先谦曰：县小，僻在山中，见《薛宣传》，

莽曰粟城。

【补注】先谦曰：后汉因。《续志》永元九年复。《一统志》，故城今白水县西北八十里。

【编者按】治今陕西白水县西北。

谷口，

【补注】先谦曰：案《国策》，范雎说秦王曰，大王之国，北有甘泉谷口。《郊祀志》所谓寒门谷口也，亦见《沟洫志》、《淮南王传》。孝文后三年置邑，见《将相名臣表》。

九嵎山在西。

【补注】先谦曰：《文选·西都赋》，

其阴则冠以九嵎。李注，九嵎，山名，上有九峰。《寰宇记》醴泉县下，引《水经注》云，泾水迳九嵎山东，中山西。谓之谷口。《纪要》九嵎山在今醴泉县东北六十里。中山在泾阳县西北三十里。

有天齐公、五床山、仙人、五帝祠四所。

【补注】吴卓信曰：《长安志》云，昭陵图有天齐公祠，在陵东北。又有仙人祠，在巴水谷东。又云，武将山在醴泉县西北五十里。五床疑武将，武五声近，将床形近。又鄠县有五林山，林或床之误。先谦曰：齐同脐，云公，尊之也。天齐、五床山、五帝、仙人祠，并见《郊祀志》，宣帝置，惟彼云在嵎为异。

莽曰谷喙。

【颜注】师古曰：嵎音子公反，又音子孔反。喙音许秽反。

【补注】先谦曰：《续志》，后汉省。《渭水注》，白渠引泾水，首起谷口，出郑渠南，又东迳宜春城南，下入池阳。《一统志》，故城今醴泉县东北七十里。

【编者按】治今陕西礼泉县东北。

莲勺，

【颜注】如淳曰，音犖酌。

【补注】先谦曰：宣帝尝困于此，见纪。张禹父家莲勺，见禹传。《续志》，后汉因。《一统志》，故城今渭南縣东北七十里来化镇是。吴卓信云，汉自渭水南，东置郑，西置新丰，渭北置下邳，东北置莲勺，其境以渭为

界。郑今华州，新丰今临潼，下邳、莲勺，并今渭南。苻秦析新丰置渭南县，然下邳、莲勺尚在也。隋并莲勺入下邳，元复并古下邳入渭南，而渭南之境始跨于渭北矣。

【编者按】治今陕西渭南市东北。

酈，莽曰脩令。

【颜注】孟康曰：音敷。

【补注】钱大昭曰：《说文》，酈，左冯翊县，从邑廙声，作酈，非。钱坫曰：《始皇纪》有廙公。应劭云，廙，秦邑，当即此。《封禅书》酈衍，即其地。李奇云，三辅谓三阪曰衍。先谦曰：《续志》，后汉省。《一统志》，故城今洛川县东南七十里。

【编者按】治今陕西洛川县东南。

频阳，

【补注】先谦曰：频阳北当上郡、西河，为数郡凑，见《薛宣传》。

秦厉公置。

【颜注】应劭曰：在频水之阳。

【补注】先谦曰：厉共公县频阳，见《秦纪》。县人王翦，见傅介子等传赞。《续志》，后汉因。《沮水注》，沮水自万年来，循郑渠，东迳当道城南，城在频阳县故城南频阳宫也。城北有频山，县在山南，故曰频阳。应劭云，在频水之阳，今县之左右无水以应之，所可当者，惟郑渠与沮水也。沮水下入莲勺。

吴卓信云，余尝过此，频水出频山微甚，出山二里即涸，山前有通川，名锦川。王翦求美田，即其地也。《一统志》，故城今富平县东北五十里。

【编者按】治今陕西富平县东北。

临晋，故大荔，秦获之，更名。

【补注】吴卓信曰：《秦纪》厉共公六年伐大荔，取其王城。徐广云，今临晋。

有河水祠。

【补注】先谦曰：《郊祀志》宣帝置。《括地志》，大河祠，在朝邑县南三十里。

芮乡，故芮国。

【补注】钱坫曰：芮伯万国也。在今同州府朝邑县南。全祖望曰：大荔之戎，亦名芮戎，在北地。芮伯国在临晋。秦灭大荔，其种落盖有居于临晋者，后人遂合而一之，谓临晋即古大荔，非也。《水经注》云，匪直大荔故芮也，此亦有焉，则二芮了然矣。先谦曰：《续志》有芮乡。刘注，古芮国，与虞相让者。又云有王城。刘注，秦厉共公取王城，即此。《左传》，晋阴飴甥与秦伯会王城，证以徐广之说，大荔、芮乡，同在临晋无疑，全说未谛。

莽曰监晋。

【颜注】应劭曰：临晋水，故曰临晋。臣瓚曰：晋水在河之间，此县在河之西，不得云临晋水也。旧说曰，秦筑高垒，以临晋国，故曰临晋也。师古曰：瓚说是也。说者或以为魏文侯伐秦，始置临晋，非也。文侯重城耳，岂始置乎？

【补注】吴卓信曰：《史记》魏王豹盛兵蒲坂，塞临晋。《索隐》临晋，县名。在河东之东岸，对旧关。临晋关

即蒲津关，今在朝邑县东。河东之临晋，乃汉解县。唐天宝十三年改名，今因之，属蒲州府，虽去蒲津止百里，然不可混。

周寿昌曰：莽于县名，临皆改监，下一字多仍之。或以其子临为太子，故为之讳，而取守曰监国之义乎。先谦曰：《官本考证》云，河之间，应作河之东，言县在河西岸，而晋水入河，在其东岸也。先谦案，文侯十六年，伐秦，筑临晋，见《魏世家》。言临晋者，莫先于此，即《齐策》所谓临晋之关也。瓚以为秦筑，颜以为文侯重城，或别有据。愚谓文侯伐秦，不能越河列障，所筑者当在河东。唐改解县为临晋，疑即本此。豹盛兵蒲坂，以塞临晋，犹言军河东以塞河西来路耳。故《高纪》云，自临晋渡河，魏豹降，正谓此临晋。与文侯所城不相涉。《秦纪》初作河桥，是其地也（韩、秦、魏王俱会此，见《秦纪》、《韩、魏世家》）。《续志》，后汉因。《一统志》，今大荔县治。

【编者按】治今陕西大荔县东朝邑镇。

重泉，

【补注】先谦曰：秦邑。简公城之，见《秦纪》。庄熊罴请穿洛，溉重泉，见《河渠书》。县人李必，见《项羽传》；王吉，见《儒林传》。

莽曰调泉。

【补注】先谦曰：《续志》，后汉因。《一统志》，今蒲城县东南五十里，引《县志》云，今重泉里。

【编者按】治陕西蒲城县东南龙阳。

郃阳，

【颜注】应劭曰：在郃水之阳也。师古曰：音合。即《大雅》大明之诗所谓在洽之阳。

【补注】先谦曰：战国魏地。文侯筑合阳，见《魏世家》。后入秦。高帝封合阳侯喜，见表。《索隐》云，属冯翊。钱坫云，《诗》在洽之阳。《说文》作郃。汉制，三辅地例不封侯，平原郡有合阳县，字作合，与表相符，疑是平原之县，而非此焉。先谦案，后汉因。《续志》永平二年复。《河水注》，河水自河东汾阴来，迳郃阳城东，故有莘邑，为太姒之国。《诗》云在郃之阳也。河水合城北、城中二潢水，城南又有潢水，入河。水南犹有文母庙，水即郃水也，县取名焉。故应劭云，在郃水之阳也。《一统志》，故城今郃阳县东南四十里，引《县志》云，西河乡洽阳里。

【编者按】治今陕西合阳县东南。

投栩，景帝二年置。

【颜注】师古曰：投音丁活反，又音丁外反。栩音诩。

【补注】钱坫曰：投，邹诞生音都会反。吴卓信曰：栩字，《说文》所无。方以智《通雅》云，《卫青传》又作栩。王厚之《集古印谱》有投栩丞，亦从木旁。先谦曰：宣帝时凤皇集，见《郊祀志》。县人赵食其，见本传。后汉因。《续志》永元九年复。《一统志》，故城今耀州东一里。

【编者按】治陕西桐川市耀州区。

武城，

【补注】先谦曰：本晋地，入秦。厉共公时，晋复取之，见《秦纪》。战国属魏，秦败我武下，见《魏世家》。酈商食邑于此，见《商传》。

莽曰桓城。

【颜注】师古曰：即《左氏传》所云（伐秦）〔秦伐〕晋取武城者也。

【补注】先谦曰：官本注，伐秦作秦伐，是。《续志》，后汉省。《一统志》，故城今华州东北十七里。

【编者按】治今陕西华县东。

沈阳，莽曰制昌。

【补注】段玉裁曰：戴氏《水经注》改作沈阳，谓即漓水，恐误。《汉书》作沈，疑有沈水。先谦曰：《续志》，后汉省。《渭水注》，东石桥水，即沈水，自京兆郑来，又北迳沈阳城，北注渭。《一统志》，故城今华州东北十五里。

【编者按】治今陕西华县东北。

褒德，

【补注】先谦曰：秦邑。周勃食邑于此，见勃传。

《禹贡》北条荆山在南，下有强梁原。

【补注】段玉裁曰：此释道汧及岐，至于荆山之荆山也。此曰北条荆山，南郡曰南条荆山，则知三条之说，自古而然。钱坫曰：《禹贡》导九山、汧、壶口、砥柱、太行、西倾、熊耳、嶓冢、内方、岐也。马融以汧为北条，西倾为中条，嶓冢为南条。郑康成分

为四列，汧为阴列，西倾次阴列，嶓冢为阳列，岐山为次阳列。强梁原作荆渠原，在今富平县北二十里。荆山在富平西南三十里。

徐松曰：胡渭云，《寰宇记》引《水经注》云，洛水东南历强梁原，俗谓之朝阪。今富平无洛水，朝邑有洛水，历强梁原入渭，原在荆山下。一证也。《同州志》云，华原在朝邑县西，绕北而东，以绝于河，古河壩也，一名朝阪，亦谓之华原山。盖华原即朝坂，朝坂即强梁原。荆山之麓，直抵河壩，禹治水从此渡河，故《禹贡》曰，至于荆山，逾于河。若富平，则东距河二百余里，与经意不合。二证也。朝邑实西汉之褒德，荆山当在其境，唐人所以致误者，盖由先儒谓漆沮即洛水，而泽泉经富平褒德城北，东南绝沮，注浊水，得漆沮之名，遂以此为汉志东南入渭之洛，并荆山亦移之富平耳。松案，褒德所在，当以胡说朝邑西南者为正。阎氏若璩，亲至朝邑县治，在强梁原上，为荆山北麓，然则谓朝邑无荆山者，误矣。

吴卓信曰：今富平亦有褒德城。《寰宇记》谓后汉及三国时，因汉旧名于此立县，今有废城存，是也。与西汉旧县无涉，而隋志误载荆山于富平县。李吉甫、宋敏求因之，后人遂沿其谬。先谦曰：《禹贡》山水泽地篇，荆山在褒德县南，与志合。《河水注》，徐水自夏阳来，东南流，绝强梁原，下入郃阳。又《渭水注》，渭水自华阴来，水阳，即怀德县界也。城在渭水北、沙苑南，即怀德县故城也。世谓之高阳城，非矣。《地理志》曰，《禹贡》

北条荆山在南，山下有荆渠，即夏后铸鼎处也。渭水仍下入华阴。先谦案，黄帝铸鼎荆山，乘龙鼎湖，荆山在今朝邑，鼎湖在今阎乡，相距不远，情事较合，富平则辽远不关，钱说非也。洛水东南入渭，雍州浸。

【补注】段玉裁曰：此非出上雒之雒水，即北地归德下云，洛水出北蛮夷中入河者也。入渭以入河，故浑曰入河。以漆沮为洛，始于小颜，然《地理志》有沮水出北地直路县西，东入洛之文。《水经注》亦明言沮水、漆水所在，则不得与洛混为一水也。

先谦曰：归德县下入河二字，王念孙以为衍文，是也。《水经》洛水篇佚，据《寰宇记》所引绎之，洛水出归德后，所经汉县上郡之雕阴，本郡之翟道、衙（庆州乐蟠县、坊州中部县下引），历强梁原而入渭（同州朝邑县下引）。沮水入之，故洛水亦名漆沮水（同州白水县下引）。又《渭水注》云，洛水入焉。阡驷以为漆沮之水也。是误不始小颜。胡渭云，沮水旧循郑渠，东注洛，今自富平县界已绝。《朝邑县志》，洛水旧自县南赵渡镇，经华阴县西北葫芦滩，入渭。明成化中，改流，东过赵渡镇，径趋河，不入渭。先谦案，洛入渭，在县境沙苑西，依《渭水注》，叙入京兆华阴下。《郊祀志》，汧、洛二渊，皆有祠。志扶风郿夷下，有汧水祠，此亦当有洛水祠四字，在何县下，则不可知。

莽曰德欢。

【颜注】师古曰：褒亦怀字。

【补注】先谦曰：《续志》，后汉省。云阳下刘注，有荆山。《帝王世纪》

云，禹铸鼎荆山，在冯翊褒德之南，今其下荆渠也。据此，县并入云阳。《一统志》，故城在今富平县西南十里。

【编者按】治今陕西大荔县东南。

徵，莽曰汜爱。

【颜注】师古曰：徵，音惩。即今之澄城县是也。《左传》所云取北徵，谓此地耳。而杜元凯未详其处也。

【补注】先谦曰：官本注，取上多王字。春秋，晋地入秦，见《左传》释文引《三苍》。《国语》范无寓云，秦有征、衙也。惩、澄同音，后遂误为澄耳。有王官城，秦穆公伐晋，取之，见《左传》。孝公会魏王，杜平与魏战元里，张守节以为并在县界。张汤请穿渠，自征引洛水，至商颜下，见《沟洫志》。《续志》，后汉省。《一统志》，故城今澄城县西南二十五里。

【编者按】治今陕西澄城县西南。

云陵，昭帝置也。

【补注】先谦曰：《昭纪》后元二年置。《外戚传》，昭帝母赵婕妤死，葬云阳。即位，起云陵，是云陵地割自云阳。《续志》，后汉省。《一统志》，故城今淳化县北二十里。吴卓信云，遗冢巍然，俗呼大屹塔。

【编者按】治今陕西淳化县东南。

万年，高帝置。莽曰异赤。

【颜注】师古曰：《三辅黄图》云，太上皇葬栎阳北原，起万年陵，是也。

【补注】吴卓信曰：《黄图》，置万年县于栎阳大城内，以为奉陵邑。其陵在东者太上皇，在西者昭灵后也。

据此，万年即治栎阳，无专城。其长安城中万年县，乃宇文周所置。先谦曰：《高纪》十年置。《续志》，后汉因。《沮水注》，沮水自投袂来，东南历土门南原下，东迳怀德城南（汉魏间县），城在北原上。又迳太上皇陵北，陵在南原上。沮水东注郑渠。《一统志》，故城今临潼县北五十里。

【编者按】治今陕西栎阳县大城之中。中国历史上的两县同治一城，由此开先例，今属西安市临潼区。

长陵，

【补注】先谦曰：有望夷宫，在长陵西北。见《始皇纪》。

高帝置。

【补注】先谦曰：高帝陵十二年置，见《史记年表》。县见《成帝纪》。县人田蚡、车千秋，见本传。高公子，见《游侠传》。

【编者按】高帝十二年置长陵邑，正式建立陵县制度。陵县就是在皇帝陵墓旁边特置的县，专为奉祀陵园之用。西汉一共有七个皇帝陵县，即高帝长陵、惠帝安陵、文帝霸陵、景帝阳陵、武帝茂陵、昭帝平陵、宣帝杜陵。这些陵县地位特殊，在地理位置上虽然分属三辅，但在行政上却统归太常管辖，直到元帝以后才受制于郡。皇帝陵县而外，还有两个太后陵县，即文帝母薄太后南陵与昭帝母赵婕妤云陵（汉制帝后合葬一陵，因此皇后无单独陵县）。此外还有两个县可称为准陵县，一是万年邑，高帝十年置以奉太上皇陵；二是奉明县，宣帝为奉其父史皇孙陵园而置（参见前揭《西

汉宗教地理略说》）。

户五万五十七，口十七万九千四百六十九。莽曰长平。

【补注】先谦曰：《续志》，后汉改属京兆。刘注，蔡邕《樊陵颂》，前汉户五万，口十有七万。王莽后，十不存一。永初元年，羌戎作虐，至光和领户不盈四千。《渭水注》，成国故渠自扶风渭城来，东迳长陵南，亦曰长山也。又迳周勃冢南，冢北有亚夫冢。故渠下入阳陵。《一统志》故城今咸阳县东北四十里，萧何所筑，俗呼萧城。

【编者按】治今陕西咸阳市东北。

阳陵，故弋阳，景帝更名。

【补注】宋祁曰：弋当作易。吴卓信曰：《史记·景纪》四年后九月，更以弋阳为阳陵。本书《景纪》在五年正月。先谦曰：县亦见《平纪》。县人田延年、王温舒，见《酷吏传》。

莽曰渭阳。

【补注】先谦曰：《续志》，后汉改属京兆。《渭水注》，成国故渠自长陵来，东南迳阳陵南，入渭，今无水。本志，泾水至县入渭。《一统志》，故城今咸阳县东四十里。吴卓信云，咸阳县东，高陵县西南。鹿苑原自咸阳来，当泾、渭二水间，即阳陵所在。

【编者按】治今陕西咸阳市东北。

云阳。

【补注】先谦曰：秦邑。蒙恬通直道，自九原抵云阳，徙五万家于此；韩非死焉。并见《始皇纪》。武帝徙郡国豪杰于云阳；成帝幸焉。并见本纪。

县人董贤，见《佞幸传》。《续志》，后汉因。《一统志》，故城今淳化县西北。有休屠、金人及径路神祠三所，

【补注】先谦曰：休屠王、祭天金人、径路刀，见《匈奴传》。又《郊祀志》，云阳有径路神祠，祭休屠王也。则径路是休屠王名，没而为神，故匈奴祠，而汉因之，非祠宝刀也。其神遗有宝刀，因名径路刀耳。

越巫酤酹祠三所。

【颜注】孟康曰：酤，音辜磔之辜。越人祠也。酹音穰。休音许虬反。屠音除。

【补注】钱大昕曰：酤，《广韵》、《类篇》俱作酤，从卯从卵，皆无意义，当是酤之讹。《说文》辜，辜也。古文作酤。大宗伯以鬯辜祭四方百物。郑司农云，披磔牲以祭，若今时磔狗祭以止风。酤酹盖鬯辜之遗制欤？《说

文》卣部又有酤字，训为枯者，义亦近。刘台拱曰：辜，亦磔也。酤酹即磔攘。古文辜从死旁，古死与卯字形相近，因误从卯。酹、攘皆假借字，穰乃正字。女祝掌以时招梗袷穰之事。注云，四礼唯穰，其遗像今存。汉有酤酹法，故郑云，遗像今存。先谦曰：此越巫越祝祠，武帝置。详《郊祀志》。

【集释】刘台拱《汉学拾遗》曰：辜亦磔也。酤酹即磔攘，故辜从死旁，古死与卯字形相近因误从卯。酹攘皆假借字，穰乃正字。《周礼》女祝掌以时招梗袷穰之事，注云四礼唯穰其遗象今存。汉有酤袷法，故郑云遗象今存。

【编者按】治今陕西淳化县西北。

右扶风

右扶风。

【补注】先谦曰：《决录注》，扶风，化也。《赵广汉传》，治长安城中。《黄图》云，扶风治所，在夕阴街北。有掌畜官，见《尹翁归传》。《续志》，后汉治槐里。

故秦内史，高帝元年属雍国。

【补注】先谦曰：章邯国。二年更为中地郡。

【补注】先谦曰：见《高纪》。

九年罢，复为内史。

【补注】钱大昭曰：《百官表》，高帝十年，有中地守宣义，疑非九年罢。武帝建元六年分为右内史，太初元年更名主爵都尉为右扶风。

【颜注】师古曰：主爵都尉，本秦之主爵中尉，掌列侯。太初元年，更名右扶风，而治于内史右地，故此志追书建元六年分为右内史。又云，更名主爵都尉为右扶风。

【补注】全祖望曰：当云景帝二年属右内史也。主爵都尉本不治民，盖省其员为扶风，非更名。莽分其郡曰后丞烈，后又分其郡二：曰扶尉，列尉。

户二十一万六千三百七十七，口八十三万六千七十。

【补注】先谦曰：《续志》，后汉因。属司隶。

县二十一：

渭城，故咸阳，

【补注】先谦曰：《秦纪》，孝公作咸阳，筑翼阙，徙都之。《三秦记》，在九嵕山南，渭水北，山水俱阳，故名咸阳。

高帝元年更名新城，

【补注】钱坫曰：《曹参世家》，东取咸阳，更命曰新城。

七年罢，属长安。武帝元鼎三年更名渭城。

【补注】先谦曰：《渭水注》，渭城在长安西北，渭水之阳，始隶扶风，后并长安。先谦案，咸阳统于长安，秦都规模尚小，仅得长安城北地，故《西都赋》曰：秦里其朔，实为咸阳也。并长安，谓后汉。

有兰池宫。莽曰京城。

【补注】先谦曰：兰池宫见《酷吏传》。《长安志》，在咸阳东二十五里。钱坫云，土人往往于故址得宫瓦，文作兰池宫当四字。《续志》，后汉省。据酈注，并长安。《渭水注》，成国渠自安陵来，东迳渭城北。《地理志》曰：县有兰池宫。始皇微行，逢盗于

兰池，今不知所在。故渠下入冯翊长陵。《一统志》，故城今咸宁县东。

【编者按】治今陕西咸阳市东北。

槐里，周曰犬丘，懿王都之。秦更名废丘。高祖三年更名。

【补注】汪远孙曰：《史·高纪》二年，更名废丘为槐里。本书《高纪》同。三当为二。吴卓信曰：《世本》，懿王二年，自镐徙都犬丘。《纪年》懿王十五年，自宗周迁于槐里，是周时已有槐里之名。周既自镐迁此，岂有天子所都仍名犬丘之理，盖已更名槐里矣。据周勃、樊噲《传》，汉初有废丘，又有槐里，或其后置县，乃统谓之槐里耳。先谦曰：非子居犬丘，见《秦纪》。章邯都，见《项羽传》。

有黄山宫，孝惠二年起。

【补注】钱坫曰：宫在今兴平县西南三十里马嵬坡，土人往往于故址得宫瓦，有黄山二字。先谦曰：《渭水注》引志此文。黄山宫亦见东方朔、霍光、元后、王莽传。《西京赋》云，绕黄山而款牛首。

莽曰槐治。

【补注】先谦曰：《续志》，后汉因。《一统志》，故城今兴平市东南十里。

【编者按】治今陕西兴平市东南。

鄠，

【补注】先谦曰：《续志》，后汉因。刘注，南山有王季冢。《一统志》，故城今鄠县北。

古国。有扈谷亭。扈，夏启所伐。

【补注】王念孙曰：国上当有扈字，

下文扈夏启所伐，即承此扈字言之。《甘誓·正义》及《夏纪·索隐》、《正义》引此志并曰：扶风鄠县，古扈国。前京兆尹新丰下曰：骊山，故骊戎国；杜陵下曰，故杜伯国；左冯翊临晋下曰：芮乡，故芮国。皆其例也。亭上当有甘字，《说文》扈，夏后同姓所封，战于甘者，在鄠有扈谷甘亭（《玉篇》同）。《续志》，右扶风鄠有甘亭。《帝王世纪》云，在县南。《渭水注》，甘水北迳甘亭西，亭在水东。鄠县南。昔夏启伐有扈，作誓于是亭，故马融曰：甘，有扈南郊地名也。是其证矣。吴卓信曰：此县夏为扈国，殷为崇国，周为丰邑，秦改鄠，汉置县。《说文》扈、鄠为二字，与志合。《帝王世纪》，扈至秦改为鄠，是也。姚察《训纂》，以户、扈、鄠三字为一，疏矣。

鄠水出东南，

【补注】吴卓信曰：《诗》云，沔水东注，维禹之绩。则渭南诸川，惟沔为大，特关中诸水，自周而后，历代建都，凿引诸川，多非禹迹。胡渭谓禹时沔西之滂，沔东之镐、漓、灃、产，当悉合沔水以入渭，是以得成其大。而志云北过上林苑入渭，则是北流而非东注矣。禹导渭东会于沔，当在汉霸陵县北，灃、鄠入渭之处也。先谦曰：鄠、沔、丰字同，《续志》作丰水。《一统志》，丰水出鄠县东南终南山，北流，经县东，又经长安、咸阳二县，东南入渭。

又有漓水，皆北过上林苑入渭。

【补注】王念孙曰：漓，当为滂，字或作潦，通作劳。《封禅书》，霸、产、长水、沔、滂、泾、渭。《说文》，

滂水出右扶风鄠，北入渭。《渭水注》，滂水出南山滂谷（《郊祀志》作劳谷），北迳鄠县故城西，又北注甘水而乱流，入于渭，即上林故地也。据《说文》、《水经注》，则出右扶风鄠，北过上林苑入渭者，乃漓水，非漓水也。又案《说文》，漓水在京兆杜陵，则非在扶风鄠也。《司马相如传》，鄠、镐、潦、鄠。师古云，潦水出鄠县西南山潦谷，而北流入于渭。《地理志》鄠县有漓水，北过上林苑，入渭，而今之鄠县则无此水。许慎云，漓水在京兆杜陵，此即今所谓沔水，从皇子陂西北流，经昆明池入渭者也。盖为字或作水旁穴，与沔字相似，俗人因名沔水乎（《渭水注》，沔水上承皇子陂于樊川，西北流，注渭，亦谓是水为漓水），将鄠县漓水今则改名，人不识也？案，颜以沔水为沔水之讹，但未知《地理志》漓水乃滂水之讹，故明知鄠县无漓水，而仍有改名不识之疑。

段玉裁曰：漓音聿，漓水亦名沔水。漓，音究，允、聿双声。《上林赋》李注，漓水出杜陵，今名沔水，字尚不误。颜字误为沔，因谓漓讹沔，沔讹沔，而戴氏校《水经注》，尽改沔水为沔水，不知沔乃沔之误耳。先谦曰：冯翊明有沔阳县，谓李注沔水为沔之误则可，段反执孤证双声，以为得间，致与前文不照，亦见其真也。《渭水注》，滂水出南山滂谷，北迳宜春观东，又迳鄠县故城西，际城北出，合汉陂水，入甘水（见下）。《一统志》，滂水出今鄠县西滂谷，经咸阳，至长安县界，入渭。

有蒺阳官，秦文王起。

【颜注】师古曰：湣音决，莢音倍。

【补注】钱坫曰：《东方朔传》作倍阳，李斐音莢为倍。《说文》，鄠县有鄠乡，读若倍。是鄠即莢，莢即倍矣。吴卓信曰：《说苑》，秦始皇迁太后于莢阳宫。先谦曰：《黄图》，宫在鄠县西南二十三里，亦见宣、成《纪》。《渭水注》，甘水出南山甘谷，北迳秦文王莢阳宫西，五柞宫东，又迳甘亭西，合涝水，入渭，即上林故地也。

【编者按】治今陕西户县。

盩厔，

【补注】段玉裁曰：盩，张流切；厔，陟栗切。二字皆见《说文》。厔，从广，俗从厂，非也。《广韵》，水曲曰盩，山曲曰厔。《集韵》，山、水字互易。案，盩厔与周折同音，周旋中规，折旋中矩，山水兼有之。先谦曰：平帝时霍鸿负倚盩厔芒竹，见翟义、王莽《传》。《续志》，后汉省。《一统志》，故城在今盩厔县东。钱坫云，三十里终南镇，唐终南县城，汉盩厔城也。

【集释】陈直曰：《小校经阁金文》卷十一有盩厔鼎盖，厔字不作厔，王先谦（应作段玉裁——编者按）指为俗写作厔，非也。

有长杨宫，有射熊馆，秦昭王起。

【补注】先谦曰：《官本考证》云，监本讹长阳宫，从宋本改正。亦见元、成《纪》、《扬雄传》、《黄图》。长杨宫在盩厔县东南三十里，本秦旧宫，汉修饰之，以备行幸，宫中有垂杨数亩，因以为名。又云，长杨宫门曰射熊馆。《雍录》长杨宫在上林苑中，而射熊馆

乃在宫门之台，上搏兽射熊，必在此馆，为其在门上，凡兽可前，人力可及也。

灵轺渠，武帝穿也。

【补注】先谦曰：《渭水注》，成国渠自武功来，东迳盩厔县北，为蒙笼渠，亦曰灵轺渠。《河渠书》以为引堵水。徐广云，一作诸川，是也。先谦案，本志郿下成国渠至上林入蒙笼渠者也。

【编者按】治今陕西周至县东终南镇。

釐，周后稷所封。

【颜注】师古曰：读与郃同，音（哈）[胎]。

【补注】王鸣盛曰：注哈，南监本作胎，是。段玉裁曰：《史记》，封弃于郃。徐广云，今釐乡，亦作釐乡，汉以名县。釐乡之名，必起于古，因治我来牟，而有此字。釐，即来字。音釐，亦音来。先谦曰：官本注，哈作胎，秦县。曹参攻之，见参传。《续志》，后汉省。郿下云，有郃亭，据此，县并入郿。刘注，《王饨传》郿之釐亭，尤为确证。又引《新论》云，郃在漆县，其民有会日，相与夜中市，如不为，则有灾咎。然则地或分隶漆欤？

《渭水注》，渭水自武功来，东迳釐县故城南，旧郃城也。后稷之封邑矣。《诗》所谓有郃家室也。城东北有姜嫄祠，城西南百步有后稷祠，渭水下入雍。《一统志》，故城今武功县西南。吴卓信云，康海《武功县志》，古郃城在武功县八里。汉郃城在县西南三十

里。

【集释】陈直曰：𡵚有东宫，志文未注。《憲斋集古录》卷二十六有𡵚东宫鼎。又，《封泥考略》卷六有𡵚丞之印封泥，杭州邹氏藏有秦代𡵚小量，𡵚字均作𡵚，与志文不同。

【编者按】古代地名重在记音，𡵚有定字，故𡵚与𡵚通。秦汉地名，此类尤多。

治今陕西武功县西杨陵镇。

郁夷，《诗》“周道郁夷”。有汧水祠。莽曰郁平。

【颜注】师古曰：《小雅》四牡之诗曰，四牡骝骝，周道倭迟。《韩诗》作郁夷字。言使臣乘马，行于此道。

【补注】王鸣盛曰：《书》盘庚迟任，陆德明音直疑反。《匡谬正俗》云，迟，音夷，亦云迟，陵迟，或言陵夷，迟即夷也。周寿昌曰：《诗·释文》引韩《诗》，作倭夷。《文选·西征赋》注，引韩《诗》周道威夷。《天台山赋》、《石阙铭》注同。颜延年《北使洛》诗，威迟良马烦。注，韩诗曰：周道威迟。陈免疑郁夷为鲁《诗》，无据。班世习齐《诗》，或齐说也。郁、倭、威，一声之转，夷迟又通假字耳。苏舆曰：班用齐《诗》，如子之营兮，自杜沮漆，是其明证。周说是也。威、郁古通，《尔雅》，西陵威夷，即郁夷。

先谦曰：《西征赋》注，引薛君章句云，威夷，险也。县地险，因受名矣。汧水祠，见《郊祀志》。《续志》，后汉省。《地道记》，郁夷省并郿，盖王莽之乱，郁夷之人权寄理郿界，因并于

郿。《渭水注》，渭水自陈仓来，东迳郁夷县故城南，下入郿。汧水自隃麋来，东南迳郁夷县，下入郿。《一统志》，故城今陇州西五十里。汧水祠，在今宝鸡县东。

【编者按】治今陕西宝鸡市东，千水入渭水处。

美阳，《禹贡》岐山在西北。

【补注】段玉裁曰：此谓雍州荆岐既旅，道汧及岐之岐。周太王、文王，因岐山为郿邑。《汉书》言山之字作岐，言地之字作郿。郿字，《地理志》再见，《郊祀志》一见，《匈奴传》一见。音皆巨支切。吴卓信曰：今岐山县东北五十里，西自凤皇山，逾天柱山，东至箭括山六十余里，皆岐山也。薛综《西京赋》注，山有两岐，因以名，其说未谛。先谦曰：《禹贡》山水泽地篇，岐山在美阳县西北，与志合。中水乡，周大王所邑。有高泉宫，秦宣太后起也。

【补注】先谦曰：后汉因。《续志》，有周城。刘注，大王所徙，南有周原。《说文》郿，周大王所封，在右扶风美阳中水乡。《渭水注》，横水出杜阳山，为杜阳川，东南流，左会漆水、大湫水，俗称小横水，通为岐水，迳岐山西，又屈迳周城南，历周原下，北则中水乡成周聚，故曰有周也，水北即岐山矣。岐水又东迳姜氏城南，为姜水，东入雍水。雍水自雍来，东南合横水，又南迳中亭川合杜水，又迳美阳县西，入渭。先谦案，本志杜阳下，杜水南入渭者也。《长安志》，高泉宫在美阳城中。

《一统志》，故城今武功县西南，高泉宫在今县西。钱坫云，扶风北二十五里崇正镇是。今武功县西北七里美阳城，乃后魏徙置，非汉县。《寰宇记》作西四十里，或误。

【编者按】治今陕西武功县西北。

郿，

【补注】先谦曰：《诗·崧高》王钱于郿。秦县，见《元和志》。周勃、樊噲并下之，见勃、会《传》。本志武功下，斜水至郿入渭。

成国渠首受渭，东北至上林入蒙笼渠。

【补注】钱大昭曰：笼当作茏。先谦曰：蒙茏即灵轺。《渭水注》云，成国故渠上承渭水于郿县东，下入武功。注又云，魏卫臻所开成国故渠，自陈仓来，东迳郿县，下入武功。先谦案，盖西京此渠引渭，卫更引汧耳。

右辅都尉治。

【颜注】郿，音媚。

【补注】段玉裁曰：郿，《广韵》、《集韵》皆眉、媚二音。先谦曰：《续志》，后汉因。《一统志》，故城今郿县东北。

【编者按】治今陕西扶风县西南。

雍，

【补注】先谦曰：秦邑，始见《左僖传》。秦始皇宿此，见《始皇纪》。曹参攻之，见《参传》，亦见《五行志》。《续志》刘注，召穆公采邑，《史记》有鸿冢。

秦惠公都之。

【补注】王念孙曰：《封禅书》，秦德公既立，卜居雍（《郊祀志》同）。《诗谱》亦曰，秦德公徙居雍。惠惠字形相似，又涉下文惠公而误（《陈杞世家》，杞共公卒，子德公立。徐广云，《世本》曰惠公，惠亦惠字之误），而颜氏不云惠，古德字，盖所见本已误为惠矣。先谦曰：《秦纪》、《渭水注》、《尚书中候注》、《续志》引《帝王世纪》，并作德公。

有五時，

【补注】先谦曰：《渭水注》，雍有五時，以上祠祀五帝。《封禅书》，惟雍四時，上帝为尊。《索隐》云，密時并上時、下時、畦時为四，并高祖尊黑帝为五。案密時在渭南，畦時在栢阳，盖始皇后并祀于此，五帝之祀乃备。小司马说是也。或疑密時、畦時不当在雍，非是。《后书·冯衍传》注引《史记》云，秦并天下，祠雍四時，汉加黑帝，谓之五時，其明证矣。

太昊、黄帝以下祠三百三所。

【补注】先谦曰：《郊祀志》，雍有百有余庙。又云，旧祠二百三所，此三百疑二百之误。

橐泉宫，孝公起。祈年宫，惠公起。

【补注】先谦曰：《渭水注》，胡城（见下）俗名也，盖秦惠公故居，所谓祈年宫，孝公又谓之橐泉宫。崔駰云，穆公冢在橐泉宫祈年观下，《皇览》说同。刘向言穆公葬无丘垄处。惠公、孝公，并穆公后，子孙无由起宫于祖宗之坟陵，知二证非实也。祈一作蕝，见《始皇纪》。苏舆云，《黄图》，蕝年

宫，穆公所造，与志异。或穆公起，而惠公更修之欤？《纪要》，橐泉宫在今凤翔府内城东南隅，本名祈年宫，盖孝公重修更名。或云今东湖即橐泉遗迹。

械阳宫，昭王起。

【补注】先谦曰：见《文纪》、《郊祀志》、《苏武传》。《一统志》，械阳宫在今扶风县东北。引县志云，三十里，遗址尚存。

有铁官。

【颜注】应劭曰：四面积高曰雍。师古曰：械音域。

【补注】段玉裁曰：雍读平声，不读去声。应云，四面积高曰雍，犹四方有水自邕成池者曰邕，其理一也。自邕即自拥。九州中，雍州在四山之内，古亦读平声。先谦曰：《续志》，后汉因。有铁。《一统志》，故城今凤翔县南。

【编者按】治今陕西凤翔县南。

漆，

【补注】先谦曰：《续志》刘注，豳国在东北，有豳亭，有师旷冢。秦邑。周勃北攻漆，见勃传。

水在县西。

【补注】段玉裁曰：水上当有漆字，各本无，浅人删之。此以水名县，删之则不可通。漆水出今邠州（即公刘所居）西南流，至麟游扶风间（周郊地南）入渭。《诗》率西水浒。笺云，循漆沮水侧，是此水原委，自豳至邠，汉人审知形势。钱坫曰：今漆水亦曰新平水，出白土原东，陈阳原西，下

流入泾。又有漆水，出麟游县西漆溪，下流合岐水入渭。《山海经》，隄次之山，漆水出焉，北流注于渭。《水经》，漆水出杜阳县俞山，东北入于渭。《说文》，漆水出杜阳岐山。考二漆水实出一原。麟游之东北即邠州之西南耳。其水一流入泾，一流入渭。亦犹骆谷水同出一原，一流入渭，一流入汉也。古字隄俞同，俞山即岐山连麓。徐松曰：钱用戴震说，渭泾西有二漆，一北流注泾以入渭，一南流入渭。绵诗之漆，南流入渭者也。

先谦曰：水在县西，不更出漆字，与弘农丹水下，水出上雒冢岭山例同，不加漆字亦可。

有铁官。莽曰漆治。

【补注】钱坫曰：《元和志》，今普润县西有小城，盖置铁官处。案，普润今麟游地。先谦曰：后汉因。《一统志》，今邠州治。

【编者按】治今陕西彬县。

枸邑，有豳乡，《诗》豳国，公刘所都。

【颜注】应劭曰：《左氏传》曰，毕原酆郇，文之昭也。郇侯贾伯伐晋是也。臣瓚曰：汲郡古文，晋武公灭荀，以赐大夫原氏黼，是为荀叔。又云，文公城荀，然则荀当在晋之境内，不得在扶风界也。今河东有荀城，古荀国。师古曰：瓚说是也。此枸读与荀同，自别邑耳，非伐晋者。

【补注】王念孙曰：都本作邑，后又改之也。上文美阳下云，《禹贡》岐山在西北，中水乡周大王所邑，即其证。景祐本正作邑。《诗谱·正义》、

《文选·北征赋》注引此，并作邑。吴卓信曰：《说文》邠幽二字并收。《元和志》，开元十三年，以幽字与幽字相涉，诏曰，鲁鱼变文，荆并误听，欲求辨惑，必也正名，改为邠字。《唐会要》同，自是后皆作邠。先谦曰：枸邑见《郊祀志》，周时已有其地。酈商破周类军于此，见商传。后汉因。先谦案，漆有幽亭，此又有幽乡，二县相接。《一统志》，故城今三水县东北。

【编者按】治今陕西旬邑县东北。

隃麋，

【补注】钱坫曰：《元和志》，县东八里，有隃麋泽。阡泽《县道记》云，县因泽为名。吴卓信曰：《石门遗事》云，汧阳县有石墨洞，汉尚书令仆丞郎有给隃麋墨二斤，然粗不可用。洞在县东南三十里。先谦曰：县人郭钦，见《鲍宣传》。

有黄帝子祠。莽曰扶亭。

【颜注】师古曰：隃音逾。

【补注】宋祁曰：南本，黄帝下无子字，下同。先谦曰：陈仓有黄帝孙祠，有子字，当不误。后汉因。《续志》作隃麋。《一统志》，故城今汧阳县东三十里。

【编者按】作黄帝子不误。纬书《河图握矩记》曰：“黄帝名轩，北斗黄神之精。母，地祇之女附宝，之郊野。大电绕斗枢星，耀感附宝，生轩，胸文曰黄帝子。”（《艺文类聚》卷二所引）《河图稽命征》、《河图始开图》等也有类似说法。纬书始出于西汉，可知汉代人曾经将黄帝尊称为黄帝子的。所以黄帝子祠奉祀的是黄帝，而

不是黄帝之子。虢县黄帝子祠同。又下文陈仓黄帝孙祠的孙字很可能是子之讹。

治今陕西千阳县东。

陈仓，

【补注】先谦曰：秦文公得陈宝于此，见《郊祀志》。高帝自汉中袭破章邯军，由此北出，见《高纪》。《续志》，后汉因。《渭水注》，渭水自汧来，东过陈仓县西，县有陈仓山，山下有陈宝鸡鸣祠。应劭云，县氏陈山。姚睦云，黄帝都陈，言在此。《一统志》，故城今宝鸡县东二十里。

有上公、明星、黄帝孙、舜妻（盲）[育]冢祠。

【补注】钱坫曰：《说文》、《甘氏星经》云，太白上公妻曰女嬃，居南斗食厉，天下祭之，曰明星。《始皇纪》三十三年，禁不得祠明星。梁玉绳曰：《竹书》，舜三十年，葬后育于渭，育乃后名，盲必育之误。吴卓信曰：《路史·疏仡纪》，帝舜有虞氏，尧妃以育，姬以莹。注云，育即娥皇，莹即女英，见《世本》。

有羽阳宫，秦武王起也。

【补注】钱坫曰：宫在今陈仓故城，人或于此得羽阳千岁瓦当也。

【编者按】治今陕西宝鸡市东陈仓故城。

杜阳，

【补注】先谦曰：秦邑。《国策》，苏代说向寿，封小令尹以杜阳。

杜水南入渭。

【补注】先谦曰：《渭水注》，武水发杜阳县大岭侧，俗名大横水，疑即杜水矣。东迳杜阳县故城，世谓之故县川。吴卓信云，杜水下流为武功河，源出麟游县西五十里招贤镇杜山之阴，郾所谓大横水也。其名小横水之杜水，来自凤翔之杜阳川，源发麟游之铁钭川，出杜山之阳（互见美阳）。盖岐梁诸山之水，自汧以东，在冈脊之南者，俱归雍水，北俱归杜水，而会于武功之川口以入渭，其大凡也。

[《诗》曰“自杜”]。莽曰通杜。

【颜注】师古曰：《大雅》绵之诗曰：人之初生，自土沮洳。齐《诗》作自杜，言公刘避狄而来，居杜与漆沮之地。

【补注】宋祁曰：《诗》作，当作《诗》曰。段玉裁曰：杜水南入渭下，各本无《诗》曰自杜四字，惟景祐二年本有之。据颜注，此班引齐《诗》，而颜说之也。王应麟《诗地理考》、胡三省《通鉴·周纪》注，所见《汉书》皆如此。颜谓为齐《诗》，必是袭《汉书音义》，唐初齐《诗》久亡也。近人云，莽曰通杜四字乃《诗》曰自杜之讹，非矣。古土杜同音通用，故毛《诗》桑土，韩《诗》作桑杜。杜训塞，故莽以为名不善，而曰通杜。王念孙曰：景祐本是也。颜注沮漆，误作漆沮（辨见《经义述闻》自土沮漆下），若无《诗》曰自杜四字，则注为赘设。引曰自杜沮漆，而但曰自杜者，省文也。犹下文引芮隗之即，而但曰芮隗矣。

先谦曰：后汉因。《续志》，永和二年复。《漆水》篇，漆水出杜阳县俞

山，东北入渭（互见漆）。《一统志》，故城今麟游县西北。

【中华校】[《诗》曰自杜]四字据景祐本补。

【编者按】治今陕西麟游县西北。

汧，

【补注】先谦曰：秦邑。文公徙都汧，见《帝王世纪》。周勃定之，见勃《传》。后汉因。《一统志》，故城今陇州南。

吴山在西，古文以为汧山。雍州山。

【补注】段玉裁曰：凡云古文以为者，古者五经皆谓之古文，此古文即谓《禹贡》。释《禹贡》道汧，以缀《禹贡》也。不言《禹贡》汧山在西，而云吴山，古文以为汧山者，今曰吴山，古曰汧山，以今缀古，兼载之。谓之古文者，汉谓《尚书》为古文。太史公十岁则诵古文，亦谓尚书也，非必孔壁出者，乃为古文矣。雍州山者，释《职方》雍州其山镇曰岳山，以缀《周官》，一物而兼缀二经也。《职方》曰岳山，不曰《周官》以为岳山者，《尔雅》曰岳，秦汉曰吴岳，其即吴山，不待烦言矣。

钱大昕曰：志称古文者十一：汧山、终南、惇物在扶风，外方在颍川，内方陪尾在江夏，峯阳在东海，震泽在会稽，傅浅原在豫章，猪蹯泽在武威，流沙在张掖，皆古文《尚书》家说，与《水经》所载《禹贡》山泽所在，无不吻合。相传《水经》出桑钦，钦即传古文《尚书》者，则《水经》为钦所作，信矣（戴震以《水经》有广

魏县，断为魏人所作。余谓《水经》郡县间有与西汉互异者，乃后人附益改窜，犹《尔雅》周公作，而有张仲孝友之语，《史记》司马迁作，而有扬雄之语也。然则志何以别有桑钦？说曰，《禹贡》山水泽地所在一篇，本古文家相传之学，而钦引以附《水经》之末，《水经》则钦自出新意为之，故不可合而为一）。

陈奂曰：吴山，《禹贡正义》引作吴岳。郑注《职方》、孔注《逸书》并云，岳，吴岳也。周人以汧为雍州镇，尊之为岳。吴，大也。以配巡狩之四岳，故周有五岳之称，岳、嶽（岳）一字。

先谦曰：凡志称《禹贡》者，今古文说同也。专言古文者，今文所无也，其例盖如此。《禹贡》山水泽地篇，汧山在汧县西，与志合。吴山，《国语》作虞山，吴虞通。《广雅·释山》作开山，并汧山之异名。《说文》有汧无岍，今书作导岍，非也。据《通典》、《元和志》、《寰宇记》，以吴岳为二山，近志因之。然吴山在西，岗岭绵亘，延及于南，与岳山为一。《周礼》总称汧山，《禹贡》总称汧山，当以志文为正。今俗分陇州西四十里为汧山，南八十里为岳山，亦非也。《续志》汧下云，有吴岳山，本名汧。刘注引郭璞云，别名吴山《周礼》所谓岳山者。其说至晰。至《封禅书》言吴岳，又言岳山。此古文以为敦物之岳山，与职方氏岳山无涉。

北有蒲谷乡弦中谷，雍州弦蒲藪。

【补注】段玉裁曰：谓今之蒲谷乡弦中谷，即雍州弦蒲藪。释《职方》

其泽藪曰弦蒲，以缀《周官》也。先谦曰：《周礼》郑司农注，弦或作汧，蒲或作浦。《渭水注》云，汧水出弦中谷，决为弦蒲藪者也。今陇州西四十里，有蒲谷水，下流入汧，即此藪。

汧水出西北，入渭。

【补注】段玉裁曰：西北句绝，此水自西北而东南。先谦曰：《渭水注》，汧水出县之蒲谷乡弦中谷，决为弦蒲藪。《尔雅》曰：水决之泽为汧。水有二源，一出县西小陇山，为龙鱼川，东迳汧县故城北，又历泽乱流为一，右得白龙泉，又会吴山西侧川水，自水会上下，咸谓之龙鱼川，下入隃麋。齐召南《水道提纲》云，今汧阳河出陇州西北吴岳。

芮水出西北，东入泾。《诗》芮（隄）[阨]，雍州川也。

【颜注】师古曰：隄，读与鞠同。《大雅》公刘之诗曰，止旅乃密，芮鞠之即。韩《诗》作芮隄。言公刘止其军族，欲使安静，乃就芮隄之间耳。

【补注】段玉裁曰：《尔雅》，厓内为隄，外为鞠。鞠，《字林》作圻。鞠、隄、圻三字，皆九六反。𠂔从自尻声。尻，从尸九声。九之入声，得九六反。俗本讹隄，则不可通。云雍州川也者，蒙上文芮水出西北，东入泾，谓泾芮皆即《职方》之雍州，其川泾芮，以缀《周官》也。芮，今《周礼》作汭，如锐反。

先谦曰：《集韵》隄，水厓外也。或作圻，又作沉。《诗》郑笺，水内曰隄，水外曰鞠，义亦同也。据《寰宇记》、《纪要》引《水经注》逸文，汭水出小陇山（《纪要》，山在华亭县西

三十里)，东迳宜禄县（《纪要》，县在长武县东南），俗谓之宜禄川水。有芹川水，出罗川县干子山（罗川，今正宁县）东流，迳宜禄县北，注之宜禄川，又过浅水原，入泾（浅水原，即鹑觚原，在长武县北五里）。案，今水自华亭来，经崇信、泾水、长武，入泾。其水会曰亭口镇，源流尚合。官本阮作阮。

【中华校】《诗》芮（隄）[阮]，景祐、殿本都作阮。段玉裁说作阮是。注同。

【编者按】治今陕西陇县南。

好畤，

【补注】先谦曰：秦邑。嫪毐斩于此，见《吕不韦》传。雍东有好畤，故县得名，见《郊祀志》。曹参破章平于此，周勃攻之，见参、勃传。

塿山在东。

【补注】先谦曰：《名胜志》，永寿县有种金坪，去坪十里曰塿山，特高峭。《一统志》，山在今乾州东北。

有梁山宫，秦始皇起。

【补注】吴卓信曰：此太王所逾之梁山，非《禹贡》梁山也。《绵诗》孔疏混而一之，不知岐周、韩国，东西相距五六百里，太王率西水浒，无走马徂东之理。《禹贡》梁山果指此，则岐在梁东，禹从东而西，当言治岐及梁，不云治梁及岐矣。李吉甫、宋敏求并主其说，误。

先谦曰：梁山宫见《始皇纪》、《三秦记》。梁山宫城皆文石，名织锦城。《渭水注》，莫水出好畤县梁山大岭，东南迳梁山宫西，水东有好畤县故城。

莫水又南入杜水（见美阳）。《一统志》，山在乾州西北五里。

莽曰好邑。

【颜注】师古曰：塿音丘毁反。

【补注】先谦曰：《续志》，后汉省。《一统志》，故城今乾州东北七里。引州志云，东十里好畤村。

【编者按】治今陕西乾县东。

虢。

【补注】先谦曰：本小虢，秦武公灭之。见《秦纪》。县人徐敖，见《儒林传》。《渭水注》、《晋书地道记》以为西虢地也。《汉志》以为西虢县。《太康地记》曰：虢叔之国。有虢宫。平王东迁，叔自此之上阳，为南虢矣。赵一清云，杜预云陕县东南有虢城，即西虢国，乃虢仲所封。大阳之下阳城，盖其别都，河东、弘农，地界相接，非两国也。荥阳新郑之虢，为虢叔所封，在陕县之南，故当年虢仲之北虢，亦得西虢之称，若扶风之虢，与周室二虢无与。善长误矣。《续志》，后汉省。本志弘农陕下班注，西虢在雍，据此，知县并入雍。

《一统志》，故城今宝鸡县东。钱坫云，今虢州镇。《纪要》，桃虢城在县东五十里，古虢君之支属也。二城相距十余里，俗亦谓之桃虢川。

有黄帝子、周文武祠。

【补注】段玉裁曰：谓皆有祠。

虢宫，秦宣太后起也。

【补注】先谦曰：《雍录》，虢宫在岐山虢县。《庙记》云，在城外。

【编者按】治今陕西宝鸡市西。

安陵，惠帝置。

【补注】先谦曰：惠帝陵。《黄图》，去长陵十里。《关中记》，徙关东倡优乐人五千户，以为陵邑，善啁戏，故俗呼女啁陵。县人冯唐、爰盎，见本传。

莽曰嘉平。

【颜注】师古曰：闾阎以为本周之程邑也。

【补注】吴卓信曰：《诗·大雅》，度其鲜原，居岐之阳。孔疏，《周书》称文王在程作程寤程典，皇甫谧云，文王徙宅于程，盖谓此也。程一作郢，孟子所云毕郢矣。先谦曰：《续志》，后汉因。《渭水注》，成国故渠自平陵来，东迳惠帝安陵南。陵北有安陵县故城，成国故渠下入渭城。《一统志》，故城今咸阳县东二十里。

【编者按】治今陕西咸阳市东北。

茂陵，武帝置。

【补注】先谦曰：建元二年置，见《武纪》。县人张敞、杜邺，见本传。原涉，见《游侠传》。

户六万一千八十七，口二十七万七千二百七十七。莽曰宣城。

【颜注】师古曰：《黄图》云，本槐里之茂乡。

【补注】宋祁曰：宣下当添室字。先谦曰：《续志》，后汉因。《渭水注》，成国故渠自槐里来，东迳茂陵南，又迳茂陵县故城南，王莽之宣成也（城作城异）。成国故渠下入平陵。《一统志》，故城今兴平县东北。

【编者按】治今陕西兴平市东北。

平陵，昭帝置。

【补注】先谦曰：昭帝陵。《黄图》，陵去茂陵十里。东西广三丈五步。《通典》，槐里县，武帝割置茂陵，昭帝又割置平陵。有肥牛亭，见《张禹传》。县人上孙张、平当、吴章、张山拊、郑宽中、涂恽，见《儒林传》。朱云、李寻、郑崇、何并、王嘉，见本传。

莽曰广利。

【补注】先谦曰：《续志》，后汉因。《渭水注》，成国故渠自茂陵来，又东迳姜原北，渠北有汉昭帝陵，东南去长安七十里；又东迳平陵县故城南，又迳窋婴冢南，又迳成帝延陵南，陵东北五里，即平帝康陵坂也；又迳元帝渭陵南，哀帝义陵南，下入安陵。《一统志》，故城今咸阳县西北十五里。

【编者按】治今陕西咸阳市西北。

武功，

【补注】先谦曰：扶风西界小邑，见《史记·田叔传》。有中水乡，见《王莽传》。

太壹山，古文以为终南。

【补注】钱坫曰：终南，左昭传作中南，《淮南子》作终隆。终中通用，南隆声转。亦曰太白山。在郿县东南四十里。考山在今郿县南者曰终南，在今西安府城南者，古止称南山，从未被以终南之名。后人以陕西省迤南一带山并曰终南，而别太白为终南之一峰，其说始自唐柳宗元辈，不符班旨，舛讹甚矣。

先谦曰：成蓉镜《禹贡班义述》云，古文以终南太壹为一，故《郡国志》

以下并从之，而张衡《西京赋》、潘岳《西征赋》，歧而为二。《文选》注、《元和志》、《雍录》、《诗地理考》遂据以驳志，但班氏明云古文以为终南，或今文家以终南太一为二，而张、潘据以为说，正不必以彼易此也。

垂山，古文以为敦物。皆在县东。

【补注】钱坫曰：垂当为岳，形近而误。今日武功山，在郿县东南，俗呼鳌山。《封禅书》、《郊祀志》并称岳山。徐广云，武功有太壹山，又有岳山，是作岳山为当耳。

先谦曰：成蓉镜云，《索隐》言志有垂山，无岳山，是唐本已误。《续志》，垂亦当作岳。据《水经注》，按其方位，太壹山在武功县南，岳山又在太壹山南，志东当为南字之误。先谦案，酈注引杜彦达曰：太白山南连武功山，于诸山最为秀杰。是太白、武功，明为二山。又谓县有太一山，亦曰太白山（孙星衍据《长安志》，亦曰上校增三秦记三字）。太白山是终南，则武功山为敦物无疑矣。《禹贡》山水泽地篇，终南山、惇物山在武功县西南，与志合。

斜水出衙领山北，至郿入渭。

【补注】先谦曰：《渭水注》，斜水出武功县西南衙岭山北，历斜谷，迳五丈原东，一曰武功水，北流注渭，引志此文（又有斜谷支水，见陈仓）。《一统志》，山在今褒城县北，斜水自褒城流迳岐山郿县，入渭，名斜谷河，上流名桃川。

褒水亦出衙领，至南郑入沔。

【补注】王念孙曰：至南郑，当作南至南郑，与北至郿对文。今褒水自汉中府凤县东界流过褒城县，东入汉，皆南流。先谦曰：南郑，汉中县。《沔水注》，褒水西北出衙岭山，东南迳大石门，历故栈道，得丙水口，历小石门，又历褒口，即褒谷之南口也。北口曰斜，所谓北出褒斜也。褒水下入汉中褒中。《纪要》，衙岭山，俗名马鞍山，雍凉之间，称为阻隘也。斜水出其北，褒水出其南，褒水俗称黑龙江（互详褒中）。

有垂山、斜水、（淮）〔褒〕水祠三所。

【补注】先谦曰：赵一清云，淮疑雍之误。雍水出雍山，引见雍县下。汪士铎云，淮水当作褒水。先谦案，作褒是。

莽曰新光。

【颜注】师古曰：斜音弋奢反。衙音平。

【补注】钱大昭曰：莽传云，以武功县为安汉公采地，名曰汉光邑。其后莽改国号为新，故曰新光。先谦曰：后汉因。《续志》，永平八年复。《渭水注》，渭水自郿来，东过武功县北，合斜水，又迳武功县故城北，又合温泉水，下入陂。《一统志》，故城今郿县东四十里。吴卓信云，汉武功，实今之郿县，今武功乃汉陂、美阳二县地。旧县境有武功山、武功水，见《水经注》引诸葛亮表及杜彦达说。是县本以山水立名也。

【编者按】治今陕西眉县东。

弘农郡

弘农郡，

【补注】先谦曰：《寰宇记》，义取弘大农桑为名。阎若璩云，郡治弘农。先谦案，《续志》，后汉治同。

武帝元鼎四年置。

【补注】全祖望曰：故属京兆尹，武帝分置。钱坫曰：《武纪》，元鼎三年冬徙函谷关于新安，以故关为弘农县，然则置郡亦当在三年，四字疑误。莽曰右队。

【补注】先谦曰：《王莽传》以弘农、河东、河南（当为荥阳）、河内、颍川、南阳，为六队郡。吴卓信云，莽传，有右队大夫宋纲。

户十一万八千九十一，口四十七万五千九百五十四。有铁官，在黽池。

【补注】吴卓信曰：《寰宇通志》，河南府巩、宜阳、登封、新安、嵩五县，出铁。先谦曰：《续志》，后汉因，属司隶。

县十一：

弘农，

【补注】先谦曰：后汉因。《一统志》，故城今灵宝县南四十里。

故秦函谷关。

【补注】先谦曰：《武纪》，徙函谷关于新安，以故关为弘农县。《荀子》所谓秦有松柏之塞也。《一统志》，关在今灵宝县西南里许。

衡山领下谷，燭水所出，北入

河。

【补注】段玉裁曰：衡领之作衡山领，乃衡误为衙，岭析为山领也。古岭只作领字，本篇内可证。《高纪》文颖注，是时函谷关在弘农县衡岭。《项羽纪》注，误衍山字。《河水注》引《地理志》云，烛水出衙岭下谷，《郡国志》弘农下云，烛水出。刘注，前志出衡山岭下谷，亦衍山字，可合以正讹。戴、赵二家，依《汉书》误本，改《水经注》为衙岭者，非也。武功衙岭不与此相涉。玩文颖语，当以衙岭为句。班举烛水，即赧门水，非与郾异。

先谦曰：燭，烛字同。《河水注》，烛水有二源，左水南出衙岭，世谓之石城山；右水亦出山，合左水。《地理志》曰，烛水出衙岭下谷。《开山图》云，衙山在函谷山西南。烛水又东北会田渠水，又北入门水，水之左右，即函谷山也。案，段云山字衍，是也。《开山图》亦作衙岭，似戴、赵未误。山与武功无涉，固不妨同名耳。《一统志》，石城山在灵宝县西南，本名衙山，烛水在县南，门水在县西南。

【集释】陈直曰：弘农有弘农官，志文未注。黄县丁氏旧藏有弘农官铜鼎。未著录（拓本）。

【编者按】治今河南灵宝市北。

卢氏，熊耳山在东。伊水出，

【补注】王念孙曰：出上当有所字，言此山为伊水所出也。脱去所字，则

易与下句连读矣。《禹贡正义》引此，正作伊水所出。凡上言某山，则下言某水所出。班志皆然。若《续志》则但言某水出，而不言其所入，故例不用所字也。汝南郡定陵下云，高陵山，汝水出；庐江郡下云，金兰西北有东陵乡，灌水出（今本灌作淮，辨见后淮水出下），益州郡弄栋下云，东农山，毋血水出，留川国东安平下云，菟头山，女水出（《溜水注》引作女水所出）；出上皆脱所字。考各郡国下，言某水所出者，凡八十有六，唯此五条脱所字，当补。

先谦曰：《禹贡》山水泽地篇，熊耳山在卢氏县东，依郦说，则在上雒者为《禹贡》熊耳。《伊水》篇，伊水出南阳鲁阳县西蔓渠山（互见鲁阳）。注云，《山海经》曰蔓渠之山，伊水出焉。《淮南子》曰：伊水出上魏山，《地理志》曰：出熊耳山，即麓大同，陵峦互别耳。先谦案，此谓蔓渠亦兼熊耳之名矣。注又云，伊水自熊耳东北迳鸾川亭北，世谓伊水为鸾水，合荔水、阳水、解水、蛮水，下入陆浑。

《一统志》，伊水出卢氏县东南百六十里之鸾山，一名闷顿岭，即蔓渠也。《卢氏县志》云，熊耳虽有伊源之名，而无流衍之迹，此误以上雒之熊耳当之。

东北入雒，过郡一，行四百五十里。

【补注】先谦曰：志叙水道，无过郡一者，本郡则不可言过也。一是二之缺讹，郡二，弘农、河南。

又有育水，南至顺阳入沔。

【补注】先谦曰：顺阳，哀帝改名

博山，南阳县。后汉仍为顺阳，故班用旧称。育水即均水也。《均水注》，均水出卢氏县熊耳山（山南即后魏修阳郡修阳、葛阳二县），双峰秀整，望若熊耳，因以为名。齐桓召陵之会，西望熊耳，即此山也。太史公司马迁皆尝登之。均水下入析。《地理志》谓之育水，言熊耳之山，育水出焉。

又有沔水，东南至鲁阳，亦入沔。

【补注】先谦曰：鲁阳，南阳县。《育水注》，沔水出熊耳山，东南流，下入南阳郦。《地理志》云，熊耳之山出三水，沔水其一焉。先谦案，入沔者，注滴以入沔也。

皆过郡二，行六百里。

【补注】先谦曰：过弘农、南阳。

莽曰昌富。

【颜注】师古曰：沔音耳。

【补注】宋祁曰：昌富疑作昌当。先谦曰：《续志》，后汉因。《雒水注》，雒水自上雒来，迳阆渠关，北合阆渠水，又迳卢氏县故城南，下入宜阳。《一统志》，故城今卢氏县治。

【编者按】治河南今县。

陕，

【补注】先谦曰：春秋晋地。战国属魏。秦孝公围陕城，惠文王取之，出其人与魏。见《秦纪》。又《魏世家》云，秦围我曲沃。《括地志》云：曲沃城在县西南。

故虢国。

【补注】先谦曰：此虞虢之虢。《左传》杜注，虢公败戎于桑田，在县东

北桑田亭。《河水注》，昔周召分陕，以此城为东西之别，东城即虢邑之上阳也。虢仲之所都为南虢，三虢此其一焉。先谦案，下文并此是四虢。陕与大阳，夹河对岸，故有上阳、下阳之分，亦有南虢、北虢之称，实一虢也。左僖传杜注，上阳在陕县东南。《续志》陕下云，本虢仲国。

有焦城，故焦国。

【补注】先谦曰：《周纪》，武王封神农之后于焦。《河水注》又云；其大城中有小城，故焦国也。《括地志》，焦城在陕州城内东北百步，古虢城中东北隅。左襄传，焦，姬姓，盖先并于虢也。春秋属晋，为河外邑。惠公许秦背约，秦伐而围之，见左僖襄传。战国属魏，秦攻降之，归魏，复降之。见《秦纪》、《魏世家》。

北虢在大阳，

【补注】先谦曰：今平陆。《河水注》于大阳县下，引《竹书》云，晋灭下阳。

东虢在荥阳，

【补注】先谦曰：今汜水。《续志》，荥阳有虢亭，虢叔国。《国语》所谓虢郃为大。《左隐元年传》云，制，岩邑也。虢叔死焉，是也。余详河南荥阳。西虢在雍州。

【补注】王念孙曰：州字后人所加。西虢在雍，谓雍县，非谓雍州也。右扶风有雍县。《秦纪》武公十一年，灭小虢。《集解》引班固云，西虢在雍（今本雍下有州字，亦后人据误本《地理志》加之。《路史·国名纪》引汉志曰，西虢在雒，则罗泌所见本尚无州

字）。《渭水注》云，雍县，《晋书·地理志》以为西虢地也，《汉书·地理志》以为西虢县。《太康记》云，虢叔之国矣。是汉之雍县为西虢地，故曰西虢在雍，不得言在雍州也。《后汉·和帝纪》元兴元年，雍地裂。李贤云，流俗本雍下有州字者误，盖浅学人不知雍为县名，故每于雍下加州字耳。

先谦曰：本志扶风有虢县，《续志》无，盖后汉并入雍，故班云在雍也。《纪要》云，桃虢城在宝鸡县东十里，古虢君之支属也，秦灭小虢即其地。《河水注》引《太康地记》云，虢叔之国矣，平王东迁，叔自此之上阳，为南虢矣。先谦案，据《续志》，南虢乃仲后，非叔后，《地记》误也。钱坫云，在今凤翔府宝鸡县东六十里。《帝王世纪》以大阳为西虢；成皋即荥阳，为东虢；陕州平陆县即此，为北虢。贾逵、杜预以此为西虢。段玉裁云，韦昭云虞虢之虢，西虢也；虢叔之后，虢郃之虢，东虢也。虢仲之后，说本贾逵，与《续志》不合。

莽曰黄眉。

【补注】先谦曰：后汉因。《续志》有陕陌（二伯所分）。《一统志》，故城今陕州治。

【编者按】治今河南三门峡市西。

宜阳，

【补注】先谦曰：战国韩地。秦武王拔之。昭襄王会魏王于此。见《秦纪》。《洛水注》，故韩地，后乃县之。先谦案《甘茂传》，宜阳，大县也。名曰县，其实郡也。则为县不自秦始。亦见《五行志》。县人杨仆，见《酷吏

传》。《续志》，后汉因。《一统志》，故城今宜阳县西五十里。

在龟池有铁官也。

【补注】齐召南曰：在龟池有铁官也七字，乃郡户口下自注有铁官在龟池，误衍于此。宜阳与龟池各自为县，使宜阳有铁官，安得在龟池邪？一文重见，刊误不言，何也？先谦曰：在疑有之误。《雒水注》，熊耳山、山际有池，池水东南流，水侧有一池，世谓之龟池，此宜阳有龟池之证。

【编者按】治河南宜阳县西。

龟池，

【补注】先谦曰：战国郑地，入韩。《商君传》云，郑龟池在西河之南。《蔺相如传》云，秦赵为好，会于西河外龟池也。《元和志》，韩哀侯东徙，其地入秦。

高帝八年复龟池中乡民。景帝中二年初城，徙万家为县。

【补注】先谦曰：高帝先复中乡民，至景帝乃城而县之也。案志云复龟池中乡民，则中乡元属龟池可知，而龟池旧为县，更可知。宜阳下引《雒水注》云，蠡城西山上原，高二十五丈，故龟池县治，此旧治也。中乡城，景帝时改治也。

谷水出谷阳谷，东北至谷城入雒。

【补注】先谦曰：谷城，河南县。《谷水》篇，谷水出龟池县南璠冢林谷阳谷。注云，出千崤东马头山谷阳谷，东北流，历龟池川，迳秦赵二城南，土崤北。北溪水出龟池山东南，注之。

疑孔安国所谓涧水也。下入新安。

莽曰陕亭。

【颜注】师古曰：龟音莫践反，又音莫忍反。

【补注】先谦曰：后汉因。《续志》，有二崤。《一统志》，故城今龟池县西。

【编者按】治河南渑池县西。

丹水，

【补注】先谦曰：尧有丹水之战，以服南蛮，见《吕氏春秋》。后稷放丹朱于此，见《纪年》。秦破楚师于丹析，见《屈原传》。王陵起兵丹水，以应高祖，见《高纪》、陵传。《续志》，后汉改属南阳。《一统志》，故城今淅川县西。

水出上雒冢领山，东至析入钩。

【补注】段玉裁曰：水上应有丹字。先谦曰：丹水出冢领山，应在上洛下，班系此者，所以著县氏也。凡班书以水氏县，即系本县下者，不复出水名，段说非。《丹水注》，丹水自析来，合析水，又东南迳三户城南，又迳丹水县故城西南，又至其县南，合黄水，下入南阳博山。

密阳乡，故商密也。

【颜注】师古曰：钩亦水名也，音均。

【补注】全祖望曰：钩水即卢氏县下之育水。班错举其名。而颜氏不能实指之，似别有一钩水矣。《水经》作均水。段玉裁曰：商密见《左僖传》，以缀春秋也。先谦曰：《丹水注》，县有密阳乡，昔楚申息之师所戍也，春秋之三户矣。杜预云，县北有三户亭。

《续志》，有章密乡。先谦案，章是商之误，钩是均之误。非异文。《水经注》不言均亦作钩，知道元所见《汉书》本不误也。

【编者按】治今河南淅川县西。

新安，

【补注】先谦曰：秦邑。项羽坑秦卒于城南，见羽传。武帝徙函谷关于此，见《武纪》。《续志》，后汉因。《一统志》，故城今龟池县东，俗名之曰搭泥镇。

《禹贡》涧水在东，南入雒。

【补注】段玉裁曰：此当在东断句。阎若璩云，涧水、谷水，一东流，一东北流，折而会于新安县东，自是涧遂兼谷之称。故《洛诰》涧水东，瀍水西。《周语》谷洛斗，谷即涧也。蔡沈《书传》谓涧水出今之龟池，至新安入洛，大非。洛未尝经新安县境，何得于此入洛。盖蔡氏误读班志之文，班志涧水在新安东，南入洛。南入洛者，周时涧水本在王城西入洛，非新安也。逮建武以后，穿渠作堰，水之变迁，非一道矣。

先谦曰：《涧水》篇，涧水出新安县南白石山。注云，《山海经》曰，白石之山，涧水出其阴，北流，注于谷。又《谷水注》云，谷水又东，涧水注之，亦引《山海经》文，而无所考实。《一统志》，白石山在龟池县东北三十里。

【编者按】治今河南淅池县东。

商，

【补注】先谦曰：春秋楚邑，以封

子西为公，见《左文传》。战国入秦。《续志》，后汉改属京兆。《丹水注》，丹水自上雒来，东南过商县南。契始封商，皇甫谧、阚骃，并以为斯县也。殷商之名，起于此矣。丹水自商县东南，历少习，出武关——秦之南关也，通南阳郡。京相璠云，楚通上雒阨道也。丹水下入析。《一统志》，故城在今商州东八十五里。

秦相卫鞅邑也。

【补注】段玉裁曰：此下及战国也。先谦曰：见《秦纪》。

【编者按】治今陕西丹凤县。

析，

【补注】先谦曰：春秋之白羽，楚邑。秦人过析隈，见《左僖传》。又迁许于此，见《昭传》。襄王时，秦取之，见《楚世家》。高祖攻降之，见《高纪》。

黄水出黄谷，

【补注】先谦曰：《丹水注》，黄水北出芬山黄谷，下入丹水县，不言入湍。《一统志》，黄水在内乡县西，东南流，绕县城入湍。

鞠水出析谷，俱东至郾入湍水。

【补注】先谦曰：郾，南阳县。《湍水注》，菊水出西北石涧山芳菊溪，亦言出析谷，盖溪涧之异名也。源旁悉生菊草，潭涧滋液，极成甘美。菊水下入郾。《一统志》，菊水在内乡县西北五十里，亦名菊潭，隋以此名县。

莽曰君亭。

【颜注】师古曰：析音先历反。鞠水即今所谓菊潭也。郾音持益反，湍

音专。

【补注】先谦曰：后汉改属南阳。《一统志》，故城今内乡县西北百二十里。

【编者按】治今河南西峡县。

陆浑，

【补注】先谦曰：《续志》，后汉因。《一统志》，故城今嵩县东北，去伏流城北二十余里，即古伊川地也。《元和志》，伏流城以城北焦涧水伏流地下，西有伏流阪，因名，即东魏所置南陆浑故城也。

春秋迁陆浑戎于此。

【补注】王念孙曰：志过春秋时事，皆不加春秋二字（其加春秋二字者，皆承上之词，若河南郡洛阳下云，周公迁殷民，是为成周。春秋昭公三十二年，晋合诸侯于狄泉，以其地大成周之城。居敬王，是也。若非承上之词，则不加春秋二字，若河东绛下云，晋武公自曲沃徙此，是也。他皆仿此）。且但言迁陆浑戎，而不言迁之者，则文义不明。春秋当为秦，晋僖二十二年《左传》，秦晋迁陆浑之戎于伊川，是也。因秦误为春，后人遂改为春秋耳。

有关。

【颜注】师古曰：浑音胡昆反。

【补注】钱坫曰：即伊阙关也。在今河南府城西南三十里。《后书》云，灵帝中平元年置，盖增修之。先谦曰：《唐志》，陆浑有汉故关。《一统志》，陆浑关在今嵩县北七十里。

【编者按】治今河南嵩县东北。

上雒。

【补注】先谦曰：春秋晋地，见《左哀传》，自此东至陆浑，谓之阴地，见《宣传》杜注。烈公时，楚伐我南都至此，见《纪年》。战国属魏，与楚战。以上雒许秦，见《国策》。汉元鼎四年置县，见《寰宇记》。后汉改属京兆。《一统志》，故城今商州治。

《禹贡》雒水出冢领山，东北至巩入河，

【补注】段玉裁曰：《禹贡》雒水者，所以缀《禹贡》也。《禹贡》五言雒，故蒙上文释之，云《禹贡》雒水出冢领山。若如今本《汉书》，上文《禹贡》皆改为洛矣，则此四字何所承乎。先谦曰：巩，河南县。案，冢领山，在今雒南县西，即秦岭也。雒水出其县北五里，东流入卢氏。

过郡二，行千七十里，豫州川。

【补注】先谦曰：过弘农、河南。

又有甲水，出秦领山，东南至锡入沔，

【补注】段玉裁曰：甲水自上雒至锡，当云西南，东误。先谦曰：锡，汉中县。《沔水注》，甲水出秦岭山，东南流，迳上庸郡北，合关柞水，下入锡。《一统志》，商州西北诸山，皆秦岭也。甲水出南，丹水出东西，雒水出北，后人分为欢举、冢领等名，实一山耳。甲水一名吉水，一称夹河，皆甲音变字。自商州经镇安、山阳、郧西入汉者也。

过郡三，行五百七十里。

【补注】钱坫曰：过弘农、汉中，三当为二。

熊耳获輿山在东北。

【颜注】师古曰：锡音阳。

【补注】先谦曰：《雒水注》，获水南出获輿山，俗谓之备水，东北迳获輿川，世名为却川（俗名八里乾涧水），入雒。先谦案，熊耳获輿，连麓

异名，言熊耳而必兼获輿者，以明近获輿之熊耳，为真《禹贡》导雒之山，不与卢氏、宜阳二熊耳溷也。欢举（见上），则获輿音形相近，传写积讹，非有二矣。

【编者按】治今陕西商县。

河东郡

河东郡，

【补注】先谦曰：据《涑水注》，郡治安邑。《续志》，后汉治同。钱大昭云，河东有都尉，见《薛宣传》。今诸县不言有都尉治，或阙文。河南、河内、河东，属司隶，为三河。丞相遣史刺之，故《田叔传》云，使刺三河。秦置。

【补注】钱大昕曰：凡言秦置，因其名不改。吴卓信曰：《秦纪》昭襄王二十一年置。先谦曰：高帝二年，虜魏豹，置郡。见《高纪》。全祖望云，武帝末，属司隶。昭帝元始元年，属并州（见《本纪》），未几复故（不知年）。

莽曰兆阳。

【补注】全祖望曰：据《莽传》，河东乃六队之一，曰兆队，非兆阳也。然《水经注》引此，已作兆阳，是六朝本已误。钱坫曰：兆即汾洮之洮，古通用。

有根仓、湿仓。

户二十三万六千八百九十六，口九十六万二千九百一十二。

【补注】先谦曰：《续志》，后汉因，属司隶。

县二十四：

【补注】钱大昭曰：《尹翁归传》，河东二十八县，分为两部，阎孺部汾北，翁归部汾南。今云二十四，盖元始时县数。先谦曰：见《功臣侯表》者，有几县无考。郡人张次公、胡建，见本传；姚平，见《儒林传》；义纵，见《酷吏传》。

安邑，巫咸山在南，

【补注】先谦曰：《涑水注》，《海外西经》曰，巫咸国在女丑北，右手操青蛇，左手操赤蛇，在登葆山，群巫所从上下也。盖神巫所游，故山得其名矣。谷口岭上有巫咸祠。《纪要》，山在今夏县南五里。

盐池在西南。

【补注】先谦曰：《秦纪》，五国攻秦，至盐氏。《括地志》以为在此。《涑水注》，涑水自左邑来，西南过安邑县西，禹都也。又西南迳监盐县故城（晋县，今运城），下入猗氏城。城

南有盐池，上承盐水，水出东南薄山，西北迳巫咸山，又迳安邑故城南，又西注盐池。董祐诚云，今盐水出夏县南中条山，一名白沙河，又名姚暹渠，又名巫咸河，自夏阳迳安邑解州之北，至虞乡北，入五姓湖。水若入盐池，则盐不成，故障之，不复入池。盖今昔县殊矣。

魏绛自魏徙此，至惠王徙大梁。

【补注】先谦曰：绛徙安邑，武侯城之。惠王三十一年，秦地东至河，安邑近秦，于是徙都大梁，见《魏世家》。孝公时，围魏安邑，降之。昭襄王时，魏献安邑，见《秦纪》。

有铁官、盐官。莽曰河东。

【补注】先谦曰：后汉因。《一统志》，故城今夏县北。吴卓信云，夏王城据鸣条冈，周三十里，西南遗址尚存。县西一里，亦有安邑故城，乃后魏分置之南安邑县。

【编者按】治今山西夏县西北。

大阳，

【补注】先谦曰：春秋晋地，败茅戎于此，见《公羊传》。战国属魏（见下）。县人郅都，见《酷吏传》，《禹贡》山水泽地篇，砥柱山在大阳县东河中。案志文，疑夺《禹贡》砥柱山在东七字。

吴山在西，上有吴城，周武王封太伯后于此，是为虞公，为晋所灭。

【补注】段玉裁曰：《吴世家》，武王封周章弟虞仲于周之北，故夏墟，是为虞公。《史记》公字今讹仲。《史

记》云，求太伯虞仲之后。此云太伯后者，大伯无子，虞仲为大伯后。史兼言之，此专言之，皆可以明兄弟相后之义也。周章既君吴矣，又君虞仲于虞者，广太伯之后，即广虞仲之后也。

先谦曰：赵一清云，虞仲是仲雍之曾孙，周章之弟，小司马以为祖与孙同号也。《人表》中，雍在上中，列太伯之次，虞仲在中中，云周章弟，与《史记》合。《续志》吴城作虞城。刘注，《史记》秦昭王伐魏，取吴城，即此城也。吴、虞古通。《一统志》，吴山在安邑县东南三十二里，跨夏县平陆县。

有天子庙。莽曰勤田。

【颜注】应劭曰：在大河之阳。

【补注】吴卓信曰：《名胜志》，闲田在平陆县西六十里，虞芮相让处也，故莽改曰勤田。先谦曰：后汉因。《一统志》，故城今平陆县东北。

【编者按】治今山西平陆县西。

猗氏，

【补注】先谦曰：功臣下摩侯谄毒尼《表》注，猗氏。盖尝析置下摩县。《续志》，后汉因。《一统志》，故城今猗氏县南二十里。

【编者按】治今山西临猗县南。

解，

【颜注】师古曰：音蟹。

【补注】先谦曰：唐叔虞食采于解，见《广韵》。战国属魏，周赧王时，秦派魏师于此，见《国策》。后汉因。《一统志》，故城今临晋县西南五姓湖

北。

【编者按】治今山西临猗县西南。

蒲反，有尧山、首山祠。

【补注】钱坫曰：尧山，在今蒲州府城东南十五里。首山，在府城南三十里。马融云，首阳山在蒲阪，华山之北，河曲之中，伯夷所隐也。考古夷齐所隐首阳有三说，曹大家《幽通赋》注谓在陇西，即陇西郡首阳县，在今渭源县西二十里；戴延之《西征记》谓在洛阳东北；《水经注》云，或云夷齐饿死在此，在今偃师县西北二十里；一言在此。但夷齐之歌，自称西山，而蒲坂之山，无西山之目。若以在周之西论之，则作陇西者是。惟自唐以后，皆推本马融，建祠定祀，证古者因循莫改，殊难辨其真正焉。又武帝元封六年作首山宫，文颖以为亦在此。

雷首山在南。

【补注】汪远孙曰：《夏纪·索隐》，南上有东字。钱坫曰：《山海经》蒲山之首，曰甘枣之山。《封禅书》，薄山者，襄山也。徐广云，薄山在此县。古又蒲薄字声相近，然则薄山即蒲山。《穆天子传》河首襄山，亦指此。先谦曰：《禹贡》山水泽地篇，雷首山在蒲坂县东南。《河水注》，雷首山临大河，北去蒲坂三十里，《尚书》所谓壶口雷首也。胡渭云，雷首之脉为中条，东尽于垣曲。《一统志》，山在今永济县南。

故曰蒲，秦更名。莽曰蒲城。

【颜注】应劭曰：秦始皇东巡见长坂，故加反云。孟康曰：本蒲也。晋

文公以赂秦。后秦人还蒲，魏人喜曰：蒲反矣。谓秦名之，非也。臣瓚曰：《秦世家》云，以垣为蒲反，然则本非蒲也。师古曰：应说是。

【补注】先谦曰：全祖望云，孟解因魏寿余事，而参错其说。先谦案，《秦纪》以垣为蒲反。《索隐》云，为字当作易，是。瓚说沿《史记》讹字立解。《秦纪》、《魏世家》称蒲坂，在秦始皇前，则应说亦未是也。求之经传，既无蒲名。魏地秦名，更于何世；班氏所本，无以明之。后汉因，《续志》作蒲坂。《一统志》，故城今永济县东南。

【集释】陈直曰：蒲反有迎光宫，志文未注。见于《汉金文录》卷一，蒲反迎光宫鼎盖。

【编者按】治今山西永济市西南。

河北，

【补注】先谦曰：后汉因。《一统志》，故城今芮城县东北一里。

《诗》魏国，晋献公灭之，以封大夫毕万，

【补注】先谦曰：魏，姬姓，见《左襄传》。晋灭以封万，见闵传。曾孙絳徙安邑也。

【补注】钱坫曰：《世本》，毕万生芒季，芒季生武仲州，武仲生庄子绛。《史记》，万生武子，武子生悼子，悼子生绛，是绛为万曾孙。《世本》有芒季，无悼子，与《史记》异。《史记》又云，悼子徙治霍。《世本·居篇》亦云，武子居魏，悼子徙霍，此志所不详。

【编者按】治今山西芮城县西。

左邑，

【补注】先谦曰：武帝至此，见本纪。

莽曰洮亭。

【补注】先谦曰：洮，洮之省字。《续志》，后汉省。《涑水注》云，王莽之洮亭也。又引司马彪云，洮水出闻喜，故王莽以县为洮亭，然则涑水殆亦洮水之兼称乎？据此，县并入闻喜。注又云，涑水自闻喜来，西合沙渠水，西南迳左邑县故城南，故曲沃也。秦改为左邑。《诗》所谓从子于鹄者也。又西迳王官城北，下入安邑。《一统志》，故城今闻喜县治。

【编者按】治今山西闻喜县。

汾阴，

【补注】先谦曰：战国魏地，襄王时，秦取之，见《秦纪》、《魏世家》。高帝封周昌为侯国，见表。武帝幸此，立后土祠，元帝亦幸焉，见本纪。《续志》，后汉因。《一统志》，故城今荣河县北。

介山在南。

【补注】先谦曰：《武纪》用事介山者也。《汾水注》，介山即汾山也。其山特立，周七十里，高十余里。《晋太康地记》及《地道记》、《永初记》亦言子推所逃隐，即实非也。子推隐绵山，杜预云，在西河界休县，今俗呼孤山，孤介声转字讹也。

【集释】陈直曰：有汾阴宫，薛氏《钟鼎疑识》卷十八有汾阴宫铜鼎。

【编者按】治今山西万荣县西。

闻喜，故曲沃，晋武公自晋阳徙此。

【补注】武公本作成侯，此后人妄改之也。《涑水注》晋武公自晋阳徙此，武公字，亦后人依误本汉志改之。案《诗谱》云，唐者，帝尧旧都之地，今曰太原。晋阳，成王封母弟叔虞于此，曰唐侯。至子燹，改为晋侯，至曾孙成侯，自晋阳徙此。据此，则自晋阳徙曲沃者，乃成侯，非武公也。又下文绛县下云，晋武公自曲沃徙此，是武公自曲沃徙绛，非自晋阳徙曲沃也。且武公之祖桓叔，已封于曲沃矣，何得谓武公徙曲沃乎。

武帝元鼎六年行过，更名。

【颜注】应劭曰：今曲沃也。秦改为左邑，武帝于此闻南越破，改曰闻喜。

【补注】钱大昭曰：事见《武纪》。《三国志》高贵乡公诏亦云，汉孝武元鼎中，改桐乡为闻喜。是武帝以左邑之桐乡，特置此县，非改曲沃为闻喜也。先谦曰：曲沃，秦改左邑，武帝析左邑之桐乡，置闻喜，后汉并左邑入闻喜，故班于此县注云，故曲沃，而应云今曲沃也。若无左邑之并，则故曲沃三字当注在左邑下矣。后汉因。《一统志》，故城今闻喜县西南。

【编者按】治山西今县东北。

濩泽，

【补注】先谦曰：《续志》，后汉因。《沁水注》，沁水自上党阳阿来，南合

濩泽水，又东南合阳阿水（见阳阿），下入河内沁水县。濩泽水出濩泽城西白涧岭下，东迳濩泽。墨子云，舜渔濩泽。又迳濩泽县故城南，盖以泽氏县。《一统志》，故城今阳城县西，引旧志云，泽城村濩泽在县西嵯峨山下，深阔盈丈，澄清不竭。

《禹贡》析城山在西南。

【颜注】应劭曰：有濩泽，在西北。师古曰：濩，音乌虢反。

【补注】先谦曰：《禹贡》山水泽地篇，析城山在濩泽县西南，与志合。《沁水注》，析城山在濩泽南，山甚高峻，上平坦，下有二泉，东浊西清，左右不生草木，数十步外多细竹。《纪要》，山在阳城南七十里，太行支山也。

【编者按】治今山西阳城县西。

端氏，

【补注】先谦曰：战国赵地，后入韩。《赵策》，韩欲存宜阳，必以端氏赂赵也。《续志》，后汉因。《沁水注》，秦川水出巨骞山东，西南迳端氏县故城东，韩、赵、魏分晋，迁晋君于端氏县，即此。其水南流入沁。《一统志》，故城今沁水县北三十五里。引《县志》云，三家迁晋君处在县东四十五里端氏聚。

【编者按】治今山西沁水县东北。

临汾，

【补注】周寿昌曰：莽于汉县名临字者，或改监，或别改两字，独此与下临湖、临沂、临洮四县及涿郡临乡未改。先谦曰：后汉因。《汾水注》，

汾水自襄陵来，南过临汾县，东合天井水，又屈从县南西流，下入绛。《一统志》，故城今绛州东北二十五里。

【编者按】治今山西襄汾县南。

垣，

【补注】先谦曰：战国魏地，一名王垣，武侯城之，秦取复予，后终取之，见《秦纪》。《始皇纪》、《魏世家》，亦名武垣。曹参得魏豹于此，见《参传》。后汉因。《一统志》故城今垣曲县西二十里。先谦案，郑注《尚书》（《史·集解》引）、《职方》及《说文》作东垣。《通鉴》六十四，建安十年，会白骑攻东垣。胡三省云，此东垣，乃河东垣县。今本《续志》无东字，疑建安未复，故沿至晋未改，故《晋志》河东郡亦作垣。

《禹贡》王屋山在东北。

【补注】先谦曰：《禹贡》山水泽地篇，王屋山在垣县东北，与志合。《一统志》，山在今垣曲县东北百里，阳城、济源接界，山有三重，其状如屋，故名。

沅水所出，东南至武德入河，

【补注】先谦曰：沅，俗作兗，非。武德，河内县。案济水至河内温入河，言武德入河者，酈元以为枝渎条分，所在布称。盖济水故渎，合奉沟水入河，朱沟分流为奉沟，其正流合沁水，先儒以为济渠，故酈元云然。

轶出荥阳北地中，又东至琅槐入海，

【补注】先谦曰：《说文》轶，车相出也。《职方》注作洑为荥，轶洑盖今

古文异。琅槐，千乘县。《诗·正义》引郑注云，沔水溢出河为泽，今塞为平地，茱阳民犹谓其处为茱播，在其县东。志云，轹出茱阳北，而郑云在县东者，胡渭以为泽起县北，历其东也。据《后汉·明纪》、《王景传》云，平帝之世，河汴决坏，茱泽在所漂诸县中，填淤既久，空窞尽窒，地中伏流，不能上涌，茱泽之塞，实由于此。

但禹迹之改，自周已然。《职方》豫州，其川茱雒。《穆天子传》，浮于茱水，则周初茱泽，已导为川，东与陶丘复出之济相接，故志云，东至琅槐入海也。沛水自茱阳至琅槐中，历阳武、封丘、平丘、济阳、冤句、定陶、乘氏，至寿张西界安民亭，汶水注之。又历须昌、谷城、临邑、卢县、台县、菅县、梁、邹、临济、利县，至琅槐入海。今自安民亭以西，遗迹皆湮，而安民亭以东，章丘以西之大清河，邹平迤东至海之小清河，则犹是古沛水之故渎也。

过郡九，行千八百四十里。

【颜注】师古曰：琅音郎，槐音回。

【补注】先谦曰：过河东、河内、河南、陈留、济阴、东郡、泰山、济南、齐郡、千乘，九当为十。

【编者按】治今山西垣曲县东南。

皮氏，

【补注】先谦曰：战国魏地，秦惠文王取之，复入魏，秦围之，见《秦纪》、《魏世家》。功臣岸头侯张次公《表》注，皮氏盖尝析置岸头县。

耿乡，故耿国，晋献公灭之，以

赐大夫赵夙。

【补注】先谦曰，耿，姬姓。晋灭之，事见《左闵传》杜注。《一统志》，在河津县南十二里。

后十世献侯徙中牟。

【补注】钱坫曰：《赵世家》，夙生共孟，共孟子衰，衰子盾，盾子朔，朔子武，武子成，成子鞅，鞅子毋卹，毋卹子献侯，是为十出。

有铁官。莽曰延平。

【补注】先谦曰：后汉因。《河水》篇，河水南过皮氏县西，又南出龙门口。注云，河水自北屈来，皮氏县故城在龙门东南，不得延迳皮氏方屈龙门也。河水下入冯翊夏阳。《一统志》，故城今河津县西二里。

【编者按】治今山西河津市。

长脩，

【补注】先谦曰：高帝封杜恬为侯国，见表。《续志》，后汉省。《汾水注》，汾水自绛来，西南迳长修县故城南，合修水，下入皮氏。《一统志》，故城今绛州西北。《纪要》，后周天和五年，韦孝宽请于长秋筑城，秋乃修之讹，今名长秋镇。

【编者按】治今山西新绛县西北。

平阳，

【补注】先谦曰：战国赵邑，惠文王封赵豹为平阳君，见《赵世家》。始皇攻定之，见《始皇纪》。魏王豹都，见《项羽传》。曹参取之，见《参传》，高帝封参为侯国，见表。县人卫青父郑季、霍光、霍去病、尹翁归，见本

传。

韩武子玄孙贞子居此。

【补注】先谦曰：《纪年》，晋烈公元年，韩武子都平阳。《汾水注》引同。《韩世家》，武子子贞子，徙居平阳。《索隐》、《世本》作平子，名须，亦作景子，居平阳，并与志异。

有铁官。莽曰香平。

【颜注】应劭曰：尧都也，在平河之阳。

【补注】先谦曰：后汉因。《汾水注》，汾水自杨来，南迳白马城西，又迳平阳县故城东。汾水合平水下入襄陵。平水出平阳县西壶口山，东迳平阳城南入汾，俗以为晋水，非也。先谦案，注平河，盖平水之讹，《御览》引作平水。《一统志》，故城今临汾县西南。

【编者按】治今山西临汾市西南。

襄陵，

【补注】先谦曰：战国魏地，文侯时，齐取之，复入魏。惠王时，诸侯围之。襄王时，为楚败于此。齐威王命田忌攻之，并见齐、楚、魏《世家》。昭襄王与楚王会此，见《秦纪》。有班氏（香）〔乡〕亭。莽曰幹昌。

【颜注】应劭曰：襄陵在西北。师古曰：晋襄公之陵，因以名县。

【补注】朱一新曰：汪本，香作乡，是。先谦曰：《续志》，后汉因。《汾水注》，汾水自平阳来，南历襄陵县故城西，晋大夫卻犇之邑也，故其地有犇氏乡亭矣。西北有晋襄公陵，县盖即

陵以命氏也。汾水下入临汾。王念孙云，《广韵》犇通作𨾏（《潜夫论》志氏姓篇作郤𨾏），与班相似而误。下文南阳郡犇，师古音昌牛反，而此处无音，则所见本已误为班矣。《一统志》，故城今襄陵县东南十五里。犇氏乡亭，在县东南汾水东崖。

【中华校】香，景祐、殿本都作乡。

【编者按】治今山西临汾市东南。

𨾏，霍大山在东，冀州山，

【补注】宋祁曰：州山，一作代山。先谦曰：大山，《禹贡》太岳山也。因《周官》云山曰霍，故志加霍字以应《周官》。《禹贡》山水泽地篇，太岳山在永安县。《汾水注》，太岳山，《禹贡》所谓岳阳也，即霍太山矣。有岳庙，甚灵。鸟雀不栖其林，猛虎常守其庭。又有灵泉，以供祭祀。《一统志》，霍山在今霍州东南十五里，南接赵城、洪洞二县界，周二百余里，今谓之中镇。

周厉王所奔。

【补注】先谦曰：事见《周语》。《元和志》，周厉王陵，在霍邑县东北二十五里。

莽曰黄城。

【颜注】应劭曰：顺帝改曰永安。

【补注】先谦曰：《魏世家》，悼子徙霍。后汉因。《续志》，阳嘉三年，更名永安。《一统志》，故城今霍州治。

【编者按】治今山西霍州市。

杨，

【补注】先谦曰：周宣王子尚父，

封于杨，见《唐书·宰相世系表》，晋灭之，以赐大夫羊舌氏，见《元和志》。杨侯逼而逃楚，见《扬雄传》。县人咸宣，见《酷吏传》。莽曰有年亭。

【颜注】应劭曰：杨侯国。

【补注】先谦曰：《续志》，后汉因。《一统志》，故城今洪洞县东南十五里。

【编者按】治今山西洪洞县东南。

北屈，《禹贡》壶口山在东南。

【补注】先谦曰：《禹贡》山水泽地篇，壶口山在北屈县东南，与志合。《尚书》郑注同。案冀州有三壶口，一《左哀四年传》，齐国夏取晋壶口。杜注，潞县东有壶口关，今在长治县东南；一平水所出之壶口山，见平阳下；一即此，今吉州东南是。成蓉镜云，诸书所指为壶口者，即古孟门山。《尸子》、《吕览》、《淮南子》所云河出孟门之上者也。或分在北者为孟门，在南者为壶口，非是。《尚书全解》引曾鞏云，志谓壶口在北屈东南，酈元谓孟门在北屈西南，则壶口、孟门之东山也。《括地志》诸书，谓此在吉州西南者，失之。

莽曰朕北。

【颜注】应劭曰：有南故称北。臣瓚曰：汲郡古文，翟章救郑，至于南屈。师古曰：屈音居勿反。即晋公子夷吾所居。

【补注】王鸣盛曰：注，至，南监本作次。苏舆曰：《御览》引应注，有南下有屈字。先谦曰：后汉因。《一统志》，故城今青州东北二十一里。

【编者按】治今山西吉县北。

蒲子，

【颜注】应劭曰：故蒲反旧邑，武帝置。师古曰：重耳所居也。应说失之。

【补注】先谦曰：战国魏邑，一曰蒲阳。襄王七年，降于秦，复入魏，景湊王时，秦拔之，见《魏世家》、《始皇纪》。《续志》，后汉因。《一统志》故城今隰州东北八十里。吴卓信云，蒲子村。

【编者按】治今山西隰县。

绛，

【补注】先谦曰：高帝封周勃为侯国，见表。

晋武公自曲沃徙此。

【补注】钱坫曰：《诗谱》，穆侯徙于绛。盖穆侯先徙都，至武公，自曲沃并晋，仍居之。阎若璩曰：晋前后四都，相去止在平阳百五十里之内。翼，在今翼城县东南三十五里；曲沃，在闻喜县东北，去翼约百五十里；绛，即今太平县二十五里故晋在，东距翼约百里；景公徙新田，在曲沃南二里，去晋城仅五十里耳。

有铁官。

【颜注】应劭曰：绛水出西南。

【补注】吴卓信曰：《唐志》，绛县有铁。先谦曰：后汉因。《续志》作绛邑，有翼城。《汾水注》，汾水自临汾来，迳绛县故城北，又西迳虓祁宫北，又迳王泽，合浍水、古水，下入长修。又《浍水注》，浍水出绛县高山，西迳翼城南，《诗谱》言晋穆侯孙孝侯，改

绛为翼，后献公北广其城方二里，又命为绛。其水又合绛水，又西过县南，晋景公谋去故绛，欲居郇瑕。韩献子曰：不如新田，有汾浍以流其恶。遂居新田，又谓之绛，即绛阳也。盖在绛浍之阳，县南对绛山，面背二水，又西南过虓祁宫南，宫在新田绛县故城西四十里。其宫背汾面浍，西则两川之交会也，又西，至王泽入汾。

绛水出绛山东，西北注浍。应劭云，绛水出绛县西南，盖以故绛为言也。先谦案，据此，翼城是故绛，汉县即新田矣。翼南鄙有阍廷邑，贾逵说。《一统志》，故城今曲沃县西南。案旧《志》云，城南对紫金山，有中城外城，南面为浍水冲没，东、西、北遗址尚存。

【编者按】治今山西侯马市东。

狐谡，

【颜注】师古曰：谡音之涉反。

【补注】先谦曰：武帝封杆者为侯国，表作輶谡。颜注，輶读与狐同。《说文》，輶，多言也。河东有狐谡县，当以狐为正。《续志》，后汉省。《一统志》，故城今永和县西南。

【编者按】狐谡侯国武帝天汉二年除为县。

治今山西永和县西南。

骐。侯国。

【颜注】师古曰：音其。

【补注】先谦曰：驹几国，武帝封。表注北屈，明析北屈置。《续志》，后汉省。《一统志》，故城今乡宁县东南。

【编者按】治今山西乡宁县东南。

太原郡

太原郡，

【补注】先谦曰：《禹贡》太原即此。《春秋经》谓之大卤。《左传》、《史记》谓之大夏。《传》又谓之夏虚。据《汾水注》，郡治晋阳。《续志》，后汉治同。

秦置。

【补注】先谦曰：本赵地。庄襄王二年定之，三年置郡，见《秦纪》。全祖望云，楚汉之际，属西魏国（从本纪及本传，《异姓诸侯王表》，以为属代，误）。高帝二年属汉，六年为韩国，七年复故，十一年属代国，文帝

元年复故，二年为太原国，四年仍属代国，武帝元鼎三年复故。

【编者按】楚汉之际，太原不属西魏国，全说误。《史记·月表》：西魏，二年九月汉将信虜豹，属汉为河东、上党郡。故西魏无太原郡明甚，时太原属代，详见《西汉政区地理》附篇第二章所考。又，太原郡乃在高帝三年属汉，非在二年。

有盐官，在晋阳。

【补注】吴卓信曰：《太原府志》，太原、清源二县出盐。

属并州。

【补注】先谦曰：《续志》，后汉因，属同。

户十六万九千八百六十三，口六十八万四百八十八。有家马官。

【颜注】臣瓚曰：汉有家马厩，一厩万匹，时以边表有事，故分来在此。家马后改曰搆马也。师古曰：搆，音动。

【补注】何焯曰：《咸宣传》，卫青充使，买马河东、太原，家马官其以此时置邪？先谦曰：家马改搆马，见《百官表》。

县二十一：

【补注】先谦曰：《高纪》，以太原三十一县为韩国，王韩王信，此云二十一，后有析并。郡人赵破奴、常惠，见本传；鲁翁孺，见《游侠传》，郇越、郇相，见《鲍宣传》。

【编者按】二十一县是西汉末年之数。汉初三十一县应在下列二十一县之外再加上：中阳、平周、干章、临水、皋狼、离石、蔺县、隰成、土军、利昌等十县。这十县在武帝元鼎四年后为西河郡所属。详考见《西汉政区地理》上篇第七章。

晋阳，

【补注】先谦曰：春秋晋地，战国属赵，秦始皇拔定之，见《赵世家》、《秦纪》。韩王信都，见《信传》。文帝为代王，始亦都此，见《高纪》。《续志》，后汉因。刺史治。《晋水注》，城在晋水之阳，故曰晋阳。《一统志》，故城今太原县治。故《诗》唐国。

【补注】先谦曰：《续志》刘注，尧始都于此，后迁河东平阳。徐才宗《国都城记》云，帝尧之裔子所封。

周成王灭唐，封弟叔虞。

【补注】先谦曰：《晋水注》，晋阳县，故唐国也。唐灭，成王乃封叔虞于唐。县有晋水，后改名为晋，故子夏叙《诗》，称此晋也而谓之唐。

龙山在西北。

【补注】先谦曰：《晋水注》云，《晋书地道记》及《十三州志》并言晋水出龙山，一名结绶山，在县西北，非也。《山海经》曰，悬瓮之山，晋水出焉，今在县之西南。先谦案，道元驳西北之文，董祐诚据此，以为龙山非悬瓮，误会鄙旨。《后魏志》，晋阳有悬瓮山，一名龙山。《元和志》同。《一统志》，山在太原县西南十里。

有盐官。

【补注】钱大昭曰：太原郡下云，有盐官，在晋阳。此三字衍。先谦曰：此三字上下文义隔阂，钱说是。晋水所出，东入汾。

【颜注】臣瓚曰：所谓唐，今河东永安是也。去晋四百里。师古曰：瓚说是也。

【补注】汪远孙曰：永安即巍县。先谦曰：《晋水》篇，晋水出晋阳西悬瓮山，又东过其县南，入汾。《一统志》，晋水源曰滴沥泉。

【编者按】治今山西太原市西南。

蓀人，

【颜注】如淳曰：音璫。师古曰：又音山寡反。

【补注】先谦曰：《周勃传》，击韩王信于代，降下霍人。《樊噲传》，破韩王信于代，自霍人以往至云中，与绛侯共定之。《史·正义》，霍当作葭，盖以汉县无霍人，据两《传》在代，故知即葭人也。晋有霍邑，即葭，属河东，距此甚远。《续志》，后汉省。《说文》，派水出雁门葭人戍夫山，东北入海，明后汉县属雁门。据《山海经》郭注，溥沱水，出雁门鹵城县南武夫山。戍夫、武夫，皆泰戏之一名。《续志》鹵城下刘注，亦引泰戏山呼沱水，是戍夫即武夫，亦即泰戏，则汉末葭人省入鹵城矣。《一统志》，故城今繁峙县南。

【编者按】治今山西繁峙县稍东。

界休，莽曰界美。

【颜注】师古曰：休音许虬反。

【补注】先谦曰：后汉因。《晋世家》，介之推入绵上山中，文公环山封之，以为介推田，号曰介山。是界介字同。《一统志》，故城今介休县东南十五里，介山在县南四十里也。

【编者按】治今山西介休县东南。

榆次，

【补注】吴卓信曰：《汲冢周书》，昔烈山氏帝榆冈之后，其国为榆州，曲沃灭榆州，其社存焉，谓之榆社，地次相接者为榆次。先谦曰：春秋晋地，但名榆，属魏邑，见《左昭传》。战国属赵，秦庄襄王取之，见《秦纪》、《赵世家》。

涂水乡，晋大夫知徐吾邑。

【补注】先谦曰：见《左昭传》。

《洞过水注》，洞过水自上党沾来，西过榆次县南，县故涂水乡，县南侧水，有凿台（《续志》，刘注并作凿壺，韩魏杀智伯处）。先谦案，《国策》，黄歇所云智伯不知榆次之祸也。洞过水又西南为洞过泽，合涂水（见阳邑），下入晋阳。《一统志》，涂水城，今榆次县西南二十里。涂水，今金水河。

梗阳乡，魏戊邑。

【补注】先谦曰：《官本考证》云，戊，监本讹成，今据《左传》、《史记》改正。先谦案，秦昭王取之，见《赵世家》。《汾水注》，汾水自晋阳来，南迳梗阳县故城东，故榆次之梗阳乡，献子以邑魏戊。京相璠云，晋阳县南六十里榆次界有梗阳城，汾水又南即洞过水会，下入大陵。先谦案，《续志》榆次下刘注云，《左传》曰，谓塗水。晋阳下刘注云，《汉官》曰，南有梗阳城，证之京说，盖梗阳后并入晋阳。

莽曰大原亭。

【颜注】师古曰：涂音塗，梗音鯁。

【补注】先谦曰：《续志》，后汉因。《一统志》，故城今榆次县西。

【编者按】治今山西榆次市。

中都，

【补注】先谦曰：春秋晋邑，见《左昭传》。战国属赵，惠文王时伐取之，见《秦纪》。文帝为代王，自晋阳徙都此，见《文纪》。《续志》，后汉因。《一统志》，故城今平遥县西北，中都水在县东南三十里。

【编者按】治今山西平遥县西南。

于离，莽曰于合。

【补注】先谦曰：《续志》，后汉因。李兆洛云，当在今汾州府境。

【编者按】治所无考。

兹氏，

【补注】先谦曰：夏侯婴食邑兹氏，见《婴传》。

莽曰兹同。

【补注】先谦曰：《续志》，后汉因。《原公水》篇，原公水出兹氏县西羊头山，东过其县北，入汾。注云，县故秦置也。《一统志》，故城今汾阳县治。

【编者按】治今山西汾阳县东南。

狼孟，

【补注】先谦曰：战国赵地，秦庄襄王取之，复入赵，始皇取之，见《秦纪》、《始皇纪》。

莽曰狼调。

【补注】先谦曰：《续志》，后汉因。《汾水注》，洛阴水自孟来，西迳狼孟县故城南，左右夹涧幽深，南面大壑，俗云，狼马涧（案，孟马声转而误）。旧断涧为城，有南北门，门闾，故壁尚在，洛阴水下入阳曲。《一统志》，故城今阳曲县东北六十里。

【编者按】治今山西阳曲县。

邬，

【补注】先谦曰：《续志》，后汉因。刘注，《史记》，韩信破夏说于邬。徐广云，音于庶反。《一统志》，故城今界休县东北二十七里，今名邬城店。九泽在北，是为昭余祁，并州藪。

【补注】先谦曰：《尔雅》十藪，燕有昭余祁。郭注，今太原邬陵县北九泽是也。与班说合。陂泽连接，其藪有九，故谓之九泽，总名之曰昭余祁。徐余同字盖在邬为昭余藪，在祁为祁藪。昭余祁，合言之也。《一统志》，故城今平遥县西南。

晋大夫司马弥牟邑。

【颜注】师古曰：音一尸反，又音于据反。

【补注】先谦曰：见《左传》。

【编者按】治今山西平遥县西南。

孟，

【补注】先谦曰：西有鹿门，见《赵世家》。《续志》，反汉因。《一统志》，故城今阳曲县东北八十里，世谓之大孟城，亦称曰大祁城。

晋大夫孟丙邑。

【补注】段玉裁曰：孟或作孟。《广韵》，《左传》晋有孟丙，则是以邑为姓。魏戊，是舒之余子，丙盖亦是魏之余子，故同以十月为名。先谦曰：《续志》注作孟邴，亦见《左传》，作孟是。顾炎武云，以其为孟大夫，而谓之孟丙，犹魏大夫之为魏寿余，阎大夫之为阎嘉，邯郸大夫之为邯郸午也。

【编者按】治今山西阳曲县东北。

平陶，莽曰多穰。

【补注】先谦曰：《续志》，后汉因。《汾水注》，汾水自邬来，南过平陶县东，合文水，下入界休。《一统志》，故城今文水县西南。

【编者按】治今山西文水县西南。

汾阳，

【补注】先谦曰：春秋晋汾阳邑，惠公以命里克，见《晋世家》。高帝封靳强为侯国，见表。《续志》，后汉省。董祐诚云，后汉并入晋阳。《一统志》，故城今阳曲县西北九十里。

北山，汾水所出，西南至汾阴入河，

【补注】先谦曰：汾阴，河东县。《汾水》篇，汾水出汾阳县北管涔山。注云，《十三州志》云，出武州之燕京山（武州，见雁门郡），亦管涔之异名也。《一统志》，管涔山，在今静乐县北。吴卓信云，跨宁武岢岚朔州界，周百余里。

过郡二，行千三百四十里，冀州浸。

【补注】先谦曰：过太原、河东。

【编者按】治今山西静乐县西。

京陵，莽曰致城。

【颜注】师古曰：即九京。

【补注】先谦曰：《续志》，后汉因。《汾水注》，侯甲水自祁来，西迳京陵县故城北，于春秋为九原之地。其故京尚存。汉兴，增陵于其下，故曰京陵焉。侯甲水下入中部。《一统志》，故城今平遥县东。

【编者按】治今山西平遥县东。

阳曲，

【颜注】应劭曰：河千里一曲，当其阳，故曰阳曲也。师古曰：隋文帝自以姓阳，故恶阳曲之号，乃改其县为阳直，今则复旧名焉。

【补注】王先慎曰：《御览》百六十

一引应注，河上有黄字。先谦曰：官本注，姓阳作姓杨。《考证》云，监本，杨讹阳，今改正。《续志》，后汉因。《汾水注》，洛水自狼孟来，西南迳阳曲城北，入汾。汾水自汾阳来，南迳阳曲城西，下入晋阳。《一统志》，故城今阳曲县东北。

【集释】王峻曰：注师古曰隋文帝自以为姓阳，按此阳字当作杨。

【编者按】治今山西定襄县东。

大陵，

【补注】吴卓信曰：《左传》，司马乌为平陵大夫，疑即此，赵改之。先谦曰：战国赵地，肃侯、武陵王，俱游大陵。见《赵世家》。汉初属代。县人卫绾，见《绾传》。

有铁官。莽曰大宁。

【补注】先谦曰：后汉因。《汾水注》，汾水自榆次来，南过大陵县东，下入邬。《一统志》，故城今文水县东北二十五里。

【编者按】治今山西文水县东北。

原平，

【补注】先谦曰：《续志》，后汉改属雁门。刘注，赵衰居原，今原平县。先谦案，衰居者，襄王赐晋文之原，非此也。《一统志》，故城今崞县南三十里。

【编者按】治山西原平市稍东。

祁，

【补注】先谦曰：晋祁奚食邑，见《左襄传》。战国属赵，见《国策》。高

帝封缙贺为侯国。见表。

晋大夫贾辛邑。

【补注】先谦曰：亦见《左传》。

莽曰示。

【补注】先谦曰：《续志》，后汉因。《一统志》，故城今祁县东南五里。

【编者按】治山西今县东南。

上艾，

【补注】先谦曰：《续志》，后汉改属常山。《一统志》，故城今平定州东南。

绵曼水，东至蒲吾，入庠池水。

【颜注】师古曰：庠音呼。池音徒何反。

【补注】先谦曰：蒲吾，常山县。

【编者按】治今山西阳泉市东南。

虑虺，

【颜注】师古曰：音庐夷。

【补注】钱坫曰：乾隆三十七年，故户部主事曲阜孔继涵，有汉铜尺，文作虑虺，从人旁虎。汉时篆书多不正，此类是也。先谦曰：《续志》，后汉因。《后魏志》作驴夷，字变音同。隋改五台县。《寰宇记》云，汉因虑虺水立县。《一统志》，故城今五台县北。虑虺河出县西王村，流环县东南，入滹沱。

【编者按】治今山西五台县北。

阳邑，莽曰繁穰。

【补注】先谦曰：《续志》，后汉因。《一统志》，故城今太谷县东南十五里。

【编者按】治今山西太谷县东北。

广武。

【补注】先谦曰：高祖械系娄敬于此，见《敬传》。县人荀彘，见《彘传》。

（河主）[句注]、贾屋山在北。都尉治。莽曰信桓。

【颜注】师古曰：贾屋山，即《史记》所云赵襄子北登夏屋者。

【补注】王念孙曰：河主当作句注。此因句字讹作可（汉巴郡太守张纳碑，犴无拘继之人。拘字作柯；胸忍蛮夷，胸字作胛，冀州从事郭君碑，调柯霜荣，柯字作构。其右半极相似，故从句从可之字，往往讹溷。《说文》柯字解引《酒诰》尽执柯，今本作尽执拘。《考工记》，舛胡之筍。注，故书筍为苟。杜子春云，筍，当为苟。《说文·序》曰，廷尉说律，至以字断法苛人受钱。苛之字止句也。《管子》五辅篇，上弥残苛而无解舍。苛，今本讹作苟。《庄子》天下篇，君子不为苛察，苛一本作苟，皆其证也），而注字之水旁又移置于可字之侧，故讹为河主二字。

后雁门郡下云，句注山在阴馆，而此言在广武北者，汉广武故城，在今代州西十五里。阴馆故城，在朔州东南八十里，句注山在阴馆之南，广武之北，故两记之。《史记·刘敬传》正义，广武故城在句注山南。是其证也（《赵世家》，赵襄子北登夏屋，请代王过于句注之塞，或言夏屋，或言句注，盖二山相连，遂得通称）。

钱坫曰：服虔读句为拘，伏俨读为俱，名恺读为钩。贾屋即夏屋，如淮阳国阳夏县，应劭、如淳，音夏为贾，是矣。句注，《淮南子》作句望。洪颐

煊曰：《史记·范雎传》，昭王四十三年，秦攻韩汾泾，拔之。因城河上广武。《索隐》刘氏云，此河上盖近河北之地。《后汉·马成传》，代杜茂缮治障塞，自河西至渭桥，河上至安邑，此河主盖河上之讹。先谦曰：河上统词，非有实地可指，若云河上在此，

则不词矣。王以为句注之误，是也。后汉改属雁门。《续志》有夏屋山。故城今代州西十五里。句注山在州西北二十五里。上为太和岭。后为白草沟。夏屋山在州东北六十里，俗名草垛山。

【编者按】治今山西代县西南。

上党郡

上党郡，

【补注】先谦曰：《释名》：党，所也。在于山上，其所最高，故曰上党。阎若璩云，郡治长子，以《鲍宣传》知之。先谦案，据《浊漳水注》，郡治长子。《续志》，后汉治同。

秦置，

【补注】先谦曰：先属韩，降赵，后入秦，庄襄王四年因之，见《秦纪》。全祖望云，楚汉之际属西魏国，高帝二年属汉，四年属赵国，景帝复以支郡收（见《史记·诸侯王表》）。

【编者按】上党自高帝二年起即属汉，从未属赵，全说误。

属并州。

【补注】先谦曰：《续志》，后汉因，属同。周寿昌云，《杜业传》，左迁上党都尉。疑脱有都尉三字。先谦案，《续志》刘注，长子下引《上党记》云，关城都尉所治。

有上党关、壶口关、石研关、天井关。

【颜注】师古曰：研音形。

【补注】吴卓信曰：壶口、石研、天井，《后书·冯衍传》所谓上党三关也。先谦曰：《一统志》，上党关在今屯留县境。壶口关详壶关县下。石研关即井陘关，又见常山井陘下。天井关，又见高都县下。

户七万三千七百九十八，口十三万七千七百六十六。

县十四：

长子，

【补注】先谦曰：春秋晋地，见《左襄传》。战国属赵，襄子出亡，欲入焉，见《赵策》。一作尚子。入魏，惠成王时，韩取之，见《纪年》。赵成侯时，韩以与赵，见《世家》。《续志》，后汉因。《一统志》，故城今长子县西。

周史辛甲所封。

【补注】吴卓信曰：刘向《别录》，辛甲，故殷之臣，事纣，七十五谏而不听，去。周召公与语，贤之，告文王，文王亲自迎之，以公卿封于长子。

《后魏志》，长子县有辛城。

鹿谷山，浊漳水所出，东至邺入（青）〔清〕漳。

【颜注】师古曰：长读曰长短之长，今俗为长幼之长，非也。

【补注】王鸣盛曰：青，南监本作清，是。钱坫曰：《山海经》发鸠之山，章水出焉。章漳同。《淮南子》作发包山，鸠包声同。又《说文》有矠字，云读若鸠。矠读为鸠，是矠鸠同字，发包当为发矠之讹，发矠与发鸠无异。《地形志》又云廉山，廉鹿形近而变称也。

先谦曰：官本，青作清。邺，魏郡县。《左襄十八年传》释文，长，丁丈反，或如字。《纪年》，惠成王十二年，郑取屯留、尚子、涅。孔注，尚子即长子之异名。长读上声，故长尚以音近而字变，则丁丈反是也。颜说非。《一统志》，鹿谷山在今长子县西五十余里。

【编者按】治山西今县稍西。

屯留，

【补注】先谦曰：春秋晋邑，作纯留，见《左襄传》。赵惠成王时，韩赵徙晋君于此，见《纪年》、《赵世家》。旋入韩，见《纪年》。又入赵，秦长安君反，死此，见《始皇纪》。《续志》，后汉因。《一统志》，故城今屯留县南。桑钦言“绛水出西南，东入海”。

【颜注】师古曰：屯，音纯。

【补注】宋祁曰：音纯当作音钝。王念孙曰：入海本作入漳，后人以信都国信都下云：《禹贡》绛水亦入海，

故改入漳为入海也。不知彼是班氏之说，此是班氏引桑钦说，不可强同也。《浊漳水注》，绛水东迳屯留，入漳。故桑钦云，绛水出屯留西南，东入漳。后又曰，《地理志》云绛水发源屯留，下乱漳津，则此文本作入漳明矣。先谦曰：《浊漳水注》，绛水自谷远来，东迳屯留县故城南，东北流，入漳。钱坫云，绛水今出屯留县西南盘秀山，俗称高丽水，东北流，迳县城北，至潞城县西北安昌镇，入漳。

【编者按】治山西今县南。

余吾，

【补注】吴卓信曰：《通典》作徐吾。先谦曰：武帝时，马生水中，见《本纪》。《续志》，后汉省。屯留下刘注，有余吾城，在县西北三十里，据此，县并入屯留。《浊漳水注》，涑水出发鸠山，东迳余吾县故城南，下入屯留。《一统志》，故城今屯留县西。案《县志》云十八里。城周九里，今为镇。

【编者按】治今山西屯留县西北。

铜鞮，有上虓亭，下虓聚。

【颜注】师古曰：虓音斯。

【补注】先谦曰：春秋晋县，乐霄为大夫，见《左昭传》。有离宫，晋侯执郑伯于此，见《成传》。周勃破韩王信军于此，见《勃传》。《续志》，后汉因。

《浊漳水注》，铜鞮水出铜鞮县西北石陞山，东合专池水，女谿水，迳故城北，城在山阜上，下临岫壑，东西北三面阻袤二里，世谓之断梁城，即

县之上虓亭也。又迳铜鞮县故城北，城在水南山中，晋大夫羊舌赤铜鞮伯华之邑也。又东南流，迳顷城西，即县之下虓聚也。铜鞮水下入襄垣。《一统志》，故城今沁州西南四十里。上虓亭，今城东南。下虓聚，今襄垣县西。《水道提纲》，铜鞮水曰小漳河，亦名西漳河。

【编者按】治今山西沁县南。

沾，

【补注】先谦曰：东有昔阳，属齐，赵取之，见《赵世家》、《元和志》。即韩阨与邑。《续志》后汉因。《一统志》，故城今平定州南八十里。

大鼃谷，

【补注】王念孙曰：鼃当为𠂔字之误。𠂔即要领之要。《玉篇》𠂔与要同，於宵切，又於笑切。汉斥彰长田君断碑，究屈道要，要字作𠂔，上缺一点者，省笔耳。此大𠂔谷，当读要领之要。谓谷之中广者也。后北地郡有大𠂔县，颜注𠂔即古要字，音一遥反，是其证也。《说文》清漳出沾少山大要谷（旧本脱少字，据《山海经》、《水经》补），《水经》清漳出上党沾县西北少山大要谷（旧本讹作鼃，今据注改）。是大鼃为大𠂔之讹（鼃与𠂔字形相似，𠂔之讹为鼃，犹鼃之讹为𠂔。《后书·赵岐传》，岐著《要子章句》，要为孟字之讹。此因孟鼃声相近，而借鼃为孟，因讹为要也（说见吴仁杰《两汉刊误补遗》），而𠂔字师古无音，至后北地郡大𠂔，始音一遥反，是则大𠂔谷之𠂔，唐时本已讹作鼃矣。先谦曰：少山，今犹仍旧名。

《一统志》，山在乐平县西南二十里。

清漳水所出，东北至邑成入大河，

【补注】齐召南曰：宋本、监本及别本，俱作至邑成入大河，非也。汉无邑城县名，阜城则勃海郡属县也。《尚书》孔疏，《史记·索隐》并引此条曰：东北至阜成入大河，可为确证。王鸣盛曰：邑城当作昌成，后汉改阜成。故郑注《禹贡》作阜城。《诗邶鄘卫谱》疏引此志，作阜成者，非。钱坫曰：入河者，入虓池。

段玉裁曰：王伯厚言，漳旧入河，自定王时，河徙而南，故漳不入河，而自达于海。此特臆度之词。班志与许书皆言入河，则汉时未尝不入河也。过郡五，

【补注】钱坫曰：上党、魏、广平、钜鹿、信都。徐松曰：段氏数无广平、钜鹿，有清河、勃海。先谦曰：清漳至魏郡武安，合浊漳（即浸水），并本郡数之，止过郡二，班云过郡五，行千六百八十里，冀州川者，是以漳川之名，专归清漳。而浊漳与浸水，自为首尾，二水合流以入河，如江汉并行之例耳。五，当为六。钱氏遗河间未数。信都东昌以下，漳已入河，清河、勃海乃河漳并行之道，段氏数之，因志文阜城迁就为说。然当云过郡七，亦不止五矣。

行千六百八十里，冀州川。

【颜注】应劭曰：沾水出壶关。师古曰：沾音他兼反。

【补注】段玉裁曰：沾水，《广韵》、《集韵》皆音店。沾县因水取名。然则

县名亦当都念切。颜音他兼反，非也。《左昭十二年传》释文，沾县，韦昭音玷。下云，《字林》他兼反，不谓地名也。全祖望曰：有沾水，因有沾县，有沾城，有沾台。《魏志》，乐平县有沾城，《晋书》误为玷城。惟音玷，故误玷耳。

【编者按】治今山西昔阳县西南。

涅（氏），涅水也。

【颜注】师古曰：涅水出焉，故以名县也。涅，音乃结反。

【补注】先谦曰：此涅县，非涅氏县。氏字连下涅水也为句。此班自注，以释名县之义。颜注正为班注作解。《浊漳水注》，县氏涅水也五字，即用《汉志》原文。如果前汉涅氏，后汉改涅，道元必分析言之，而注中单称涅县，并无涅氏之文，则前汉亦是涅县甚明，此浅人不晓文义，见郡中兹氏、隋氏诸县名，以为涅氏亦同斯例，妄进氏为大字，率尔改刊，不知涅水也三字，班志中无此浅易文法，而地说家相承不悟，何也。后汉因。《一统志》故城今武乡县西五十五里。吴卓信云，故城村。

【编者按】王说是。《中国历史地图集》已改涅氏为涅县。

治今山西武乡县西北。

襄垣，

【补注】先谦曰：官本，垣作相。引宋祁曰：相，邵本作垣。《元和志》，赵襄子所筑，因以为名。《功臣表》襄城侯桀龙下注，襄垣盖尝分置襄城县。莽曰上党亭。

【补注】先谦曰：《续志》，后汉因。《一统志》，故城今襄垣县北。《县志》云，有故县中里在西北四十里，故县东里在北三十里。

【编者按】治山西今县北。

壶关，

【补注】先谦曰：春秋晋地。钱坫以为《左传》孟口即壶口也。战国属赵。《国策》、《魏世家》所谓赵羊场也。吕后封孝惠子武为侯国，见表。县有三老茂，见《戾太子传》。《浊漳水注》，有壶口关，故曰壶关。《续志》后汉因。《一统志》，故城今长治县东南。案旧《志》云十六里壶口山下。有羊肠阪。

【补注】王鸣盛曰：南监本版作阪，是。先谦曰：官本作阪。《一统志》，阪在今壶关县东南。案羊肠阪有三，此及凤台、阳曲。战国时之羊肠，凤台近之。《纪要》，阪长三里，盘曲如羊肠。

沾水东至朝歌入淇。

【颜注】应劭曰：黎侯国也，今黎亭是。

【补注】先谦曰：《淇水注》，沾水出壶关县东沾台下，合金谷水，东入淇，不言至朝歌。金谷水即沾台之西溪也，东北入沾水。《续志》，有黎亭，故黎国。刘注，文王勘黎即此（先谦案此黎本国，《路史》谓文所勘之黎，《史记》作阼，即伊耆之耆，与此异）。东山在城东南，申生所伐，今名平泽。《说文》鰲下云，启时侯国，在上党东北。沾下云，水出壶关，东入淇。

【编者按】治今山西长治市北。

洺氏，

【补注】先谦曰：战国属赵，献子城之，见《纪年》。后汉因。《一统志》，故城今高平县治。

杨谷，绝水所出，南至野王入沁。

【颜注】应劭曰：《山海经》，洺水所出者也。师古曰：洺音工玄反。

【补注】宋祁曰：沁，别本作泌，下同。注末工玄反。一本作故玄反。先谦曰：野王，河内县。《沁水注》，绝水出洺氏县西北杨谷，故《地理志》曰，杨谷，绝水所出，东南流，左会长平水，又迳洺氏县故城北，入洺水。洺水出洺氏县西北洺谷，东南流，迳洺氏县故城南，而东会绝水，乱流，下入高都。长平水出长平县西北小山，东南流，迳其县故城（后魏县），洺氏之长平亭也，白起坑赵括四十万众于此。长平水入绝水。案，绝入丹以入沁，不在野王，此文有误。

【编者按】治今山西高平县。

高都，

【补注】先谦曰：战国魏地，秦庄襄王拔之，见《秦纪》。亦云韩邑，见《淮南》高注。《续志》，后汉因。《一统志》，故城今凤台县东北三十里。吴卓信云，丹水北高都村。

莞谷，丹水所出，东南入洺水。

【补注】先谦曰：《沁水注》，丹水出高都县故城东北阜下，俗谓之源源水。《山海经》曰，沁水之东有林，名曰丹林，丹水出焉。即斯水矣。丹水

自源东北流，又屈而东注，左会绝水。《地理志》曰，高都县有莞谷，丹水所出，东南入绝水是也。丹水又东南流，注丹谷。《地道记》云，县有太行关，丹溪为关之东谷，途自此去，不复由关矣。丹水又迳二石人北，各在一山，角倚相望，南为河内，北曰上党，二郡以分境。丹水又南合白水，下入河内山阳。洺水合绝水，自洺氏来，东南入高都县，右入丹水。先谦案，据此注，道元所见《汉书》，入洺水作入绝水，但绝、洺二水相乱，义可两通。又云，白水出高都县故城西，所谓长平白水也，东南历天井关，会天井溪水，入丹水。

有天井关。

【颜注】师古曰：莞音丸。

【补注】先谦曰：《续志》刘注，《国策》桀居天井，即天门也。亦见《成纪》。《沁水注》，蔡邕云太行山上有天井关，在井北，遂因名焉。《一统志》，今名雄定关，又名平阳关，在凤台县南太行山上。

【编者按】治今山西晋城市。

潞，故潞子国。

【补注】先谦曰：县人冯奉世，见本传。《续志》，后汉因。刘注，《上党记》潞，浊漳也。县城临潞。晋荀林父伐曲梁，在城西十里，今名石梁。建安十一年，从洺河田凿潞河通海，又东北八十里，有黎城（程恩泽云，晋重立之黎国）。《浊漳水注》，漳水自襄恒来，阚骃云，有潞水，为冀州浸，即漳水也。县北对故台壁，漳水迳其南，本潞子所立也，世名之为台壁。

漳水又合黄须水、涅水（见涅）、仓谷水（见河内隆虑），下入魏武安。《一统志》，故城今潞城县东北。《潞安府志》，四十里。

【编者按】治今山西潞城市东北。

猗氏，

【颜注】师古曰：音於义反。

【补注】先谦曰：《说文》猗下云，上党猗氏阪也。后汉因。《一统志》，故城今岳阳县东南百里。

【编者按】治今西安泽县南。

阳阿，

【补注】先谦曰：《续志》，后汉因。《一统志》，故城今风台县西北四十里，俗呼大阳镇。

【编者按】治今山西阳城县西北。

穀远。

【补注】先谦曰：《浊漳水注》，绛水西出谷远县东发鳩谷，谓之滥水，下入屯留。《晋地道记》，后代语讹为孤远。

羊头山世靡谷，沁水所出，东南至荥阳入河，

【补注】钱坫曰：沁水古亦曰少水。《战国策》曰，秦正告韩曰，我起乎少

曲，一日而断太行。少曲者，少水之曲耳。戴震云，羊头山在今武乡县西北二十里，西北接祁县平遥，西南接沁源县。一名鹿台山，迤西为绵山。其北为介休县，西为灵石县。皆谒戾山也。先谦曰：《沁水注》，沁水自涅来，南过谷远县东，下入猗氏。先谦案，《说文》沁水出羊头山，与志合。郦注《水经》，二说并存（互见涅下）。过郡三，行九百七十里。莽曰谷近。

【颜注】师古曰：今沁水至怀州武陟县界入河，此云至荥阳，疑传写错误。

【补注】王念孙曰：《水经》沁水至荥阳县北，东入于河，即本于《地理志》，则荥阳非误文也。又《汧水注》云，丹沁乱流于武德，绝河南入荥阳，合汧。即此志沁水至荥阳入河之说也。但不当先言至荥阳，后言入河耳。又案，志言沁水过郡三，谓上党、河内、河南。若仅至武德，则有上党、河内，而无河南，不得言过郡三矣。吴卓信曰：武陟，河北；荥阳，河南。相距至近，说俱得通。先谦曰：《续志》，后汉因。《一统志》，故城今沁源县南。

【编者按】治今山西沁源县。

河内郡

河内郡，

【补注】先谦曰：胡渭云，古者河

北之地，皆谓之河内，自战国魏始有河内、河东之名，而秦汉因以置郡。

《周礼》所谓河内，不止河内郡地也。《史》正义，古帝王之都，多在河东、河北，故呼河北为河内，河南为河外。又云，河内西阻王屋诸山，其北又有太行蔽之，与河东隔绝。先谦案，据《沁水注》，郡治怀。《续志》，后汉治同。

高帝元年为殷国，

【补注】先谦曰：司马印国。

二年更名。

【补注】钱坫曰：《诸侯王表》二年三月属汉，为河内郡。

莽曰后队，

【补注】周寿昌曰：《后汉书·伏湛传》，王莽时为后队属正，即此。下文怀，莽曰河内；盖易郡名，而以郡名其县，此类甚多。

属司隶。

【补注】全祖望曰：武帝末属司隶，昭帝元始元年属冀州，未几复故。先谦曰：《续志》，后汉因，属同。

户二十四万一千二百四十六，口百六万七千九十七。

县十八：

【补注】先谦曰：见《功臣侯表》者，有临蔡县无考。郡人赵子食子公，见《儒林传》。

怀，

【补注】先谦曰：《禹贡》覃怀在此，见《书》孔传，后但称怀。武王伐纣，至怀而坏，见《荀子·儒效》篇。周为苏忿生邑，以与郑，见《左隐传》。晋启南阳，遂属晋。赤狄围焉，见《宣传》。战国分属赵、魏，魏

败赵于此。安釐王时，为秦所拔，见赵、魏《世家》。傅宽从击项籍，待高祖于此，见《宽传》。

有工官。

【补注】钱坫曰：《贡禹传》三工官，如淳说，河内怀，蜀成都，广汉皆有工官。工官，主作漆物者也。

莽曰河内。

【补注】先谦曰：后汉因。《沁水注》，沁水自州来，东过怀县北。《韩诗外传》曰，武王伐纣，到邢丘，更名邢丘曰怀县，北有沁阳城，沁水迳其南而东注，下入武德。先谦案，据《荀子》，则怀非武王改名，《外传》似误。《左传》狄围怀及邢丘，则怀非邢丘也。邢丘近怀地，徐广注以为邢丘在平皋，是。《一统志》，故城今武陟县西同。

【编者按】治今河南武陟县西南。

汲，

【补注】先谦曰：战国魏地，秦庄襄王拔之，见《秦纪》、《始皇纪》、《魏世家》。《续志》，后汉因。《一统志》，故城今汲县西南二十五里。

【编者按】治河南今县西南。

武德，

【颜注】孟康曰：始皇东巡置，自以武德定天下。

【补注】王先慎曰：《御览》百六十三引孟注，未有故名之也四字，今本脱。先谦曰：《元和志》，本苏忿生州邑地，汉以为县。《续志》，后汉因。《一统志》，故城今武陟县东南。

【编者按】治今河南武陟县东南。

波，

【颜注】孟康曰：今有絺城，晋文公所得赐者。

【补注】钱坫曰：《说文》作郗，云周邑也。先谦曰：《续志》，后汉因。《一统志》，故城今济源县东南二十里。

【编者按】治今河南济源县东南。

山阳，

【补注】先谦曰：战国魏地，秦攻定之，以予嫪毐，见《始皇纪》。后汉因。《一统志》，故城今修武县西北三十五里。

东太行山在西北。

【颜注】师古曰：行音胡郎反。

【补注】钱坫曰：太行一耳，于此云东太行者，山阳在野王之东故也。先谦曰：《释文》行，户刚反，又如字。《列子》作太行。

【集释】王峻曰：陈云东字衍。《禹贡孔疏》引志文亦无东字。佚名《汉书疏证》稿本曰：太行《列子》谓之太行，《淮南子》谓之为五行，古皆作如字。读惟（编者按：此字疑衍）崔伯易《感山赋》云：“起而名丘，妥为平冈；岵乎甚尊，其名太行。”始作户郎反。此注宜两存其音。

【编者按】治今河南焦作市东。

河阳，

【补注】先谦曰：周苏忿生之田。盟以与郑，见《左隐传》。后属晋，文公召王狩焉，见《僖传》。分属魏，赵

惠文王得之，见《赵世家》。高帝封陈涓为侯国，见表。县人息夫躬，见本传。

莽曰河亭。

【补注】先谦曰：后汉因。《一统志》，故城今孟县西三十五公里。孟津在县南十八里，又名富平津。

【编者按】治今河南孟州市西。

州，

【补注】先谦曰：州误连下共。官本不误。苏忿生地以与郑，见《左隐传》。复入晋，赐公孙段，见《昭传》。复归晋，韩宣子徙居之，见《韩世家》。《续志》，后汉因。《一统志》，故城今河内县东南四十里。

【编者按】治今河南武陟县西。

共，故国。

【补注】先谦曰：《纪年》，周厉王奔彘，共伯和摄行天子事，太子靖为王，共伯和归国，即此。《庄子·让王》篇，共伯得乎共首。《荀子·儒效》篇所谓共头也。共是山名，故国氏焉。后灭于卫，郑叔段所奔，见《左隐传》。戴公庐曹，益以共民，见《闵传》。秦虜齐王建，迁此，见《田齐世家》。高帝封卢罢师为侯国，见表。后汉因。《一统志》，故城今辉县治。

北山，淇水所出，东至黎阳入河。

【颜注】孟康曰：共伯人为三公者也。师古曰：共音恭。

【补注】先谦曰：黎阳，魏郡县。

《淮南·地形训》，淇出大号。高注，大号山，在河内淇县北，或曰在隆虑西。《说文》，淇水出共北山，一曰出隆虑西山。《淇水》篇，淇水出隆虑西大号山。先谦案，隆虑、共，相距颇远，非一山二名，故道元《淇水注》亦不下己意，先叙大号水源，迳朝歌合泉源水下，乃云淇水又南历枋堰旧淇水口，东流，迳黎阳县界，南入河。《地理志》曰，淇水出共，东至黎阳入河。《沟洫志》曰，遮害亭西四十八里，至淇水口，是也。魏武于水口下大枋木以成堰，遏淇水东入白沟，以通漕运，故时人号其处为枋头，既不欲显驳班志，又不肯竟指泉源为淇水，但浑举之而已。许氏兼采二说，实则大号之源为正也。《一统志》，北山在辉县东北十里。

【编者按】治今河南辉县市。

平皋，

【颜注】应劭曰：邢侯自襄国徙此，当齐桓公时，卫人伐邢，邢迁于夷仪，其地属晋，号曰邢丘。以其在河之皋，处执平夷，故曰平皋。臣瓚曰：《春秋》传，狄人伐邢，邢迁于夷仪，不至此也。今襄国西有夷仪城，去襄国百余里。邢是丘名，非国也。师古曰，应说非也。《左氏传》曰，晋侯送女于邢丘，盖谓此耳。

【补注】先谦曰：邢，周公子封国，见《说文》，非齐迁之邢。后属晋为邢丘，赤狄围之，见《左宣传》。分属魏，安釐王时，秦取之，见《秦纪》、《魏世家》。又分属韩，为秦所围，见《白起传》。高帝封项佗为侯国，见表。

后汉因。《一统志》，故城今温县东二十里。

【编者按】治今河南温县东。

朝歌，纣所都。周武王弟康叔所封，更名卫。莽曰雅歌。

【补注】先谦曰：《纪年》，商武乙自河北迁沫，即此。太公于此屠牛，见《古史考》。周为卫地，后入晋，齐伐取之，见《左襄传》。仍属晋，荀寅士吉射据以叛，见《定传》。战国属魏，景湣王时秦拔之，见《魏世家》。楚汉时，司马卬都。后汉因。《续志》，南有牧野，北有邙国，南有宁乡。刘注，有鹿腹山，《前书》注云鹿台在城中（先谦案，今本脱）。东有雍城（《左传》雍榆）。《一统志》，故城今淇县东北。

【编者按】治今河南淇县。

脩武，

【颜注】应劭曰：晋始启南阳，今南阳城是也。秦改曰脩武。臣瓚曰：韩非书，秦昭王越赵长平，西伐脩武，时秦未兼天下，脩武之名久矣。师古曰：瓚说是也。

【补注】刘敞曰：予谓脩武，则因武王伐纣名之。钱坫曰：高诱云，南阳，晋山阳河北之邑，河内温阳、樊之属皆是，非定指脩武言之。先谦曰：南阳，战国魏地，秦昭襄王取之，见《秦纪》。分属韩，白起攻韩南阳太行道，绝之，见《起传》。曹参下脩武，见《参传》。楚汉时，大小脩武尝为高帝驻军地，见《高纪》。后汉因。《一统志》，故城今获嘉县治。

【编者按】治今河南获嘉县。

温，故国，己姓，苏忿生所封也。

【补注】钱坫曰：颛顼裔孙，吴曰生陆终，陆终生昆吾，为己姓。昆吾之子，封于苏。其后忿生为周司寇，故苏为己姓。先谦曰：苏忿生见《左隐、成传》。狄灭之，周以与晋，见《僖传》。战国分属魏，宋王偃死焉。安釐王元年予秦，并见《魏世家》。县人石奋、蔡义、傅喜，见本传。后汉因。《一统志》，故城今温县西南三十里。

【编者按】治河南今县东。

壑王，

【补注】先谦曰：《左传》，王取壑田于郑，则壑王郑邑，后属卫，详本志。又属韩，秦昭襄王伐降之，见《白起传》。壑王好气任侠，见本志及《货殖传》。

太行山在西北。

【补注】先谦曰：《禹贡》山水泽地篇，太行山在壑王县西北，与志合。《沁水注》，山即五行之异名。《淮南子》，武王欲筑宫于五行之山。《纪要》，今怀庆府城北二十里。

卫元君为秦所夺，自（仆）[濮]阳徙此。

【补注】先谦曰：官本仆作濮，是。见本志及《卫世家》、《始皇纪》。

莽曰平壑。

【颜注】孟康曰：故邾国也，今邾亭是也。师古曰：行，音胡郎反。

【补注】先谦曰：后汉因。《一统

志》，故城今河内县治。

【编者按】治今河南沁阳市。

获嘉，故汲之新中乡，武帝行过更名也。

【补注】先谦曰：见《武纪》。《续志》，后汉因。《一统志》，故城今新乡县西南十二里。

【编者按】治今河南新乡市西。

轹，

【颜注】孟康曰：原乡，晋文公所围，是也。师古曰：音只。

【补注】徐松曰：太行山八陁，第一曰轹关陁，盖以县命名。先谦曰：战国郑地，后入韩。聂政轹深井里人也。梁惠成王取轹道，见《纪年》。秦昭襄王伐魏取轹，见《秦纪》。文帝封薄昭为侯国，见表。县人郭解，见《游侠传》。后汉因。《一统志》，故城今济源县南十三里。

【编者按】治今河南济源市东南。

沁水，

【颜注】师古曰：沁音千浸反。

【补注】先谦曰：《续志》，后汉因。《一统志》，故城今济源县东北，引《县志》云，沁水南沁台西王寨城。

【编者按】治今河南济源市东北。

隆虑，

【补注】先谦曰：《荀子·强国》篇，秦地东在韩者，逾常山乃有临虑。杨倞注，临虑，即林虑。案临之改隆，隆之改林，并以双声变字。高帝封周

灶为侯国，见表。后汉因。《续志》，林虑，故隆虑，殇帝改。《一统志》，故城今林县治。

国水东北至信成入张甲河，过郡三，行千八百四十里。

【补注】先谦曰：信成，清河县。《左成传》杜注，洹水出林虑县，东北至长乐，入清水。《续志》刘注引徐广云，洹水所出，苏秦合诸侯盟处。班叔皮《游居赋》亦曰：漱余马乎洹泉，嗟西伯于牖城。刘不引前志之国水，疑所见《汉书》乃洹水，非国水也。但洹水至内黄入白沟，不至信成入张甲河，此不可解。

有铁官。

【颜注】应劭曰：隆虑山在北，避殇帝名，改曰林虑也。师古曰：虑音庐。

【补注】先谦曰：《续志》，有铁。

【编者按】治今河南林州市。

荡阴。

【补注】先谦曰：战国魏地，晋鄙救赵止此不进，见《鲁仲连传》。恩泽安阳侯上官桀《表》注荡阴，盖尝析置安阳县。《续志》，后汉因。《一统志》，故城今汤阴县西南。

荡水东至内黄泽。

【补注】王念孙曰：此文本作荡水

东至内黄，入黄泽（魏郡内黄，应劭云黄泽在西）。下文姜水亦至内黄入荡，文义正与此同，脱去入、黄二字，则文不成义。《说文》，荡水出河内荡阴，东入黄泽。《水经》荡水东北至内黄县，入于黄泽，皆本《地理志》。先谦曰：《荡水》篇，荡水出荡阴县西山东。注云，荡水出县西石尚山，东流，迳县故城南，县因水以取名也。下入魏内黄。《一统志》，荡水今名汤水，在汤阳县北二里。

西山，姜水所出，亦至内黄入荡。

【补注】先谦曰：《荡水注》，姜水出荡阴县西北韩大牛泉。《地理志》曰：县之西山，姜水所出也，东流，迳姜城北，故姜里水也，水积成渊，方十余步，深一丈余，下入内黄。

有姜里城，西伯所拘也。

【颜注】师古曰：荡音汤。姜音羊九反。

【补注】先谦曰：《荡水注》，《史记音义》，牖里在荡阴县。《广雅》，牖，岳犴也。夏曰夏台，殷曰羑里，周曰囿圉，皆圉土。昔殷纣纳崇侯虎之言，囚西伯于此。《一统志》，在今汤阴县北七里。

【编者按】治今河南汤阴县。

河南郡

河南郡，

【补注】阎若璩曰：郡治雒阳，以

伍被、贾谊、酷吏、游侠《传》知之。先谦曰：《续志》，后汉为帝都。

故秦三川郡，

【补注】钱大昕曰：凡《汉志》称故秦某郡，谓因其地而改其名者也。如三川更名河南，泗水更名沛郡，九原更名五原，桂林更名郁林，象郡更名日南，邯郸为赵国，碭郡为梁国，薛郡为鲁国，是。

先谦曰：《秦庄襄王纪》、《始皇纪》并书置三川郡，盖规模至始皇乃定。韦昭注，有河、雒、伊，故曰三川。全祖望云，宋白谓秦三川郡治雒阳，后徙荥阳。胡三省云，秦灭周，置三川郡，则其治宜在雒阳。予谓秦庄襄王元年，取韩荥阳，已置三川郡矣，不治荥阳而安治乎？其后或徙雒阳耳。先谦案，李由为三川守，守荥阳，此秦末郡治荥阳之明证，未尝徙雒阳也。《秦纪》、《始皇纪》两书置三川郡，前则雒阳未入秦，后虽得雒阳，亦无徙治之文，诸说皆非。

高帝更名。

【补注】先谦曰：高帝二年，河南王申阳降，因置河南郡，见《高纪》。雒阳户五万二千八百三十九。

【补注】钱大昕曰：县邑有户口数者，京兆之长安，冯翊之长陵，扶风之茂陵，河南之雒阳，颍川之阳翟、偃陵，南阳之宛、蜀郡之成都，鲁国之鲁，楚国之彭城，凡十县。雒阳注于郡名之下。钱大昭曰：脱口数。

莽曰保忠信乡，

【补注】全祖望曰：莽曰东都河南大尹，后又改名曰保忠信卿。分郡之荥阳诸县，别为郡，曰祁队。莽将都雒，故欲进其官于京兆尹之上，名曰

卿，美其名曰保忠信，是官名，非地名也。今误卿为乡。班氏六队志其五，而荥阳以分郡故脱之，则汝南之分为赏都，何以得载乎。王念孙曰：今本《水经·谷水注》亦误作乡，惟《王莽传》不误。保忠信卿以官名而列于《地理志》者，与京兆尹、左冯翊、右扶风同义。后汉谓之河南尹，义亦同也。

属司隶也。

【补注】先谦曰：《续志》，后汉改河南尹，属同。

户二十七万六千四百四十四，口一百七十四万二百七十九。

【补注】宋祁曰：户二，邵本作户三。

有铁官、工官。

【编者按】西汉盐、铁、工、服诸官署都是中央设在各郡国（而不是各县）的手工业管理机构，故史籍在提到这些官署时都冠以郡名，如蜀、广汉工官，齐服官等。但这些官署的具体设置地点，并不都在郡治，而在郡中某个相关的县里，如铁官只设在出铁之县。所以《汉志》详细注明了各郡设置手工业官署的县名。但由于志所注有阙漏，有些只在郡下注明，县下失注，因此引起今人统计西汉铁官、工官总数的歧异。如工官本来只有八个，有的学者（如日本佑藤武敏，见其《中国古代工业史的研究》第四章）以为有十个，将泰山郡工官与奉高工官，广汉郡工官与雒工官各当成两个。其实泰山郡工官就设在奉高，广汉郡工官就设在雒。根据这个原则计算，

志所载置工官之县有八，失注一，即本郡工官，既不知置于何县，亦不知主何种手工业（其他七县为河内怀县、颍川阳翟、南阳宛县，济南东平陵、泰山奉高、广汉雒县，蜀郡成都。雒与成都主作金银器）；置盐官之县三十六，失注二（千乘与陇西）；置铁官之县四十八，失注六，其一即本郡。推测本郡铁官可能置于荥阳县，1975年曾在汉荥阳城外发现大规模炼铁遗址。设盐官与铁官之县数目太多，参见《西汉县城特殊职能探讨》附录（载《历史地理研究》第一辑）及各郡县下注。

敖仓在荥阳。

【补注】先谦曰：《殷纪》仲丁迁敖，即此。《诗》搏兽于敖。《左传》云敖郟之间也。《续志》，荥阳有敖亭。《济水注》，济水又东迳敖仓北，其山上有城，即仲丁所迁，秦置仓其中，故曰敖仓。《一统志》，敖仓在荥泽县西北，与河阴县接界。

县二十二：

【补注】先谦曰：郡人卜式，见本传。乘弘、桑钦，见《儒林传》。

雒阳，

【补注】先谦曰：县人贾谊、贾捐之，见本传。周王孙、丁宽、贾嘉，见《儒林传》。剧孟见《游侠传》。虞初见《艺文志》。

周公迁殷民，是为成周。

【补注】先谦曰：《郑诗谱》，召公既相宅，周公往营成周，今洛阳是也。《雒水》篇，雒水东过雒阳县南，伊水

从西来注之。注云，雒阳，周公所营雒邑也。其城方七百二十丈，南系于洛水，北因于邙山，以为天下之凑，方六百里，因西八百里为千里。《春秋》，晋合诸侯大夫，成成周之城，故亦曰成周也。

《春秋》昭公（二）〔三〕十（一）〔二〕年，晋合诸侯于狄泉，以其地大成周之城，居敬王。

【补注】王鸣盛曰：二十一年，南监本作二十二年，当作三十二年。

先谦曰：敬王以子朝之乱，自王城徙此，传至赧王，复徙河南。《谷水注》，谷水自河南来，枝分注天渊池，池水又东入雒阳县之南池，池即故翟泉也。南北百一十步，东西七十步。案，班固、服虔、皇甫谧，咸言翟泉在雒阳东北。周之墓地。案，周威烈王葬雒阳城内东北隅，景王冢在雒阳太仓中，翟泉在两冢之间，于雒阳为东北。后秦封吕不韦为雒阳十万户侯，大其城，并得景王冢矣。晋永嘉元年，雒阳东北步广里地陷。董养云，步广，周之狄泉，盟会之地。陆机《雒阳地记》云，步广里，在雒阳城内宫东，是翟泉不在太仓西南也。京相璠作《春秋地名》，言今太仓西南池水名翟泉。又云，旧说言翟泉，本自在雒阳北。苾弘城成周，乃绕之。杜预用其一证，谓必是翟泉，即实非也。

又云，渠水又东迳杜元凯所谓翟泉北，今无水。坎方九丈六尺，深二丈余，似是人功，不类泉陂，是验非之一证也。皇甫谧云，王室定，遂徙居

成周，小不受王都，故坏翟泉而广之，泉源既塞，明无故处，是验非之二证也。杜言翟泉在太仓西南，既言西南，于雒阳不得为东北，是验非之三证也。先谦案，道元评言翟泉在雒阳东北，不在太仓西南，以正京杜之失，至翟泉本在成周外，晋合诸侯，始以其地大而城之。志文所云与旧说荃弘城成周绕之合，吕不韦大其城后起之说，非班意也。道元于此，未能分晰。《续志》承前，但云有狄泉在城中而已。莽曰宜阳。

【颜注】师古曰：鱼豢云，汉火行忌水，故去洛水而加佳。如鱼氏说，则光武以后改为雒字也。

【补注】钱大昭曰：《莽传》作义阳。先谦曰：《职方》雒，豫州川；洛，雍州浸。本志及《说文》并不相混，鱼氏谬说，疑误后人。裴松之注《魏志》引之，颜承其误也。有乘轩里，见《赵策》。阙塞在西南，见《左昭传》杜注。后汉因。《一统志》，故城今雒阳县东北三十里。

【编者按】治今河南洛阳市东。

荥阳，

【补注】先谦曰：荥当作荃，详上荃泽。荃阳，春秋郑制邑，见《左隐传》（亦见成皋下）。后属韩，桓惠王时，秦拔之，见《韩世家》。项羽围汉王，纪信诳楚于此，见《高纪》。后汉因。

【集释】杨树达曰：周明泰《续封泥考略》卷三有荃阳函封泥。周云，《地理志》荃字从水，此印从火，可证今本《汉书》之误。北魏郑文公碑犹

作荃阳，至唐人则有书作荃阳者矣。陈直曰：《贞松堂集古遗文》卷十三有荃阳宫小铎。又汉代金石刻辞皆作荃阳，无作荃阳者，《汉书》为传写之误字。

卞水、冯池皆在西南。

【补注】先谦曰：《济水注》，济水于荃阳又兼邲目，春秋晋楚之战，楚军于邲，即是水也，音卞。京相璠云，在敖北。先谦案，言地理者，皆谓卞即汴，乃《水经》之汴水。然邲注汴水下，未引此文。志以卞水与冯池相俪，寻流脉地，惟是为宜，抑或入济小水，故有卞名，邲所不究耳。又《济水注》，砾溪水出荃阳城西南李泽，泽中有水，即古冯池也。《地理志》曰，荃阳县冯池在西南，是也。东北流，历敖山，南迳虢亭北，又东北迳荃阳县北断山东北，注于济。案，《韩策》宛冯，《索隐》云，即冯池。

有狼汤渠，首受汴，东南至陈入颖，

【补注】先谦曰：陈，淮阳县。《河水》篇，河水又东过荃阳县北，蒺藜渠出焉。又《济水注》，南济水自荃阳东南流，入阳武县，历长城东南流，蒺藜渠出焉（余见阳武下）。案，蒺藜即狼汤异文。《渠水》篇，渠出荃阳北河。注云，渠水自河与济乱流，东迳荃泽北，东南分济水，下入中牟。先谦案，南汴与河乱流，辄为狼汤渠，故《河水》篇以为自河出，《济水注》以为自济出，核其原委，志云首受汴者，是也。渠自汴出，后别为沙，故陈留浚仪下，睢水出渠水。志云首受狼荡水。陈留陈留下，鲁渠水出沙水，

志亦云首受狼汤渠也。

过郡四，

【补注】先谦曰：河南、陈留、汝南、淮阳。

行七百八十里。

【颜注】应劭曰：故虢国，今虢亭是也。师古曰：狼，音浪。汤，音宕。沛，音子礼反，本济水字。

【补注】宋祁曰：狼汤，邵本作狼浪。钱大昭曰：《王莽传》云，以陈留以西付析隧，析隧故荥阳。据此，疑脱莽曰析隧四字，隧与队同，莽置六队，河南亦在其中，是荥阳乃析隧大夫治。先谦曰：虢国，见弘农下。

【编者按】治河南荥阳市东北。

偃师，尸乡，殷汤所都。

【补注】先谦曰：《田儋传》，田横死此。《曹参传》，破赵贲军尸北。

莽曰师成。

【颜注】臣瓚曰：汤居亳，今济阴县是也。今亳有汤冢，己氏有伊尹冢，皆相近也。师古曰：瓚说非也。又如皇甫谧所云，汤都在谷孰，事并不经。刘向云，汤无葬处，安得汤冢乎？

【补注】先谦曰：后汉因，《续志》作匡师。《雒水注》，雒水自雒阳来，东会合水，迳计素渚，直偃师故县南，下入猴氏，又自猴氏来，北合阳渠水，又迳偃师城东，王莽之师氏也（与志作成异），下入巩。《一统志》，故城今偃师县治。

【编者按】治河南偃师市稍东。

京，

【颜注】师古曰：即郑共叔段所居也。

【补注】先谦曰：春秋郑地，见《左·隐传》。有索氏，见《昭传》。繻公时城之，见《郑世家》。后入韩，申不害，县人，见《不害传》。楚汉时战地，见《高纪》。《续志》，后汉因。《一统志》，故城今荥阳县东南二十一里。

【编者按】治今河南荥阳市东南。

平阴，

【颜注】应劭曰：在平城南，故曰平阴。

【补注】先谦曰：春秋郑地，战国入周。王子朝作乱，晋师军于此，见《左昭传》。有河津，见《高纪》及陈平、曹参《传》。《续志》，后汉因。《一统志》，故城今孟津县东。引旧《志》云，有古城在县西牛庄北崩于河，盖其处。

【编者按】治今河南孟津县北。

中牟，

【补注】先谦曰：春秋郑地，战国入韩。高帝封单父圣为侯国，见表。后汉因。《一统志》，故城今中牟县东六里。

【编者按】据《汉表》，高帝所封为单父车。先谦所据乃《史表》。

圃田泽在西，豫州藪。

【补注】先谦曰：《渠水注》，泽在中牟县西。西限长城，东极官渡，北佩渠水，东西四十许里，南北二十许里。中有沙冈，上下二十四浦，津流泾通，渊潭相接，各有名焉。《春秋》

传之原圃也。《纪年》梁惠成王十年，入河水于甫田。又为大沟而引甫水者也。斯乃水泽之所钟，为郑隰之渊藪矣。《尔雅》十藪，郑有圃田。《诗》，东有甫草。郑注，甫田之草，甫即圃字。

有莞叔邑，

【补注】王念孙曰：此当作有莞城，故莞叔邑。上文弘农郡陕，有焦城，故焦国，是其例也。志文若是者多矣，今本脱莞城故三字，则文义不明。《续志》中牟有管城，宣十二年《左传》，次于管。杜注，荥阳京县东北有管城。《正义》引《土地名》曰：古管国也。《渠水注》，不家沟水东北迳管城西，故管国也。周武王以封管叔矣。皆本《地理志》。先谦曰：见《管蔡世家》。春秋郑邑，楚子次焉，见《左传》。后入韩，魏安釐王攻拔之，见《韩非子》。《一统志》，故城今郑州治。赵献侯自耿徙此。

【颜注】师古曰：莞与管同。

【补注】徐松曰：经传所载中牟，皆赵之中牟，所谓河北之中牟也。至此志之县，则郑之中牟，所谓河南之中牟，而名未见于经传。

先谦曰：《渠水注》，昔赵献侯自耿都此。班固云，赵自邯郸徙焉。赵襄子时，佛肸以中牟叛，田英将襄棠赴鼎处也。薛瓌注《汉书》云，中牟，在春秋为郑地，三卿分晋，则在魏邦，赵自漳北，不及此也。《春秋》传，卫侯如晋，过中牟，非卫适晋之次也。《汲冢古文》云，齐伐赵东鄙，围中牟，此中牟不在赵东，当在漯水之上矣。案，春秋齐伐晋夷仪，晋车千乘

在中牟，卫侯过中牟，中牟人欲伐之，服虔不列中牟所在。杜预云，今荥阳有中牟，回（疑迴之误刻——编者按）运，疑为非也。然地理参差，土无常域，随其强弱，自相吞并，疆理流移，宁可一也。兵车所指，迢纡难知，自魏徙大梁，赵以中牟易魏，故赵之南界，极于浮水，匪直专漳也。赵自西取后止中牟，齐师伐其东鄙，于宜无嫌，而瓌径指漯水，空言中牟所在，非论证也。

全祖望云，有河南之中牟，有河北之中牟。张守节以邺西牟山为赵中牟者近之，管子所谓筑五鹿、中牟、邺者，三城相接也。然则非独荥阳有之矣。赵一清云，孔颖达《正义》，三家分晋，河南之中牟，魏分也。非赵得都之。献侯所治，非河南之中牟也。此言晋车在中牟，赵鞅伐魏围中牟。《论语》，佛肸为中牟宰，与献侯所都，必非河南中牟，当于河北别有一地耳。

《纪要》，中牟城在汤阴县西五十里，此即河北之中牟也。先谦案，道元引班云，自邯郸徙，盖文有误。《赵世家》，献侯即位，治中牟。此志文所本，但与赵地不相连属，班偶未审。全、赵二氏以为赵所治中牟，当在河北，诚为笃论，韩非《外储说》，晋平公问赵武云，中牟，三国之股肱，邯郸之肩髀，是矣。道元辗转解释，未免曲袒之失也。

【集释】王峻曰按《史记》注瓌曰：地理志河南中牟县在春秋时是郑之疆内，及三卿分晋则在魏之邦土，赵界自漳水以北，不及此。《索隐》曰：赵中牟在河北，非郑之中牟。今以地理

考之，河南之中牟断非赵地也。班氏谓献侯自耿徙此者，误也。此条乃《汉书》误，故颜氏不敢议，并略去瓚说。

【编者按】治河南今县东。

平，

【补注】先谦曰：高帝时，工师喜；武帝时，济北式王子遂侯国，见表。

【编者按】据《史表》，高帝所封为沛嘉。

莽曰治平。

【补注】先谦曰：《续志》，后汉因。《一统志》，故城在今孟县东。吴卓信云，《寰宇记》巩县西北有河津，曰小平津，即城之隅也。

【集释】陈直曰：治平当为治平传抄之误字，见《汉印文字征》第十一，又六三（1963）年《文物》第十一期“治平马丞印”。

【编者按】治今河南孟津县东。

阳武，

【补注】先谦曰：战国属齐。《秦策》，齐令田章以阳武舍于赵也。秦为县。县人张苍，见《苍传》。陈平别见陈留东昏。曹参攻之，见《参传》。有博狼沙。

【补注】先谦曰：《渠水注》，服虔曰，博浪，阳武南地名也，今有亭。《寰宇记》，在县东南五里。《始皇纪》作博浪。汪士铎云，在清水之东。

莽曰阳桓。

【颜注】师古曰：狼音琅。

【补注】先谦曰：《续志》，后汉因。

《一统志》，故城今阳武县东南二十八里。

【编者按】治今河南原阳县东南。

河南，故郑鄠地。周武王迁九鼎，周公致太平，营以为都，是为王城，至平王居之。

【颜注】师古曰：郑音夹。鄠音辱。

【补注】先谦曰：平王东迁，至景王十一世，皆居此。敬王迁雒阳，王城遂废。考王封弟揭于河南，复居于此。是为西周。桓公、王赧亦自雒阳徙居西周，见《周纪》。《说文》郑鄠，河南县。直城门官陌地也。《帝王世纪》，城西有郑鄠陌，有白里，即九里，见《韩策》、《韩非子》。后汉因。《一统志》，故城今洛阳县西北五里。

【编者按】治今河南洛阳市，故址犹存。

缑氏，

【补注】先谦曰：春秋周侯氏，见《左昭传》。《周策》作缑氏。曹参下之，见《参传》。武帝幸焉，见《武纪》。

刘聚，周大夫刘子邑。

【补注】先谦曰：《雒水注》，刘水出半石东山，西北流，迳刘聚，三面临渊，在缑氏西南，周畿内刘子国，故谓之刘洶。刘水又西北入合水。《一统志》，洶在偃师县南，聚在西南。有延寿城仙人祠。

【补注】先谦曰：《雒水注》，休水出少室山，伏流，东屈零星坞，重源又发侧缑氏原，《开山图》谓之缑氏山

也。休水又迳延寿城南缙氏县治。故滑费，春秋滑国所都，即缙氏城也。城有仙人祠，谓之仙人观。休水又西转北屈，迳其城西，又北入雒。

莽曰中亭。

【颜注】师古曰：缙，音工侯反。

【补注】先谦曰：后汉因。《一统志》，故城今偃师县南二十里，引旧《志》云故县村。

【编者按】治今河南偃师市东南。

卷，

【颜注】师古曰：音去权反。

【补注】先谦曰：春秋郑地。战国分属韩魏，韩献垣雍于秦，昭襄王取魏卷，并见《秦纪》。又《国策》，信陵君谓魏王有郑垣雍，是其证。后汉因。《一统志》，故城今原武县西北。吴卓信云，《通志》，北七里圈厢城。

【编者按】治今河南原阳县西。

原武，莽曰原桓。

【补注】先谦曰：《续志》，后汉因。《济水注》，北济自卷来，东迳原武县故城南，春秋之原国也。北济下入原武。《一统志》，故城今阳武县治。

【编者按】治今河南原阳县。

鞏，

【补注】先谦曰：战国属周，后分为韩地。《韩策》苏秦云，韩北有巩也。庄襄王时，以献秦，见《秦纪》。项羽拔成皋，高帝使兵距之巩，令其不得西，见《羽传》。后汉因。《一统志》，故城今巩县西南三十里。

东周所居。

【补注】先谦曰：《周纪》，西周桓公卒，子威公立，威公卒，子惠公立，惠公封少子班于巩，号东周惠公，而班之兄仍父爵，为西周武公。韩赵分周地为二之后，显王虽在成周，特建空名。盖东西周之名，前后之变。平王东迁后，丰镐为西周，河南为东周；考王封桓公后，河南为西周，雒阳为东周；惠公封班后，河南为西周，巩为东周也。

【编者按】治河南巩义市西南。

穀成，

【补注】先谦曰：后汉因。《续志》作谷城。有函谷关。《谷水注》，谷水自弘农新安来，东北过谷城县南，城西临谷水，故县取名焉。先谦案，本志弘农颍池下，谷水东北至谷成，入雒。《一统志》，故城今雒阳县西北。《禹贡》澠水出晉亭北，东南入雒。

【颜注】师古曰：即今新安。晉音潜。

【补注】先谦曰：《淮南子》作澠水，俗加水旁耳。《续志》刘注引《博物记》云，出潜亭山，亦后人所加。《澠水》篇，澠水出谷城县北山。注云，县北有晉亭，澠水出其北梓泽中，其水历泽东南流，水西有一原，其上平敞，古晉亭之处也。东南注澠，下入雒阳。

【编者按】治今河南洛阳市西北。

故市，

【补注】钱坫曰：余得汉时故市马丞印。功臣表作敬市者，非。先谦曰，高帝封阎泽赤为侯国，见《史表》。本表误敬市。《续志》，后汉省。《一统志》，故城今郑州西北三十五里。

【编者按】治今河南郑州市西北。

密，故国。

【补注】先谦曰：《晋志》，密，周畿内国。《周语》有密康公，王灭之，后属郑，为新密，亦曰新城。战国属韩，秦昭襄王拔之，复入韩，秦攻之，又与韩王会此，并见《秦纪》。汉初有三老董公，说高帝，见《高纪》。先谦案，下新成，是惠帝置。战国后所称新城，当指新密而言。地说家以属下新成，误。后汉因。《一统志》，故城今密县东南三十里。

有大隗山，潁水所出，南至临潁入潁。

【颜注】应劭曰：密人不恭，密须氏媾姓之国也。臣瓚曰：密，姬姓之国也。见《世本》。密须，今安定阴密是也。师古曰：应瓚二说皆非也。此密即《春秋》僖六年围新密者也。盖郑地。而《诗》所云密人，即《左传》所谓密须之鼓者也，在安定阴密。隗音隗。潁音翼，又音昌力反。

【补注】宋祁曰：音隗，当作音块。王先慎曰：宋说非也。《西山经》隗山，郭注，一音隗器之隗，与颜注合。隗，一作隗。《庄子·徐无鬼》篇，将见大隗于具茨山之下。大隗即大隗，此隗读为隗之证。隗本嵬之或体。《御览·地部七》引《阳城记》，作大嵬山。古人音读，取诸通假之字，何必

改作。

钱坫曰：《说文》潁水出密县大隗山，入潁。又有潁水出密县东，入潁。古今地书，密县止有潁水，无潁水，复出者误也。先谦曰：临潁，潁川县。《潁水》篇，潁水出密县大隗山。注云，即具茨山也。潁水出其阿，流而为陂，俗谓之玉女池。东迳陁山北，《史记》魏败楚陁山者也。下入潁川长社。《一统志》，大隗山在禹州北四十里。《河南通志》，潁水名鲁姑河，又名清流河。

【编者按】治今河南新密市东南。

新成，

【补注】先谦曰：《秦纪》、《白起传》并云攻韩新城。《括地志》以为即汉县。

惠帝四年置。蛮中，故戎蛮子国。

【补注】先谦曰：后汉因。《续志》作新城。有高都城，有广成聚，有鄆聚，古鄆氏，今名蛮中（《左传》，楚杀鄆子）。《一统志》。故城今洛阳县南。

【编者按】治今河南伊川县西南。

开封，

【补注】先谦曰：战国魏地，韩彘载救魏，走此，见《韩世家》。曹参围赵贲于此，周勃攻之，见参、勃《传》。高帝封陶舍为侯国，见表。《续志》，后汉因。《一统志》，故城今祥符县南五十里。

逢池在东北，或曰宋之逢泽也。

【颜注】臣瓚曰：《汲郡古文》，梁惠王发逢忌之藪以赐民。今浚仪有逢陂忌泽是也。

【补注】王先慎曰：《左哀十四年传》疏引注，发作废；逢陂忌泽作逢忌陂。《御览》百五十八引注亦作废，与《左传》疏合，明发是误字。先谦曰：逢泽盖先属宋，战国入魏。《秦策》云，魏伐邯郸，因退为逢泽之遇也。《秦纪》亦云，率师会诸侯逢泽；汉世改称逢池，班氏或之以存疑也。《晋志》，宋逢泽池在东北，或曰逢泽字既讹误，又倒宋于逢池上，似非其义。《一统志》，逢泽，今祥符县南。旧《志》，二十里伯俞河，亦名东沟河，即此。

【集释】陈直曰：《金石索·金索》三、一百九十五，有启封镫，启封盖因避文（景之误——编者按）帝讳改作开封，原名为文献所未详。近出秦云梦简，正作启封。

【编者按】治河南今县西南。

成皋，故虎牢。或曰制。

【颜注】师古曰：《穆天子传》云，七萃之士，生捕兽，即献天子，天子畜之东虢，号曰兽牢。

【补注】先谦曰：颜注虎作兽，避唐讳。春秋郑地。《左哀二年传》，孟献子请城虎牢以逼郑。十年，晋师城梧及制，是虎牢即制矣。班以前无明文，故或之。《左隐传》杜注，又以制为荥阳。晋智伯得成皋，分属韩，遂以取郑，见《韩策》。秦庄襄王时，韩献之，后复入韩，桓惠王时，秦拔之，见《秦纪》、《韩世家》。楚拔荥阳，高

帝保此，见《高纪》、《羽传》。后汉因。《禹贡》山水泽地篇，大邳地在成皋县北，志不载。《一统志》，故城今汜水县西北。

【集释】谭其骧曰：虎牢战国始称成皋，韩邑；秦以为关，汉为县。制是东虢故地。班固知东虢在荥阳，不敢肯定就是虎牢，故称“或曰”。其实也是错的。据《左传》，襄公十年，晋“命诸侯之师城虎牢而戍之，晋师城梧及制”，虎牢与制非一地甚明（见《〈汉书·地理志〉选释》，收于《长水集》。下引谭说若不另加说明，皆出此）。

【编者按】治今河南荥阳市西北。

苑陵，莽曰左亭。

【补注】先谦曰：《樊哙传》作宛陵。盖秦邑，后汉因。《一统志》，故城今新郑县东北。案，苑陵城，新郑、洧川、尉氏三县，并有以地望度之。新郑东北即洧川西北，汉县在北，唐武德四年始移尉氏。

【集释】陈直曰：《续汉书·郡国志》作苑陵，《隶释》卷六，议郎元宾碑云，“考工苑陵”，即苑陵隶书之异体。

【编者按】治今河南新郑市东北。

梁，

【补注】先谦曰：春秋周邑，楚袭得之，以与鲁阳文子，见《楚语》。后为南梁、韩、赵击魏战此，见《田齐世家》。后汉因。《续志》，故国，伯翳后。先谦案，曰南梁者，以别于浚仪之大梁，夏阳之少梁。《续志》云故

国，为应说所误（见下）。《一统志》，故城今汝州西四十里。

患狐聚，秦灭西周徙其君于此。

【补注】先谦曰：事见《周纪》。《汝水注》，三里水出梁县西北，东南流，迳县故城西，故患狐聚也。《地理志》云，秦灭西周徙其君于此，因乃县之，河南县西南有梁城，即是县也。案，据道元说，是以患狐聚为即县城。《一统志》，患狐聚，今汝州西北四十里。

阳人聚，秦灭东周徙其君于此。

【颜注】应劭曰：《左传》曰，秦取梁，梁伯翳之后，与秦同祖。臣瓚曰：秦取梁，后改为夏阳，今冯翊夏阳是也。此梁，周之小邑，见于春秋。师古曰：瓚说是也。患，音乃旦反。

【补注】先谦曰：《官本考证》云，监本梁下脱班志本文患狐聚以下二十四字，又脱应劭注十八字，今从宋本添。先谦案，事见《秦纪》。《一统

志》，阳人聚，今汝州西阳人城。

【编者按】治今河南临汝县西。

新郑。

【补注】王先慎曰：《帝王世纪》，黄帝都于有熊，今新郑是也。

《诗》郑国，郑桓公之子武公所国，后为韩所灭，韩自平阳徙都之。

【颜注】应劭曰：《国语》曰，郑桓公为周司徒，王室将乱，寄帑与贿于虢会之间。幽王败，威公死之，其子武公与平王东迁雒邑，遂伐虢会，而并其地，而邑于此。

【补注】先谦曰：郑取虢桡事，详《郑语》及《世家》。韩哀侯二年，灭郑，徙都，见郑、韩《世家》。后汉因。《续志》，《诗》郑国祝融墟。《一统志》，故城今新郑县北。

【编者按】治河南新郑市。

东郡

东郡，

【补注】先谦曰：《索隐》，魏都大梁，濮阳、黎阳并是魏之东地，故立郡，名东郡。案，《魏世家》云，秦拔我二十城，以为秦东郡。秦在西，故此称东，时尚未灭魏，不得以魏都立名，《索隐》非也。阎若璩云，郡治濮阳，以王尊及翟方进《传》知之，秦时已然。先谦案，据《瓠子河注》，郡

治濮阳。《续志》，后汉治同。

秦置。

【补注】先谦曰：《始皇纪》在五年。全祖望云，楚汉之际属楚国，高帝五年属汉，十一年属梁国（见《高纪》）。文帝元年复故。先谦案，《高纪》，罢东郡，颇益梁，非全属，亦非文帝复故也。

【编者按】全说是，先谦案非，参

见《西汉政区地理》上篇第五章。

莽曰治亭。属兖州。

【补注】先谦曰：《续志》，后汉因，属同。

户四十万一千二百九十七，口百六十五万九千二十八。

县二十二：

【补注】钱大昭曰：《信陵君传》，秦使蒙骜攻魏，拔二十城，初置东郡。《始皇纪》同。是秦时领县二十。先谦曰：郡人赵玄，见《儒林传》。

【编者按】应为县二十三，下文畔、观为二县。

濮阳，

【补注】先谦曰：《田齐世家》谓之阳地。高帝与项羽破秦军于此，见《羽传》。县人汲黯，见本传。

卫成公自楚丘徙此。故帝丘，颍顓墟。

【补注】先谦曰：《左》僖三十一年，狄围卫，卫迁于帝丘。昭十七年《传》，梓慎曰，卫，颍顓之墟也，故为帝丘。《瓠子水注》，昔颍顓自穷桑徙此，号曰商丘，或谓之帝丘。本陶唐氏火正阍伯之所居，亦夏伯昆吾之都，殷相土又都之，故《春秋》传曰：阍伯居商丘，相土因之，是也。

莽曰治亭。

【颜注】应劭曰：濮水南入钜野。师古曰：墟，读曰虚。

【补注】徐松曰：东郡下，莽曰治亭，不应县与同名，疑误。先谦曰：郡县同名者多，何疑于莽，徐说非。后汉因。《续志》，古昆吾国，春秋时

曰濮，有咸城，或曰古咸国。

《济水注》，濮水自陈留长罗来，分为二渚，北濮出焉（案，即《瓠子水注》之濮水枝津）。濮水又北迳襄丘亭南，又东迳濮阳县故城南，下入离狐。又注引《地理志》曰，濮水自濮阳南入巨野。赵一清云，此非班氏原文，郦说误。先谦案，封丘下濮渠，至都关入羊里水者，乃北濮水，其至乘氏入巨野之濮水，志所不载。班氏不应遗漏，明濮水南入巨野六字，是班氏原文，郦所见本尚无（疑“有”之笔误——编者按）。应劭曰，三（疑“六”之误刻——编者按）字后来传写误衍，非郦误也。《一统志》，故城今开州西南。

【编者按】治河南今县西南。

[畔] 观，

【补注】陈景云曰：畔字衍，《恩泽侯表》、《沟洫志》、《翟方进传》可证。先谦曰：《续志》卫下称本观，不云本畔观，亦其证。战国魏地。惠王时，齐败我观，见《魏世家》。旋以观献齐，见《田齐世家》。后人赵，封乐毅观津，见《毅传》。秦取之，见《穰侯传》。武帝时河决观，见《平准书》。

【集释】段玉裁曰：《地理志》畔、观本二县名，自宋刻已联缀不分。近人著述如顾祖禹、阎百诗、惠定宇、高淡人、全谢山皆为一县，莫之是正也。久寻其所由，盖东郡下本二十三县，因畔观不分，遂改为二十二县，以数计之，今本适合，不复疑故也。又曰：诸书多言观，绝无言畔观者，畔县不见后志，盖有省并。《地形志》

平原郡聊城下云，有畔城，亦古畔不连观之证也。（见《经韵楼集》卷五之《地理志观县考》）

陈直曰：《居延汉简释文》卷三有“戍卒东郡畔安成里薪龟”之记载。又《再续封泥考略》卷二有“观丞之印”封泥，《地理志》亦无观县，疑其初畔与观各为一县，后合并改称畔观。

【编者按】1953年，日本学者日比野丈夫著《汉简所见地名考》（载《东洋史研究》十二卷三号）已称赞段氏分畔、观为二县之卓见，又以居延汉简中之两简（一简已见上文陈直所举，另简为：“戍卒东郡畔东成里公乘[]”13. 6）为其佐证。事实上还有一条重要的证据为段、陈及日比野诸氏所忽略。赵明诚《金石录》卷十二载周阳家钟铭，其铭文云：“畔邑家，今周阳家金钟……”是畔与观为二县之说，确定无移也。陈直亦发现畔、观应为二县，但又疑其后并为一县，似无据。至陈景云、王先谦以畔为衍字，乃浅人之见。中华本据陈、王之说而删畔字，殊为失当。

又，先谦以为赵封乐毅之观津即观，大谬。观津于秦在巨鹿郡，于汉为信都国属县（今河北武邑县东），与东郡观县两不相涉。“先谦曰”中此类错误不在少数。

莽曰观治。

【颜注】应劭曰：夏有观扈，世祖更名卫国，以封周后。师古曰：观音工唤反。

【补注】先谦曰：后汉更名卫。《续志》，卫公国，本观故国。姚姓。《一

统志》，故城今观城县西。

【编者按】畔县确治无考，当在今山东聊城市附近。观县所治在今河南清丰县南。

聊城，

【补注】先谦曰：战国齐地，入燕，复入齐，见《鲁仲连传》。高帝时工师喜先封聊城侯，见表。后汉因。《一统志》，故城今聊城市西北十五里。

【编者按】治今山东聊城市西北。

顿丘，莽曰顺丘。

【颜注】师古曰：以丘名县也。丘一成为顿丘，谓一成而成也。或曰，成，重也。一重之丘也。

【补注】王鸣盛曰：一成而成，南监本作一顿而成，是。先谦曰：官本，一成作一顿。舜叛顿丘，见《书·大传》。国属卫，见《诗》。后属晋，定公城之，见《纪年》。战国属魏，见《国策》。东有观津，齐败赵于此，见《赵世家》。武帝时河徙，从此东南入海，见《武纪》。县人京房，见本传。《续志》，后汉因。《一统志》，故城今清丰县西南二十五里。

【编者按】治今河南清丰县西。

发干，莽曰戡楯。

【补注】先谦曰：《续志》，后汉因。《一统志》，故城今堂邑县西南二十三里。

【编者按】治今山东冠县东。

范，

【补注】王念孙曰：景祐本作范，此古字之仅存者。汉庐江太守范式碑，碑额篆文亦作范，今则范县范姓，字皆从艸，无从竹者矣。

莽曰建睦。

【补注】先谦曰：春秋晋地，士会采邑，见《左传》。战国入齐，孟子自范。后汉因。《一统志》，故城今范县东南二十里。吴卓信云，城墟如故，一塔孤存。

【编者按】治今山东梁山县西北。

茌平，莽曰功崇。

【颜注】应劭曰：在茌山之平地者也。师古曰：音仕疑反。

【补注】宋祁曰：茌当作茌。周寿昌曰：泰山有茌县，此当茌山平处也。宋云茌当作茌，茌下亦有此语。《续志》茌皆作茌。《莽传》，封其孙宗为功崇公，即此。

先谦曰：《说文》茌下云，济北有茌平县，从艸在声。作茌非，宋说误。《王子侯表》有荣关侯蹇，注云茌平，盖尝析为荣关县。县人尹齐，见《酷吏传》。《续志》，后汉改属济北国。《河水注》，邓里渠自临邑来，北迳茌平县东，下仍入临邑。河水自东阿来，东北迳昌乡亭北，又迳碭碭城西，即故茌平县也。大河在其西，邓里渠历其东。河水下入聊城，又自平原杨虚来，迳茌平城东，疑县徙也。城内有故台，世谓之时平城，非也，盖茌时音相近。河水下入平原高唐。《一统志》，故城今茌平县西二十里。

【集释】陈直曰：《续汉书·郡国志》作茌平。《隶释》卷六，谒者景君

碑阴，有“济北茌平”。杨叔恭残碑亦作茌平，与志文正合，宋祁谓茌当作茌，非也。

【编者按】治山东今县西南。

东武阳，

【补注】钱大昭曰：泰山有南武阳，故此云东。

禹治漯水，东北至千乘入海，过郡三，行千二十里。

【补注】宋祁曰：漯当作湿。钱坫曰：《说文》作湿。古燥渥字作溼，漯水字作湿，不同。今借溼作湿，而别漯以为水名，非也。水自汉后，其流已绝，今朝城县南有大阪，曰漯河陂，当是旧址。先谦曰：《官本考证》云，禹治当作禹贡，各本俱误。案，千乘，千乘县。郡三，当作郡四：东郡、平原、济南、千乘。

《河水注》，又有漯水出焉，戴延之谓之武水也。河水东迳武阳县东（范县西），而东北流，下仍入范。又云，《地理志》曰，漯水出东武阳。今漯水上承河水于武阳县东南，西北迳武阳新城东（曹操为东郡所治），又自城西北，迳东武阳县故城南。应劭云，县在武水之阳，然则漯水亦或武水矣。莽曰武昌。

【颜注】应劭曰：武水之阳也。师古曰：漯音它合反。

【补注】先谦曰：《续志》，后汉因。《一统志》，故城今朝城县西四十里。

【编者按】治今山东莘县南。

博平，

【补注】先谦曰：战国齐博陵，见《田齐世家》。地近赵，赵济清河，则至博关，见苏秦、张仪《传》。

莽曰加睦。

【补注】先谦曰：《续志》，后汉因。《一统志》，故城今博平县西北三十里。

【编者按】治今山东茌平县西北。

黎，

【补注】先谦曰：春秋卫邑。亦作犁。太叔疾，置妻娣于此，见《左传》。文帝封召奴为侯国，见表。《史表》作犁，本表作黎。犁黎通用。

莽曰黎治。

【颜注】孟康曰：《诗》，黎侯国。今黎阳也。臣瓚曰：黎阳在魏郡，非黎县也。师古曰；瓚说是。

【补注】全祖望曰：黎在上党之壶关，不在此。其得名，盖以此为黎侯所寓耳。先谦曰：全说是。《续志》，后汉省。《一统志》，故城今郛城县西四十五里。

【编者按】治今山东郛城县西。

清，

【补注】先谦曰：春秋齐地，国胜待命于此，见《左传》。高帝封室中同为侯国，见表。

莽曰清治。

【颜注】应劭曰：章帝更名乐平。

【补注】先谦曰：后汉改乐平。《续志》，乐平故清。《外戚表》乐平侯霍山，注云东郡，则乐平不自后汉始有，或是清之乡聚，章帝因以名其县耳。《一统志》，故城今堂邑县东南三十里。

【编者按】治今山东聊城市西。

东阿，都尉治。

【颜注】应劭曰：卫邑也。有西，故称东。

【补注】先谦曰：春秋齐柯邑。鲁齐盟此，见《左庄传》。战国为阿，见《田齐世家》。非卫邑，应说误。《河水注》仍之，未审。《项羽传》，大破秦军东阿，则秦时已加东（西阿属赵，即葛城。《史记》赵与燕会阿，是也。今直隶安州）。《周勃传》，阿下，盖仍旧称。后汉因。《一统志》，故城今阳谷县东北五十里，世俗谓之阿城镇。

【编者按】治今山东阳谷县东北。

离狐，莽曰瑞狐。

【补注】先谦曰：《续志》，后汉改属济阴。《后魏志》作离狐，字误。《一统志》，故城今东明县东南。

【编者按】治今河南濮阳县东南。

临邑，有（涑）[沛]庙。莽曰谷城亭。

【颜注】师古曰：（涑）[沛]亦济水字也。其后并同。

【补注】先谦曰：沛庙，宣帝置，见《郊祀志》。官本，涑并作沛是。后汉因。《续志》，有沛庙，沛亦沛之讹。又《续志》谷城下云，春秋时小谷有榭下聚。刘注，有项羽冢。先谦案，据莽名亭之义，是后汉分临邑置谷城也。《一统志》，故城今东阿县北。吴卓信云，近茌平县界，今济南临邑县北三十五里临邑故城，乃刘宋侨置。

【中华校】按景祐、殿、局本都作“沛”。

【编者按】治今山东东阿县。

利苗，

【补注】先谦曰：《王莽传》有利苗男苗诩。如淳注，邑属东郡。《续志》，后汉省。李兆洛云，当在今泰安府境。

【编者按】治所确地无考。

须昌，

【补注】先谦曰：高帝封赵衍为侯国，见表。

故须句国，大昊后，风姓。

【颜注】师古曰：句，音劬。

【补注】先谦曰：后汉改属东平。《济水注》，济水自寿良来，北分二水，一为马颊水，一北过须昌县西。京相璠云，须胸，一国二城两名，盖迁都须昌，胸是其本，秦以为县。先谦案，志以此为故须句国，下寿良又有胸城，故志两释之。《一统志》，故城今东平州西北十五里。

【编者按】治今山东东平县西。

寿良，

【补注】吴卓信曰：《王莽传》，兖州牧寿良卒正王闾。是莽曾分寿良为郡。先谦曰：《汶水注》，春秋之良县也。县有寿聚。《梁孝王世家》，北猎良山，县得名盖以此。《周勃传》，攻寿张为作寿良，此后人所改。

蚩尤祠在西北（涑）〔沛〕上。

【补注】先谦曰：宣帝置，见《郊祀志》。涑当为沛。《济水注》，《皇览》

云，蚩尤冢在寿张县阌乡城中，冢高七尺。案，今在汶上县西南三十里南旺湖中。

有胸城。

【颜注】应劭曰：世祖（父叔）〔叔父〕名良，故曰寿张。

【补注】王鸣盛曰：注父叔，南监本作叔父，是。故当作改，南监本亦误。世祖九岁而孤，养于叔父良，故讳之。先谦曰：官本作叔父，后汉改属东平国。《续志》作寿张。《一统志》，故城今东平州西南。

【编者按】治今山东东平县西南。

乐昌，

【补注】先谦曰：高后封张寿，宣帝封王武为侯国，见表。功臣从平侯公孙戎奴《表》注，乐昌，盖尝析置从平县。《续志》，后汉省。《一统志》，故城今南乐县西北。

【编者按】宣帝所封王武之乐昌侯国在汝南而不在此，说见汝南郡。

治今河南南乐县西北。

阳平，〔侯国〕

【补注】先谦曰：昭帝封蔡义，元帝封王禁为侯国，见表。后汉因。《一统志》故城今莘县治。

【编者按】钱大昕以为志失注侯国。本志所载侯国名据钱大昕氏考证，乃以成帝元延末年为断。王禁所封侯国至更始元年方绝，志失注。本志后序虽称侯国总数为二百四十一，但正文所列仅一百九十四，失注颇多，而且所注一百九十四侯国中尚有不少为衍注。钱氏对此已有所补正（见《廿二

史考异》卷九)，然犹有阙误，现重新予以订正整理，共得侯国二百二十六个，可参见《西汉政区地理》附篇第一章所载。

治今山东莘县。

白马，

【补注】先谦曰：高帝与杨熊战此，见《高纪》。后汉因。《一统志》，故城今滑县东二十里。

【编者按】治今河南滑县东。

（南）燕，

【补注】王念孙曰：南字涉下南字而衍。国有南北燕，而县无南北燕。可言南燕国，不可言南燕县也。燕县于战国时为魏地，秦置燕县，而汉因之。《魏策》，苏秦说魏王曰，大王之地，北有河外燕。又《秦策》，王举甲而攻魏拔燕。高注，燕，南燕也。《史记·高祖纪》，复击破楚军燕郭西。《索隐》，故南燕国也，在东郡，秦以为县。《曹丞相世家》，程处反于燕。《集解》徐广云，东郡燕县。《灌婴传》，击破柘公王武军于燕西（《汉书》并同）。《后书·樊傰传》云，徙封燕侯。《续书·郡国志》东郡，本南燕国。《河水注》，河水又东迳燕县故城北。《济水注》，濮渠又东北迳燕城南，故南燕姁姓之国也，有北燕，故以南氏国（今本国作县，乃后人依误本《汉书》改之，与上文不合）。皆其证

也。

《通典·州郡十》云，汉南燕县，古南燕国。《元和志》云，古之燕国，汉为南燕县。则杜、李所见《汉志》皆衍南字。隐五年《左传》，南燕国，今东郡燕县。《正义》引此志云，东郡燕县，南燕国。则唐初本尚不误（师古注《高纪》曰：燕，县名，古南燕国，则所见本亦不误），今据以订正。南燕国，姁姓，黄帝后。

【颜注】师古曰：姁，音其乙反。

【补注】钱大昭曰：罗泌云，南燕伯爵，伯儵国。后稷妃，南燕姁氏也。先谦曰：战国魏地，秦蒙骜攻拔之，见《始皇纪》。后汉因。《续志》燕，本南燕国。《一统志》，故城今延津县东三十五里。吴卓信云，即庞固社，俗名城上。

【编者按】治今河南延津县东北。

廩丘。

【补注】周寿昌曰：《管蔡世家》，封叔武于成。《索隐》，《地理志》廩丘县南有成故城。今志无，此注疑脱。先谦曰：春秋齐地，见《左襄传》。鲁会晋伐取之，见《哀传》。战国仍属齐，田会以之叛赵，见《纪年》、《六国表》。赵敬侯救魏，败齐于此，见《赵世家》。后汉改属济阴。《一统志》，故城今范县东南七十里。

【编者按】治今山东鄄城县西北。

陈留郡

陈留郡，

【补注】先谦曰：全祖望云，故属秦碭郡。楚汉之际属楚国。先谦案，《通典》云，故属秦三川郡。据《元和志》，郡治长垣。又云，治陈留。盖后汉治也。

【编者按】全说是，《通典》误。文帝二年以碭郡置梁国，景帝中元六年分梁国为五，其一为济川国。济川国即陈留郡之前身，故云陈留故属碭郡。武帝元狩元年置。

【补注】先谦曰：钱大昕云，《诸侯王表》，梁分为五，其一济川国，志无济川郡，亦不言济川国所在。《济水注》引应劭云，济川，今陈留济阳县。乃知陈留郡即济川。志称陈留郡武帝元狩元年置，不言故属梁国者，史之阙也。济川国除，在武帝建元三年，其时当为济川郡。至元狩初，移治陈留，乃改为陈留郡耳。先谦案，景帝以前，梁国地无改易。高帝五年以王彭越，济川自在域内，越诛之后，梁当为郡。景帝中六年，王梁孝王诸子，始分为济川国。武帝建元三年，国除为济川郡，见《梁孝王传》。元狩元年，改名陈留，钱说是也。

全祖望云，胡三省失考，谓济川在陈留东郡之间，不知济川即陈留也。元帝永光三年，复为济阳国，建昭五年复故。至高后以济南为吕国，又改吕国曰济川，不久即废，非梁之济川也。先谦案，《纪要》谓陈留郡本梁地，吕后七年，分立济川国，误。吴

卓信云，《王莽传》，以益岁以南付新平，雍丘以东付陈定，封丘以东付治亭，陈留以西付祈隧，则莽时陈留已无复有郡矣。

属兖州。

【补注】先谦曰：《续志》，后汉因。属同。

户二十九万六千二百八十四，口一百五十万九千五十。

县十七：

【补注】先谦曰：郡人假仓、许晏，见《儒林传》。

陈留，

【补注】先谦曰：秦始皇二十六年置县，见《寰宇记》。高帝与项羽攻之，见《羽传》。后汉因。《一统志》，故城今陈留县治。

鲁渠水首受狼汤渠，东至阳夏，入涡渠。

【颜注】孟康曰：留，郑邑也，后为陈所并，故曰陈留。臣瓚曰：宋亦有留，彭城留，是也。留属陈，故称陈留也。师古曰：瓚说是也。涡音戈。

【补注】先谦曰：《郑世家》，郑桓公以周衰，徙都于留。《公羊传》，古者郑处于留，后郑伯取郕，迁郑而野留，盖此后留为陈有，故受陈留之名。经籍所载，更无他留，孟说固未误也。阳夏，淮阳县。涡，《说文》作过，《水经》作洧。《渠水注》，沙水自开封来，东南迳牛首乡东南，鲁渠水出焉，

亦谓之宋沟也。沙水又迳陈留县故城南，又迳牛首亭东，八里沟水出焉。又迳陈留县裘氏乡，裘氏亭西，又合八里沟水，下入淮阳扶沟，鲁渠水下入淮阳圉。

【编者按】治今河南开封县东南。

小黄，

【补注】王鸣盛曰：黄下南监本空一格，是。此误连成安。先谦曰：官本不误。小黄，战国魏地。《春申君传》所谓王取首垣，以临平丘，小黄也。《续志》，后汉因。《一统志》，故城今陈留县东北。

【编者按】治今河南开封县东北。

成安，

【补注】先谦曰：颖川亦有成安县。先属梁。县人韩安国，见本传。《续志》，后汉省。《一统志》，故城今考城县地。

【编者按】治今河南兰考县东。

宁陵，

【补注】先谦曰：《魏豹传》，兄魏咎，故魏时封为宁陵君，是宁陵故魏邑。《索隐》云，宁甯字转异耳。高帝封吕臣为侯国，见表。

莽曰康善。

【颜注】孟康曰：故葛伯国，今葛乡是。

【补注】吴卓信曰：《路史》有二葛。在陈留者姬姓，黄帝后。在河内修武者，嬴姓。《左传》，齐昭公母葛嬴之国。先谦曰：《续志》，后汉改属

梁国。《一统志》，故城今宁陵县南。《县志》，南关外，俗呼宁王城。

【编者按】治河南今县南。

雍丘，故杞国也，周武王封禹后东楼公。先春秋时徙鲁东北，二十一世简公为楚所灭。

【补注】阎若璩曰：杞初封即在此。至先春秋时，所徙未知何所。惟隐四年，莒人伐杞，取牟娄。桓二年，杞侯来朝，七月伐杞，入之。其与今莒州及曲阜相邻可知。桓六年，杞子并淳于而迁都。僖十四年，迁缘陵。哀公时又迁淳于。淳于，汉县，属北海，今安丘县东北三十里。缘陵，汉北海营陵县，今昌乐县东五十里营丘城。案，安丘正在鲁东北，杞先春秋而徙，故入春秋邑，辄为莒得也。

钱坫曰：《杞世家》，自东楼公至简公，十九世，惟共公子德公。徐广云，《世本》作惠公。《春秋》传又有成公，是惠公之子，《世家》无之，亦但二十世也，与此不合。

先谦曰：雍丘，春秋郑地，宋败郑师于此，见《左哀传》。战国韩伐取之，见《六国表》，《郑韩世家》。又入魏，亦作雍丘，齐韩取以与宋，见《燕策》。复属魏，始皇攻定之，见《始皇纪》。高帝与项羽，破斩秦李由于此，见《高纪》、《羽传》。《续志》，后汉因。《一统志》，故城今杞县治。

【编者按】治今河南杞县。

酸枣，

【补注】先谦曰：秦县，以地多酸

枣，故名，见《通典》、《元和志》。春秋郑地，驺带与游吉盟此，见《左传》。战国魏文侯伐而城之，见《魏世家》。韩哀侯灭郑，地入韩，为都，见《韩世家》。旋入魏，故《国策》苏秦云，魏有酸枣。襄王时，河水决其郛，见《纪年》，始皇攻定之，见《始皇纪》。《续志》，后汉因。《一统志》，故城今延津县北十五里。

【编者按】治今河南原阳县东北。

东昏，莽曰东明。

【补注】先谦曰：本春秋户牖，《左传》吴囚子服景伯及户牖也。后为郑邑。战国以致魏惠成王，见《纪年》。入秦为户牖乡，属阳武，见《陈平传》。汉置县。《续志》，后汉因。《一统志》，故城今兰阳县东北二十里。

【编者按】治今河南兰考县北。

襄邑，有服官。

【补注】钱大昭曰：司马彪《舆服志》，衣裳玉佩备章采，乘舆刺史、公侯、九卿以下皆织成，陈留襄邑献之云。先谦曰：《淮水注》，县南有涣水。《传》曰：睢、涣之间出文章，天子郊庙御服出焉。先谦案，楚取睢、涉之间，盖涣水一名涉水。

莽曰襄平。

【颜注】应劭曰：《春秋》传曰：师于襄牛，是也。师古曰：圈称云，襄邑宋地，本承匡襄陵乡也。宋襄公所葬，故曰襄陵。秦始皇以承匡卑湿，故徙县于襄陵，谓之襄邑，县西三十里，有承匡城，然则应说以为襄牛，误也。

【补注】先谦曰：后汉因。《一统志》，故城今睢州西一里。

【编者按】治今河南睢县。

外黄，都尉治。

【颜注】张晏曰：魏郡有内黄，故加外。臣瓚曰：县有黄沟，故氏之也。师古曰：《左氏传》云，惠公败宋师于黄。杜预以为外黄县东有黄城，即此地也。

【补注】先谦曰：春秋，宋黄邑。战国属魏，故《国策》苏代曰，决白马之口，魏无黄、济阳。亦称外黄，见《魏世家》。太子申过外黄，张耳为魏外黄令，见《耳传》。亦见项羽、彭越、樊噲《传》。后汉因。《一统志》，故城今杞县东六十里。

【编者按】治今河南兰考县东南。

封丘，

【补注】先谦曰：后汉因。《一统志》，故城今封丘县治。

濮渠水首受（涑）[涉]，东北至都关，入羊里水，

【补注】王鸣盛曰：涑，南监本作涉，是。先谦曰：都关，山阳县。羊里水，瓠子河之别称。《济水注》，濮水上承济水于封丘县，即《地理志》所谓濮渠水首受济者也。阚骃云，首受别济，即北济也。濮渠故渚自济东北流，左迤为高粱陂，方三里，下入酸枣。

过郡三，

【补注】先谦曰：过陈留、东郡、济阴、山阳，三当为四。

行六百三十里。

【颜注】孟康曰：《春秋》传，败狄于长丘，今翟沟是。

【编者按】治河南今县东北。

长罗，侯国。

【补注】先谦曰：常惠国，宣帝封。莽曰惠泽。

【补注】先谦曰：《续志》，后汉省。《济水注》，濮渠自长垣来。圈称言县有罗亭，故长罗县也。后汉省，并长垣。有长罗泽，即吴季英牧猪处也。又有长罗冈，蓬伯玉冈，濮渠下入东郡濮阳。《一统志》，故城今长垣县北。

【编者按】治今河南长垣县北。

尉氏，

【颜注】应劭曰：古狱官曰尉氏，郑之别狱也。臣瓚曰：郑大夫尉氏之邑，故遂以为邑。师古曰：郑大夫尉氏，亦以掌狱之官，故为族耳，应说是也。

【补注】全祖望曰：郑之尉氏，以其官氏而食邑于此，因以名狱，非狱在此也。先谦曰：县见《成纪》。《续志》，后汉因。《一统志》，故城今尉氏县治。

【编者按】治河南今县。

僂，莽曰顺通。

【颜注】应劭曰：郑伯克段于鄆，是也。师古曰：鄆音偃。

【补注】洪亮吉曰：颍川有僂陵县。《郡国志》，春秋时曰僂。注，郑共叔所保，故曰克段于鄆，混两县为一误。

当以应说为是。先谦曰：鄆故国，邳姓。郑武公灭之，见《周语》韦注。互见僂陵下。楚襄王、秦昭王会此，见《秦纪》、《楚世家》。后汉改属梁国，《续志》作隅。《一统志》，故城今柘城县北二十九里。

【编者按】治今河南柘城县北。

长垣，莽曰长固。

【颜注】孟康曰：春秋会于匡，今匡城是。

【补注】先谦曰：春秋郑首垣邑。魏惠成王时，致之魏，见《纪年》。赵肃侯攻之，见《赵世家》。亦称垣。《国策》，黄歇说秦王曰，并蒲衍垣也。后汉因。《一统志》，故城今长垣县东四十里。

【编者按】治河南今县东北。

平丘，

【补注】先谦曰：春秋卫邑，战国郑地，魏惠成王时致之魏，见《纪年》。《史记》，春申君说秦王以临仁，平丘也。后汉因。《一统志》，故城在今长垣县西南五十里。

【编者按】治今河南长垣县西南。

济阳，莽曰济前。

【补注】先谦曰：春秋郑地，战国属魏。《国策》苏代云，决白马之口，魏无黄、济阳也。汉初靳歙攻之，盖秦邑。《续志》，后汉因。《一统志》，故城今兰仪县北五十里。

【编者按】治今河南兰考县东北。

浚仪。故大梁。魏惠王自安邑徙此。

【补注】先谦曰：安邑，河东县。禹避商均于此，见《世纪》。仪封人县人，见《地道记》。西有榆关，故属郑，楚取之，仍以归郑，见《六国表》。三晋取楚大梁、榆关，见《楚世家》。县人张耳、陈余，见本传。《续志》，后汉因。

《渠水注》，本春秋之阳武高阳乡，于战国为大梁国，梁伯之故居。后魏惠王都之。梁惠成王六年，徙都于大梁者也。秦灭魏，以为县。《纪年》，梁惠成王三十一年，为大沟于北郭，以行圃田之水。《陈留风俗传》云，县北有浚水，像而仪之，故曰浚仪。余谓故浚沙为阴沟，浚之故曰浚，其犹春秋之浚洙乎。汉之浚仪水，无他也，皆变名矣。先谦案，顾祖禹云，《诗》爰有寒泉，在浚之下。志云，今祥符县西三十里有寒泉陂，《诗》所谓浚水为汴所夺，故汴水经大梁北，亦兼浚

水之名，盖不始于汉也。《一统志》，故城今祥符县西北。

睢水首受狼汤水，东至取虑入泗，

【补注】先谦曰：取虑，临淮县。《渠水注》，渠水又东南迳开封县，睢、涣二水出焉。又《睢水注（篇之误刊——编者按）》，睢水出梁郡鄢县。注云，睢水出陈留县西蒗蒗渠。《地理志》曰，睢水首受陈留浚仪狼汤水也。经言出鄢，非矣。案，睢水所出，在陈留县之西，浚仪之东，故志系之县也，下入陈留。

过郡四，

【补注】先谦曰：过陈留、梁、山阳、沛、临淮，四当为五。

行千三百六十里。

【颜注】应劭曰：魏惠王自安邑徙此，号曰梁。师古曰：取虑，县名也。音秋虑。取，又音趋。

【编者按】治今河南开封市。

颍川郡

颍川郡，

【补注】先谦曰：据《颖水注》，郡治阳翟。《续志》，后汉治同。

秦置。

【补注】先谦曰：始皇十七年，尽纳韩地为郡，命曰颍川，见《始皇纪》、《韩世家》。吴卓信云，《国策》，游腾谓尚寿曰：公何不以秦为韩，求

颍川于楚？据此，则颍川之名，不始于秦。

高帝五年为韩国，六年复故。

【补注】先谦曰：韩王信王颍川，为国。六年徙太原，则颍川仍为郡，并见《高纪》。又云，罢颍川郡，颇益淮阳国，非全罢也。全祖望谓，十一年属淮阳国，惠帝元年复故，非也。

【编者按】全说是，先谦非。颍川郡在高帝十一年时，属淮阳国。因为《史记》误以为高帝末年十五郡之中有颍川、东郡（实际上应有上党、广汉），故钱大昕误会高帝十一年颍川郡未全罢，只是部分支县属淮阳国。先谦无主见，仅是拾钱氏唾余而已。莽曰左队。

【补注】吴卓信曰：《王莽传》，左队大夫王吴。《后书·郭恽传》，左队大夫逮并。

阳翟有工官。

【补注】先谦曰：《官本考证》云，工官，监本讹二官，今改正。

属豫州。

【颜注】孟康曰：夏启有钧台之飧。今钧台在南。

【补注】先谦曰：《续志》，后汉因。属同。

户四十三万二千四百九十一，口二百二十一万九百七十三。

县二十：

【补注】先谦曰：郡人晁错、贾山，见本传。满昌、堂谿惠，见《儒林传》。

阳翟，夏禹国。

【补注】先谦曰：《颖水注》，夏禹始封于此，为夏国。故武王至周，曰，吾其有夏之居乎。遂营洛邑。金鹗云，禹都有二。始都阳城，即避舜子处，以为都；后都晋阳，乃从尧舜所居之方。服虔《左传》注云，尧居冀州，虞夏因之。《郑诗谱》云，魏国，虞舜夏禹所都之地。魏与唐近，同在河北

冀州，故祝蛇云，唐叔封于夏虚，启以夏政，例以上文。康叔封于殷虚，启以商政，则禹都即唐国。杜注，今太原晋阳是也。志于偃师曰：殷汤所都；于朝歌曰：纣所都；于故侯国皆曰国。今阳翟不曰夏禹都，而曰夏禹国，知禹不都阳翟矣。先谦案，金说与道元夏禹始封于此之文互相印证，足以发明班旨。惟《涑水注》，不当云安邑夏都，为皇甫谧之说所乱，亦爱博之过也。刘昭直云，阳翟禹所都。误矣。

周末，韩景侯自新郑徙此。

【补注】钱坫曰：《韩世家》，贞子徙平阳，哀侯徙新郑，不言景侯徙阳翟。姚鼐曰：韩之都三，平阳、阳翟、新郑也。韩至哀侯，灭郑，都新郑。景侯乃哀侯曾祖。《魏世家》，景侯九年，郑围我阳翟，安得有新郑哉。当时韩北有平阳，南有阳翟，盖包新郑于腹中，迄哀侯灭郑定居。故志于新郑下云，韩自平阳徙都之。盖自景侯至哀侯，虽居阳翟，而平阳之为都，犹南北并建，故于新郑，尚可云自平阳徙于阳翟，必不可云自新郑徙耳。

先谦曰：此景字误也。哀侯之后，有懿侯、昭侯，更后则称王，或懿、昭有徙都之事。班氏书之，字误为景耳。《颖水注》，周末，韩景侯自新郑徙都之，承用志文，则酈氏所见《汉书》本已然矣。

户四万一千六百五十，口十万九千。莽曰颖川。

【颜注】应劭曰：夏禹都也。臣瓚曰：《世本》，禹都阳城。《汲冢古文》亦云居之，不居阳翟也。师古曰：阳

翟，本禹所受封也。应、瓚之说皆非。

【补注】先谦曰：后汉因。《一统志》，故城今禹州治。

【编者按】治今河南禹州市。

昆阳，

【颜注】应劭曰：昆水出南阳。

【补注】先谦曰：战国魏地。《魏世家》，苏秦说襄王，南有昆阳。后入秦。《信陵君传》，对安釐王云，秦昆阳也。后汉因。《一统志》，故城今叶县治。

【编者按】治今河南叶县。

颍阳，

【颜注】应劭曰：颍水出阳城。

【补注】先谦曰：秦县。《始皇纪》，二世二年，高帝屠颍阳。《续志》，后汉因。《颍水注》，颍水自阳翟来，东南过颍阳县西。应劭云，县在颍水之阳，故邑氏之。颍水下入颍阴。《一统志》，故城今许州西南。

【编者按】治今河南许昌县西南。

定陵，有东不羹。

【补注】周寿昌曰：陆氏《释文》云，羹，汉地志作更，是。唐本《汉书》有因羹，音近而讹更者。先谦曰：不羹见《左昭十一年传》。《续志》同。《一统志》，东不羹城，今舞阳县西北。莽曰定城。

【颜注】师古曰：羹，音郎。其后亦同。

【补注】先谦曰：《续志》，后汉因。《一统志》，故城今舞阳县北十五里。

【编者按】治今河南舞阳县东北。

长社，

【颜注】应劭曰：宋人围长葛，是也。其社中树暴长，更名长社。师古曰：长，读如本字。

【补注】先谦曰：春秋郑地，战国属魏。昭襄王取之，见《秦纪》。樊哙攻之，见《哙传》。后汉因。《一统志》，故城今长葛县西。

【编者按】治今河南长葛市东。

新汲，

【颜注】师古曰：阨咽云，本汲乡也。宣帝神爵三年置。以河内有汲，故加新也。

【补注】先谦曰：《续志》，后汉因。《一统志》，故城今扶沟县西南二十里，俗呼之曰离下村。

【编者按】治今河南扶沟县西南。

襄城，

【补注】先谦曰：春秋郑地，后属楚，战国怀王时秦取之，见《六国表》（《秦纪》作新城，地同）。项羽攻拔之，见《始皇纪》。吕后封孝惠后宫子义为侯国，见表。

有西不羹。

【补注】先谦曰：《续志》同。《一统志》，在县东南二十里。旧《志》，俗呼尧城。

莽曰相城。

【补注】先谦曰：后汉因。《汝水注》，汝水自郟来，东南迳襄城县故城南。王隐云，楚灵王筑。《说苑》，襄

城君始封之，日服翠衣，带玉佩，徙倚于流水之上，即是水也。后乃县之。其城南对汜城，周襄出郑居汜，即此城也。京相璠云，襄王居之，故曰襄城。《一统志》，故城今襄城县治西墉之外，遗迹连亘，达于城隅。

【编者按】治河南今县。

郾，

【颜注】师古曰：音一战反。

【补注】先谦曰：《续志》，后汉因。《一统志》，故城今郾城县西南五里道州城是。

【编者按】治今河南漯河市郾城区南。

郟，

【颜注】师古曰：音夹。

【补注】先谦曰：春秋郑地。《郑语》，谢郟之间。后入楚。《左传》，昭公时城之。楚王葬此，为郟敖也。章邯破陈胜将邓龙于此，见《始皇纪》。县人韩千秋，见《南粤传》。《续志》，后汉省。《一统志》，故城今郟县治。

【编者按】治河南今县。

舞阳，

【颜注】应劭曰：舞水出南。

【补注】先谦曰：战国魏地。苏秦说襄王，大王之地，南有许、郾、舞阳。秦叶阳、昆阳与舞阳邻，见《信陵君传》。高帝封樊哙为侯国，见表。功臣亲阳侯月氏《表》注舞阳，昌武侯赵安稽，濂侯王援皆，濂侯毕取，注同。盖尝析置亲阳、昌武，濂（濂同字）三县。后汉因。《续志》加邑。

《一统志》，故城今舞阳县西。

【编者按】封于舞阳之濂侯乃次公，濂侯毕取所封在南阳，先谦误。

治河南今县西。

颍阴，

【补注】先谦曰：高帝封灌婴为侯国，见表。县人灌夫，见本传。后汉因。《一统志》，故城今许州治。

【编者按】治今河南许昌市。

密高，武帝置，以奉太室山，是为中岳。

【补注】先谦曰：元封元年置，详《武纪》。《释山》，嵩高为中岳。又云，山大而高崧。嵩、崧，《说文》所无。《续志》，后汉省。阳城下云有嵩高山，据此，县并入阳城。刘注，《山海经》谓为太室之山，益避禹之子于箕山之阴，在嵩高北。《颍水注》，五渡水导源密高县东北太室东溪，下入阳城县，武帝置，俗谓之崧阳城。《一统志》，故城今登封县治。

有太室、少室山庙。

【补注】钱坫曰：戴延之《西征记》，东为太室，西为少室，相去十七里，名密高。《水经注》，合而言之为密高，分而言之为二室，西南为少室，东北为太室。先谦曰：宣帝神爵元年，定制庙祀，见《郊祀志》。

古文以崇高为外方山也。

【颜注】师古曰：密，古崇字。

【补注】先谦曰：刘注，《郑诗谱》云，外方之山，即密也。《禹贡》山水泽地篇，嵩高为中岳，在颍川阳城县

西北。又云，外方山崧高。是也。中岳外方，今古文之异。

【编者按】治今河南登封市。

许，故国，姜姓，四岳后，太叔所封，二十四世为楚所灭。

【补注】钱坫曰：孔颖达《春秋传·正义》引作文叔。杜预《谱》云，许，四岳伯夷之后也。周武王封其苗裔文叔于许。则作文叔是也，太字误。周寿昌曰：《韩非子》，许恃楚而不听魏，楚攻宋，而魏灭许。则似许附于楚而灭于魏也。韩非战国时人，当较确。《春秋世族谱》亦云楚灭之。

先谦曰：《说文》匭下云，炎帝太岳之胤，甫侯所封，在颍川。从邑无声，俗作许。《说文》自叙云，吕叔作藩，俾侯于许。甫侯吕姓，故吕刑一云甫刑。然则文叔即吕叔之字矣。战国人魏。《国策》，苏秦说魏王，大王之地南有许、偃，是也。然则魏灭为是。《田齐世家》，伐晋鲁葛及安陵，是鲁亦魏地。《括地志》以为县南四十里鲁城。《续志》，后汉因。《洧水注》，洧水自长社来，东迳县（魏改许昌），故许男国也。《穆天子传》所谓天子见许男于洧上者也。《一统志》，故城今许州西南。

【编者按】治今河南许昌县东。

僞陵，户四万九千一百一，口二十六万一千四百一十八。

莽曰左亭。

【颜注】李奇曰：六国为安陵。师古曰：僞音偃。

【补注】徐松曰：谓克段及晋楚战，皆此。鄢陵者，《元和志》之说也。赵匡则以鄢为郢之误，地在缙氏西南，阎若璩从之，然则克段者，缙氏之郢，晋楚遇者，此僞陵，皆与陈留之僞陵无涉。

先谦曰：官本《注》，无陵字。引宋祁曰：安下当添陵字。先谦案，《魏世家》所谓安陵氏也。齐宣公伐之，见《田齐世家》。高帝封朱濞为侯国，见表。县人孙宝，见本传。后汉因，僞作鄢。《续志》，春秋时曰郢。刘注，郑共叔所保，晋败楚于郢陵，然则此说不始《元和志》，鄢陵之战，《传》云，亡师于鄢。是鄢陵亦单称鄢，故致此误。赵云，作郢。程恩泽驳之矣。《一统志》，故城今鄢陵县西北，至许州七十五里。

【编者按】治今河南鄢陵县西北。

临颖，莽曰监颖。

【补注】先谦曰：郑城颖也，见《左隐传·正义》。《续志》，后汉因。《一统志》，故城今临颖县西北十五里。

【编者按】治河南今县西。

父城，应乡，故国，周武王弟所封。

【颜注】应劭曰：《韩诗外传》，周成王与弟戏，以桐叶为圭，吾以此封汝。周公曰，天子无戏言。王应时而封，故曰应侯乡是也。臣瓚曰：《吕氏春秋》曰，成王以戏，授桐叶为圭以封叔虞，非应侯也。《汲郡古文》，殷时已自有国，非成王之所造也。师古曰：武王之弟，自封应国，非桐圭之

事也。应氏之说盖失之焉。又据《左氏传》云，邲、晋、应、韩，武之穆也。是则应侯武王之子，又与志说不同。

【补注】全祖望曰：周武王系成王，字误作武。先谦曰：应说故曰应侯下本应字。《春秋》，父城楚地（见下），战国入秦。秦客谓周最，以应为太后养地，见《周纪》。魏襄王秦惠文王会此，见《秦纪》、《魏世家》。《续志》，后汉因。《一统志》，故城今宝丰东四十里。《县志》，即父城保应城，今宝丰县西南。

【集释】杨树达按：李慈铭云，应乡上当脱一有字。

【编者按】治今河南宝丰县东。

成安，

【补注】钱坫曰：成安侯韩延年《表》云，属邲。是地分邲县置。先谦曰：陈余称成安君，见《项羽纪》。正义云，在颍川郡。则地盖秦邑。陈留郡亦有成安。侯国也。

【补注】先谦曰：韩延年国，武帝封；郭忠，昭帝封。《续志》，后汉省。《一统志》，故城今汝川东南三十里。

【编者按】治今河南汝州市东南。

周承休，侯国，元帝置，

【补注】钱大昭曰：姬延年所封。姬嘉初封周子男君，至初元五年，由君进爵。表注长社，盖析长社置。元始二年更名郑公。

【补注】王念孙曰：二当为四。《汝

水注》引此已误。《平纪》元始四年，改周承休公曰郑公。《汉纪》同。《恩泽侯表》亦云，元始四年为郑公。钱坫曰：郑字误。《说文》，邲，颍川县。《后书·黄琼传》，颍川有周承休侯国，元始更名曰邲。因其地有邲乡，是矣。徐松曰：赵一清云，黄琼、袁绍皆封邲乡侯，郑是邲之误。

莽曰嘉美。

【颜注】[师古曰]：休音许虬反。

【补注】钱大昭曰：休字上脱师古曰三字。先谦曰：《续志》，后汉省。《汝水注》，汝水自成安来，东为周公渡，藉承休之徽号，而有周公之嘉称也。《一统志》，故城今汝州东二十六里。

【编者按】治今河南汝州市东。

阳城，

【补注】先谦曰：阳城见《孟子》。春秋郑地。战国韩哀侯取之。桓惠王时，为秦所拔，见郑、韩《世家》。秦县，县人陈涉，见《涉传》。高帝战雒阳东还至此，见《高纪》。功臣湘成侯敞屠洛、散侯董舍吾《表》并注，阳城，盖尝析置湘城、散二县。又汝南亦有阳城侯国。后汉因。《一统志》，故城今登封县东南三十五里，俗名之为告成镇。

阳城山，洧水所出，东南至长平入颍，

【补注】先谦曰：长平，汝南县。《洧水》篇，洧水出密县西南马岭山。注云，亦云出颍川阳城山。山在县东北，盖马岭之统目焉。《说文》亦云，

洧水出河南密县西南马岭山，东南入颖。《一统志》，阳城山在今登封县东北。旧《志》，俗名车岭山。

过郡三，行五百里。

【补注】先谦曰：过颖川、河南、淮阳、汝南，三当为四。

阳乾山，颖水所出，东至下蔡入淮，

【补注】先谦曰：下蔡，沛郡县。《说文》，颖水出颖川阳乾山，东入淮，与志合。颖水篇，颖水出阳城县西北少室山。注云，颖有三源，右水出周乾山之颖谷，春秋颖考叔为其封人；中水导源少室通阜，东南迳负忝亭东，亦或谓是水为潏水，与右水合；左水出少室南溪，东合颖水，故作者互举二山。颖水东合五渡水，迳阳城县故城南，昔禹避商均，伯益避启，并于此。亦周公以土圭测日景处。县南对箕山，山上有许由冢。颖水东合龙渊

水、平洛水，又东出阳关，下入阳翟。过郡三，行千五百里，荆州浸。

【补注】先谦曰：过颖川、汝阳、沛。

有铁官。

【颜注】师古曰；乾音干。洧音于轨反。

【补注】先谦曰：《续志》，有铁。

【编者按】治今河南登封市东南。

纶氏。

【补注】先谦曰：春秋郑邑。楚吾得及秦伐郑，围之，见《纪年》。后汉因。《续志》作轮氏，云建初四年置，疑复之误。《陈实传》亦作轮氏。吴卓信云，《后书注》及括地、元和诸《志》，并以为即夏少康纶邑，非也。纶在梁国虞城县。《一统志》，故城今登封县西南七十里。

【编者按】治今河南登封市西。

地理志第八上二

汝南郡

汝南郡，

【补注】阎若璩曰：郡先书平輿县，却不为治。治上蔡县，以《翟方进传》知之。其传首叙次，与《贾谊传》正同。《元和志》谓治平輿者非。《汝水注》于上蔡县云，汉高祖四年，置汝南郡。又于平輿县云，东汉汝南郡治。是《元和志》所言，误以东汉为西汉也。先谦曰：《续志》，后汉治平輿。

【集释】严耕望曰：《汉志》乃据平帝元始一时之版籍，其首列之县即为西汉末各郡国治所，绝无例外。故《汝水注》所云虽可证高帝时汝南治上蔡，但不足以概哀、平。“且昭、宣之世，上蔡置长不置令（《召信臣传》），非大县；又于班志汝南三十七县中地位偏在西北。汝南乃中原大郡，多大县（汝南三十七县，四十六万余户，平均每县万户以上，必令多而长少；而上蔡为长，不及万户，可见在诸县地位中甚低），以理推之，不宜以地位偏僻而人口稀少之上蔡县为郡治。而平輿濒临鸿却陂，地饶民富（参看《汉书·翟方进传》、《后汉书·许杨传》及杨守敬《前汉地理图》、《淮水注》），必为大县，又地处一郡之中心，其为郡治之条件远优于上蔡，则高帝仓猝建郡虽治上蔡，其后迁治平輿，殆可断言。阎氏拘泥高帝四年事以驳

班志，谬矣”（参见《汉书地志县名首书者即郡国治所辨》，载《中央研究院院刊》第一辑，下引严说皆出此）。

王文楚曰：严说甚是。又《汝水注》记汝水迳平輿县，“本汝南郡治，”当指两汉事。阎氏谓酈注“平輿县云东汉汝南郡治”，不及西汉，乃疏误。《元和志》卷十蔡州：“汉立汝南郡，领二十七县，理平輿。”正与《汉志》首列平輿相符，则平輿县应是汝南郡治。（参见《关于〈中国历史地图集〉第二册西汉图几个郡国治所问题》，载《历史地理》第五辑，下引王说皆出此）。

高帝置。

【补注】全祖望曰：故属秦颍川、南阳二郡。楚汉之际属楚国。高帝四年属汉，分置；十一年属淮阳国，十二年复故。景帝二年别为汝南国，四年复故。置郡之年见《水经注》，盖汉既得颍川南阳，故不待楚亡已分置矣。

【编者按】王国维以为汝南郡置于高帝事不足征。但汝南郡若非高帝置，至迟亦须置于文帝时，方能足文帝后期天子所属二十四郡之数（参见周振鹤《西汉政区地理》结语部分）。景帝二年置汝南国，说明在此之前，汝南郡早已属汉。汝南郡乃析陈郡南部置，其北部或仍称陈郡（《史记·货殖列传》陈、汝南二郡并举），或称淮阳郡。

莽曰汝汾。

【补注】周寿昌曰：汾当为坟。汝南故为汝坟地，于汾无涉。观下女阴，莽曰汝坟，可证。《水经注》作汝坟。分为赏都尉。

【补注】钱大昕曰：《王莽传》有赏都大尹王钦，则赏都郡名，后人误添尉字耳。宜禄县，莽改曰赏都亭，亦赏都为郡名之一证。

属豫州。

【补注】先谦曰：《续志》，后汉因，属同。

户四十六万一千五百八十七，口二百五十九万六千一百四十八。

【补注】徐松曰：《三国志·陈群传》注引《汉书·地理志》，汝南为上郡。有三十余万户，与今本异，或字之误。

县三十七：

【补注】先谦曰：见《侯表》者，有终弋、安平、承阳三县无考。郡人尹更始，见《儒林传》。

【集释】陈直曰：《续封泥考略》卷二有“原鹿长印”封泥。又见有“原鹿”铎（六舟拓本，吴兴沈氏藏，文仅原鹿二字，横列）。《汉书》无原鹿县，《续汉书·郡国志》汝南郡有原鹿侯国，盖仍西汉旧名，而志文未载，当为旋置旋罢之县。

【编者按】本志后序云：“凡郡国一百三，县邑千三百一十四，道三十二，侯国二百四十一”。合计一千五百八十七县，但实数县名只有一千五百七十八，脱载九县，前文东郡畔县，下文本郡乐昌或皆所脱之县。若然，则汝

南郡三十七县或当为三十八县（至原鹿是否西汉县，尚待证实）。又，先谦所说之侯，终弋、安平已分别在元鼎五年、五凤四年国除省并，承阳侯国则元始元年始封（本志侯国以元延末年为断，元始在元延之后），故本志自然都不载。类似情形很多，不独汝南为然。先谦不明就里，误以为这三县本志当列而未列。

平舆，

【颜注】应劭曰：故沈子国，今沈亭是也。舆音豫。

【补注】钱坫曰：《续志》，沈，姬姓。《管蔡世家》，武王封弟季载于冉。《春秋》传作邲。《唐书·宰相世系表》、《广韵》并云，文王第十子聃季，食采于沈，即汝南平舆沈亭，字亦为邲。案，古聃字从冉，耽字从允，聃耽同字。沈字亦从允，故与邲通，是沈即季载之国。

先谦曰：蔡灭沈，见《左定传》。后入楚，王翦至平舆，虏荆王，见《始皇纪》。《续志》，后汉因。《一统志》，故城今汝阳县东南六十里。

【编者按】治河南今县北。

阳安，

【颜注】应劭曰：道国也。今道亭是。

【补注】先谦曰：成帝封丁明为侯国，见表。后汉因。《续志》，有道亭故国（在县南）。《一统志》，故城今确山县东北。

【编者按】治今河南驻马店市南。

阳城，侯国。

【补注】先谦曰：刘德国，宣帝封。又颖川亦有阳城。

莽曰新安。

【补注】先谦曰：《续志》，后汉省。《一统志》，故城今汝阳县界。

【编者按】治今河南商水县西。

潁强，

【颜注】应劭曰：潁水出颖川阳城。师古曰：潁，于谨反。又音殷。

【补注】先谦曰：《续志》，后汉因。潁，《说文》作潁，云水出颖川阳城少室山，东入颖，从水忌声。《一统志》，故城今临颖县东。潁水，今殷水，一名沙水。

【编者按】治今河南临颖县东。

富波，

【补注】先谦曰：后汉因。《续志》，永元中复。《淮水注》，谷水上承富水，东南流，为谷水。东迳原鹿县故城北（后汉县），又迳富波县故城北，俗谓之成閭亭，非也。《地理志》汝南郡有富陂县。世祖封王霸为富陂侯。《十三州志》，汉和帝永元九年分汝阴置，多陂塘以溉稻，故曰富陂。谷水下入汝阴。据此，后汉省，并汝阴，后复置。引二《志》及《霸传》皆作陂，波陂通用。《一统志》，故城今阜阳县南。

【编者按】治今安徽阜南县东南。

女阳，

【颜注】应劭曰：汝水出弘农，入淮。师古曰：女读曰汝，其下汝阴亦

同。

【补注】先谦曰：《续志》，后汉因。女作汝。《颖水注》，颖水自西华来，南过女阳县北。县故城南有汝水枝流，故县得厥称。阚骃云，本汝水别流，其后枯竭，号曰死汝水，故其字无水。余谓汝女乃方俗之音，字随读改，未必如阚氏之说，以穷通损字也。《一统志》，故城今商水县西北。吴卓信云，汝宁府附郭汝阳县，隋析上蔡置，非汉县。

【编者按】治今河南商水县西。

鲋阳，

【颜注】应劭曰：在鲋水之阳也。孟康曰：鲋音紂。

【补注】王引之曰：孟康音鲋为紂，紂下或多红反二字，乃后人妄加，有七证以明之：《玉篇》鲋，直莖切，又直久切。直久正切紂字，而独无紂红之音。若孟康音紂红反，则自魏以来相承之音，不应缺略。今《玉篇》有直久，而无紂红，则孟音紂可知，证一。《广韵》一东，鲋，徒红切，引《尔雅》鰋，大鲋；二肿，鲋，直陇切，鱼名。皆未引鲋阳县。至四十四有鲋，除柳切，始云鲋阳县，在汝南。《集韵》、《类篇》，并与《广韵》同。是《地理志》之鲋阳，孟但音紂，证二。

颜注《高纪》云，鲋阳音紂莲。勺，音酌，当时所呼，别有意义，岂得即定其字以为正音乎。然则鲋阳音紂，师古方不解其意，则其为孟音，而非师古所创甚明，证三。《后书·阴兴传》，汝南之鲋阳；《吴祐传》，鲋阳侯

相。李注并云，鲟音紂。《晋书·地理志》汝阴郡鲟阳，何超《音义》云，鲟音紂。若孟音紂红反，而师古音紂，二子不应舍自古相承之音，而从近代一人之臆见。即不以音紂为非，亦当兼存紂红之音，而紂外更无他音，则孟康与师古并音紂，证四。

《御览·州郡部》河南道引《汉志》，鲟阳属汝南郡，鲟音紂，此是引孟康之音，非引师古之音，而紂下亦无红反二字，证五。《左襄四年传》释文，鲟阳，孟康音紂，直九反，若孟康音紂红反，释文何得言孟音直九反，证六。又景祐本、汪本《地理志》，鲟音紂下，原无红反二字，则此二字之妄加，实自明监本始，证七（汲古阁本，亦无红反二字，盖从旧本）。

说者皆谓鲟从同声，不当音紂，不知紂字古音在幽部，同字古音在东部，东部多与幽部相通。如《大戴礼·劝学》篇以从由为韵，《楚辞·天问》，以龙游为韵，又《齐风·南山》篇，衡从其亩，《韩诗》从作由。昭五年《左传》，吴子使其弟蹇由犒师，《韩子·说林》篇，由作融。《说文》，东北曰融风，《易》通卦验，融作调（见隐五年《左传》正义）。调，从周声，古读如稠。而《小雅·车攻》篇，楚辞《离骚·七谏》、《韩子·扬榷》篇，并以同与调韵。

铜从同声，而《史记·卫青传》，大当户铜离。徐广云，一作稠离。《汉书》作调。虽同与调稠同声，则与紂声相近，故鲟从同声，而亦读如紂（《说文》鲟读若缡袂。袂从衣龙声。或作袂，从衣卖声。卖字古音在幽部，

龙字古音在东部，则字即是东幽两通之字。鲟读若袂，固宜其转入幽韵而音紂矣）。《洪范》曰：雩之雩音武工反，而其字以矛为声，戾字以九为声。而《吕氏春秋·观表》篇注，读如穹穷之穹。此谐幽部之声，而读入东部也。牢字古读若留，而《说文》从冬省声。狃字从狃声，古读与狃近，而《齐风》遭我乎狃之间兮，《汉书·地理志》引作峽，其字以农为声，此谐东部之声，而读入幽部也，又何疑于鲟之音紂乎。

先谦曰：官本紂下多红反二字，沿监本之误。《续志》，后汉因。《一统志》，故城今新蔡县东北七十里。

【编者按】治今安徽临泉县西。

吴房，

【颜注】孟康曰：本房子国，楚灵王迁房于楚。吴王阖闾弟夫概奔楚，楚封于此，为堂谿氏，以封吴，故曰吴房。今吴房城堂谿亭是。

【补注】先谦曰：《周语》，昭王取于房。《项羽纪》作吴防，防乃防之误。高帝封杨武为侯国，见表。《后汉》因。《续志》有棠谿亭。刘注，有吴城。《濯水》篇，濯水出吴房县西北奥山，东过县北，入汝。注云，县西北有棠谿城。《一统志》，故城今遂平县西四十里。棠谿城，遂平县西北百里。

【编者按】治今河南遂平县西。

安成，

【补注】先谦曰：战国魏安城，秦取之，见《秦纪》。

侯国。

【补注】先谦曰：王崇国，元帝封。莽曰至成。

【补注】先谦曰：后汉因。《续志》作安城。《一统志》，故城今汝阳县东南七十里。

【编者按】治今河南汝南县东南。

南顿，故顿子国，姬姓。

【颜注】应劭曰：顿迫于陈，其后南徙，故号南顿。故城尚在。

【补注】先谦曰：《续志》，后汉因。《一统志》，故城今项城县北五十里。

【编者按】治今河南项城市西。

朗陵，

【颜注】应劭曰：朗陵山在西南。

【补注】先谦曰：《续志》，后汉因。《一统志》，故城今确山县西南三十五里。吴卓信云，朗陵山，一名月明山。

【编者按】治今河南确山县西南。

细阳，

【补注】先谦曰：夏侯婴益食细阳千户，见《婴传》。盖秦邑。功臣信成侯王定《表》注，细阳，盖尝析置信成县。

莽曰乐庆。

【颜注】师古曰：居细水之阳，故曰细阳。细水本新鄆。鄆，音千私反。

【补注】钱坫曰：后汉于此分征羌县。《范滂传》，汝南征羌人。谢承《书》云，细阳人。

先谦曰：《续志》，后汉因。《颖水注》，细水自新鄆来，南迳细阳县，合

新沟水，又东南迳细阳县故城南，又积而为陂，谓之次塘，又屈而西南，入颖。其枝分为上吴、百尺二水，亦南入颖（见慎）。《地理志》曰，细水出细阳县东南，入颖。先谦案，今志无此文。《说文》作涵水。又案《颖水注》，征羌县故召陵县之安陵乡安陵亭也。《续志》亦云，有安陵亭，然则征羌非分细阳置，钱说非。《一统志》，故城今太和县东。吴卓信云，在茨河西岸，茨河即细河。

【编者按】治今安徽太和县东南。

宜春，侯国。

【补注】先谦曰：卫伉国，武帝封。王昕，昭帝封。

莽曰宣孱。

【补注】先谦曰：后汉因。《续志》加北。《汝水注》，溱水自朗陵来，东北经宜春县故城北，豫章有宜春，故加北矣。《一统志》，故城今汝阳县西南六十里。

【编者按】治今河南汝南县西南。

女阴，故胡国。都尉治。

【补注】先谦曰：都尉亦见《成纪》。

莽曰汝坟。

【补注】先谦曰：后汉因。《续志》作汝阴。刘注，有陶丘乡，《诗》所谓汝坟。《颖水注》，颖水自项来，东南迳胡城东，故胡子国。定公十五年，楚灭之。杜预曰：汝阴县西北有胡城也。《一统志》，故城今阜阳县治。吴卓信云，有二城，南城周五里余，相

传故女阴城；北城周四里余，相传即胡国城。

【编者按】治今安徽阜阳市。

新蔡，

【补注】先谦曰：宣帝甘露三年，凤皇集，见《纪》。

蔡平侯自蔡徙此，

【补注】吴卓信曰：《左昭十一年传》，楚灭蔡，平王立，复封蔡，于是隐太子之子庐归于蔡，是为平侯，徙此当在其时，事不见经传，惟见杜氏释例。

后二世徙下蔡。

【补注】钱坫曰：吴迁昭侯于州来，即下蔡也。宋忠谓平侯徙下蔡者，非。莽曰新迁。

【补注】吴卓信曰：《后书·郅恽传》注引谢承《书》，新迁都尉辟郑敬为功曹，即此。先谦曰：后汉因。《一统志》，故城今新蔡县治。

【编者按】治河南今县。

新息，莽曰新德。

【颜注】孟康曰，故息国，其后徙东，故加新云。

【补注】先谦曰：《说文》息作鄢。《续志》，后汉因。《一统志》，故城今息县东。旧《志》云，有新息里。又县西南十五里，有古息里，即息侯国。

【编者按】治今河南息县。

濯阳，

【颜注】应劭曰：濯水出吴房，东入淝也。师古曰：濯音劬。淝音楚人

反，又音楚刃反。

【补注】先谦曰：《续志》，后汉因。《一统志》，故城今遂平县东南。濯水在县北五里，一名石羊河。

【编者按】治今河南遂平县东。

期思，

【颜注】师古曰：故蒋国。

【补注】先谦曰：春秋楚地，见《左文传》。孙叔敖为其鄙人，见《荀子》、《吕览》。高帝封贲赫为侯国，见表。后汉因。《续志》，有蒋乡，故蒋国。《淮水注》，淮水自新息来，东过期思县北，县故蒋国。周公之后也，楚灭为县。《一统志》，故城今固始县西北，蒋乡在县东。

【编者按】期思与下文弋阳在汉初并属淮南国，后削入汝南。参见《西汉政区地理》上篇第四章。

治今河南固始县西北。

慎阳，

【颜注】应劭曰：慎水出东北，入淮。师古曰：慎字，本作滇，音真，后误为慎耳。今犹有真丘真阳县，字并单作真，知其音不改也。阍駟云，永平五年，失印更刻，遂误以水为心。

【补注】先谦曰：高帝封乐说为侯国，见表。《索隐》引如淳曰，音慎（如氏见字作滇，音为慎耳。今表引如说，作音震，疑又颜所改）。若阍駟，合作顺阳。《续志》作滇阳。洪颐煊云，据此，阍駟谓误以水为心，是。改顺阳作慎阳，川水篆形相近，滇阳又慎阳之讹字也。《后书·黄宪传》，汝南慎阳人。李注，南阳有慎阳国，

而流俗书此作顺者，误，即阩驷本。《续志》，后汉因。《一统志》，故城今正阳县北四十里。慎水在县南一里。

【编者按】治今河南正阳县北。

慎，

【补注】先谦曰：功臣安远侯郑吉《表》注，慎，盖尝析置安远县。

莽曰慎治。

【补注】先谦曰：《续志》，后汉因。《一统志》，故城今颖上县西北四十里江口镇。

【编者按】治今安徽颖上县西北。

召陵，

【颜注】师古曰：即桓公伐楚，次于召陵者也。召读曰邵。

【补注】先谦曰：黄帝南伐至此，见《封禅书》。后为楚地，秦惠文王伐取之，见《秦纪》。后汉因。《一统志》，故城今鄆城县东三十五里。

【编者按】治河南漯河市鄆城区东。

弋阳，侯国。

【颜注】应劭曰：弋山在西北，故黄国，今黄城是。

【补注】先谦曰：任官国，昭帝封。后汉因。《续志》，有黄亭，故黄国。嬴姓。《淮水注》，淮水自新息来，东迳浮光山北，亦曰扶光山，即弋阳山也。《一统志》，故城今光州西。黄城在今州西十二里，浮光山在今光山县西北八十里，一名浮弋山。

【编者按】治今河南潢川县西。

西平，有铁官。莽曰新亭。

【颜注】应劭曰：故柏子国也，今柏亭是。

【补注】先谦曰：有遂阳乡，见《五行志》。后汉因。《一统志》，故城今西平县西四十五里师灵镇，又西七十五里冶钭城，韩王铸剑处。苏秦说韩王，韩有剑戟，出于棠谿，今县西棠谿村也，汉晋皆置铁官。

【编者按】治河南今县西。

上蔡，故蔡国，周武王弟叔度所封。度放，成王封其子胡，

【补注】先谦曰：详《管蔡世家》。十八世徙新蔡。

【补注】先谦曰：平侯也。见新蔡下。战国楚地，尝为郡。《楚世家》云，上蔡之郡也。《纪年》，魏章帅师及郑伐楚，取上蔡，是后旋入魏。《越世家》亦云，上蔡不安也。县人翟方进，见本传。《续志》，后汉因。《一统志》，故城今上蔡县西十里。

【编者按】治河南今县西南。

寗，

【补注】先谦曰：秦蒙恬大破荆军于此，见《王翦传》。

莽曰闰治。

【颜注】应劭曰：孙叔敖子所邑之寗丘是也。世祖更名固始。师古曰：寗音子衺反。

【补注】刘奉世曰：案，后淮阳国已有固始，此寗疑自别地。全祖望曰：仲冯以淮阳国别有一固始县，故疑此寗非孙叔敖所封，非也。汝南之浸，

实与淮阳之固始接，皆春秋时浸丘之地。世祖并淮阳之固始，入于阳夏，而以汝南之浸为固始，志不尽详，故启仲冯之疑。先谦曰：《续志》，固始，故浸也。光武中兴更名，有浸丘。《一统志》，故城今沈丘县东南三十里。

【编者按】治今安徽临泉县。

西华，莽曰华望。

【补注】先谦曰：《续志》，后汉因。《颖水注》，颖水自潏强来，东过西华县北，有东，故言西矣。《一统志》，故城今西华县南。

【编者按】治河南今县南。

长平，

【补注】先谦曰：战国魏地。《国策》，芒卯曰：秦王欲魏长平，始皇攻定之，见《始皇纪》。武帝封卫青为侯国，见表。

莽曰长正。

【补注】先谦曰：后汉改属陈国。《一统志》，故城今西华县东北十八里。

【编者按】治今河南西华县东北。

宜禄，莽曰赏都亭。

【补注】钱坫曰：莽以子临为赏都侯，当即其地。先谦曰：后汉因。《续志》，永元中复。《一统志》，故城今沈丘县北。

【编者按】治今河南郸城县东南。

项，故国。

【补注】先谦曰：项羽家世楚将，封项，见《羽传》。《续志》，后汉因。

《一统志》，故城今项城县东北。

【编者按】治今河南沈丘县。

新鄴，莽曰新延。

【颜注】应劭曰：秦伐魏，取鄴丘，汉兴，为新鄴。章帝封殷后，更名宋。臣瓚曰：光武既封殷后于宋，又封新鄴。师古曰：封于新鄴，号为宋国耳，瓚说非。

【补注】先谦曰：《魏策》，苏秦说魏，南有新鄴，则非汉改是名也。一名鄴丘。安釐王时，为秦所拔，见《魏世家》。后汉改宋。《颖水注》，细水自新阳来，东南迳县故城北。成帝诏封殷后于此，以存三统。平帝改曰宋公。章帝建初四年，徙邑于此，故号新鄴为宋公国矣。细水下入细阳。《一统志》，故城今太和县北七十里。吴卓信云，俗讹宋王城。

【编者按】治今安徽太和县北。

归德，侯国。宣帝置。

【补注】先谦曰：先贤掸国，宣帝封。

莽曰归惠。

【补注】先谦曰：《续志》，后汉省。李兆洛云，当在今颖州府境。

【编者按】治所无考。

新阳，

【补注】先谦曰：吕臣起此，见《陈涉传》。高帝封吕青为侯国，见表。莽曰新明。

【颜注】应劭曰：在新水之阳。

【补注】先谦曰：《续志》，后汉因。

《一统志》，故城今太和县西北六十里。
旧《志》，俗呼信阳城。

【编者按】治今安徽界首市北。

安昌，侯国。

【补注】先谦曰：张禹国。成帝封。
莽曰始成。

【补注】先谦曰：《续志》，后汉省。
《一统志》，故城今确山县西。

【编者按】治今河南确山县西。

安阳，侯国。

【补注】先谦曰：淮阳厉王子勃国，
文帝封。周左车，景帝封。王音，成
帝封。

莽曰均夏。

【颜注】应劭曰：故江国，今江亭
是。

【补注】先谦曰：《续志》，后汉因。
《一统志》，故城今正阳县西南。

【编者按】治今河南正阳县南。

博阳，侯国。

【补注】先谦曰：邴吉国，宣帝封。
表属南顿，是博阳分南顿置。功臣平
通侯杨恽《表》注，博阳，盖尝析置
平通县。

莽曰乐家。

【补注】赵一清曰：乐家，《水经
注》、《三国》、《晋书》，俱作乐嘉。先
谦曰：《续志》，后汉省。《一统志》，
故城今商水县东北四十里。

【编者按】治今河南商水县东。

成阳，

【补注】先谦曰：战国楚地，《楚
策》所谓襄王流掩于成阳也。

侯国。

【补注】先谦曰：奚意国，高帝封。
赵临，成帝封。楚思王子众，平帝封。
赵临《表》注新息，是成阳分新息置。
莽曰新利。

【补注】先谦曰：《续志》，后汉省。
《一统志》，故城今信阳市东北。

【编者按】治今河南信阳市北。

定陵。

【补注】先谦曰：《续志》，后汉省。
案，颍川亦有定陵，后汉因，在汝水
南。此在汝水北。《一统志》，故城今
郾城县西北六十里。

【编者按】定陵为侯国，志失注。
钱大昕以为国已除故志不注。然该侯
国实除于绥和元年十一月（见《成帝
纪》），既《汉志》所载侯国以元延末
年为断，则定陵县当注侯国。绥和元
年二月成帝封殷绍嘉以下三侯，皆不
见志，定陵侯国之除在其后，明《汉
志》失注。

高陵山，汝水出，东南至新蔡入
淮，

【补注】先谦曰：《淮南子》，汝出
猛山。高注，猛山一名高陵山，在汝
南定陵县，盖本《汉志》为说。

《汝水》篇，汝水出河南梁县勉乡
天息山。据酈注，梁县乃汝水所经，
非水源也。案注云，《地理志》曰，出
高陵山，即猛山也。此用班、高二说，
而不明言山所在之郡县。又云，亦言
出南阳鲁阳县之大孟山，又言出弘农

卢氏还归山。《博物志》云，汝出燕泉山。并异名也。此则广引众说，而云并异名，意在为班解纷。又云，今汝水西出鲁阳县之大孟山蒙柏谷西，即卢氏界也。则明以出鲁阳卢氏为是。又云，其水东屈尧山西岭下，水流两分，一迳尧山南，为湫水；一东北出，为汝水。案班志鲁阳下自注，鲁山，湫水所出。窃疑高陵即大孟之异名，酈说可信。而此注高陵山汝水出一十三字，亦本应当在鲁阳下，自汉世转写，即已误移于此，后人莫能是正耳。定陵、新蔡，一出一入，同在本郡，若汝水出定陵为《汉志》原文，班氏乌得谓过郡四乎？余详鲁阳下。过郡四，行千三百四十里。

【补注】先谦曰：过南阳、河南、颍川、汝南。

【编者按】治河南漯河市郾城区西北。

[乐昌]。[侯国]。

【编者按】此县为志所脱载。宣帝地节四年以乐昌侯国封王武，《表》在汝南（东郡乐昌县与此无涉）。据《后汉书·张酺传》，赵王张敖子寿封于汝南细阳之池阳乡，《史表》及《汉表》则云吕后八年受封乐昌侯国，翌年除。可见乐昌侯国以池阳乡置。文帝元年国除以后当仍为池阳乡，至地节四年又以该地封王武。又可知其地望当在细阳县附近。

南阳郡

南阳郡，

【补注】先谦曰：《释名》，在中国之南，而居阳地，故以为名。阎若璩云，郡治宛，以《地理志》、翟方进、王莽《传》知之。又《高纪》，南阳宋崎战败于犍，东走保城，守宛。是秦已治宛。王鸣盛云，据《翟义传》，以南阳都尉太守事，行县至宛。若南阳太守治宛，则不得言行县至矣，知宛非太守治也。周寿昌云，南阳都尉治在邓，翟义以都尉行太守事，由邓行县至宛耳。王说未审。先谦案，《续志》，后汉治同。秦置。

【补注】先谦曰：昭襄王三十五年

置，见《秦纪》。习凿齿《襄阳记》，秦兼天下，自汉以北，为南阳郡。全祖望云，楚汉之际属楚国，高帝二年属汉。

莽曰前队。属荆州。

【补注】周寿昌曰：《莽传》有前队大夫甄阜，前队属正梁丘赐。又诏左队大夫王吴，率十万众，迫措前队丑虏，即谓光武。先谦曰：《续志》，后汉因。属同。

户三十五万九千（一）[三]百一十六，口一百九十四万二千五十一。

【补注】宋祁曰：户三十，当作户

四十。朱一新曰：汪本，口一百作口三百。

县三十六：

【补注】先谦曰：见《王子侯表》者，有路陵；见《功臣表》者，有特轅、随桃、涉都；见《外戚表》者，褒新、广阳，共六县无考。郡人直不疑，见本传。

宛，

【补注】先谦曰：春秋战国，楚地。百里奚亡秦走此，见《秦纪》。文种为令，范蠡县三户人，见《会稽典录》。秦昭襄王攻楚取之，又入韩，秦拔之，以封公子市，楚顷襄王与秦会此，见《秦纪》、楚、韩《世家》。高帝围宛，见《高纪》。

故申伯国。有屈申城。

【补注】先谦曰：《续志》刘注，有申亭。

县南有北筮山。

【补注】王念孙曰：南阳府地无北筮山，山当为聚。筮即澁字也。《清水注》清水左右旧有二澁，所谓南澁、北澁。澁者，水侧之渍（楚辞《九歌》注，澁，水涯也）。聚在清阳之东北，下文育阳有南筮聚，则此当为北筮聚，明矣。

户四万七千五百四十七。

【补注】钱大昭曰：闽本作四十万，误。

有工官、铁官。莽曰南阳。

【补注】先谦曰：后汉因。《一统志》，故城今南阳县治。

【编者按】治今河南南阳市。

犍，

【颜注】师古曰：音昌牛反。

【补注】先谦曰：春秋郑犍陵入楚伯州犁城之，见《左襄、昭传》。高祖破秦军于此，见《高纪》、曹参、樊哙《传》。有博望乡。为何武汜乡侯国，见《武传》。盖尝析置汜乡县。《续志》，后汉因。《一统志》，故城今鲁山县东南五十里。

【编者按】治今河南鲁山县东南。

杜衍，

【补注】先谦曰：高帝封王翳为侯国，见表。外戚恩泽高武侯傅喜、宜陵侯息夫躬《表》并注杜衍，盖尝析置高武、宜陵二县，县人杜周，见本传。

莽曰闰衍。

【补注】先谦曰：《续志》，后汉省。《一统志》，故城今南阳西南二十三里。

【编者按】治今河南南阳市西南。

鄆，侯国。

【补注】先谦曰：萧庆国，武帝封。莽曰南庚。

【颜注】孟康曰：音潏。师古曰：即萧何所封。

【补注】钱大昕曰：萧何初封，本是沛郡之鄆，其后嗣乃封南阳之鄆，师古于此，殊未了了。先谦曰：《续志》，后汉因。《一统志》，故城今光化县北。

【编者按】治今湖北老河口市西北。

育阳，有南筮聚，在东北。

【颜注】应劭曰：育水出弘农卢氏，南入于沔。

【补注】先谦曰：后汉因。《续志》，加邑。《一统志》，故城今南阳县南六十里。

【编者按】治今河南南阳市南。

博山，侯国。

【补注】先谦曰：孔光国，表注顺阳。

哀帝置。故顺阳。

【颜注】应劭曰：汉明帝改曰顺阳。在顺水之阳也。师古曰：顺阳，旧名，应说非。

【补注】陈景云曰：据《孔光传》，封侯后十日，哀帝始即位，则博山封邑置自成帝，非哀帝也。吴卓信曰：《平当传》，察廉，为顺阳长，此旧名顺阳之证。先谦曰：后汉改顺阳。《续志》，故博山有须聚，应说改上，少一复字，致干颜驳耳。《一统志》，故城今淅川县东。《纪要》，东北三十里顺阳保。

【编者按】治今河南淅川县南。

涅阳，

【补注】先谦曰：吕腾国，高帝封，最，武帝封，见表。

莽曰前亭。

【颜注】应劭曰：在涅水之阳。师古曰：涅音乃结反。

【补注】先谦曰：《续志》，后汉因。《一统志》，故城今镇平县南。涅水，今照河。

【编者按】治今河南镇平县南。

阴，

【颜注】师古曰：即《春秋·左氏传》所云迁阴于下阴者也。与酈相近，今襄州有阴城县，县有酈城乡。

【补注】先谦曰：汪士铎云，阴在酈之东南。《续志》，后汉因。《一统志》，故城今光化县西。《纪要》，今汉水西岸古县城是。

【编者按】治今湖北老河口市北。

堵阳，

【补注】先谦曰：县人张释之，见本传。

莽曰阳城。

【颜注】韦昭曰：堵，音者。

【补注】先谦曰：县在秦名阳城，见《曹参传》。注，莽复故。《续志》，后汉因。《滴水注》，堵水自棘阳来，南迳小堵乡，谓之小堵水，东源方七八步，腾涌若沸，世谓之腾沸水，南流迳堵乡，为堵水，以水氏县，故有堵阳之名也。《地理志》曰，县有堵水（今志无此文）。堵水于县竭以为陂，南注为二湾，西为堵水，东为茱源，堵水流结两湖，有东陂、西陂之名。二陂所导，其水枝分东南，至会口入比，是以《地理志》堵水、比水皆入蔡，互受通称故也（今志无堵水入蔡之说，即比水入蔡亦应劭语）。二湖合为黄水，下仍入棘阳。《一统志》，故城今裕州东六里。

【编者按】谭其骧以为堵阳即陈胜乡里阳城。（见《长水集》）

治今河南方城县东。

雒，

【补注】先谦曰：秦县，见干宝《搜神记》。《续志》，后汉因。《一统志》，故城今南召县南。

衡山，沔水所出，东至郦入汝。

【颜注】师古曰：旧读雒，音弋尔反。而《太康地志》云，即陈仓人所逐二童子名宝鸡者。雄止陈仓为石，雌止此县，故名雒县。疑不可据也。郦音屋。

【补注】齐召南曰：汉无郦县，以《水经注》证之，郦字自是鄢字之讹。鄢，颍川郡属县也。然师古云，郦音屋，则唐初本已讹矣。钱大昕曰：鄢即今河南鄢城县，自师古误释，《广韵》、《集韵》始出郦字，云，地名，在南阳。皆谬也。

先谦曰：《说文》澧水出南阳雒衡山，东入汝，与志合。《汝水注》作醴，云醴水出雒县，亦云导源雒衡山（《沔水注》同），即《山海经》衡山也。郭景纯以为南岳，非也。马融《广成颂》曰：面据衡阴，指谓是山在雒县界，故世谓之雒衡山，东流历唐山下，又东南合皋水，下入叶。

【编者按】治今河南南召县东南。

山都，

【补注】先谦曰：高帝封王恬开为侯国，见表。《续志》，后汉因。《一统志》，故城今襄阳县西北。

【编者按】治湖北襄樊市襄阳区西北。

蔡阳，

【补注】先谦曰：战国魏地，秦昭襄王取之，见《秦纪》。

莽之母功显君邑。

【颜注】应劭曰：蔡水所出，东入淮。

【补注】吴卓信曰：《通志》，莽母城在今信阳市城北。先谦曰：《续志》，后汉因。《一统志》，故城今枣阳县西南。

【编者按】治今湖北枣阳市西南。

新野，

【补注】先谦曰：功臣阳信侯刘揭，外戚恩泽高乐侯师丹，新甫侯王嘉，阳新侯郑业（信新字通），《表》注新野，盖尝析置高乐、甫新、阳新三县。后汉因。《一统志》，故城今新野县南。

【编者按】治河南今县。

筑阳，故谷伯国。

【补注】先谦曰：《一统志》，谷城县西北谷山有谷伯墓，高后封萧延为侯国，见表。

莽曰宜禾。

【颜注】应劭曰：筑水出汉中房陵，东入沔。师古曰：《春秋》云，谷伯绥来朝。是也。今襄州有谷城县，在筑水之阳。筑音逐。

【补注】先谦曰：后汉因。《一统志》，故城今谷城县东。

【编者按】治今湖北谷城县东北。

棘阳，

【颜注】应劭曰：在棘水之阳。

【补注】先谦曰：战国时黄棘，楚

怀王、秦昭王会此，见《楚世家》。高帝封杜得臣为侯国，见表。后汉因。《一统志》，故城今新野县东北。

【编者按】治今河南新野县东北。

武当，

【补注】先谦曰：功臣平陵侯苏建，范明友《表》注武当，盖尝析置平陵县。后汉因。《一统志》，故城今均州北。武当山在州南百里。

【编者按】治丹江口市西北。

舞阴，

【补注】先谦曰：后汉因。《续志》，加邑。《一统志》，故城今泌阳县西北六十里。

中阴山，淶水所出，东至蔡入汝。

【补注】王念孙曰：蔡上脱上字。上蔡属汝南郡，沛郡有下蔡，故加上。《水经》云，淶水东过上蔡县南，东入汝，是其证。今淶水东北过上蔡县界，又东南过汝阳县，入汝。汉上蔡故城，在今上蔡县西。

先谦曰：《淶水》篇，淶水出沅阴县东上界山。注云，《山海经》谓之视水。郭注，视宜为淶，出葳山。许慎云，出中阳山，皆山之殊目也。东合泌水、杀水、沦水、奥水，下入汝南吴房。案此作中阴，《说文》作中阳，未知孰是。

【编者按】治今河南泌阳县北。

西鄂，

【颜注】应劭曰：江夏有鄂，故加

西云。

【补注】先谦曰：《续志》，后汉因。《河南通志》，故城今南阳县南。

【编者按】治今河南南阳市北。

穰，

【补注】先谦曰：楚别邑，秦得之，封公子悝为穰侯，后入韩，秦又取之，昭襄王与楚顷襄王会此，见《秦纪》、《韩世家》。县人宁成，见《酷吏传》。莽曰农穰。

【颜注】师古曰：今邓州穰县是也。音人羊反。

【补注】洪亮吉曰：《说文》，今南阳鄆县是。穰字本作鄆。《元和志》，以为取丰穰之意，非。先谦曰：《续志》，后汉因。《一统志》，故城今邓州东南。

【编者按】治今河南邓州市。

郾，

【补注】先谦曰：战国楚地，秦取之，见《楚世家》。高帝攻降之，见《高纪》。武帝封左将黄同为侯国，见表。《续志》，后汉因。《一统志》，故城今内乡县东北十里。

育水出西北，南入汉。

【颜注】如淳曰：郾，音臽，音臽之臽。

【补注】刘奉世曰：《吴芮传》，郾音郎益反。此乃音臽，如音非也。先谦曰：育亦作洧。《洧水》篇，洧水出弘农卢氏县支离山。注云，洧水导源东流迳郾县故城北，郭仲产云，郾县故城，在支离山东南，郾有二城，此北郾也（后魏析置南北郾，湍水迳南

郾城东)，下入雒。

【编者按】治今河南南阳市西北。

安众，侯国。

【补注】先谦曰：长沙定王子丹国，武帝封。

故宛西乡。

【补注】先谦曰：《续志》，后汉因。《一统志》，故城今镇平县东南。

【编者按】治今河南邓州市东北。

冠军，武帝置。故穰卢阳乡，

【补注】钱坫曰：《说文》，穰县有鄴乡，当即此。鄴卢声转。

宛临驰聚。

【颜注】应劭曰：武帝以封霍去病。去病仍出匈奴，功冠诸军，故曰冠军。驰音桃。

【补注】先谦曰：后汉因。《续志》加邑。《一统志》，故城今邓州西北四十里。

【编者按】治今河南邓州市西北。

比阳，

【颜注】应劭曰：比水所出，东入蔡。

【补注】段玉裁曰：比水与庐江郡潜县灊水异，本皆不误，赵一清改《水经》之比水为泚水，并《汉志》而改之，乃大误矣。比与泚别，非泚与泚别也。《后书·光武纪》，与甄阜、梁丘赐战于比水西。章怀注作泚水。泚阳县，唐加水旁也。比阳，比水所出，字不从水。庐江灊县，泚水所出，字从水，志本甚明了，赵氏欲改泚阳

泚水所出，真乃愤愤。

王念孙曰：作比者正字，作泚者或字，作泚者讹字也。若志文本作泚阳，则当音且礼反，今注内无音，则其为比字甚明。洪氏《隶释》载汉北军中侯郭仲奇碑云，举廉比阳长。又吉成侯州辅碑阴，有比阳张超，其字皆作比。《水经》云，比水东南过比阳县南（今本作泚，非。据新校本改），泚水从南来，注之。善长驳之云，比阳无泚水，盖误引寿春之泚泄耳。比与泚同音，故《水经》误以为寿春之泚水，若字本作泚，则不得有斯误。以此知《水经》之本作比也。又比水或谓之泌水，唐置泌阳县，即因水以立名（汉比阳故城即在今汝阳县西）。

比泌一声之转，犹寿春之泚水，或谓之泚水也。若本名泚水，则不得转而为泌矣。《后书·和帝纪》、《刘圣公传》、《东海恭王传》、《清河孝王传》，比阳字皆不误；而《章德窦皇后纪》、《桓帝邓皇后纪》、《窦融传》、《鲍昱传》，皆讹作泚阳（比或作泚，因讹而为泚）。《吕氏春秋·处分》篇（今本分讹作芳，据篇内三分字改），章子与荆人夹泚水而军，今本亦讹作泚水，盖后人多见泚，少见比，故泚讹作泚。然各史志中之比阳县，则无作泚阳者。《汉志》、《续志》、《晋志》、《宋志》、《后魏志》皆作比阳，正与汉碑相合。《光武纪》作泚。章怀注云，泚水在今唐州泚阳县南，音比，其言亦必有所据，乃赵氏皆以为非。而唯误本《水经》是从，慎矣。

先谦曰：《续志》，后汉因。《一统志》，故城今泌阳县西。

【编者按】治今河南泌阳县。

平氏，

【补注】钱大昕曰：五岳四渎之祠，皆载于志。平氏有淮水祠，独失书。传写有脱误。先谦曰：功臣若阳侯猛《表》注平氏，义阳侯卫山、傅介子《表》注同，盖尝析置若阳、义阳二县。

《禹贡》桐柏大复山在东南，淮水所出，东南至淮（陵）〔浦〕入海，

【补注】段玉裁曰：淮自平氏至入海，大致东北行，东多北少。班志、《说文》俱作东南，南字误。齐召南曰：淮陵当作淮浦，各本俱误。淮浦故城在今东安县，淮水于此入海，若淮陵故城，在今盱眙县西北，去海尚远。《水经》曰，淮水东至淮浦入海是也。

先谦曰：《淮水》篇，淮水出平氏县胎簪山，东北过桐柏山。注云，淮、醴同源俱导，西流为醴，东流为淮，潜流地下三十许里，东出桐柏之大复山南，谓之阳口，下入复阳。淮陵当作淮浦，临淮县，齐说是。《一统志》，桐柏山在今桐柏县西南三十里，大复山在县东三十里。桐柏支峰胎簪山，县西南三十里桐柏旁小山也。过郡四，

【补注】先谦曰：过南阳、汝南、六安、九江、沛、泗水、临淮，四当为七。

行三千二百四十里，青州川。

【补注】王鸣盛曰：行三千二百四

十里太远，当作二千。南监本误同。徐松曰：《禹贡锥指》引易氏曰：淮自桐柏至海，通计一千八百里，志三千，字误。

莽曰平善。

【补注】先谦曰：后汉因。《一统志》，故城今桐柏县西。

【编者按】治今河南桐柏县西北。

随，故国。

【补注】先谦曰：后汉因。《一统志》，故城今随州治。

厉乡，故厉国也。

【颜注】师古曰：厉读。

【补注】先谦曰：《溲水》篇，溲水出江夏平春县西。注云，溲水北出大义山南，至厉乡西，合赐水南迳随县，下入江夏安陆。赐水出大紫山，分二水，一迳厉乡南，水南有重山，即烈山也。山下一穴，父老相传是神农生处，故《礼》谓之烈山氏，亦云赖乡，故赖国也。赐水西南入溲，赐厉声近，宜为厉水矣。

【编者按】治今湖北随州市。

叶，楚叶公邑。

【补注】先谦曰：春秋战国属楚，秦昭襄王取之，见《秦纪》。后汉因。《续志》，有卷城。刘注，有叶公诸梁冢。《一统志》，故城今叶县南三十里。有长城，号曰方城。

【颜注】师古曰：音式涉反。

【补注】王念孙曰：有长城上原有南字，而今本脱之。《齐世家》，楚方城以为城。《索隐》云，《地理志》，叶

县南有长城。号曰方城，是其证。《左传》僖四年注亦云，方城山在南阳叶县南。

先谦曰：《续志》，有长山曰方城。《汝水注》，楚盛周衰，控霸南土，欲争强中国，多筑列城于北方，以逼华夏，故号此城为万城，或作方字。唐勒《奏土论》曰：世是楚也，世霸南土，自越以至叶垂，弘境万里，故号曰万城。余按春秋屈完曰，楚国方城以为城。杜预云，方城，山名。未详孰是。又《沔水注》，黄城溪水东北迳方城。郭仲产云，苦菜于东之间有小城，名方城，东临溪水，寻此城致号之由，当因山以表名也。苦菜即黄城，及于东通为方城矣，世谓之方城山。其水东入郢。盛弘之云，叶东界有故城，始犍县，东至淶水，达比阳界，南北联，联数百里，号为方城，一谓之长城云。郢县有故城一面，未详里数，号为长城，即此城之西隅，其间相去六百里，北面虽无基筑，皆连山相接，而汉水流其南，故屈完云然。先谦案，证之二志，后说为允。

【编者按】治河南今县南。

邓，故国。

【补注】先谦曰：邓侯吾离朝鲁，见《左桓传》。楚文王灭之，见《庄传》。韩、魏南袭楚至此，见《楚世家》。秦昭襄王取以封公子悝，见《秦纪》。秦为县，见《涑水注》。

都尉治。

【颜注】应劭曰：邓侯国。

【补注】徐松曰：《翟方进传》，翟义收缚宛令刘立，传送邓狱，盖义以

南阳都尉行太守事，都尉治于邓，故送邓也。先谦曰：后汉因。《一统志》，故城今襄阳县北。

【编者按】治湖北襄樊市襄阳区西北。

朝阳，莽曰厉信。

【颜注】应劭曰：在朝水之阳。

【补注】先谦曰：《续志》，后汉因。《白水》篇，白水出朝阳县西，东流过其县南。注云，应劭云，在朝水之阳，今朝水迳其北，不出其南，盖邑郭沦移，川渠状改也。白水入新野。《一统志》，故城今邓州东南八十里。

【编者按】治今河南邓州市东南。

鲁阳，有鲁山。

【补注】先谦曰：战国楚地，魏武侯取之，见楚、魏《世家》。后汉因。功臣辉渠侯仆朋《表》注，鲁阳，浑渠侯应沱注同，盖尝析置辉渠、浑渠二县。《涑水注》，有鲁山，县居其阳，故因名焉。《一统志》，故城今鲁山县治。山在县东十八里，为邑巨镇。

古鲁县，御龙氏所迁。

【补注】先谦曰：《左昭二十九年传》，刘累学扰龙，夏后使求之，惧而迁于鲁县，《汲郡古文》，孔甲七年，刘累迁于鲁阳。

鲁山，涑水所出，东北至定陵入汝。

【补注】王念孙曰：鲁山当为尧山，此涉上文鲁山而误。《说文》，涑水出南阳鲁阳尧山。《水经》，涑水出南阳鲁阳县西之尧山，皆本《地理志》。今

澧水出鲁山县西界之尧山，若鲁山，则在县东，非澧水所出。

先谦曰：定陵，颍川县。下同，澧一作泚，见《左僖传》。《澧水注》，尧之末孙刘累，迁于鲁县，立尧祠于西山，谓之尧山，故张衡《南都赋》曰：奉尧帝而追孝，立唐祠于尧山。山在太和川，太和城东北，澧水出焉。《一统志》，尧山在伊阳县西南。澧水今沙河。

又有昆水，东南至定陵入汝。

【颜注】师古曰：即淮南所云鲁阳公与韩战，日反三舍者也。澧音峙，又音雉（师古此注应移至前文，以注鲁山、澧水。先谦既在前文澧水以下插入补注，又置师古注于原处不动，遂造成颜注与班志本文、本注脱节现象，为保持补注本原貌，不予更动，谅读者亦能自明——编者按）。

【补注】王念孙曰：此下脱莽曰鲁山四字。县在鲁山之阳，故曰鲁阳，王莽因改为鲁山。《水经注》云，澧水又东迳鲁阳县故城南，王莽之鲁山也。是其证。先谦曰：《汝水注》，昆水出鲁阳县唐山，东南流，下入颍川昆阳。又《澧水注》，昔在于楚，文子守之，与韩遵战，有返景之诚。《寰宇记》，鲁阳公墓在东北，去县二十五里，有碑。《一统志》，昆水，今浑河，亦名万泉河。

【编者按】治今河南鲁山县。

舂陵，侯国。

【补注】先谦曰：长沙定王子买国，武帝封。

故蔡阳白水乡。上唐乡，故唐

国。

【颜注】师古曰：《汉记》云，元朔五年，以零陵泠道之舂陵乡，封长沙王子买为舂陵侯。至戴侯仁，以舂陵地形下湿，上书徙南阳，元帝许之。以蔡阳白水乡徙仁为舂陵侯。

【补注】王鸣盛曰：《王子侯表》戴侯名熊渠，孝侯名仁，师古引作戴侯仁，非。先谦曰：后汉改章陵。《续志》，世祖更名。《沔水注》，汉元帝以长沙卑湿，分白水、上唐二乡为舂陵县，光武即帝位，置园庙焉。白水于县合昆水，水北有白水陂，其阳有光武故宅，基地存焉，所谓白水乡也，苏伯阿望气处也。又《沔水注》，沔水自蔡阳来，东北迳上唐县故城南（县不知始置），本蔡阳之上唐乡，旧唐侯国，《春秋》唐成公如楚，是也。《一统志》故城今枣阳县治。唐城，今随州西北九十里。白水，今滚河。

【编者按】据长沙马王堆汉墓出土帛地图，舂陵原为长沙国属县，与《汉记》所云不同。

治今湖北枣阳市南。

新都，侯国。

【补注】先谦曰：南阳新野之都乡也。王莽国，平帝封。

莽曰新林。

【补注】先谦曰：后汉省。《续志》，新野有东乡，故新都。据此，县仍并入新野。《一统志》，故城今新野县东。

【编者按】治今河南新野县东。

湖阳，故廖国也。

【颜注】师古曰：廖音力救反。《左氏传》作𨾏字，其音同耳。

【补注】钱坫曰：《春秋传》作𨾏。《太康地记》，蓼国先在南阳。廖、𨾏、蓼三字通用。先谦曰：楚共王，宋平公会于此，见《纪年》。《高纪》作胡阳。外戚平周侯丁满《表》注湖阳，盖尝析置平周县。《续志》加邑。《一统志》，故城今唐县南八十里。

【编者按】治今河南唐河县南。

红阳，侯国。

【补注】先谦曰：王立国，元帝封。莽曰红俞。

【颜注】师古曰：俞音逾。

【补注】先谦曰：《续志》，后汉省。《一统志》，故城今舞阳县西北红山南。《纪要》，红山在城北，故名。

【编者按】治今河南叶县南。

乐成，侯国。

【补注】先谦曰：许延寿国，宣帝封。表属平氏，当是分平氏置。《续志》，后汉省。《一统志》，故城今邓州西南三十里。《纪要》，即乐乡城。

【编者按】治今河南邓州市西南。

博望，

【补注】先谦曰：战国齐地，三晋朝齐王于此，见《田齐世家》。齐宣王于此会赵伐魏，见《六国表》。

侯国。

【补注】先谦曰：张騫国，武帝封。许舜，宣帝封。

莽曰宜乐。

【补注】先谦曰：《续志》，后汉因。《一统志》，故城今南阳县东北六十里。

【编者按】治今河南南阳市东北。

复阳，侯国。

【补注】先谦曰：长沙顷王子延年国，宣帝封。

故湖阳乐乡。

【颜注】应劭曰：在桐柏下复山之阳。师古曰：复音房目反。

【补注】王鸣盛曰：下当作大，南监本误同。先谦曰：官本注，下作大，房作方。引宋祁曰，方，邵本作房。后汉因。《一统志》，故城今桐柏县东。

【编者按】治今河南桐柏县西北。

南郡

南郡，

【补注】全祖望曰：南郡，故楚地也。韩亦有南郡。《秦纪》昭襄王四十四年，攻韩南郡，取之，是也。盖与

楚接境之地，后殆并入。阎若璩曰：郡治江陵，以《郊祀志》知之。秦亦治江陵。先谦曰：《续志》，后汉治同。秦置。

【补注】先谦曰：昭襄王二十九年置，见《秦纪》。习凿齿《襄阳记》，秦并天下，自汉以南为南郡。

高帝元年更为临江郡，

【补注】钱大昭曰：郡，当作国。钱大昕曰：高帝元年，楚柱国共敖为临江王，都江陵，即南郡故地也，项羽所封，史家系之高帝耳。

五年复故。

【补注】钱大昕曰：敖子尉，为汉所虏，复为南郡。

景帝二年复为临江，

【补注】先谦曰：子哀王闾国。中二年复故。

【补注】钱坫曰：《王表》，哀王闾，二年立，三年薨，亡后。愍王荣，七年立，三年自杀。闾、荣，并景帝子，立又异时，是闾国在先，荣国在后也。志统举之。

莽曰南顺。属荆州。

【补注】先谦曰：《续志》，后汉因。属同。

户十二万五千五百七十九，口七十一万八千五百四十。

有发弩官。

【颜注】师古曰：主教放弩也。

县十八：

【补注】先谦曰：见《王子侯表》者，有尉文县，无考。

江陵，故楚郢都，楚文王自丹阳徙此。

【补注】徐松曰：楚相孙叔敖碑云，楚都南郢。南郢即南郡江陵县也。先谦曰：丹阳丹阳县。《楚世家》，文王

熊贲始都郢。《说文》，郢，故楚都。在南郡江陵北十里。《江水注》，今城，楚船官地也。春秋之渚宫矣。又《沔水注》，江陵西北有纪南城，楚文王自丹阳徙此，平王城之，班固言楚之郢都也。

后九世平王城之。

【补注】钱坫曰：在平王十一年。后十世秦拔我郢，徙（东）〔陈〕。

【补注】齐召南曰：东当作陈。此顷襄王二十一年事也。志于九江寿春邑自注曰，楚考烈王自陈徙此，即与此文相应，各本俱误。周寿昌曰：《楚世家》，秦将白起遂拔我郢。班引《史记》，多一我字未删。先谦曰：秦昌平君徙此，始皇游焉，并见《始皇纪》。莽曰江陆。

【补注】先谦曰：后汉因。《一统志》，故城今江陵县治。潜江半入江陵境。

【编者按】治湖北今县。

临沮，

【补注】先谦曰：《续志》，后汉因。《一统志》，故城今当阳县西北远安，汉临沮地。南漳、当阳，半入临沮境。《禹贡》南条荆山在东北，漳水所出，东至江陵入沔水，

【补注】先谦曰：《禹贡》山水泽地篇，荆山在临沮县东北，与志合。《漳水》篇，漳水出临沮县东荆山。注云，荆山在景山东百余里，新城沔乡县界（晋县）。虽群峰竞举，而荆山独秀（互见汉中房陵）。漳水东南流，下入编。又自编来，南历临沮县之章乡南，

下入当阳，至江陵，入阳水。酈氏驳之，见下。段玉裁谓阳水即沮水，调停之词。

阳水入沔，行六百里。

【颜注】应劭曰：沮水出汉中房陵，东入江。师古曰：沮水，即《左传》所云江、汉、沮、漳，楚之望也。音千余反。

【补注】先谦曰：案，阳水它无所见，惟《沔水注》有扬水，是扬非阳，亦与临沮无涉。吴卓信以为即阳水，非是。道元《漳水注》引志作阳不作扬也。王鸣盛以为即夏水，尤属臆揣。段谓阳水即沮水，则阳水入沔四字难通，此条盖有夺误，所当阙疑。

【编者按】治今湖北远安县西北。

夷陵，都尉治。莽曰居利。

【颜注】应劭曰：夷山在西北。

【补注】先谦曰：后汉因。《一统志》，故城今东湖县东。

【编者按】治今湖北宜昌市东。

华容，

【补注】先谦曰：《续志》，后汉因。《一统志》，故城今监利县西北。监利、石首，并汉华容地。

云梦泽在南，荆州藪。

【补注】先谦曰：云上当有禹贡二字。《禹贡》山水泽地篇，云梦泽在华容县东。《夏水注》，监利县土垠下（晋县，即今监利县治），泽多陂池，西南自州陵界，迤于云杜、沌阳，为云楚之藪。韦昭云，云楚在华容县。按鲁昭公三年，郑伯如楚，田江南之

梦。郭景纯言，华容县东南巴丘湖是也。杜预云，枝江县、安陆县有云梦，盖跨川亘隔，兼苞势广矣。

夏水首受江，东入沔，行五百里。

【颜注】应劭曰：《春秋》，许迁于容城，是。

【补注】先谦曰：《夏水注》，夏水自江陵来，东过华容县南，县故容城矣。北临中夏水，自县东北迤成都郡故城南（晋成都王颖国）。夏水东迤监利县南，合夏扬水，下入江夏云杜。吴卓信云，许迁之容城，在叶县西，故定四年许迁，后二年，郑因楚败灭许，华容在郢都侧，郑不得至此。酈承应误。先谦案，《一统志》，夏水自江陵东流，入监利界，又东入沔州界。一名长夏港，又名鲁湫江，又名大马长川，在监利东南三十里。

【编者按】治今湖北潜江市西南。

宜城，故鄢，惠帝三年更名。

【补注】先谦曰：战国楚地，秦昭襄王取之，见《秦纪》。《续志》，后汉因。《一统志》，故城今宜城县南。

【编者按】治湖北宜城市南。

郢，楚别邑，故郢。莽曰郢亭。

【补注】先谦曰：《续志》，后汉省。刘注江陵下云，东南有郢城，子囊所城。据此，县并入江陵。《一统志》，故城今江陵县东南。段玉裁云，楚有二郢，都曰郢，别邑曰郊郢。《左传》斗廉曰：君次于郊郢，以御四邑。杜注，郊郢，楚地。此必非郢都也。故

志前江陵下注，故楚郢都，此云楚别邑故郢，划然二县。故郢当作故郊郢。先谦案，酈注引即无郊字，非夺文也，称楚别邑，志文甚明，不必加郊。

【编者按】治今湖北江陵东北。

郢，

【颜注】孟康曰：音忌。师古曰：音其已反。

【补注】先谦曰：高帝封黄极忠为侯国，见表。后汉因。《禹贡》山水泽地篇，三澨地在郢县北沱，而志无之。《一统志》，故城今宜城县东北。

【编者按】治今湖北宜城市北。

当阳，

【补注】先谦曰：《续志》，后汉因。《一统志》，故城今当阳县治。

【编者按】治今湖北荆门市南。

中庐，

【颜注】师古曰：在襄阳县南，今犹有次庐村，以隋室讳忠，故改忠为次。

【补注】先谦曰：后汉因。《续志》，古卢戎。《沔水注》，沔水自襄阳来，东过中庐县，东合维水县，即春秋卢戎之国也。《一统志》，故城今襄阳县西南。南漳，汉中庐地。

【集释】王峻曰：注师古曰，隋置，讳忠，故改中为次。按两忠字下当作中。

【编者按】治湖北襄樊市襄阳区西南。

枝江，

【补注】先谦曰：后汉因。《一统志》，故城今枝江县东。

故罗国。

【补注】先谦曰：江水注其地，故罗国，盖罗徙也。罗故居宜城西山，楚文王又徙之于长沙。

江沱出西，东入江。

【颜注】师古曰：沱，即江别出者也。音徒何反。

【补注】先谦曰：《禹贡》山水泽地篇，荆州沱水，在枝江县，与志合。《江水注》，江水自夷道来，东过枝江县南，江汜枝分，东入大江。县治洲上，故以枝江为称。《地理志》曰：江沱出西，东入江，是也。盛弘之云，县旧治沮中，后移出百里洲，西去郡百六十里。县左右数十洲，槃布江中，百里洲最大，江水下入江陵。先谦案，据此，是枝江县治洲上，乃后所移，故江陵津乡，去枝江县治三里也。《一统志》引《寰宇记》云，百里洲首派别南为外江，北为内江。王晦叔云，枝江县百里洲，夹江、沱二水之间，其与江分处，谓之上沱；与江合处，谓之下沱。盖南江在古时为岷江之正流，江陵县西南二十里，有虎渡口，南江从此东南流，注于澧水，而北江则沱水也。其后北江渐盛，南江渐微，世反以南为沱，北为江矣。

【编者按】治湖北枝江市东北。

襄阳，莽曰相阳。

【颜注】应劭曰：在襄水之阳。

【补注】先谦曰：后汉因。魏源云，

襄乃沧浪急气呼之。《一统志》，故城今襄阳县治。

【编者按】治湖北襄樊市襄阳区。

编，有云梦官。

【补注】周寿昌曰：江夏郡西陵，亦有云梦官，此两官字，各本俱作官。案，宋洪迈《容斋随笔续集》引作云梦官，入汉郡国诸官条内。《四笔》云梦泽条内亦云《汉志》有云梦官。宋姚氏《西汉会要》，宋王氏《玉海》所引皆同，足证宋本实作官，不作宫。此亦如南海郡涯浦官，九江郡陂官、湖官之类，未可轻改作宫也。又案，《晋志》南郡编下，有云梦官四字，则晋时尚存此官。先谦曰：官本，官作官。

莽曰南顺。

【颜注】孟康曰：编音鞭。

【补注】先谦曰：后汉因。《一统志》，故城今荆门州界。吴卓信云，即高阳城也。晋隆安五年，移治许茂城在今南漳县。

【编者按】治今湖北荆门市北。

秭归，归乡，故归国。

【颜注】孟康曰：秭音姊。

【补注】先谦曰：据《水经注》，国上夺子字。《续志》，后汉因。《江水注》，江水自巫来，东过秭归县南，县故归乡，《地理志》曰，归子国也。乐纬云，昔归典叶声律。宋忠云，归即夔，归乡盖夔乡矣。楚有嫡嗣熊挚，以废疾不立而居于夔，为楚附庸，后王命为夔子，僖公二十六年，楚灭之。《一统志》，故城今归州治。归州、兴

山，并汉秭归地。

【编者按】治湖北今县。

夷道，莽曰江南。

【颜注】应劭曰：夷水出巫，东入江。

【补注】宋祁曰：巫字下当添山字。先谦曰：《续志》，后汉因。《江水注》，江水自夷陵来，东南过夷道县，合夷水，武帝伐西南夷，路由此出，故曰夷道。《一统志》，故城今宜都县西北。

【集释】《汉书疏证》引齐召南曰：按宋说非也。夷水出巫县巫山，志于巫县自注曰，夷水东至夷道入江是也。至夷道入江，则巫山岂在夷道乎？沈家本曰：应劭谓夷水出巫者即据巫县下所称夷水云云也。山字不当添。江南，《水经·江水注》作江湖。

【编者按】治今湖北宜都市。

州陵，莽曰江夏。

【补注】先谦曰：《续志》，后汉因。《江水注》，长洋港水东北迳石子冈，冈上有故城，即州陵县之故城也。《一统志》，故城在沔阳州东南，州地半入州陵境。

【编者按】治今湖北洪湖市东北。

若，楚昭王畏吴，自郢徙此，

【补注】先谦曰：昭王十二年徙，见《楚世家》。

后复还郢。

【颜注】师古曰：《春秋传》作郢，其音同。

【补注】先谦曰：后汉因。《续志》

作都。永平元年复。《沔水注》，沔水自宜城来，迳都县故城南，古都子之国也。秦楚之间，自商密迁此，为楚附庸，楚灭之以为邑。《一统志》，故城今宜城县东南。

【编者按】治今湖北宜城县东南。

巫，

【补注】先谦曰：楚为巫郡，见《国策》。秦昭襄王取之，及江南，为黔中郡，见《秦纪》。后汉因。《江水》篇，江水自鱼复来，东出江关，入南郡界，又东过巫县南。注云，江水自关东迳弱关、捍关。秦兼天下，置南郡，自巫东上，皆其域也。江水合乌飞水，又东迳巫县故城南，县故楚之巫郡也。秦省郡立县，以隶南郡。《一统志》，故城今巫山县东。巴东、恩施、咸丰、建始并汉巫县地。

夷水东至夷道入江，

【补注】先谦曰：《江水篇》江水过鱼复县南，夷水出焉。注云，县有夷溪，即佷山清江也。又《夷水注》，水色清照，十丈分沙石，蜀人见其澄清，因名清江也。昔廩君浮土舟于夷水，据捍关而王巴。夷水又东迳建平沙渠县（晋郡县），县有巫城水，南岸山道五百里，夷水历县东出焉。自沙渠县入，水流浅狭，裁得通船。夷水下入武陵佷山。

案，胡渭云，禹导江，不出三峡，并夷水而东，古时自巴入楚，避三峡之险，皆由此路。夷水受江处，不知何时湮塞。先谦昔奉使云南，由施南利川，出四川万县，则利川城外之夷水，道元所谓裁得通船，实亲见之

（即官渡河）。其上里许，有大山岩，横亘水上，有若飞梁，夷水入岩底而复出，始为通津，自岩以上，时隐时见，如野三场等处，绝壁悬险，百道争流，及前阻大山，则奔注地上，得孔即入，不知所届，谓之落水洞，邃古如兹，岂有昔通今塞之说。胡氏谬论，疑误后人多矣。班于巫县以上，不详夷水之源，酈则鱼复以西，未著分流之迹，皆录其地陷蛮中，纪述至慎，地理之学，非可臆测为能也。

过郡二，行五百四十里。

【补注】先谦曰：过南郡、武陵。

有盐官。

【颜注】应劭曰：巫山在西南。

【补注】先谦曰：《江水注》，巫溪水南有盐井。

【编者按】治今四川巫山县北。

高成。〔侯国〕

【补注】徐松曰：《说文》作高城。又勃海亦有高成。

涪山，涪水所出，东入涪。

【补注】先谦曰：《说文》，涪水出南郡高城县涪山，东入涪。《油水注》，涪水出高城县涪山，东迳其县，下入武陵孱陵。又《漳水注》亦有涪水，引《山海经》涪水出东北宜诸之山，南流，注于漳水。此别一涪水也。《一统志》，涪山，今名起龙山，松滋县西南八十里。涪水二源，一出山南，一出山北，合流东入王家湖，至公安县，入油河，今曰梅溪河。

【集释】钱大昕曰：志失注侯国。封长沙顷王子梁，表作高城。勃海亦

有高城县，与长沙太远。

繇水南至华容入江，

【补注】先谦曰：《江水》篇，江水又东南，油水从东南来，注之。注云，江水自武陵孱陵来，又东，右合油口，又迳公安县北，县有油水，水东有景口，即武陵郡界。又《油水》篇，油水出孱陵县西界。注云，油水东迳其县西，与浼水合。《一统志》，油水在公安县西。自松滋县流入，一名白石

水，今名油河。

过郡二，行五百里。

【补注】先谦曰：过武陵、南郡。

莽曰言程。

【颜注】师古曰：浼音危。繇读曰由。

【补注】先谦曰：《续志》，后汉省。《一统志》，故城今松滋县南。

【编者按】治今湖北松滋县南。

江夏郡

江夏郡，

【补注】先谦曰：据《江水注》，郡治安陆。《续志》，后汉治西陵。《元和志》唐云梦县东南，沮水之北，有江夏故城，周数里。据山川言之，此城南近夏水，余址宽大，汉郡所理也。此说存考。

【编者按】据严耕望，应治首县西陵，然无强证。严引日本学者日比野丈夫《西汉郡国治所考》云，“《汉书·王子侯表》云，安陆侯平，楚思王子，元始元年二月丙辰封，八年免。《地理志》不书侯国，是脱佚耳。前汉郡国治所不是侯国，且侯国亦无首书之实例，盖前汉与后汉同亦治西陵耳”今按，西汉江夏郡治容或是西陵，但暂无的据。日比野竟不知《地理志》所载侯国止于成帝元延末年，而严氏又竟持此为强证，适知二人皆未读《廿二史考异》矣。

高帝置。

【补注】先谦曰：《沔水注》，高帝六年置。全祖望云，楚汉之间，分九江置衡山郡，江夏旧属衡山，以吴芮都邾知之也。时属楚国。高帝五年属汉，以属淮南国。寻分衡山置郡。文帝十六年，复别属衡山国。（此时衡山国都六），武帝元狩元年，复故。

【集释】王国维曰：江夏属县半为衡山故属县，吴芮之王衡山，实都邾县。及芮徙长沙而衡山为淮南别郡，英布、刘长迭有其地，至文帝分王淮南三子而衡山复为一国。武帝初伍被为淮南王画策云，南收衡山以击庐江，有寻阳之船，守下雒之城，结九江之浦，绝豫章之口。寻阳为庐江属县，则下雒此时亦当属衡山，此四语者，实分指庐江、衡山、九江、豫章四郡，皆厉王时故城也。又云强弩临江而守，以禁南郡之下，则淮南所虑仅汉南郡之兵，不言江夏，武帝之初似尚无江夏郡。逮元狩元年衡山国除，次年于

其地置六安国，仅得衡山五县。江夏十四县当以衡山余县及南郡东边数县置之，则高帝时不得有江夏郡也。（见《汉郡考》，载《王国维遗书》）

【编者按】江夏郡当置于武帝元狩二年。武帝于元狩元年、二年，相继废除衡山、淮南、江都三国，并乘机将原属各侯国的诸郡领域作了调整，于是割衡山郡西部和南郡东部数县置江夏郡。王国维以为高帝时不得有江夏郡，所见极是。然则以为伍被四语乃分指四郡，则是据《汉志》为说，未尝深考。伍被的头一句话，明言衡山国地处淮南与庐江之间。时庐江、豫章早已属汉为郡，位于江南，与其他汉郡不相毗连，只有通过大江才能往来南郡。淮南王欲反，当然先要切断庐江与南郡的联系。而要做到这一点，就必须南向并吞衡山国，夺得一南一北控扼大江的下雒、寻阳两地，才能达到“结九江之浦，绝豫章之口”，即拦腰切断大江的目的。所以伍被四语指的其实是“南收衡山”以后的局面，这一局面形成了，才能“强弩临江而守，以禁南郡之下。”（参见《西汉政区地理》上篇第四章第二节）。属荆州。

【颜注】应劭曰：沔水自江别至南郡华容，为夏水，过郡入江，故曰江夏。

【补注】汪士铎曰：应注不分析。当云夏水首受江于华容，东至云梦入沔。先谦曰：后汉因，属同。

户五万六千八百四十四，口二十一万九千二百一十八。

县十四：

西陵，有云梦官。莽曰江阳。

【补注】先谦曰：《续志》，后汉因。《一统志》，故城今黄冈县西北。黄陂半入西陵境，孙吴所置。

【编者按】治湖北武汉市新洲区西。

竟陵，

【补注】先谦曰：楚泽出材，见《越世家》。秦昭襄三十年兵拔郢，东至此，见《白起传》。

章山在东北，古文以为内方山。

【补注】宋祁曰：章山上当添丘字。王鸣盛曰：章山，《尚书》郑注作立章山。《续志》同，或是别名，抑传写误分章头，别加立字也。先谦曰：宋说丘当为立，《沔水注》作章山。《括地志》同。《纪要》引《图经》云，一名障山。障即章声转之误。《晋书》，太安二年，华宏讨义阳贼张昌于江夏，败于章山，则章山为是。立衍字也。据宋说，知所见《汉书》各本，并无立字，误衍自郑注始耳。《禹贡》山水泽地篇，内方山在竟陵县东北。注云，《禹贡》章山也。《沔水注》，内方山系南郡当阳下。二县境相接，沔水中流，内方与当阳，同在沔北也。《一统志》，章山，今钟祥县西南，接荆门州界，周百里，亦名马良山。

郢乡，楚郢公邑。

【补注】先谦曰：据下引《沔水注》，郢乡即竟陵县城矣。志则自有郢乡，非即县也，疑道元稍未分晰。

莽曰守平。

【颜注】师古曰：音云。

【补注】宋祁曰：音云，当作郢音云。先谦曰：《续志》，后汉因。《沔水注》，巾水出县东百九十里，西迳巾城，又迳竟陵县北，入扬水，为巾口水，西有古竟陵大城，古郢国也。祁公辛所治，所谓郢乡矣。秦以为县。《一统志》，故城今天门县西北。钟祥、京山、天门，并汉竟陵地。潜江半入竟陵境。

【编者按】治今湖北潜江市西北。

西阳，

【补注】先谦曰：山阳郡亦有西阳侯国。《续志》，后汉因。《一统志》，故城今黄冈县东。黄安、麻城，汉西阳县地。黄冈半入西阳境。

【编者按】治今河南光山县西。

襄，

【补注】先谦曰：《高纪》，襄侯王陵，薛瓌以为此是封地。

莽曰襄非。

【补注】先谦曰：《续志》，后汉省。

【编者按】治所无考。

邾，

【补注】先谦曰：《续志》，后汉因。《一统志》，故城今黄冈县治。

衡山王吴芮都。

【颜注】师古曰：音朱，又音诛。

【补注】先谦曰：亦见《高纪》、《项羽传》。

【编者按】治今湖北黄冈市北。

软，故弦子国。

【颜注】孟康曰：音沃。师古曰：又音徒系反。

【补注】周寿昌曰：《说文》软，车箱也。从车大声。今从犬者误。《后汉书·王霸传》注，软音大。先谦曰：惠帝封黎朱仓为侯国，见表。《续志》，后汉因。《江水注》，江水自鄂来，东得次浦，左合巴水，为巴口。又迳软县故城南，故弦国，春秋僖五年，楚灭弦，弦子奔黄者也。先谦案，《一统志》，故城在蕲水县西四十里。吴卓信云，《左昭三十一年传》，吴围弦盖，楚复其国也。河南光州西南有弦城，盖因光山县西有侨置软县而误。《地道记》，谓弦国在西阳，非也。《通典》、《舆地广记》误承之。

【编者按】治今河南息县南。《一统志》所言故城乃晋永嘉以后所迁。

鄂，

【颜注】师古曰：音五各反。

【补注】先谦曰：《续志》，后汉因。《江水注》，江水自西阳来，江右岸有鄂县故城，旧樊楚地。《世本》，熊渠封其中子红为鄂王。《太康地记》以为东鄂矣。《一统志》，故城今武昌县治。武昌，汉鄂县地。兴国、大冶，半入鄂县境。

【编者按】治今湖北鄂州市。

安陆，

【补注】先谦曰：《续志》，后汉因。《一统志》，故城今安陆县北。安陆、云梦、应城、孝感，并汉县地。汉川、黄陂，半入安陆境。

横尾山在东北，古文以为倍尾山。

【补注】钱坫曰：郑康成云，山若横尾，故名。《史记》作负尾。负读为倍，犹莢读为倍也。先谦曰：《禹贡》山水泽地篇，陪尾山，在安陆县东北，与志合。胡渭云，《元和志》云，陪尾山，一名横尾山，在安陆县北六十里，淮水曷尝经此。禹导山至陪尾，盖实为泗水。泗之与淮，犹伊之与洛也。先谦案，《渭水注》，横尾山即《禹贡》之陪尾山也，承用志文。《一统志》，横尾山在今安陆县北六十里。

【编者按】治今湖北云梦县。

沙羨，

【颜注】晋灼曰：羨音夷。

【补注】先谦曰：沙羨始见《荀子·强国》篇。《续志》，后汉因。《一统志》，今江夏、汉阳、嘉鱼、蒲圻、咸宁、崇阳，并汉沙羨地。汉川半入沙羨境。

【编者按】《一统志》，故城今江夏县西南。先谦未注。

治今湖北武汉市武昌区西。

蕲春，

【颜注】晋灼曰：音祈。

【补注】先谦曰：《续志》，后汉因。《一统志》，故城今蕲州西北。蕲州、罗田、蕲水，并汉蕲春地，广济半入蕲春境。

【编者按】治湖北今县西南。

郢，

【颜注】苏林曰：音盲。师古曰：音萌，又音莫耿反。

【补注】先谦曰：郢塞，见《楚策》。一作渢阨，见《淮南·地形训》。亦作冥阨之塞，见《左定传》、《信陵君传》。《续志》，后汉因。《淮水注》，淠水自钟武来，东迳石城山北，山甚高峻。《史记》，魏攻冥阨。《音义》云，冥阨或言在郢县稍山。案，《吕览》九塞，其一也。淠水又迳郢县故城南，又迳义井冈南，入淮。《一统志》，今罗山县，汉郢县地。信阳州半入郢县境。故城在罗山西南九里。

【编者按】治今河南罗山县西。

云杜，

【颜注】应劭曰：《左传》，若敖取于郢，今郢亭是也。师古曰：郢音云。

【补注】先谦曰：官本注，于作弃，引宋祁曰：弃字，当作于字。《续志》，后汉因。《沔水注》，沔水自南郡当阳来，东南过云杜县东，合夏水，即堵口也。是为中夏水。县故郢亭，云土梦作义，县取名焉。县有云梦城，城在东北。《一统志》，故城今沔阳州西北。

【编者按】治今湖北京山县。

下雒，莽曰闰光。

【颜注】如淳曰：音羊氏反。

【补注】钱大昭曰：南阳有雒，故此加下。先谦曰：下雒见《伍被传》。《续志》，后汉因。《一统志》，故城今兴国州东南昌平乡。有下雒潭。通山，汉下雒地。兴国、大冶，半入下雒境。

【编者按】治今湖北阳新县东。

钟武。侯国。

【补注】先谦曰：长沙顷王子度国，宣帝封。钱大昕云，志有两钟武县，一属零陵，一属江夏。钟武为侯国，盖后来徙封，如舂陵侯本在泠道，后移于南阳也。

莽曰当利。

【补注】先谦曰：《续志》，后汉省。《后书》臧宫徇钟武竹里，下之。是后汉初犹有此县。《一统志》，故城今信阳州东南。

【编者按】治河南信阳市稍东南。

庐江郡

庐江郡，

【补注】先谦曰：郡属县，无江以南地，互见寻阳下。然《通鉴》胡注云，文帝分庐江国，在江南。庐江水出陵阳东南，而北入于江，陵阳属丹阳郡。金榜云，《淮南厉王传》，庐江王赐以边越，数使使相交，徙为衡山王，王江北。此庐江在江南之证。先谦案，郡称庐江，明以水氏，疑文帝时，郡跨江南。陵阳、黟、歙诸县，本其所属，其后诸县割隶丹阳，仅存庐江空名耳。此志文不载，可以理推者。庐江王都舒，则郡治亦当在舒。《续志》，后汉治舒。

【编者按】《汉志》所载行政区划乃反映西汉末年情势，与初年迥异，尤其诸侯王国部分。庐江郡在汉初，全境位于江南。至武帝元狩二年，撤消江南庐江郡，以其东部四县属鄣郡，亦改鄣郡为丹阳，以其余各县入豫章郡。同时，又于江北设立庐江新郡，以衡山郡东部与九江郡南部数县置。志上庐江郡即江北之新郡，详见《西汉政区地理》上篇第四章第三、四节。

故淮南，文帝十六年别为国。

【补注】全祖望曰：故属秦九江郡。楚汉之际分置郡，属九江国，见英布、扬雄《传》。高帝五年属汉，仍属淮南国。文帝十六年，别为庐江国，封淮南厉王子赐。景帝三年，赐徙衡山，复故。

【编者按】庐江王徙衡山乃景帝四年事，见《淮南王传》。

金兰西北有东陵乡，

【补注】周寿昌曰：志无金兰县，疑转写脱漏。综郡国领县核之，校《百官表》及本志后序之数，尚少九县，此盖其一也。

先谦曰：《禹贡》山水泽地篇，东陵地在金兰县西北，与志合。《决水注》，灌水导源金兰县西北东陵乡大苏山。据此，大苏山即东陵也。今商城县东南五十里。又《江水注》，利水出庐江郡之东陵乡，江夏有西陵县，故是言东。《尚书》云，江水过九江，至于东陵者也。先谦案，注虽未言金兰县，然与《决水注》符合，则知乡隶金兰不误。后世言东陵者，纷纷意揣，未

足据也。

阮元《浙江图说》云，灌水、利水，同出东陵一地。金兰附注郡下，则在郡治，盖后改为舒也。庐江治舒。据《续志》，舒县有桐乡。刘注，鹊岸在县。今桐城县在汉属舒。《通典》，宣城郡南陵有鹊州，即鹊岸。是汉舒地直达大江洲渚。《禹贡》江水过九江至于东陵东迤，实指至此东迤为南江也。江之南岸，正丹阳郡之石城，与班志石城受江，其义一也。汉六安蓼县在霍邱县西北，灌水自东陵至蓼，行五百一十里。今自桐城庐江至霍邱，正合五百里，则江至东陵东迤，即石城分水何疑。注又云，水积为湖（今马口、武山、连城诸湖皆是），湖西有青林山，谓之青林湖，湖水西流，谓之青林水，下入寻阳。

淮水出。

【补注】王念孙曰：出上脱所字，说见前伊水出下。淮当为灌，即下文灌水北至蓼入决者也。《决水注》，灌水导源庐江金兰县西北东陵乡大苏山（旧本此下有即淮水也四字，乃后人惑于误本《汉书》而妄加之，近时全氏、赵氏，皆为其所惑，今依新校本删），许慎云出雩娄县，褚先生所谓神龟出于江灌之间、嘉林之中（今《史记·龟策传》作在江南嘉林中，乃后人所改，辨见《史记》），盖谓此水也。灌水东北迳蓼县故城西，而北注决水也。故《地理志》曰：决水北至蓼入淮，灌水亦于蓼入决。据此，则淮水为灌水之误明矣（今灌水自商城县流入固始县界，北流入决水，大苏山在商城县东南，雩娄废县在商城县东北，蓼

县故城在固始县东北）。

全祖望、赵一清并以为班志原是淮字，淮水即灌水，非出桐柏之淮水也。案《说文》，灌水出庐江雩娄，北入淮。若灌水一名淮水，则是淮水入淮也。且信如全、赵之说，则志文上言淮水出东陵乡，下言灌水入决，一水而上下异名，学者何以知淮水之即为灌水乎。世人多闻淮水，寡闻灌水，故灌误为淮，不必曲为之说也。或又曰庐江郡下有灌水，雩娄县下复有灌水，非重出乎？曰非也。灌水出金兰西北东陵乡，是纪其所出也；灌水至蓼入决，是纪其所入也。志文固有一水而两见者，说见后北地郡下。

先谦曰：王说淮即灌，是矣。然改淮为灌，则非。径删即淮水也四字，以就已说，则谬矣。此淮水乃汉世俗讹，班虽知其非四渎之淮，而未明其即为灌水，故雩娄下注云，又有灌水，亦北至蓼入决。又有云者，特著之词，非承上之语也。《决水注》云，灌水导源庐江金兰县西北大苏山，即淮水也。正用志文。赵一清云，据志是淮水，淮即灌也，非出桐柏之淮，然其字相承已古，不可改而作灌。又云，志是淮字，道元故以释灌水，若破淮作灌，则以灌释灌，义岂可通？其说是也。盖此水数名，实缘音转字变。注又云，俗谓之浚水。又云，灌浚声相伦，习俗害真耳。《说文》溲水出庐江入淮，从水惠声。灌浚溲淮，音出一原，字经数变。班志此郡未有溲水，可悟《说文》之溲水，即此志之淮水，各据所闻见记之，而皆不知为灌水也（《说文》别出灌水）。知淮之即灌，自道元

发之（道元以浚为俗称，而不悟浚为濇之误字），后人乃反改郢注，以并改《汉志》，误之又误矣。

属扬州。

【补注】先谦曰：三字当在别为国下，传写误移之。《续志》，后汉因，属同。

庐江出陵阳东南，北入江。

【颜注】应劭曰：故庐子国。

【补注】先谦曰：陵阳，丹扬县。《庐江水》篇，庐江水出三天子都，北过彭泽县西北，入于江。注云，《山海经》三天子都，一曰，天子鄩。王彪之《庐山赋》叙曰，庐山，彭泽之山也。孙放《庐山赋》曰，丹阳郡南有庐山，九江之镇也。丹阳即宛陵县，有彭泽聚，是此彭泽耳。先谦案，彭泽，豫章县，道元以为彭泽聚，误。庐江水出处近丹扬，入江处不近丹扬也。渐江水出三天子都，在今黟县。庐江水出三天子都，在今婺源县，相去密迩，二水同发一地。入江者，入鄱阳湖，即彭蠡泽也。此水出婺源南流，入德兴后西流，志北字误。《一统志》庐源水即庐江水。

户十二万四千三百八十三，口四十五万七千三百三十三。

【补注】朱一新曰：汪本二作三。先谦曰：官本作三。

有楼船官。

【补注】钱坫曰：武帝时，杨仆为楼船将军，击南越、东越，故置官于此。

县十二：

【编者按】若增计金兰一县，则县

十二当为十三。

舒，

【补注】先谦曰：县人文翁、朱邑，见《循吏传》。

故国。

【补注】全祖望曰：当云故庐江王都。先谦曰：舒，始见《诗·鲁颂》。《左传》杜注，偃姓。洪亮吉云，《玉篇》引《春秋》云，徐人取郢。杜预云，今庐江郢县。案此，则舒又作郢。然《说文》止云郢，邑名。不云即庐江舒县。

莽曰昆乡。

【补注】先谦曰：后汉因。《一统志》，今庐江县地，故城在县西。

【编者按】治今安徽庐江县西南。

居巢，

【颜注】应劭曰：《春秋》，楚人围巢，巢国也。

【补注】先谦曰：秦为县。范增，县人，见《项羽纪》。作居鄩。《续志》，后汉因。《沔水》篇，沔水自豫章彭泽来，东北出居巢县南。注云，古巢国也。桀奔南巢，即巢泽也。《尚书》，周有巢伯来朝。

【编者按】治今安徽桐城市南。先谦本注《一统志》故城所在。

龙舒，

【颜注】应劭曰：群舒之邑。

【补注】先谦曰：《左传》，群舒叛楚。所谓舒鸠、舒庸者也。《续志》，后汉因。有龙舒山、龙舒水。《一统

志》，今舒城县地。故城今县治。龙舒山即龙眠山，在县西八十里。《寰宇记》，龙舒河出三角山，东北流。杜预云庐江西南有龙舒水，是也。《舒城县志》，有南溪，一名欧溪，发源县西孤井，东经七门堰，又经县城南，入巢湖即龙舒水也。

【编者按】治今安徽舒城县西南。

临湖，

【补注】先谦曰：《续志》，后汉因。《一统志》，故城今无为州西南八十里临壁山下临湖圩，是。

【编者按】治今安徽无为县西南。

雩娄，

【补注】先谦曰：楚东邑，与吴界，见左襄、昭《传》、《吴世家》注、《淮南子》。孙叔敖决期思之陂，灌雩娄之野。期思陂即芍陂也。《续志》，后汉因。《一统志》，故城今霍邱县西南，商城县东北。

决水北至蓼入淮，

【补注】先谦曰：蓼，六安县。《说文》，决水出大别山。《决水》篇，决水出雩娄县南大别山。注云，俗谓之檀公岵，盖大别之异名也。其水历山委注，北过其县东。《晋书·地道记》云，在安丰县之西南，即其界也。故《地理志》曰，决水出雩娄，下入六安安丰。《一统志》，决水出商城县牛山，今名牛山河。

又有灌水，亦北至蓼入决，

【补注】先谦曰：《说文》，灌水出庐江雩娄，北入淮。《决水注》，决水

又西北灌水注之。许慎云，出雩娄县。褚先生所谓神龟出于江灌之间，盖谓此水也。下入蓼。《一统志》，灌水，今名石槽河。

过郡二，

【补注】先谦曰：庐江、六安。

行五百一十里。

【颜注】师古曰：雩音许于反。娄音力于反。

【集释】杨树达曰：《封泥考略》卷六有雩娄丞印封泥，字作雩。雩古音同。《左传》作雩娄，汉自作雩娄，不得以《左传》改之。

【编者按】治今河南商城县东。

襄安，莽曰庐江亭也。

【补注】洪亮吉曰：今无为州北境有襄河，与全椒县界，则汉襄安之名，盖取襄水安流之义。先谦曰：《续志》，后汉因。江水自桐城来，左入无为州境，汉襄安地也，西对临湖，东下繁昌，旧置巡检司于此。江水北迳刘家渡，在今襄安镇南。镇，即县治也。

【编者按】治今安徽无为县西南。

枞阳，

【颜注】师古曰：音七容反。

【补注】先谦曰：武帝经此作歌，见《纪》。《续志》后汉省。吴卓信云，《御览》引谢承书云，刘骞除枞阳长。骞仕邓太后时，是安帝尚有枞阳。《晋书·陶侃传》，侃领枞阳令，而《晋志》无枞阳县，不可解。《名胜志》桐城县下引《水经注》云，枞阳湖水绕团亭，与江水合而东流。先谦

案，江水自皖来，左入桐城县境，汉枞阳地也。故城在桐城县东南一百里。

【编者按】治安徽今县。

寻阳，

【补注】阎若璩曰：汉寻阳县在大江北，今黄州府蕲州东淝水城是。东晋成帝移于江南，今九江府德化县西十五里是。杜佑云，温峤所移也。徐松曰：庐江郡无江以南地，洪氏亮吉立五证以明之。钱氏谓在九江府城西者误。

先谦曰：《续志》，后汉因。《一统志》，故城今黄梅县界。《地理通释》云，晋惠帝时，分庐江、武昌，立寻阳郡。治豫章之柴桑，而寻阳之名乱。成帝移江州治寻阳，而江南之寻阳著，江北之寻阳益晦，久之，遂废寻阳入柴桑。先谦案，江水自下雉来，富口之对岸为蟠塘镇，蕲州、广济，分界于此。广济以下，汉寻阳地也。

《禹贡》九江在南，皆东合为大江。

【补注】先谦曰：《禹贡》山水泽地篇，九江地在下雉县西北，与志异，详见志首。

【编者按】治今湖北武穴市东北。

灊，

【补注】先谦曰：后汉因。《泚水注》，潜者，山水名也。《开山图》，潜山围绕大山，为霍山。郭景纯云，潜水出焉，县即其称矣。先谦案，潜水出霍山西，东南流，入皖水，下入皖县。《一统志》，今霍山县，汉潜县地。

故城在县东北三十里。

天柱山在南。有祠。

【补注】先谦曰：《尔雅》，霍山为南岳。郭注，即天柱山，潜水所出。《禹贡》山水泽地篇，霍山为南岳，在庐江潜县西南。注云，天柱山也。《纪要》，一名皖公山。在潜山县西北二十里。祠见《郊祀志》。

泚山，泚水所出，北至寿春入芍陂。

【颜注】晋灼曰：音潜。师古曰：泚音比。又音布几反。芍音酌，又音鹄。

【补注】先谦曰：寿春，九江县。《泚水》篇，泚水出潜县西南，霍山东北。注云，《地理志》曰，泚水出泚山，不言霍山。泚字或作淝。先谦案，此以泚、淝为一水也。《淮水注》，淮水又东北，淝水注之。水出弋阳山南垂山下。又云，淮水又东，左合泚口。案此又以为二水。《说文》，淝水出汝南弋阳垂山，东入淮，从水界声。泚水出潜县西南，霍山东北，过六安县，东北入于淮，从水比声，与《淮水注》合。疑二水是也。《泚水注》全以泚为淝，今姑依而次之。淝水下入九江博乡。

《一统志》，淝水即泚水，今白沙河出霍山县南流。《寰宇记》云，出多智山，为坠星河。旧《志》云，水有二源，一出霍山，一出苏口，至九公山麓合流也。淝水北迳县西，绕县城而东，为化龙河，又北入颍州府霍邱县界，芍陂在寿州东南。

【编者按】治今安徽霍山县东北。

皖，

【补注】王鸣盛曰：皖从目。《后汉书·马援传》作皖，从日。李贤注，皖，今舒州怀宁县。俗作皖，遂盛行，幸《汉书》可考。先谦曰：官本作皖。后汉因。《续志》作皖。《寰宇记》，皖国偃姓，皋陶后。春秋时，楚灭之。《一统志》，故城今潜山县治。怀宁、潜山、太湖、望江，并皖县地。有铁官。

【颜注】师古曰：音胡管反。

【补注】宋祁曰：管，当作绾。先谦曰：《续志》，有铁。

【编者按】治今安徽潜山县。

湖陵邑，

【补注】吴卓信曰：自来地志未详，疑今太湖县。先谦曰：《续志》，后汉省。

北湖在南。

【补注】钱坫曰：今泊湖也。在望江县西四十里。合宿松、太湖二县诸

水，东入江。先谦曰：今案泊湖合大雷水，流与江通。本志末云，寿春合肥，受南北湖，则北湖又非泊湖矣。

【编者按】治所当在太湖县东，确址无考。

松兹，侯国。

【补注】先谦曰：《史表》，徐厉国，吕后封。六安共王子霸，昭帝封。

莽曰诵善。

【补注】先谦曰：《续志》，后汉省。《一统志》，故城今宿松县北五十里。其地曰仙田，有嘉禾，无种自生，故名。又县东北三十五里有旧县埠，其河亦曰旧县河。

【编者按】治今安徽宿松县东北。

[金兰]。

【编者按】周寿昌言金兰应为庐江郡属县（见前文），极是。县治当在今湖北罗田县北部，确址无考。

九江郡

九江郡，

【补注】先谦曰：据《淮水注》，秦立郡，治寿春，兼得庐江、豫章之地，故以九江名郡。汉淮南王都寿春，郡治亦当在此。《续志》，后汉治阴陵。秦置，

【补注】先谦曰：《江水注》，秦始皇二十四年置。

高帝四年更名为淮南国，武帝元狩元年复故。

【补注】全祖望曰：楚汉之际为九江国。高帝三年复属楚国，四年更名淮南国，以封英布。文帝六年为九江郡，十六年复为淮南国，武帝元狩元年，淮南王安国除，复故。又曰：英布以四年复封，然遥授耳，楚以周殷

守之，布不能取也。五年，殷叛，始得之。

莽曰延平。属扬州。

【颜注】应劭曰：江自庐江寻阳分为九。

【补注】先谦曰：应说九江与志异。《续志》，后汉因。属同。

户十五万五十二，口七十八万五百二十五。有陂官、湖官。

县十五：

【补注】先谦曰：郡人朱普、张邯、陈侠，见《儒林传》。

寿春邑，

【补注】先谦曰：秦县。刘贾围寿春，见《荆燕吴传》。淮南王都，见《五行志》。县人梅福，见本传。召信臣，见《循吏传》。后汉因。《续志》，无邑字。《肥水注》，芍陂自浚遒来，周百二十许里，在寿春县南八十里，孙叔敖所造。《一统志》，故城今寿州治。

楚考烈王自陈徙此。

【补注】先谦曰：考烈王二十二年，东徙，都寿春，命曰郢，见《楚世家》。

【编者按】治今安徽寿县。

浚遒，

【颜注】晋灼曰：音酋熟之酋。师古曰：浚音峻。遒，音才由反。

【补注】周寿昌曰：《晋志》浚作逡。先谦曰：后汉因。《一统志》，故城今合肥县东北清水桥。

【编者按】治今安徽肥东县东。

成德，莽曰平阿。

【补注】先谦曰：《续志》，后汉因。《肥水》篇，肥水出成德县广阳乡西。注云，吕忱《字林》，肥水出良余山，俗谓之连枷山，亦或以为独山也。《一统志》，故城今寿州东南。

【编者按】治今安徽寿县南。

橐皋，

【颜注】孟康曰：音拓姑。

【补注】先谦曰：《续志》，后汉省。又浚遒下刘注，《左传》会吴于橐皋。杜注，在县东南。据此，知并入浚遒。故县在浚遒东南也，橐皋河出合肥流槎山，入巢湖，见《名胜志》。《一统志》，故城今巢县西北。

【编者按】治今安徽巢湖市西北。

阴陵，

【补注】先谦曰：《续志》，后汉因。郡治。《淮水注》，淮水自曲阳来，北迳莫邪山西。山南有阴陵县故城，项羽夜驰渡淮，至阴陵，迷失道，陷大泽，灌婴追及之斯县者也。《一统志》，故城今定远县西北，城周三里，故址犹存。

莽曰阴陆。

【补注】钱坫曰：《通典》云，王莽改阳陵。先谦曰：《淮水注》亦作阴陆，《通典》盖误。

【编者按】治今安徽定远县西北。

历阳，都尉治。莽曰明义。

【补注】先谦曰：范增侯国，见

《项羽纪》。《续志》，后汉因。先谦案，江水自庐江居巢来，左入含山县境，汉历阳县地也。含山、和州与居巢，并以濡须水中流为界，江水左迳西梁山，与东梁山对峙，江险也。江水又东北，牛屯河水注之，又东北，姥下河水出历湖，迳姥下镇注之，又东北，太阳河迳太阳镇注之。江水又迳牛渚，又东北迳和州城东，汉历阳县治也。《十道志》，县南有历水，故曰历阳。《淮南子》，历阳之郡，一夕反而为湖，不知何世事也。

【编者按】治今安徽和县。

当涂，侯国。

【补注】先谦曰：魏不害国，武帝封。

莽曰山聚。

【颜注】应昭曰：禹所娶涂山侯国也，有禹虚。

【补注】钱大昭曰：侯字衍。先谦曰：《说文》龠，会稽山。一曰，九江当龠也。民以辛壬癸甲之日嫁娶。后汉因。《淮水注》，淮水自阴陵来，东北迳马头城（魏马头郡治），故当涂县之故城也。禹墟在涂山西南，县即其地也。《一统志》，故城今怀远县东南。

【编者按】治今安徽怀远县南。

钟离，

【补注】先谦曰：楚边邑，与吴边邑卑梁接界，见《楚世家》。周勃、灌婴共食钟离，见《勃传》。一作终黎，见《秦纪》。

莽曰蚕富。

【颜注】应劭曰：钟离，子国。

【补注】先谦曰：《续志》，后汉因。《淮水注》，淮水自沛义成来，东过钟离县北。《世本》云，钟离，嬴姓也。楚灭之，以为县。《左传》，吴公子光伐楚，拔钟离者也。《一统志》，故城今凤阳县东。

【编者按】治今安徽凤阳县东。

合肥，

【颜注】应劭曰：夏水出父城东南，至此与淮合，故曰合肥。

【补注】先谦曰：《续志》，后汉因。《施水注》，施水自成德来，东南流迳合肥县。应劭云，夏水出城父东南，至此与肥合，故曰合肥。阚骃亦言出沛国城父东，至此合为肥。余案川殊派别，无沿注之理，知应、阚二说非实证也。盖夏水暴长，施合于肥，故曰合肥，非实夏水也。《一统志》，故城今合肥县北金斗城。

【集释】王峻曰：应劭曰，夏水出父城东南至此与淮合，故曰合肥，陈云，按夏水当作夏肥水，父城当作城父。按《水经注》引应劭曰夏水出城父东南，至此与肥合。可见应说本无肥字。又酈道元谓夏水暴长施合于肥，非谓夏水自城父东迳合肥，应说亦非实证也。

【编者按】补注先谦之说与王峻之按语同，疑攘峻说而不宣。治今安徽合肥市。

东城，

【补注】先谦曰：秦县。葛婴于此立襄强为楚王，灌婴斩项羽于此，并

见《高纪》。文帝封淮南厉王子艮，武帝封居股为侯国，见表。

莽曰武城。

【补注】先谦曰：《续志》，后汉省。《一统志》，故城今定远县东南。和州半入东城境。

【编者按】治今安徽定远县东南。

博乡，侯国。

【补注】先谦曰：六安缪王子交国，元帝封。

莽曰扬陆。

【补注】吴卓信曰：《魏志》，吴朱异救诸葛诞，留辎重于都陆。《通鉴》胡注，都陆即扬陆也。先谦曰：《续志》，后汉省。《一统志》，故城今霍邱县南。

【编者按】治今安徽六安市西。

曲阳，侯国。

【补注】先谦曰：王根国，元帝封。莽曰延平亭。

【颜注】应劭曰：在淮曲之阳。

【补注】钱大昕曰：东海曲阳注，亦引应劭曰在淮曲之阳，二注当有一误。先谦曰：后汉因。《续志》曲上加西。《一统志》，故城今凤台县东北。

【编者按】治今安徽淮南市东。

建阳，

【补注】先谦曰：《续志》，后汉省。唐李吉甫《十道图》，清流县有建阳城。《一统志》，故城今滁州东四十里，来安半入建阳境。

【编者按】治今安徽来安县南。

全椒，

【补注】先谦曰：《续志》，后汉因。《一统志》，故城今全椒县治。来安半入全椒境。

【编者按】治安徽今县。

阜陵。

【补注】先谦曰：文帝封淮南厉王子安为侯国，见表。

莽曰阜陆。

【补注】先谦曰：《续志》，后汉因。《晋志》，明帝时沦为麻湖。《纪要》，历湖一名麻湖，则与历湖一事也。然历阳为湖，已见《淮南子》，非明帝时，《晋志》殆传讹耳。《一统志》，故城今全椒县东十五里。

【编者按】治今安徽和县西。

山阳郡

山阳郡，

【补注】先谦曰：据《济水注》，郡治昌邑。《续志》，后汉治同。阎若璩

云，昌邑国即治昌邑县，以《昌邑哀王髡传》知之。

故梁。

【补注】全祖望曰：故属秦砀郡。楚汉之际属楚国。高帝五年属汉，以属梁国。

景帝中六年别为山阳国。武帝建元五年别为郡。

【补注】先谦曰：景帝封梁孝王子定，九年薨，亡后国除。全祖望云，后为昌邑国（见昌邑下），宣帝本始元年复故，元帝竟宁元年复为山阳国，成帝河平四年复故。

【编者按】全云宣帝本始元年复故，当作昭帝元平元年。当年昭帝薨，昌邑王贺被征为昭帝后，二十七日而废，山阳国亦除为郡。

莽曰巨野。属兖州。

【补注】先谦曰：《续志》，后汉因。属同。

户十七万二千八百四十七，口八十万一千二百八十八。

【补注】徐松曰：《张敞传》言山阳郡户九万三千，口五十万以上。可知宣帝时户口，尚不如元始之盛也。有铁官。

【补注】吴卓信曰：《成纪》永始三年，山阳铁官徒攻杀长吏，盗库兵。县二十三：

【补注】先谦曰：见《王子侯表》，有邵县（《索隐》引）无考。郡人曹竟，见《鲍宣传》，张无故、张长安、张就见《儒林传》。

【集释】陈直曰：山阳郡故为昌邑国，所载各县，与居延木简所记戍卒山阳郡之籍贯，颇有出入。如居延汉简释文卷三有简文云：“昌邑国樊郭东里口”，《地理志》樊属东平国。又有

简文：“田率昌邑国西邠西夜里口”及“昌邑国东邠西安里丁口”，东邠、西邠二县，皆不见于《地理志》。

日比野丈夫曰：居延汉简中有：“昌邑东邠尘中里宋当时二百一十七口”，“戍卒昌邑国西邠西土里朱广德，假有有方一完”，“田率昌邑国邠灵里公士朱广年廿四”等简文，是证前汉武帝、昭帝时代，昌邑国除领有西防（即简文西邠，本志为西阳，详下）外，尚有东邠、邠二县。

昌邑，

【补注】先谦曰：秦邑。高帝初起；击之，见《高纪》。县人彭越，见《越传》。周亚夫击吴，坚壁县南，见《吴王濞传》。

武帝天汉四年更山阳为昌邑国。

【补注】先谦曰：《武五子传》，封子哀王髡，至孙贺，国除，复为山阳郡。

【编者按】贺为髡之子，非孙。先谦误。

有梁丘乡。《春秋传》曰：“宋齐会于梁丘”。

【补注】先谦曰：后汉因。《续志》有梁丘城。《一统志》，故城今金乡县西北四十里，梁丘城在成武县东北二十五里。

【编者按】治今山东金乡县西北。

南平阳，莽曰龟平。

【颜注】孟康曰：邾庶期以漆来奔，又城漆，今漆乡是。

【补注】钱大昭曰：泰山有东平阳，

故此云南。先谦曰：县人龚遂，见《循吏传》。后汉因。《泗水注》，泗水自瑕丘来，南过平阳县西，《纪年》梁惠成王二十九年，齐宋伐我东鄙，围平阳者也。《一统志》，故城今邹县治，本邾地，后为鲁平阳县，战国为齐南阳邑。

【编者按】治今山东邹城市。

成武，

【补注】先谦曰：秦县。高帝破东郡尉于此，见《高纪》、《周勃传》。

有楚丘亭。齐桓公所城，迁卫文公于此。子成公徙濮阳。

【补注】陈奂曰：成武楚丘，《春秋》戎伐凡伯于楚丘，是也。卫文所徙之楚丘，在东郡濮阳县西白马县东。郑志答张逸问曰：楚丘在河沛间，疑在今东郡界内，然则郑不从班说矣。盖此志误也。程公说、顾炎武、顾祖禹、赵一清皆能辨之。先谦曰：濮阳见东郡下。

莽曰成安。

【补注】先谦曰：《续志》，后汉改属济阴。《一统志》，故城今成武县治。

【编者按】治山东今县。

湖陵，

【补注】先谦曰：高帝初起攻之，见《高纪》。项梁追破秦嘉军于此，见《项羽传》。盖秦县。纪、传、志，湖胡互见，二字通用。亦见《五行志》。恩泽杨乡侯朱博《表》注湖陵，盖尝析置杨乡县。

《禹贡》，“浮于泗、淮，通于

河”，水在南，

【补注】王鸣盛曰：河，当作荷。今《尚书》误，与班志同。钱坫曰：《说文》，荷泽水在湖陵，即济水之下流也。《元和志》，荷水一名五丈沟，今鱼台县北十里，盖改流矣。段玉裁曰：当作《禹贡》，浮于淮泗，通于荷。荷水在南。志例，云《禹贡》荷水在南而已，而必举此七字，正以此荷水别于荷泽之荷也。

徐松曰：钱所据《说文》，误也。此《禹贡》徐州之荷水，其在沛阴定陶东者，《禹贡》豫州之荷泽。宋傅寅云，荷泽水，《说文》云在湖陵，班志云在定陶东，不同者，盖在定陶者，其泽也；在湖陵者，其流也。先谦曰：《禹贡》山水泽地篇，荷水在湖陆县南，与志合。河当作荷，说见下。《济水注》，荷水自方与来，东过湖陵县南，东入于泗，泽水所钟也。《尚书》曰：浮于淮泗，达于荷，是也。下入沛郡沛县。又《泗水注》，泗水自方与来，荷水注之，即济水所苞注以成湖泽也。莽曰湖陆。

【颜注】应劭曰：《尚书》一名湖。章帝封东平王仓子为湖陵侯，更名湖陵。

【补注】钱大昭曰：注，仓当作苍，陵皆当作陆。赵一清曰：一名湖之湖，亦当是荷字。盖应氏引《尚书》之荷，以证通于河之误。传写者讹而为湖，更名湖陵，陵当作陆。《郡国志》，湖陆，故湖陵，章帝更名。刘注，《前汉志》，王莽改曰湖陆，章帝复其号，晋以后总曰湖陆。

朱一新曰：赵说是。但云应氏引

《尚书》之荷，以证通于河之误，似未当。窃谓班氏通于河，当作通于荷。应注，一名湖，当作一名荷。盖应氏引《尚书》之荷，以证班志荷字即荷字之异文，非谓班志字误也。志中荷字多作荷，上文导荷泽，又东至于荷，济阴郡下《禹贡》荷泽在定陶东，是也。《五经文字》云，荷，古本一作荷。《泗水注》引亦作荷。《一统志》，故城今鱼台县东南六十里。

【编者按】治今山东鱼台县东南。

东缙，

【颜注】师古曰：《春秋》僖廿三年，齐侯伐宋围缙，即谓此，音旻。

【补注】先谦曰：《续志》，后汉因。《济水注》，荷水自昌邑来，东迳东缙县故城北。邹衍云，余登缙城以望宋都者也。荷水下入方与。《一统志》，故城今金乡东北二十里。

【编者按】治今山东金乡县。

方与，

【颜注】晋灼曰：音房豫。

【补注】先谦曰：春秋宋邑，见《楚策》。后入魏为郡。《楚世家》云，大宋、方与，二郡也。秦县。高帝起兵攻之，还军亢父，复至此，秦嘉亦至焉，见《高纪》、《陈胜传》。又见《五行志》。后汉因。《一统志》，故城今鱼台县北。

【编者按】治今山东鱼台县东。

囊，

【补注】先谦曰：有茅乡，见《五行志》。高帝封陈锺为侯国，见表。

莽曰高平。

【颜注】臣瓚曰：音拓。

【补注】全祖望曰：瓚音是也。师古于《功臣表》，以公老反音之，谬。先谦曰：后汉改高平。《续志》，故囊，章帝更名。刘注，章帝复莽此号。《一统志》，故城今邹县西南。

【编者按】治今山东邹城市西南。

巨野，

【补注】先谦曰：《续志》，后汉因。《一统志》，故城今巨野县南。

大野泽在北，兖州藪。

【补注】先谦曰：《禹贡》山水泽地篇，大野泽在巨野县东北。《尔雅》十藪，鲁有大野。彭越尝渔此，见本传。武帝时，河决瓠子，东南注泽，见《沟洫志》、《济水注》。何承天云，巨野湖泽广大，南通洙泗，北接清济，旧县故城，正在泽中，故置戍于此城。城之所在，则巨野泽也。衍东北出为大野矣，昔西狩获麟于是处也。胡渭云，巨野自汉至元，屡遭河患，及河南徙，泽遂涸为平陆。

【编者按】治山东今县东北。

单父，

【补注】先谦曰：《吕览》作亶父。宓不齐、巫马期，宰此。见《仲尼弟子传》及《说苑》。吕后父吕公，县人，见《高纪》。恩泽爰氏侯便乐成《表》注单父，盖尝析置爰氏县。

都尉治。莽曰利父。

【颜注】师古曰：音善甫。

【补注】先谦曰：《续志》，后汉改

属济阴。《一统志》，故城今单县南一里。

【编者按】治今山东单县。

薄，

【颜注】臣瓚曰：汤所都。

【补注】先谦曰：本宋邑；见《左传》。后汉改属梁。分置谷熟。《淮水注》，涣水自陈留蚬来，又迳亳城北。《世纪》云，谷熟为南亳，即汤都也。《一统志》，故城今曹县南二十余里。

【编者按】治今山东曹县南。

都关，

【补注】钱大昭曰：闽本注君美二字。都有美义，或莽曰君美欤。朱一新曰：汪本下有君美二小字，汪远孙谓君美上疑脱莽曰二字。此并脱君美二字。先谦曰：秦邑，周勃攻之，见本传。成帝时陨石二，见《五行志》。《续志》，后汉省。《瓠子河注》，濮水枝津于句阳入瓠河。《地理志》云，濮渠水至都关入羊里水者也。案，志山阳有都关县，今其城在廩丘城西，句阳、廩丘，俱属济阴，则都关无隶山阳理。又鄆都亦山阳属县，而京杜考地验城，又兼言在廩丘城南。推此而论，似志误矣，亦或疆理参差所未详。《一统志》，故城今濮州东南。

【编者按】治今山东鄆城县东北。

城都，侯国。

【补注】先谦曰：王商国，元帝封。莽曰城谷。

【补注】先谦曰：《续志》，后汉省。

《瓠子河注》，瓠河自东郡廩丘来，河北又有鄆都城。《春秋》，鄆侵卫。京相璠云，廩丘县南三十里，有鄆都故城。瓠河下入东郡黎。《一统志》，故城在濮州东南。

【编者按】治今山东鄆城县东南。

黄，

【补注】先谦曰：春秋晋邑。田庄子伐晋，毁黄城，见《齐世家》。战国属魏，赵敬侯拔之，复入魏，肃侯围之，见《赵世家》。

侯国。

【补注】先谦曰：梁敬王子顺国，元帝封。表注济阴，盖后来属。《续志》，后汉省。

【编者按】依推恩法，王子侯国例属汉郡。黄侯国初封当入山阳郡。竟宁元年，山阳置为王国，黄侯国遂别属济阴郡，至成帝河平四年，济阴置定陶国，又回属山阳郡。表注济阴之始末如此。

治今河南民权县东南。

爰戚，

【补注】先谦曰：秦邑。《曹参传》作辕戚。《史·正义》云，近亢。侯国。

【补注】先谦曰：赵长年国，宣帝封。

莽曰戚亭。

【补注】先谦曰：《续志》，后汉省。《一统志》，故城今嘉祥县西南。

【编者按】治今山东嘉祥县南。

郃成，侯国。莽曰告成。

【补注】宋祁曰：郃，当作邛。钱大昕曰：表未见封郃成者。《外戚侯表》，邛成侯王奉先。注云，属济阴。济阴距山阳近，疑宋说是也。

先谦曰：《说文》郃下云，周文王子所封国。邛下云，邛地在济阴县。案，此六字文不成义，段玉裁正为邛成济阴县。注云，《玉篇》邛字下曰：山阳邛成县。此邛成之确证。前汉时，容有改属，故表志不符。邛成之误郃成者，以莽曰告成之故也。《水经注》，黄沟东迳邛成县故城南，王莽更名之郃城。可证《汉志》本作邛。旧本邛讹作印，校者依今志，改邛城为郃成，改郃成为告成，非也。先谦案，志文传讹已久，犹幸班注侯国，与侯表邛成，足资参证。而《玉篇》及《水经》旧本，蛛丝马迹，尚于窥寻，段说精塙，当从之。

《续志》，后汉省。济阴成武下云，有郃城。知并入成武也。《泗水注》，黄水自成武来，东北迳郃城北。《春秋》，取郃大鼎于宋。《十三州志》，成武县东南有郃城，俗谓之北郃也。黄水下入平乐。丰水上源自梁睢阳来，东迳郃城县故城南，山阳县也。故世有南部、北部之论。泡水下入单父。《寰宇记》，南部在北部南二里。《一统志》，故城在成武县东南八十里。

【编者按】治今山东成武县东南。

中乡，侯国。

【补注】先谦曰：梁敬王子延年国，元帝封。《续志》，后汉省。

【编者按】治所无考。

平乐，侯国。

【补注】先谦曰：梁敬王子迁国，元帝封。《续志》，后汉省。《一统志》，故城在单县东四十里。

（淮）〔包〕水东北至（沛）〔沛〕入泗。

【补注】齐召南曰：案，沛非县名，盖沛字之讹。《水经》引此文云，泡水东北至沛入泗，是也。先谦曰：齐说是。淮当为泡。《说文》泡水出山阳平乐，东北入泗。《泗水注》，黄水自郃成来，东迳平乐县故城南，右合泡水，即丰水之上源也。时人又谓之狂水。狂黄声相近，俗传失实也。自下黄水又兼通称矣。丰水上源自单父来，东迳平乐县，右合泡水。泡水二源，一上承睢水于梁下邑界，而东北注；一上承睢水于梁杼秋界，北流，世谓之瓠卢沟水，积为渚，东北流。二渠双引，俗谓之二泡。左合丰水，自下丰泡并得通称。故《地理志》曰，平乐侯国，泡水所出，下入沛郡丰。

【中华校】按景祐、殿本“淮”都作“包”。

【补注】王峻曰：淮一作包。按当作泡。

【编者按】治今山东单县东。

郑，侯国。

【补注】先谦曰：梁敬王子罢军国，元帝封。《续志》，后汉省。

【编者按】今地无考。

瑕丘，〔侯国〕。

【颜注】应劭曰：瑕丘在西南。

【补注】先谦曰：恩泽褒成侯孔均《表》注瑕丘，盖尝析置褒成县。县人大江公、萧奋，见《儒林传》。陈汤见本传。《续志》，后汉因。《泗水注》，泗水自鲁来，西过瑕丘县东，屈从县东南流。鲁邑，春秋之负瑕矣。《一统志》，故城今滋阳县西二十五里。

【编者按】瑕丘乃侯国，志失注。武帝元朔三年封鲁共王子政，传至六世，《王子侯表》未有国除之载。同日所封之宁阳侯类此，而志注侯国（见下），可见瑕丘乃失注。钱大昕氏以为，沛郡之敬丘即政所封瑕丘侯国，误。无论敬丘远离鲁国，不可能为鲁王子封国，且志明有瑕丘一县，又蜜迓鲁国，何必以敬丘张冠李戴？此是钱氏偶有不察耳。瑕丘侯国初置时别属山阳郡（其时鲁国北有济北国，西有济东国），天汉四年山阳郡建为昌邑国，乃改属大河郡（居延汉简有“大河郡瑕丘”之名，大河乃济东国后身）。宣帝甘露二年大河郡建东平国，又回属山阳郡。

治今山东兖州市偏北。

留乡，侯国。

【颜注】师古曰：音侧其反。

【补注】先谦曰：梁敬王子就国，元帝封。表注济南。《续志》，后汉省。

【编者按】今地无考。

栗乡，侯国。

【补注】先谦曰：东平思王子护国，成帝封。
莽曰足亭。

【补注】先谦曰：《续志》，后汉省。

【编者按】今地无考。

曲乡，侯国。

【补注】先谦曰：梁荒王子凤国，成帝封。表注济南。《续志》，后汉省。

【编者按】今地无考。

西阳。

【补注】吴卓信曰：今金乡县西有西阳城，本春秋宋防邑。隐十年，败宋取防。杜注，高平昌邑县西南有西防城，是也。《后书·刘永传》，拜西防贼帅山阳佼强为横行将军。章怀注，西防县，在宋州单父县北。二《汉志》无西防县，而山阳郡有西阳县，疑阳为防之讹。

侯国。

【补注】先谦曰：东平思王子并国，成帝封。表注东莱。《续志》，后汉省。

【编者按】吴卓信之疑有一定道理，但不全面。山阳郡在武、昭时代的确领有西防县，西防又作西郡，已见居延汉简（见前引）。然西阳又并非西防之讹，因为《汉表》明有西阳侯之载，不可能志表两讹。推想成帝时以西防封东平思王子，而更名西阳。因封侯而改地名之例并不乏见。鲁王子侯国宁阳、合阳乃由宁乡、合乡所改，阳是美称，侯国的一般县名以阳为名者极为普遍，并不都是表示位于水北山南。《汉表》西阳侯下注东莱，乃错格而致。东莱应是西阳侯下一格，胶东共王子堂乡侯国所在。

治今山东金乡县西。《中国历史地图集》已改西阳作西防，似可不必。

济阴郡

济阴郡，

【补注】先谦曰：彭越王梁，都定陶。郡治当亦在此。《续志》，后汉治定陶。

故梁。

【补注】全祖望曰：故属秦碭郡。楚汉之际属楚国。高帝五年属汉，以属梁国。

景帝中六年别为济阴国。

【补注】先谦曰：封梁孝王子不识。《济水注》，汉景帝以济水出其北，东注，分梁于定陶，置济阴国，指北济而定名也。周寿昌云，不识死，无子，国废为郡，在武帝建元三年。观济川王废，国除为陈留郡，济东王废，国除为大河郡，皆不以还梁国可知。

【编者按】济阴国除为郡在景帝后元年，不在武帝建元三年。周寿昌《汉书注校补》亦未有建元三年云云，此必先谦误引。

宣帝甘露二年更名定陶。

【补注】先谦曰：封子噐为王，后徙楚。全祖望云，黄龙元年复故，成帝河平四年复为定陶国，哀帝建平二年复故。

《禹贡》荷泽在定陶东。

【补注】钱大昭曰：湖陵但有荷水，非泽所钟，故载于此。《禹贡》之导荷泽，正在定陶。先谦曰：荷荷两作，详山阳湖陵注。《禹贡》山水泽地篇，

荷泽在定陶县东，与志合。《纪要》，荷泽在今曹州府城东南三十里。据《括地志》，唐时名龙池，亦名九卿陂。属兖州。

【颜注】师古曰：荷音柯。

【补注】先谦曰：官本注，柯作和。《续志》，后汉因。属同。

户二十九万二千〔十〕五，口百三十八万六千二百七十八。

【中华校】景祐、殿本“千”都作“十”。

县九：

【补注】先谦曰：郡人侯嘉，见《两龚传》。

定陶，

【补注】先谦曰：故陶，范蠡止焉，称陶朱公，见《越世家》。秦魏冉益封陶为诸侯，见《秦纪》、《穰侯传》。秦为定陶县，高帝与项羽攻之，见《羽传》。章邯破杀项梁于此，见《高纪》、《羽传》。彭越为梁王所都，见《高纪》。县人魏相，见本传。《续志》，后汉因。《济水注》，南济自冤句来，东北迳定陶恭王陵南，又迳定陶县故城南，侧城东注。县，故三郛国也，汤伐三郛即此。《一统志》，故城今定陶县西北四里。

故曹国，周武王弟叔振铎所封。

【补注】先谦曰：详《曹世家》。

《左传》鲁哀八年，宋灭之。

【集释】谭其骧曰：志叙沿革、史迹，往往详古而略今。定陶是汉高祖即帝位之地，又是汉初梁孝王以前的梁国国都，志皆不及。

《禹贡》陶丘在西南。

【补注】先谦曰：《禹贡》山水泽地篇，陶丘在定陶县西南，与志合。《说文》，陶丘，再成丘也。在济阴。陶丘有尧城，尧尝居此，故号陶唐氏。《一统志》，陶丘在今定陶县西南七里。

陶丘亭。

【补注】王念孙曰：陶丘亭三字，文义未明。其下盖脱在南二字（《诗谱正义》所引，已与今本同。）《济水注》，菏水东迳陶丘北，《地理志》云，《禹贡》陶丘，在定陶西南（今本讹作《禹贡》定陶西南有陶丘，据新校本改），陶丘亭在南。是其证。

【编者按】治今山东定陶县稍西北。

冤句，

【补注】吴卓信曰：《封禅书》、《绛侯世家》，本书《侯表》、《靳歙传》作冤胸，《卢绾传》及《晋志》并作宛句。古通用。《孝武纪》作宛侯，《郊祀志》作冕侯。冕即冤之讹，侯句声近也。先谦曰：吕后封楚元王子执为侯国，见表。县人陈豨，见《豨传》。莽改定陶曰济平，

【补注】钱坫曰：改郡名。《后书·耿纯传》，父艾为莽济平大尹。

冤句县曰济平亭。

【颜注】师古曰：句，音劬。

【补注】先谦曰：后汉因。《一统

志》，故城今菏泽县西南。

【编者按】治今山东曹县西北。

吕都，莽曰祁都。

【补注】先谦曰：《侯表》周吕侯吕泽，《索隐》，济阴有吕都县。《纪要》，或云吕后割济南郡，封吕台为吕王，都于此，因置县。《续志》，后汉省。《一统志》，故城今菏泽县西南吕陵集。

【编者按】治今山东菏泽市西。

葭密，

【颜注】师古曰：葭，音家。

【补注】先谦曰：鲁季孙会晋侯，取葭密，见《纪年》。齐田忌破魏师于此，见《田齐世家》。《续志》，后汉省。《一统志》，故城今菏泽县西南葭密寨。

【编者按】治今山东菏泽市西北。

成阳，

【补注】先谦曰：《瓠子河注》，雷泽东南即成阳县，故《史记》曰：武王封弟叔武于成。应劭云，其后乃迁于成之阳，故曰成阳也。本秦邑，有城阳君，见《秦纪》，高帝与项羽攻屠之，见《高纪》、《羽传》。曹参击王离于此，见《参传》。《续志》，后汉因。《一统志》，故城今濮州东南。

有尧（家）〔冢〕灵台。

【补注】钱大昭曰：家当作冢。郑氏《诗谱》云，昔帝尧尝游成阳，死而葬焉。钱坫曰：后汉尧母碑文云，尧母庆都，感赤龙而生尧，遂以侯伯恢践帝（下有阙文）。庆都仙歿，盖葬

于兹，欲入莫知，名曰灵台，上立黄屋，尧所奉祠。据之，则灵台，尧母冢也。碑建宁五年造。

先谦曰：官本，家作冢。《瓠子河注》，成阳城西二里有尧陵，南一里有尧母庆都陵，于城为西南，称曰灵台。二陵南北列，驰道迳通，以砖砌之，尚修整。尧陵东城西五十余步，中山夫人祠，尧妃也。祠南有仲山甫冢，于城为西南，在灵台东北。

【中华校】景祐、殿、局本“家”都作“冢”。

《禹贡》雷泽在西北。

【补注】先谦曰：《禹贡》山水泽地篇，雷泽在成阳县西北，与志合。《瓠子河注》，瓠河自句阳来，左迳雷泽北。其泽藪在大成阳县故城西北十余里，即舜所渔也。泽之东南，即成阳县。泽西南十许里，有小山，名历山，山北有陶墟。郭缘生言，舜耕陶所在。郑玄云，历山在河东，今有舜井。余谓郑言为然。定陶西南陶丘，舜所陶也，不言在此。瓠河下入东郡廩丘。《一统志》，雷泽，今濮州东南接菏泽县界。《曹诗谱疏》引此作雷夏泽。

【编者按】治今山东鄄城县东南。

鄄城，

【补注】先谦曰：故曰鄄，《史记》或作甄。春秋卫地，见左庄、襄、昭、哀《传》。战国赵成侯伐齐于此，遂取之，见《赵世家》。后入齐，赵又取之，再入齐，宣王会魏惠王于此，见《田齐世家》。

莽曰鄄良。

【颜注】师古曰：鄄音工椽反。

【补注】先谦曰：《续志》，后汉因。《河水注》，河水自东郡畔观来，东迳鄄城县北，故城在河南十八里，河上之邑，最为峻固。河水下入东郡范。《一统志》，今濮州东二十里旧城集。虞喜《志林》以为庞涓死马陵，在县东北六十里。

【编者按】治山东今县北。

句阳，

【颜注】应劭曰：《左氏传》句渚之丘也。师古曰：音钩。

【补注】先谦曰：后汉因。《济水注》，句渚首受濮水枝渠于句阳县东南，迳句阳县故城南，春秋之谷丘也。《左传》以为句渚之丘。县处其阳，故县氏焉。句渚下入乘氏。《一统志》，故城今菏泽县北句阳店。

【编者按】治今山东菏泽市北。

稭，

【补注】王鸣盛曰：《说文》庇，从广稭声。济阴有庇县。此作稭，误。先谦曰：武帝封商丘成，昭帝封金日磾为侯国，见表。

莽曰万岁。

【颜注】孟康曰：音妒。

【补注】先谦曰：《官本考证》云，妒，监本讹如，从宋本改正。《续志》，后汉省。成武下刘注，《地道记》有稭城，知并入成武也。《一统志》，故城今成武县西北。

【编者按】治今山东成武县西北。《图集》已改稭为庇，似可不必。秦汉以前地名，因同音而通假者，屡见不鲜，不必因《说文》异说而改志。

乘氏。

【补注】先谦曰：故乘丘。战国赵地。三晋伐楚，至此而还，见《周纪》。齐取之，见《魏策》。景帝封梁孝王子买为侯国，见表。后汉因。《一统志》，故城今巨野县界。

泗水东南至睢陵入淮，

【补注】先谦曰：泗当作荷。《济水注》以志云出乘氏县为非，则《汉书》承讹已久。《济水注》，荷水自定陶来，合济后，复出东南，右合黄沟支流，又迳乘氏县故城南，县即春秋宋乘丘邑也。《地理志》曰，乘氏县，泗水东南至睢陵入淮。《郡国志》曰，乘氏有泗水。此乃荷泽也。《尚书》有导荷泽之说，自陶丘北，东至于荷，无泗水之文。又曰，导荷泽，被孟猪，在睢阳县东北。《十三州记》云，不言入而言被者，明不常入也，水盛方乃复被矣。泽水淼漫，俱钟淮泗，故志有睢陵入淮之言，以通苞泗名矣。然诸水注泗者多，不止此，可以终归泗水，便得擅通称也。或东有泗水，亦可是水之兼，其日所未详也。

荷水下入山阳昌邑，黄沟支流自昌邑来，东北于乘氏县西而北注荷水。先谦案，荷水之源，具见《济水注》中，注云，南济自济阳又东北，荷水东出焉。又云，荷水上承济水于济阳东，世谓之五丈沟。一云，荷水分济于定陶东北，又《经》云，济水东至乘氏县西，分为二，其一水东南流，其一水从县东北流入巨野泽。注云，南为荷水，北为济渚，骤观之，似导源济阳、定陶、乘氏三县，然三县地

境相接，荷水只是一源，滥觞于五丈沟，至定陶而通行，乘氏乃为巨川耳。睢陵当作淮阴，说见彼注。

【集释】谭其骧曰：泗水似应作“荷水”，或作“沛水”。据《水经注》，此水首受济，东出汇为荷泽，又自泽东出，下流会泗入淮。首受沛，故可称：“沛水”，承荷泽之下流，故可称“荷水”。荷水之名见于《禹贡》（今本《尚书》作“河”，疑传写脱艸头。或曰，古河荷通用。），应为此水之正称。此水东至山阳方与（今鱼台北）会泗水，又东至湖陵（今鱼台东南）会南梁水；本志鲁国卞县（今泗水东）下“泗水西南至方与人沛”，蕃县（今滕县）下“南梁水西至湖陵入沛渠”，则志文“泗”应作“荷”；山阳湖陵下“《禹贡》‘浮于淮泗，通于河（荷）’，水在南”，则志文“泗”应作“荷”。《水经注》亦或作“济”，或作“荷”。且此水下流既与泗水会，宜无亦名泗水之理。但许慎亦称“泗受沛水”（说文），郑玄亦称“泗出乘氏”（《史记·夏本纪》集解引），则可见汉人的确又称此水为“泗水”，志文不误。

志又称此水“东南至睢陵入淮”，而卞县的泗水则西南至方与人沛，沛即此水，可见班固以此水为泗水的主源，反以出于卞县的著称于汉以前古籍的真正的泗源为支流，这也是一件怪事。是不是班固搞错了呢？也没有错。看《说文》谓“泗受沛水，东入淮”，郑玄注泗水不说出卞县而说出乘氏，足证许、郑心目中的泗水，同样以来自乘氏一水为主源。《水经》对方与以下二水会合后的下流既称“泗水”

于泗水篇，又称“济水”于济水篇，二水一视同仁，也并不是断来自卞县的泗水为主源。由此可见以乘氏出济之水即荷水为泗水主源，在汉代即便不是定说，至少是相当普遍的说法。

汉人为什么称此水为泗水，又为什么会把此水认为是泗水的主源呢？这可能与当时的水道交通路线有关。因为这条水是从春秋以来沟通济、泗，也就是沟通中原与东南之间的一条关键水道。中原人自西徂东，不出鸿沟，就必出此水。他们习闻泗水是东方的大水，却不很熟悉这条介在济、泗之间的荷水，由于此水下流入泗，因而就有人误称此水为泗水，久而久之，遂成为中原人对此水的通称；也有人由于此水出于沛而称之为沛水的，但比较不通行；而原来的正确的名称荷水，竟反归湮没。所以班固在乘氏下叙此水源流正式称之为“泗”，又在方与、湖陵下提到它的别称“沛”却只在湖陵下用释古的语气说此水就是禹贡的“荷水”，倒是正确地反映了当时的实际情况，一点也没有错。既认此水为泗，而此水的上源来自黄河，由河入济，由济入此水，它的水量很可能比方与以上来自卞县的泗水要大些，这就很自然地使汉人认为此水是泗水的主源了。

自湖陵以下，汉时泗水又东南经沛县（会泡水，见本志山阳平乐下）、彭城（会获水，见梁国蒙县下）、下邳（会桐水，见东海容丘下；会治水，见泰山南武阳下；会沂水，见泰山盖县下；会术水，见琅邪东莞下）、取虑（会睢水，见陈留浚仪下），这一段大

致和《水经注》里的泗水亦即金、元黄河夺泗以前的泗水是相同的。但《水经注》以后的泗水明明是在汉淮阴、泗阳二县之间，即今淮阴县境入淮的，而本志称“东南至睢陵入淮”，睢陵故城在今睢宁县南，因此从前许多学者都认为班固又记错了，志文“睢陵”应作“淮阴”。

到底错了没有？只要用《水经》的记载对照一下，便很明白。《水经》叙济水作“又东南过徐县（今盱眙县西北约六十里）北，又东至睢陵县南入淮”，与班说同；叙淮水作“东至淮阴县西，泗水从西北来注之”，淮阴之西，就是睢陵之南。若说汉志错了，那末《水经》也错。汉志记载简单，“睢陵”二字犹有可能是“淮阴”之误，《水经》记载较详，难道徐县北、睢陵南、淮阴西都是错的？这是不可能的事。可见汉志记载之所以和《水经注》以后的泗水经流有所不同，决不是汉志错了，却是由于水道变了。汉时泗水自取虑（故城在今睢宁县西南）以下，显然和后代的泗水不同：前者在西，后者在东；前者经徐县，后者不经徐县；前者经睢陵之南，后者经睢陵之北了；前者入淮处在睢陵南，东接淮阴界，后者入淮处在淮阴北，泗阳东南。正因为古泗水出睢陵南，泗阳县境在水北，所以秦、汉初置此县时命名“泗阳”而不名“泗阴”。

过郡六，

【补注】先谦曰：过济阴、山阳、沛、楚、临淮，六当为五。

【编者按】志过郡六，不错。先谦

误，脱东海郡。

行千一百一十里。

【颜注】应劭曰：春秋败宋师于乘丘，是也。师古曰：睢音虽。

【补注】先谦曰：应说，颜又引见泰山乘丘下。《一统志》云，酈注乘氏

宋乘丘邑，则似以乘丘为宋地，考《左传》，乘丘之役，公子偃自郕门出，则乘丘去鲁城不远，以为宋地，恐未必然。颜注两引，亦自相矛盾。

【编者按】治今山东巨野县西南。

沛郡

沛郡，

【补注】钱坫曰：《说文》作郝，正字。沛。借字。先谦曰：据《睢水注》，郡治相。《续志》，后汉治同。

故秦泗水郡。

【补注】先谦曰：《睢水注》，始皇二十三年置。

高帝更名。

【补注】先谦曰：《睢水注》，高帝四年更名。全祖望云，楚汉之际，属楚国。高帝二年属汉，更名，以属梁国。景帝后以支郡收。

【编者按】高帝更名之事并无旁证。泗水郡于汉称彭城郡（以项羽都彭城之故而改名），汉六年以封楚元王。景帝三年，元王之后楚王戊反诛，其地本应尽入于汉，但因文景二代皆“尊宠元王”，故立其少子礼为楚文王，以续元王后。但楚文王并不尽有元王之封域。景帝在吴楚之乱平定以后，乘势收夺各王国支郡，并借更徙诸侯，复置王国之机，分置新郡以属汉。沛郡可能即以此时分彭城郡南部大半置，而以北部小半复置楚国。此例非只其

一，尚有分济北置平原，分胶东置东莱，分邯鄲置魏郡之举，参见各该郡之按语。全祖望云沛郡高帝二年属汉更名，无据；以为沛郡先属梁国，则大谬。汉初异姓彭越梁国仅有碭郡，高帝子恢之梁国亦只有东、碭二郡，绝无沛郡之属。

莽曰吾符。属豫州。

【补注】先谦曰：《续志》，后汉为沛国。属同。

户四十万九千七十九，口二百三万四百八十。

县三十七：

【补注】先谦曰：见《侯表》者，有浮丘、陵乡，釐乡三县无考。郡人施讎、戴崇、翟牧、邓彭祖、高相、唐林、唐尊、褚少孙、闻人通、汉庆普、蔡千秋，见《儒林传》。

相，

【补注】先谦曰：春秋宋邑，战国入楚。《国策》，黄歇说秦昭王，魏出攻铎、碭、萧、相，故宋必尽也。司马迁屠之，见《高纪》。曹参所定，见

本传。县人陈万年、薛广德，见本传。

【集释】杨树达曰：李慈铭云，《魏书·地形志》相县，有相山，是因山名县。

莽曰吾符亭。

【补注】先谦曰：《续志》，后汉因。《一统志》，故城今宿州西北。

【编者按】治今安徽濉溪县西北。

龙亢，

【颜注】晋灼曰：亢，音冈。

【补注】先谦曰：恩泽方阳侯孙宠《表》注龙亢，盖尝析置方阳县。《续志》，后汉因。《一统志》，今怀远县西北七十五里龙亢集。

【编者按】治今安徽怀远县西北。

竹，莽曰笃亭。

【颜注】李奇曰：今竹邑。

【补注】先谦曰：秦竹邑。曹参所定，见《参传》。《续志》，后汉因，加邑。《一统志》，故城今宿州北二十五里符离集。

【编者按】治今安徽宿州市北。

穀阳，

【颜注】应劭曰：在谷水之阳。

【补注】先谦曰：武帝封冯谖为侯国，见表。《续志》，后汉因。《一统志》，故城今灵璧（璧）县西南。

【编者按】治今安徽固镇县稍西北。

萧，

【补注】先谦曰：秦县，见《元和志》。高帝与司马卬战萧西；项羽从

萧，晨击汉军，并见《高纪》。曹参定之，见《参传》。《续志》，后汉因。《获水注》，获水自朶来，东过萧县南，县南对山，谓之萧城南山。戴延之谓同孝山，云取汉阳城侯刘德所居里名，目山也。城东西南三面临侧获水，故沛郡治，县亦同居矣。获水合箕谷水，东迳同孝山北，山阴有楚元王冢。又合净净沟水，下入楚彭城。《一统志》，故城今萧县西北。

故萧叔国，宋别封附庸也。

【补注】吴卓信曰：《唐世系表》，宋戴公生子衍，字乐父，裔孙大心，平南宫长万有功，封于萧以为附庸，自是遂为国。《左》庄二十三年，萧叔朝公，宣十二年，楚伐萧，萧溃，后还为宋邑。定十一年，宋公之弟辰，入于萧以叛，是也。先谦曰：战国入楚，见相下。

【编者按】治安徽今县西北。

向，

【补注】先谦曰：《续志》，后汉因。《一统志》，故城今怀远县东北四十五里。

故国。《春秋》曰“莒人入向”。姜姓，炎帝后。

【颜注】师古曰：音响。

【补注】先谦曰：《阴沟水注》，《世本》，许州向申，姜姓也，炎帝后。案，顾炎武云，《春秋》隐二年，莒人入向。桓十六年，城向。宣四年，伐莒取向。哀二十年，仲孙宿会莒人，盟于向。杜隐二年注，龙亢县东南有向城。宣四年注云，向，莒邑。东海

承县东南有向城，疑远。窃以为实一地也。先为国，后并于莒，而或属莒，或属鲁，则以摄乎大国之间耳。承县固远，龙亢在今凤阳之怀远，则更远矣。惟于钦《齐乘》言，今沂州西南百里向城镇，近之。

【编者按】治今怀远县西北。

铨，

【颜注】师古曰：铨，音竹乙反。

【补注】先谦曰：齐邑。百里奚乞食于此，见《秦纪》。秦为县。县人董缙、宋留，见《陈涉传》。《续志》，后汉因。《淮水注》，涣水自酇来，东迳铨县故城南，昔吴广起兵，使葛婴下之。涣水又合苞水，下入蕲。苞水自酇来，东迳稽山北，（嵇康夫人自会稽迁铨县，居此）入涣。《一统志》，故城今宿州西南四十六里。

【编者按】治今安徽濉溪县南。

广戚，侯国。

【补注】先谦曰：鲁共王子将国，武帝封。楚孝王子勋，成帝封。

【编者按】先谦之说大谬。依推恩法，诸侯王可以王国地分封子弟，但王子侯受封之后，侯国须别属汉郡。若广戚先封鲁共王子，而别属沛郡，则已非鲁国地，更非楚国地，何能用封楚王子？鲁共王子将之国，元鼎五年已除为县，故此广戚侯国必是楚孝王子勋之国，而与鲁共王子将无涉。将之封国乃东海戚，参见《西汉政区地理》上篇第一章第五节。

莽曰力聚。

【补注】先谦曰：《续志》，后汉改

属彭城。《一统志》，故城今沛县东。

【编者按】治今江苏沛县东。

下蔡，

【补注】先谦曰：《续志》，后汉改属九江。《一统志》，故城今凤台西北三十里下蔡镇。

故州来国，为楚所灭，后吴取之，

【补注】吴卓信曰：《左》成七年，吴人州来，至昭四年，然丹城州来以备吴。迭属吴楚，二十三年，鸡父之战，楚师奔，州来遂为吴有，封季札于此，为延州来。

至夫差迁昭侯於此。

【补注】何焯曰：昭侯上脱蔡字。王鸣盛曰：南监本亦脱，于误如。《春秋》哀二年迁也。

后四世侯齐竟为楚所灭。

【补注】先谦曰：《蔡世家》，侯齐四年，楚惠王灭之，竟字当衍。

【编者按】治今安徽凤台县。

丰，莽曰吾丰。

【补注】先谦曰：秦邑。魏王假徙此，见《魏世家》。高祖，中阳里人，见《高纪》。县人卢绾，见《绾传》。樊哙破泗水监于此，见《哙传》。后汉因。《续志》，西有大泽，高祖斩白蛇于此，有粉榆亭。刘注，案前志注，粉榆社在县东北十五里。今案，注见《郊祀志》。《一统志》，故城今丰县治。

【编者按】治江苏今县。

酇，

【补注】先谦曰：景帝封周应为侯国，见表。

莽曰单城。

【颜注】孟康曰：音多。

【补注】宋祁曰：单，当作留。段玉裁曰：单之音多，其音古矣。《史记·周勃传》、《史汉二·侯表》、《水经注》，皆同。《集韵》、《类篇》本之，不可易。徐松曰：全氏《经史问答》，据《汉书·周勃传》引苏林单多寒翻，以驳之，非也。毛本无寒翻二字。先谦曰：单多双声，俗呼转变。段徐说是。后人纷纷辨难，适形其陋。《续志》，后汉因。《一统志》，故城今鹿邑县西南七十里单城集。

【集释】杨树达曰：单从单声。单古音在寒部，读入歌部，音如多，此古音歌寒二部对转之理。单、𠂔、𠂔三字皆从单声，单读代何切，𠂔读徒何切，𠂔读丁可切，与单读如多为例正同。王申段、徐，是也，而云俗呼转变，则昧于古音之说也。

【编者按】治今安徽涡阳县东北。

雋，

【补注】先谦曰：《周纪》，武王封神农后于雋。《通典》云，即此。后为陈邑，楚成得臣取之，见《左传》。

莽曰延成亭。

【补注】先谦曰：《续志》，后汉因。《一统志》，故城今亳州治。

【编者按】治今安徽亳州市。

蕲，

【补注】先谦曰：王翦破楚项燕于

此，见《楚世家》。有大泽乡，陈胜起此，见《胜传》。恩泽富民侯车千秋《表》注蕲，盖尝析置富民县。

蕲乡，高祖破黥布。

【补注】朱一新曰：此与下文垓下高祖破项羽文例正同。《淮水注》自增字，或据以正班志，非。

都尉治。莽曰蕲城。

【颜注】师古曰：蕲，音直羔反。

【补注】先谦曰：蕲，《高纪》作缶，《史记》作甌。苏林音垂，并误。此字音是也。垂上声。《续志》，后汉因。《一统志》，故城今宿州南蕲县乡蕲县集。

【编者按】治今安徽宿州市东南。

𡗗，莽曰贡。

【颜注】师古曰：𡗗，亦音贡。

【补注】先谦曰：《孔光传》作虹。后汉因。《续志》作虹。《一统志》，故城今五河县西。

【编者按】治今安徽五河县西。《图集》作虹。

辄与，莽曰华乐。

【补注】先谦曰：《续志》，后汉省。

【编者按】今地无考。

山桑，

【补注】先谦曰：后汉改属汝南。《阴沟水注》，北肥水出山桑县西北，泽薮东南，左右翼佩数源，异出同归，东南迳山桑邑南，俗谓之北平城，又东迳山桑县故城南，俗谓之都亭，非也。今城内东侧，犹有山亭桀立，陵

阜高峻，非洪台所拟，《十三州志》所谓山生于邑，其亭有桑，因以氏县者也。《一统志》，故城今蒙城县北。

【编者按】治今安徽蒙城县北。

公丘，

【补注】先谦曰：秦滕县，夏侯婴为令，因号滕公，见《婴传》。后分蕃县，属鲁；至武帝分置公丘，见《元和志》、《肇域记》。《续志》，后汉因。《泗水注》，南梁水枝流，自鲁国蕃来，西迳滕城北，高帝封夏侯婴为侯国。邓晨（应为邓展见《夏侯婴传》——编者按）云，今沛郡公丘也。其水又溉于丘焉。县故城在滕西北，城周二十里，内有子城，按《地理志》即滕也。齐灭之，秦以为县，世以此水溉我良田，遂及百秭，故有两沟之名。《一统志》，故城今滕县西南十四里。侯国。

【补注】先谦曰：鲁共王子顺国，武帝封。

故滕国，周懿王子错叔绣所封，三十一世为齐所灭。

【颜注】师古曰：《左氏传》云，郕、雍、曹、滕，文之昭也。《系本》亦云，错叔绣，文王子，而此志云懿王子，未详其义耳。

【补注】王念孙曰：景祐本，错叔绣下有文公二字。案景祐本是也。今本无文公二字者，后人以滕文公不当与祖同谥而删之也。不知子孙不可与祖父同名，未当不可同谥。周公之谥曰文，固与文公同谥矣。鲁之文公，又与周公同谥矣。推之他国，亦多有

此，岂得凭臆妄删乎。《泗水注》，公丘，《地理志》周懿王子错叔绣文公所封也，正与景祐本同（《路史》后纪十，叔绣下亦有文公二字）。钱坫曰：宋忠云，滕国，沛国公丘是。

【编者按】滕为秦县，汉初因之，高帝以夏侯婴为县令，故号滕公，并非封在滕县，夏侯婴所封在汝阴，《泗水注》以为在滕，大谬。《水经注》叙汉侯国所在，屡错不鲜，不可轻信。武帝时，分滕县置公丘侯国，以封鲁共王子顺，滕县其余部分另置为蕃县，故汉志遂无滕县之目。先谦误以为滕县先分蕃县，再分公丘，若然，则滕县仍应列于《汉志》之中。既《汉志》不见滕县，可见在武帝时一分为二，以滕更名公丘矣。

【编者按】治今山东滕州市西南。

符离，

【补注】先谦曰：楚之南寨，见《国策》。秦为县。县人葛婴，朱鸡石，见《陈涉传》，王孟，见《游侠传》。武帝封路博德为侯国，见表。《尔雅》莞，苻离也。地多此草，故名。见《元和志》。先谦案，苻离之苻，当从草，据莽改符合，取符合之义，似从竹已久矣。

莽曰符合。

【补注】先谦曰：《续志》，后汉因。《一统志》，故城今宿州治。《纪要》，州北二十五里符离集。

【编者按】治今安徽宿州市东北。

敬丘，（侯国）。

【颜注】应劭曰：《春秋》遇于犬

丘。明帝更名（犬）[大]丘。

【补注】汪士铎曰：下犬当为大。先谦曰：武帝封鲁共王子政为侯国。钱大昕云，表，政封瑕丘侯，疑即此敬丘也。山阳郡有瑕丘县，然不云侯国。后汉因。《续志》作太丘。《一统志》，故城今永城县西北。

【中华校】景祐、殿本“犬”都作“大”。

【编者按】《王子侯表》无封在敬丘者。鲁共王子政所封在瑕丘，志山阳郡又有瑕丘县，近鲁，是瑕丘当为侯国而志失注。敬丘之名既与《侯表》不合，又复远离鲁国，不当为鲁王子所封，故此处侯国二字必误注无疑。钱大昕惑于瑕丘不注侯国，而此注侯国。遂以敬丘当瑕丘侯之封，此乃千虑之一失耳（互见瑕丘下）。

治今河南永城县西北。

夏丘，

【补注】先谦曰：千章侯遇更封夏丘，见表，即此。外戚孔乡侯傅晏《表》注，夏丘，盖尝析置孔乡县。

莽曰归思。

【补注】先谦曰：《续志》，后汉改属下邳。《一统志》，故城今泗州治。

【编者按】治今安徽泗县。

洨，侯国。

【补注】先谦曰：赵敬肃王子周舍国，武帝封。又高后封吕产亦在此。辨见表。

垓下，高祖破项羽。

【补注】王念孙曰：垓下下，脱聚

字。《续志》，洨有垓下聚，高祖破项羽。《淮水注》，洨县有垓下聚，汉高祖破项羽所在也。皆本《地理志》。《高纪》围项羽垓下。李奇云，沛洨县聚，邑名也。此言垓下聚，而《高纪》但言垓下者，犹上文言砀乡高祖破黥布，而《黥布传》但言砀也。此记各县乡聚之名，则必当言砀乡，垓下聚矣。故垓下聚在今凤阳府灵璧（璧）县南五十里。

莽曰（有）[育]成。

【颜注】应劭曰：洨水所出，南入淮。师古曰：洨，音肴。

【补注】先谦曰：官本有成作育成。王念孙云，有、育，当为肴字之误也。师古云，洨，音肴。是洨肴同音，故莽改洨为肴成，犹上文郾县之改郾城，蕲县之改蕲城也。《水经注》作育成，亦后人以误本《汉书》改之。新校本改为肴城，是也。《续志》，后汉因。《一统志》，故城今灵璧（璧）县南五十里。《县志》，今濠城集。案壕城即肴成之音转字变，亦有当为肴之一证。

【中华校】景祐、殿本有都作“育”。

【编者按】治今安徽固镇县东。

沛，

【补注】先谦曰：孔子南之沛，见老聃，见《庄子》。秦县。县人萧何、曹参、王陵、周勃、樊噲、周繇、周昌、任敖，见本传。高帝封代王喜子濞为侯国，见表。后汉因。《续志》，有泗水亭。《泗水注》，泗水自山阳湖陵来，东过沛县东，昔许由隐于沛泽，即是县也。县取泽为名。宋灭，属楚。

在泗水之滨，于秦为泗水郡治。黄水注之（即泡水、丰水别称），泗水南迳沛县东，县治故城南垞上，东岸有泗水亭，高祖为泗水亭长，即此亭也。

《通鉴》胡注，沛郡治相县，而沛自为县。汉时人谓沛县为小沛。《一统志》，故城今沛县东。

有铁官。

【补注】先谦曰：亦见《五行志》。

【编者按】治江苏今县。

芒，莽曰博治。

【颜注】应劭曰：世祖更名临睢。睢水出焉。师古曰：芒，音莫郎反。睢，音虽。

【补注】先谦曰：官本，博治作传治。《水经》同。高帝封酈跽为侯国，见表。《续志》，临睢故芒，光武更名。《一统志》，故城今永城县东北甫城乡，俗呼大睢城。

【编者按】治今河南永城县北。

建成，侯国。

【补注】先谦曰：吕释之国，高帝封。长沙定王子拾，武帝封。黄霸，宣帝封。曹参号建成君，见《参传》。《索隐》以为此县。《续志》，后汉省。《一统志》，故城今永城县东南。

【编者按】治今河南永城县东南。

城父，

【补注】先谦曰：陈夷邑，楚取之，见《左僖传》，后改名城父，见《昭传》。章邯杀陈胜于此，见《秦纪》。刘贾屠之，见《项羽传》。高帝封尹恢

为侯国，见表。

夏肥水东南至下蔡入淮，

【补注】先谦曰：《淮水注》，夏肥水上承沙水城父县，右出，东南流。迳城父县故城南，王莽之思善也。《左传》，然丹迁城父人于陈，以夷濮西田益之，言夷田在濮水西者也。然则濮水即沙水之兼称，得夏肥之通目矣。夏肥水自县东迳思善县故城南（后汉分城父立），又为高陂，又为大濞陂，水分为二，南为夏肥水，北为鸡陂。鸡陂东流为黄陂，又东南积为茅陂，又东为鸡水。《吕氏春秋》云，宋人有取道者，其马不进，投之鸡水，是也。鸡水又右会夏肥水，乱流东注，下入下蔡。《一统志》，今名西肥河，一名浍河，浍即肥之音转。鸡水，今名雉河。

过郡二，行六百二十里。

【补注】钱坫曰：过沛、临淮二郡。先谦曰：夏肥水不至临淮，钱说似误。夏肥水源自沙水分，疑班所谓过郡二者，兼汝南言之耳。

莽曰思善。

【补注】先谦曰：后汉改属汝南。《一统志》，故城今亳州东南城父村。

【编者按】治今安徽亳州市东南。

建平，侯国。

【补注】先谦曰：杜延年国，昭帝封。

莽曰田平。

【补注】先谦曰：《续志》，后汉因。《一统志》，故城今永城县西南。

【编者按】治今河南虞城县东南。

酈，莽曰赞治。

【颜注】应劭曰：音嵯。师古曰：此县本为酈，应音是也。中古以来，借酈字为之耳。读皆为酈，而莽呼为赞治，则此县亦有赞音。

【补注】吴卓信曰：《说文》，酈，沛国县。从邑虎声，与南阳之酈，形声俱别。师古谓沛郡之酈，亦有赞音，乃后来借酈为酈之故，非本音也。考班固《泗水亭铭》云，文昌四友，汉有萧何，序功第一，受封于酈。酈与何叶，班氏汉人，必知本朝故实。江统《徂淮赋》亦云，戾酈城而倚轩，实萧公之故国。戴规《辨字》，姚察《训纂》，并从其说，定为不谬，固知小司马谓何初封沛，后嗣改封南阳，其说为最当矣。

先谦曰：秦邑，葛婴攻之，见《陈涉世家》。后汉因。《淮水注》，涣水自建平来，东迳酈县故城南。《春秋》，襄公会诸侯及齐世子光于酈（《左传》作相）。今其地酈聚也。又东南迳费亭南，下入铎。《一统志》，故城今永城县西南酈县乡。官本注，嵯作嗟。

【集释】陈直曰：《隶释》卷七，杨统碑阴，有“故吏赞陈俊”题名。据此；赞读本音，与王莽改名相同，与应劭音嵯异。

【编者按】治今河南永城县西。

栗，

【补注】先谦曰：秦邑。章邯击楚军至此，见《项羽传》。高帝引兵至此，见《本纪》。周勃取之，见《勃传》。侯国。

【补注】先谦曰：赵敬肃王子乐国，武帝封。

莽曰成富。

【补注】先谦曰：《续志》，后汉省。《一统志》，故城今夏邑县治。

【编者按】治今河南夏邑县。

扶阳，侯国。

【补注】先谦曰：韦贤国，宣帝封。表注萧，盖分萧县置。

莽曰合治。

【补注】先谦曰：《续志》，后汉省。《一统志》，故城今萧县西南，《寰宇记》，六十五里。

【编者按】治今安徽淮北市北。

高，侯国。

【补注】先谦曰：周成国，高帝封。梁敬王子舜，元帝封。《续志》，后汉省。

【编者按】今地无考。

高柴，侯国。

【补注】先谦曰：梁敬王子发国，元帝封。《续志》，后汉省。

【编者按】今地无考。

漂阳，[侯国]。

【补注】先谦曰：官本作漂阳。注，漂音票。作漂，音栗。案《侯表》有梁敬王子漂阳侯钦，元帝封。注曰沛，即此。漂阳，属丹杨，梁国分封不得至此。《续志》，后汉省。

【集释】钱大昕曰：梁敬王子钦国，志失注侯国。

【编者按】今地无考。

平阿，

【补注】先谦曰：魏惠王、齐宣王会此，见《魏世家》。

侯国。

【补注】先谦曰：王谭国，成帝封。莽曰平宁。

【补注】先谦曰：后汉改属九江。《续志》，有涂山。《一统志》故城今怀远县西南六十里平阿集。

【编者按】治今安徽怀远县西南。

东乡，〔侯国〕。

【补注】先谦曰：元帝封梁敬王子方为侯国，见表。《续志》，后汉省。

【集释】钱大昕曰：志失注侯国。

【编者按】今地无考。

临都，〔侯国〕。

【补注】先谦曰：元帝封梁敬王子未央为侯国，见表。《续志》，后汉省。

【集释】钱大昕曰：志失注侯国。

【编者按】今地无考。

义成，〔侯国〕。

【补注】先谦曰：成帝封甘延寿为侯国，见表。《续志》，后汉改属九江。《一统志》，故城今怀远县东北十五里拖城，涡口城之讹也。

【集释】钱大昕曰：志失注侯国。

【编者按】治今安徽怀远县东北。

祁乡。

【补注】先谦曰：秦祁邑。曹参取祁善置，见《参传》。

侯国。

【补注】先谦曰：梁夷王子贤国，成帝封。

莽曰会谷。

【补注】先谦曰：《续志》，后汉省。《曹相国世家》文颖注，谷熟有祁亭，是县并入谷熟矣。《一统志》，故城今夏邑县北祁邑乡。

【编者按】治今河南夏邑县北。

魏郡

魏郡，

【补注】先谦曰：据《浊漳水注》，郡治邺县。《续志》，后汉治同。

【集释】杨树达曰：《封泥考略》卷三有懿郡太守封泥，字作懿。

高帝置。

【补注】全祖望曰：故属秦河东郡，

高帝分置。先谦曰：《浊漳水注》，高帝十二年置。后分魏郡，置东西部都尉，故曰三魏。先谦案，此后汉建安事。

【编者按】全说误。魏郡今河北南部，河东今山西西南，两郡之间尚隔有上党郡，魏郡焉能由河东分置？王

国维以为高帝置魏郡事不足征。今按，魏郡之置很可能在景帝五年。吴楚之乱平定以后，景帝除广收王国支郡以外，还乘重置、迁徙王国之机，将旧王国国都所在之本郡划小，分置新郡，以尽量缩小新王国之领域。前者已提到，沛郡应是景帝三年更置楚国时，由彭城郡所分。景帝四年徙衡山王王济北，同时分济北置平原郡；复置胶东国，同时分胶东置东莱。故魏郡当是景帝五年徙广川王王赵之时，分邯郸郡（赵国都所在）所置。这应当是顺理成章的事。

莽曰魏城。属冀州。

【补注】钱大昭曰：城亦作成，《王莽传》有魏成大伊。先谦曰：《续志》，后汉因。属同。

户二十一万二千八百四十九，口九十万九千六百五十五。

县十八：

【补注】先谦曰：见《王子侯表》者，有毕梁、旁光、盖胥、漳北、安檀五县无考。郡人盖宽饶，见本传。

邳，

【补注】先谦曰：《浊漳水注》，城本齐桓公置。《管子》曰，筑五鹿、中牟、邳，以卫诸夏，是也。后属晋。魏文侯七年，始封此地。先谦案，西门豹守邳，晋鄙救赵，止壁于此，并见《魏世家》。赵悼襄王时，魏以与赵，始皇十一年攻拔之，并见《赵世家》。后汉因。《一统志》，故城今临漳县西。

故大河在东北入海。

【补注】钱坫曰：此禹河也。由故邳东、斥丘县东，至列人县东，得横漳，东北入于海。王横云，禹之行河水，本随西山下东北去，此是也。阎若璩曰：故大河者，禹之故河也，至周定王五年，始不复从此行。王鸣盛曰：此本漳水，与河经流徒骇相乱，班固目为故大河，实非禹河。陈奂曰：《汉·沟洫志》王横言，《周谱》云，定王五年，河徙，当鲁宣公之七年也。禹大河至此始徙耳。其故渚当在邳之东，即今浚、滑二县之西。先谦曰：《河水注》，河水自黎阳来，又有宿胥口，旧河水北入处也。

【编者按】治今河北临漳县西南。

馆陶，

【补注】先谦曰：春秋晋冠氏邑，齐取之，见《左哀传》。《续志》，后汉因。《一统志》，故城今丘县西南四十里，冠县半入馆陶境。

河水别出为屯氏河，东北至章武入海，

【补注】先谦曰：章武，勃海县。《河水注》，王莽河故渚。自元城沙丘堰南，分为屯氏河，北出，迳馆陶县东，东北出。《沟洫志》曰：自塞宣防后，河复北决于馆陶县，分为屯氏河，广深与大河等。成帝之世，河决馆陶，及东郡金堤，使王延世塞之，堤成，是水亦断。又云，屯氏河故渚又东北，屯氏别河出焉，屯氏别河故渚下入清河信成。屯氏河故渚自别河东，下入清河信乡。先谦案，屯氏故渚及别河南北渚，俱不至章武，自鸣犊河于清河鄆县合大河后，所行皆经流故道也。

过郡四，行千五百里。

【补注】钱大昭曰：《沟洫志》，河北决于馆陶，分为屯氏河，东北经魏、清河、信都、勃海，入海，所谓过郡四也。

【编者按】治河北今县。

斥丘，

【补注】先谦曰：高帝封唐厉为侯国，见表。

莽曰利丘。

【颜注】应昭曰：斥丘在西南也。师古曰：阨咽云，地多斥卤，故曰斥丘。

【补注】先谦曰：后汉因。《一统志》，故城今成安县东南。

【编者按】治今河北成安县东南。

沙，

【补注】王念孙曰：《续志》同。浊漳、清漳二水《注》，沙并作涉。赵一清云，两《汉志》本作沙县，至三国时始有涉名。《魏书》，太祖围邺，涉长梁岐以县降，是也。案赵说非也。《水经》清漳水东过涉县西，屈从县南。注云，《地理志》魏郡之属县也。漳水于此有涉河之称，盖名因地变也。是善长所见《汉志》本，作涉不作沙。且漳水至涉县，而有涉河之名，由来已久，不然，漳水何以无沙河之名乎。《魏武帝纪》称涉长梁岐，则涉乃汉时旧名，而今本两志作沙，皆传写之误，明矣。先谦曰：《续志》，后汉因。《清漳水注》，清漳水自上党沽来，东过涉县，于此有涉河之称，下入武安。《一

统志》，故城今涉县西北二里。

【编者按】治河北涉县稍西北。

内黄，清河水出南。

【颜注】应劭曰：《春秋》，吴子晋侯会于黄池。今黄泽在西。陈留有外黄，故加内云。臣瓚曰：《国语》曰，吴子会诸侯于黄池，掘沟于齐鲁之间，今陈外黄有黄沟，是也。《史记》曰：伐宋，取黄池。然则不得在魏郡明矣。师古曰：瓚说是也，应说失之。

【补注】王鸣盛曰：齐当作商，即宋也。汪士铎曰：今陈下脱留字。先谦曰：《功臣表》翕侯邯郸赵信，注云内黄，盖曾析置翕县，后汉因。《淇水》篇，淇水东过内黄县南，为白沟。先谦案，白沟又历魏、馆陶、平恩三县，至清渊县，为清渊，清河之名由此始。班谓清河水出南者，溯其源耳。又案《清水注》云，清水至河内汲县，为清口，入河，即淇河口也。《地理志》云清河水出内黄县南。无清水可来，所有者惟是水耳。盖河徙，南注清水，渎移，汇流迳绝，余有清河之称，相嗣不断。曹公开白沟，遏水北注，方复故渎。先谦案，据此益悟白沟之下为清渊，有自来也。《一统志》，故城今内黄县西北。

【编者按】治河南今县西北。

清渊，

【颜注】应劭曰：清河在西北。

【补注】先谦曰：《续志》，后汉因。《淇水注》，白沟自平恩来，东迳清渊县故城西，又历县西北，为清渊，故县有清渊之名矣。世谓之鱼池城，非

也。又东北迳广宗县东（后汉县），为清河，又迳广宗县故城南，下入清河郡信乡。案应云清河在县西北，而《水经》谓至广宗为清河，然则广宗分清渊置也。《一统志》，故城今临清州西南。

【编者按】治今河北临西县南。

魏，都尉治。莽曰魏城亭。

【颜注】应劭曰：魏武侯别都。

【补注】先谦曰：《续志》，后汉因。《一统志》，故城今大名县西。

【编者按】治今河北大名县西南。

繁阳，

【颜注】应劭曰：在繁水之阳。张晏曰：其界为繁渊。

【补注】先谦曰：战国魏地，赵拔之，见《赵世家》、《赵奢传》。《河水注》，浮水故渎，自东郡顿丘来，东迳繁阳县故城南。《春秋》襄二十年，公与齐侯、晋侯盟于澶渊。杜预曰：在顿丘县南，即繁渊也，亦谓之浮水焉。昔魏徙大梁，赵以中牟易魏。故志曰，赵南至浮水，繁阳即是渎也。浮水故渎，下入东郡畔观。《续志》，后汉因。《一统志》，故城今内黄县东北。澶水在开州西南，一名繁水，一名浮水。张注，其界为繁渊。《河水注》引作，县有繁渊。

【编者按】治今河南内黄县西北。

元城，

【颜注】应劭曰：魏武侯公子元，食邑于此。因而遂氏焉。

【补注】先谦曰：西有践土驿，晋

作王宫于此。田齐、魏《世家》，秦齐伐魏阳狐，《括地志》以为县东北阳狐郭。有委粟里，见《元后传》。县人淳于长，见《佞幸传》。后汉因。《一统志》，故城今元城县东。

【编者按】治今河北大名县东。

梁期，

【补注】先谦曰：武帝封任破胡为侯国，见表。《续志》，后汉因。《浊漳水注》，漳水自邺来，东迳梁期城南。《地理风俗记》云，邺北五十里有梁期城，故县也。下仍入邺。案据应说，县并入邺，旋复其县。《一统志》，故城今磁州东。

【编者按】治今河北磁县北。

黎阳，

【补注】先谦曰：县人贾护，见《儒林传》。

莽曰黎蒸。

【颜注】晋灼曰：黎山在其南，河水经其东。其山上碑云，县取山之名，取水之阳，以为名。

【补注】汪士铎曰：取水之阳，谓淇水宿胥口之阳也。先谦曰：《续志》，后汉因。《一统志》，故城今浚县东北，黎山在县东南二里。

【编者按】治今河南浚县东。

即裴，

【补注】先谦曰：《说文》及本表，即作擗。《水经注》与志同。

【集释】陈直曰：《汉印文字征》第八，有“擗裴国尉”印，与《说文》

相合，知本志为省文。

侯国。

【补注】先谦曰：赵敬肃王子道国，武帝封。

莽曰即是。

【颜注】应劭曰：裴音非。

【补注】先谦曰：案莽曰即是，足证汉世裴为非，与今音异。《续志》，后汉省。《浊漳水注》，漳水自斥丘来，东迳即裴县故城南。《地理风俗记》云，列人县西南六十里，有即裴城，故县也。漳水下入广平列人。案据应说，县并入列人。《一统志》，故城今肥乡县南。

【编者按】治今河北肥乡县西南。

武始，

【补注】先谦曰：战国韩地，秦昭襄王取之，见《秦纪》。武帝封赵敬肃王子昌为侯国，见表。《续志》，后汉省。张纯封武始侯，在建武初。《一统志》，故城今邯郸县西南。

漳水东至邯郸入漳，

【补注】段玉裁曰：上漳字，当作滏，今滏水北流入滏沱。先谦曰：邯郸，赵国县。《北山经》，神菌之山，滏水出焉，而东流，注于欧水，参之它书，欧即漳矣。《续志》邺下，有滏水。刘注，《魏都赋》云，北临漳滏，则冬夏异沼。注云，《水经》邺西北滏水热，故名滏口。《御览》引《水经注》云，滏水发源。出石鼓山南岩下，泉源奋涌，若釜之扬汤矣。其水冬温夏冷，崖上有魏世所立铭，水上有祠，能兴云雨。又东流，注于漳，谓之合

河。先谦详滏源所出，似在邺县，班说不当系此，段说存考。汪士铎云，当作渚水，即渚沁水也。

【编者按】漳水入漳，令人费解，故前贤释之者甚少，成为悬案。汪、王两说皆不足道，唯段玉裁滏水入漳之说近之。但据《汉志》，漳水不迳赵国，故滏水无法“东至邯郸（赵国都）入漳，”段说依然存在问题。但进一步的研究表明，滏水在西汉中期以前的确至邯郸入漳，因为其时邯郸尚未分置邯鄲、邯沟、邯平等侯国入魏郡，滏水正在邯郸以东入漳水之别。详见下文邯鄲、邯沟及拙撰《〈水经·浊漳水注〉一处错简》（载《历史地理》第一辑）

又有拘涧水，东南至邯郸入白渠。

【颜注】应劭曰：拘音矩。

【补注】先谦曰：《浊漳水注》，拘涧水导源县东山北，俗犹谓是水为拘河也，又东，下入赵邯郸。

【编者按】治今河北邯郸市西南。

邯鄲，侯国。

【颜注】张晏曰：漳水之别，自城西南与邯山之水会，今城旁犹有沟渠在也。师古曰：邯，音下安反。

【补注】先谦曰：《赵世家》，乐毅攻魏伯阳。《括地志》以为即邯鄲。赵敬肃王子仁国，武帝封。《续志》，后汉省。《浊漳水注》，邯水出邯山，东北迳邯鄲县故城西北，注漳水支流，故曰邯鄲也。《一统志》，故城今安阳县西北。

【编者按】治今河北肥乡县西南。

《一统志》所云故城位置乃依《浊漳水注》为说，有误，因《浊漳水注》有关邯会故城的一段文字有错简之嫌。详见《〈水经·浊漳水注〉一处错简》。

阴安，

【补注】先谦曰：武帝封济北贞王子不害，及卫不疑为侯国，见表。后汉因。《续志》，加邑。《一统志》，故城今清丰县北二十里。

【编者按】济北贞王子不害所封，《史表》作陪安，《汉表》作阴安，不知孰是。若作阴安是，则不害封于元朔三年，而卫不疑封在元朔五年，一阴安不能两封。且阴安在魏郡，与济北国不相邻，济北王子之封亦不当在此。故不害封于阴安之载可疑。

治今河南清丰县北。

平恩，侯国。

【补注】先谦曰：许广汉国，宣帝封。

莽曰延平。

【补注】先谦曰：《续志》，后汉因。《浊漳水注》，衡漳故渚自广平斥章来，东北迳平恩县故城西。应劭云，县故馆陶之别乡，宣帝地节三年置。故渚下入广平南曲。《一统志》，故城今邱县西。

【编者按】治今河北邱县西南。

邯沟，侯国。

【颜注】师古曰：邯水之沟。

【补注】先谦曰：赵顷王子偃国，宣帝封，《表》，沟作葑。《续志》，后

汉省。《浊漳水注》，白渠故渚，自武安来，南出，所在枝分，右出，即邯沟也。历邯沟县故城东，盖因沟以氏县。《地理风俗记》云，即裴城西北二十里，有邯沟城，故县也。邯沟水下入广平列人。案据应说，及即裴下应说，县亦并入列人。《一统志》，故城今肥乡西北。

【编者按】治今河北肥乡县西北。

武安。

【补注】先谦曰：战国秦地，昭襄王以封白起为武安君，赵奢破秦军于此。盖以此时属赵，秦王龁取之，并见《秦纪》。李牧又封武安君，盖复属赵，见《赵世家》。高帝封武安侯，见《项羽纪》。武帝封田蚡，哀帝封楚思王子授为侯国，见表。

钦口山，白渠水所出，东至列人入漳。

【补注】先谦曰：列人，广平县。《浊漳水注》，白渠水出武安县钦口山东南流，下入赵邯郸。

又有浸水，东北至东昌入摩池河，

【补注】先谦曰：东昌，信都县。《说文》，浸水出武安，东北入呼沱水。《水经注》无之。钱坫云，在今武安县东三十里，下流合溢水，溢水所行，皆浸水也。东北迳磁州南，邯郸县东南，广平府城东南，肥乡县北，曲周县东南，平乡县东，巨鹿县西，下流入北泊。先谦案，浸水，即浊漳也。汪士铎云，入摩池河者，与摩池故渚通也。志于上党长子下云，浊漳至邺

入清漳。此书又有浸水云云，亦未著水之所出，似班氏尚未审浸、浊漳为一水。亦由图记不明，名称歧出，致斯舛漏耳。

过郡五，行六百一里。

【补注】先谦曰：过魏、广平、巨鹿、信都，五当为四。

有铁官。莽曰桓安。

【颜注】师古曰：浸音子衽反。虔音呼，池音徒何反，其下并同。

【补注】先谦曰：后汉因。《续志》，有铁。《清漳水》篇，清漳水自沙来，

东至武安县南黍窖邑，入浊漳。又《浊漳水注》，漳水自上党潞来，合仓谷水，东过武安县，于县东合清漳水，谓之交漳口，下入邺。先谦案，本志上党长子下，浊漳水东至邺入清漳者也。《水经注》以浊漳为主，以清漳为纲耳。此下水道所经，道元仍主浊漳，志则清漳浸水并行也。注又云，汙水出武安县山东南，下入邺。《一统志》，故城今武安县西南。

【编者按】治河北武安市西南。

巨鹿郡

巨鹿郡，

【补注】先谦曰：据《浊漳水注》，秦汉郡治巨鹿。《续志》，后汉治廩陶。

【集释】陈直曰：尹宙碑云，“分赵地为巨瓠。”鹿字从金，亦为他碑所罕见。

秦置。

【补注】先谦曰：《浊漳水注》，始皇二十五年灭赵，以为巨鹿郡。全祖望云，楚汉之际，属赵国，寻属常山国。八月（案此直系以月而不年者，犹言八阅月也，后同）复属赵国。高帝三年属汉，四年复以属赵国，高后八年复故，文帝元年复属赵国，景帝三年复故，四年复属赵国，后以支郡收。

周寿昌曰：《后书·光武纪》，有王莽和戎卒正邳彤。注引《东观记》曰：

王莽分巨鹿为和戎郡，此志郡下当有莽曰和戎四字。

属冀州。

【补注】先谦曰：《续志》，后汉因。属同。

户十五万五千九百五十一，口八十二万七千一百七十七。

县二十：

【补注】先谦曰：见《王子侯表》者，有甘井、昆题三县无考。

【编者按】《王子侯表》不见有昆题侯或昆侯、题侯，先谦曰之“昆题三县”四字疑有讹误。

巨鹿，

【补注】先谦曰：项羽救赵，大破秦军于此。路温舒，县东里人，并见本传，亦见《五行志》。后汉因。《续

志》，故大鹿。刘注，《史记》，纣盈巨桥之粟，许慎云，巨鹿之大桥也。南有棘原，章邯所军处。《浊漳水注》，衡水故渚自广平曲周来，北迳巨桥邸阁西，又北迳巨鹿县故城东南。《尚书》，尧将禅舜，纳之大鹿之野，烈风雷雨不迷，致之昭华之玉，而县取目焉。《一统志》，故城今平乡县治。《禹贡》大陆泽在北。

【补注】先谦曰：《续志》刘注，有广阿泽。《吕氏春秋》九藪，赵之巨鹿。高注，广阿泽也。《山海经》曰：九陆之水。《一统志》，泽在今任县东北，与巨鹿隆平接界。《水道提纲》云，俗称宁晋北泊。

纣所作沙丘台在东北七十里。

【颜注】应劭曰：鹿林之大者也。臣瓚曰：山足曰鹿。师古曰：应说是。

【补注】先谦曰：《浊漳水注》，在故城东北七十里。赵武灵王、秦始皇，并死于此。《一统志》，在今中乡县东北。《旧志》，王固冈东北十余里，有大平台村。东又有小平台村。即沙丘台遗址。

【编者按】治今河北平乡县西南。

南缙，

【补注】先谦曰：《左哀传》，齐伐晋，取栾。杜注，在赵国平棘县西北。本栾武子封邑，其后南徙，因曰南缙。武帝封赵敬肃王子佗为侯国。萧何四世孙，有南缙长喜，并见表。

莽曰富平。

【颜注】孟康曰：缙音良全反。

【补注】先谦曰：后汉因。《续志》，

或作蛮，误。《光武纪》亦作缙。《一统志》，故城今巨鹿县北。

【编者按】治今河北巨鹿县北。

广阿，

【补注】先谦曰：高帝封任敖为侯国，见表。《续志》，后汉省。《元和志》，赵州昭庆县，本汉广阿县。广阿泽在县东二十五里，故县取名焉。案光武初拔广阿，登楼，与邓禹阅天下地图，其时尚有此县。高诱以巨鹿泽为即广阿泽（见上）。知后广阿并入巨鹿矣。《一统志》，故城今隆平县东十二里旧城村。

【编者按】治今河北隆尧县东。

象氏，侯国。

【补注】先谦曰：赵敬肃王子贺国，武帝封。

莽曰宁昌。

【补注】先谦曰：《续志》，后汉省。《一统志》，故城今隆平县东北二十五里。

【编者按】治今河北隆尧县北。

廩陶，

【颜注】师古曰：廩，音一井反。

【补注】先谦曰：《说文》，廩，安止也。巨鹿有廩陶县。后汉因。《一统志》，故城今宁晋县西南二十五里。

【集释】陈直曰：《隶释》卷七，孔宙碑阴题名作廩陶。

【编者按】治今河北宁晋县西南。

宋子，

【补注】先谦曰：战国赵邑。燕王喜伐廉颇，军至此，见《燕世家》。高帝封许惲为侯国，见表。

莽曰宜子。

【补注】先谦曰：《续志》，后汉省。《浊漳水注》，大白渠自常山关来，东迳宋子县故城北，谓之宋子河。昔高渐离击筑佣工，自此入秦。大白渠下入敬武。《一统志》，故城今赵州东北二十五里，城址尚存。

【编者按】治今河北赵县东北。

杨氏，

【补注】先谦曰：县人尹赏，见《酷吏传》。

莽曰功陆。

【补注】先谦曰：陆，盖睦之误，《王莽传》可证。《后汉·孟敏传》注引《十三州志》云，县在魏郡北地。《续志》，后汉因。《一统志》，故城今宁晋县治。

【编者按】治今河北宁晋县。

临平，

【补注】先谦曰：《续志》，后汉省。《后汉纪》建武四年，帝幸临平，时尚未省也。《后魏志》，曲阳县有临平城，盖自汉世并入下曲阳。《一统志》，故城今晋州东南。

【编者按】治今河北晋州市东南。

下曲阳，都尉治。

【颜注】应劭曰：晋荀吴灭鼓，今鼓聚昔阳亭，是也。师古曰：常山有上曲阳，故此云下。

【补注】先谦曰：王莽分和戎郡治此，见《东观汉记》，后汉因。《续志》，有鼓聚，故翟鼓子国。《一统志》，故城今晋州西。

【编者按】治今河北晋州市西。

贯，

【颜注】师古曰：音式制反。

【补注】先谦曰：高帝封傅胡害为侯国，见表。《续志》，后汉省。《一统志》，故城今束鹿县西南。

【编者按】治今河北辛集市西南。

鄆，莽曰秦聚。

【颜注】师古曰：音苦么反。

【补注】段玉裁曰：鄆与豫章鄆阳县字不同。《玉篇》、《广韵》可证。真定国绵曼下。斯汶水东至鄆入河，则字从俗体，不得以彼证此。卢文弨云，仲尼弟子鄆单。鄆，当本作鄆。《檀弓》县亶，即鄆字。赵一清曰：作鄆者是。今本《说文》，乃是浅人所改，如鼎谷改为巢谷，鼎首改为巢首也。钱大昭曰：南监本、闽本，于师古曰音苦么反之下，有又差巢反四字，今脱。

先谦曰：官本又有差巢反四字，引刘敞曰：衍文。案后汉因，《续志》作鄆。《一统志》，故城今束鹿县东。

【集释】陈直曰：《汉印文字征》第六，有“鄆丞之印”封泥（原物见泥斋封泥影），变从鼎为从鄆，盖异体也。

【编者按】治今河北辛集市东。

新市，

【补注】吴卓信曰：《楚世家》，考烈王七年至新中，秦兵去。《索隐》，赵地无新中，当为新市。

侯国。

【补注】先谦曰：广川缪王子吉国，昭帝封。表注，堂阳。则县分堂阳置。莽曰市乐。

【补注】先谦曰：《续志》，后汉省。《浊漳水注》，白渠枝水自真定肥累来，东迳新丰城北。案《地理志》云，巨鹿有新市县，王莽更之曰乐市（不作市乐，以志为是）。而无新丰之目，所未详矣。白渠枝水，下入下曲阳。今地阙。中山县同名，或云此改属，非。

【编者按】治所当在今南宫、新河、巨鹿交界处一带，确地无考。

堂阳，

【补注】先谦曰：高帝封孙赤为侯国，见表。

有盐官。尝分为（泾）〔经〕县。

【颜注】应劭曰：在堂水之阳。

【补注】钱坫曰：《元和志》，后汉分汉堂阳于今县西北二十里，置经城县。是分经县在后汉时也。今经城在威县北。此五字，不似本文，疑后人以注语掺入。王鸣盛曰：泾，南监本作经。朱一新曰：汪本，泾作经，是。段玉裁云，即《续志》安平国之经县。先谦曰：官本，泾作经。言尝分，则后已并省。后汉复置耳。钱说非。《续志》，堂阳，后汉改属安平。《一统志》，故城今新河县西。

【中华校】景祐、殿本“泾”都作“经”。

【编者按】治今河北新河县北。

安定，侯国。

【补注】先谦曰：燕刺王子贤国，宣帝封。《续志》，后汉省。马武从世祖击尤来、五幡，进至安定，时尚未并也。《一统志》，故城今束鹿县西北。

【编者按】治今河北辛集市东北。

敬武，

【补注】先谦曰：《续志》，后汉省。《浊漳水注》，大白渠水自宋子来，东迳敬武县故城北，元帝封女敬武公主为汤沐邑。《十三州志》云，杨氏县北四十里，有敬武亭，故县也。今其城实中山邑耳，故俗名之曰敬武垒，即古邑也。大白渠水下入下曲阳。《一统志》，故城今赵州东北。

【编者按】治今河北赵县东。

历乡，侯国。

【补注】先谦曰：广川缪王子必胜国，宣帝封。

莽曰历聚。

【补注】先谦曰：《续志》，后汉省。《后魏志》，饒陶县有历城。《一统志》，故城今宁晋县东二十五里。

【编者按】治今河北宁晋县东。

乐信，侯国。

【补注】先谦曰：广川缪王子强国，宣帝封。《续志》，后汉省。《一统志》，故城今束鹿县西。

【编者按】治今河北辛集市东。

武陶，侯国。

【补注】先谦曰：广川缪王子朝国，宣帝封。《续志》，后汉省。

【编者按】今地无考。

柏乡，侯国。

【补注】先谦曰：赵哀王子买国，元帝封。《续志》，后汉省。《一统志》，

故城今柏乡县西南。

【编者按】治河北今县西南。

安乡，侯国。

【补注】先谦曰：赵哀王子喜国，元帝封。《续志》，后汉省。《一统志》，故城今晋州东。

【编者按】治今河北晋州市东。

常山郡

常山郡，

【补注】先谦曰：治所无考。《续志》，后汉治元氏。

【编者按】据严耕望，应治首县元氏，但无确证。

高帝置。

【补注】钱大昕曰：项羽封张耳为常山王，都襄国，是常山之名，不始于高帝。盖赵歇既灭，遂因为郡耳。先谦曰：《高纪》，三年置。全祖望云，故属秦邯郸郡。楚汉之际属赵国，寻为常山国，八月，复属赵国。高后（帝之误刊——编者按）三年，属汉为郡，四年，复以属赵国。高后二年，复为常山国。文帝元年，复属赵国。景帝二年复故（以过削），中五年复为常山国。武帝元鼎三年复故。

【集释】谭其骧曰：常山郡秦置（见《秦郡新考》）。

【编者按】全祖望云高后二年，应为元年，见《史表》。

莽曰井关。属冀州。

【颜注】张晏曰：恒山在西，避文帝讳，故改曰常山。

【补注】先谦曰：《续志》，后汉为常山国。属同。

户十四万一千七百四十一，口六十七万七千九百五十六。

县十八：

【补注】钱大昕曰：《高纪》称常山二十五城，志止十八县，盖后来稍分析之。襄国，本王都所在，而志隶赵国，亦一证也。先谦曰：见《王子侯表》者，有遽乡县，无考。

元氏，

【补注】先谦曰：战国赵邑，孝成王城之，见《赵世家》。

沮水首受中丘西山穷泉谷，东至堂阳入黄河。

【补注】赵一清曰：入黄河当作入横河，即横漳也。代郡鹵城下有从河，此横从之横。王念孙曰：沮，当为氐。凡隶书从氐之字，或作互，又作互，

故泚字或作沔（《玉篇》曰：泚俗作沔），又作沔，形与沮字相似，因讹而为沮（《史记·高祖功臣侯者年表》，棠祗侯陈锴。《汉表》祗作祖。亦是祗或作沔，因讹为祖也）。下文济水东至廆陶入泚，《风俗通义》讹作入沮，是其明证也。《说文》，泚水在常山。郭璞注《北山经》云，今泚水出中丘县西山穷泉谷，东至堂阳县，入于漳水，皆本地志，则沮水为泚水之讹甚明。而泚字，师古无音，至下文洹水东南至廆陶入泚，始云泚音脂，又音丁计反。

又《史记》张耳、陈余传，斩陈余泚上。《索隐》云，郭景纯注《山海经》云，泚水出常山中邱县，不引《地理志》，而引郭注，似唐时《地理志》，泚字已讹为沮。然《文选》吴质《在元城与魏太子牋》，重以泚水，渐渍疆字。李善注，《汉书》恒山郡元氏县有泚水，首受中丘西山穷泉谷，东入黄河，则唐时本尚有作泚者矣。又案《北山经》注，言泚水入漳，而此云入黄河者，盖本借章为漳（《禹贡》，至于衡漳。《地理志》，漳作章。又信都国信都下云，故漳河在北）。章与黄字形相近，因讹而为黄也（隶书章字作章，黄字作黄，二形相近）。汉之堂阳，即今之新河，乃漳水所经（《水经》曰：漳水过堂阳县西），非河水所经，《地理志》亦不谓河为黄河也。而《文选》注亦作黄，则后人以误本《汉书》改之。

徐松曰；胡卢河即泚之下游，故古谓之泚湖，是此县之泚，正洹济所并之水，钱坫歧而二之，非也。盖洹济

所并为南洹，别有一小水，曰北泚，钱氏或以此条指小水之北泚，故云然耳。然非班氏之旨。先谦曰；堂阳，巨鹿县。首受二字，当作出。《山海经》郭注引作，泚水出中丘西山穷泉谷，即其证。此与牂柯郡沔水首受故且兰，郁林郡襄水首受牂柯郡东界之类，误同。中丘见下。

莽曰井关亭。

【颜注】师古曰：阨咽云，赵公子元之封邑，故曰元氏。

【补注】周寿昌曰：赵、魏两公子皆名元，皆以氏其邑，亦可疑。先谦曰：《续志》，后汉因。《一统志》，故城今元氏县西北。泚水，今槐河。《水道提纲》，槐河源出赞皇县西南山中，合诸水东流出山，经县城北，又东经元氏县南，高邑县北，栾城县西，赵州南，柏乡县北，又东南迳宁晋县城南，入泊。

【编者按】治河北今县西北。

石邑，

【补注】先谦曰：战国赵地。董闾于行石邑山中，见《韩非子》，后入中山，武灵王复攻取之，见《赵世家》。亦名石城，秦拔之，见《廉颇传》。秦楚之际，李良略地至此，见《陈余传》。《续志》，后汉省。建安中，石邑县凤凰见，盖复立。《一统志》，故城今获鹿县东南。

井陉山在西，

【补注】段玉裁曰：井陉县下，应劭注井陉山在南。是则井陉县在石邑之西。井陉山在石邑西南，井陉县南也。井陉山之东南，则石邑地也。

洹水所出，东南至麇陶入泚。

【颜注】师古曰：洹，音效。又音爻。泚，音脂。又音丁计反。其后亦同。

【补注】王鸣盛曰：洹音效，效字脱，宜从南监本增。先谦曰：麇陶，巨鹿县。《说文》，洹水出常山石邑井陘，东南入于洹，与志合。全祖望云，洹水与斯洹水，不可溷，二水并行于常山巨鹿之间，首尾亦时贯输，而实各自为水。《古今注》，永平十年，作常山呼沱河，用大白渠水以通漕，亦谓之蒲吾渠，此用斯洹水也。《通鉴长编》，咸平五年，河北漕臣景望开镇州常山南河，入洹水，至赵州，以利漕，此用洹水也。

《水道提纲》，洹水源出获鹿县西南莲花山，曰白鹿泉。先谦案，此《浊漳水注》所谓井陘山水，世谓之鹿泉水者也。又东流为西河，迳栾城县北赵州南，入胡芦河。《寰宇记》，镇州石邑县下，引《水经注》云，洹水出常山郡石邑县，洹即洹之讹。又云，洹水一名董水。

【编者按】治今河北鹿泉市东南。

桑中，侯国。

【补注】先谦曰：赵顷王子广汉国，宣帝封。《续志》，后汉省。《一统志》，故城今平山县东南。

【编者按】桑中侯国紧邻真定国西北，《汉表》以为赵顷王子侯国，但赵国实不能越常山南部和真定国而有之，故赵顷王乃真定顷王之误。

治今河北平山县南。

灵寿，中山桓公居此。

【补注】钱坫曰：《世本》，中山武公居顾，桓公徙灵寿。顾，即鼓也。先谦曰：乐羊拔中山，魏文侯封之于此，见《乐毅传》。赵武灵王灭中山，起灵寿，北从代，道大通，见《赵世家》。《续志》，后汉因。《一统志》，故城今灵寿县西北十里灵寿村。

《禹贡》卫水出东北，东入潞池。

【补注】先谦曰：《续志》灵寿下云，卫水出。陆陇其《卫水寻源记》云，灵寿县东北十五里，有良同村，卫水发源于其北。即《禹贡》恒卫既从之卫水也。由良同村东南流四十里，入潞池。胡渭《禹贡锥指》谓恒即滹，卫即滹沱。盖今恒水由唐县入滹，卫水由镇定县入滹沱，源流甚近，不足当禹功荒度。酈道元谓恒水注滹，自下滹水兼纳恒川之通称，即《禹贡》，所谓恒卫既从也。然则曲阳以下之滹，本名恒，灵寿以下滹沱，本名卫，诸儒多从之。

【编者按】治河北今县西北。

蒲吾，

【补注】先谦曰：战国赵番吾邑，有番吾君，见《赵世家》。《正义》引《括地志》云，番、蒲，古今字异，李牧破秦军于此，见《牧传》。一作酈吾，见《六国表》。苏秦说赵肃王云，秦甲渡河逾漳，据蒲吾。程恩泽谓番吾、蒲吾非一地。按《赵世家》，秦攻番吾。《正义》云，又作蒲，则《括地志》之说未可非。《续志》，后汉因。刘注引《古今注》云，永平十年，作常山呼沱河，蒲吾渠，通漕船也。《一

统志》，故城今平山县东南。

有铁山。

【补注】宋祁曰：有铁下或有北字。先谦曰：《纪要》，今临城县西南三十五里，有铁山，石色如铁。元末，土人结寨于此，号铁山寨。《一统志》以为平山县西北之房山。

大白渠水首受绵曼水，东南至下曲阳入斯洧。

【颜注】应劭曰：蒲水出中山蒲阴，东入河。

【补注】先谦曰：下曲阳，巨鹿县。《浊漳水注》，绵蔓水自真定藁来，枝津出焉，又东，谓之大白渠。

【编者按】治今河北平山县东南。

上曲阳，

【补注】先谦曰：战国赵地。武灵王攻中山，合军曲阳，见《赵世家》。灌婴从击陈豨于此，见本传。《滹水注》，本岳牧朝宿之邑也。古者天子巡狩，常以岁十二月至于北岳，侯伯皆有汤沐邑，以自斋洁。周昭王南征不返，巡守礼废，邑郭仍存，秦罢井田，因以立县。城在山曲之阳，是曰曲阳。有下，故此为上矣。

恒山北谷在西北。

【补注】何焯曰：北谷即飞狐口。王念孙曰：飞狐口无北谷之名，北谷疑当作代谷。《管子·轻重戊》篇云，代王将其士卒，葆于代谷之上。《盐铁论·代功》篇云，赵武灵王逾句注，过代谷。《史记·赵世家》云，从常山上临代，代可取也。《正义》云，《地道记》恒山在上曲阳县西北百四十里，

北行四百五十里，得恒山岵，号飞狐口，北则代郡也。《漯水注》引梅福上事云，代谷者，恒山在其南，北塞在其北。盖恒山与代谷相连，故并及之也。太原郡广武下云，句注贾屋山在北，文义与此同。

段玉裁曰：北谷，谷当作岳。徐松曰：案《郊祀志》，神爵元年，祠北岳常山于上曲阳，则作恒山北岳者是。若作代谷，下文不得云有祠也。先谦曰：下文禹贡二字，疑本在恒山上，《禹贡》山水泽地篇，恒山为北岳，在上曲阳县西北。《一统志》，恒山在今曲阳县西北，亦曰常山，亦曰北岳，亘直隶保定府西境，山西大同府东境。有祠。

【补注】先谦曰：宣帝置，详《郊祀志》。

并州山。《禹贡》恒水所出，东入滹。

【补注】先谦曰：《滹水》篇，滹水东南过上曲阳北，恒水从西来注之。注云，滹水自中山唐来，东合恒水，自下滹水兼纳恒水之称，《禹贡》所谓恒卫既从也。滹水又东，合马溺水，仍入唐。

莽曰常山亭。

【颜注】应劭曰：滹，音驱。

【补注】先谦曰：《续志》，后汉改属中山。《一统志》，故城今曲阳县西四里。

【编者按】治今河北曲阳县西。

九门，

【补注】先谦曰：战国赵邑，武灵

王为野台于此，以望齐中山之境，惠文王使蔺相如城之，见《赵世家》。

莽曰久门。

【补注】先谦曰：《续志》，后汉因。《一统志》，故城今藁城县西北二十五里。

【编者按】治今河北藁城市西北。

井陘，

【颜注】应劭曰：井陘山在南，音刑。

【补注】先谦曰：县以山氏也。战国赵邑，始皇使王翦下之，见本纪。《续志》，后汉因。《一统志》，故城今井陘县北。

【编者按】治河北今县西北。

房子，

【补注】先谦曰：故曰房。周穆王东至此，见《穆天子传》。郭注，战国中山邑。赵敬侯与中山战此。武灵王略地亦至焉。后属魏。惠文王使廉颇攻拔城之，见《赵世家》。《后汉·光武纪》作防子，防乃防之讹。

赞皇山，

【补注】先谦曰：赞皇山，始见《穆天子传》，《一统志》，今赞皇县西南。旧《志》，二十里。高百余丈。（石）济水所出，东至麇陶入泚。

【补注】王念孙曰：济水上衍石字。《说文》，济水出常山房子赞皇山。《风俗通义》同（案应劭误以此济水为四渎之济，则济上本无石字，明矣）。《续志》，常山国房子有赞皇山，济水出，济上皆无石字。先谦曰：地说家

多谓宜有石字，王说据《说文》、《风俗通》、《续志》为证，不可易也。麇陶，巨鹿县。《一统志》，水出赞皇山，流经高邑县南二里，又东迳柏乡县北，合槐河，又曰沙河。

莽曰多子。

【颜注】师古曰：济音子诣反。

【补注】先谦曰：《续志》，后汉因。刘注，有砾塞、中谷塞。《一统志》，故城今高邑县西南仓房村。

【编者按】治今河北高邑县西南。

中丘，

【补注】先谦曰：《十三州志》，县西北有蓬山，丘在其间，故曰中丘。《后书·赵孝王传》注，隋讳忠，改内丘。

逢山长谷，

【补注】先谦曰：《寰宇记》内丘县下引《水经》云，中丘有逢鹄之山。又龙冈县下引《水经》云，鹄山有穴，出云母。其西有龙腾溪、鹤度岭。《一统志》，鹄山在内丘县西，即古逢山。（诸）〔渚〕水所出，东至张邑入洹。

【补注】先谦曰：《说文》，渚水出常山中丘逢山，东入洹。诸家并以为渚当作渚，洹当作洹，是也。张，广平县，邑字衍。《洹漳水注》，衡漳水在信都，其水与隅醴通为衡津。案，隅即隅也。《寰宇记》邢州龙冈县下云，隅水，一名澧水，即酈注之隅醴矣。

【中华校】景祐本“诸”作“渚”。

莽曰直聚。

【补注】先谦曰：《续志》，后汉省。赵国有中丘，不言故属常山，疑夺文。《一统志》，故城今内丘县西。

【编者按】治今河北内丘县西。

封斯，侯国。

【补注】先谦曰：赵敬肃王子胡伤国，武帝封。《续志》，后汉省。《一统志》，故赵州界。旧《志》，有河屯营城，在州西北二十里，疑是。

【编者按】治今河北赵县西北。

关，

【补注】先谦曰：《续志》，后汉省。《寰宇记》，后魏于汉关县故城置栾城县。案，《续志》，常山县有栾城，盖即关县更名。然则谓后魏置者，非也。何焯据《通鉴》注宋白说，谓关当作开。今据《水经注》亦作开，而各本皆改为关。《汉书》本无作开者，地志诸书同，仍作关为是，不必标新立说，致地无定名也。此与巨鹿之南缙，前人皆谓栾武子封邑，地相比近，依傅成岐，似此为得之。《一统志》，故城今栾城县北十里董保丘。

【集释】王峻曰：何（义门）氏据通鉴改作开。宋白曰，栾城县本汉开县是也。

【编者按】治今河北栾城县西北。

平棘，

【颜注】应劭曰：伐晋取棘蒲也。师古曰：《功臣表》，棘蒲侯陈武，平棘侯林挚，是则平棘、棘蒲，非一地也。应说失之。

【补注】宋祁曰：林当作杜。先谦

曰：棘蒲，战国魏邑，赵取之，见《赵世家》。钱坫云，《靳歙传》，安阳以东至棘蒲，是棘蒲在安阳西，本赵邑，不得合平棘为一。钱大昕云，平棘、棘蒲，盖相距不远，或前汉棘蒲国除之后，省入平棘耳。先谦案，《续志》，后汉因。《一统志》，蒲棘故城，今赵州治，平棘故城在赵州南，后汉亦称南平棘。光武建武元年，行到南平棘，是也。旧《志》或谓平棘在棘蒲南，后移治棘蒲，故以平棘为南平棘也。

【编者按】治今河北赵县东南。

鄙，

【补注】先谦曰：春秋晋地，齐取之，见《左哀传》。战国分属赵中山。赵武灵王并取之，见《赵世家》。燕栗腹来攻，廉颇破之，见《燕世家》。奉魏公子无忌为汤沐邑，见《信陵君传》。武帝封赵敬肃王子舟为侯国，见表。

世祖即位，更名高邑。莽曰禾成亭。

【颜注】师古曰：鄙音呼各反。

【补注】王念孙曰：后汉所改郡县，皆班志所不载，世祖以下八字，非班氏原文，盖应劭注语也。且当在莽曰禾成亭之下，今则前后倒置，又脱应劭曰三字矣。考后汉所改郡县，如河东郡彘县，顺帝改回永安；河内郡隆虑，避殇帝名，改曰林虑；东郡观县，世祖更名卫国，以封周后；清县，章帝更名乐平；寿良，世祖叔父名，改曰寿张；汝南郡浸县，世祖更名固始；新鄴，章帝封殷后，更名宋；山阳郡

胡陵，章帝封东平王苍子为侯国，更名胡陆；沛郡敬丘，明帝更名大丘；芒县，世祖更名临淮；清河郡厓县，安帝以孝德皇后葬于厓，改曰甘陵；勃海郡千童，灵帝改曰饶安；平原郡富平，明帝更名厌次；千乘郡，和帝更名乐安；狄县，安帝更名临济；武陵郡索县，顺帝更名汉寿；中山国苦陉，章帝更名汉昌；安险，章帝更名安熹；信都国，明帝更名乐安；乐安，安帝改曰安平；梁国甯县，章帝改曰孝城。以上二十条，皆是应注，则郾之更名高邑，亦是应注明矣。又天水郡下云，明帝改曰汉阳。明帝上亦当有应劭曰三字。

先谦曰：官本，世作高，引宋祁曰，高祖当作世祖。《续志》，有千秋亭五成陌，光武即位于此。《一统志》，故城今柏乡县北。

【编者按】治今河北柏乡县北。

乐阳，侯国。

【补注】先谦曰：赵顷王子说国，宣帝封。

【编者按】此侯国密迩真定国北界，与上文桑中侯国一样，应为真定顷王子所封。

莽曰畅苗。

【补注】先谦曰：《续志》，后汉省、《一统志》，故城今获鹿县东北。

【编者按】治今河北鹿泉市东北。

平台，

【补注】钱坫曰：《秦本纪》云，沙丘平台，是也。

侯国。

【补注】先谦曰：史玄国，宣帝封。莽曰顺台。

【补注】先谦曰：《续志》，后汉省。

【编者按】今地无考。

都乡，侯国。

【补注】先谦曰：赵顷王子景国，宣帝封。

有铁官。莽曰分乡。

【补注】先谦曰：后汉因。《续志》，有铁。

【编者按】今地无考。

南行唐。

【补注】先谦曰：战国赵地，惠文王城之，见《世家》。

牛饮山白陆谷，滋水所出，东至新市，入虬池。

【补注】先谦曰：《说文》，滋水出牛饮山白陉谷，东入呼沱。王念孙云，作白陉，是也。《尔雅》，山绝陉。考河北八陉，有白陉之目（见《元和志》引《述征记》），与此白陉谷，义相近也。若作白陆谷，则义无所取，盖俗书陉字作坚，与陆相似而误。先谦案，新市巨鹿县，《山海经》，高足之山，滋水出焉，盖异名也。

《一统志》，牛饮山在箕山之西。《元和志》，滋水出灵丘县西南，与高足山连麓接势，其水悬河百丈，湍激之声，震动山谷。樵杙之士，咸由此渡，巨木沦胥，久乃方出，或落崖谷，无不粉碎。《水道提纲》，滋水出山西五台县东界乌牛山东，穿长城，迳平

山县西北山中，又东南经灵寿县、北行唐县南，又东历正定、藁城二县北，无极县南，折而东北，经晋州西北深泽县北，祁州东南，合沙河，入唐河，不入摩沱。

都尉治。莽曰延亿。

【补注】先谦曰：后汉因。《一统志》，故城今行唐县北。

【编者按】治今河北行唐县北。

清河郡

清河郡，

【补注】先谦曰：清河，即淇水也。据《淇水注》，郡治清阳。《续志》，后汉治甘陵。

高帝置。

【补注】全祖望曰：故属秦巨鹿郡，高帝分置，仍属赵国。景帝中三年，别为清河国。武帝建元六年复故，元鼎三年复为国。宣帝地节四年复故。元帝初元二年复为国，永光元年复故。平帝元始二年，莽又分清河地为广宗国，其郡如故（志无广宗县，盖莽分置也。其地当在清河。《续志》巨鹿郡有广宗县也）。

【编者按】《史记·樊哙传》：“击陈豨……除定清河、常山凡二十七县。”陈豨反在高帝十年，是清河郡在这以前即已存在，当如下文河间郡于高帝九年赵国更王之时析巨鹿郡置。全云，武帝建元六年复故，六当为五，见《史表》。

莽曰平河。属冀州。

【补注】先谦曰：《续志》，后汉为清河国，桓帝改甘陵。属同。

户二十万一千七百七十四，口八十七万五千四百二十二。

【补注】朱一新曰：汪本作二十一。县十四：

【补注】先谦曰：见《王子侯表》者，有修故、轹阳二县无考。郡人胡常、张禹，见《儒林传》。

清阳，王都。

【补注】钱大昕曰：《汉志》言王都者，惟清河之清阳，信都之信都。若泰山之卢，则云济北王都，江夏之邾，则云衡山王吴芮都，以郡与国不同名也。广陵之广陵，则云江都易王非、广陵厉王胥皆都此。此外无言王都者。淮南王安都寿春，则朱赣言风俗及之。先谦曰：《续志》，后汉省。《一统志》，故城今清河县东。

【编者按】治今河北清河县东南。

东武城，

【补注】先谦曰：战国平原君赵胜

封此，见列传。《续志》，后汉因。《一统志》，故城今武城县西。

【编者按】治今河北故城县南。

绎幕，

【颜注】应劭曰：绎，音亦。师古曰：本音弋尺反。

【补注】先谦曰：《续志》，后汉因。《一统志》，故城今平原县西北。

【编者按】治今山东平原县西北。

灵，

【补注】先谦曰：《通鉴》胡注，灵县，殆即卫之灵丘。

河水别出为鸣犊河，东北至蓼，入屯氏河。

【补注】先谦曰：蓼，信都县。《沟洫志》，元帝元光五年，河决清河灵鸣犊口，而屯氏河绝。灵鸣犊口，在清河东界。《河水注》，王莽河故渚自厓来，东北迳灵县故城南。河水于县别出为鸣犊河，王莽河故渚下入郚。屯氏河故渚自厓来，东迳灵县北，下入郚。鸣犊河故渚上承王莽河故渚于灵县南。《地理志》曰，河水自灵县别出为鸣犊河者也。东北迳灵县东，下入郚。案鸣犊河不至蓼，说详郚下。《一统志》，鸣犊河故渚在景州西南。

莽曰播。

【颜注】师古曰：蓼，音条。其下亦同。

【补注】先谦曰：《河水注》作播亭，此夺文。后汉因《续志》，和帝永元九年复。《一统志》，故城今高唐州，西南与博平县接界。

【编者按】治今山东高唐县南。

厓，莽曰厓治。

【颜注】应劭曰：安帝以孝德皇后葬于厓，改曰甘陵也。师古曰：音趋亦反。

【补注】段玉裁曰：谓孝德皇、孝德后同葬于厓也。先谦曰：《续志》，甘陵，故厓，安帝更名。《一统志》，故城今清平县南。

【编者按】治今山东临清市东北。

郚，

【补注】先谦曰：郚居河北，见《河渠书》。吕后封吕它，景帝封栾布为侯国。表作俞，字通。

莽曰善陆。

【颜注】师古曰：音输。

【补注】先谦曰：《续志》，后汉因。《河水注》，王莽河故渚自灵来，东迳郚县故城东，下入平原。平原屯氏河故渚自灵来，东北迳郚县，与鸣犊河合，鸣犊河故渚自灵来，东入郚县，而北合屯氏渚，屯氏渚兼鸣犊之称也（屯氏歧渚止此）。又迳郚县故城北，东北合王莽河故渚，谓之鸣犊口。《十三州志》云，鸣犊河口东北至蓼，入屯氏，考渚则不至也（鸣犊河止此）。《一统志》，故城今平原县西南。隋改置于夏津，非汉旧。

【编者按】治今山东平原县西南。

贝丘，都尉治。

【颜注】应劭曰：《左氏传》，齐襄公田于贝丘，是。

【补注】先谦曰：亦作浞丘。《楚世家》云，夕发浞丘也。《续志》，后汉因。《一统志》，故城今清平县西南，冠县半入贝丘境。

【编者按】治今山东临清市南。

信成，

【补注】先谦曰：高帝时，宣义先为信成侯，见表。《续志》，后汉省。《淇水注》，清河自信乡来，东北迳信成县故城西。应劭云，甘陵西北五十里，有信成亭，故县也（赵置水东县于此，故亦曰水东城）。清河下入清阳。案据应说，县并入厓。《一统志》，故城今清河县西北。

张甲河首受屯氏别河，东北至蓼，入漳水。

【补注】先谦曰：《河水注》，屯氏别河故渚，自魏郡馆陶来，又东北迳信成县，张甲河水出焉。《地理志》，张甲河首受屯氏别河于信成县者也。屯氏别河又东，枝津出焉。屯氏别河下入厓，枝津东迳信成县故城南，下入清阳。张甲河故渚下入巨鹿堂阳。

【编者按】治今河北清河县西北。

𡗗题，

【颜注】师古曰：𡗗，古莎字。

【补注】王念孙曰：《广韵》、《集韵》亦作𡗗。王引之曰：字从心声者，不得有莎音。𡗗当为𡗗。《说文》，沙或作𡗗。故莎从沙声，而或作𡗗。今作𡗗者，𡗗之省文也。隶书，心字作心，与𡗗相似而误（𡗗，少也。读若辍）。钱大昕曰：《说文》无𡗗字，当是𡗗之讹。《说文》，

𡗗，心疑也。读若易旅琐琐，莎与琐音相近。先谦曰：《续志》，后汉省。《寰宇记》云，地理书并失其所在。《郡国县道记》云，在贝、德、冀三州之界，盖即今枣强地也。

【集释】陈直曰：考《汉印文字征》第一，有张芯印，万芯口、赵芯两封泥。《说文》虽无芯字，封泥为西汉中晚期物，知当时确有芯字。似不必如钱氏说芯为𡗗字之讹。又按，《居延汉简释文》卷二，有简文云，“买芯四十束，束四钱，给社。”芯即称束，当即莎字，与颜说相近。王引之谓芯字从心，不得有莎音，当为𡗗字之讹，其说亦不可从也。𡗗题二字不连系，疑为莎堤之假借。

【编者按】治今河北枣强县西南。

东阳，

【补注】先谦曰：春秋东阳，晋之山东境，见《左》襄、昭传。战国属赵，《国策》所谓绝赵之东阳也。惠文王之东阳，决河水伐魏，见《赵世家》。

侯国。

【补注】先谦曰：张相如国，高帝封。清河纲王子弘，宣帝封。

莽曰胥陵。

【补注】先谦曰：《续志》，后汉省。《河水注》，屯氏别河枝津，自东武城来，东北迳东阳县故城南，俗谓之高黎郭，非也。应劭云，东武城东北三十里有阳乡，故县也。又东，散绝无复津迳。案据应说，县并入东武城。《一统志》，故城今恩县西北六十里卫河南岸。

【编者按】治今山东武城县东北。

信乡，侯国。

【颜注】孟康曰：顺帝更名安平。

【补注】先谦曰：清河纲王子豹国，宣帝封。东平炀王子鲤，平帝封。表作新乡，古字通。《续志》，安平国安平县，故属涿信乡，所改之安平，不见于《续志》，盖后省。《河水注》，屯氏故渚自魏馆陶来，东迳信乡县故城南。应劭云，甘陵西北十七里有信乡，故县也。屯氏河故渚下入厓。案据应说，县并入厓。《一统志》，故城今夏津县西。

【编者按】清河纲王子豹所封之侯国，至元始元年尚存，而东平炀王子鲤之新乡侯国，为元始元年二月封，于此信乡侯国必非一地。且东平国王子所封亦不可能越东郡而远至清河。

治今山东夏津县西。

繚，

【颜注】师古曰：音良笑反。

【补注】先谦曰：后汉省。《一统志》，故城今南宫县东南二十六里。

【编者按】治今河北南宫市东南。

枣疆，

【补注】先谦曰：武帝封广川惠王子晏为侯国，见表。《续志》，后汉省。西南有煮枣城，见《寰宇记》。《淇水注》，清河自复阳来，东北迳枣强县故城西。应劭云，东武县西北五十里，有枣强城，故县也。清河下入信都广川。案据应说，县并入东武城。《一统志》，故城今枣强县东南。

【编者按】治河北今枣强县东南。

复阳。

【补注】先谦曰：高帝封陈胥为侯国，见表。

莽曰乐岁。

【颜注】应劭曰：音腹。

【补注】先谦曰：《续志》，后汉省。《淇水注》，清河自东武城来，东北迳复阳县故城西。应劭云，东武城西北三十里，有复阳亭，故县也。世名之曰檻城，非也。清河下入枣强。案据应说，县并入东武城。《一统志》，故城今武城县东北。

【编者按】治今河北故城县西。

涿 郡

涿郡，

【补注】阎若璩曰：郡治涿县，以

《酷吏传》知之。先谦曰：《续志》，后汉治同。

高帝置。

【补注】先谦曰：《圣水注》，高祖六年，分燕置。全祖望云，故属秦渔阳郡。楚汉之际属燕国。高帝分置，仍属燕。武帝元朔二年复故，元狩三年复属燕。昭帝元凤元年复故。

【编者按】全说误。王国维以为涿郡不可能为高帝置，所见甚是。今按，涿郡乃分广阳郡置。武帝元朔元年燕国除为广阳郡（全祖望，不知秦有广阳郡。汉初燕国乃以广阳及上谷等五边郡置，景帝三年，边郡属汉），元朔二年至五年，广阳郡接纳许多王子侯国，郡境扩大不少。元狩六年四月乙巳，同日分封齐、燕、广陵三国。广陵国只得广陵郡部分地，该郡余地合沛郡数县置临淮郡。故燕国亦应不得广阳郡之全部，颇疑涿郡之置与复置燕国同时，武帝乃将扩大了广阳郡一分为二，其涿县以西南置为涿郡，以东北则复置为燕国。涿郡分置以后即属汉，从未再属诸侯王国。缩小王国封域，增加汉郡数目，是文、景、武三朝之重要政策，全祖望不明汉制，以为涿郡又曾复属燕国，大误。

莽曰垣翰。属幽州。

【补注】先谦曰：《续志》，后汉因。属同。

户十九万五千六百七，口七十八万二千七百六十四。

有铁官。

【补注】先谦曰：铁官，亦见《五行志》。

县二十九：

【补注】先谦曰：见《侯表》者，

有柳宿、曲成、阳兴三县无考。郡人韩生，见《儒林传》。

涿，

【补注】先谦曰：《续志》，后汉因。《圣水注》，涿县，莽更名垣翰。赵一清云，《汉志》涿郡，莽改垣翰，而县无说，此当是垣翰亭，落亭字。志亦阙此文。先谦案，郡曰垣翰，武垣曰垣翰亭，无涿县复名垣翰之理，此道元误郡为县耳。《一统志》，故城今涿州治。

桃水（受首）〔首受〕涑水，分东至安次入河。

【颜注】应劭曰：涑水出上谷涿鹿县。师古曰：涑，音来。

【补注】先谦曰：受首当作首受，官本不误。安次，勃海县。入河者，入圣水以入巨马河也。《圣水注》，桃水自邈来，东迳涿县故城下，合涑水，又迳涿县故城北，又东北合垣水，下入阳乡。涑水出涿县故城西南奇沟东八里大坎下，数泉同发，东北合乐堆泉水，又迳涿县故城西，入桃水。应劭云，南有涑水，郡盖氏焉。今于涿城南无水以应之，惟西南有是水矣。应劭又云，涑水出上谷涿鹿县。余案，涑水自涿鹿东注涑水，涑水东南迳广阳郡，与涿郡分水，涑之为名，当受涑水通称，故郡县氏之。但物理潜通，所在分发，故在匈奴为涑耶水，山川阻阨，并无沿注之理也。垣水自武垣来，东迳涿县北，入桃水。故应劭曰：垣水东入桃。阙邈云，至阳乡注之。余案经脉而不能屈也。先谦案，本志良乡下云，垣水至阳县入桃。道元引

驳阼说，意不欲与班相违也。又云，圣水自良乡来，自涿县东合桃水，下入阳乡。

【中华校】景祐、殿本“受首”都作“首受”。

【编者按】治今河北涿州市。

迺，

【补注】先谦曰：景帝封匈奴降王陆强为侯国，见表。

莽曰迺屏。

【颜注】师古曰：迺，古遁字。音字由反。

【补注】先谦曰，《续志》，后汉因。《说文》迺作遁。《一统志》，故城今涿水县北拒马河西北二里周城湾。

【编者按】治今河北涿水县。

穀丘，

【补注】先谦曰：《续志》，后汉省。《一统志》，故城今安平县西南十五里角丘社。谷、角音转字变。

【编者按】治今河北安平县西南。

故安，

【补注】先谦曰：文帝封申屠嘉为侯国，见表。后汉因。《续志》，菑水出。刘注，永元十五年，复置县铁官，盖即郡下铁官，前汉在此也。《一统志》，故城今易州东南。

阎乡，易水所出，东至范阳入濡也，并州浸。

【补注】王念孙曰：也字，涉注文入涑也而衍。先谦曰：《易水》篇，易水出阎乡西山。注云，出西山宽中谷，

东合子庄溪水、女思谷水、樊石山水，东历燕长城，又迺武阳城南。易水自宽中谷、历武夫关东出，是兼武水之称，故燕之下都，擅武阳之名，左合濡水枝津故渚。武阳大城东南小城，即故安县故城也。城东西二里，南北一里半。高诱云，易水迺故安南城外，东流，即斯水也。世又谓易水又故安河。武阳，盖燕昭王所城，东西二十里，南北十七里。易水下入范阳。先谦案，此为北易。今日中。《易水注》又云，易水自代广昌来，合菑水同注，俗谓之菑河。《郡国志》云，菑水出故安县，又东迺孔山北，又迺西故安城南，即阎乡城也。下入河间武陵。先谦案，此为南易水。注云，二易同出一乡，同入濡水也。

水亦至范阳入涑。

【颜注】师古曰：言易水又至范阳入涑也。濡，音乃官反。

【补注】王念孙曰：水上脱濡字。此承上文而言，言易水至范阳入濡，濡水亦至范阳入涑也。《说文》，濡水出涿郡故安，东入涑（今本涑字讹作漆、涑二字，据《一切经音义》卷六引改）。师古所见本，已脱濡字，乃曲为之说，谬矣。又案辽西郡肥如下云，濡水南入海（今本海下衍阳字，辨见后海阳下）。此濡字，音乃官反。《水经·濡水注》所谓濡、难声相近者也。此云易水至范阳入濡，濡音而于反。昭七年《左传》，盟于濡上，是也。而师古曰：濡音乃官反，则又误以涿郡之濡为辽西之濡矣。又案，辽西之濡字，本作𣶒，说见后洹水下。

先谦曰：《易水注》，濡水出故安县

西北穷独山南谷，东流，合源泉水，又迺武阳城西北旧竭，濡水支流南入城。其水之故渎，南出东转，分为二，一迺故安城西側城南，注易水；一东出注金台波，又北合浑塘沟水，又东合白杨水（并见迺）、檀水，下入容城。檀水自迺来，东南流，历故安县北入濡。案此为北濡，今名北易水。注又云，阨咽云，濡水合渠。许慎云，濡水入涑。涑、渠二号，即巨马之异名也。南濡入涑水。

【编者按】治今河北易县东南。

南深泽，

【补注】钱大昕曰：中山有深泽县，故云南以别之。《元和志》，定州深泽县，本汉南深泽县。以涿郡有深泽县，故此加南以别之。然则中山之深泽有南字，涿郡之深泽无南字矣，与今本互异。以里望准之，中山实在涿郡之南，然《续志》安平国南深泽云，故属涿。似今本元不误。

先谦曰：《纪要》，故城今深泽县东南三十五里。《十道志》，汉置深泽县，属中山国，今县治是也。又于庾沱河南置南深泽，属涿郡。后汉废深泽县，而南深泽如故。后魏改为深泽县，北齐废。隋复置于庾沱河北，即汉故深泽县，而南深泽遂废。

【编者按】然则南深泽与深泽之异，乃在于分居庾沱河之南北耳。且中山国虽在涿郡之南，但中山之深泽并不在涿郡南深泽之南，两深泽之纬度差若相当。故今本《汉书》原不误。

治今河北深泽县东。

范阳，

【补注】先谦曰：秦县。蒯通，县人。说令降，见张耳、陈余《传》。景帝封匈奴降王代为侯国，见表。

莽曰顺阴。

【颜注】应劭曰：在范水之阳。

【补注】先谦曰：《续志》，后汉因。《一统志》，故城今定兴县南四十里故城镇。

【编者按】治今河北定兴县西南。

蠡吾，

【颜注】师古曰：蠡，音礼。

【补注】先谦曰：县故属河间。县人赵广汉、王商，见本传。《续志》，后汉改属中山。《滹水注》，滹水自中山安国来，东北迺蠡吾县故城南。应劭云，县故饶阳之下乡也。滹水下入中山陆成。《一统志》，故城今博野县西南。

【编者按】治今河北博野县西南。

容城，

【补注】先谦曰：景帝封匈奴降王徐卢为侯国，见表。

莽曰深泽。

【补注】先谦曰：《续志》，后汉省。《一统志》，故城今容城县北十五里城子村。

【编者按】治河北今县北。

易，

【补注】先谦曰：战国赵地，惠文王与燕，见《赵世家》。周勃破臧荼于此，见《勃传》。景帝封匈奴降王仆鞮

为侯国，见表。《续志》，后汉改属河间。《易水注》，南易水自容城来，东迳易县故城南。燕文公徙易，即此。南易水下入勃海安次。《一统志》，故城今雄县西北十五里太平社。

【编者按】治今河北雄县西北。

广望，侯国。

【补注】先谦曰：中山靖王子忠国，武帝封。《续志》，后汉省。《滹水注》，博水自中山曲逆来，东迳白堤亭南，又迳广望县故城北，合堀沟水，南濡水，下入高阳。堀沟水上承清梁陂，又北迳清凉城东，即将梁也，武帝封中山靖王子朝平为侯国，其水东北入博水。《一统志》，故城今清苑县东南四十里王莽城，盖音转字变。

【编者按】治今河北清苑县西南。

郑，

【补注】先谦曰：战国赵地，惠文王与燕，见《赵世家》。旧属勃海。扁鹊，县人，见列传。宣帝封高郭侯霸弟异众为侯国，见表。

莽曰言符。

【颜注】应劭曰：音莫。

【补注】先谦曰：后汉改属河间。《一统志》，故城今任丘县北。先谦案，北音呼郑为帽。

【编者按】治今河北任丘市北。

高阳，

【补注】先谦曰：《赵策》，燕封荣盆为高阳君。县人王尊，见本传。

莽曰高亭。

【颜注】应劭曰：在高河之阳。

【补注】先谦曰：后汉改属河间。《一统志》，故城今高阳县东。

【编者按】治河北今县东。

州乡，侯国。

【补注】先谦曰：河间献王子禁国，武帝封。《唐志》，河间，汉州乡县，武帝得钩弋夫人于此。《续志》，后汉省。《一统志》，故城今河间县东北四十里。《寰宇记》，后汉省，入武垣。

【编者按】治今河北河间市东北。

安平，都尉治。莽曰广望亭。

【补注】先谦曰：《续志》，后汉改属安平。《一统志》，故城今安平县治。

【编者按】治河北今县。

樊輿，侯国。

【补注】先谦曰：中山靖王子修国，武帝封。

莽曰握符。

【补注】先谦曰：《续志》，后汉省。《易水注》，南易水自范阳来，东迳樊輿县故城北。应劭云，北新成东二十里，有樊輿亭，故县也。易水下入容城。案据应说，县并入北新成。又《滹水注》，徐水自中山北平来，东南迳故城北，俗谓之祭隅城，所未详也。徐水下入高阳。赵一清云，《寰宇记》引《輿地志》云，樊輿城西南隅，有圣女祠，女姓薛，字义姜，巨鹿人，嫁为樊輿王文妻，死于此城之隅，就而祭之，俗名祭隅城，然则是城即樊輿县之故城也。得乐氏之书，其义始

明。先谦案，道元于《易水注》中，明载县城，何至于斯忽有未达，附记于此，聊广异闻。《一统志》，故城今清苑县东南。据《水经注》，城在北新成东，容城西，应在今清苑县东北，安肃县界，与《寰宇记》不合。

【编者按】治今河北徐水县东南。

成，侯国。

【补注】先谦曰：董湫国，高帝封（据《史·索隐》）。中山康王子喜，昭帝封。

莽曰宜家。

【补注】先谦曰：《续志》，后汉省。

【编者按】今地无考。

良乡，（侯国）

【补注】先谦曰：赵共王子交国，成帝封。表作梁乡。

【编者按】良乡非赵地，不能封赵王子。先谦误。又，表作梁乡，明与良乡有异。且梁乡侯国为绥和元年六月封，而本志所载侯国只截止于元延末年，故志无梁乡。此处侯国二字乃是衍注。

垣水南东至阳乡入桃。

【补注】王念孙曰：南东，当作东南。先谦曰：《圣水注》，垣水上承涑水于良乡县，分桃水，世谓之白沙沟，下入武垣。又云，桃水首受涑水于徐城东南良乡西分垣水，世谓之南沙沟，即桃水也。下入迺。先谦案，桃水，志系涑下。

莽曰广阳。

【补注】先谦曰：《续志》，后汉因。

《鲍丘水注》，高粱水首受涑水于戾陵堰，水北有梁山，山有燕刺王旦之陵，故以戾陵名堰。水流迺梁山南，下入广阳薊。《一统志》，故城今房山县东，涿州北四十里。

【编者按】治今北京市西南。

利乡，侯国。

【补注】先谦曰：中山顷王子安国，宣帝封。

莽曰章符。

【补注】先谦曰：《续志》，后汉省。

【编者按】今地无考。

临乡，

【补注】先谦曰：《赵世家》，孝成王与燕临乐。徐广以为即临乡，《续志》刘注同。

侯国。

【补注】先谦曰：广阳顷王子云国，元帝封。《续志》，后汉省。方城下云，有临乡故县，据此知并入方城（志属广阳）。《一统志》，故城今固安县南。

【编者按】治今河北固安县南。

益昌，侯国。

【补注】先谦曰：广阳顷王子婴国，元帝封。

莽曰有秩。

【补注】宋祁曰：作有杖。钱坫曰：秩，即袞字。《水经注》作秩。先谦曰：《续志》，后汉省。《巨马水注》，巨马水自容城来，东南迺益昌县，合护淀水，又东迺益昌县故城南。应劭云，方城县东八十里有益昌城，故县

也。巨马水下入勃海东平舒。案据应说，县并入方城。《一统志》，故城今霸州东北。

【编者按】治今河北霸州市东北。

阳乡，侯国。

【补注】先谦曰：广阳顷王子发国，元帝封。

莽曰章武。

【补注】先谦曰：《续志》，后汉省。《圣水注》，圣水自涿来，合广阳水，东南迳阳乡城西，城故涿之阳亭也。应劭云，涿县东五十里，有阳乡亭，后分为县，即长乡县也。案《太康地记》，涿有长乡而无阳乡矣。圣水下入广阳方城。《一统志》，故城今固安县西北。

【编者按】治今河北固安县西北。

西乡，侯国。

【补注】先谦曰：广阳顷王子容国，元帝封。

莽曰移风。

【补注】先谦曰：《续志》，后汉省。《一统志》，故城今涿州西北。

【编者按】治今河北涿州市西北。

饶阳，

【颜注】应劭曰：在饶河之阳。

【补注】先谦曰：《赵世家》，悼襄王封长安君以饶，徐广以为斯县。后汉改属安平。《续志》，故名饶。《一统志》，故城今饶阳县东。饶河在县西南，旧《志》，本摩沱支流，昔北入易水，今湮。

【编者按】治河北今县东北。

中水，

【颜注】应劭曰：在易滹二水之间，故曰中水。

【补注】汪士铎曰：据《后汉·孝明八王传》注，在乐寿县西北，则滹、摩池二水之中，非易滹二水之中也。先谦曰：高帝封吕马童为侯国，见表。《续志》，后汉改属河间。《一统志》，故城今献县西。

【编者按】治今河北献县西北。

武垣，莽曰垣翰亭。

【颜注】应劭曰：垣水出良乡，东入桃。

【补注】先谦曰：战国赵地，秦围之，见《赵世家》。曹参追魏王豹至此，见本传。《续志》，后汉改属河间。《一统志》，故城今河间县西南三十五里，内外二城，外城周四十里，内城十六里。俗名元城遗址。

【编者按】治今河北河间市西南。

阿陵，

【补注】先谦曰：高帝封郭亭为侯国，见表。

莽曰阿陆。

【补注】先谦曰：《续志》，后汉省。《寰宇记》，故城今任丘县东北。旧《志》，今其地皆为水乡。

【编者按】治今河北任丘市东北。

阿武，侯国。

【补注】先谦曰：河间献王子豫国，

武帝封。《续志》，后汉省。《一统志》，故城今献县西北。

【编者按】治今河北献县西北。

高郭，侯国。

【补注】先谦曰：河间献王子贤国，宣帝封。

莽曰广堤。

【补注】先谦曰：《续志》，后汉省。

《一统志》，故城今任丘县西十七里。

【编者按】治今河北任丘市西北。

新昌。侯国。

【补注】先谦曰：燕刺王子庆国，宣帝封。《续志》，后汉省。《一统志》，故城今新城县东三十里。

【编者按】治今河北新城县东南。

勃海郡

勃海郡，

【补注】先谦曰：《说文》郭下云，郭海地。一曰，地之起者曰郭。渤下云，渤，灞之别也。《史·索隐》引崔浩云，勃，旁跌也。旁跌出者，横在齐北。故《齐都赋》云，海旁出为勃。名曰勃海郡，与《说文》海之别义合。《封禅书》作渤海，本书《武纪》作淳海。《扬雄传》，作勃灞，转写互异。阎若璩云，郡治浮阳，见《旧唐志》。先谦案，《续志》，后汉治南皮。

高帝置。

【补注】全祖望曰：故属秦巨鹿郡，高帝分置，仍属赵国。景帝后以支郡收。武帝元狩三年属燕国。昭帝元凤元年复故。

【编者按】志云勃海郡高帝置，不可信。文帝二年“取赵之河间立辟疆”（《高五王传》），时未闻有勃海之名。

《汉志》河间在巨鹿东北，勃海更在河间之东，若高帝时赵国已析置勃海支郡，则文帝二年河间置国以后，势必将勃海隔离于赵国之外，显然不合情理，所以勃海不可能出现于文帝以前。它只能是河间国除以后所分置的新郡。亦必如此，方是文帝末年二十四郡之数（参见《西汉政区地理》上篇第八章第五节及结语。又，勃海自文帝十五年置郡后，即为汉廷所属，从未再属诸侯王国，全说误甚。）

莽曰迎河。

【补注】先谦曰：迎、逆义同，今文《尚书》作迎河。莽用今文也。属幽州。

【颜注】师古曰：在勃海之滨，因以为名。

【补注】先谦曰：《续志》，后汉因。改属冀州。

户二十五万六千三百七十七，口九十万五千一百一十九。县二十六：

【补注】先谦曰：见《侯表》者，有广、山、沈阳、获苴四县无考。郡人隼不疑，见本传。

浮阳，莽曰浮城。

【补注】先谦曰：《续志》，后汉因。《淇水注》，清河自南皮来，东南分为二渚，枝分东出，谓之浮水故渚。浮水故渚者，《史记》，赵之南界有浮水焉。浮水在南，而此有浮阳之称者，浮水出入，津流同逆，混并清漳二渚，河之旧道，浮水故迹，又自斯别，是县有浮阳之名也。首受清河于县界，下入高成。应劭云，浮阳县，浮水所出入，海潮汐往来日再，今沟无复有水也。《一统志》，故城今沧州东南四十里卧牛城。浮河在州东南。

【编者按】治今河北沧州市东南。

阳信，

【补注】先谦曰：文帝封刘揭为侯国，见表。武帝姊长公主邑，见《卫青传》。后汉因。《续志》，延光元年复。《一统志》，故城今阳信县南（北之误刊——编者按）海丰县界。

【编者按】治今山东无棣县东北。

东光，有胡苏亭。

【补注】先谦曰：《续志》，后汉因。《淇水注》，清河自信都修来，东至东光县西南，迳胡苏亭。《一统志》，故城今东光县东。胡渭《禹贡锥指》云，

许商云胡苏在东光，于钦《齐乘》以沧州之大连淀为胡苏河，得之。

【集释】谭其骧曰：《禹贡》“又北播为九河。”《尔雅·释水》列举九河之名，其一胡苏。胡苏亭当得名于胡苏河。

【编者按】治河北今县东。

阜城，莽曰吾城。

【补注】宋祁曰：阜城，南本作阜成。先谦曰：《续志》，后汉省。《一统志》，故城今阜城县东。

【编者按】治河北今县东。

千童，

【颜注】应劭曰：灵帝改曰饶安。

【补注】宋祁曰：千，当作平。齐召南曰：宋说非也。自是千万之千，不当作平。《水经注》可证。先谦曰：据应说改饶安，而《续志》无饶安县，疑脱。武帝封代共王子遇为侯国，表，童误章，说见表。《元和志》，秦始皇使徐福将童男女千人入海求蓬莱，置此城以居之，故名。《一统志》，故城今沧州东南。

【编者按】代共王子遇所封为千章，在西河郡，并非千童。先谦张冠李戴，又武断地以为《王子侯表》误童为章，大谬。

治今河北南皮县东南。

重合，

【补注】先谦曰：武帝封莽通为侯国，见表。《续志》，后汉因。《一统志》，故城今乐陵县西。

【编者按】治今山东乐陵市西。

南皮，

【补注】先谦曰：陈余弃将印居此。项羽环封之三县，见《羽传》。景帝封窦彭祖为侯国，见表。

莽曰迎河亭。

【颜注】师古曰：阚骃云，章武有北皮亭，故此云南。

【补注】先谦曰：据《淇水注》引应劭云，南皮城北五十里，有北皮城，则非章武属地，或阚氏时有改隶也。《续志》，后汉因。《一统志》，故城今南皮县东北八里。

【编者按】治河北今县东北。

定，侯国。

【补注】先谦曰：齐孝王子越国，武帝封。《续志》，后汉省。《河水注》，屯氏别河北渚自重合来，东北迳定县故城南。应劭云，饶安县东南三十里有定乡城，故县也。北渚下入阳信。案据应说，县并入千童。《一统志》，故城今沧州东南。

【编者按】治今山东乐陵市东北。

章武，有盐官。

【补注】先谦曰：景帝封窦广国为侯国，见表。渤海盐池，见《沟洫志》，盖不领于官者。

莽曰桓章。

【补注】先谦曰：《续志》，后汉因。《一统志》，故城今沧州东北。

【编者按】治今河北黄骅市西北。

中邑，

【补注】先谦曰：高后封朱进为侯国，见表。

莽曰检阴。

【补注】先谦曰：《续志》，后汉省。《寰宇记》，旧地理书并失其所在，盖即今清池县地。《一统志》，故城今沧州市界。

【编者按】治今河北沧州市东北。

高成，都尉治。

【补注】先谦曰：恩泽平津侯公孙宏、功臣合骑侯公孙敖《表》，亦注高城，成城通用字，盖曾析置平津、合骑二县。县人鲍宣，见本传。后汉因。《续志》作高城。《一统志》，故城今盐山县东南。

【编者按】治今河北盐山县东南。

高乐，

【补注】先谦曰：武帝封齐孝王子某为侯国，见表。

莽曰为乡。

【补注】先谦曰：《续志》，后汉省。《一统志》，故城今南皮县东南董镇村。

【编者按】治今河北南皮县东南。

参户，

【补注】先谦曰：《左》襄传杜注，春秋晋木门邑在县西北。

侯国。

【补注】先谦曰：河间献王子免国，武帝封。《续志》，后汉省。《浊漳水注》，涉水东北迳参户亭，分为二渚。应劭云，平舒县西南五十里，有参户亭，故县也。案据应说，县并入东平

舒。《一统志》，故城今青县西南三十里木门镇。

【编者按】治今河北青县西南。

成平，

【补注】先谦曰：武帝封河间献王子礼为侯国，表误平城，说见表。

庠池河，民曰徒骇河。

【补注】王念孙曰：《禹贡锥指》云，漳，故徒骇也。土俗犹能识之，故不言漳滹沱，仍曰徒骇。案某河民曰某河，《地理志》文无此例。民曰，当为或曰之误也。上文河南郡开封，逢池在东北，或曰宋之逢泽也；成皋，故虎牢，或曰制，下文北海郡营陵，或曰营丘；琅邪郡姑幕，或曰薄姑。皆其证。钱坫曰：许商云，徒骇在成平。考此庠池别河也，在今献县南。莽曰泽亭。

【补注】先谦曰：《续志》，后汉改属河间。《一统志》，故城今交河县东。

【编者按】治今河北泊头市北。

柳，侯国。

【补注】先谦曰：齐孝王子阳已国，武帝封。《续志》，后汉省。《淇水注》，浮水故渎自高成来，东北迳柳县故城南。应劭云，高成县东北五十里有柳亭，故县也。世谓之辟亭，非也。浮水故渎又东北迳汉武帝望海南台，又东入海。案据应说，县并入高成。《一统志》，故城今盐山县东五十里。

【编者按】治今河北盐山县东北。

临乐，

【补注】先谦曰：战国赵地，孝成王与燕，见《赵世家》。

侯国。

【补注】先谦曰：中山靖王子光国，武帝封。

莽曰乐亭。

【补注】先谦曰：《续志》，后汉省。《淇水注》，无棣沟自南皮来，东迳乐亭北，《地理志》之临乐县故城也。《晋书·地道记》，乐陵国有新乐县，即此城矣。无棣沟下入高乐。《一统志》，故城今宁津县北。

【编者按】治今河北南皮县东南。

东平舒，

【颜注】师古曰：代郡有平舒，故此加东。

【补注】先谦曰：《齐策》徐州，高注，或作舒州。张守节以为即东平舒。为齐西北界上地。威王云，黔夫守徐州，则燕祭北门，赵祭西门也。《续志》，后汉改属河间。本志河间弓高下云，庠池别河首受庠池河，东至县入海也。《一统志》，故城今大城县治。

【编者按】治今河北大城县。

重平，

【补注】先谦曰：高帝时奚涓母底侯国，见表。又杜侯复陆支《表》注重平，盖尝析置杜县。《续志》，后汉省。《河水注》，屯氏别河北渎自平原平原来，东北迳重平县故城南。应劭云，重合县西南八十里，有重平乡，故县也。屯氏别河北渎下入重合。案据应说，县并入重合。《一统志》，故

城今吴桥县南。旧《志》，县志三十里重合城，即重平之讹，又德平县西北重平城，北魏改置，地理书多误。

【编者按】治今山东宁津县东。

安次，

【补注】先谦曰：次下误连，宜空一格。南监本、官本不误。《续志》，后汉改属广阳。《一统志》，故城今东安县西北。

【编者按】治今河北廊坊市西北。

脩市，侯国。

【补注】先谦曰：清河纲王子寅国，宣帝封。

莽曰居宁。

【颜注】应劭曰：音条。

【补注】先谦曰：《续志》，后汉省。《浊漳水注》，桑社沟水自信都观津来，东迳脩市县故城北，俗谓之温城。应劭云，脩县西北廿里，有脩市城。桑社沟下入信都脩，案据应说，县并入脩。《一统志》，故城今景州西北。

【编者按】治今河北景县西北。

文安，

【补注】先谦曰：《续志》，后汉改属河间。《一统志》，今文安县东北柳河镇。

【编者按】治河北今县东北。

景成，侯国。

【补注】先谦曰：河间献王子雍国，宣帝封。《寰宇记》，清池县西南二里，有五叠城。《舆地志》，雍五子分居城

中，俗呼为五叠城。《续志》，后汉省。《一统志》，故城今交河县东北六十里。

【编者按】治今河北泊头市北。

束州，

【补注】先谦曰：《续志》，后汉改属河间。《一统志》，故城今河间县东北。

【编者按】治今河北河间市东北。

建成，

【补注】先谦曰：沛郡亦有建成。《续志》，后汉省。《一统志》，故城今交河县东。

【编者按】治今河北泊头市北。

（章）〔童〕乡，〔侯国〕。

【补注】先谦曰：钟祖国，成帝封。谢殷，平帝封。《续志》，后汉省。《一统志》，故城今沧州东南。

【集释】谭其骧曰：今本志文本作章乡。按成帝封钟祖为童乡侯，见本书《功臣表》，《太平寰宇记》引阡陌《十三州志》亦作童乡；县又在千童东南，盖分千童所置，知表是志误。

【中华校】〔侯国〕二字据景祐、殿本补。

【编者按】钱大昕亦以为钟祖所封童乡侯国即此，是今本志文失注侯国二字。又平帝封谢殷为童乡侯，必是另一地。志无另一章乡县，乃因谢殷之封为元始五年，已在本文断限年代（成帝元延末年）之后矣。

治今山东乐陵市西北。

蒲领。侯国。

【补注】先谦曰：广川惠王子嘉国，武帝封。清河纲王子禄，昭帝封。《续志》，后汉省。《浊漳水注》，柏梁滏水上承李聪涣（见弓高），东北为柏梁滏，亦谓之向氏口，东迳蒲领县故城南。应劭云，修县西北八十里，有蒲领乡，故县也。柏梁滏水下入信都弓高。案据应说，县并入修。《一统志》，

故城今阜城县东北十里蒲领关。

【编者按】蒲领一地前后凡三属，由广川而清河，而勃海。武帝元朔三年时，封广川惠王子嘉为蒲领侯国，别属清河郡。后蒲领侯有罪，侯国废为县。元鼎四年，清河郡置为王国。昭帝始元六年，又以蒲领置侯国，封清河刚王子禄，而别属勃海郡。

治今河北阜城县东北。

平原郡

平原郡，

【补注】先谦曰：据《河水注》，郡治平原。《续志》，后汉治同。高帝置。

【补注】先谦曰：《河水注》，高帝六年置。全祖望云，故属秦齐郡，高帝分置，属齐国。景帝后以支郡收。徐广云，平原以分济北，误。

【集释】王国维曰：平原、千乘二郡，汉初为齐悼惠王封域，而平原实齐济北郡之地。景武以后济北国境反居济水之南，其在汉初实跨济水南北。《史记·曹相国世家》云，还定济北郡，攻著、漯阴、平原、鬲、卢。著于《汉志》为济南县，卢为泰山县（文帝后济北王所都），漯阴、平原、鬲皆平原属县。故徐广云，济北分平原、太山二郡。高帝时齐既有济北郡，则不得有平原郡也。

【编者按】王说极是，但未揭出平

原郡置于何时。若以个案考证，不可能得出答案，但若从全局的观点进行分析，可推测平原郡当置于景帝四年。景帝三年，平定吴楚之乱以后，乘势收夺各诸侯王国支郡，并且借更徙诸王之机，缩小其封域。七国之乱，济北王未参与其事，不便削其版图，遂徙其王缙川，小其国（淄川比济北小）。景帝四年，徙衡山王勃王济北，表面原因是酬其不反，但并不予其济北全部，而是乘机分济北置平原郡属汉，以缩小了的济北郡王之。同时又徙庐江王王衡山，收庐江、豫章二郡属汉。分置平原郡的前后还有分彭城置沛郡、分胶东置东莱，分邯郸置魏郡之举，并非孤立事件，盖证平原置于景帝四年之有征。全祖望叙汉郡沿革多只能依《汉志》为说，不能有所发明，王国维氏跃进一步，根据纪传记载进行深入考证，始揭出《汉志》

失误之处，然犹未能找到正确答案，无他，缺乏综合、通盘观察耳。

莽曰河平。属青州。

【补注】先谦曰：《续志》，后汉因。属同。

户十五万四千三百八十七，口六十六万四千五百四十三。县十九：

【补注】先谦曰：见《王子侯表》者，有陪、前、高平、平纂，见《恩泽表》者牧丘，共五县无考。

平原，

【补注】先谦曰：春秋齐地，战国入赵，为公子胜封邑，见《平原君传》。秦始皇至平原津而病，见《始皇纪》。曹参攻之，见《参传》。武帝时，河溢于此，见《武纪》。《续志》，后汉因。《河水注》，大河自高唐来，北迳平原县故城东。应劭云，原博平也，故曰平原矣。《一统志》，故城今平原县东。

有笃马河，东北入海，五百六十里。

【补注】先谦曰：入海下，脱行字。《河水注》，屯氏别河南渚，自平原城北，首受大河故渚，东出，亦谓之笃马河。即《地理志》所谓平原县有笃马河，东北入海，行五百六十里者也。下入安德。案道元所见《汉书》本，未脱行字。笃马河亦见《沟洫志》。《一统志》，土河在今河间府宁津县南二十五里，东入山东乐陵县界，相传即古笃马河。

【编者按】治山东今县南。

鬲，

【补注】先谦曰：夏时有鬲君，灭浞，立少康，见《续志》。秦为县，曹参下齐收之，见《参传》。

平当以为鬲津。

【补注】先谦曰：《当传》，哀帝时，领河堤。《沟洫志》，许商云鬲津在鬲县界中。自鬲以北至徒骇，相去二百里，今河虽数移徙，不离此城。钱坫云，《魏都赋》注，县北有盖节渊，盖节即鬲津也。

莽曰河平亭。

【颜注】师古曰：读与耿同。

【补注】钱大昭曰：耿，南监本、闽本并作隔。先谦曰：官本作隔。《续志》，后汉因。《河水注》，王莽河故渚，自清河绎幕来，西迳鬲县故城西，《地理志》曰鬲津也。故有穷后羿国也。故渚下入信都修。《一统志》，故城今德州北。

【编者按】治今山东德州市南。

高唐，

【补注】先谦曰：春秋齐邑，见《左》襄传、《孟子》、《田齐世家》。战国赵肃侯攻拔之，后入齐，惠文王取之，并见《赵世家》。《续志》，后汉因。《一统志》，故城今禹城县西四十里。齐高唐在县南，汉高唐在西。二地虽殊，界实相近。盖禹城西南境，今东昌府之高唐州，乃汉灵县也，故取名耳。

桑钦言漯水所出。

【颜注】师古曰：漯，音它合反。

【补注】宋祁曰：漯改作湿，下同。先谦曰：漯水源流详上，桑说非也。班氏录之，以广异闻。《河水注》，桑钦云，漯水出高唐。余寻其沿历径趣，不得近出高唐也。桑氏所言，盖津流所出，次于是间也。俗以是水上承于河，亦谓之源河矣。

【编者按】治今山东禹城市西。

重丘，

【补注】先谦曰：春秋齐地，见《左》襄传。战国湣王时，与秦败楚于此，见《田齐世家》。《续志》，后汉省。《河水注》，屯氏别河南渚，即笃马河，自安德来，东北迳重丘县故城西。应劭云，安德县北五十里重丘乡，故县也。笃马河下入平昌。案据应说，县并入安德。《一统志》，故城今德州东。

【编者按】治今山东陵县东北。

平昌，侯国。

【补注】钱大昕曰：《续志》谓之西平昌，以琅邪郡亦有平昌县也。先谦曰：王无故国，宣帝封。《续志》，后汉省。其琅邪之平昌，改属北海国。《晋志》平原国西平县，盖误脱昌字。《后魏志》安德郡平昌下云，二汉、晋，属平原；后汉、晋，曰西平昌。据此，后汉又似有此县。或先省后复，而《续志》无之。钱说误也。《一统志》，故城今德平县西南。

【编者按】治今山东商河县西北。

羽，侯国。

【补注】先谦曰：济北式王子成国，

武帝封。

莽曰羽贞。

【补注】先谦曰：《续志》，后汉省。

【编者按】治今山东禹城市西南。

般，莽曰分明。

【颜注】如淳曰：般音如面般之般。韦昭曰：音通坦反。师古曰：《尔雅》说九河云，钩般，郭璞以为水曲如钩流般桓也。然今其土俗用如韦之音。

【补注】王鸣盛曰：注，通垣，宋本同。南监本作通垣，作连完。朱一新曰：汪本通垣作连完。先谦曰：官本作通垣，是。《续志》，后汉因。《河水注》，屯氏别河南渚，即笃马河，自平昌来，故渠川派，东入般县，为般河，盖亦九河之一道也。《一统志》，故城今德平县东北。《纪要》，二十五里。

【编者按】治今山东乐陵市西南。

乐陵，

【补注】先谦曰：宣帝封史高为侯国，见表。

都尉治。莽曰美阳。

【颜注】师古曰：乐音来各反。

【补注】先谦曰：《续志》，后汉因（晋为乐陵郡）。《一统志》，故城今乐陵县西南三十里。

【编者按】治今山东乐陵市东南。

祝阿，

【补注】先谦曰：故曰祝。武王封黄帝后于此，见《礼记》。高帝封高色为侯国，见表。

莽曰安成。

【补注】先谦曰：后汉因。《续志》，春秋时曰祝柯。有野井亭（《左传》唁公野井）。《济水注》，玉水导源太山朗公谷，旧名琨瑞溪，西北迳玉符山，为玉水，又西北枕祝阿县故城东，野井亭西。春秋时祝柯，《左传》所谓督阳者也。汉改为阿。俗谓是水为祝阿涧水，北入济。先谦案，《公羊传》即作祝阿。《一统志》，故城今长清县东北。齐阿县亦祝阿地。

【编者按】治今山东济南市长清区东北。

瑗，莽曰东顺亭。

【补注】先谦曰：《续志》，后汉省。祝阿下刘注，《左传》哀十年，取犁及轅。杜预云，县西有轅城，故县，省。据此，并入祝阿。《河水注》，漯水自高唐来，东北迳援县故城西，下仍入高唐。据此，瑗、轅、援三字通用。《一统志》，故城今禹城县南。

【编者按】治今山东禹城市南。

阿阳，

【补注】先谦曰：当作阳阿。《外戚传》，赵飞燕微时，属阳阿主家，成帝微行，过阳阿主，见，说之。师古云，阳阿，平原之县也。俗书阿作河，又或为河阳，皆后人妄改。先谦案，阳阿乃上党县，此师古误记为平原，后人据颜说，并改此作阳阿，误矣。《续志》，后汉省。《河水注》，河水自平原来，东北迳阳阿县故城西（朱、赵本作阳阿，官本改阿阳，下同）。应劭云，漯阴县东南五十里有阳阿乡，故

县也。下入漯阴。案据应说，县并入漯阴。《一统志》，故城今禹城县东。

【编者按】治今山东禹城市西南。

漯阴，

【补注】先谦曰：《左》哀传杜注，犁一名隰，济南有隰阴县。隰湿字通。秦邑，曹参攻之，见《参传》。武帝封匈奴降王昆邪为侯国，见表。

莽曰翼成。

【颜注】应劭曰：漯水出东武阳，东北入海。师古曰：漯音它合反。

【补注】先谦曰：后汉因。《续志》作湿阴。《河水注》，漯水自高唐来，东北迳漯阴县故城北，县故犁邑也。王莽更名翼成。历北漯阴城南，伏琛谓之漯阳城。《地理风俗记》云，平原漯阴县，今巨漯亭是也。下入著。又《河水》篇，河水又东北过漯阳县北。注云，阿水自阿阳来，右迳漯阴县故城北，王莽之巨武县也。河水下入千乘溼沃。地说家因谓《汉志》脱漯阳一县，并脱莽曰巨武四字。案酈元两注，皆作漯阴县，无漯阳县之名。经之漯阳，旧本自作漯阴。至注中北漯阴及漯阳城，并不称县，后人因巨武疑文，必为《汉志》增漯阳县，未为征信也。据《说文》，湿，正字漯，隶省湿，溼误字。《一统志》，故城今临邑县西。

【集释】杨树达曰：《齐鲁封泥集存》有湿阴丞印，亦见周明泰《再续封泥考略》卷二。王国维云：前志漯阴，后志作湿阴，今封泥作湿阴，则后志是也。树达又按：《景武元宣功臣表》有湿阴定侯昆邪，湿，颜音吐合

反，字仍作湿，不误。

【编者按】治今山东临邑县南。

枋，

【补注】先谦曰：高后封齐悼惠王子辟光。武帝封城阳顷王子让为侯国，见表。

莽曰张乡。

【颜注】应劭曰：音力。

【补注】先谦曰：《齐悼惠王传》作枋。服虔云，音勒。《通鉴》史炤释文同。与应音异。《续志》，后汉省。《河水注》，商河自乐陵来，东迳枋县故城南。应劭云，般县东南六十里，有枋乡城，故县也。案据应说，县并入般。《一统志》，故城今商河县治。

【编者按】治今山东商河县东北。

富平，侯国。莽曰乐安亭。

【颜注】应劭曰：明帝更名厌次。

【补注】先谦曰：本名厌次，宣帝封张延寿，改富平，后汉复故。《河水注》，商河自枋来，东北迳马岭城，又迳富平县故城北。阚骃云，厌次县，本富平侯张安世封邑，非也。案《汉书》，昭帝封张安世为富平侯，薨。子延寿嗣侯，国在陈留，别邑在魏郡，租入岁千余万，延寿上书请减户，天子以为有让，徙封平原，并食一邑，户口如故，而税减半。《史记·侯表》，高帝封厌次侯爰类，是知厌次旧名。非始明帝，盖复故耳。先谦案，东方朔为平原厌次人，厌次名旧，酈说是也。《一统志》，故城今阳信县东南三十里。旧《志》云，陵县东北二十五里神头店。

【编者按】治今山东阳信县东南。

安惠，

【颜注】师古曰：惠，古德字。

【补注】先谦曰：《续志》，后汉因。《一统志》，故城今陵县治。

【编者按】治今山东陵县东南。

合阳，侯国。

【补注】先谦曰：梁喜国，宣帝封。

莽曰宜乡。

【补注】先谦曰：《续志》，后汉省。《寰宇记》，故城在信都县东，后汉并入扶柳。

【编者按】今地无考。《寰宇记》所云合阳地望已不在平原郡内，不足为据。

楼虚，侯国。

【补注】齐召南曰：当作杨虚，各本俱误。文帝封齐悼惠王子将闾为杨虚侯，后汉光武封马武为杨虚侯，即此县也。先谦曰：《续志》，后汉省。《河水》篇，河水又东北过杨虚县东，商河出焉。注云，《地理志》，杨虚，平原之隶县也。城在高唐城之西南，经次于此，是不比也（此谓河先迳杨虚，乃至高唐）。商河下入高唐。又云，河水自东郡临邑来，东迳杨虚县故城东，俗犹谓是城为阳城矣，下仍入东郡茌平。案据此，楼当为杨，亦通作阳。《仓公传》，身居阳虚侯国，是也。《功臣表》，又有楼虚侯訾顺。赵一清以为二名并见汉封，或元是杨虚，后改楼虚，东京以后，旋复故称，

明章以后，乃归省并也。《一统志》，故城今禹城县西南。

【编者按】治今山东茌平县东北。

龙颌，侯国。

【补注】先谦曰：韩说国，武帝封。莽曰清乡。

【颜注】师古曰：今书本颌字或作额，而崔浩云，有龙颌村，作额者非。

【补注】先谦曰：《史表》引崔浩云，颌音洛，今河间有龙颌村。《续志》，后汉省。《一统志》，故城今景州东三十里。

【编者按】治今山东齐河县西北。

安。侯国。

【补注】先谦曰：《赵世家》，悼襄王时，庞煖取安，徐广以为汉安县。济北贞王子乐国，武帝封。钱大昭云，表作安阳，疑阳当作炀，是其谥。先谦案，《续志》，后汉省。《寰宇记》，安陵县在德州西北百里，本汉安县，旧地理家并失理所。据此，安即安陵。《河水注》，王莽故渎自信都修来，北迳安陵县西，本修之安陵乡也。应劭云，修县东四十里有安陵乡，故县也。故渎下入勃海东光，是汉代本有安陵县，而地说皆未之及。疑安县以安陵乡取名，或后更安陵，而旋并入修县耳。《一统志》，故城今吴桥县西北。

【编者按】治今河北吴桥县东北。

千乘郡

千乘郡，

【补注】先谦曰：据《河水注》，郡治千乘。《续志》，后汉治狄。高帝置。

【补注】先谦曰：《河水注》，高帝六年置。全祖望云，故属秦齐郡，高帝分置，属齐国，景帝后以支郡收。

【编者按】王国维以为千乘郡非高帝置，极是。但其所举证据却有误。王氏以为千乘分自胶西，因为《史记·诸侯王表》言文帝十六年分胶西国都宛，而千乘郡有高宛县，遂以高

苑附会宛县。不知《史表》之宛乃密之讹（见梁玉绳《史记志疑》），即《汉志》高密县，故千乘与胶西浑然无关。千乘乃分自齐郡。武帝元狩六年同时分封三子为王，燕王、广陵王皆不得整郡之地，唯齐王闳是爱子，故全有齐郡。闳之齐国领有博昌县，而博昌于《汉志》属千乘郡，可见当时之齐国有千乘之地。但其时千乘郡必尚未分置。因否则齐王之封名义上兼有二郡之地，相形之下，毋乃太过。故颇疑千乘置于元封元年齐国已除之

后。(详见《西汉政区地理》上篇第九章第二节)

莽曰建信。

【补注】朱一新曰：《后书·崔骃传》，崔篆为建新大尹。《孔僖传》同。李注，莽改千乘国曰建信，又改曰建新。案《王莽传》，改十一公号以新为心，后又改新为信。据此，建新当是莽初改之名，后改建信，如十一公号之改新为信也。

属青州。

【颜注】应劭曰：和帝更名乐安。

【补注】先谦曰：《续志》刘注，永元七年，更为乐安国，郡本有乐安县，故以名之。应劭所云取休令之名也。属同。

户十一万六千七百二十七，口四十九万七千二百二十。有铁官、盐官、均输官。

县十五：

【补注】先谦曰：见《王子侯表》者，有随城，见《外戚表》者，有桑、乐二县无考。郡人倪宽，见本传。

千乘，

【补注】先谦曰：秦县。韩信破田吸于此，见《田儋传》。县人欧阳和伯，见《儒林传》，《续志》，后汉因。伏琛《齐记》，千乘有南北二城，相去三十里。其一城，县治；一城，太守治。《一统志》，故城今高苑县北二十五里。

有铁官。

【补注】全祖望曰：郡下已云有铁官，复出。

【编者按】治今山东高青县东北。

东邹，

【补注】先谦曰：《续志》，后汉省。《一统志》，故城今青城县境。以在邹平东，故加东。《晋志》乐安国复领邹县，盖即古东邹，或以邹为邹平者，误。

【编者按】治今山东高青县西南。

溼沃，莽曰延亭。

【补注】钱大昕曰：溼，当作湿，音它合反。先谦曰：《续志》，后汉省。《河水注》，河水自平原漯阴来，又东北为漯沃津，在漯沃县故城南。应劭云，千乘县西北五十里，有大河，河北有漯沃城，故县也。河水下入千乘。案据应说，县并入千乘。《一统志》，故城今蒲台县西北。

【编者按】治今山东滨州市西北。

平安，侯国。莽曰鸿睦。

【补注】先谦曰：王舜封安平侯，表、传同。而《史记·将相表》，有平安侯王章为右将军，章即舜之子，则舜封是平安，非安平。《许后传》亦有平安刚侯谒。《济水注》，济水自被阳来，东北迤为渊渚，谓之平州。漯沃县侧有平安故城，俗谓之会城，非也。《地理志》千乘郡有平安县。应劭云，博昌县西南三十里有平安亭，故县也。世尚存平州之名矣。济水下入高昌。案应、酈相承，并作平安，合之《史表》、《许后传》，可订安平之误。《续志》，后汉省。据应说，县并入博昌。《一统志》，故城今新城县东北四十里，

或谓之高会城。

【编者按】治今山东博兴县南。

博昌，

【补注】先谦曰：后汉因。《续志》，有薄姑城。《济水注》，济水自乐安来，东北迳薄姑城北。地理书云，吕尚封于齐郡薄姑。故城在临淄县西北五十里，近济水。《一统志》，故城今博兴县南二十里。

时水东北至巨定入马车渚，幽州浸。

【颜注】应劭曰：昌水出东莱昌阳。臣瓚曰：从东莱至博昌，经历宿水，不得至也，取其嘉名耳。师古曰：瓚说是。

【补注】钱大昕曰：时水，本或作薄水，误。《职方氏》幽州，其浸菑时是也。先谦曰：巨定，齐郡县。据《水经》淄水、瓠子河《注》，时水即如水，志分为二。《淄水注》，时水自齐西安来，东北合渚水，迳博昌城北，下入齐郡利。渚水自齐临淄来，西迳博昌县故城南。阚骃云，县处势平，故曰博昌。渚水西历贝丘，在齐城西北四十里。《春秋》，齐侯田子贝丘，是也（案《齐世家》作沛丘）。渚水又西北入时水。《从征记》曰：水出临淄县，乐安博昌南界，西入时水者也。自下亦通谓之渚。齐侯云，有酒如渚，指喻此水也。

【编者按】治今山东博兴县东南。

蓼城，都尉治。莽曰施武。

【补注】先谦曰：《续志》，后汉因。

刘注引杜预云，县东北有摄城。案此《左传》所谓聊摄也。蓼城非聊城，刘引盖误。据《河水注》引应劭说，建信为都尉治。志云蓼城都尉治，非建信也，二县相近故耳。

【编者按】治今山东利津县西南。

建信，

【补注】先谦曰：《续志》，后汉省。《河水注》，漯水自东邹来，东北迳建信县故城北。应劭云，临济县西北五十里，有建信城，都尉治故城者也。漯水下入千乘。案据应说，县并入狄。《一统志》，故城今高苑县西北。

【编者按】治今山东高青县西北。

狄，

【补注】先谦曰：孔子临狄水而歌，见《琴操》。战国齐地。秦为县。田单、田儋，皆邑人，见《田单传》、《陈涉世家》。《续志》刘注，《地道记》云，狄伐卫懿公。

莽曰利居。

【颜注】应劭曰：安帝更名曰临济。

【补注】先谦曰：后汉改名临济。《续志》亦云安帝更名，但临济之名，屡见《高纪》、田儋、曹参《传》，又田都所都，必非小邑聚，或汉初以户口稀少，并临济于狄，后汉以狄为乐安所治，嫌非佳名，故易之耳。《一统志》，故城今高苑县西北。

【编者按】治今山东高青县东南。

琅槐，

【颜注】师古曰：槐，音回。

【补注】先谦曰：《续志》，后汉省。《济水注》，济水自齐郡利来，东北至甲下邑南，东历琅槐县故城北。应劭云，博昌东北八十里，有琅槐乡，故县也。《山海经》曰，济水绝巨野。注，渤海入齐琅槐东北者也。又东北，河水枝津注之，又东北入海。先谦案，本志河东垣下云，济水又东至琅槐入海者也。据应说，县并入博昌。《一统志》，故城今乐安县东北一百十里。

【编者按】治今山东广饶县东北。

乐安，

【补注】先谦曰：武帝封李蔡为侯国，见表。《续志》，后汉因。《一统志》，故城今博兴县北。

【编者按】治今山东博兴县东北。

被阳，侯国。

【颜注】如淳曰：一作疲，音罢军之罢。师古曰：音皮彼反。

【补注】宋祁曰：被或作彼。先谦曰：齐孝王子燕国，武帝封。《史表》作披阳。《索隐》，萧该，披音皮。《续志》，后汉省。《济水注》，济水自临济来，晏谟《齐记》曰：有南北二城隔济水，其南城，即被阳故城也。（后魏渤海侨郡治）北枕济水下入平安。《一统志》，故城今高苑县治。

【编者按】治今山东高青县东南。

高昌，[侯国]。

【补注】先谦曰：宣帝封董忠为侯国，见表。《续志》，后汉省。《一统志》，故城今博兴县西南。

【编者按】高昌侯哀帝元寿二年免，封于元延末年，志失注侯国，钱大昕氏未补。

治今山东博兴县西。

繁安，侯国。

【补注】先谦曰：齐孝王子忠国，武帝封。

莽曰瓦亭。

【补注】先谦曰：《续志》，后汉省。

【编者按】今地无考。

高宛，

【补注】先谦曰：战国齐地，见《齐策》。高帝封丙猜为侯国，见表。《史表》作高苑。

莽曰常乡。

【补注】先谦曰：《续志》，后汉因。《一统志》，故城今新城县境。楚元王子岁封沈犹侯，《元王传》注云，《王子侯表》，沈犹属千乘高苑。今表无注，沈犹殆高宛之乡名欤？

【编者按】治今山东邹平县东北。

延乡，[侯国]。

【补注】先谦曰：成帝封李谭为侯国，见表。《续志》，后汉省。《一统志》，故城今新城县东。

【集释】钱大昕曰：志失注侯国。

【编者按】钱说是。延乡侯成帝永始四年封，莽败乃绝，应补注侯国二字。

治今山东邹平县东。

济南郡

济南郡，

【补注】先谦曰：济，当为沛。据《济水注》，郡治东平陵。《续志》，后汉治同。

故齐。

【补注】先谦曰：故属秦齐郡，高帝时，仍属齐悼惠王肥国。

文帝十六年别为济南国。

【补注】先谦曰：以王悼惠子辟光。景帝二年为郡。

【补注】王念孙曰：二当为三，《齐悼惠王世家》，济南王辟光，十一年，与吴楚反，汉击破杀辟光，以济南为郡，地入于汉。济南王十一年，景帝三年也。见《高五王传》及《史表》。全祖望曰：高后元年，封平昌侯太为吕王；七年，改号济川。见《史记》。则济南即济川，胡三省失考。乃曰在济南、济北之间，误也。顾祖禹又失考，谓太所封之济川，即梁之济川，而不知梁之济川是陈留，乃景帝所封梁孝王子，在济阳，其国名亦曰济川，而非太所封之济川也。

【编者按】济南郡沿革比较复杂。高帝六年，封齐悼惠王七郡，其中有博阳无济南。文帝十五年，全齐属汉为七郡，其中有济南无博阳。两相对照知博阳郡即济南郡之前身。博阳郡大约以郡治博阳得名，博阳本为田安

济北王都，而田安济北国当以秦济北郡置，故博阳郡实分自济北郡。

吕后元年，割齐之济南郡为吕王奉邑，始见济南之名。大抵因博阳郡迁至济水以南之东平陵，遂更郡名为济南，更名之年已不可考。济南郡境当北有著（《汉志》属济南），南有博阳（即《汉志》博县，属泰山郡），《汉书·王子侯表》载元朔二年武帝封齐孝王子就于济南之博阳可证。亦盖证济南郡实由博阳郡更名而来。是时之济南郡（博阳郡）当包括《汉志》济南郡全部及泰山郡东部。

吕后七年，改吕国为济川，封诈惠帝子刘太。八年八月，吕氏败，刘太徙王梁，济川国复为济南郡。文帝元年，复为齐国济南支郡。二年，属刘兴居济北国（参见《西汉政区地理》上篇第九章第四节）。三年，属汉为郡。十六年，以济南郡置国，立悼惠王子辟光为济南王。景帝三年，济南王反诛，国除为郡。武帝元狩元年，得济北国所献之泰山及其旁邑，因此而割济南郡南部置泰山郡。此后之济南郡未曾变动，一直延续到西汉末年。莽曰乐安。属青州。

【补注】先谦曰：《续志》，后汉因。属同。

户十四万七百六十一，口六十四万二千八百八十四。

县十四：

【补注】先谦曰：见《侯表》者，有河綦、常乐、德三县无考。郡人终军、王诘，见本传。伏生、张生、林尊，见《儒林传》。

东平陵，有工官、铁官。

【补注】先谦曰：春秋谭国，齐灭之，见《左传》。据《说苑》，齐桓公之平陵，是当时已有平陵之号矣。东平陵见《五行志》。后汉因。郡治。《济水注》，武原水出谭城南平泽中，北迳谭城东，又迳东平陵县故城西，故陵城也，后乃加平。武原水下入历城。于钦《齐乘》，扶风有平陵，故此加东。《一统志》，故城今历城县东。章丘亦东平陵地。

【编者按】治今山东济南市东。

邹平，

【补注】齐召南曰：宋本、监本及别本，俱以邹为一县，平臺为一县，此大误也。邹平故城在今邹平县北，与驺县属鲁国者不同。臺县，即高祖功臣戴野侯国，与常山郡属之平臺县，宣帝封史元为侯者，又不同也。当以邹平连写。先谦曰：邹下误空一格，平下误连，官本正之。《续志》，后汉因。《河水注》，漯水自朝阳来，东迳邹平县故城北，古邹侯国，舜后姚姓也。漯水下入千乘东邹。《一统志》，故城今邹平县北。齐东县半入汉邹平境。

【编者按】治山东今县北。

台，

【补注】先谦曰：春秋齐邑，景公以封晏子，见《晏子春秋》。高帝封戴野为侯国，见表。

莽曰台治。

【补注】先谦曰：《续志》，后汉因。《一统志》，故城今历城县东北三十里。

【编者按】治今山东济南市东北。

梁邹，

【补注】先谦曰：高帝封武虎为侯国，见表。《续志》，后汉因。《一统志》，故城今邹平县治。

【编者按】治今山东邹平县北。

土鼓，

【补注】先谦曰：《续志》，后汉因。《一统志》，故城今留川县西。

【编者按】治今山东章丘县东。

於陵，都尉治。

【补注】顾炎武曰：沛南太守治东平陵，而都尉治于陵者，以长白山也。《魏书·辛子馥传》，长白山连接三齐瑕丘数州之界，多有盗贼。又隋大业九年，齐人孟让、王薄等，众十余万，据长白山，攻剽诸郡。观此二事，知汉人立都尉治於陵之意。

莽曰於陆。

【补注】先谦曰：《续志》，后汉因。《一统志》，故城今长山县西南二十里。

【编者按】治今山东淄博市西。

阳丘，

【补注】先谦曰：文帝封齐悼惠王

子安为侯国，见表。《艺文志》有阳丘侯偃。《续志》，后汉省。《一统志》，故城今章丘县东南。

【编者按】治今山东章丘市北。

般阳，莽曰济南亭。

【颜注】应劭曰：在般水之阳。师古曰：般音盘。

【补注】吴卓信曰：宋、魏《志》作槃阳。北齐平州刺史朱岱林墓志，作槃阳，古字通用。先谦曰：《续志》，后汉改属齐。《济水注》，般水出般阳县南龙山，俗谓之左阜水，西北径其城南，又南屈，西入陇水。《一统志》，故城今淄川县治。般水在县东南十五里，俗名鱼头河。

【编者按】治今山东淄博市西南。

营，

【颜注】应劭曰：音奸。

【补注】先谦曰：文帝封齐悼惠王子罢军为侯国，见表。后汉因。《一统志》，故城今章丘县西北。

【编者按】治今山东章丘市西北。

朝阳，侯国。

【补注】先谦曰：宰寄国，高帝封。广陵厉王子圣，宣帝封。

莽曰修治。

【颜注】应劭曰：在朝水之阳。

【补注】先谦曰：后汉因。《续志》作东朝阳。刘注，县西有崔城。《河水注》，漯水自著来，东北迳崔氏城北。《左传》，崔成请老子于崔者也。漯水又东北迳东朝阳县故城南。应劭云，

南阳有朝阳县，故此加东，漯水下入邹平。朝水无考。《后汉·耿弇传》，从朝阳桥河以渡。章怀注，朝阳县城在济水北，有漯河。然则朝水即漯水之别名欤？《一统志》，故城今章丘县西北，齐东县半入朝阳境。

【编者按】治今山东邹平县西北。

历城，有铁官。

【补注】阎若璩曰：《元和志》，汉景帝二年，以前沛南郡为国时，理历城县，是县曾为治。全祖望曰：当云有沕水。先谦曰：春秋齐地沕，见《左》桓传，亦为鞞邑，见《成传》（顾祖禹说）。又曰历下，见《晋世家》。战国同，见《田齐世家》及《高纪》、《韩信传》。历城，盖汉初县。后汉因。《济水注》，沕水出历城县故城西南，泉源上奋，水涌若轮，城南对山，山上有舜祠，《书》舜耕历山，亦云在此。其水北为大明湖，引洩东，入西郭，至历城西而侧城北注陂水，上承东城历祠下泉，北流，迳历城东，分二水，左水西迳历城北，为陂，谓之历水，与沕水合，其枝津首受历水于历城东，东北迳东城西，而北出郭，入沕水，沕水又北，听水出焉，又北入济，为沕口。《一统志》，故城今历城县治。

【编者按】治今山东济南市西。

獠，侯国。

【补注】先谦曰：赵敬肃王子起国，武帝封。

莽曰利成。

【颜注】应劭曰：音麓。苏林曰：

音爻。今东朝阳有獠亭。蔡薺音由，音（鸮）[鸮]。师古曰：蔡音是，音于虬反。

【补注】钱大昭曰：鸮，闽本作鸮。朱一新曰：汪本作鸮。先谦曰：应音误。爻鸮字微分阴阳，实一音也。颜云于虬反，即由之切音。因专取由音，故专是蔡。《续志》，后汉省。据苏注，并入朝阳。《一统志》，故城今章丘县北。

【中华校】景祐、殿本“鸮”都作“鸮”。

【编者按】治今山东章丘市北。

著，

【颜注】师古曰：音竹庶反，又音直庶反。而韦昭误以为蓍龟之蓍字，乃音纪咨反。失之远矣。

【补注】洪颐煊曰：《魏书·地形

志》，济南郡蓍，二汉，晋属此。即韦昭本。先谦曰：官本纪作弛。秦邑，曹参所收，见本传。《续志》，后汉因。《一统志》，故城今济阳县西南。

【集释】杨树达曰：《齐鲁封泥集存》及《续封泥考略》卷三并有蓍丞之印，王国维云，济南蓍县，前后二志均为蓍字，韦昭读为蓍龟之蓍，师古非之。然后魏济南尚有蓍县，今封泥有蓍丞之印，则韦是而颜非也。

【编者按】治今山东济阳县西。

宜成。侯国。

【补注】先谦曰：燕仓国，昭帝封。菑川懿王子偃，武帝封。《续志》，后汉省。

【编者按】当在今山东商河县南，确地无考。

泰山郡

泰山郡，

【补注】先谦曰：据《江水注》，郡治奉高。《续志》，后汉治同。高帝置。

·【补注】全祖望曰：故属秦齐郡，楚汉之际属齐国，寻为济北国，五月复属齐国，分置济北、博阳二郡。高帝四年属汉，改博阳曰泰山，仍属齐国。文帝二年，别属济北国，四年复故，十六年复属济北国。景帝四年复

故，五年复属济北国。武帝元鼎元年，献泰山及其旁邑，其国如故。后元二年，并济北入泰山。又云，博阳郡，楚汉间分济北置，见《高纪》。以封齐王。按《月表》，济北国都博阳，则本属济北。及封齐王，已分置矣。盖即汉之泰山，而后并济北入之者也。东京又分泰山、济北为二，则泰山仍得博县，是其证也。又云，前志泰山郡之博县，即博阳也。刘攽疑博阳置郡

之无征，不知即泰山也。奉高未置县以前，泰山即治博县，以是益知其为博阳也。

【集释】王国维曰：《封禅书》云，济北王以为天子且封禅，乃上书献泰山及其旁邑，天子以他县偿之，则泰山郡之置在武帝时，非高帝所置也。

【编者按】王说是。全祖望为符合高帝置之说，叙泰山沿革条理不清，难于自圆其说。考泰山郡当置于武帝元狩元年，在得济北国所献之泰山及其旁邑后，即割济南郡南部置。参见济南郡下之说。

属兖州。

【补注】先谦曰：《续志》，后汉因。属同。

户十七万二千八十六，口七十二万六千六百四。有工官。汶水出莱毋，西入济。

【颜注】师古曰：汶音问。毋与无同。

【补注】钱大昭曰：莱芜县下，亦载汶水，较此加详，则此八字是衍文。钱大昕曰：注，毋与芜同。芜作无，误。先谦曰：有工官三字，与奉高下复，疑亦衍文。

县二十四：

【补注】先谦曰：见《侯表》者，有德、五据、胡毋三县无考。郡人毛莫如、栗丰、冥都，见《儒林传》。

奉高，有明堂，在西南四里，武帝元封二年造。有工官。

【补注】先谦曰：造明堂事，详《郊祀志》。《续志》，后汉因。郡治。

《汶水注》，《禹贡》汶水自嬴来，西南过奉高县北，武帝元封元年立，以奉泰山之祀。《一统志》，故城今泰安市东北十七里。县东北四十里有周明堂故址，县东十里有汉明堂故址。

【编者按】治今山东泰安市东。

博，

【补注】先谦曰：济北王田安都博阳，即此，见《项羽传》。灌婴破田横于此，见《婴传》。后汉因。《一统志》，故城今泰安市东南。

有泰山庙。

【补注】先谦曰：《郊祀志》，宣帝神爵元年定祀。《一统志》，庙在今泰安县城西北隅。

岱山在西北，

【补注】钱坫曰：岱、泰字，古通用。先谦曰：《禹贡》山水泽地篇，泰山为东岳，在泰山博县西北。与此合。《一统志》，山在今泰安县城北五里。（求山上）〔兖州山〕。

【补注】钱大昕曰：求山上三字，兖州山之讹。

【编者按】治今山东泰安市东南。

茌，

【颜注】应劭曰：茌山在东北，音淄。师古曰：又音仕疑反。

【补注】宋祁曰：茌当作荏。先谦曰：《续志》，后汉因。曹魏名县为山荏。《一统志》，故城今长清县东北。

【编者按】治山东济南市长清区东南。

卢，

【补注】先谦曰：春秋齐邑，见《左》隐、成、襄传。秦县，曹参攻之，见本传。《地道记》，卢，扁鹊所生。

都尉治。济北王都也。

【补注】先谦曰：淮南厉王子勃封济北王，都此。传云，国除为北安县，盖后改名卢。后汉改属济北。《一统志》，故城今长清县南二十五里。

【编者按】治山东济南市长清区西南。

肥成，

【颜注】应劭曰：肥子国。

【补注】洪亮吉曰：真定国肥累下原注云，故肥子国。杜预《左传》注，肥国，在巨鹿下曲阳县西南有肥累城。则肥子国属真定者为是。又甾川国剧县，应劭亦云故肥国。先谦曰：《续志》，后汉省。《汶水注》，沁水出肥成县东北原，西南流，迺县故城南。乐子春谓其弟子曰：子适齐过肥，肥有君子焉。左迺句窳亭北，下入东平富城。案酈不采应说，其证尤矣。《一统志》，故城今肥城县治。

【编者按】治今山东肥城市。

蛇丘，隧乡，故隧国。《春秋》曰：“齐人死于隧”也。

【颜注】师古曰：蛇，音移。隧，音遂。

【补注】全祖望曰：隧当作遂，此俗本之讹。先谦曰：《齐世家》，鲁庄公献遂邑于齐，则遂为鲁灭。后汉改

属济北。《汶水注》，《禹贡》汶水自鲁汶阳来，又西，洸水出焉。又迺蛇丘县南。杜预云，县治铸乡城也。下入刚。蛇水自汶阳来，西南经铸城西，《左传》所谓蛇渊圉也，又迺夏晖城南，《左传》之下讙也，又西南入汶。《一统志》，故城今肥城县南。

【编者按】蛇即蛇，故《图集》作蛇丘。治今山东肥城市南。

刚，

【补注】先谦曰：县人郑弘，见本传

故阌。莽曰柔。

【颜注】应劭曰：《春秋》，取酈及阌。今阌亭是也。师古曰：酈音驩。

【补注】先谦曰：《续志》，后汉改属济北。《汶水注》，《禹贡》汶水自蛇丘来，西南过刚县北。杜预云，阌在刚县北，刚城东有一小亭，今刚县治。俗人又谓之阌亭。京相璠云，刚县西四十里，有阌亭。未知孰是。又《洸水注》，洸水上承汶水于刚县西阌亭东。《尔雅》曰：汶别为阌，其犹洛之有波矣。《一统志》，故城今宁阳县东三十五里。

【编者按】治今山东宁阳县东北。

柴，[侯国]。

【补注】先谦曰：武帝封齐孝王子代为侯国，见表。《续志》，后汉省。《汶水注》，淄水自梁父来，西南迺柴县故城北，世谓之柴，汶水下入式。《一统志》，故城今泰安县南柴城堡。

【集释】钱大昕曰：志失注侯国。

【编者按】治今山东新泰市西。

盖，

【补注】先谦曰：战国齐邑，见《孟子》。景帝封王信为侯国，见表。《续志》，后汉因。《一统志》，故城今沂水县西北八十里。

临乐（于）[子]山，洙水所出，西北至盖入池水。

【补注】齐召南曰：池应作泗。《水经注》引此文云，西北至盖，入泗水。或作池字，盖字误也。观此，则道元以前本，已讹作入池水矣。先谦曰：《洙水注》，洙水自临乐山，西北迳盖县，下入东平阳县，与《说文》皆无于字，则于字亦衍。官本，于作子。又盖县所出之水，无仍云至盖入它水之理，与全志体例不合，而《水经注》已引作至盖，则北魏前，志文已误。王念孙云，至盖当为至卞。卞县有泗水，盖县无泗水。卞县故城在今兖州府泗水县东，故云洙水至卞入泗水。今之洙水，乃在曲阜县北，上源既不远，下流又入沂不入泗，与《汉志》、《水经》故道迥殊矣。先谦案，《一统志》，临乐山在今蒙阴县东北。

【中华校】景祐、殿本“于”都作“子”。

又沂水南至下邳入泗，

【补注】先谦曰：下邳，东海县。《沂水》篇，沂水出盖县艾山。注云，郑玄云，出沂山。亦或云，临乐山水有二源，南为柞泉，北为鱼穷泉，东南流，合为一川，合洛预水、桑预水、螳螂水，东迳盖县故城南，合连绵水，下入琅邪东莞。

过郡五，

【补注】先谦曰：过泰山、琅邪、城阳、东海，五当为四。

行六百里，青州浸。

【颜注】师古曰：盖，读如本字，又音古盍反。洙音殊。

【编者按】治今山东沂源县东南。

梁父，

【颜注】师古曰：以山名县。父音甫。

【补注】先谦曰：功臣平州侯王恢《表》注。梁父，盖尝析置平州县。后汉因。《续志》，父作甫。《汶水注》，淄水出梁父县东，西南流，迳菟裘城北。《春秋》，隐公营之。又迳梁父县故城南，县北有梁父山。《开山图》云，泰山在左，亢父在右。亢父知生，梁父知死。王者封泰山禅梁父，故县取名焉。淄水下入柴。《一统志》，故城今泰安县南六十里。

【编者按】治今山东泰安市东南。

东平阳县，

【补注】先谦曰：秦邑，灌婴破楚骑于此，见本传。《续志》，后汉省。《洙水注》，洙水自盖来，西迳东平阳县。《春秋》，城平阳，是也。河东有平阳，故此加东（晋改新泰）。洙水下入鲁国卞。《一统志》，故城今新泰县西北。

【编者按】治今山东新泰市。

南武阳，

【补注】徐松曰：东郡有东武阳，

故加南。

冠石山，治水所出，南至下邳入泗，过郡二，行九百四十里。

【补注】钱坫曰：过泰山、东海二郡，自南武阳至下邳，无九百四十里，当有误字。

莽曰桓宣。

【颜注】应劭曰：武水所出，南入泗。

【补注】先谦曰：《续志》，后汉因。《沂水注》，治水出冠石山。《地理志》曰：冠石山，治水所出。应劭云，武水出焉。盖水异名也。下入蒙阴。先谦案，道元言治水历费、临沂入沂，不言至下邳入泗，与志违异。《泗水注》又言，武水至下邳入泗，不言出冠石山，以地形测之，冠石山在南武阳及楚国武原县界，武水、治水皆出焉，流入费县者，为武水，至临沂入沂，南武阳以武水得名也；流入武原者，为治水，亦谓之武水，合武原水入泗。班、应所说也。志举治水，不及入沂之武水；应举武水，不析言有二。道元即引志以释治水，而于下流入沂不入泗，未加剖驳，此盖偶有不照，非有意分歧可知。《一统志》，故城今费县西北七十里。冠石山名聪山，治水名浚河。

【编者按】治今山东平邑县。

莱芜，

【补注】先谦曰：《续志》，后汉因。《一统志》，故城今淄川县东南六十里。博山县亦汉莱芜地。

原山，淄水所出，东至（博）

〔博〕昌入泲，幽（川）〔州〕浸。

【补注】王鸣盛曰：博，南监本作博，是。淄川，《禹贡》在青州，而《职方》以为幽州浸者，青地周入幽也。先谦曰：博昌，千乘县。淄，《禹贡》作淄，《周礼》作菑。《淄水》篇，淄水出莱芜县原山。注云，淄水出县西南山下，世谓之原泉。《淮南子》云，水出岱山，盖山别名也。东北流，迳莱芜谷，屈而西北流，迳县故城南。《从征记》云，城在莱芜谷，当路，阻绝两山间，道由南北门。范史云言，莱芜在齐，非鲁所得。引旧说云，齐灵公灭莱，莱民播流此谷，邑落荒芜，故曰莱芜，《禹贡》所谓莱夷也。余案，县，汉高祖置。《左传》，与之莱柞。应劭云，莱芜，鲁之莱柞邑。淄水又西北转迳城西，又东北合家桑谷水，又北出山，为莱芜口，下入齐临淄。家桑谷水出县东南，《从征记》名曰圣水，西北入淄。《一统志》，原山在今博山县东二十五里。《府志》，一名马耳山。

【中华校】“博”，“川”，景祐、殿本作“博”，作“州”。

又《禹贡》汶水出西南入泲。汶水，桑钦所言。

【颜注】师古曰：泲，音子礼反。

【补注】先谦曰：《汶水》篇，汶水出莱芜县原山，西南过其县南。注云，莱芜县在齐城西南，原山又在县西南六十许里。《地理志》汶水与淄水俱出原山，西南入济，不得过其县南也。《从征记》云，汶水出县，西南流，下入嬴。先谦案云，汶水桑钦所言者，举汶水以别于淄水。又琅邪朱虚亦有

汶水，入潍，《禹贡》无之，此入洧之汶，故冠以《禹贡》。其举欽言者，明古文说之不易，而今文家所未及也。《说文》汶下云，水出琅邪朱虚东泰山，东入潍。桑钦说，汶水出泰山莱芜，西南入洧，与班义正同。

【集释】杨树达曰：《齐鲁封泥集存》及《续封泥考略》卷三并有“来无丞印”，字作来无，则志作莱芜者误也。

【编者按】莱芜与来无，同音相假，无所谓正误。

治今山东淄博市南。

钜平，有亭亭山祠。

【颜注】应劭曰：《左氏传》，阳虎入于鄆阳关以叛，今阳关亭是也。

【补注】先谦曰：春秋，鲁城邑，始见《左》桓传。战国，齐取之。鲁伐齐，入阳关，见《田齐世家》。县人王章，见本传。后汉因。《续志》有亭禅山，有阳关亭。《汶水注》，《禹贡》汶水自博来，西南迳亭亭山东，黄帝所禅也。山有神庙，水上有石门，旧分水下游处。汶水又迳阳关故城西，又南，左合淄水，又迳巨平县故城东，而西南流。城东有鲁道，《诗》所谓鲁道有蕤也。汶水下入鲁汶阳。《一统志》，故城今泰安县西南，亭亭山南五十里。

【编者按】治今山东泰安市南

羸，有铁官。

【颜注】师古曰：音盈。

【补注】先谦曰：春秋战国齐邑，始见《左》桓传及《孟子》。灌婴败田

横军于此，见《婴传》。后汉因。《续志》，有铁山。《一统志》，故城今莱芜县西北四十里，汶水北城子村。

【编者按】治今山东莱芜市西北。

牟，故国。

【颜注】应劭曰：附庸也。师古曰：《春秋》桓十五年，牟人来朝，即此也。

【补注】先谦曰：《续志》，后汉因。《汶水注》，牟汶出牟县故城西南阜下，俗谓之胡卢堆。《淮南子》云，汶出弗其。高诱云，山名。或斯阜矣。牟县故城在东北，古牟国，应劭云，鲁附庸。俗谓是水为牟汶也。下入奉高。案据郾引应说，明附上脱鲁字。《一统志》，故城今莱芜县东二十里，牟汶水出县南。

【编者按】治今山东莱芜市东。

蒙阴，《禹贡》蒙山在西南，有祠。

【补注】先谦曰：《禹贡》山水泽地篇，蒙山在蒙阴县西南。与志合。

颛臾国在蒙山下。莽曰蒙恩。

【补注】先谦曰：《续志》，后汉省。《沂水注》，治水自南武阳来，东流迳蒙山下，又东南迳颛臾城北，下入东海费。案据《续志》，南武阳有颛臾城，则蒙阴后汉并入南武阳。《一统志》，故城今蒙阴县西南十五里。蒙山在县南四十里，接费县界。

【编者按】治山东今县西。

华，莽曰翼阴。

【补注】先谦曰：《续志》，后汉省。吴卓信云，《后汉·光武十王传》，永平二年，以华县益琅邪。是明帝时尚有华县。《三国志》称臧霸泰山华人。郭班《世语》言曹嵩在泰山华县。泰山尉孔宙碑阴，所列门生故吏诸名，亦有题泰山华者，然则东汉元有华县，殆省亦旋复耳。《一统志》，故城今费县东北六十里。

【编者按】治今山东费县东北。

宁阳，侯国。

【补注】先谦曰：鲁恭王子恬国，武帝封。

莽曰宁顺。

【补注】钱坫曰：《夏侯胜传》作宁乡，属大河郡。先谦曰：《续志》改属东平。《一统志》，故城今宁阳县南。

【编者按】《夏侯胜传》载：“鲁共王分鲁西宁乡以封子节侯，别属大河，大河更名东平。”钱大昕云，鲁共王子宁阳侯恬，瑕丘侯政皆谥节侯，此传所称节侯盖宁阳侯也。《地理志》宁阳属泰山郡，不属东平，盖宣帝建东平为王国，复以宁阳属它郡。今又按，宁乡本鲁县所属，建立侯国后改名宁阳，类似例子不止其一。如鲁孝王子平封于合阳侯国，表在东海，但东海有合乡无合阳，可见合阳是以合乡改名。建始元年合阳侯国除，又复原名合乡。由此文可见，“阳”字不都表示水北山南，有时只是美称，而无实义。汉代名安阳者数处，然无一濒安水或安山。《汉书·史丹传》云成帝封丹为武阳侯，食邑于郾武疆聚，是武疆更名武阳，亦是明证。

治山东今县南。

乘丘，[侯国]。

【颜注】师古曰，《春秋》庄公十五年，公败宋师于乘丘，即此是也。

【补注】先谦曰：颜引《左传》，亦见济阴乘氏下，辨见彼注。鲁地，战国属赵，齐取之，见《国策》。三晋伐楚，至此而还，见《楚世家》。武帝封中山靖王子将夜为侯国，见表。《续志》，后汉省。《一统志》，故城今滋阳县西北。

【编者按】成帝鸿嘉元年，封东平思王子顷桑丘侯国，即此，志失注侯国，钱大昕氏未补。先谦以为此地为中山靖王子将夜所封，误甚。中山王子所封不当远至此，且据表，将夜乃乘丘侯，非桑丘侯。桑丘紧邻东平国，乃东平王子所封无疑。

治今山东兖州市西。

富阳，[侯国]。

【补注】先谦曰：宣帝封六安夷王子赐，成帝封东平思王子萌为侯国，见表。《续志》，后汉省。

【编者按】六安王子之封决不能至泰山。赐所封富阳侯国建昭二年除，已并入他县，故《汉志》不见。此富阳侯国紧邻东平国，必是东平王子所封。又志失注侯国，钱氏已注意到。

治今山东东平县东。

桃山，侯国。

【补注】先谦曰：城阳孝王子钦国，成帝封。

莽曰哀鲁。

【补注】段玉裁曰：《恩泽侯表》有褒鲁节侯公子宽。褒，各本作哀，疑皆误。钱大昭曰：闽本，哀作襄，无鲁字。朱一新曰：汪本作襄鲁。先谦曰：官本作襄鲁。案，褒鲁是也。说详《侯表》。《续志》，后汉省。《一统志》，故城今滕县东。县东南有桃山，以此得名。

【编者按】治今山东宁阳县东北。《一统志》误，滕县以东地属东海，不属泰山郡。

桃乡，侯国。

【补注】先谦曰：东平思王子宣国，成帝封。

莽曰鄆亭。

【补注】先谦曰：《续志》，后汉省。《一统志》，故城今汶上县东北。

【编者按】治今山东汶上县东北。

式。[侯国]。

【补注】钱大昭曰：当作成。《续志》作成，云本国。刘注，《左传》卫师入郕。杜预云，东平刚父县西南有郕乡。先谦曰：《续志》，后汉省。李廌芸云，志泰山郡，有式无成。后汉分置济北，有成而皆无式。盖东都省式置成也。《王子侯表》，式节侯宪下，注泰山郡。《后书·刘盆子传》，盆子，泰山式人，祖父宪，封为式侯。章怀注，式，县名。中兴，县废。是泰山之有式县，史文甚明，岂得据东汉之济北之成县，而以西汉泰山之式为误耶。先谦案，李说甚精，然式究不知何地，成则确有可凭，此当阙疑。《一统志》，成县在宁阳县北。

【编者按】钱大昕以为式是城阳荒王子宪所封，志失注侯国。

今地无考。

齐郡

齐郡，

【补注】阎若璩曰：郡治临淄，以齐悼惠王子及主父偃《传》知之。先谦曰：据《淄水注》，秦时即治临淄。《续志》，后汉治同。

秦置。

【补注】先谦曰：始皇二十六年置，见《本纪》。治临淄，见《淄水注》。

注作三十四年，误。全祖望云，楚汉之际改名临淄郡，属齐国；汉复故，仍属齐国；五年属楚国，六年复为齐国；武帝元朔三年复故，元狩二年复为国，元封元年复故。

【集释】杨树达曰：王国维《齐鲁封泥集存·序》云，此编郡守封泥有临菑，为《汉志》所无。案《汉书·

高帝本纪》，以胶东、胶西、临菑、济北、博阳、城阳郡七十三县立子肥为齐王，则汉初有临淄郡也。临菑守一印，齐国既建之后，当称内史；国除之后又当称齐郡太守。此印云临菑守，必在高帝初叶悼惠未封之时，且临菑二字犹当为秦郡之名也。始皇既灭六国，所置诸郡无以其国名名之者，东郡不云卫郡，颍川不云韩郡，邯郸不云赵郡，何独临淄乃称齐郡？然则汉之初郡必袭秦名，班固以齐郡为秦置，而不云故秦临淄郡者，非也。

【编者按】临淄秦郡。楚汉之际属田都齐国。高帝六年为悼惠王齐国内史。文帝十五年复为临淄郡，十六年置为齐国。武帝元朔二年（全误为三年）齐国除为齐郡，元狩二年复为齐国，元封元年复为齐郡。临淄（齐郡）从未属过楚国，全说误。莽曰济南。属青州。

【补注】先谦曰：后汉为齐国，属同。户十五万四千八百二十六，口五十五万四千四百四十四。县十二：

【补注】先谦曰：见《功臣表》者，按道、泗清、新时三县无考。郡人浮丘伯、服生，即墨成、衡咸、周堪、炅钦、轺同、胡毋生，见《儒林传》。楼护，见《游侠传》。娄敬、邹阳，见本传。薛方、栗融，见《鲍宣传》。

临淄，

【补注】先谦曰：有昌乡亭，见《王莽传》。县人严安、主父偃，见本传。《淄水注》，淄水自泰山莱芜来，东

北迳牛山西，又东迳临淄县故城南，得天齐水口，又迳四豪冢北，田氏四王也，又东北迳荡阴里西，又北迳其城东，城临淄水，故曰临淄。淄水下入淄川。天齐水出南郊山下，谓之天齐渊。五泉并出，南北三百步，广十步。山即牛山，左思《齐都赋》曰：牛岭镇其南者也。水在齐八祠中，齐之为名，起于此矣。应劭云，齐之所以为齐者，即天齐渊名也。其水北入淄。师尚父所封。

【补注】先谦曰：《续志》，刘注，《皇览》云，吕尚冢，在县城南，去县十余里，在齐桓公冢南。如水西北至梁邹入沛。

【补注】先谦曰：梁邹，济南县。《淄水注》，时水出齐城西北二十五里，平地出泉，即如水也。亦谓之源水。水色黑，俗又目为黑水。西北迳黄山东，又北历愚山东，有愚公冢，又屈迳杜山北，有愚公谷，亦谓之石梁水，又合泗水，下入西安。

有服官、

【补注】先谦曰：齐三服官，见元、哀二《纪》、《贡禹传》。

铁官。

【补注】吴卓信曰：《一统志》，商山在临淄县西，即古铁山。崔炎《述征赋》云，登铁山，望齐岱，是也。莽曰齐陵。

【颜注】应劭曰：齐献公自营丘徙此。臣瓚曰：临淄即营丘也。故晏子曰，始爽鸠氏居之，逢伯陵居之，太公居之。又曰，先君太公筑营之丘，今齐之城中有丘，即营丘也。师古曰：

瓚说是也。筑营之丘，言于营丘地筑城邑。

【补注】先谦曰：《续志》，后汉因。《淄水注》，《尔雅》云水出其前，左为营丘，武王以其地赐太公望，都营丘，为齐。《史记》，成王封师尚父于营丘，东就国，道宿行迟，莱侯与之争营丘。或以为都营陵，陵亦丘也。余案，营陵城南无水，惟城北有一水，东北流。由《尔雅》出前左之文，不得以为营丘矣。营丘者，山名也。《诗》所谓子之营兮。作者多以丘陵号同缘陵，又去莱差近，咸言太公所封。考之《春秋》，诸侯城缘陵。《左传》曰：迁杞也。并无营字。瓚以为非，近之。今临淄城中有丘，在小城内，周回三百步，高九丈，北降丈五。淄水出其前，故有营丘之名，与《尔雅》相符。城对天齐渊，故城有齐城之称。田巴入齐，过淄自镜。郭景纯言，齐之营丘，淄水迳其南及东也，非营陵明矣。献公之自营丘徙临淄，犹晋氏深翼名绛，非谓自营陵而之也。其外郭，即献公所徙临淄城也。

先谦案，道元之辨至晰，应说误也。《齐世家》，十五世，胡公徙薄姑。六世，献公因徙薄姑都治临淄，是暂因薄姑之旧，仍治临菑为都耳。史文甚明，地说家犹据后起之词，以为营丘不在临淄，殊无谓也。《一统志》，故城今临淄县北八里古城店，亦曰齐城。

【集释】杨树达曰：《封泥考略》卷四有临菑卒尉，又卷七有临菑二字封泥，《齐鲁封泥集存》有临菑丞印，临菑市丞，临菑左尉、临菑右尉各印。《续封泥考略》卷三有临菑市丞、临菑

铁丞印，又卷五有临菑尉印、临淄左尉、临菑右尉分印。《再续封泥考略》卷一有临菑丞相。字皆从艸作菑，不作淄。陈介淇云：今传世器及印、临淄、淄川皆作菑，则志作淄者误也。

【编者按】菑淄通用，志未必错。

治今山东淄博市东。

昌国，

【补注】先谦曰：战国齐地，亦名昌城。楚惠文王取之，见《赵世家》。《续志》，后汉因。《一统志》，故城今淄川县东三十五里。

德会水西北至西安入如。

【补注】先谦曰：如，即时水枝津也。《瓠子水注》，德会水出昌国县黄山，西北流，迳昌国县故城南。昔乐毅封此。德会水又合五里泉水，又会沧浪沟，下入西安。《一统志》，德会水在淄川县东北。《通志》，出范王庄。名曰泉河头。《府志》，今日丰水，亦曰朱龙河。

【编者按】治今山东淄博市东南。

利，莽曰利治。

【补注】先谦曰：《续志》，后汉改属乐安。《一统志》，故城今博兴县东四十里利城镇。

【编者按】治今山东博兴县东。

西安，

【补注】先谦曰：成帝封东平思王孙汉为侯国，见表。功臣涉轹侯李朔，《表》注西安，盖曾析置涉轹县。

莽曰东宁。

【补注】先谦曰：后汉因。《一统志》，故城今临朐县西三十里。

【编者按】治今山东淄博市东北。

钜定，

【补注】先谦曰：武帝耕于此，见本纪。《续志》，后汉省。《淄水注》，淄水自留川东安平来，东迳巨淀县故城南，县东南则巨淀湖，盖以水受名也。淄水下入广饶。《一统志》，故城今乐安县北，寿光县西北八十里。《齐乘》，巨淀湖即清水泊，一名青丘泽。马车渎水首受巨定，东北至琅槐入海。

【补注】先谦曰：《淄水注》，马车渎水首受巨淀，淀即浊水所注也。巨淀之右，又有女水注之，又北为马车渎，北合淄水。又北，时、澠之水注之，乱流东北，下入千乘琅槐。《一统志》，马车渎在乐安县东北五十里，今名高家港。

【编者按】治今山东广饶县北。

广，[侯国]。

【补注】先谦曰：高帝封召欧，元帝封留川孝王子便为侯国，见表。《续志》，后汉因。《一统志》，故城今益都县西南四里。

为山，浊水所出，东北至广饶入巨定。

【补注】先谦曰：为山，《说文》作妨山。《淄水注》，吕忱云，浊水一名溷水，出广县为山，世谓之冶岭山，东北流，迳广固城西，城在广县西北四里，水侧山际，有五龙口，浊水又

迳尧山东，又迳东阳城北，合长沙水，下入北海益。

【集释】钱大昕曰：志失注侯国。

【编者按】治今山东青州市西南。

广饶，[侯国]。

【补注】先谦曰：武帝封菑川靖王子国为侯国，见表。《续志》，后汉省。《一统志》，故城今乐安县东北。

【集释】钱大昕曰：志失注侯国。

【编者按】治今山东广饶、寿光二县交界处一带，确址无考。

昭南，

【补注】先谦曰：《续志》，后汉省。

【编者按】今地无考。

临朐，[侯国]。

【补注】先谦曰：武帝封菑川懿王子奴为侯国，见表。

【编者按】志失注侯国。钱大昕以为奴所封在东莱，误。留川国邻齐郡，故王子封国应在齐，不可能远至东莱。有逢山祠。

【补注】先谦曰：宣帝置祠，见《郊祀志》。逢作蓬。

石膏山，洋水所出，东北至广饶入巨定。莽曰监胸。

【颜注】应劭曰：临胸山有伯氏骈邑。师古曰：胸音劬，洋音祥。

【补注】先谦曰：后汉省。《巨洋水注》，洋水出石膏山西北石涧口，东南迳逢山祠西。又历逢山下，即石膏山也。山麓三成，壁立直上，山上有石鼓，鸣则年凶。《续述征记》云，逢山

在广固南三十里，有祠，并石鼓，齐地将乱，石人辄打石鼓，声闻数十里。洋水历其阴，而东北流，世谓之石沟水，又出委粟山北，而东入巨洋水，谓之石沟口。是水下流，有时通塞，及春夏水泛，川澜无辍，亦谓龙泉水。《地理志》，石膏山，洋水所出是也。今于此县，惟是读当之，似符群证矣。巨洋水自琅邪朱虚来，北入临朐县，合熏冶泉水，又迳临朐县故城东。城，古伯氏骈邑也。应劭云，临朐，山名。故县氏之。朐亦水名。其城侧临朐川，是以王莽用表厥称焉。巨洋水又北迳委粟山东，孤阜秀立，形若委粟。又东北合洋水，又得邳泉口，又北会建德水，下入菑川剧。

先谦案，巨洋水之下流，即洋水下流。道元因洋水下流，时有通塞，巨洋导源较远，与洋水异出同归，故以巨洋为正，洋水为支，此后人密于前人之处，正以发明《汉志》，各不相掩。地理家纷纷窜改，皆谬论矣。《一统志》，故城今临朐县治。逢山在县西二十五里。《地道记》石膏山作石高山。《说文》作高山，夺文。

【编者按】治山东今县。

北乡，侯国。

【补注】先谦曰：菑川孝王子谭国，元帝封。

莽曰禺聚。

【补注】先谦曰：《续志》，后汉省。

【编者按】治今山东淄博市东北及广饶县南一带，确址无考。《图集》不及其地望。我以为此侯国大约由东安平所分出，原来即该县的北乡。参见拙撰《西汉齐郡北乡侯国地望考》（载《复旦学报》历史地理增刊）

平广，侯国。

【补注】先谦曰：菑川孝王子服国，元帝封。表夺广字。《续志》，后汉省。

【编者按】今地无考。

台乡，[侯国]。

【补注】先谦曰：成帝封菑川孝王子眱为侯国，见表。《续志》，后汉省。

【集释】钱大昕曰：志失注侯国。

【编者按】治所大致在山东寿光市东北，确地无考。

北海郡

北海郡，

【补注】先谦曰：治所无考。《续

志》，后汉治剧。

【编者按】据严耕望，应治营陵，但无确证。

景帝（中）二年置。

【补注】全祖望曰：故属秦齐郡，文帝属留川国，景帝分置。

【编者按】中字衍。景帝二年，“胶西王卬以卖爵有奸，削其六县。”此时胶西国东有胶东，南有城阳，西北有淄川，都是诸侯王国，不能容纳所削之六县。推测六县之地于此时置为北海郡。《汉志》北海郡所领二十六县，绝大部分为王子侯国，其中得自胶东者十，高密者二，城阳者一；又有二县自淄川国削来，一县自胶西国削来。因此景帝时之北海郡实仅六县，这正是景帝二年削自胶西王卬的六县。故北海郡肯定不能置于中二年，当时未有削地之举，当然不能置立新郡。属青州。

【补注】先谦曰：《续志》，后汉为北海国。属同。

户十二万七千，口五十九万三千一百五十九。

县二十六：

【补注】先谦曰：郡人禽庆、苏章，见《鲍宣传》。

营陵，

【补注】先谦曰：高帝封刘泽为侯国，见表。

或曰营丘。

【补注】先谦曰：志于齐郡临淄，明云师尚父所封。又于此下云，或曰营丘。广异说也。或曰者，传疑之词。《淄水注》以此为非，辨之最晰。《史记·齐世家》，营丘、临淄二文歧出。又云，营丘边莱。此异论所由起也。

莽曰北海亭。

【颜注】应劭曰：师尚父封于营丘，陵亦丘也。臣瓚曰，营丘即临淄也。营陵，《春秋》谓之缘陵。师古曰：临淄、营陵，皆旧营丘地。

【补注】先谦曰：《春秋》僖十四年，诸侯城缘陵而迁杞。杜注，缘陵，杞邑。案此以缘陵与齐为近，故迁而庇之。若是营丘，则太公开国之地。岂得以居他国乎。颜氏调人之说，未为得也。《续志》，后汉因。《一统志》，故城今昌乐县东南。

【编者按】治今山东昌乐县东南。

剧魁，侯国。

【补注】先谦曰：留川懿王子黑国，武帝封。

莽曰上符。

【补注】先谦曰：《续志》，后汉省。《一统志》，故城今昌乐县西北。

【编者按】治今山东昌乐县西北。

安丘，

【补注】先谦曰：宣帝时，凤皇集，见纪。

莽曰诛郅。

【颜注】孟康曰：今渠丘是。

【补注】先谦曰：后汉因。《续志》，有渠丘亭。《一统志》，故城今安丘县西南。

【编者按】治山东今县西南。

辄，侯国。

【补注】先谦曰：城阳顷王子息国，武帝封。

莽曰道德。

【颜注】师古曰：辄即执字。

【补注】王念孙曰：韦昭音辄为诸蜚反。《广韵》入声二十六辑，辄之人切。县名，在北海。则辄为执之讹，明矣。至河东之辄谶，乃瓠之讹字。故《集韵》十一模有瓠。云，瓠谶，晋地名。先谦曰：《续志》，后汉省。

【编者按】今地无考。

淳于，

【颜注】应劭曰：《春秋》，州公如曹。《左氏传》曰，淳于公如曹。臣瓚曰：州，国名也。淳于公国之所都。

【补注】先谦曰：宣帝时，凤皇集，见纪。后汉因。《续志》，永元九年复。《汶水注》，汶水自安丘来，北过淳于县西，又东北入潍县，故夏后之斟灌国也。周武王以封淳于公，号曰淳于国。其城东北，则两川交会也。先谦案，志云，汶水至安丘入潍，盖二县地相比。《一统志》，故城今安丘县东北三十里。

【编者按】治今山东安丘县东北。

益，莽曰探阳。

【补注】先谦曰：《续志》，后汉改属乐安。《巨洋水注》，巨洋水自留川剧来，东北迳益县故城东，王莽更之曰滌荡也。晏谟云，南去齐城五十里。又东北积为潭，枝津出为百尺沟。巨洋水下入寿光。《后汉·刘盆子传》，有王莽探汤侯田况。章怀注，莽改县曰探汤。则探阳、滌荡皆误。《一统志》，故城今寿光县西。

【编者按】治今山东寿光市南。

平寿，

【颜注】应劭曰：古斗寻禹后，今斗城是也。臣瓚曰：斗寻在河南，不在此也。《汲郡古文》云，大康居斗寻，羿亦居之，桀亦居之。《尚书·序》云，大康失邦，昆弟五人，须于洛汭。此即大康所居，为近洛也。又吴起对魏武侯曰，昔夏桀之居，左河济，右太华，伊阙在其南，羊肠在其北。河南城为值之。又《周书·度邑》篇曰，武王问太公曰，吾将因有夏之居，南望过于三涂，北瞻望于有河。有夏之居，即河南是也。师古曰：应说止云斗寻本是禹后耳，何豫夏国之都乎。瓚说非也。斗音斟。

【补注】钱大昕曰：寿光县下，亦引应劭云，古斗灌，禹后，注中诸斗字，皆斟之讹也。草书，甚作𡗗，与土相混，因误为斗。师古不能是正，乃音斗为斟。《广韵》二十二侵（侵）部，亦兼收斟斗二字，盖六书之不讲，隋唐人已然矣。

王鸣盛曰：应以平寿为古斗寻，寿光为古斗灌，而班于斟县自注故国，禹后，本之《史记·夏本纪》，此其确然者。斟灌、斟寻，则事见《左》襄四年、哀元年传，魏绛、伍子胥之言。据彼杜注云，二国，夏同姓诸侯。疏以为《世本》，斟故国与平寿、寿光二县相近，故应劭析言之，杜预亦用之。至于启子太康失邦，昆弟五人，须于洛汭，此《书》序文也。夏都安邑，本在河北。如《书》序言，则是太康为羿拒，逐于河南。盖河北之地，皆为羿所据矣。太康崩，弟仲康立；仲

康崩，子相立。此《夏本纪》文也。据杜预谓相依于二斟，则三世失国无归，而依同姓。羿为寒浞所弑，使浇灭斟灌、斟寻。及夏后相至少康，灭浇豷，夏遗臣靡，复收灌寻余烬以灭浞，而少康返国，复归河北。窃计羿浞相继僭立，在安邑；太康、仲康、后相，相继拥虚号，在二斟。此《书序》、《左传》与应杜说之可信者。臣瓚乃依《汲郡古文》，太康居圉，羿亦居之，桀亦居之。然则魏绛安得云羿因夏乎。《王制》有因国，昭元传传，商人是因。是。若羿居圉，则非因矣，乃并谓圉在河南，不知圉故国在北海，去河南甚远。且伍子胥谓少康祀夏配天，不失旧物，自是返国河北，而桀都亦在河北。瓚说皆非也。

先谦曰：后汉因。《续志》，有斟城。有寒亭，古寒国。浞封此。刘注，杜预云，有斟亭，古斟国，故县，后省。合应说观之，明是前汉之斟县，后汉并入平寿，故应注于此县下，如王氏说，以斟县与斟寻、斟灌并论，是有三斟，不止二国矣。西汉之时，斟自为斟，与平寿无涉也。《一统志》，故城今潍县西南。

【编者按】治今山东昌乐县东南。

剧，侯国。

【补注】先谦曰：留川懿王子错国，武帝封。《续志》，后汉省。案西汉两剧县，一在留川，一在北海。此在北海者，专为侯国，故与留川之剧，虽壤地相接，而名称不混。后汉并入北海。则留川之剧，转为北海之郡治。

《续志》北海剧下自注，与留川国剧下应劭注同。合之《巨洋水注》古纪国也云云，足为确证。惟《注》叙剧县又云，武帝封留川懿王子错为侯国，则未免牵混不明耳。《纪要》，故城今昌乐县，留川剧在今寿光县，并属青州府东各七十里。

【编者按】治今山东昌乐县西。

都昌，有盐官。

【补注】先谦曰：齐景公以封晏子，见《晏子春秋》。高帝封朱轡为侯国，见表。《续志》，后汉因。《一统志》故城今昌邑县西二里。

【编者按】治今山东昌邑市西北。

平望，侯国。

【补注】先谦曰：留川懿王子赏国，武帝封。

莽曰所聚。

【补注】先谦曰：《续志》，后汉省。《巨洋水注》，丹水自平寿来，东北迳望海台东入海，盖亦县所氏者也。先谦案，据注，县即指平望言。而今注无之。疑道元疏略，或传写夺文。后汉盖省入寿光。伏琛、晏谟并以为平望亭在平寿县故城西北八十里古县。又或言秦始皇升以望海，因曰望海台。所未详也。又东北入海。先谦案，齐临朐下云，洋水至广饶，入巨淀。此云巨洋水至平望入海为异。《一统志》，故城今寿光县东北。

【编者按】治今山东寿光市东北。

平的，侯国。

【颜注】师古曰：的，音丁历反。其字从白。

【补注】宋祁曰：的，当作的，从日。先谦曰：留川懿王子强国，武帝封。宋说据《侯表》也。《续志》，后汉省。

【编者按】今地无考。

柳泉，侯国。

【补注】先谦曰：胶东戴王子强国，宣帝封。

莽曰弘睦。

【补注】宋祁曰：睦当作陆。周寿昌曰：莽改县名，易陵为陆者多，此外亦多作睦，因其改制，封王氏男为睦也，睦字似不误。先谦曰：《续志》，后汉省。《一统志》，故城今益都县东。

【编者按】今地无考。《图集》置之于今山东昌乐县南，恐不妥。柳泉既为胶东王子所封，须近胶东国，亦即在景帝初置之北海郡六县（参见《西汉政区地理》上篇九章七节）与《汉志》胶东国之间，方才符合推思法。然《图集》所标柳泉地望，却在北海郡西境与留川国相邻处，须订正。

寿光，有盐官。莽曰翼平亭。

【颜注】应劭曰：古埧灌，禹后。今灌亭是。

【补注】吴卓信曰：《莽传》有翼平连帅田况，则尝分北海之寿光为郡矣。先谦曰：留川靖王子陆侯何，《表》注寿光，盖尝析置陆县。《续志》，后汉改属乐安。《一统志》，故城今寿光县东。

【编者按】治山东今寿光市东北。

乐望，侯国。

【补注】先谦曰：胶东戴王子光国，宣帝封。《续志》，后汉省。《一统志》，故城今寿光县东十五里。

【编者按】治今山东寿光市东。

饶，

【补注】先谦曰：《赵世家》，悼襄王时，庞煖取饶，徐广以为汉饶县。侯国。

【补注】先谦曰：胶东戴王子成国，宣帝封。《续志》，后汉省。

【编者按】今地无考。《图集》置饶于今寿光市东，与胶东国之间亦隔北海郡初置时诸县，不妥。

斟，故国，禹后。

【补注】先谦曰：据《续志》自注、刘注、本志平寿下应注，后汉省，并入平寿。《一统志》，故城今潍县东。

【编者按】治今山东潍坊市东南。

桑犊，

【补注】先谦曰：《说文》作桑渚。《续志》，后汉省。《一统志》，故城今潍县东。

覆甌山，溉水所出，东北至都昌入海。

【颜注】师古曰：溉音功代反。

【补注】先谦曰：《寰宇记》，唐天宝六载，敕改覆甌为溉源山。《一统志》，在今潍县东南六十里。

【编者按】治今山东潍坊市南。

平城，侯国。

【补注】先谦曰：胶东顷王子邑国，成帝封。《续志》，后汉省。《潍水注》，潍水自淳于来，北迳平城亭西。应劭云，淳于县东北六十里有平城亭，故县也。下入密乡。案据应说，县并入淳于。《一统志》，故城今昌邑县东。

【编者按】治今山东昌邑市东南。

密乡，

【补注】先谦曰：春秋纪子、莒子盟于此，见《左传》。

侯国。

【补注】先谦曰：胶东顷王子林国，成帝封。《续志》，后汉省。《潍水注》，潍水自平城来，东北迳密乡亭西。《郡国志》云，淳于县有密乡。应劭云，平城，又东北四十里，有密乡亭，故县也。潍水下入胶东下密。案据《续志》及应说，县并入淳于。《一统志》，故城今昌邑县东南十五里。

【编者按】治今山东昌邑市东南。

羊石，侯国。

【补注】先谦曰：胶东顷王子回国，元帝封。《续志》，后汉省。

【编者按】今地无考。

乐都，侯国。

【补注】先谦曰：胶东顷王子扶国，成帝封。

莽曰拔垄。一作扶，一作枝也。

【补注】宋祁曰：南本乐都、石乡注，皆无一作已下字。先谦曰：《续志》，后汉省。一作七字，乃后人校语搀入。

【编者按】今地无考。

石乡，侯国。一作正乡。

【补注】先谦曰：胶东顷王子理国，元帝封。《续志》，后汉省。一作四字，语与上同。官本，正作止。

【编者按】今地无考。

上乡，侯国。

【补注】先谦曰：胶东王子歙国，元帝封。《续志》，后汉省。

【编者按】今地无考。

新成，侯国。

【补注】先谦曰：胶东顷王子根国，元帝封。《续志》，后汉省。

【编者按】今地无考。

成乡，侯国。

【补注】先谦曰：高密顷王子安国，成帝封。

莽曰石乐。

【补注】先谦曰：《续志》，后汉省。《一统志》，故城今安丘县北。

【编者按】治所在今山东安丘县北一带，确地无考。《汉志》里有四十六个县级地名带有乡字。乡本来是县属下的一级行政机构，每县由若干乡组成。西汉所封列侯或食县，或食乡亭。食县的列侯与食乡亭的列侯，只有食邑多少的差别。而无尊卑的不同。食邑一概称为侯国，与县同级。换言之，西汉一代，为了封侯，经常从某县析某乡置为侯国。四十六个以乡为名的县，其中有三十五个是侯国，另外十

一个中有八个起先也是侯国，后来废为县。仅有三个地名《侯表》里没有提及，大约是脱载。以乡为名的侯国，在国除之后就成为县名。这些以乡设置的侯国，由于地域较小，许多在东汉初年被并省后，历代亦未重置，因此很难考据出其地望，四十六县之中就有一半无考。当然以一乡之地置为侯国，并非只有四十来个，有的乡专名是两个字，置侯国后乡字就不见了。如汉武帝以高成之平津乡户六百五十封丞相公孙弘为平津侯，平津乡便成了平津侯国。如果不看《汉志》以外

的记载，便不明白这种变化。

胶阳。侯国。

【补注】先谦曰：高密顷王子愬国，成帝封。《续志》，后汉省。《胶水注》，胶水自高密夷安来，北迳胶阳县东，晏、伏并谓之东亭，自亭结路，南通夷安。应劭云，淳于县东南五十里，有胶阳亭，故县也。案据应说，县并入淳于。《一统志》，故城今高密县西北。

【编者按】治今山东高密市西北。

地理志第八上三

东莱郡

东莱郡，

【补注】先谦曰：治所无考。《续志》，后汉治黄。

【编者按】据严耕望，应治首县掖，但无确证。

高帝置。

【补注】全祖望曰：故属秦琅邪郡。高帝分置，属齐国。景帝后以支郡收。

【编者按】王国维以为东莱郡高帝置之说不可从，极是。但他认为东莱郡当置于胶东、胶西两国削地之后，则非。东莱郡乃由胶东国所分，其置年极可能与平原郡同时，即景帝四年复置胶东国之时。景帝三年，胶东王反诛，国除为郡，第二年将胶东郡北部置为东莱郡，而以余地复置胶东国。这是当时普遍施行的手段。

属青州。

【颜注】师古曰：故莱子国也。

【补注】吴卓信曰：《国语》，通齐国之盐于东莱。韦注，东莱，齐东莱夷也。先谦曰：《续志》，后汉因。属同。

户十万三千二百九十二，口五十万二千六百九十三。

县十七

【补注】先谦曰：见《功臣侯表》者，有承父县（又一见作丞父）无考。郡人费直，见《儒林传》。

掖，

【补注】先谦曰：亦作夜。战国齐邑，田单所封，见《国策》。高帝时，虫达先封夜侯，见表。《元和志》，掖水出县南三十五里寒同山，故县取为名。

【集释】杨树达曰：《齐鲁封泥集存》有夜丞之印，夜印；周明泰《再续封泥考略》卷二亦有夜丞之印。王国维云，掖县二志皆从手旁，唯《齐策》“封安平君以夜邑万户”及“东有夜邑之奉”，均作夜字。今封泥有夜丞之印、夜印，则《齐策》是也。

莽曰掖通。

【补注】先谦曰：后汉因。《一统志》，故城今掖县治。掖水出县南，西北入海。

【编者按】治今山东莱州市。

脛，

【补注】先谦曰：秦县，见《始皇纪》。高后封吕嘉为侯国，见表。《史记》作锤。《续志》，后汉省。案《始

皇纪》、《律历志》、《主父偃传》，皆黄腠并称，盖并入黄县。《一统志》，故城今文登市西。

有之罘山祠。

【补注】先谦曰：《郊祀志》，阳主祠之罘，宣帝置。之罘山，在今福山县东北三十五里，接文登县界。

居上山，声洋（丹）水所出，东北入海。

【颜注】师古曰：腠，音直瑞反。洋，音祥。

【补注】钱坫曰：《御览》引此，作梁山丹水所出，疑声洋二字误也。王鸣盛曰：上山当作山上。师古音洋为祥，则声洋非衍文。全祖望曰：乐史于文登县云，丹水盖在今县西七十里清阳水侧，近与之罘山相对。顾祖禹云，亦谓之清洋河，殆即声洋之转，今福山境也。然则《汉志》殆失去一河字。朱一新曰：汪本、监本，东上衍丹字。

先谦曰：官本，东上有丹字，与洋下丹字皆衍也。王氏谓上山当作山上，以祠居山上为句。案，志书诸祠，皆但云有某祠，不言祠在山上下。据《一统志》，阳主祠在之罘山下，则并非山上矣。全谓声洋下脱河字，盖以为丹水出声洋河，果尔，当云丹水首受声洋河，方与志例相合，不当云声洋河丹水所出也。今案志文，当为居上山，声洋水所出，居上山名，声清二字，叠韵变文。今之清阳河，即汉之声洋水。洋又转写作阳。于钦《齐乘》，言秦汉腠县，后并入牟平。唐置清阳县，后废。人文登，以临清阳水，故名清阳城，此清阳水在腠之明证。

《一统志》作清阳。《纪要》、《提纲》作清洋，而皆不言县有丹水，则丹是衍文。《御览》删去声洋，但言梁山丹水，显有改易。《寰宇记》，知清阳即声洋，然牵于丹水，依违其词，究不能确指丹水所在，足为宋世志文已误衍丹字之证。《提纲》云，清洋河源出栖霞县东南翠屏山，西北流，迳县城南，又东北流，迳福山县城东南，又北入海。《一统志》，亦谓出翠屏山，然则翠屏即居上之异名欤！

【编者按】治今山东烟台市西南。

平度，〔侯国〕。

【补注】先谦曰：县见《五行志》。武帝封留川懿王子行为侯国，见表。

【集释】钱大昕曰：志失注侯国。莽曰利卢。

【补注】先谦曰：《续志》，后汉省。《一统志》，故城今平度州西北六十里。

【编者按】治山东平度市西北。

黄，

【补注】先谦曰：春秋莱国，见《左》宣传杜注。秦县，见《始皇纪》。有莱山

【补注】先谦曰：《一统志》，莱山，一名莱阴山。《元和志》，在黄县东南二十里。

松林莱君祠。

【补注】先谦曰：宣帝时，祠莱山为月主山，有月主真人祠，见《封禅书》及《郊祀志》。

莽曰意母。

【补注】洪亮吉曰：郡有盐官者五，

黄县亦有咸泉池，百姓取以为盐，盖地濒海，故处处有盐，不尽设官。先谦曰：《续志》，后汉因。《一统志》，故城今黄县东南。

【编者按】治山东龙口市东。

临胸，有海水祠。

【补注】先谦曰：《一统志》，海神庙在今莱州府城西八十里。

莽曰监胸。

【颜注】师古曰：齐郡已有临胸，而东莱又有此县，盖各以所近为名也，斯类非一。

【补注】先谦曰：《续志》，后汉省。《一统志》，故城今掖县北。

【编者按】治今山东莱州市北。

曲成，

【补注】先谦曰：高帝封虫达，武帝封中山靖王子万岁为侯国，见表。《续志》，后汉因。《一统志》，故城今掖县东北。

【编者按】万岁之曲成侯国，表在涿郡，是。志涿郡所以不见，乃元鼎五年国除之后省并。此曲成距中山过远，不可能用封中山靖王子，先谦误。有参山万里沙祠。

【补注】先谦曰：《郊祀志》，宣帝祠参山八神于曲成。又云，武帝祷万里沙。《一统志》，沙在掖县东北。《纪要》，三十里。两旁即万岁沙也。旧志，万岁河出小石湾入海。

阳丘山，治水所出，南至沂入海。

【补注】王念孙曰：沂非县名，不

得言南至沂。若沂水，则去此甚远，东莱一郡之水，皆不得至沂也。至沂当作至计斤（计斤县，属琅邪），因脱去计字，后人遂于斤旁加水耳。《说文》，治水出东莱曲成阳丘山，南入海。《玉篇》除之切。治水即古之尤水，今之小沽河也。出莱州府掖县之马鞍山（即阳丘山，在掖县东南三十里），南流至平度州东南，与大沽河合，又南，迳即墨县西，至胶州之麻湾口入海。大沽河即古之姑水也。昭二十年《左传》，姑尤以西。杜预云，姑水、尤水皆在城阳郡东（句）南入海。《齐乘》云，姑即大沽河，尤即小沽河。曲成故城在今掖县东北。计斤故城在今胶州西南。二姑入海之处，即汉计斤县地。则沂为计斤之误，明矣。尤字古读若飴（说见《唐韵正》，声与沽相近，故治字亦有飴音（下文，雁门郡阴馆，有治水。师古云，治，音弋之反）。《左传》作尤，《汉志》作治，古今字异耳。全祖望乃谓《汉志》、《说文》皆误以沽水为治水，是未晓古音而轻议前人也。

先谦曰：王说是。于钦《齐乘》云，姑水起南至北，行三百余里，绝齐东界。故传曰，姑尤以西。《一统志》，大沽河出黄县蹲犬山，小沽河出马鞍山，在平度州东南朱毛城。有盐官。

【编者按】治今山东招远市西。

牟平，[侯国]。

【补注】先谦曰：武帝封齐孝王子谋为侯国，见表。《隋志》，牟平有牟山。

【集释】钱大昕曰：志失注侯国。

莽曰望利。

【补注】先谦曰：《续志》，后汉因。《一统志》，故城今黄县东南十五里马岭山下。

【编者按】治今山东烟台西。

东牟，

【补注】先谦曰：高后封齐悼惠王子兴居为侯国，见表。

有铁官、盐官。莽曰弘德。

【补注】洪亮吉曰：《寰宇记》，铁官山去牟平城百里，钢铁之处，犹有汉置铁官。今考《地理志》，牟平无铁官，惟东牟有之；盖此山属东牟。先谦曰：《续志》，后汉因。《一统志》，故城今文登县西北。铁官山今宁海州西南四十里。

【编者按】治今山东烟台市牟平区。

𡗗，

【补注】先谦曰：《续志》，后汉因。案，《续志》、《晋书》𡗗作𡗗。《广韵》作𡗗。《说文》，𡗗布出东莱，从巾弦声。是作𡗗为正。县盖以布得名也。《一统志》，故城今黄县西南。

有百支莱王祠。

【补注】先谦曰：刘注引《地道记》，作百支莱君祠。

有盐官。

【颜注】师古曰：𡗗，音坚。

【编者按】治今山东龙口市东南。

育犂，

【补注】先谦曰：《续志》，后汉省。

据于钦《齐乘》，并入牟平。《一统志》，故城今宁海州界。

【编者按】治今山东莱州市西。

昌阳，[侯国]。

【补注】先谦曰：《元和志》，在昌水之阳，故名。《提纲》，昌水河，出莱阳东南昌山，合泗水为五龙河入海。

【编者按】志失注侯国。胶东顷王子宪国，成帝封。《王子侯表》作昌乡侯。即以昌乡置侯国，而改名昌阳。如鲁王子宁阳侯国以宁乡地封之例。此侯国地望历来无人提及，盖因昌阳县下失注侯国，而又无人注意到地名中“阳”“乡”之转换关系的缘故。

有盐官。莽曰夙敬亭。

【补注】先谦曰：《续志》，后汉因。《一统志》，故城今莱阳县东南二十五里昌山南。

【编者按】治今山东文登市南。

不夜，有成山日祠。

【补注】先谦曰：宣帝祠日主成山，见《郊祀志》。

莽曰夙夜。

【颜注】师古曰：《齐地记》云，古有日夜出，见于东莱，故莱子立此城，以不夜为名。

【补注】先谦曰：《续志》，后汉省。《一统志》，故城今文登县东北八十五里。吴卓信云，《王莽传》有夙夜连率韩博，则尝分东莱之不夜为郡矣。

【编者按】不夜之不，不作否定意义解。在古汉语中“不”是虚字，汉语地名惯常不用虚字。不字地名可能

不是汉语来。不字地名很早就出现了。《山海经》中就有不旬山、不周山、不咸山、不姜山、不庭山、不距山等地名。除不周山在《西山经》外，其他诸山皆在大荒之中，看来皆边远少数民族地区。不夜县之外，琅邪郡还有不其县，乐浪郡有不而县，三县均在山东与朝鲜的沿海地区。不而由涉族支系的不耐涉得名，不其、不夜可能也是得名于当时的少数民族名称。唐以前的人已经不明此中道理，而望文生义了。以不字为首的地名远不止上举诸例，又参见益州不韦下之按语。

治今山东荣成市北。

当利，

【补注】先谦曰：五利将军栾大妻卫长公主邑，见《郊祀志》。

有盐官。莽曰（来）〔东〕莱亭。

【补注】钱大昭曰：南监本、闽本，来作东。王鸣盛曰：监本作东。先谦曰：官本作东，是。《续志》，后汉因。《一统志》，故城今掖县西南。

【编者按】治今山东莱州市西南。

卢乡，

【补注】先谦曰：平帝封陈凤为侯国，见表。《续志》，后汉因。伏琛《齐记》，卢乡城东南有大豁口，与小豁口相峙，中通驿路。《一统志》，故城今莱阳县西南四十里。

【编者按】平帝所封侯国照理不该溷入本志，因为志所载侯国与县均截止于成帝元延绥和之际（见《西汉政区地理》引论第三节）。此卢乡或者不是陈凤国，或者班固误用元延以后资料。

治今山东莱州市南。

阳乐，侯国。

【补注】先谦曰：胶东顷王子获国，成帝封。

莽曰延乐。

【补注】先谦曰：《续志》，后汉省。据《寰宇记》，并入当利。《一统志》，故城今掖县西南。

【编者按】治今山东莱州市西南。

阳石，〔侯国〕。

【补注】先谦曰：武帝以封公主，见《武纪》。

【编者按】据《王子侯表》，成帝封胶东共王子庆为陵石侯，疑即此。陵、阳形近而讹。

莽曰识命。

【补注】先谦曰：《续志》，后汉省。《寰宇记》并入当利。《一统志》，故城今掖县南。

【编者按】治今山东莱州市南。

徐乡。〔侯国〕。

【补注】先谦曰：成帝封胶东共王子炔为侯国，见表。于钦《齐乘》云，县盖以徐福求仙为名。《续志》，后汉省。《一统志》，故城今黄县西南五十里。

【集释】钱大昕曰：志失注侯国。

【编者按】徐乡侯表在齐，乃因错格而误。齐应注于下格台乡侯之下，台乡为菑川王子畛所封，正在齐郡。表注错格之事常有。如台乡侯再下一格为西阳侯，乃东平思王子所封，表

注东莱，亦应移至更下一格堂乡侯才对，因堂乡侯是胶东共王子所封，自然应在东莱，而东平思王子所封绝不能至东莱。当然，堂乡侯之封在绥和元年，故《汉志》已不载。

治所确地无考。《一统志》所云地望

似稍偏北。而《图集》所标位置则明显有误，徐乡不可能在今山东黄县西北滨海地带，离胶东国过远。推测徐乡当在今山东龙口市、招远市与栖霞市交界处一带。

琅邪郡

琅邪郡，

【补注】阎若璩曰：《潍水注》，秦始皇即句践故都为琅邪郡，汉因之。班志于琅邪县下注句践尝治此。则琅邪郡治琅邪县。《水经》言故琅邪郡治开阳，指东汉时也。先谦曰：《肇域记》，诸城县有南北二城，汉所筑东武县城也。有四门，秦琅邪郡治此，汉初以封诸侯王，而东武县为附郭。据此，则西汉郡治东武。开阳本属东海，《续志》，后汉属琅邪为郡治。

秦置。

【补注】先谦曰：《始皇纪》，二十六年置。全祖望云，楚汉之际属齐国。高帝四年属汉，以属齐国；五年属楚国；六年仍属齐国。高后七年为琅邪国。文帝元年复属齐国（《水经注》云二年，误）。景帝后以支郡收。

【编者按】全说有误。琅邪郡从未属楚，此其一。其二，文帝十五年齐国除，琅邪郡即属汉，并非景帝后才以支郡收。

莽曰填夷。属徐州。

【颜注】师古曰：填，音竹人反。

【补注】先谦曰：后汉为琅邪国，属同。

户二十二万八千九百六十，口一百七万九千一百。有铁官。

县五十一：

【补注】先谦曰：见《王子侯表》者，有龙丘、海常（《功臣》亦见）、麦、莒、原洛、挾术、庸、胶乡、要安、鬲兹、蒲十一县，无考。郡人鲁伯、邴丹、王璜、殷崇、王扶、伏理、皮容、徐良、王中公、孙文、东门云、筦路、左咸，见《儒林传》。贡禹、诸葛丰，见本传。王思，见《鲍宣传》。

东武，

【补注】先谦曰：高帝封郭蒙为侯国，见表。县人王同，见《儒林传》。师丹，见本传。

莽曰祥善。

【补注】先谦曰：《续志》，后汉因。《一统志》，故城今诸城县治。

【编者按】治今山东诸城市。

不其，

【补注】先谦曰：武帝幸此，见纪。如淳注，不其，山名。因以为县。有汜乡何武侯国，见《武传》。县人房凤，见《儒林传》。后汉改属东莱。《续志》作不期，字误。伏湛封不其侯，不作期。《一统志》，故城今即墨县西南二十七里不其社。

有太一、仙人祠九所，及明堂，武帝所起。

【颜注】如淳曰：其，音基。

【补注】先谦曰：有交门宫，见《郊祀志》、《寰宇记》。中山祠在今即墨县东南五里，亦九所之一。明堂遗迹，相传在县西南三十八里女姑山北。

【编者按】治今山东即墨市西南。

海曲，有盐官。

【补注】全祖望曰：当作海西。东京初年刘永封董宪之地，东海亦有此县，今流俗本讹为海曲。先谦曰：全说是。后汉因。《续志》又误倒为西海，即其显证。刘注，有胜山，太公吕望所出，今有东吕乡。又钓于棘津，其浦今存。《元和志》，言汉海曲吕里，太公望所出。则志之海曲，确为《汉志》之海西。大抵此字误久。《王莽传》，吕母起兵海曲，即作曲矣。《潍水注》，分诸县之东为海曲县，故俗谓此城为东诸城。《一统志》，故城今日照县西十里。

【编者按】治今山东日照市西。

赣榆，

【颜注】师古曰：赣，音紺。榆，音逾。

【补注】先谦曰：官本紺作緄。恩泽扶德侯马宫《表》注，赣榆，盖尝析置扶德县。田横岛在海中郁州，见《通典》。后汉改属东海。《续志》，建初五年复。《一统志》，故城今赣榆县东北。丁履恒云，北三十里朱汪镇，有庐山，山下有土城，当是汉县。《寰宇记》亦云，县在东海县东北五十里青山之阴，故城犹存者，是也。

【集释】杨树达曰：《封泥考略》卷六有赣榆丞印，周明泰《续封泥考略》卷二有赣榆令印，字并从手作榆。吴式芬说陈介祺所得赣榆马丞印亦作榆，知志文作榆者误也。

陈直曰：《十钟山房印举》有“赣榆马丞”印，与今本作榆异。近出漠鲜于璜碑，亦正作赣榆。

【编者按】治江苏今县北。

朱虚，

【补注】先谦曰：惠帝封齐悼惠王子章为侯国，见表。功臣臧马侯雕延年《表》注，朱虚，盖尝析置臧马县。后汉改属北海。《续志》，永初元年属。《一统志》，故城今临朐县东北庙山社，土人呼城头。

凡山，

【补注】先谦曰：《巨洋水注》，城东北二十里有丹山，世谓之凡山，丹凡字相类，音从字变也。《五帝纪》，登丸山。徐广云，丸，一作凡。裴驷以为即此山。先谦案，据此，丸又凡之误也。此山当如应劭说。

丹水所出，东北至寿光入海。

【补注】先谦曰：寿光，北海县。《巨洋水注》，《地理风俗记》云，丹山在西南，丹水所出，东入海。丹水有二源，各导一山，世谓之东丹、西丹水也。西丹水出凡山下，入留川剧，即此志丹水矣。

东泰山，

【补注】先谦曰：《夏官·职方》，青州山镇曰沂山。郑注，一名东泰山。公玉带云，岐伯令黄帝封泰山，即此山也。《说文》亦作东泰山。《续志》刘注作小泰山，《巨洋水注》同。

汶水所出，东至安丘入维。

【补注】宋祁曰：维，邵本作淮。先谦曰：安丘，北海县。维，即潍水也。作维作淮，皆字之省。安丘见下。《汶水》篇，汶水出朱虚县泰山，注云，山上有长城，西接岱山，东连琅邪，距海千有余里，盖田氏之所造也。伏、晏并言水出县东南嵎山，山在小泰山东，汶水下入梧成。

有三山、五帝祠。

【颜注】师古曰：前言汶水出莱芜入济，今此又言出朱虚入维，将桑钦所说有异，或者有二汶水乎。五帝祠，在汶水之上。

【补注】先谦曰：官本注，在下汶作维。是本两汶水，颜说误，详莱芜下。

【集释】王峻曰：《水经》明有两汶水，一出莱芜县原山入济，一出朱虚泰山入淮，谓之东汶。颜氏何不考也。

【编者按】治今山东临朐县东南。

诸，

【补注】先谦曰：武帝公主邑，见纪。众利侯伊即轩《表》注，后为诸县，是众利侯国并入此县。县人梁丘贺，见《儒林传》。

莽曰诸并。

【颜注】师古曰：春秋城诸入郛者。

【补注】先谦曰：官本注，人作及，是。《续志》，后汉因。《一统志》，故城今诸城县西南三十里。

【编者按】治今山东诸城市西南。

梧成，

【补注】先谦曰：《续志》，后汉省。《汶水注》，汶水自朱虚来，东北迳郛城北。应劭云，朱虚县东四十里有郛城亭，故县也。汶水又迳柴阜山北。下入北海安丘。《续志》朱虚下刘注，《左传》齐迁纪郛，县东南有郛城。案据二书，梧成一作郛城。据应说，后汉并入朱虚。《一统志》，故城今安丘县西南六十里嵎山北。

【编者按】治今山东安丘县西南。

灵门，

【补注】先谦曰：《续志》，后汉省。《一统志》，今莒州北百二十里石阜城。有高梁山。

【补注】先谦曰：《一统志》，高栢山在今莒州北，西接浯山。《寰宇记》作高原山，形近而误。

壶山，浯水所出，东北入淮。

【颜注】师古曰：栢，即拓字也。浯，音吾。

【补注】朱一新曰：汪本拓作栢，

是。先谦曰：官本作柘，淮即潍之省。《说文》亦云浯水出灵门壶山。壶浯同音变字也。《潍水注》，浯水出浯山，世谓之巨平山。《地理志》，壶山，浯水所出。是山西接浯山，水曰浯汶，下入姑幕。

【编者按】治今山东安丘市南。

姑幕，都尉治。或曰薄姑。莽曰季睦。

【颜注】应劭曰：《左氏传》曰：薄姑氏因之，而后太公因之。

【补注】先谦曰：众利侯郝贤下《表》注，姑莫，莫幕字通，是尝析置众利县。《续志》，后汉因。《潍水注》，浯水自灵门来，东北迳姑幕县故城东，县有五色土，王者封诸侯，随方受之，故薄姑氏之国也。阚骃云，周成王时，薄姑与四国作乱，周公灭之，以封太公。是以《地理志》曰，或言薄姑也。薛瓌云，博昌有薄姑城，未知孰是。浯水下入平昌。《一统志》，故城今诸城县西南五十里。

【编者按】治今山东安丘市东南。

虚水，侯国。

【颜注】如淳曰：虚，音墟。

【补注】先谦曰：城阳顷王子禹国，武帝封。《续志》，后汉省。

【编者按】今地无考。

临原，侯国。

【补注】先谦曰：留川懿王子始昌国，武帝封。

莽曰填夷亭。

【补注】先谦曰：《续志》，后汉省。《一统志》，故城今临朐县东。

【编者按】治今山东临朐县东。

琅邪，

【补注】先谦曰：武帝两幸此，见纪。《续志》，后汉因。《一统志》，故城在诸城县东南百五十里琅邪山下。

越王句践尝治此，起馆台。

【补注】先谦曰：《纪年》，贞定王元年，越徙都琅邪，句践二十五年也。《续志》刘注引《越纪》云，句践起观台，台周七里，以望东海，观即馆也。本书，观馆字通。

（存）〔有〕四时祠。

【颜注】师古曰：《山海经》云，琅邪台在琅邪之东。

【补注】钱大昭曰：存当作有。先谦曰：官本作有。祠详《郊祀志》。

【中华校】景祐、殿本都作“有”。

【编者按】治今山东胶南市西南。

菽，

【补注】钱坫曰：《春秋》定公二年，盟于菽。《左传》云郟，是菽即郟也。今郟城县地。案，封城阳顷王子应在此。《十三州志》，朱虚县东十三里有校亭，故县也。《寰宇记》，故城在临朐县东九十里。此则以菽为校字。先谦曰：郟是东海郡治，钱说谬。

侯国。

【颜注】师古曰：音废。

【补注】钱坫曰：武帝封城阳顷王子霸，史表作校，本表作挟，应即此也。舍此别无以当之。本表又有校靖

侯云，亦是年封，史表无之，以重出而误。先谦曰：《续志》，后汉省。《一统志》，故城今胶州西南木马城。

【编者按】治今山东胶州市西南。

柜，根艾水东入海。

【补注】钱大昕曰：根，当为柜。《水经注》或从手旁作拒，亦非。先谦曰：《胶水注》，柜艾水自黔陬来，东北迳柜县故城西，世谓之王城，又谓是水为泮水矣。又东北流，晏、伏所谓黔陬城西四十里有胶水者也。又东入海，《地理志》，琅邪有柜县，柜艾水出焉，东入海，即斯水也。《一统志》，柜艾水，今胶州南洋河。

莽曰拔同。

【颜注】如淳曰：音巨。

【补注】何焯曰：莽曰拔同四字，疑拔下注误入柜下。先谦曰：《续志》，北海有拒非柜。钱大昕以为挺之误。《一统志》则云后汉属北海，在今胶州西南。

【编者按】治今山东胶州市南。

餅，侯国。

【颜注】如淳曰：音瓶。

【补注】先谦曰：孙单国，文帝封。留川靖王子成，武帝封。《续志》，后汉省。《一统志》，故城今临朐县东南，亦作邢。《春秋》庄元年，齐师迁纪邢。杜注，邢，纪邑，在临朐县东南，即此。

【编者按】治今山东临朐县东南。

郛，胶水东至平度入海。莽曰纯德。

【颜注】师古曰：音夫，又音扶。

【补注】王念孙曰：《胶水注》引此东至作北至，是也。汉之郛县，在今胶州西南。平度故城，在今平度州西北，而平度州正当胶州之北，则当言北至平度，不当言东至也。今胶水出胶州之胶山，北流过高密县东，又北，过平度州西。又北，过掖县西，又北，至海仓口入海。

先谦曰：《说文》郛，琅邪县，从邑夫声。平度，东莱县。《续志》，后汉省。《胶水注》，胶水自黔陬来，北迳西黔陬城东，晏、伏所谓高密郡侧有黔陬县。《地理志》曰，胶水出郛县，王莽更之纯德矣。疑即是县，所未详也。下入高密夷安。案注此文，以西黔陬城为即郛县，不然晏伏指此城为黔陬之说，乃其上文又云，胶水自祝兹迳扶县，至黔陬。扶，是《地理志》琅邪之属县，文帝封吕平为侯国。案志有郛无扶，若以扶为郛，不当上下文不相应，既疑西黔陬城即郛县，为胶水自黔陬北流之所经，何以扶县反在黔陬之前，略不致疑。且吕平封扶柳，非扶县，属信都，非琅邪，是高后，非文帝，讹误迭见，殆非原文所有，今故不取。《一统志》，故城今胶州西南。

【编者按】治今山东胶州市西南。

零（段）[段]，侯国。

【颜注】师古曰：零，音许于反。（段）[段]，音工下反。

【补注】先谦曰：城阳顷王子泽国，武帝封。据颜注，段当为段，今本讹也。表作摩葭，《史表》作零殷，皆

误。《续志》，后汉省。

【中华校】景祐本“段”正作“段”。

【编者按】今地无考。

黔陬，故介国也。

【颜注】师古曰：陬，音子侯反。

【补注】先谦曰：后汉改属东莱。《续志》有介亭。《一统志》，故城今胶州西南。介亭在州南七十里。

【编者按】治今山东胶州市西南。

云，侯国。

【补注】先谦曰：齐孝王子信国，武帝封。《续志》，后汉省。

【编者按】今地无考。

计斤，莒子始起此，后徙莒。有盐官。

【颜注】师古曰：即《春秋·左氏传》所谓介根也。语音有轻重。

【补注】先谦曰：杜预注，谓之计基城，介根计基，双声转变。《续志》，后汉省。《淮水注》，游水自东海祝其来，左迳计斤县故城西，世谓之南莒也。游水下入赣榆。《一统志》，故城今胶州西南。

【编者按】治今山东胶州市西南。

稻，侯国。

【补注】先谦曰：齐孝王子定国，武帝封。于钦《齐乘》，高密西南，潍水堰侧，土人呼为赵贞女坊，南有高堤，即稻城遗迹，《春秋》称琅邪之稻。汉有塘堰，蓄潍水以溉稻，因名。

其城旁有稻田万顷，断水造鱼梁，岁收亿万，号万匹梁，今遗迹榛莽矣。《续志》，后汉省。《一统志》，故城今高密县西南。

【编者按】治今山东高密市西。

皋虞，侯国。

【补注】先谦曰：胶东康王子建国，武帝封。县人王吉，见本传。

莽曰盈庐。

【补注】先谦曰：《续志》，后汉省。《一统志》，故城今即墨县东北五十里皋虞社。

【编者按】治今山东即墨市东北。

平昌，

【补注】先谦曰：文帝封齐悼惠王子卬为侯国，见表。后汉改属北海。《一统志》，故城今安丘县南。

【编者按】治今山东诸城市北。

长广，

【补注】先谦曰：《续志》，后汉改属东莱。《一统志》，故城今莱阳县东。有莱山莱王祠。

【补注】先谦曰：详《郊祀志》。奚养泽在西，秦地图曰剧清（地）[池]，幽州蓟。

【补注】钱坫曰：秦地图，萧何所收秦图书是也。先谦曰：《官本考证》云，奚字应作穰。于钦《齐乘》，高密县有都冻者，《水经注》谓之夷安潭，秦地图谓之剧清池。案，夷安潭见《胶水注》。《一统志》，穰养泽在今莱阳县东五十里。

有盐官。

【编者按】治今山东莱阳市东。

横，故山，久台水所出，东南至东武入淮。

【补注】汪士铎曰：东南当作西北。先谦曰：官本作名台水。齐召南云，名台水当作久台水，久名字形相近而误，入淮之淮，即潍水也。志中作维亦作淮。朱虚之汶水曰入维，灵门之浯水，横县之久台水，折泉之折泉水，并曰入淮，实皆入潍水耳。今俗犹呼此水为东淮河，知自汉已然矣。《水经注》引此志，总曰入潍，是也。王鸣盛云，久，南监本作名。钱大昭云，闽本作名。朱一新云，汪本作名。先谦案，作久是也。或云，志文，横，故山名，台水所出。以为台水出横山，反谓久台为误读。然酈元即云故山久台水，与《汉志》文合。信臆说不如信古书也。后人遇山水名之可解者，即妄生意见。脰之居上山，此之故山，皆其证矣。《潍水注》，卢水即久台水。《地理志》曰，水出琅邪横县故山，山在东武县故城南，世谓之卢山也。久台水下入昌。顾祖禹云，《职方》兖州，其浸卢维。班固志《禹贡》维水，而卢无闻。师古以为在济北卢县，而泰山之卢又无卢水也。全祖望欲以城阳卢县之卢川水当之，窃谓不如此水出卢山名卢水入潍，以此当《职方》之浸，较为可据。

莽曰令丘。

【颜注】师古曰：台，音怡。

【补注】先谦曰：《续志》，后汉省。

《一统志》，故城今诸城县东南四十里。

【编者按】治今山东诸城市东南。

东莞，

【补注】先谦曰：武帝封城阳共王子吉为侯国，见表。后汉因。《一统志》，故城今沂水县治。

术水南至下邳入泗，过郡三，

【补注】先谦曰：过琅邪、城阳、东海、临淮，三当为四。

行七百一十里，青州浸。

【颜注】孟康曰：故郚邑，今郚亭，是也。师古曰：莞，音官。术水即沐水也，音同。

【补注】先谦曰：下邳东海县。《说文》，术作沐。《沐水》篇，沐水出东莞县西北山。注云，大弁山与小泰山，连麓而异名也。控引众流，积以成川，东南迳邳乡南，南去县八十许里，城有三面，而不周于南，俗谓之半城。沐水又左合峴水，又过县东，合箕山水，下入城阳莒。

【编者按】治今山东沂水县。

魏其，侯国。

【补注】先谦曰：周止国，高帝封。窦婴，景帝封。胶东康王子昌，武帝封。莽曰青泉。

【补注】先谦曰：《续志》，后汉省。《一统志》，故城今兰山县南。

【编者按】治今山东临沂市东南。

昌，

【补注】先谦曰：高帝封张卿。武帝封城阳顷王子差为侯国，见表。功

臣宜冠侯高不识《表》注，昌，盖尝析置宜冠县。《续志》，后汉省。《一统志》，故城今诸城县东南。

有环山祠。

【编者按】治今山东诸城市东北。

兹乡，

【补注】先谦曰：《一统志》，《春秋传》防兹。杜注，姑幕县东北有兹亭。侯国。

【补注】先谦曰：城阳顷王子宏国，宣帝封。《续志》，后汉省。《一统志》，故城今诸城县西北。

【编者按】治今山东安丘市东南。

箕，侯国。

【补注】先谦曰：城阳荒王子文国，宣帝封。《续志》，后汉省。《一统志》，故城今莒州东北百余里。《齐乘》，在箕屋山下。

《禹贡》淮水北至（昌）都〔昌〕入海，过郡三，

【补注】先谦曰：昌都系都昌误倒，官本不误。北海县。过琅邪、高密、胶东、北海，三当为四。

行五百二十里，兖州浸也。

【补注】先谦曰：《说文》作徐州浸。《潍水》篇，潍水出箕县潍山。注云，许慎、吕忱云，出屋山。《淮南子》云，出覆舟山。盖广异名也。东北迳箕县故城西，合析泉水下入诸。

【编者按】治今山东莒县北。

裨，

【补注】王鸣盛曰：《说文》，裨，

禾别也。从禾卑声。琅邪有裨县，此作裨误。南监本同。此字去声，而《艺文志》小说家出于裨官，如淳音排，则此字固有平声矣。

夜头水南至海。

【补注】赵一清曰：《寰宇记》，夜头水，诸地书皆失所在。《輿地志》云，向水南至海。夜头、向水，盖异名也。今莒县南七十里故向城，春秋时故邑，即裨县也，与折泉境相属。钱坫曰：疑即今傅疃河，源出莒州东北高柘山，东南流迳日照县东入海。

莽曰识命。

【颜注】应劭曰：音裨。

【补注】先谦曰：《续志》，后汉省。《一统志》，故城今莒州南，亦曰向城。

【编者按】治今山东莒县东南。

高广，侯国。

【补注】先谦曰：城阳荒王子勋国，宣帝封。《续志》，后汉省。《寰宇记》，盖在莒州南界，已无迹可考。

【编者按】治今山东莒县南。

高乡，侯国。

【补注】先谦曰：城阳惠王子休国，宣帝封。《续志》，后汉省。《一统志》，故城今莒州南。

【编者按】治今山东莒南县。

柔，侯国。

【补注】先谦曰：城阳荒王子山国，宣帝封。表柔误枣。《续志》，后汉省。

【编者按】今地无考。

即来，侯国。

【补注】先谦曰：城阳荒王子佼国，宣帝封。

莽曰盛睦。

【补注】宋祁曰：睦字当作陆。周寿昌曰：睦字不误，说见前。先谦曰：《续志》，后汉省。

【编者按】今地无考。

丽，侯国。

【补注】先谦曰：高密顷王子赐国，成帝封。表，丽下多兹字。《续志》，后汉省。

【编者按】治今山东诸城市南。

武乡，侯国。

【补注】先谦曰：高密顷王子庆国，成帝封。

莽曰顺理。

【补注】宋祁曰：理，当作里。先谦曰：《续志》，后汉省。

【编者按】今地无考。

伊乡，侯国。

【补注】先谦曰：城阳戴复王子迁国，元帝封。东平思王孙开，成帝封。《续志》，后汉省。

【编者按】今地无考。

新山，侯国。

【补注】先谦曰：称忠国，元帝封。《续志》，后汉省。《寰宇记》，当在莒县界。

【编者按】治今山东莒县西南。

高阳，侯国。

【补注】先谦曰：薛宣国，成帝封。表注东莞，盖析东莞置。《续志》，后汉省。《一统志》，故城今高密县西北。《寰宇记》，三十四里。钱坫云，东莞今沂水县，与高密东西相去远，《寰宇记》或非也，今地志相承用之。

【编者按】治今山东莒县东南。

昆山，侯国。

【补注】先谦曰：城阳荒王子光国，元帝封。《续志》，后汉省。《一统志》，故城今诸城县西南六十里，昆山西七里，县以山名也。

【编者按】治今山东五莲县东。

参封，侯国。

【补注】先谦曰：城阳戴王子嗣国，元帝封。《续志》，后汉省。

【编者按】今地无考。

折泉，侯国。

【补注】先谦曰：城阳荒王子根国，元帝封。《续志》，后汉省。《一统志》，故城今诸城县西南乡。注，折作析。折泉水北至莫入淮。

【补注】先谦曰：莫，当作箕。淮即潍也。《潍水注》，析泉水出析泉县北松山，东南流迳县东，下入箕。《一统志》，松山即分流山，在今诸城县南七十里。

【编者按】治今山东五莲县西北。

博石，侯国。

【补注】先谦曰：城阳荒王子渊国，

元帝封。《续志》，后汉省。

【编者按】今地无考。

房山，侯国。

【补注】先谦曰：城阳荒王子勇国，元帝封。《续志》，后汉省。

【编者按】治今山东昌乐县南。

慎乡，侯国。

【补注】先谦曰：表无慎乡。武帝封胶东顷王子共为顺阳侯，钱坫以为即此。盖是慎顺古通。《续志》，后汉省。

【编者按】今地无考。

驷望，侯国。

【补注】先谦曰：泠广国，元帝封。

莽曰泠乡。

【颜注】师古曰：泠，音零。

【补注】先谦曰：《续志》，后汉省。

【编者按】今地无考。

安丘，侯国。

【补注】先谦曰：张说国，高帝封。高密顷王子常国，成帝封。北海有安丘，非侯国。

莽曰宁乡。

【补注】先谦曰：《续志》，后汉省。《一统志》云，汉二安丘，在今县西南

者，属北海，在县东南者，属琅邪。

【编者按】治所在山东安丘市东南一带，确地不详。

高陵，

【补注】钱坫曰：《项羽记》有齐使者高陵君显。

侯国。

【补注】翟方进国，成帝封。

莽曰蒲（睦）[陆]。

【补注】朱一新曰：汪本睦作陆。周寿昌曰：监本作陆是。先谦曰：官本作陆。《续志》，后汉省。

【中华校】景本、殿本都作“陆”。

【编者按】今地无考。

临安，侯国。

【补注】先谦曰：胶东共王子闵国，成帝封。

莽曰诚信。

【补注】先谦曰：《续志》，后汉省。

【编者按】今地无考。

石山，侯国。

【补注】先谦曰：城阳戴王子玄国，元帝封。《续志》，后汉省。

【编者按】今地无考。

东海郡

东海郡，

【补注】阎若璩曰：郡治郯，以于定国、尹翁归《传》，知之。《陈胜传》，秦嘉等将兵围东海守于郯，是秦时郯即为郡治。先谦曰：《沂水注》亦云东海郡治郯。《续志》，后汉治同。高帝置。

【补注】全祖望曰：故秦郡。楚汉之际改名郯郡，属楚国。高帝五年属汉，复故，仍属楚国。景帝二年复故（以过削）。

【集释】谭其骧曰：东海秦郡。《始皇本纪》，三十五年，立石东海上朐界中，以为秦东门，疑东海即置于此年。见《秦郡新考》。

莽曰沂平。

【补注】先谦曰：《后汉·刘盆子传》有沂平大尹。

属徐州。

【颜注】应劭曰：秦郯郡。

【补注】先谦曰：《续志》，后汉因，属同。

户三十五万八千四百一十四，口百五十五万九千三百五十七。

县三十八：

【补注】先谦曰：见《王子侯表》者，有辟土、东平、运平、文成、翟彭、东淮、洧、参郾、沂陵、江阳、平邑、合阳、藉阳、就乡十五县无考。

郡人白光、殷嘉、发福、孟卿，见《儒林传》。

【编者按】平邑疑即泰山南武阳。《续山东考古录》卷二十七：“费城，汉平邑侯。邑在县西北六十里，今平邑集（即今山东平邑县）。”可信。该地曾发现有后汉章和元年石阙，上有“南武阳平邑”字样，今平邑县正是汉南武阳地，可见南武阳与平邑有关。大约是元帝初元六年平邑侯国除以后改称南武阳，后代又回用故平邑地名。平邑《汉表》在东海，误。应在泰山，（辨见《西汉政区地理》上篇一章五节）。又，合阳即下文合乡。先谦未曾深究，以为平邑、合阳二县无考。

郯，故国，少昊后，盈姓。

【颜注】应劭曰：音谈。

【补注】钱坫曰：《秦纪》，嬴姓分封，以国为姓，有徐氏、郯氏、莒氏。案，三国盈姓。盈嬴字通，故史公云尔。先谦曰：史丹封武阳，食郯之武强聚，见《丹传》。县人薛宣、于定国，见本传。后苍，见《儒林传》。《续志》，后汉因。《一统志》，今郯城县西二十里故城社，又西南三十里故县社，盖其遗址。

【编者按】治今山东郯城县西。

兰陵，莽曰兰东。

【颜注】孟康曰：次室亭鲁伯是。

【补注】先谦曰：伯与陌同。战国楚县，荀卿为令，家此，见列传。有廷东里，见《五行志》。县人萧望之，母将隆、疏广，见本传。孟喜、母将永、康王臧、缪生、褚大，见《儒林传》。后汉因。《续志》有次室亭。刘注，《地道记》云，故鲁次室邑。《列女传》有漆室之女，或作次室。《一统志》，故城今峰县东五十里。

【编者按】治今山东苍山县西南。

襄贲，莽曰章信。

【颜注】应劭曰：贲，音肥。

【补注】先谦曰：战国鲁地，后属楚。荀子说齐相，所谓楚有襄贲、开阳，以临吾左也。城阳顷王子鱣侯应，表在襄贲，是尝析置鱣县。《续志》，后汉因。《一统志》，故城今兰山县西南百二十里。

【编者按】治今山东苍山县南。

下邳，

【补注】先谦曰：商邳侯国，见《左》昭传及《纪年》。春秋战国属齐，以封邹忌，见《田齐世家》。项梁渡淮军此，见《羽传》。县人严彭祖，见《儒林传》。严延年，见《酷吏传》。功臣术阳侯建德《表》注下邳，是尝析置术阳县。

(万) [葛] 峰山在西，古文以为峰阳。

【补注】先谦曰：官本万作葛是。《禹贡》山水泽地篇，峰阳山在下邳县西，与志合。《一统志》，葛峰山在邳

州西北六里，峰县东十五里，峰县以此名。亦名峰阳山，亦名柱子山。

有铁官。莽曰闰俭。

【颜注】应劭曰：邳在薛，其后徙此，故曰下。臣瓚曰：有上邳，故曰下邳也。师古曰：瓚说是。

【补注】先谦曰：后汉改属下邳。《续志》，有铁。《一统志》，故城在邳州东三里。

【编者按】治今江苏邳县南。

良成，侯国。

【补注】先谦曰：鲁安王子文德国，昭帝封。

莽曰承翰。

【颜注】师古曰：《左氏传》所谓晋侯会吴子于良，即此是。

【补注】先谦曰：《续志》，后汉改属下邳。《沂水注》，沂水自邳来，南过良城县西，下入下邳。案又见《左》哀传杜注，吴地。酈注成作城。《一统志》，故城今邳州北。

【编者按】治今江苏邳州市东。

平曲，莽曰平端。

【补注】先谦曰：《续志》，后汉省。《一统志》，故城今沭阳县东北。郡有二平曲，说详彼县。

【编者按】治今江苏东海县东南。

戚，

【颜注】郑氏曰：音忧戚。

【补注】先谦曰：高帝封李必为侯国，见表。《续志》，后汉因。《一统志》，故城今滕县南七十里，城周四

里。

【编者按】治今山东微山县。

胸，秦始皇立石海上以为东门阙。有铁官。

【补注】先谦曰：秦县。据《始皇纪》，阙字当衍。后汉因，《续志》，有铁。有伊卢乡。案，钟离昧所家也，见《韩信传》。《一统志》，故城今海州南。胸山在州南四里。

【集释】陈直曰：王先谦谓阙字为衍文。考《隶释》卷二，汉东海庙碑云：“阙者秦始皇所立，名之秦东门阙，事见《史记》。”与志文完全相同。王氏阙字衍文之说，决不可信。

【编者按】治今江苏连云港市西南。

开阳，故郾国。

【补注】钱坫曰：妘姓国。《说文》，郾读如规矩。

莽曰厌虜。

【颜注】师古曰：郾，音禹。厌，音一涉反。

【补注】王先恭曰：莽封击西海者，以羌为号；槐里以武为号；翟义以虜为号。志此类皆可考见。先谦曰：战国楚地。《荀子》云，楚有开阳也。后汉改属琅邪为郡治。《续志》，建初五年属。《沂水注》，沂水自临沂来，南迳开阳县故城东，县故郾国，更名开阳。经《书》城启阳是。县故琅邪郡治也。沂水下入襄贲。《一统志》，故城今兰山县北十五里古城社。

【编者按】治今山东临沂市北。

费，故鲁季氏邑。都尉治。

【补注】先谦曰：高帝封陈贺为侯国，见表。

莽曰顺从。

【颜注】师古曰：音祕。

【补注】先谦曰：后汉改属泰山。《一统志》，故城在费县西北二十里。

【编者按】治山东今县北。

利成，莽曰流泉。

【补注】先谦曰：后汉因。《续志》作利城。《淮水注》，游水自胸来，北迳利成县故城东，故利乡也。武帝封城阳共王子婴为侯国。游水下入祝其。《一统志》，故城今兰山县东百里。

【编者按】治今江苏赣榆县西。故址犹存，见《考古》1963. 1. 第23页。

海（曲）〔西〕，莽曰东海亭。

【补注】钱大昕曰：曲当作西。沈约《宋志》，临淮郡海西县，前汉属东海，后汉、晋属广陵是也。《蜀志·糜竺传》，先主转运广陵海西。先谦曰：后汉改属广陵。《续志》，海西故属东海。地理家皆云曲为西之误，是也。武帝封李广利为侯国。《一统志》，故城今海州南百二十里。

【编者按】治今江苏灌南县东南。

兰祺，侯国。

【补注】先谦曰：鲁安王子临朝国，昭帝封。表，祺误旗。

莽曰溥睦。

【补注】先谦曰：官本溥作博。《续

志》，后汉省。

【编者按】今地无考。

缙，故国，禹后。

【补注】先谦曰：《说文》，鄫，姒姓国，在东海。缙鄫字同。为莒所灭，见《左》襄传；鲁取之，见昭传。后属齐，吴伐齐至此，见《吴世家》。靳歙略地至此，见《歙传》，亦见《货殖传》。

莽曰缙治。

【补注】先谦曰：后汉改属琅邪。《一统志》，故城今峄县东八十里。

【编者按】治今山东苍山县西。

南成，

【补注】先谦曰：成城字同，南成即鲁武城，子游所宰，曾参、澹台灭明，皆邑人，非有二地。战国属齐。威王云，檀子守南城，则楚不敢为寇。晋始为南武城。

侯国。

【补注】先谦曰：城阳共王子贞国，武帝封。表，成作城。后汉改属泰山。《一统志》，故城今费县西南九十里。

【编者按】治今山东费县西南。

山乡，侯国。

【补注】先谦曰：鲁孝王子绾国，宣帝封。《续志》，后汉省。

【编者按】今地无考。

建乡，侯国。

【补注】先谦曰：鲁顷王子康国，成帝封。《续志》，后汉省。

【编者按】今地无考。

即丘，莽曰就信。

【颜注】孟康曰：古祝丘。

【补注】先谦曰：《续志》，后汉改属琅邪。《一统志》，故城今兰山县东南。

【编者按】治今山东郯城县北。

祝其，

【补注】先谦曰：《周纪》，封黄帝之后于祝。服虔曰：即祝其。

【集释】陈直曰：《隶释》卷十七，鲁相谒孔庙残碑，祝其作况基，盖皆假借字，但其字作基，与居摄坟坛题字亦同。

《禹贡》羽山在南，鲧所殛。

【补注】先谦曰：《禹贡》山水泽地篇，羽山在祝其县南，与志合。

莽曰犹亭。

【补注】先谦曰：后汉因。《续志》有羽山。春秋时曰祝其。夹谷地。《一统志》，故城今赣榆西五十里。夹谷山在西南五十里。顾栋高云，此地去齐鲁之间，各数百里，夹谷之会不当在此。或谓淄川西南三十里，有夹谷山，上有夹谷亭，为齐鲁会地。然去齐近，去鲁尚远。惟莱芜县夹谷峪，为莱人劫鲁侯处，庶几近之。

【编者按】治今江苏赣榆县西。

临沂，

【补注】先谦曰：后汉改属琅邪。《一统志》，故城今临沂县北五十里临沂社。

【编者按】治山东今临沂市北。

厚丘，

【补注】先谦曰：恩泽高乐侯师丹《表》注，东海。本传。食邑厚丘中乡，是析中乡置义阳县。此侯王莽败绝，未尝省并，故表注东海不系于厚丘，盖志漏载。

【编者按】师丹始封高乐于绥和二，已在元延之后，更封义阳更在元始三年，故志不载，非漏载。又，始封高乐，乃析南阳新野置，更封义阳方以东海厚丘之中乡置侯国。

莽曰祝其亭。

【补注】先谦曰：《续志》，后汉因。刘注，《左》成传，城中城。县西南有中乡城。《一统志》，故城今沭阳县西北四十里厚丘镇。

【编者按】治今江苏沭阳县北。

容丘，侯国。

【补注】先谦曰：鲁安王子方山国，昭帝封。《续志》，后汉省。钱坫云，故城当在今邳州北。

祠水东南至下邳入泗。

【补注】先谦曰：酈道元作桐水。桐祠形近致误。《泗水注》，桐水出容丘县，下入下邳。

【编者按】治今江苏邳州市北。

东安，侯国。

【补注】先谦曰：鲁孝王子强国，宣帝封。

莽曰业亭。

【补注】先谦曰：《续志》，后汉省。

《一统志》，故城今海州西。

【编者按】治今江苏东海县西北。故址犹存，见《考古》1964. 1. 第23页。

合乡，莽曰合聚。

【补注】先谦曰：《续志》，后汉省。《元和志》，即《论语》互乡。《一统志》，故城今滕县东。

【编者按】宣帝甘露四年，封鲁孝王子平为合阳侯，表注东海，但志东海无合阳而有合乡，显见合乡置为侯国后改名合阳，如鲁西宁乡封侯更名宁阳之例。成帝建始元年，合阳国除，又回称合乡。合乡到后汉并未省并，而是更名合城。城、乡，阳都是地名通名，“合”字乃该地专名，专名不变而通名屡变的情况并不乏见。先谦以为此县后汉省，误。

治今山东滕州市东。

承，

【补注】先谦曰：县人匡衡，见本传。

莽曰承治。

【颜注】应劭曰：音证。

【补注】钱大昭曰：闽本作承始。徐松曰：承县以承水得名，作承者误。先谦曰：《广韵》承，县名，在沂州，匡衡所居。案表，鲁孝王子当，楚孝王孙闾，皆封承乡侯，即此。《元和志》，县西北有承水，故名。《续志》，后汉因。《一统志》，故城今峄县西北一里，承水在县西。

【集释】杨树达曰：周明泰《再续封泥考略》卷二有“承丞之印”，则承

字不误，徐说非也。又按景祐本作承治。

【编者按】治今山东枣庄市南。

建阳，侯国。

【补注】先谦曰：鲁孝王子威国，宣帝封。

莽曰建力。

【补注】先谦曰：《续志》，后汉省。《一统志》，故城今峰县西。

【编者按】治今山东枣庄市西南。

曲阳，莽曰从羊。

【颜注】应劭曰：在淮曲之阳。

【补注】王鸣盛曰：此注，前九江郡曲阳县下亦引之，恐非。朱一新曰：汪本羊作阳。先谦曰：官本作阳。《续志》，后汉改属下邳。《一统志》，故城今海州西南。

【编者按】治今江苏沭阳县东。

司吾，莽曰息吾。

【颜注】应劭曰：《左传》，吴执钟吾子。

【补注】先谦曰：《续志》，后汉改属下邳。《一统志》，故城今宿迁县北六十里司吾镇。

【编者按】治今江苏宿迁市北。

于乡，侯国。

【补注】先谦曰：泗水勤王子定国，元帝封。《续志》，后汉省。

【编者按】今地无考。

平曲，侯国。

【补注】先谦曰：公孙浑邪、周坚国，景帝封。广陵厉王子曾，宣帝封。莽曰端平。

【补注】齐召南曰：县邑同名者皆异郡，故或加东西等字以别之。东海一郡，而平曲二邑同名，殊不可晓，以莽所更名，一曰平端，一曰端平推之，或者第二平曲是曲平乎。全祖望曰：《水经注》误引平曲作西平，苟非曲平，何以成此误乎。亦可证第二平曲当为曲平也。先谦曰：王子、功臣两《侯表》，并是平曲，诸家穿凿为说，非也。此一县、一侯国，故虽同郡而截然不混。北海、甌川，一地两剧县，可分可合，即其证也。莽世不为侯国，故一曰平端，一曰端平以别之，不得据以为平曲本有颠倒之证。《续志》，后汉省。

【编者按】作平曲是。不久前，江苏省东海县尹湾六号汉墓出土木牍可证（参见《尹湾汉墓简牍释文选》，载《文物》1996年第8期，又拙作《西汉地方行政制度的典型实例》，载《学术月刊》1997年第5期）今地无考。

都阳，侯国。

【颜注】应劭曰：春秋齐人迁阳是。

【补注】先谦曰：城阳戴王子音国，元帝封。《续志》，后汉省。钱坫云，城阳国有阳都县，在今沂水县西南，《后书》注，都阳在承县南，则此亦在今峰县西南矣。钱大昕云，城阳国阳都下亦引应此注，似有一误，然都阳侯音本城阳戴王之子，或当日即割阳都之乡为侯国，本非两地乎。

【编者按】确址无考，推测其当在

《汉志》城阳国阳都县以南的东海郡境内，即今山东临沂市以北一带。《图集》置都阳于枣庄市以南，不妥。距城阳国过远，城阳王子所封不能超过东海数县地而至楚国边境。

阴平，侯国。

【补注】先谦曰：楚孝王子回国，成帝封。《续志》，后汉因。《一统志》，故城今峄县西南三十里。

【编者按】治今山东枣庄市西南。

郃乡，

【补注】先谦曰：《左》文传，城郃。杜注，卞城南有郃城。《说文》郃，东海县，故纪侯之邑。

侯国。

【补注】先谦曰：鲁顷王子闵国，成帝封。

莽曰徐亭。

【颜注】师古曰：郃，音吾，又音鱼。

【补注】先谦曰：《续志》，后汉省。《一统志》，故城今泗水县东南。

【编者按】治今山东泗水县东南。

武阳，侯国。

【补注】先谦曰：萧则国，文帝封。史丹，成帝封。《丹传》云，食东海郃之武强聚，是武阳郃地析置。

莽曰弘亭。

【补注】先谦曰：《续志》，后汉省。

【编者按】确地无考，但在今山

东郃城县附近一带。

新阳，侯国。

【补注】先谦曰：鲁顷王子永国，成帝封。

莽曰博聚。

【补注】先谦曰：《续志》，后汉省。

【编者按】治今山东枣庄市西北。

建陵，侯国。

【补注】先谦曰：张释国，高后封。卫綰，景帝封。鲁孝王子遂，宣帝封。莽曰付亭。

【补注】先谦曰：《续志》，后汉省。《一统志》，故城今沭阳县西北建陵山下。

【编者按】治今江苏新沂市南。

昌虑，侯国。

【补注】先谦曰：鲁孝王子宏国，宣帝封。

莽曰虑聚。

【颜注】师古曰：虑，音卢。

【补注】先谦曰：后汉因。《一统志》，故城今滕县东南六十里。《府志》，城周十里，有子城。

【编者按】治今山东滕州市东南。

都平，侯国。

【补注】先谦曰：城阳荒王子丘国，宣帝封。《续志》，后汉省。

【编者按】今地无考。

临淮郡

临淮郡，

【补注】先谦曰：据《济水注》，郡治徐。《续志》，后汉治下邳。

武帝元狩六年置。

【补注】钱大昭曰：《济水注》引，六作五。钱大昕曰：《晋志》，汉武帝分沛、东阳置临淮郡。东阳，楚汉之际所置郡也。全祖望曰：楚汉之际属楚国。高帝五年属汉，仍属楚国，六年属荆国，十二年属吴国。景帝四年属江都国。武帝元狩二年属广陵郡，六年分置郡，仍属广陵国。宣帝五凤四年复故。

【编者按】武帝元狩六年分置临淮郡后，即为汉地，不得再属广陵国，故宣帝五凤四年乃广陵国除为郡，与临淮郡已毫无干系，全未深考而致误。莽曰淮平。

【补注】吴卓信曰：《后汉·侯霸传》，初为王莽淮平大尹。先谦曰：《续志》，后汉更为下邳国，属徐州，志失书。

【集释】钱大昕曰：诸郡国皆书属某州，惟临淮、武都、陇西、金城、天水、武威、张掖、酒泉、敦煌、安定、北地、九真、河间、广阳、留川、胶东、高密、泗水、六安失书。按，临淮、泗水当属徐州，留川、胶东、高密当属青州，河间、广阳当属冀州，北地当属朔方，六安当属扬州，九真当属交州。武都以下九郡当属凉州。

【编者按】失书属某州部者尚有：京兆尹、左冯翊、右扶风、弘农、河东等五郡。已书属某州者则反映东汉制度，而非西汉之制。汉武帝开疆拓土，至元封三年时，郡国已增至一百零八，遂于元封五年建立十三刺史部（后又加一司隶校尉部）作为监察区以分统诸郡国。志所注属某州即指属某州刺史部。十三部中有十一部以州为名，另两部为朔方及交趾刺史部。而志所注者绝无朔方部，如上郡、西河、朔方、五原诸郡西汉应属朔方，而志注并州。此乃反映东汉朔方部并入并州以后之制，与志序所述十三部相矛盾，故颇疑此类注文非班固自注，而为后人读书时所加之注。参见谭其骧《讨论两汉州制致顾颉刚先生书》。

户二十六万八千二百八十三，口百二十三万七千七百六十四。

【补注】宋祁曰：口百二十，邵本作百三十。

县二十九：

【补注】先谦曰：见《王子侯表》者，有皋琅、南陵，见《恩泽表》者，有扶平，共三县无考。郡人儿长卿，见《游侠传》。

徐，故国，盪姓。至春秋时徐子章禹为楚所灭。

【补注】刘奉世曰：为吴所灭，非

楚也。误。王鸣盛曰：南监本，楚作吴。事见《春秋》昭公三十年。先谦曰：盈羸字同。《左传》作徐。羸秦县丁疾起此，见《陈涉传》。黥布与楚战此，见《布传》。功臣商利侯王山寿《表》注，徐，盖尝析置商利县。

莽曰徐调。

【补注】先谦曰：后汉因。《一统志》，故城在旧泗州城西北。旧州城在今泗州城东南百八十里。

【编者按】治今江苏泗洪县南。

取虑，

【颜注】师古曰：取，音趋，又音秋。虑，音卢。

【补注】徐松曰：《左传》释文，如淳读取为殴，訾虑为邾娄。吴卓信曰：《集韵》三烛，取下云，取虑，县名，作入声。先谦曰：秦县，郑布起此，见《陈涉传》。灌婴攻之，见《婴传》。后汉因。《一统志》，故城今睢宁县西南。

【编者按】治今安徽灵璧县北。

淮浦，游水北入海。莽曰淮敬。

【颜注】应劭曰：淮，涯也。

【补注】先谦曰：《续志》，后汉因。《郊祀志》有游水发根。《一统志》，故城今安东县西。游水今涟河。

【编者按】治今江苏涟水县西。

盱眙，

【补注】先谦曰：春秋吴善道邑，见《一统志》。秦为县，楚怀王都，见《项羽传》。武帝封江都易王子蒙之为侯国，见表。

都尉治。莽曰武匡。

【颜注】应劭曰：音吁怡。

【补注】先谦曰：后汉因。《续志》，作盱台。《史·高纪》同。《淮水注》，淮水自徐来，东历客山，迳盱眙县故城南，王莽更名之匡武（与志文倒异）。淮水下入淮阴。《一统志》，故县今盱眙县东北。县东四十里，有盱眙山。《说文》张目为盱，举目为眙。城居山上，可以眺远，故名。

【集释】杨树达曰：周明泰《再续封泥考略》卷二有盱台丞印，字作台，则《史·高纪》及《续志》作台者是，此作眙者，误也。又按：《王子侯表》有盱台侯蒙之，字作台，不误。

【编者按】治江苏今县东北。

舂犹，莽曰秉义。

【颜注】师古曰：舂，音仇。

【补注】先谦曰：《说文》舂下云，高气，从口九声。临淮有舂犹县。《集韵》亦作舂。然则舂字误也。《续志》，后汉省。《泗水注》，泗水自下相来，东南迳宿预城西，又迳其城南，故下邳之宿留县也。王莽名之曰康义矣（康与秉，形近而误）。今城在泗水之中。泗水下入泗水凌。又《沐水注》，沐水左读自司吾来，西南至宿预县注泗。《地理志》所谓至下邳入泗者也。《一统志》，宿预故城在今宿迁县东南。汉为舂犹县，晋改宿预。案道元引莽更名，盖宿预实即舂犹，而不著舂犹之名，是其疏略之过。

【集释】陈直曰：《说文》作舂犹，犹船字或书作舩。

【编者按】治今江苏宿迁市东南。

僮，

【补注】先谦曰：秦县，灌婴攻之，见《婴传》。英布与楚战此，见《布传》。恩泽乐安侯匡衡《表》注，僮，是曾析置乐安县。《续志》，亦作僮。《水经注》作潼。

莽曰成信。

【补注】先谦曰：《续志》，后汉因。《一统志》，故城今泗州东北。

【编者按】治今安徽泗县东北。

射阳，莽曰监淮亭。

【颜注】应劭曰：在射水之阳。

【补注】先谦曰：高祖封项婴为侯国，见表。射水即射陂，见《广陵王胥传》。后汉改属广陵。《一统志》射阳湖在县东南七十里，周二百里。

【编者按】治今江苏宝应县东。

开阳，

【补注】先谦曰：《续志》，后汉省。东海亦有开阳县。

【编者按】今地无考。

赘其，

【颜注】师古曰：赘，音之锐反。

【补注】先谦曰：高后封吕胜为侯国，见表。《续志》，后汉省。《纪要》，故城今盱眙县西。

【编者按】治今江苏盱眙县西南，确址不详。

高山，

【颜注】应劭曰：高山在东南。

【补注】先谦曰：《续志》，后汉因。

【编者按】治今江苏盱眙县南，确址不详。

睢陵，莽曰睢陆。

【颜注】师古曰：睢，音虽。

【补注】朱一新曰：元本陆作睦，非。先谦曰：武帝封江都易王子定国为侯国，见表。《续志》，后汉因。《一统志》，故城今睢宁县治。

【编者按】治所已沦入今江苏泗洪县东南洪泽湖中，确址无考。

盐渚，有铁官。

【补注】先谦曰：《续志》，后汉改属广陵。《一统志》，故城今盐城县西北。

【编者按】治今江苏盐城市。

淮阴，莽曰嘉信。

【补注】先谦曰：秦县，见《寰宇通志》。高帝封韩信为侯国，见表。功臣博成侯张敖《表》注，淮阴，盖尝析置博成县。莽名嘉信，因韩侯也。县人枚乘，见本传。《续志》，后汉因。《一统志》，故城今清河县东南五里。

【编者按】治江苏淮安淮阴区西南。

淮陵，莽曰淮陆。

【补注】先谦曰：《续志》，后汉因。《一统志》，故城今盱眙县西北八十五里。

【编者按】治今安徽五河县东南。

下相，

【补注】先谦曰：秦县，见《括地志》。县人项羽，见《羽传》。

莽曰从德。

【颜注】应劭曰：相水出沛国，故加下。

【补注】先谦曰：高帝封泠耳为侯国，见表。《续志》，后汉因。《一统志》，故城今宿迁县西七里下相社。

【编者按】治今江苏宿迁市西南。

富陵，

【补注】先谦曰：荆王贾为黥布破走，死于此，见本传。

莽曰櫟虜。

【颜注】[师古曰]：櫟，音朔。

【补注】齐召南曰：案，櫟音朔之上脱师古曰三字，各本俱误。此颜注，非班氏本文也。钱大昕曰：《说文》、《广韵》俱无櫟字，以颜音推之，当是槩之讹。《集韵》四觉部，有櫟字，知北宋本已讹。先谦曰：《续志》，后汉省。《一统志》，故城今盱眙县东北。

【编者按】治所已沦入今江苏洪泽县西北洪泽湖中。

东阳，

【补注】先谦曰：秦县，见《括地志》。陈婴县令史，起兵下之，见《项羽纪》。县人陈君孺，见《游侠传》。《续志》，后汉改属广陵。《一统志》，故城今天长县西北七十里，俗名屈城。

【编者按】治今江苏盱眙县东。

播旌，莽曰著信。

【补注】先谦曰：陈婴母县人，有墓，见《婴传》集解引张晏。后汉因。《续志》作潘旌，潘播古通。

【编者按】今地无考。

西平，[侯国]。

【补注】先谦曰：宣帝封于定国为侯国，见表。

【集释】钱大昕曰：志失注侯国。

莽曰永聚。

【补注】先谦曰：《续志》，后汉省。

【编者按】今地无考。

高平，侯国。

【补注】先谦曰：魏相国，宣帝封。王逢时，元帝封。又恩泽乐通侯栾大《表》注，高平，盖尝析置乐通县。

莽曰成丘。

【补注】先谦曰：《续志》，后汉省。《一统志》，故城在旧泗州城北。

【编者按】治今江苏泗洪县东南。

开陵，侯国。

【补注】先谦曰：建成及成婉国，并武帝封。

莽曰成乡。

【补注】先谦曰：《续志》，后汉省。

【编者按】今地无考。

昌阳，侯国。

【补注】先谦曰：泗水戾王子霸国，成帝封。《续志》，后汉省。

【编者按】今地无考。

广平，侯国。

【补注】先谦曰：薛欧国，高帝封。广陵孝王子德，元帝封。

莽曰平宁。

【补注】先谦曰：《续志》，后汉省。

【编者按】今地无考。

兰阳，侯国。

【补注】先谦曰：广陵孝王子宣国，元帝封。表，阳谿陵。

莽曰建节。

【补注】先谦曰：《续志》，后汉省。

【编者按】今地无考。

襄平，侯国。

【补注】先谦曰：纪通国，高帝封。广陵厉王子暨，元帝封。

莽曰相平。

【补注】先谦曰：《续志》，后汉省。

【编者按】今地无考。

海陵，

【补注】先谦曰：战国楚地，海阳，见《楚策》吴注。有发繇口，见《春秋》哀十二年杜注。

有江海会祠。

【补注】先谦曰：江海会者，谓江入海处也。吴卓信云，《晋志》广陵属县有海阳，无海陵。以《晋志》祠在海阳推之，知海阳即海陵也。

莽曰亭间。

【补注】王鸣盛曰：南监本，间作门。先谦曰：《续志》，后汉省。枚乘云，海陵之仓。瓚注，海陵有吴太仓。《续志》东阳下自注云，有长洲泽，吴王濞太仓在此，然则海陵并入东阳矣。《宋志》云，三国时废，晋太康二年复立。又《吴志》，吕岱广陵海陵人，是汉末复立，吴复废之。《一统志》，故城今泰州

治。先谦案，江水自广陵江都来，左入今泰兴县境，汉海陵地也。江水东南迳永安沙，又南迳界河，泰兴靖江，分界于此。江水东迳靖江县，旧为东西马驮沙，明天启中壅，属北岸，因置县。江水又迳张王港入如皋境，又迳丝鱼港入通州境，皆海陵地也。又迳狼山港，又东南包海门厅、崇明县二沙，入于海。

【编者按】治今江苏泰州市。

與；莽曰美德。

【补注】先谦曰：《续志》，后汉改属广陵。钱坫云，《晋书·徐宁传》，宁为與县令时，廷尉桓彝去职，之广陵寻亲旧还，遇风，停浦中，上岸，见一解署，云是與县，彝造之。则与海陵当相近。案《一统志》，故城今甘泉县西四十五里。

【编者按】治今江苏仪征市北。

堂邑，有铁官。

【补注】先谦曰：高帝封陈婴为侯国，见表。后汉改属广陵。《续志》，有铁。春秋时曰，堂。案，堂即棠，楚地。《左传》襄十四年，楚子囊师于棠，是也。伍奢子棠君尚。杜预云，棠邑大夫。棠堂古通，后属吴。《刺客传》，专诸，吴堂邑人。《一统志》，故城今六合县北。六合，汉堂邑地，江浦半入堂邑境。

【编者按】治今江苏南京六合区西北。

乐陵，侯国。

【补注】先谦曰：史高国，宣帝封。《续志》，后汉省。

【编者按】今地无考。

会稽郡

会稽郡，

【补注】阎若璩曰：郡治吴，以严助、朱买臣、梅福《传》知之。秦时，郡即治吴，故《项籍传》云，初起兵吴也。先谦曰：《严助传》，会稽东接于海，南近诸越，北枕大江，郡地形略具是矣。

秦置。

【补注】先谦曰：《始皇纪》，二十五年置。楚汉之间分置吴郡，详《高纪》。

【编者按】前汉会稽郡治吴，又称吴郡。楚汉之间何尝分会稽为吴郡。会稽分吴郡乃后汉时事。先谦之说谬甚。

高帝六年为荆国，

【补注】先谦曰：《高纪》，以故东阳郡、鄣郡、吴郡五十一县，立刘贾为荆王。

十二年更名吴。

【补注】先谦曰：《高纪》十二年，诏复立沛侯濞为吴王。

景帝四年属江都。

【补注】刘攽曰：景帝四年，封江都王，并得鄣郡而不得吴。名曰江都，然则会稽不得云属江都。王鸣盛曰：广陵县下注云江都易王非，广陵厉王胥，皆都此，亦得鄣郡而不得吴，与此注矛盾。考《江都易王非传》，景前二年立为汝南王，吴楚反，自请击吴，

吴已破，徙王江都，治故吴国。颜注，治谓都之，既云治吴，则广陵注云江都易王非都此者，误。

先谦曰：据《五宗世家》，及本书《非传》，会稽属江都，《宋志》同。此非初封时全有会稽郡之证。武帝建元三年，遣严助发会稽兵救东瓯，会稽守歆，拒不为发。又助与朱买臣相继为会稽守，此会稽后别为郡，不属江都，而广陵国得鄣不得吴之证。志文不误，诸说非也。

【编者按】志文“景帝四年属江都”有误。景帝三年正月，吴王濞反，六月，七国之乱平，吴国除。以吴郡属汉，以东阳、鄣二郡置江都国，徙汝南王非为江都王（《史记·诸侯王表》误以江都之国置于景帝四年）。志广陵国自注：“广陵，江都易王非、广陵厉王胥皆都此，并得鄣郡而不得吴。”丹扬郡注：“故鄣郡，属江都。”又《史记·淮南王传》述伍被语：“东收江都会稽……”是证江都国仅有东阳、鄣郡，而无吴郡（即会稽）。故金榜以为“景帝四年属江都”七字为衍文。先谦反为之曲解，乃治丝益棼。属扬州。

【补注】先谦曰：《续志》吴郡下云，顺帝分会稽置。属亦同。户二十二万三千三十八，口百三万二千六百四。

县二十六：

【补注】先谦曰：郡人郑吉，见本传。

吴，

【补注】先谦曰：县人朱买臣、严助，见本传。

故国，周太伯所邑。

【补注】先谦曰：详《太伯世家》。《续志》无锡下刘注引《皇览》云，有太伯冢宅，是始所居地。国自在吴县，不在无锡。刘驳之是也。后来地说多误，以班志为正。

具区泽在西，扬州藪，古文以为震泽。

【补注】先谦曰：《职方》注，具区在吴南。《禹贡》山水泽地篇，震泽在吴县南五十里。酈注《水经》多本班志，皆云吴南，则志文不当作在西。以地望测之，西南皆通，然以南为正。《释地》十藪，吴越之间有具区。郭注，今吴南太湖，即震泽也。案具区即震泽，郭以太湖当之，非是。太湖乃五湖之总名。《禹贡锥指》引叶梦得《避暑录话》云，《周官》九州有泽藪、有川、有浸。藪者，人资以为利；浸则水之所钟也。今平望、八尺、震泽之间，水弥漫而极浅，与太湖相接，而非太湖。积潦暴至，无以泄之，则溢而害田。然蒲鱼莲芡之利，所资甚广，亦可堤而为田，与太湖异；所以谓之泽藪。

黄仪云，今土人自包山以西，谓之西太湖，水始渊深，自莫厘武山以东，谓之南湖，水极滩浅，盖即古震泽。

止以上流相通，后人遂混谓之太湖耳。成蓉镜云，疑禹时震泽水巨浸，太湖水小，故《禹贡》称震泽不称太湖。历商而周，震泽渐淤为藪，而水乃滪于太湖，故《职方》以五湖为浸，震泽为泽藪也。平望今震泽县西南四十五里平望镇，八尺在县南二十里八赤镇，震泽在县西南八十五里。

南江在南，东入海，扬州川。

【补注】先谦曰：《沔水注》，南江自丹扬故鄣来，东注于具区，谓之五湖口。五湖，谓长荡湖、太湖、射湖、贵湖、滪湖也。郭景纯《江赋》，注五湖以漫漭。言江水经纬五湖，而苞注太湖。五湖，乃太湖之兼摄通称也。东则松江出焉。上迳太湖，更迳笠泽，在吴南松江左右也。《国语》云，越伐吴，吴御之笠泽。越军江南，吴军江北者也。虞氏曰，松江北去吴国南五十里。

阮元《浙江图考》云，道元以松江为南江东出之流，非以为中江也。班志于吴曰南江在南，于毗陵曰北江在北，则中江必在吴县北、毗陵南可知。《文选·江赋》李注引《水经注》云，中江东南左会滪湖（今《水经注》无此语）。滪湖在常州西南三十五里，半入宜兴，当太湖北，正汉阳羨地。会于滪湖而东出，仍在太湖之北，不必出自太湖东南也。然则中江非松江乎，曰必松江也。吴松江口正中江入海处，但中江由阳羨入海，正在吴之北，其趋海必历昆山，而至嘉定、上海之间，自中江出。滪湖之口既湮，南江迳御儿之流亦塞，而中江入海之委，转与南江出湖之条，两相接续，于是曰松

江、曰娄江、曰三江口，支脉纷繁，莫可究诘，而庾氏三江之说起矣。今吴松海口在嘉定县东，彼入太湖而出太湖，直趋于此，可也。何至出太湖者，南出吴江复北注邪，道元叙南江注具区，东出为松江，明以东出者为南江，郭氏以松江当中江，盖指吴松口而言耳。

范本礼《吴疆域图说》云，吴松口在今宝山县南。考丁取忠《舆地经纬度里表》，宝山县当纬度三十一度二十分，苏州府当纬度三十一度二十三分，是吴松口在苏州东南。阮氏既云中江在吴北。直贯太湖东出，而以吴松口为即中江入海之口，亦矛盾也。中江入海之道，当在今刘河口北。

先谦案，《一统志》，松江自太湖分流，经吴江、昆山、太仓、嘉定境，入海。娄江自长洲娄门外承太湖东流，迳昆山、太仓界，入海。宋元以来，水道变迁，朱长文始以至和塘为娄江（即刘河口）。卢熊指松江为二派，谓一出长桥，一出甘泉桥，已非一地。王鏊又分松江、吴松江为二派，以吴松为东江，又谓自大姚分支，与卢熊说又异。且谓娄江自太湖鲇鱼口分流，则其口又不出自松江矣。诸说皆无的据。唐张守节谓三江口在苏州府东南三十里，但浑举之，盖古今水道不同，汉世中江入海之道，无能臆定，以方隅言，刘河口近之，娄者刘也。

莽曰泰德。

【补注】先谦曰：《续志》，后汉属吴。《一统志》，故城今苏州府治。吴县、长洲、元和、吴江、震泽，并汉吴县地。常熟、昭文，半入吴境。

【编者按】治今江苏苏州市。

曲阿，故云阳。

【补注】先谦曰：《太康地记》，曲阿本名云阳，秦时望气者云有王气，凿之以败其势，截其直道，使之阿曲，故曰曲阿。

莽曰风美。

【补注】先谦曰：《续志》，后汉属吴。《一统志》，故城今丹阳县治。丹阳、金坛，并汉曲阿地。

【编者按】治今江苏丹阳市。

乌伤，莽曰乌孝。

【补注】先谦曰：《续志》，后汉因。《一统志》，故城今义乌县治。金华、义乌、永康、兰溪、武义，并汉乌伤地。东阳、浦江、汤溪，半入乌伤境。

【编者按】治今浙江义乌市。

毗陵，季札所居。

【补注】先谦曰：札居延陵，见《公羊》襄传。吴因而封之，见《吴世家》、《皇览》。季子冢在暨阳乡，今江阴西三十里申浦南。

江在北，东入海，扬州川。

【补注】钱大昭曰：闽本江上有北字，是。朱一新曰：汪本、监本有北字。先谦曰：《禹贡》山水泽地篇，北江在毗陵北界，东入海，与志合。《续志》亦作北江在北。此与吴下南江在南，东入海，书法同。即今大江由江宁、镇江、常州入海者也。

莽曰毗坛。

【颜注】师古曰：旧延陵，汉改之。

【补注】先谦曰：《续志》，后汉属吴。《一统志》，故城今常州府治。武进、阳湖、江阴，并汉县地。常熟、昭文，半入毗陵境。

【编者按】治今江苏常州市。

馀暨，萧山，潘水所出，东入海。

【补注】先谦曰：《续志》刘注引《魏都赋》注云，有萧山，潜水出焉。潜水即潘水也。南江自钱塘来，入馀暨县，绝潘水而东流，下入山阴。《渐江水注》，浦阳江自上虞来，东北迳永兴县（即馀暨，今萧山县），与浙江合，谓之浦阳江，东入海。《地理志》又云，县有萧山，潘水所出，东入海。又疑是浦阳江之别名也，自外无水以应之。

莽曰馀衍。

【颜注】应劭曰：吴王阖闾弟夫概之所邑。师古曰：应说非也。暨音既，下诸暨亦同。潘，音甫元反。

【补注】徐松曰：宋本，衍作行。先谦曰：《续志》，后汉因。刘注引《越绝》云，西施之所出，谢承书有涉皇山。

【编者按】治今浙江萧山市。

阳羨，

【补注】先谦曰：高帝封灵常为侯国，见表。本志芜湖下云，中江水至县入海。《续志》，后汉属吴。《一统志》，故城今宜兴县南五里。宜兴、荆溪，并汉阳羨地。

【编者按】治今江苏宜兴市南。

诸暨，莽曰疏虬。

【补注】先谦曰：有句无亭，见《越语》韦注。《续志》，后汉因。《一统志》，故城今诸暨县治。

【编者按】治今浙江诸暨市。

无锡，

【补注】先谦曰：《史记》，太伯始居吴，在此。后国吴县。武帝封多军为侯国，见表。

有历山，

【补注】先谦曰：《毗陵志》，历山，在今无锡县西北三十里。

春申君岁祠以牛。

【补注】先谦曰：《舆地纪胜》引此文，春申君下有祠字，岁祠作岁祀，是。《春申君传》，城故吴墟，以自为都邑也。

莽曰有锡。

【补注】先谦曰：《续志》，后汉属吴。《一统志》，故城今无锡县治。无锡、金匱，并汉县地。

【编者按】治今江苏无锡市。

山阴，

【补注】先谦曰：《续志》，后汉因。《一统志》，故城今绍兴府治。山阴、会稽并汉县地。

会稽山在南，上有禹冢、禹井，扬州山。

【补注】先谦曰：《渐江水注》，会稽山，古防山也。亦云茅山，又曰栋山。《越绝》云，栋犹镇也，盖《周礼》所谓扬州之镇矣。《山海经》曰：勺水出焉。南流入于湖，山上有禹冢，

东巡狩崩于会稽，因而葬之。山东有湮井，去庙七里，深不见底，谓之禹井云。东游者多探其穴。《一统志》，山在会稽县东南十三里。越王句践本国。

【补注】先谦曰：本国对琅邪郡琅邪下，越王句践治此言。《渐江水注》，句践称王，都于会稽。《吴越春秋》所谓越王都埤中，在诸暨北界，山阴康乐里。

有灵文园。

【颜注】师古曰：灵文侯，薄太后父。

【补注】先谦曰：详《外戚传》。后为灵文乡，见《后书·郑宏传》注。《史》索隐引顾氏云，《冢墓记》，薄父冢在会稽县西北戡山上。

【编者按】治今浙江绍兴市。

丹徒，

【颜注】师古曰：即《春秋》云朱方也。

【补注】先谦曰：朱方后名谷阳，秦曰丹徒，见《宋志》。吴王濞走死此，见《濞传》、《周亚夫传》。《续志》，后汉属吴。《一统志》，故城今丹徒县东南丹徒镇，土人称旧县。

【集释】陈直曰：《御览》卷六十六，引刘桢《京口记》云，龙目湖，秦王东游观地势，云此有天子气，使赭衣徒凿湖口长冈使断，因改为丹徒。

【编者按】治江苏镇江丹徒区东南。

余姚，

【补注】先谦曰：《续志》，后汉因。

《一统志》，故城今余姚县治。

【编者按】治今浙江余姚市。

娄，有南武城，阖闾所起以候越。

【补注】先谦曰：《越绝书》，娄北武城，去县三十里，今为乡。《一统志》，南武城在今昆山县西北，明王鏊《姑苏志》，县朱塘乡有武城村。

莽曰娄治。

【补注】先谦曰：《续志》，后汉属吴。《通典》，因吴之娄门为名。《一统志》，故城今昆山县东北。昆山、新阳、太仓、镇洋，并汉娄县地。

【编者按】治今江苏昆山市东北。

上虞，有仇亭。柯水东入海。

【补注】先谦曰：《渐江水注》，浦阳江自剡来，东北迳始宁县（晋立，今上虞县西南五十里），嵊山之成功峤。峤北有嵊浦。浦阳江自嵊山东北，迳太康湖，又迳始宁县西，本上虞之南乡也（后汉分立），合姚浦水东迳上虞县南，亦谓是水为上虞江。县之东郭外有渔浦湖（江之道南有曹娥碑），又有吴淞，破山导源，注于胥江。上虞江东迳周市，而注永兴（晋县，今萧山县西）。《地理志》云，县有仇亭，柯水东入海。仇亭在县东十里江北，柯水疑即江也。下入余暨。先谦案，《一统志》，嵊山在上虞西南五十里。浦阳江至县为上虞江，又迳会稽县东九十里曹娥庙前，曰曹娥江，又北绝南江，迳沥海所入海。志所谓柯水东入海也。南江水自山阴来，入县境亦

绝柯水，东入余姚。

莽曰会稽。

【补注】先谦曰：《续志》，后汉因。《浙江水注》，本司盐都尉治，地名虞宾。晋《太康地记》云，舜避丹朱于此，故以名县，百官从之，故县北有百官桥。亦云，禹与诸侯会，事讫，因相虞乐，故曰上虞。二说不同，未详孰是。县南有兰风山。《一统志》，故城今上虞县西北四十里百官市。

【编者按】治今浙江上虞市。

海盐，故武原乡。有盐官。莽曰展武。

【补注】先谦曰：《续志》，后汉属吴。《沔水注》，谷水自由拳来，东南迳盐官县故城南。谷水右有马罩城，故司盐都尉城，吴王濞煮海为盐于此县也。是以《地理志》曰：县有盐官。东出五十里有武原乡，故越地也。秦于其地置海盐县，后县沦为柘湖，又徙治武原乡，改曰武原县。汉安帝时，武原之地又沦为湖，今之当湖也。后乃移此。谷水于县，出为澈浦，以通巨海。《一统志》，故城今平湖县东南。盐官，今海宁州治。海宁、平湖、海盐，并汉县地。当湖在今平湖县东门外，周四十余里，一名鸚鵡湖，俗呼东湖，即海盐县陷处。

【编者按】治今浙江平湖市东。

剡，莽曰尽忠。

【颜注】师古曰：音上冉反。

【补注】先谦曰：《续志》，后汉因。《一统志》，故城今嵊县西南。嵊、新

昌，并汉剡县地。

【编者按】治今浙江嵊州市西南。

由拳，柴辟，故就李乡，吴、越战地。

【颜注】应劭曰：古之槁李也。师古曰：拳，音权。辟，读曰壁。槁，音子遂反。

【补注】王鸣盛曰：柴，读曰寨。先谦曰：武帝封轘终古为语儿侯，国此，见表。《续志》，后汉属吴。刘注，《左传》越败吴于槁李。杜云，县南醉李城也。《沔水注》，谷水自吴来，出小湖，迳由拳县故城下。《神异传》云，秦时长水县也。始皇时沦陷为谷，因目长水城水曰谷水。《吴记》云，谷中有城，故由拳县治也。即吴之柴辟亭，故就李乡槁李之地。秦始皇恶其势王，令囚徒十余万人，汙其土，表以汙恶名，改曰囚卷，亦曰由卷也。吴时，嘉禾生，县改禾兴，后改嘉兴，春秋之槁李城也。谷水又东南迳嘉兴县城西，下入海盐。《一统志》，故城今嘉兴县南。柴辟亭、语儿乡，俱在石门县东南。

【编者按】治今浙江嘉兴市南。

大末，谷水东北至钱塘入江。

【补注】先谦曰：《浙江水注》，谷水西出大末县，县是越之西鄙，姑蔑之地也，秦以为县。谷水下入乌伤。先谦案，今姑蔑故城，在龙游县北。谷水，即衢江。班言入江者，入浙江也。《元和志》作灝水。《方輿胜览》作穀溪（灝、穀，皆〔穀〕谷之变字，说者遂以为水纹如穀，谬也）。一名鹿

溪，一名鹿头溪，又名须江。出龙游县仙霞诸岭，灵溪水、染口溪水、金溪水入之。

莽曰未治。

【颜注】孟康曰：大音如閼。

【补注】先谦曰：官本注，末有反字。《续志》，后汉因。《一统志》，故城今龙游县治。龙游、西安、江山、常山、开化、遂昌、玉山，并汉大末地。

【编者按】治今浙江龙游县。

乌程，有欧阳亭。

【颜注】师古曰：欧，音乌侯反。

【补注】先谦曰：《续志》，后汉属吴。《沔水注》，今南江枝分，历乌程县，下入余杭。《寰宇记》，楚春申君立菰城县，秦改乌程。《郡国志》，古乌程氏居此，能醢酒，故以名县。《一统志》，故菰城，今湖州府南二十五里，欧阳亭在乌程县东升山南。今乌程、归安、德清、武康，并汉乌程地。长兴，半入乌程境。

【编者按】治今浙江湖州市西南。

句章，

【补注】先谦曰：《国语》，句践之地，南至句无。《十三州志》，句践灭吴，大城之，章霸功以示子孙，故曰句章。

【编者按】《十三州志》释句章之义，纯属附会。会稽一郡县名都颇为奇特，除山阴、海盐两县明显可以字面解释外，其余诸县多为古吴、越语地名，不可以汉字曲解其义。如乌、余、句诸字，都是越语发语词，没有实义。

乌字至今仍用于闽南某些地区，用以作女子名的接头语，如乌珠、乌纱等，与阿字的意思相当，但有爱称的意味。无锡之无也不表示没有的意思，但这点汉人已经不明，所以莽改无锡为有锡。关于吴越语地名的分析，请参见拙著（与游汝杰合作）《方言与中国文化》第六章。

渠水东入海。

【补注】先谦曰：《浙江水注》，剡溪江边有查浦。浦东行二百余里，与句章接界，有青溪、余洪溪、大发溪、小发溪，江上有六溪。六溪列溉，散入浦阳江，夹溪上下，崩崖若倾。东有簞山、南有黄山，与白石三山，为县之秀峰，山下众流泉导，湍石激波，浮险四注。全祖望云，六溪即渠水也。凡言渠水，必皆以人力为之，句章之渠水，亦居民苦江潮之斥卤，而引山溪之水为渠，以利田溉，是即所谓渠水矣。盖六溪皆簞溪之支流，渚而为渠，遂独擅句章之望，虽在前记无明文，然舍此无水以当之。汪士铎云，渠水今甬江。

先谦案，《一统志》，簞山在嵊县东北三十里，山势平如铺簞，故名。白石山在嵊县西七十里，连跨三邑，在嵊曰西白，在诸暨曰东白，在东阳曰北白，所谓白石三山也。六溪即长潭溪、后溪、赵溪，诸水以上，山水俱不入句章境，六溪非渠水，全说误。甬江则鄞之天门水，汪说亦误。今案渠水乃慈溪江上流，即姚江也。

【编者按】治今浙江余姚市东南。

馀杭，莽曰进睦。

【颜注】孟康曰：杭，音行伍之行。

【补注】何焯曰：宋本作淮睦。钱大昭曰：闽本作淮睦。全祖望曰：淮字是也。《梁书》，刘仁茂反，侯景拒谢答仁于下淮。《陈书》，留异出下淮抗御沈恪，皆其地。先谦曰：《续志》，后汉属吴。刘注，顾夷云，始皇至会稽经此，立为县。《史记》，始皇临浙江，水波恶，乃西北二十里从狭中渡。徐广云，余杭也。昭案始皇所临，乃在钱唐、富春，岂近余杭之界乎。《浙江水注》云，始皇将游会稽，至钱唐，恶浙江不能渡，故道余杭之西津也。《一统志》，故城今余杭县治。余杭、临安，并汉县地。

【编者按】治浙江杭州余杭区西南。

鄞，

【补注】先谦曰：《国语》，句践之地，东至于鄞。《续志》，后汉因。《一统志》，故城今鄞县东五十里鄞山下。奉化、宁海，并县境。

有镇亭，

【补注】先谦曰：《一统志》，镇亭山在今奉化县西南百里。

【集释】杨树达曰：李慈铭云，镇亭即今之天台山，镇亭天台音相转。

有鲒埼亭。

【补注】先谦曰：鲒埼山，在奉化县东南五十五里，以近古鲒埼亭而名。宋嘉泰中，置鲒埼寨。《说文》，鲒，蚌也。汉律会稽郡献鲒酱，出此县。东南有天门水入海。

【补注】先谦曰：天门水即鄞江，一名甬江（齐召南误以为姚江），出四

明山之陈公岭。山在鄞县西南百五十里，周回八百余里。跨连七县。天门水导源东流，右合奉化江水。奉化江亦出嵊县界，东北流为东剡溪（与入上虞县之剡溪，各一水），凡九曲，至奉化县公棠堰，合晦溪水，又东北迳崎山，合上元溪水，又东迳县西泉口，合棠溪水，又东迳县北江口，合范家河水、赵河水，又东北迳县东北之北渡，合镇亭水为奉化江，亦曰北渡江，又东北迳县东南，入天门水。天门水又东左合慈溪支水，为三港口，又东入镇海县境，为大浹江。东晋时，置浹口戍，孙恩为刘裕所败，自浹口窜入海，即此。小浹江水，自竹屿山海口西流注之，天门水入于海。

有越天门山。

【补注】先谦曰：《一统志》，在奉化县南六十里，接象山县界。陶宏景《真诰》，天门山在鄞县南，宁海北，半亚于海。又象山县南百二十里，海中两峰对峙，其状若门，亦名天门山。高三百丈，周二十五里。

【集释】杨树达曰：李慈铭云，越天门山即今之南田岛也，明时为昌国卫。

莽曰谨。

【颜注】师古曰：鄞，音牛斤反。鲒，音结，蚌也。长一寸，广二分有一小蟹在其腹中。埼，曲岸也。其中多鲒，故以名亭。埼，音巨依反。

【补注】全祖望曰：当有东部都尉治五字，见《宋志》，而今本脱之。先谦曰：《会稽典录》，阳朔元年，徙东部都尉治鄞，或有寇害，后徙句章。《金石录》载永平八年，会稽东部都尉

路君闾铭。《吴志》，张紘、全琮、潘浚《传》，并有会稽东部都尉。是此官至后汉三国时，未经省并，前汉当有之明证矣。

【编者按】治浙江宁波鄞州区东南。

钱唐，

【补注】先谦曰：秦县。《始皇纪》，至钱唐临浙江也。隋以前，皆作钱唐。至唐以字系国号，加土为钱塘。

西部都尉治。

【补注】先谦曰：《扬雄传》，东南一尉。孟康云，会稽东部都尉也。如淳云，《地理志》，在会稽。今志，钱唐有西部都尉，回浦有南部都尉，无东部。且二尉非一尉，因有疑此为误者。案，据孟说，疑所见止东部，然《渐江水注》于钱唐下，引作会稽西部都尉治。则道元所见，与今本同。证以《后书·伍延传》，尝为会稽西部都尉，是官制沿自前汉，不疑也。一尉一侯，行文相偶，言之未为不可，固不得据虚文以驳实纪耳。

武林山，武林水所出，东入海，行八百三十里。

【补注】先谦曰：《渐江水注》，《钱唐记》云，防海大塘，在县东里许，县南江侧，有明圣湖。县有武林山，武林水所出也。阚骃云，山出钱水，东入海。《吴地记》言，县惟浙江，今无此水。全祖望云，武林山即灵隐山，在今钱唐县治西五里。武林水东入海，则是截钱唐江而东趣龛赭以达海，不然，不得云东入也。计其里数，不及二百，何云八百三十里乎。赵一清云，

钱水因武林山泉，潴而为湖。旧湖水通江，后人筑塘以隔江湖，故湖曰钱湖，江曰钱江。皆以一塘分限得名。泉钱通用，莽改泉亭，阚骃云钱水，可证也。

《浙江图考》云，武林水即钱水也。钱唐至海，止百数十里，行八百三十里六字，疑当在谷水条下，传写误之。古钱塘当为今昭庆寺，及钱唐涌金、清波一带之地。所以外御咸潮，内潴钱水，古杭城尚在西湖之西南也。先谦案，《一统志》，西湖即古明圣湖。三面环山，溪谷诸水，汇而为湖，周三十里，以在郡西，故名西湖。道元不言明圣湖即武林水，亦不知灵隐山即武林山，自是《元和志》、《寰宇记》诸书，皆止称灵隐，不详武林。叶绍翁《四朝闻见录》谓武林即灵隐，后人多主其说。钱水入海，惟班、阚言之，后无及者。盖塘堰之建甚古，莫能详其时代矣。

莽曰泉亭。

【补注】先谦曰：《续志》，后汉省。

【编者按】治今浙江杭州市西。

鄮，

【补注】先谦曰：秦县。《名胜志》引陆云集云，始皇南巡会稽，留鄮县三十余日，是县置自秦。

莽曰海治。

【颜注】孟康曰：音贸。

【补注】朱一新曰：正统本，作海冶误。先谦曰：《续志》，后汉因。《一统志》，故城今鄞县东三十里官奴城。今镇海，汉鄮县地。鄞县半入鄮境。《纪要》，有鄮山，一名阿育王山。

【编者按】治今浙江宁波市东。

富春，

【补注】钱坫曰：《越纽》云，富中即此。

莽曰诛岁。

【补注】先谦曰：《续志》，后汉属吴。《一统志》，故城今富阳县治西北隅。富阳、新城、分水、建德、桐庐、寿昌，并汉富春地。

【编者按】治今浙江富阳市。

（治）[冶]，

【颜注】师古曰：本闽越地。

【补注】先谦曰：官本作冶。齐召南云，冶，各本作治，非也。《东越传》，秦并天下，以其地为闽中郡。汉五年，复立无诸为闽越王，王闽中故地，都东冶，即此冶县。沈约《宋志》云，建安太守本闽越，秦立为闽中郡，汉武世，闽越反，灭之，徙其民江淮间，虚其地，后有逃遁山谷者，颇出，立为冶县，属会稽，是其说也。玩师古说，知古本必作冶，今改正。先谦案，《续志》亦作冶。章安下云，故冶，闽越也，光武更名。又永宁下注

云，永和三年，以章安县东瓯乡为县，是后汉之章安永宁，皆前汉冶县地。后又改为东侯官（侯是候之讹），见《太康地记》、《元和志》。《一统志》，故城今闽县东北冶山之麓，《皇朝文献通考》，今福建全省，皆汉冶县地。惟漳州之漳浦、诏安二县，兼有南海郡揭阳县地。

【编者按】治今福建福州市。

回浦。南部都尉治。

【补注】先谦曰：《续志》，后汉省。章安下刘注引晋《元康记》云，本鄞县南之回浦乡，章帝章和元年立，未详。案，此刘昭两存而未定者。然回浦前汉为县，与冶县两不相涉，刘殆偶有不照。据《元康记》，后汉并入鄞也。《一统志》，今温州府永嘉、瑞安、乐清、平阳、泰顺五县，台州府临海、天台、黄岩、仙居、太平五县，处州府丽水、青田、缙云、龙泉、松阳、庆元、云和、宣平、景宁九县，并汉回浦地。象山半入回浦境。《一统志》，故城今临海县东南百五十里。

【编者按】治今浙江临海市东南。

丹扬郡

丹扬郡，

【补注】宋祁曰：丹扬当作丹阳。

王鸣盛曰：扬字从手，其属县丹阳则从阜，而南监本俱作阳。《晋志》或作

扬，或作阳，而属县则作杨。且注云，丹杨山多赤柳，在西。然则县名从木甚明，而郡亦当以此得名。凡从手从自，皆传写误也。朱一新曰：扬，汪本作阳。先谦曰：官本作阳，下同。《元和志》，汉郡治宛陵县。《续志》，后汉治同。

故鄣郡。

【补注】刘敞曰：秦分三十六郡，无鄣郡。此注但当云故鄣属江都，不当益郡字。钱大昕曰：刘说非也。志云故梁、故淮南、故齐、故楚，皆谓诸侯王国，鄣非国名，何以得称故鄣乎。秦无鄣郡，而楚汉之际则有之。《高纪》，以故东阳郡、鄣郡、吴郡五十三县立荆王，是高帝之世有鄣郡矣。若县名有故鄣，此犹河南之故市，涿郡之故安，当时或别有取义，岂可援以为鄣非郡之证。借如刘说，但当云故属江都，何必又云故鄣，而下文更名丹阳之语，更不可通矣。先谦曰：鄣之名郡，因《山海经》之天子都，一名天子鄣，受是名也。《续志》云，秦鄣郡，《史记》徐广音义云，江南者，丹扬也，秦鄣郡。《括地志》亦谓丹扬郡，秦并天下以为鄣郡，皆误。

【编者按】鄣郡秦置，固无疑问。《续志》刘昭注，徐广《史记音义》、《括地志》所载皆对。只是鄣郡的确不在三十六郡之中。始皇初并天下置三十六郡，后又开胡越地置九原及岭南三郡，并将八个内郡一分为二，故秦一代郡数为四十八。鄣郡即分会稽郡西部置。古人迷信数的意义，秦以水德王，故数以六为纪，三十六郡即为六之自乘数。其后疆域扩张，大郡析

小，郡数增加，亦必符六之倍数，故秦必有鄣郡才能符四十八之数。且楚汉之际，项羽以梁楚地九郡自封为西楚霸王，也须数鄣郡方能足九郡之目。参见拙撰《秦一代郡数为四十八说》（《历史地理》第八辑）及《西汉政区地理》附篇二章）。

属江都。

【补注】钱大昭曰：属上当有景帝三年四字。

武帝元封二年更名丹扬。

【补注】钱坫曰：江都王建，以元狩二年自杀，国除，非元封也，当依《宋志》改正。

【编者按】钱说是。汉郡更名均在国除为郡或郡境有所变动之时，若元封二年，鄣郡无所变化，不得无故改名。元狩元、二年之间接连废除衡山、淮南、江都三国，武帝于是对故淮南、江都别郡进行一番调整，鄣郡于此时增县四（春谷、宣城、泾县、陵阳），才更名丹扬。

属扬州。

【补注】全祖望曰：故属秦会稽郡，楚汉之际分置鄣郡，属楚国。高帝五年属汉，仍属楚国，六年属荆国，十二年属吴国。景帝三年属江都国。武帝元狩二年为郡，六年属广陵国；元封二年更郡名，仍属广陵国。宣帝五凤四年复故。成帝鸿嘉二年，分丹扬之黟县为广德国，其郡如故；四年，复属于郡。平帝元始二年，复为国，其郡如故。先谦曰：《续志》，后汉因，属同。孙权分新都郡。

【编者按】武帝元狩二年鄣郡更名丹扬，属汉，其后未再属诸侯王国。

全说误。

户十万七千五百四十一，口四十万五千一百七十一。

【补注】先谦曰：官本，七十下无一字。

有铜官。

【补注】洪亮吉曰：《舆地志》曰：宛陵县铜官山者，汉采铜所治也。

县十七：

宛陵，

【补注】先谦曰：宛陵故城，今宣城县治。

彭泽聚在西南。

【补注】先谦曰：《一统志》，彭泽聚在今宣城县西南。

清水西北至芜湖入江。

【补注】先谦曰：《说文》，泠水出宛陵西北入江。段玉裁云，即班志之清水也，今为清弋江。先谦案，据《一统志》，清弋江即清水也。

莽曰无宛。

【补注】先谦曰：《续志》，后汉因。《一统志》，今宣城、宁国二县，汉宛陵地。

【编者按】治安徽宣城市宣州区。

於潛，

【颜注】师古曰：潛，音潜。

【补注】先谦曰：后汉因。《续志》作於潜。《一统志》，故城今於潜县北。於潜、昌化，并汉县地。《元和志》，天目山在於潜县北六十里，有两峰，峰顶各一池，左右相对，名曰天目，《山海经》所谓浮玉之山也。

【编者按】治今浙江临安市西。

江乘，

【补注】先谦曰：秦县。始皇还自会稽，渡此，见纪。

莽曰相武。

【补注】先谦曰：《续志》，后汉因。《一统志》，故城今句容县北。

【编者按】治今江苏句容市北。

春谷，

【补注】先谦曰：《续志》，后汉因。《一统志》，故城今繁昌县西北。南陵、繁昌，汉春谷地。又铜陵半入春谷境。

【编者按】治今安徽繁昌县西北。

秣陵，

【补注】先谦曰：武帝封江都易王子缠为侯国，见表。

莽曰宣亭。

【补注】先谦曰：后汉因。《续志》，南有牛渚。刘注，其地本名金陵，秦始皇改。《一统志》，故城今江宁县东南。上元、江宁，并汉秣陵地。

【编者按】治今江苏南京江宁区南。

故鄣，莽曰侯望。

【颜注】师古曰：鄣，音章。

【补注】先谦曰：《续志》，后汉因。刘注，秦鄣郡所治。《浙江图考》云，弘治《湖州志》，故鄣城在安吉西北十五里。《寰宇记》，今俗号府头是也。《纪要》，安吉县城在今州治西南三十里。先谦案，据《一统志》，故鄣故城在广德县东北，安吉县西北十五里。

广德、安吉，今分隶苏、浙二省，汉并为故鄣地。南江由此入太湖，《禹贡》所谓北会于汇也。

【编者按】广德今属安徽，治今浙江安吉县西北。

句容，

【补注】先谦曰：武帝封长沙定王子党为侯国，见表。《续志》，后汉因。《一统志》，故城今句容县治。

【编者按】治江苏句容市。

泾，

【颜注】韦昭曰：泾水出芜湖。

【补注】宋祁曰：邵本芜作毋。先谦曰：《续志》，后汉因。《一统志》，今泾县、旌德、太平，汉泾县地。又青阳县半入泾县境。

【编者按】治安徽今县西北。

丹阳，

【补注】先谦曰：始皇东巡过此，见纪。武帝封江都易王子敢为侯国，见表。《续志》，后汉因。《一统志》，宛陵为丹阳郡治，故此有小丹阳之名。故城今当涂县东。

楚之先熊绎所封，

【补注】先谦曰：《楚世家》，熊绎居丹阳。徐广注，丹阳在南郡枝江县。《江水注》亦以此志为非。地说并不从之。王鸣盛云，《左传》，箬路蓝缕，以启山林。宣十二年文，指若敖蚡冒言，又僻在荆山，箬路蓝缕，跋涉山林；昭十二年文，则指熊绎言。酈氏引此驳班，似也。但楚境大矣，即使

蓝缕启山在荆州，熊绎始封何妨在扬州丹扬。周成王时，吴尚微甚，其地狭小，僻在苏松一隅，何知丹扬郡之丹阳，必吴境非楚境乎。志后总论一段，以丹阳为吴分，此班氏就晚周之吴境言之耳，其实丹阳未必吴始封即得也。

先谦案，王说是也。陈宣帝诏云，龙山南指，牛渚北临，迹熊绎之遗封，对全琮之旧垒，即本班志为文。《吴录》载张紘言于孙权曰：秣陵，楚武王所置，名为金陵，是春秋之初，江南犹为楚境。庆封在朱方，今之丹徒，以距楚疆不远，灵王故能伐而取之。伍子胥潜行入吴，乞食投金于溧阳境内，则溧阳在平王时为吴边邑。可见江南乃楚国累世经营之地，始封在此，未必定非。世代绵远，载籍阙如，徐广之言，亦无确证，似不若班、张近古，闻见较有可凭也。

【集释】王峻曰：何云按《左传》子革曰熊绎僻在荆山，则云在枝江者近之，非此丹阳也。班氏误。陈云按《史记·楚世家》封熊绎于楚，居丹阳。《正义》引《括地志》丹阳在归州，非吴之丹阳也。志误。按，《水经注》秣归县城北对丹阳城，城据山跨阜，周八里二百八十步，东北两面悉临绝涧，西带亭下溪，南枕大江，险峭壁立。楚子熊绎始封丹阳之所都也。《地理志》以为吴之丹阳，论者云寻吴楚悠隔，蓝缕荆山，无容远在吴境，是为非也。又楚子先王陵墓在其间，盖为征矣。是班氏之失，酈道元早攻之矣。

十八世，文王徙郢。

【补注】先谦曰：郢，即江陵。详南郡江陵下。

【编者按】治今安徽当涂县东北。

石城，

【补注】先谦曰：《续志》，后汉因。《一统志》，故城今贵池县西七十里铁店，亦曰苍埠潭。以东西两石山夹河如城而名。贵池、建德，并汉石城地。分江水首受江，东至余姚入海，

【补注】先谦曰：余姚，会稽县。分江水者，江至此而分为南江也。班以分江著其源，以余姚入海标其委。会稽，吴下，复举其经历之地，明著之曰：南江在南。合中、北江为三江，以应《禹贡》三江之文。今郑注残缺，孔疏引郑云，三江，分于彭蠡为三孔，东入海。又云，东迤者为南江。断《禹贡》东迤为句，用班志南江之文，言分于彭蠡，则非分于震泽。言分于彭蠡为三孔，则非合于彭蠡为一孔，言东入海，则非三江入震泽，亦非彭蠡与汉入三江。后世纷纭之说，无得而诿之，且三江中，惟南江北会具区，所谓北会于汇也。若彭蠡在江之南，无所谓北会矣。江自石城分为南江，正东迤也。

徐坚《初学记·地部》引郑玄、孔安国注云，左合汉为北江，合彭蠡为南江，岷江居其中，为中江。故书称东为中江者，明岷江至彭蠡与南北合，始得称中也。《浙江图考》驳之曰：郑注《禹贡》，专宗班志，它注或有疑义，亦必依据地说诸书，明析是非，未有凿空如此之甚者。唐人类书，本不足为典要。《初学记》讹舛尤甚，非

徐坚原本，且标云郑玄、孔安国注，今伪孔传见在，并无此说。于是专归之郑注以驳班，不亦颠乎。古之南江，盖由今安徽池州、宁国二府，合太湖过吴江、石门，出仁和、临平半山之西南（今塘栖），析而东而北，由余姚北入海。今吴江、石门、仁和，数百里皆为沃土，惟一线清流，自北新关通漕，达于吴江，犹是南江故道，所当以郑注说文，一正诸家之误。

先谦案，《沔水》篇，江水东过牛渚南，又东，至石城县。注云，经所谓石城县者，即宣城郡之石城县也。牛渚在姑孰、乌江两县界中，于石城东北，减五百许里，安得迳牛渚方屈石城，盖经之谬误也。《浙江图考》云，石城晋属宣城，宋齐仍之。道元称宣城之石城县，本其时言之也。姑孰，汉芜湖地。今当涂、乌江，汉九江历阳地。今之和州，盖以周瑜所屯之牛渚，在今采石者当之，不知此牛渚，即秦始皇所渡之海渚，见《越绝书》，正在石城之西岸也。

《沔水》篇又云，分为二，其一东北流；其一又过毗陵县北，为大江，又东至会稽余姚，东入于海。注云，即北江也。经书为北江则可，又言东至余姚则非。考其迳流，知经误矣。《浙江图考》云，此非经误，传写误也。当云分为二，其一东北流，又过毗陵县北为大江；其一又东至会稽余姚县东，入于海。注又云，《地理志》曰：江水自石城东出，迳吴国，南为南江。《浙江图考》云，班志，分江水、南江，本两条。道元知分江水即是南江，故合而言之，智足以知班氏

矣。赵一清谓其改窜班书，不知古人训解之体如此。贯而通之，非歧而窅之也。

先谦案，《一统志》云，古分江水在贵池县西，今涸。隋唐后，诸志无及分江水者，近人因此诋班、酈之妄，然言之凿凿，必非无据，今其道虽湮，未可轻訾也。今以輿图核之，盖分江水首受江，当自今李阳河而分也。

过郡二，行千二百里。

【补注】先谦曰：过丹扬、会稽。

【编者按】治今安徽马鞍山市东南。

胡孰，

【补注】宋祁曰：胡当作姑。先谦曰：宋说非。武帝封江都易王子胥行为侯国，见表。后汉因。《续志》，作湖熟。《一统志》，故城今上元县东南。钱大昕云，五十里湖熟镇。

【编者按】治江苏南京江宁区东南。

陵阳，

【补注】先谦曰：平帝封东平思王孙嘉为侯国，见表。《续志》，后汉因。刘注，陵阳子明得仙于此县山，故以为名。据《一统志》，今石埭县，汉陵阳地，贵阳、铜陵，半入陵阳境。陵阳故城，在青阳东南六十里，石埭东北二里陵阳镇是。

桑钦言淮水出东南，北入大江。

【补注】先谦曰：《沔水注》，东溪水出南里山北，迳县东。桑钦曰：淮水出县之东南，北入大江。其水北历蜀由山，又北，左合旋溪水，下入宛陵。先谦案，据《一统志》，淮水出南

陵县南吕山，山去县六十里，上有石室，南为石窦，有泉涌出，名涌珠泉，北流迳孔镇浦合漳水，漳水出县西南水龙洞，而东入淮水，曰合河，亦名澄清河，鹅岭水出鹅岭，东流入之。淮水绕县城东门，谓之东溪，亦名浣溪。又北中港、后港渚水注之，又北蒲桥水注之，亦名小淮河，入繁昌县界。《纪要》云，淮水汇于芜湖之石碛渡，入清弋江。《浙江图考》云，淮水即东溪水，入舒溪即入旋溪，桑钦言入大江，此大江即南江也，以輿图核之，淮水所出之吕山，今南陵县南龙山，漳水所出之水龙洞，今水龙山也。合旋溪者，自五丈湖东流，而同注清弋也。

【编者按】治安徽池州青阳县南。

芜湖，

【补注】先谦曰：《续志》，后汉因。《一统志》，故城今芜湖县东。

中江出西南，东至阳羨入海，扬州川。

【补注】先谦曰：《禹贡》山水泽地篇，中江在芜湖县西南，东至阳羨入海，与志合。阳羨会稽县。《续志》县下云，中江在西。《寰宇记》，中江即荆溪也。《輿地纪胜》，荆溪首受芜湖水，东至阳羨出湖，盖大江至芜湖西南东出者也。宋傅寅《禹贡集解》云，班氏所指中江，今芜湖断港也。自宜兴县航太湖迳溧阳，至邓步，凡两日水路。自邓步登岸，岸上小市，名东坝，自东坝陆行十八里，至银林，复行水路，系大江支港。自支港行百余里，乃至芜湖界，即入大江也。银林

之港，邓步之湖，止隔陆路十八里，故老相传，谓大江此港本入震泽，知班氏所说中江，古盖有之。

《浙江图考》云，中江者，江水由高淳过五坝，至常州府宜兴县入海，自杨行密筑五堰，其流始绝。永乐时，设三坝，陆行十八里矣。又云，班详于南江、北江，而于中江，仅云阳羨入海，何也。广陵国江都以东，有临淮郡之海陵。志云，有江海会祠。言江至此而会海也。会稽郡，吴、毗陵、无锡、阳羨，丹徒、娄，为今镇江、常州、苏州地。娄，在今昆山，而太仓、松江、海门，及江北之通州，皆不置县，然则太湖以东，至汉犹荒斥，为海潮所往来，故叙北江止毗陵，叙中江止阳羨。且云，南江在吴南，北海（江）在毗陵北。则中江必在毗陵之南，吴之北，可知。北江以曲而详，南江以折而详，中江必自阳羨直贯太湖，由娄县之地入海，又可知。此班之不详而详者也。

【编者按】治今安徽芜湖市东。

（黟）〔黟〕，

【补注】王念孙曰：《说文》黟，黑水也，从黑多声。丹阳有黟县。又云，渐水出丹阳黟南蛮中，东入海，则《地理志》本作黟，明矣。《水经注》引此亦作黟。黟从多声，于古音属歌部，于今音属支部。若黝从幼声，则古今音皆属幽部，幽之字无与支、歌部通者，黟字不得借作黝也，此因字形有似而误耳。各史志或作黟，或作黝，其作黝者，皆为误本《汉志》所惑。《玉篇》黝字无伊音。《广韵》黝，

於脂切，县名，属歙州。误与各史志同。先谦曰：《浙江水注》，县居黟山之阳，故县氏之。《一统志》，墨岭在县南山，出石墨，县名以此。

渐江水出南蛮夷中，东入海。

【补注】宋祁曰：武陵有渐水，东入沅。疑此无渐水，渐字当作浙字。先谦曰：宋说误也。《说文》，渐水，出丹阳黟南蛮中，东入海。《浙江水》篇，渐江水出三天子都。《浙江图考》云，此本《山经》可证。《山经》本作渐水。注云，《山海经》谓之浙江也。《地理志》云，水出丹阳黟县南蛮中。《浙江图考》云，道元时，《山经》本已误渐为浙，道元未加深考，遂切浙水即渐水。《文选》沈休文诗李注引《十洲记》云，桐庐、东阳二水合于此，仍东流为浙江。《十洲记》当是《十三州记》之误。以新安江水东流为浙，则误渐为浙不始于道元矣。

注又云，北迳其县，南有博山，浙江又北，历黟山，下入歙。《浙江图考》云，此新安江渐水，道元误为浙江。浙江者，乃岷江导江之委，即由吴江、石门、仁和、海宁，至余姚，数百里内之专名。若以今富阳江论之，乃《汉书》、《说文》、《水经》之渐江水、谷水，与江浙相连之浙水，迥不相同。惟自杭州府城东北，为浙水之故道，其自杭州城隍山西南，上达富阳，断不能名之为浙江也。《说文》浙下云，东至会稽山阴，为浙江。从水折声。浙下云，水出丹阳黟南蛮中，南入海，从水斩声。二水分明可证。道元所据，乃《山经》误本。故与桑钦所引不符。

先谦案，《说文》、《酈注》，南蛮下并无夷字，此夷字疑衍。三天子都，即三天子鄣。郭璞《山海经》云，三天子鄣山，在新安歙县东，即志所云蛮中矣。东汉时，新安一带山越所居，故谓之蛮中。唐卢藩解《山海经》，引《汉志》，以南蛮中为县南率山。罗愿《新安志》同，自是臆改。但率山实为渐源。《一统志》云，以水源校之，惟率山水分阴阳，其阴水东流为渐，阳水南流为庐，与《山海经》及《水经》合。今渐溪出婺源县浙岭山，与县北之回岭、觉岭相接，高三百余丈，周二十余里，渐溪水出山东流，迳梅溪口，又东迳祁门县东南，仍入婺源县东北，合浮溪水、上潢水，下入歙。成帝鸿嘉二年为广德王国。

【补注】先谦曰：封中山宪王孙云客（晋为广德县，隶宣城郡）。莽曰愬虜。

【颜注】师古曰：黟，音伊。字本作黟，其音同。

【补注】先谦曰：《续志》，后汉因。《一统志》，故城今黟县东。黟县、祁门，并汉县地。

【编者按】治安徽黟县东。

溧阳，

【颜注】应劭曰：溧水所出，南湖也。师古曰：音栗。

【补注】先谦曰：成帝封梁敬王子钦为侯国，见表。《续志》，后汉因。《一统志》，今溧水、高淳，并汉溧阳地。范本礼云，《寰宇记》于溧阳县云，溧水，西自溧水县界流入；溧水县云，古固城。按《滕公庙记》云，

其城是吴濑渚地。《纪要》溧阳县云，溧水在县西北四十里即永阳江也，一名濑水。案，溧水自濑渚东流为濑水，濑渚即固城，固城在固城湖旁，则溧水自固城湖东出可知。固城湖北通丹阳湖，丹阳湖即南湖。故今固城湖，俗谓之小南湖，则溧水本自丹阳湖东出可知。丹阳湖西通芜湖水、溧水，东入荆溪，与班志中江水道合，则溧水即中江又可知。中江迳溧阳曰溧水，犹南江迳安吴曰安吴溪也。自应劭云溧水出南湖，而溧水之即中江始晦，然由南湖上溯其源，则溧水之即中江，犹可沿泝而得也。唐以前无固城湖之名，故桐水入固城湖，杜预谓之入丹阳湖。窃疑固城、丹阳本一湖，其后中涨平地，仅一水相通，乃以南近固城者名固城湖耳。《元和志》于固城湖，不言溧水所自出，而溧阳县，则云溧水在县南六里。案，溧阳旧县，在今县西北，南去永阳江三四十里，其所谓在县南六里，乃旧县江之入溧水者，非溧水正流也。

先谦案，《范睢传》，伍子胥至陵水，《索隐》引刘氏云，陵水即溧水，陵、溧双声字。《建康志》，溧水一名濑水，江上有渚曰濑渚，即子胥乞食投金处，东流为濑溪，入长荡湖，溧濑亦双声字，《楚策》谓之濑湖也。段玉裁云，长荡湖分流，东行为吴王漕，五代时杨行密漕运所经也。先谦案，《一统志》引《建康志》云，溧水一脉东流为吴王漕，则长荡湖实溧水所汇矣。

【编者按】治江苏溧阳市西北。

歙，都尉治。

【颜注】师古曰：音摄。

【补注】先谦曰：《说文》作鄡。《续志》，后汉因。刘注，《山海经》三天子鄡山在闽西海北。郭璞云，在县东，《魏氏春秋》有勒乌邪山。先谦案，郭注在县东者为玉山，今绩溪之大鄡山也。顾祖禹以为即三天子鄡，非也。《一统志》，故城今歙县治。歙、休宁、婺源、绩溪、淳安、遂安，并汉县地。

【编者按】治安徽今县。

宣城。

【补注】朱一新曰：汪本城作成。先谦曰：《续志》，后汉省。《一统志》，今南陵县汉宣城地，故城在县东四十里清弋江上。建安三年，孙策平定宣城以东；二十年，孙权使蒋钦屯宣城，皆即故城也。隋改宛陵县为宣城，而故城遂废。

【编者按】治安徽宣城宣州区西。

豫章郡

豫章郡，

【补注】先谦曰：据《赣水注》，郡治南昌。《续志》，后汉治同。高帝置。

【补注】先谦曰：据《赣水注》，六年置。全祖望云，故属秦九江郡。楚汉之际分置郡，属九江国。高帝五年因之，属淮南国。文帝六年，复为郡；十六年，复属淮南国。武帝元狩元年复故。又云，楚汉间，分庐江置豫章郡，汉因之，见灌婴、英布《传》。盖秦九江郡治庐江，项氏先分庐江郡，而豫章又自庐江而分也。又云，《吴濞传》中之豫章，皆鄡郡之讹，韦昭言之甚详。胡三省乃云豫章分鄡郡置，妄也。

先谦案，《赣水注》，南昌县春秋属楚，即令尹子荡师于豫章者也。秦以

为庐江南部，高祖始命陈婴以为豫章郡治，此即婴所筑也。城之南门曰松阳门，内有樟树，高七丈五尺，大二十五围，枝叶扶疏，垂荫数亩。应劭《汉官仪》云，豫章樟树生庭中，故以名郡矣。顾栋高云，《左传》豫章凡六见，地极广大，跨大江南北以及淮南。盖凤阳以西，寿、霍、光、固之境，皆近淮壖，为吴楚交兵处，汉分九江置豫章，乃遂取春秋之豫章为名耳。

【编者按】豫章高帝置可信。全说楚汉之际置，无据。文帝十六年，豫章郡属庐江国，不属淮南国，景帝四年复故，非武帝元狩元年复故，全说皆误。又秦九江郡并不治庐江，应治寿春。秦庐江郡在江南，与汉中期后在江北不同，全说出于臆测。参见《西汉政区地理》上篇四章。

莽曰九江。属扬州。

【补注】先谦曰：《续志》，后汉因。属同。

户六万七千四百六十二，口三十五万一千九百六十五。

县十八：

南昌，

【补注】先谦曰：哀帝封河间惠王子宇为侯国，见表。

【编者按】河间国在冀州，河间王子侯国不可能封于数千里外之豫章。且南昌是豫章郡治，更无将郡治作为王子侯国的道理。先谦之说大谬。河间惠王子宇所封应在河间国（今河北中部）附近，与此南昌同名两地耳。

莽曰宜善。

【补注】先谦曰：《续志》，后汉因。《一统志》，故城今南昌县东。

【编者按】治今江西南昌市。

庐陵，莽曰桓亭。

【补注】先谦曰：《续志》，后汉因。《一统志》，故城今庐陵县南。

【编者按】治今江西泰和县西北。

彭泽，

【补注】先谦曰：《续志》，后汉因。《一统志》，故城今湖口县东三十里彭泽乡故县里。

《禹贡》彭蠡泽在西。

【补注】先谦曰：《禹贡》山水泽地篇，彭蠡泽在彭泽县西北，与志合。《沔水注》，沔水自江夏沙羡来，与江合流，又东过彭蠡泽，《尚书·禹贡》

汇泽也。郑玄云，汇，回也。汉与江斗，转东成其泽矣。沔水下入庐江居巢。案，泽即今之鄱阳湖也，亦曰宫亭湖。又《庐江水注》，庐山下有神庙，号曰宫亭庙，故彭湖亦有宫亭之称焉。

【编者按】治今江西湖口县东。

鄱阳，

【补注】先谦曰：故曰番，春秋楚地，吴取之，见《左》定传。秦为番县，见括地、元和二《志》。洪亮吉云，《寰宇记》引《汉志》云，番阳属豫章郡，后汉加邑作鄱阳，则知今鄱字乃后人从《续志》所增。《高纪》，番君吴芮；《陈涉传》，番盗英布，并引苏林注云，番阳县。此尚从旧本未改。

武阳乡右十余里有黄金采。

【补注】先谦曰：《货殖传》，豫章出黄金，然廛廛物之所有，取之不足以更贾代偿也。《东越传》索隐云，今豫章北二百里，接鄱阳界，地名白沙，沙东南八十里有武阳亭，《县志》，武阳亭在今鄱阳县东五十里。

鄱水西入湖汉。

【补注】先谦曰：《赣水注》，湖汉水自鄱阳来，合鄱水、潦水，下入彭泽。鄱水出鄱阳县东（吴分鄱阳郡），西迳其县南，武阳乡也。地有黄金采，鄱水又西入赣水。先谦案，本志云，鄱水西入湖汉者也。

莽曰乡亭。

【颜注】孟康曰：鄱，音婆。师古曰：采者谓采金之处。

【补注】先谦曰：《续志》，后汉因。《一统志》，故城今鄱阳县东六十里故县镇。

【编者按】治今江西鄱阳县东北。

历陵，傅易山、傅易川在南，古文以为傅浅原。莽曰蒲亭。

【颜注】师古曰：傅读曰敷。易，古阳字。

【补注】徐松曰：宋本作蒲立。先谦曰：《续志》，后汉因。《一统志》，故城今德安县东。傅阳山，在县南十二里。傅阳川在南。《寰宇记》，敷浅水源接遂昌县，及鄂州永兴界，屈曲二百余里，至县。案，今《禹贡》作敷，志作傅者，今古文之异。禹敷土，《史记》作傅土，其例同也。或作傅阳，转写之误耳。《通典》，江州浔阳县有蒲塘驿，即汉历陵也。驿前有敷浅原，原西数十里有敷阳山。蔡传引晁以道云，饶州鄱阳县界中，有历陵故县。胡渭云，杜佑以驿为历陵，殆因莽改历陵为蒲亭，遂以蒲塘附会。黄仪云，汉历陵属豫章。《晋志》，历陵与余汗（今余干）、鄡阳（今鄱阳西北）同割属鄱阳，而柴桑（今德化县西南）则属武昌郡（今武昌县治），不应历陵反出柴桑之西，因此晁说为是。且云《吴志》历陵有石印山，即今饶州府鄱阳山，亦历陵在鄱阳之一证也。

成蓉镜云，鄱阳山，在府治西北百五十里鄱阳湖中，亦名石印山。鄱阳县故城，在今府城东六十里，吴至隋皆为鄱阳郡，后唐移今所，然则府城西，当即故历陵地。蒲塘驿距九江甚近，以此当敷浅原，与经文至于义例

不合。明舆地图，饶州府治鄱阳县西，有敷浅二字，以地望测之，今北珠湖、土湖、西湖之西，鄱阳湖之东，有平原长数十里，即其地。《说文》原，高平之野，人所登。原有山体，故称傅易山，犹强梁原亦称华原山也。先谦案，《禹贡》山水泽地篇，敷浅原地在历陵县西，与志合。

【编者按】治今江西德安县东。

馀汗，

【补注】先谦曰：汗干字通。《严助传》作余干。《淮南·人间训》，始皇使尉屠睢为五军，一军结余干之水，即志之馀水也。

馀水在北，至鄡阳入湖汉。

【补注】王念孙曰：衍在字。馀水自馀汗北至鄡阳，则在馀汗可知，不必更言在矣。凡言某水至某县入某水者，皆无在字。若弘农郡卢氏下云，育水南至顺阳入沔，是也。其言某水在县之某方者，皆不兼及他县，若右扶风漆县下云，水在县西，是也。先谦曰：《赣水注》，馀水东出馀汗县，下入鄡阳。

莽曰治干。

【颜注】应劭曰：汗，音干。师古曰：鄡，音口尧反。

【补注】先谦曰：《续志》，后汉因。《一统志》，故城今余干县东北。

【编者按】治今江西余干县。

柴桑，莽曰九江亭。

【补注】先谦曰：《山海经》有柴桑之山，县名以此。《续志》，后汉因。

《一统志》，故城今德化县西南。柴桑山在县西南九十里。

【编者按】治今江西九江市西。

艾，

【补注】先谦曰：吴公子庆忌居此，见《左》哀传。

修水东北至彭泽入湖汉，行六百六十里。

【补注】先谦曰：《赣水注》，循水出艾县西，东北迳豫宁县，又迳永循县（二县后汉立），下入彭泽。循即修之误，古书循修字多相乱。

莽曰治翰。

【补注】先谦曰：《续志》，后汉因。《一统志》，故城今义宁州西百里龙冈坪。

【编者按】治今江西修水县西。

赣，

【补注】先谦曰：《续志》，后汉因。《一统志》，故城今赣县西南。

豫章水出西南，北入大江。

【颜注】如淳曰：音感。

【补注】先谦曰：《赣水》篇，赣水自南野来，过赣县东。注云，《山海经》，赣水出聂都山，东北流注于江，入彭泽西。《郡国志》云，赣有豫章水。雷次宗云，似因此水为其地名，虽十川均流，而此源最远，故独受名焉（案谓豫章郡名）。刘澄之云，县东南有章水，西有贡水，县治二水之间，二水合赣字，因以名县焉。是为谬也。刘氏专以字说水，而不知远失其实矣。豫章水自南野东北迳赣县东（晋南康

郡治），合湖汉水。湖汉水自雩都来，西北迳赣县东西，合豫章水下入庐陵。

先谦案，章、贡二水后起之名，班志所无。章水即豫章水，贡水即湖汉水，当以《一统志》为正。章水自南野来，东北迳赣县西，环城而北，谓之西江，合于贡水，通曰赣江，北流三百里，历十八滩，在县境者百八十里，有九滩，其九在万安县。贡水自雩都来，西迳赣县东，又北合章水是曰东江，下入庐陵。

【编者按】治今江西赣州市西。

新淦，都尉治。

【补注】先谦曰：《名胜志》，清江县有清江镇，镇北有汉都尉城。《清江县志》，在今县东北三十里。

莽曰偶亭。

【颜注】应劭曰：淦水所出，西入湖汉也。师古曰：淦音紺，又音古含反。

【补注】先谦曰：《淮南传》处之上淦。应劭云，淦水上流，曰上淦也。《续志》，后汉因。《一统志》，故城今清江县东北樟树镇。

【编者按】治今江西樟树市。

南城，

【补注】先谦曰：《续志》，后汉因。《一统志》，故城在建昌府治东。

盱水西北至南昌入湖汉。

【颜注】师古曰：盱，音香于反。

【补注】先谦曰：《赣水注》，盱水出南城县西北流，下入南昌。

【编者按】治江西今县东南。

建成，

【补注】先谦曰：雷次宗《豫章记》云，汉高帝六年置，隶豫章，以其创建城邑，故曰建成。先谦案，武帝封长沙定王子拾为侯国，见表。

蜀水东至南昌入湖汉。莽曰多聚。

【补注】先谦曰：后汉因。《续志》作建城。《赣水注》，浊水出康乐县，故阳乐也（吴晋改名，今万载县东），又东迳望蔡县（后汉上蔡，晋更名，今上高县），又东迳建成县，县出然石，浊水下入南昌。案蜀、浊字通。宋以后，地说家皆称蜀水。《一统志》，故城今高安县治。蜀水今蜀江。

【编者按】治今江西高安市。

宜春，

【补注】先谦曰：武帝封长沙定王子成为侯国，见表。

南水东至新淦入湖汉。莽曰修晓。

【补注】全祖望曰：南字，乃牵字之讹。王念孙曰：隶书牵字或作𠂔，与南相似而误。先谦曰：《续志》，后汉因。《地道记》，县出美酒。《赣水注》，牵水西出宜春县，下入新淦。《一统志》，故城今宜春县治。牵水即袁水。

【编者按】治今江西宜春市。

海昏，莽曰宜生。

【颜注】师古曰：即昌邑王贺所封。

【补注】先谦曰：《续志》，后汉因。刘注，有昌邑城。《一统志》，故城今

建昌县治。

【编者按】治今江西永修县西北。

雩都，

【补注】先谦曰：《寰宇记》，本南海揭阳县地，汉高六年，灌婴所立。雩水出县北雩山，入湖汉。先谦案，陈婴所立也，灌婴不闻至此，下同。《续志》，后汉因。《一统志》，故城今雩都县东北。

【集释】杨树达曰：《封泥考略》卷七有𡗗都之印，字作𡗗，与志前文庐江郡雩娄封泥作𡗗娄者同。吴式芬云，𡗗通雩，《史记·秦纪》要𡗗里疾，𡗗字从𡗗，《列传》从雩作𡗗。《匈奴传》系雩浅，《汉书》作系𡗗浅。树达按，地名宜有定字，不得以同音字为之，此皆封泥作𡗗者是，志文作雩者，音近误字也。

【编者按】吴说极是。杨氏泥古太甚，不足道。秦汉以上岂但地名𡗗有定字，即人名亦常记音而已。越大夫文种于《越语》作诸稽郢，种即稽郢之快读也（今闽南音犹同此）。故𡗗作雩乃同音通假，何误之有。

湖汉水东至彭泽入江，行千九百八十里。

【颜注】师古曰：音于。

【补注】先谦曰：《赣水注》，湖汉水出雩都县，导源西北流，迳金鸡石，其石孤竦，临川耆老云，时见金鸡出于石上，故石取名焉。湖汉水下入赣。据《一统志》，贡水即湖汉水，出福建汀州西六十里新路岭。《寰宇记》云，贡水出新乐山。盖乐音转讹为路。《明

统志》云，绵水出汀州白头岭，即此水也。《一统志》又云，汉世豫章之水，湖汉为大，故志此下独云东北入江。其彭、牵、盱、蜀诸水，皆云入湖汉。豫章水虽亦言北出大江，然不言诸水所入，亦不详其里数，疑当时尚未知二水之源异流同，姑并著之，而专以湖汉为经流也。自酈注以豫章水为正，而湖汉之名遂隐。先谦案，豫章、湖汉并言入江，大水并行，志例如此，班非不知其源异流同也。

【编者按】治今江西于都县北。

鄱阳，

【补注】先谦曰：《鄱阳记》，县高祖六年置。

莽曰豫章。

【补注】先谦曰：《续志》，后汉因。《一统志》，故城今鄱阳县西北。

【编者按】治今江西波阳县西北鄱阳湖中。

南野，

【补注】先谦曰：《淮南·人间训》，始皇使尉屠睢为五军，一军守南野之峽，即此。有横浦关，见《南越传》索隐。灌婴置县，见《元和志》。后汉因，《一统志》，故城今南康县西南，章江南岸，《九域志》有南野镇。

彭水东入湖汉。

【补注】先谦曰：《赣水》篇，赣水出南野县西北。注云，班固称南野县

彭水所发，东入湖汉水；庾仲初谓大庾峽水，北入豫章注于江者也。《地理志》曰，豫章水出赣县西南，而北入江。盖控引众流，总成一川，虽称谓有殊，言归一水矣。先谦案，此道元以彭水即赣水，亦即豫章水也。又云，豫章水导源东北流，迳南野县北。赣川石阻，水急行难，倾波委注，六十余里下入赣。先谦案，章水出崇义县西南九十里聂都山，山高百六十仞，亘四十里，故属大廉县之平政乡，明正德中，割属崇义。章水所出，曰沙溪洞，泉源喷涌，俗曰平政水，东流合诸小水，又东与凉热水合。水出大庾县西百三十里，水源一温一冷，热水池围二丈余，深三尺余，流四步，合凉水东流。《寰宇记》，一名豫水也。东入章水。豫章合名，殆沿于此，章水又迳南康县东，合上犹江水，下入赣。自汉后，彭水名隐，就地望征之，即今上犹江水也。

【编者按】治今江西南康市西南。

安平。侯国。

【补注】先谦曰：长沙孝王子习国，元帝封。

莽曰安宁。

【补注】先谦曰：《续志》，后汉更名平都。《一统志》，故城今安福县东南。

【编者按】治今江西安福县东南。

桂阳郡

桂阳郡，

【补注】先谦曰：据《耒水注》，郡治郴。《续志》，后汉治同。

高帝置。

【补注】全祖望曰：故属秦长沙郡，义帝都。高帝二年分长沙置（见《湘水注》），五年属长沙国。景帝后以边郡收（南粤、闽粤未平，故桂阳、庐江、豫章、会稽，皆为边。《史记》所谓南边也）。

【编者按】高帝二年长沙地尚未属汉，何能分置桂阳郡。桂阳之分当在高帝五年或稍后。

莽曰南平。属荆州。

【补注】先谦曰：《续志》，后汉因。属同。

户二万八千一百一十九，口十五万六千四百八十八。有金官。

【补注】先谦曰：官本金作铁，引宋祁曰，铁官，邵本作金官。徐松云，宋本作铁官。

县十一：

郴，

【补注】先谦曰：昭帝封楚王孙畅为侯国，见表。

【编者按】《汉表》无封郴侯者，楚王孙畅亦不知指谁，先谦此注不知何来。

耒山，耒水所出，西南至湘南入

（湖）湘。

【补注】王念孙曰：入湖当为人湘。湘湖字相似，又涉下文入湖而误也。《水经》，耒水北入于湘。《湘水注》引志作耒水入湘，是其证。先谦曰：湘南，长沙县。《湘水注》引《十三州志》曰，日华水，出桂阳郴县日华山西，至湘南县入湘。《地理志》曰：郴县有耒水，出耒山西，至湘南西入湘。先谦案，道元两引不断，盖不悉此水是一是二。今考案图记，郴地自耒水外，更无它水直达湘流者。《一统志》云，耒水一名日华水，当从之。

项羽所立义帝都此。

【补注】先谦曰：《耒水注》，其城项羽迁义帝所筑。县南有义帝冢，内有石虎，因呼为白虎郡。《续志》刘注引《湘中记》，今有义帝祠。

莽曰宣风。

【颜注】师古曰：郴，音丑林反。耒，音即内反。

【补注】先谦曰：官本即作郎。《续志》，后汉因。

【编者按】治今湖南郴州市。

临武，秦水东南至浚阳入汇，行七百里。

【补注】段王裁曰：秦水，他书皆作溱水。师古注不言秦音溱，然则此作秦。郑溱洧作溱为正。

王念孙曰：秦，读为溱。又下文桂阳汇水南至四会入郁（今本郁下有林字，辨见下条），汇皆当为涯，字之误也。涯，读若匡，隶省作涯。《说文》，涯水出桂阳卢聚，南出涯浦关为桂水（出字旧本讹作山，山上又脱南字，今据《水经》订正），从水匡声。又曰，溱水出桂阳临武，入涯，涯字或作涯（汇），形与汇相似，因讹而为汇。案《方言》，南楚瀑涯之间。郭璞云，涯，音匡。涯水在桂阳。《水经》云，涯水出桂阳县卢聚（今本讹作汇），东南过含涯县南，出涯浦关，为桂水。《史记·南越传》，出桂阳下涯水（今本讹作汇）。《汉书》作湟水（《水经注》云，涯水，《山海经》谓之湟水。今《山海经·海内东经》作潢水）。涯与湟声相近，故字相通，若作汇（涯），则声与湟远而不可通矣（《魏策》，楚王登强台而望崩山，左江而右湖，以临彷徨，一本作方湟。《说苑·正谏篇》、《后汉书·文苑传》并作方淮，淮亦涯之讹，故与湟通）。下文有含涯县，南海郡有涯浦关（旧本关讹作官，今据《说文》、《水经》改），其字正作涯，不作汇也。

又案，汉成阳令唐扶颂云，赋政于外，爰及鬼方，涯夷来降，寇贼迸亡。涯，即涯字。涯夷谓涯水上之夷也。上文云，除豫章鄢阳长，夷粤抔护，伎强难化，君奋威颺武，视以好恶，蛮貊振叠，稽颡帅服。以今舆地考之，涯水发源于连州南，至广州府之三水县，入于郁水（郁水今谓之西江），于汉为桂阳、南海两郡之地，故云夷粤抔护，又云涯夷来降也。而《隶释》

乃读涯为汇，而以为汇泽之盗。《汉隶字原》又读为准夷来同之准，胥失之矣。据汉碑及《方言》、《说文》，则此志之汇水，明是涯水之讹。而《史记》、《水经》亦讹作汇（唯含涯县、涯浦关两涯字不讹）。师古又有胡贿反之音，后之学者多见汇，少见涯，遂莫能正其失矣。

先谦曰：《溱水》篇，溱水出临武县南，绕城西北屈东流。注云，溱水导源县西南，北流迳县西，而合武溪。《山海经》曰：肆水出临武西南，而东南注于海，入番禺西。肆水盖溱水之别名也。武溪水出临武县西北桐柏山，东南流右合溱水，乱流迳县西，谓之武溪县，侧临溪东，因曰临武县，又东南流左会黄岑溪水，下入曲江。《一统志》，溱水出临武县华阴山，东南流与武溪水合。武溪水出县西山下，地名鸬鹚石，流迳县西北，入溱水。

莽曰大武。

【颜注】师古曰：湟，音丈庚反。又音贞。汇，音胡贿反。

【补注】先谦曰：《续志》，后汉因。《一统志》，故城今临武县东。

【编者按】治今湖南今县东。

便，

【补注】先谦曰：惠帝封长沙王子吴浅为侯国，见表。

莽曰便屏。

【补注】先谦曰：《续志》，后汉因。《一统志》，故城今永兴县治。

【编者按】治今湖南永兴县。

南平，

【补注】先谦曰：《续志》，后汉因。《一统志》，故城今蓝山县东南平乡。

【编者按】治今湖南蓝山县东北。

耒阳，

【补注】先谦曰：《说文》作耒。

（春）〔春〕山，（春）〔春〕水所出，北至酃入（湖）〔湘〕，过郡二，行七百八十里。

【补注】先谦曰：过桂阳、长沙。官本作春山、春水，是。《湘水注》，湘水西北，得春水口。水上承营阳春陵县（刘宋郡县）西北潭山，又北流迳新宁县东（晋宋湘东郡县，今常宁县西），又西北入湘，为春水口。案入湘之处，去湖尚远，此入湖亦当是入湘之误。

【中华校】景祐、殿本“春”都作“耒”。

莽曰南平亭。

【颜注】师古曰：在耒水之阳也。酃音灵。

【补注】先谦曰：后汉因。《续志》，有铁。《一统志》，故城今耒阳县东北四十五里。

【编者按】志失注铁官。西汉盐铁工服诸官署都是中央设在各郡国（而不是各县）的手工业管理机构，故史籍在提到这些官署时都冠于郡名，如蜀、广汉工官，齐服官等。但是这些官署的具体设置地点，并不都在郡治，而在郡中某个相关的县里，如铁官只设在出铁之县。所以《汉志》详细说明了各郡设置手工业官署的县名。但

是《汉志》注有所阙漏，有些已在郡下注明，县下失注。如前文涿郡铁官应在故安，而志失注。本郡下注铁官，但各县县下均未加注。《续志》既云有铁，又《后汉书·卫飒传》言“耒阳出铁石”，飒“乃上起铁官”，可推测西汉桂阳郡铁官可能置于耒阳县，而志失注。

治今湖南耒阳市。

桂阳，汇水南至四会入郁（林），

【补注】宋祁曰：郁林，景本无林字。王念孙曰：无林者是也。后人不知郁为水名，故加林字耳。《水经》，漓水过浚阳县，出涯浦关，与桂水合（即涯水），南入于海。注云，漓水南注于郁而入于海，是其证（余见上条）。下文武陵郡潭成玉山，潭水所出，东至阿林，入郁，郁下无林字，是也。宋云当添林字，谬矣。又零陵郡零陵阳海山有漓水，东南至广信入郁林，林字亦后人所加（《史记·南越传》正义引此，已有林字）。《水经》云，漓水出阳海山南，至广信县入于郁水，是其证。今漓水出桂林府兴安县阳海山南，至苍梧县入郁。

先谦曰：汇亦涯之讹，四会，南海县。《说文》，涯水出桂阳县卢聚，出涯浦关，为桂水。《涯水》篇，涯水出桂阳县卢聚。注云，水出桂阳县西北上驿山卢溪，为卢溪水，东南流迳桂阳县故城，谓之涯水。又合峽水下入阳山。先谦案，《纪要》，涯水出宁远县九疑山，入连州境。《舆地纪胜》，卢水北出黄蘗岭。今案卢水，即涯水也。

过郡二，

【补注】先谦曰：桂阳、南海。

行九百里。

【颜注】应劭曰：桂水所出，东北入湘。

【补注】先谦曰：《续志》，后汉因。《一统志》，故城今连州治。

【编者按】治今广东连州市。

阳山，（侯国）。

【颜注】应劭曰：今阴山也。师古曰：下自有阴山，应说非也。

【补注】先谦曰：有阳山关，见《南越传》。长沙孝王子宗国，元帝封。《续志》，后汉省。如应说，则县并入阴山。《一统志》，故城今阳山县南二里阳山镇。

【编者按】志衍注侯国。见下文阴山按。

治今广东阳山县东南。

曲江，莽曰除虜。

【补注】先谦曰：《续志》，后汉因。《一统志》，故城今曲江城西。

【集释】陈直曰：《隶释》卷四，《周憬功勋铭》题名，曲江皆作曲红。卷十一，绥民校尉熊君碑云：“诏书除补桂阳曲红长”亦同。疑曲江为正字，曲红为假借字。

【编者按】治今广东韶关市东南。

含洹，

【颜注】应劭曰：洹水所出，东北入沅。师古曰：洹音匡。沅音元。

【补注】先谦曰：《续志》，后汉因。

《一统志》，故城今英德县西。

【集释】王峻曰：《水经注》引瓚注汉书曰，沅在武陵，去〔沅〕远，又隔湘水，不得入沅。应说误。

【编者按】治今广东英德县西。

浚阳，莽曰基武。

【颜注】应劭曰：浚水出南海龙川，西入秦。

【补注】先谦曰：后汉因。

【编者按】治今广东英德市东。

阴山。

【补注】先谦曰：《续志》，后汉因。《湘水注》，湘水自长沙湘南来，东北过阴山县西，合洙水，下入长沙临湘。又《洙水注》，洙水自长沙攸来，西北过阴山县南，县本阳山县也。县东北犹有阳山故城，形家言其势王，故堑山堙谷，改曰阴山县。《一统志》，故城今阳山县北。《纪要》，今攸县西北六十里。《元和志》，衡山县，即汉阴山县东北二十里，有阴山也。先谦案，今广东连州阳山县北，非湘、洙二水所经，《纪要》近之，即今安仁县无疑也。

侯国。

【补注】先谦曰：表无，当衍。

【编者按】此侯国地望历来为注《汉志》各家所争论不休。因《汉志》桂阳郡有阳山县，又有阴山县，并云侯国，遂引起混乱。应劭在阳山县下注“今阴山也”（按：今，指东汉。两汉阴山同为一地）。颜师古驳应曰：“下自有阴山，应说非也。”一般以为阳山侯理应封于阳山县，封于阴山不

可能。故清人王先谦在桂阳郡阳山县下注曰：“有阳山关，长沙孝王子宗国，元帝封。”而在阴山县的侯国二字下注：“《表》无，当衍。”清人钱大昕较谨慎，他在《三史拾遗》里说：“阴山侯国，《水经注》：阳山，故孝王子宗邑也。言其势王，故堑山堙谷改曰阴山县。是阴山即阳山之改名矣。《志》于阳山、阴山两县下并云侯国，则郾注似未可据，侯表亦未见封阴山者，当阙以俟知者。”其实郾注十分可靠。绳之以推恩法，则阳山侯国地望一目了然矣。《汉志》之阳山县，在桂阳郡南部边境（今阳山县南）。据推恩法，阳山侯国地必原属长沙国，而后才别属桂阳郡。所以这个阳山县必非阳山侯国。因刘姓长沙国势不能越过整个桂阳郡而有此阳山县。因此，只有位于桂阳郡北部与长沙国交界处的阴山县才是阳山侯国所在地。阴山县本来就叫阳山，封侯后别属桂阳郡。只因为该地风水太好，所以才改名阴山。其实，改名的原因恐怕也在于，如果不改，则桂阳一郡之中有两个阳山县，不合适。《涑水注》在提到阴山县时，就说道：“本阳山县也，县东北犹有阳山故城。”可谓明确已极。至于《王子侯表》无阴山侯，则是正确的，因刘宗受封之时，本称阳山。

要之，《汉志》阴山县下注侯国是正确的，倒是阳山县下的“侯国”二字乃传写所衍。因此，应劭在阳山县下注“今阴山也”，虽于地望有误，但说明了阳山侯封地乃在阴山县。颜师古没有理解他的意思。而王先谦则画蛇添足地说：“阳山，后汉省。如应说，则县并入阴山”。殊不思《汉志》之阳山、阴山两地相距六七百里，中间隔以桂阳郡属四五个县，焉得相并？

阳山、阴山所引起的混乱远不止于《汉志》，甚至影响到沈约所撰的《宋书·州郡志》。沈约说：“阳山，汉旧县，后汉曰阴山，属桂阳。”这就错了。《宋志》的阳山乃前汉旧县，不错。然后汉已省。后汉的阴山与《汉志》阴山为一地，与《宋志》阳山了不相涉，这就是沈约没有看懂应注的结果。

又，阳山侯《汉表》以为孝王子，有误，应为刺王子，理由如下：①长沙孝王名宗，阳山侯亦名宗，岂有父子同名之理？②长沙孝王宗初元三年始封王，其子岂能于初元元年时就封王子侯？《诸侯王表》云，初元四年（应为三年），孝王宗以刺王子绍封。可见刘宗是刺王子，初元元年先封阳山侯，三年乃绍封长沙孝王。

治今湖南衡东县东南。

武陵郡

武陵郡，

【补注】阎若璩曰：《元和志》，汉改秦黔中为武陵郡，移理义陵。今辰州溆浦县是，则义陵为郡治矣。先谦曰：《续志》，后汉治临沅。

【编者按】据严耕望，应治首县索，然无确证。

高帝置。

【补注】先谦曰：《续志》，秦昭王置，名黔中郡，高帝五年更名。《沅水注》，本楚黔中郡，高祖二年割黔中故治为武陵郡。《楚世家》、《秦纪》、《六国年表》，皆有黔中郡，班氏失载。五年、二年，二书不同。全祖望云，汉改其名，非割也。考《国策》、《史记》，楚南有新城郡、巫郡。秦省新城，盖并入汉中；省巫，盖并入黔中。莽曰建平。属荆州。

【补注】先谦曰：《续志》，后汉因。属同。

户三万四千一百七十七，口十八万五千七百五十八。

县十三：

索，渐水东入沅。

【颜注】应劭曰：顺帝更名汉寿。如淳曰：音绳索之索。师古曰：沅，音元。

【补注】先谦曰：《续志》，后汉更

名汉寿。《沅水注》，澧水出汉寿县西杨山，南流东折，迳其县南，县治索城，即索县之故城也。阚骃以为兴水。是水又东历诸湖，方南注沅。亦曰渐水也。《一统志》今武陵龙阳县地，故城在县东北六十里。

【编者按】治今湖南常德市东北。

孱陵，莽曰孱陆。

【颜注】应劭曰：孱，音践。师古曰：音仕连反。

【补注】先谦曰：高帝五年置，见《名胜志》。《续志》，后汉因。《一统志》，今华容安乡县地，故城在公安县南。作唐故城在安乡县南。

【编者按】治今湖北公安县西。

临沅，莽曰监元。

【颜注】应劭曰：沅水出牂柯入于江。

【补注】先谦曰：官本元作原。王念孙云，当依《水经注》作沅，声之误也。凡县名上一字称临者，莽多改监，而下一字不改。先谦案，《续志》，后汉因。《一统志》，今武陵县地，故城在县西。

【编者按】治今湖南常德市。

沅陵，莽曰沅陆。

【补注】阎若璩曰：黔中郡治，此

故郡城，在唐辰州沅陵县西二十里。

【编者按】治湖南今县南。

鐔成，

【补注】先谦曰：《淮南·人间训》，尉屠睢五军，一塞鐔城之岭。鐔成即鐔城也。《续志》，后汉因。《一统志》，今靖州、黔阳、绥宁、通道、会同、天柱县地，故城在黔阳县西南。

康谷水南入海。

【补注】先谦曰：《泂水》篇，泂水出鐔成县北界沅水谷。注云，《山海经》曰，祷过之山，泂水出焉，而南流注于海，是也。下入郁林潭中。邻水出无阳县，故鐔成也（晋改），俗谓之移溪，下入潭中。钱坫、吴卓信并云，邻水即康谷水，是也。

玉山，潭水所出，东至阿林入郁，过郡二，行七百二十里。

【颜注】应劭曰：潭水所出，东入郁。音淫。孟康曰：鐔，音潭。师古曰：孟音是。

【补注】宋祁曰：正文鐔字或作潭。注阿林入郁下，当添林字。音淫上当添潭字。王鸣盛曰：以县名及应音参之，作鐔是。南监既脱作潭，又脱去音淫及师古云云。先谦曰：郡二，武陵、郁林。阿林，郁林县，入郁下不当有林字，说见上。《说文》，潭水出武陵鐔成玉山，东入郁。与志文合，作潭是。王说非。《潭水注》，潭水出鐔成县玉山东流，下入郁林潭中。先谦案，《一统志》，潭水即柳江。

【集释】王峻曰：陈云按入郁者入郁水耳。郁水在郁林郡之广郁县，阿

林则广郁邻邑也，后牂柯郡鐔封、句町二县言入郁者再，正与此同。宋说未谛。

【编者按】治所在今湖南靖州苗族侗族自治县南，确地无考。

无阳，

【补注】先谦曰：《续志》，后汉省。《一统志》，今芷江县地，故城在沅州府东南唐乳山。

无水首受故且兰，南入沅，八百九十里。

【颜注】师古曰：且，音子余反。

【补注】徐松曰：八上脱行字。洪亮吉曰：无阳，隋代改名。水亦因之以改。三国吴时名潯阳，晋、宋《志》作舞阳，则水亦作潯与舞，唐名武溪，又曰巫溪，置巫州，则水亦作武与巫。先谦曰：班志例，凡自某水出者，云首受某水，自某地出者，云出某处，全志皆然，此故且兰下不出水名，当云无水出故且兰，首受二字误。故且兰，牂柯县。《沅水注》，无水，自故且兰来，南流至无阳县，县对无水，因以氏县，无水东南入沅。谓之无口。

【编者按】治所在今湖南芷江侗族自治县东北，确地无考。

迁陵，莽曰迁陆。

【补注】先谦曰：《续志》，后汉因。《一统志》，今保靖县地，故城在县东。

【编者按】治今湖南保靖县东北。

辰阳，三山谷，辰水所出，南入沅，七百五十里。

【补注】徐松曰：七上脱行字。陈澧曰：志文南入误也。应劭云，东入。先谦曰：《沅水注》，辰水出辰阳县三山谷，东南流，合独母水，又迳县北。旧《志》，在辰水之阳，故即名焉。《楚辞》所谓夕宿辰阳者也。辰水又入沅为辰溪口。武陵有五溪，谓雄溪、橘溪、无溪、酉溪，辰溪其一焉。夹溪悉是蛮左所居。故谓此蛮五溪蛮也。

洪亮吉云，辰水出铜仁府铜仁县城西，乌罗司西南六十里九龙山，即古三山谷也。《元和志》，三山谷一名辰山，今俗又名梵净山，今水经辰水源出三嵎山，盖三山谷之异名。《提纲》云，源最远者，出铜仁府西北界，曰顺溪，其山北即朗溪司水入乌江者也。余按辰顺音同，流俗声转耳。东南流迳铜仁县城北，一水出北山瓮济洞，东南流百余里，经府城西北来会，世称铜仁大小江，是大江为辰水，小江即独母水，北山当即龙门山也。入湖南，迳麻阳县南为麻阳江，又东北迳辰溪县西入沅。

莽曰会亭。

【颜注】应劭曰：辰水所出，东入沅。

【补注】先谦曰：《续志》，后汉因。《一统志》，今辰溪麻阳县地，故城今辰溪县西。

【编者按】治今湖南辰溪县西南。

酉阳，

【颜注】应劭曰：酉水所出，东入湘。

【补注】先谦曰：《续志》，后汉因。《一统志》，故城今永顺县南。

【集释】王峻曰：按下充县下云，酉原山酉水所出，南至沅陵入沅，酉水入沅不入湘，酉阳乃酉水所经，非所出之地。应说误。

【编者按】治今湖南永顺县南。

义陵，酃梁山，序水所出，西入沅。莽曰建平。

【颜注】师古曰：酃音敷。

【补注】先谦曰：高祖封吴郢为侯国。《续志》，后汉省。《一统志》，故城今溆浦县南三里龙堆陇。《沅水注》，序溪水出义陵县酃梁山，西北流迳义陵县城治。序溪最为沃壤，良田数百顷，特宜稻，修作无废。序溪水下入辰阳。先谦案，据《一统志》，酃梁山即溆浦县东南百五十里顿家山，接邵阳县界。溆水古名序水。《提纲》云，溆水二源，南曰龙潭河，出龙塘司之南山；东曰龙溪河，出畚刀界北，西北流为双龙江，又北流迳溆浦县城南，又西流入辰溪界入沅。案酃注，以序溪、溆水为二，诸地说家合为一。详其形势及命名之由，实一水也。龙溪水、溆水，酃分为二，《提纲》合为一。

【编者按】治今湖南溆浦县南。

佷山，

【颜注】孟康曰：音恒。出药草，恒山。

【补注】吴卓信曰：《御览·药部》有恒山，引《广雅》曰：恒山，蜀源也。又引《永嘉记》诸书，并同。则恒山即药草之名。段玉裁曰：古语，佷读恒如鲷之读紂。先谦曰：《续志》，

后汉改属南郡。《一统志》，故城今长阳县西。佷山在县西北八十里。

【集释】王峻曰：按《水经注》夷水东迳佷山，县即山名也。其下亦引孟康说，于恒山下接云，今世以银为音也。盖恒山二字乃郦注之文，谓孟康音恒，今则音银也。恒山二字疑编者因读《水经注》而误增。

【编者按】治今湖北长阳土家族自治县西。

零阳，

【颜注】应劭曰：零水所出，东南入湘。

【补注】先谦曰：《续志》，后汉因。《一统志》，今澧州、慈利、石门、永顺、龙山县地。故城今慈利县东。

【集释】王峻曰：按《水经》澧水过零阳县北。注云，零溪水源出零阳之山，历溪北注澧水零水入澧不入湘。应说误。

【编者按】治今湖南慈利县东北。

充。

【补注】先谦曰：《续志》，后汉因。《一统志》，今桑植、安福、永定县地。故城今永定县西。

酉原山，酉水所出，南至沅陵入沅，行千二百里。

【补注】先谦曰：《沅水注》，酉水导源巴郡临江县，故武陵之充县酉源山，东南流，下入无阳。据《一统志》云，按《湖南通志》沅陵县有酉阳水，

出小酉山，东北流入酉水。此《禹贡》蔡注酉水出今沅陵县者也。永顺县有酉水，出县之中正堡，为白羊水，经葛藤寨入沅陵县，为酉溪，即《沅陵县志》云酉水出苗地丫角山者也。其自四川酉阳州而下，经保靖、永顺、沅陵入沅者，曰北河；汇酉水者，乃更始水。先谦案，酉水出今咸丰县沿河司大酉洞，前人皆未得其实。

历山，澧水所出，东至下隼入沅，

【补注】先谦曰：下隼，长沙县。《澧水》篇，澧水出充县西历山东，过其县南。注云，澧水自县东，迳临澧、零阳二县界，水之南岸，白石双立，厥状类人，高各三十丈，周四十丈。古老传昔充县尉与零阳尉共论封境，因相伤害，化而为石，东标零阳，西揭充县。充县废省，临澧即其地，县即充县之故治，临侧澧水，故为县名（晋立）。澧水下入零阳。《一统志》，历山在永定县西北，澧水三源，一出桑植县七眼泉；一出桑植县栗山坡，栗历音同，疑即历山字变也；一出永顺县十万坪，至龙江口，合流入永定县。

过郡二，

【补注】先谦曰：武陵、长沙。行一千二百里。

【颜注】师古曰：澧，音礼。隼，音辞究反。

【编者按】治今湖南桑植县。

零陵郡

零陵郡，武帝元鼎六年置。

【补注】先谦曰：《湘水注》，郡治泉陵。元鼎六年，分桂阳置。太史公曰，舜葬九嶷，实惟零陵，郡取名焉。《续志》，后汉治同。

【集释】严耕望曰：《地志》泉陵乃侯国，当不为郡治。考《五帝纪》，舜“南巡狩，崩于苍梧之野，葬于江南九嶷，是为零陵。”是零陵之名极早。又《艺文志》纵横家有秦零陵令信一篇，难秦相李斯。是秦有零陵县，且大县也。而《地志》零陵郡“武帝元鼎六年置，是零陵大县，且为郡所受名，则郡之始置必治零陵县。《湘水注》叙事至泉陵县，以其为东汉郡治，故因带及置郡之始，王氏因据以为西汉郡治耳。或者西汉始治零陵，徙泉陵，复迁故治欤？总之，酃注治泉陵只可信当有其事，不能据以否认平帝时郡治零陵也。

莽曰九疑。属荆州。

【补注】先谦曰：《续志》，后汉因。属同。

户二万一千九十二，口十三万九千三百七十八。

县十：

零陵，

【补注】先谦曰：秦县，有令信，见《艺文志》。《续志》，后汉因。《一

统志》，故城今全州北三十里。《州志》，在梅潭，有故城濠陂。

阳海山，湘水所出，北至酃入江，

【补注】先谦曰：酃，长沙县，字误。说见长沙下隍下。《说文》亦作阳海山。《续志》，阳朔山，湘水出。《湘水注》，阳海山即阳朔山。应劭云，湘出酃山。盖山之殊名也。湘水自始安来，东北流过零陵县东，合越城峽水，又迳县南，又迳观阳县（晋立灌阳县境），合观水，下入洮阳。《一统志》，阳海山在兴安县南九十里。先谦案，今灌阳县亦汉零陵地，阳海山在灌阳西境。据舆图，湘水北流，迳龙蟠山西，右合涌泉山水，又北左合石村铺水，其流自越城岭北来，即峽水矣。湘水所历当全州灌阳之西境，注云过县东，非也。

过郡二，行二千五百三十里。

【补注】先谦曰：过零陵、长沙。又有离水，东南至广信入郁（林），行九百八十里。

【补注】先谦曰：林字衍，说见前。广信，苍梧县。《漓水》篇，漓水亦出阳海山。注云，与湘水出一山而分源也。湘漓之间，陆地广百余步，谓之始安。峽即越城峽也。峽水自峽阳南流注漓，曰始安水，漓水又南合洌水，下入始安。

【编者按】治今广西全州县西南。

营道，九疑山在南。莽曰九疑亭。

【补注】先谦曰：《续志》，后汉因。《湘水注》，营水自泠道来，西流迳九疑山下，罗岩九举，各导一溪，岫壑互阻，异岭同势，游者疑焉，故曰九疑山。大舜窆其阳，商均葬其阴。山南有舜庙，山之东北泠道县界，又有舜庙。《一统志》，故城在宁远县西。九疑山在县南六十里。

【编者按】治今湖南宁远县南。

始安，

【补注】先谦曰：《续志》，后汉因。《一统志》，今临桂、兴安、灵川、阳朔、永福、义宁县，永宁州地。故城今桂林府治。

【编者按】治今广西桂林市。

夫夷，[侯国]。

【补注】先谦曰：武帝封长沙定王子义为侯国，见表。《续志》，后汉因。《后书·第五伦传》作扶夷。《一统志》，故城今新宁县东北。

【集释】钱大昕曰：志失注侯国。

【编者按】治今湖南邵阳县西。

营浦，

【补注】先谦曰：《续志》，后汉因。《一统志》，故城今道州北。

【编者按】治今湖南道县东北。

都梁，侯国。

【补注】先谦曰：长沙定王子遂国，武帝封。《续志》，后汉因。《一统志》，今武冈州、城步、绥宁县地。故城在州东北。

路山，资水所出，东北至益阳入沅，

【补注】陈澧曰：入沅者，志以洞庭湖西畔为沅水所汇也。澧水入沅仿此。先谦曰：益阳，长沙县。《资水》篇，资水出都梁县路山。注云，资水出武陵郡无阳县界唐纠山，盖路山之别名也。谓之大溪水。东北迳邵陵郡（孙吴立）武冈县南（刘宋立），县分都梁之所置也。县左右二冈对峙，重阻齐秀，间可二里，大溪迳建兴县南（晋立），又迳都梁县南。县西有小山，山上有渟水，既清且浅，其中悉生兰草，芳风藻川，兰馨远馥，俗谓兰为都梁山，因以号县受名焉。资水下入夫夷。

过郡二，行千八百里。

【补注】先谦曰：过零陵、长沙。

【编者按】治今湖南武冈市东北。

泠道，

【补注】先谦曰：景帝时，零陵文学得玉琯于此，见晋《律历志》及《说文》。《说文》作伶道。泠伶古字通。

莽曰泠陵。

【颜注】应劭曰：泠水出丹阳宛陵，西北入江。臣瓚曰：宛陵，在豫章北界，相去三千里，又隔诸水，不得从下逆至泠道而复入江也。师古曰：瓚说是。泠，音零。

【补注】先谦曰：《续志》，后汉因。《一统志》，今宁远新田县地，故城在宁远县东。冷水今谓之潇水。

【编者按】治今湖南宁远县东。

泉陵，侯国。

【补注】先谦曰：长沙定王子贤国，武帝封，说详表。

莽曰溇国。

【补注】先谦曰：《续志》，后汉因。《一统志》，今零陵、祁阳、东安县地。故城今零陵县北。

【编者按】治今湖南永州市。

洮阳，

【补注】先谦曰：武帝封长沙定王子拘为侯国，见表。

莽曰洮治。

【颜注】如淳曰：洮音韬。

【补注】先谦曰：《续志》，后汉因。《湘水注》，洮水出县西南大山，东北迳其县南，即洮水以立称矣。洮水东入湘。《一统志》，故城今全州北三十五里故州滩，洮水在州北五十里。

【编者按】治今广西全州县西北。

鍾武。莽曰钟桓。

【颜注】应劭曰：今重安。

【补注】先谦曰：《续志》，永建二年，更名重安。《湘水注》，承水出重安县西邵陵县界邪麓山，东北流至重安县，迳舜庙下，庙在承水之阴，又东合略塘，又东北迳重安县南，汉长沙顷王子度邑，故钟武县也。《一统志》，今清泉县地，故城在衡阳县西南。

【编者按】治今湖南衡阳县西。

汉中郡

汉中郡，

【补注】阎若璩曰：《元和志》，汉中郡自汉以还，多理南郑，高帝都之，是汉中治南郑矣。又案《水经注》云，秦惠王置汉中郡，南郑县即郡治，汉因之。可知南郑之为郡治，实始于秦也。《通鉴》胡注谓汉中治西城，误。徐松曰：《仙人唐公房碑》，公房成固人，王莽居摄二年，君为郡吏，是时，

府在西成，去家七百余里，休谒往来，转景即至，阖郡惊焉。西成即西城，是汉中治始在南郑，后移西城，胡氏未为误。先谦曰：《续志》，后汉治南郑。

秦置。

【补注】先谦曰：《沔水注》，秦惠王置汉中郡，因水名也。《楚世家》，秦败楚丹阳，遂取汉中之郡，盖郡名

自楚。

莽曰新成。

【补注】吴卓信曰：《后书·马援传》，初为王莽新成大尹。

属益州。

【补注】吴卓信曰：《西南夷传》注，孟康云，莽改益州为庸部，《莽传》有庸部牧史熊。《后书·廉范传》，父丹为莽庸部牧。先谦曰：《续志》，后汉因。属同。

户十万一千五百七十，口三十万六百一十四。

县十二：

【补注】先谦曰：郡人张騫，见本传。

西城，

【颜注】应劭曰：《世本》妫虚在西北，舜之居。

【补注】先谦曰：《续志》，后汉因。《一统志》，今平利、紫阳县地，故城今兴安府西北。

【集释】杨树达曰：周明泰《再续封泥考略》卷二有西成令印，字作成。

【编者按】治今陕西安康市西。

旬阳，

【补注】先谦曰：战国楚地。作郇阳，见《楚策》。有关名旬关，见《酈商传》。《续志》，后汉省。《一统志》，故城今旬阳县北，旬关在县东（郇、旬、洵三字通）。

北山，旬水所出，南入沔。

【补注】先谦曰：《沔水注》，旬水北出旬山，东南流迳平阳戍下，与直

水枝分东注。迳平阳戍，入旬水。旬水又东南迳旬阳县，合柞水，又迳旬阳县南，县北山有悬书崖，高五十丈，刻石作字，人不能上，不知所道。旬水又入汉为旬口。陈澧云，今镇安县洵河，出太乙山南，入汉。

【编者按】治陕西今县。

南郑，

【补注】先谦曰：秦躁公时，南郑反，盖其地入蜀，故惠公伐蜀取南郑，见《秦纪》。《沔水注》，汉水自褒中来，东迳汉庙堆下（俗名汉山，在南郑县西南），东过南郑县南。县，故褒之附庸也。周显王之世，蜀有褒汉之地，至六国，楚兼之，怀王衰弱，秦略取焉。《续志》，后汉因。《一统志》，故城今汉中府南郑县东。

旱山，池水所出，东北入汉。

【补注】先谦曰：《沔水注》，池水出旱山，山下有祠，列石十二，不辨其由。盖社主之流，百姓四时祈祷焉。俗谓之獠子水，夹溉诸田散流，左注汉水。《寰宇记》，旱山下有石池，多莼菜，即池水之源也。《舆地纪胜》作老子水，案老即獠之字变。《一统志》，旱山在南郑县西南。《府志》，县南六十五里。

【编者按】治今陕西汉中市。

褒中，

【补注】先谦曰：张良辞归韩，高帝送至此，见纪。昭帝元凤元年置，见《华阳国志》。《沔水注》作六年置。都尉治。汉阳乡。

【补注】先谦曰：《元和志》，汉阳关，在褒中县北九十里，汉都尉治。《续志》，后汉因。《一统志》，故城今褒城县东南。

【编者按】治今陕西勉县东。

房陵，

【补注】先谦曰：春秋麋地防渚，见《通典》、《元和志》。秦为县，见《广韵》。秦灭赵，流王迁于此，见《淮南子》。又徙嫪毐党四千余家，吕不韦舍人万家于此，见《始皇纪》、《华阳国志》。《续志》，后汉因。《一统志》，故城今房县治。

淮山，淮水所出，东至中庐入沔。

【补注】先谦曰：中庐南郡县。《续志》刘注引《巴汉志》，有维水，维水所出。《水经》旧本作淮，今本改维。案淮维古通。《禹贡》之淮，本志作维，又作淮，其证也。沔水经有维水，注但言此水下流，而不溯其源。盖郾所未究也。陈澧云，今南漳县歇马河出龙潭山，下流为蛮河，东至宜城县入汉。房陵有三水，一沮水，一南河，歇马河在沮水、南河之间，故知为淮水矣。

又有筑水，东至筑阳亦入沔。

【补注】先谦曰：筑阳，南阳县。《沔水注》，筑水杜预以为彭水也。水出梁州新城郡魏昌县界（魏分房陵县立），下入筑阳。《纪要》，筑水出竹山县之竹山，为筑江，一名南河，东流迳房县，又迳废魏昌县，又东迳保康县，与注合。

东山，沮水所出，东至郢入江，行七百里。

【颜注】师古曰：筑，音逐。

【补注】段玉裁曰：沮，《左传》作睢，皆七余反。后讹为祖，读曰祖。今襄阳沮水左右地，皆曰沮中，亦谓之祖中。《吴志》青乌四年，诸葛瑾取祖中，与《魏志》正始四年，诸葛瑾攻沮中，正是一事。

先谦曰：郢，南郡县。据《江水注》，沮入江在江陵境，江陵故楚郢都，郢县即楚郊郢邑，故城在今江陵县东南，后汉省郢县，盖并入江陵，故班注浑言之。《淮南·地形训》，沮出荆山。《说文》亦云，沮水出房陵，东入江。《沮水》篇，沮水出房陵县淮水（二字盖东山之误）。注云，沮水出东汶阳郡沮阳县（刘宋郡县，今保康县南）西北景山，即荆山首也。杜预云，水出新城郡西南发河山，盖山异名也。沮水东南流迳沮阳县，合潼水，又迳汶阳郡（刘宋立，今远安县北）北即高安县界。沮水下入南郡临沮。《一统志》，沮水出房县，东流迳保康县，又东南迳南漳县，为大市河，又东南迳远安县，与注合。

【编者按】治今湖北房县。

安阳，

【补注】先谦曰：《续志》，后汉因。《一统志》，今石泉、汉阴县地，故城今成固县东。

鬻谷水出西南，北入汉。

【补注】段玉裁曰：此虽不系之《禹贡》，然据郑注梁州沱潜云，《地理

志》在今蜀郡郫县，及汉中安阳皆有沱水、潜水，其尾入江汉，则志述《禹贡》作潜，此安阳下作鬻，实一物也。王念孙曰：鬻谷水，谷字涉下文在谷水而衍。《水经》鬻作涪。《沔水》篇、《涪水》篇皆无谷字（涪或作潜，《史记·夏本纪》索隐，潜出汉中安阳县西北入汉，亦无谷字）。

先谦曰：《沔水注》，安阳隶汉中（魏分立魏兴郡，安阳隶焉），涪水出西南，而东北入汉。又《涪水注》，涪水自南郑来，东北迳成固南城北（刘宋义熙中，索邈自成固移治此，故谓之南城），城北有桁渡沔，取北城，城即大成固县治。涪水又历悦归馆，北至安阳左入沔，为涪水口。《一统志》，涪水在今成固县南。

在谷水出北，南入汉。

【颜注】师古曰：鬻，音潜。其字亦或从水。

【补注】先谦曰：在乃左之误。《沔水注》，左谷水出西北，即壻水也。出听山下穴，东南流历平川中，为壻乡，水曰壻水（因后汉唐公房得名），又东南流，迳通关势南，山高百余丈，又迳樊哙台南，又迳大成固北，城乘高势，北临壻水，水北有韩信台，相传高祖置坛拜信处也。左谷水南入溪，谓之三水口。《一统志》，壻水出南郑县西北，亦曰左谷水，又名听水。

【编者按】治所在今陕西城固县、洋县北部一带，确地无考。

成固，

【补注】先谦曰：后汉因。《一统志》，今洋县、西乡、城固地，故城在

城固县西北。今县兼有汉安阳地。

【编者按】治陕西今县东。

沔阳，有铁官。

【颜注】应劭曰：沔水出武（昌）[都]东南入江。如淳曰：此方人谓汉水为沔水。师古曰：汉上曰沔，音莫践反。

【补注】王鸣盛曰：南监本，昌作都，是。朱一新曰：汪本，此作北。先谦曰：官本昌作都，此作北。后汉因。《一统志》，故城今沔县东南十里。

【中华校】景祐、殿本“昌”都作“都”。

【编者按】治今陕西勉县。

钲，莽曰钲治。

【颜注】应劭曰：音阳。师古曰：即春秋所谓钲穴。

【补注】先谦曰：后汉因。《续志》作锡，云有锡，春秋时曰锡穴。案，锡穴，麋国地，见《左》文传。释文云，锡，音羊，或作锡，星历反。是古本原无定字，故县名亦有更改。然应劭后汉人，时尚有此县，应音必不误。《水经注》又与应音合，则作锡为正。《一统志》，故城今白河县东。

【集释】陈直曰：《汉印文字征》第十四有“锡丞之印”，与志文合。《续汉书·郡国志》已误作锡字。

【编者按】治今陕西白河县东。

武陵，

【补注】先谦曰：《续志》，后汉省。《一统志》，故城今竹溪县东。

【编者按】治今湖北竹溪县东。

上庸，

【补注】先谦曰：春秋庸国，楚灭之，见《左传》，后为上庸，秦取之。《国策》，张仪谓郑袖，欲以上庸之地六县赂楚也。昭王时以归楚，后败楚，复取之，见《秦纪》、《六国表》。济东王彭离、广川王孝徙此，见武、宣《纪》。《续表》，后汉因。《一统志》，故城今竹山县东南。

【编者按】治今湖北竹山县西南。

长利。有郢关。

【颜注】师古曰：音云。

【补注】先谦曰：《续志》，后汉省。《寰宇记》，并入锡县。郢关亦见《货殖传》。《一统志》，黎子山，在郢县东北七十里，上有关，即郢关也。

【编者按】治今湖北郢西县西南。

广汉郡

广汉郡，

【补注】先谦曰：《江水注》，高帝分巴、蜀，置广汉郡于乘乡。又云，雒县有沈乡，去江七里。《华阳国志》，广汉郡本治绳乡，后汉安帝时移治涪，后治雒城。乘、沈、绳，音同字变。《续志》，后汉治雒。

【集释】严耕望曰：考《梓潼水注》，梓潼水出其县北界，西南入于涪，故广汉郡也，公孙述改为梓潼郡……莽曰子同矣。是明言王莽时且自西汉末年广汉治梓潼，即《汉志》首县也。王氏遗此，而引《江水注》东汉事，谬矣。盖高帝始分巴蜀置广汉郡，尽有今川北川中是今叙府之地（故《华阳志》谓分广汉置犍为郡），广汉县地当南北之中，故治之，且以郡名名县，逮分南部置犍为郡，广汉县于郡已为南鄙，故徙治梓潼耳？公

孙述因以县名名郡。东汉始徙治涪县，终治雒耳。

高帝置。

【补注】全祖望曰：高帝六年分置，见《江水注》。钱坫曰：《华阳国志》，高帝分巴蜀置广汉，武帝又割置犍为，故曰分巴割蜀，以成犍、广。

莽曰就都。

【补注】吴卓信曰：《莽传》有就都大尹冯英。

属益州。

【补注】先谦曰：《续志》，后汉因。又广汉属国都尉下云，故北部都尉，安帝以为属国都尉，别领三城。属并同。

户十六万七千四百九十九，口六十六万二千二百四十九。

有工官。

【补注】吴卓信曰：《贡禹传》，有三工官。如淳曰：一在广汉。

县十三：

梓潼，

【补注】先谦曰：《华阳国志》，武帝元鼎元年置，以县东倚梓林，北沈潼水，因以为名。

五妇山，驰水所出，南入涪，行五百五十里。莽曰子同。

【颜注】应劭曰：潼水所出，南入垫江。垫，音徒浹反。师古曰：潼，音童。涪，音浮。

【补注】宋祁曰：巴郡注，垫，音重叠之叠。吴卓信曰：《莽传》自言定命于子同。先谦曰：《续志》，后汉因。《梓潼水》篇，梓潼水出其县北界，注云，县有五女，蜀王遣五丁迎之，至此见大蛇入山穴，五丁引之，山崩，压五丁及五女，因氏山为五妇山，又曰五妇候。驰水所出，一曰五妇水，亦曰潼水也。其水导源山中，南迺梓潼县，下入涪。案《说文》亦云，潼水出梓潼北界，知潼、驰一水，颜引应说，盖未晰也。《一统志》，故城今梓潼县治，剑州亦汉梓潼地，五妇山在县北，驰水即梓潼水。

【编者按】治四川今县。

汁方，

【补注】先谦曰：高帝封雍齿为侯国，见表。

莽曰美信。

【颜注】应劭曰：汁音十。

【补注】王鸣盛曰：南监本汁作什。

朱一新曰：汪本作什。先谦曰：表作汁防。后汉因。《续志》，作什邡。《说文》同。《江水注》叙洛水云，常璩曰，李冰导洛通山水流发瀑口，迺什邡县，下入雒。《一统志》，故城今什邡县南，洛通山在县西北。

【编者按】治今四川什邡市。

涪，有孱亭。莽曰统睦。

【颜注】应劭曰：涪水出广汉南，入汉。

【补注】周寿昌曰：《莽传》，陈崇封统睦侯，即此。汪士铎曰：汉，西汉水也。下甸氏道白水。注同。先谦曰：官本孱作潺。《续志》，后汉因。《一统志》，故城今绵州东北。

【集释】王峻曰：按本志下刚氏道下云，涪水出徼外，南至垫江入汉，过郡二，行千六十九里。源委了然。应氏以县名涪，再加此注，欲异其辞，而转不明；又白水下应注云，出徼外北入汉，亦与本志甸氏道重复，皆可删也。

【编者按】治今四川省绵阳市东。

雒，章山，雒水所出，南至新都谷入湔。有工官。莽曰吾雒。

【颜注】师古曰：湔，音子先反。

【补注】先谦曰：《续志》，后汉因。新都县名，谷字衍。《水经注》雒作洛。《中山经》，岷山之首曰女儿之山，洛水出焉，东注于江。《江水》篇，洛水从三危山东过广魏洛县南。注云，洛水出洛县漳山，亦言出梓潼县柏山。云出三危山，所未详。《一统志》，故城今汉州北。《提纲》，章山即什邡县

雒通山。雒水俗名鸭牛河，会绵水，后通称雁水，至金堂县，入清白江。工官盖铜官。《纪要》，铜官山在汉州东二十里，前代铸钱处也。

【编者按】治今四川广汉市北。

绵竹，

【补注】先谦曰：《续志》，后汉因。《一统志》，故城今德阳县北。

紫岩山，绵水所出，东至新都北入雒。

【补注】先谦曰：《江水注》，绵水西出绵竹县，下入新都。《一统志》，紫岩山在今绵竹县西北三十里。《蜀都赋》云，浸以绵洛，谓此。

都尉治。

【编者按】治今四川德阳市北。

广汉，莽曰广信。

【补注】先谦曰：县亦见《成纪》。后汉因。《一统志》，故城今遂宁县东北。《纪要》，射洪县东南百里。

【编者按】治今四川射洪县东南。

葭萌，

【颜注】应劭曰：音家盲。师古曰：明，音萌。

【补注】钱大昕曰：古音明如盲。先谦曰：秦破赵，多迁其民于此，见《货殖传》。后汉因。《续志》作葭萌。《漾水注》，白水自白水县来，东南于吐费城南（西晋寿东北）入西汉水。蜀王弟葭萌所封，为苴侯邑，故遂名城为葭萌（刘备改汉寿，后为西晋寿），水有津关。《一统志》，故城今昭

化县南。

【编者按】治今四川广元市南。

郪，

【颜注】师古曰：音妻，又音千私反。

【补注】先谦曰：《华阳国志》，县盖取郪江为名。《续志》，后汉因。《一统志》，故城今三台县南。《纪要》，今潼川府治。

【编者按】治今四川三台县南。

新都，

【补注】先谦曰：《续志》，后汉因。《一统志》，故城今新都县东二里。

【编者按】治四川成都市新都区。

甸氏道，白水出徼外，东至葭萌入汉，

【补注】先谦曰：《漾水注》，白水出临洮，详见陇西临洮下。凡言徼者，去其境不远。张揖云，以木栅水为蛮夷界也。

过郡一，

【补注】先谦曰：武都、广汉，一当为二。

行九百五十里。莽曰致治。

【颜注】李奇曰：甸，音滕，师古曰：音食证反。

【补注】王鸣盛曰：甸，古读为乘，又或为敝。先谦曰：《续志》，后汉属广汉属国。《一统志》，故城今文县西。

【编者按】治所在今四川平武县北，确地不详。

白水，

【颜注】应劭曰：出徼外，北入汉。

【补注】先谦曰：《续志》，后汉因。《一统志》，故城今昭化县西北。

【编者按】治今四川青川县东。

刚氏道，

【补注】先谦曰：《续志》，后汉属广汉属国。《一统志》，故城今平武县东。

涪水出徼外，南至垫江入汉，

【补注】先谦曰：垫江，巴郡县。《涪水注》，涪水出刚氏道徼外，东南流，下入涪。《一统志》，涪水出松潘厅北小分水岭，东南至龙安府城，又迳江油、彰明，以达绵州。

过郡二，行千六十九里。

【补注】先谦曰：过广汉、巴。

【集释】陈直曰：《封泥考略》卷五有“刚抵道长”封泥，《长安获古编》有“刚抵右尉”封泥，知本志刚氏为省文。

【编者按】治今四川平武县。

阴平道。北部都尉治。莽曰摧虏。

【补注】徐松曰：宋本，摧作推。先谦曰：《续志》，后汉属广汉属国。北部都尉改属国都尉，治此。《一统志》，故城今文县西北。《纪要》，阴平桥在文县东，跨白水上，即所谓阴平桥头也。

【编者按】治今甘肃文县西。

蜀郡

蜀郡，

【补注】阎若璩曰：郡治成都，以王、贡、两龚、鲍《传》序及《循吏传》知之。《水经注》云，汉武帝蜀郡初治广汉之雒县，元鼎二年，始徙治成都。先谦曰：《续志》，后汉治同。秦置。

【补注】先谦曰：《江水注》，秦惠王二十七年，遣张仪、司马错等灭蜀，遂置蜀郡焉。全祖望云，高帝始建国三郡之一。武帝元鼎六年，以笮都地

置沈黎郡，天汉四年，省入蜀郡西部，又以冉駹地置汶山郡，宣帝地节三年，省入蜀郡北部。

有小江入，并行千九百八十里。

【补注】宋祁曰：南本改并作关，亦未允。王念孙曰：案，入当为八，字之误也。谓八小江并行千九百八十里也。下文辽西郡有小水四十八，并行三千四十六里；郁林郡有小溪川水七，并行三千一百一十里；九真郡有小水五十二，并行八千五百六十里；

日南郡有小水十六，并行三千一百八十里，皆其证也。

《禹贡》恒水出蜀山西南，行羌中，入南海。

【补注】先谦曰：《恒水》篇与志文同，惟蜀山作岷山，岷蜀一也。注云，《禹贡》岷嶓既艺，和夷底绩。郑康成云，和，上夷所居之地也。和读曰恒。《地理志》曰，恒水出蜀山，西南行羌中者也。《尚书》又曰，西倾因桓是来，马融、王肃云，西治倾山，惟因恒水是来，言无他道也。余按《经》据《书》，岷山、西倾，俱有恒水，恒水出西倾山，更无别流，所导者惟斯水浮于潜汉，而达江沔，故《晋地道记》曰，梁州南至恒水，西抵黑水，东限扞关。今汉中、巴郡、汶山、蜀郡、汉嘉、江阳、朱提、涪陵、阴平、广汉、新都、梓潼、犍为、武都、上庸、魏兴、新成，皆古梁州之地，自恒水以南为夷，《书》所谓和夷底绩也。所可当者，惟斯水与江耳。恒水盖二水之别名，为两川之通称矣。余考校诸书，略综川流沿注之绪，自西倾至葭萌入西汉，郑所谓潜水也，自西汉溯流而属晋寿界，沮、漾枝津，南历冈穴，迤邐而接汉，沿此入漾，《书》所谓浮潜而逾沔矣。历汉川至南郑县属于褒水，溯褒暨于衙岭之南溪水枝，灌于斜川，属武功，北达渭水，不乖《禹贡》入渭之宗，实符《尚书》乱河之义也。

先谦案，道元举《禹贡》和夷之恒水，以实志文。而以出西倾之恒水，为别一水，故云二水别名，两川通称。其实蜀郡之水，皆入江不入南海。钱

坫、陈澧、成蓉镜诸人推测之词，今皆不录。

莽曰导江。

【补注】吴卓信曰：《后书·公孙述传》，莽以述为导江卒正，即此。

属益州。

【补注】先谦曰：武帝改梁州曰益州，以新启犍为、牂柯、越嶲，疆域益广，故称益云，《续志》，后汉因。又蜀郡属国下云，故西部都尉，延光元年以为属国都尉，别领四城，属亦同。

户二十六万八千二百七十九，口百二十四万五千九百二十九。

县十五：

【补注】先谦曰：郡人王褒，见本传；赵宾，见《儒林传》。

成都，户七万六千二百五十六。

【补注】先谦曰：县人司马相如、扬雄，见本传。《续志》，后汉因。《一统志》，故城今成都府治。

有工官。

【补注】钱大昭曰：成都、广汉之工官，皆冶金银器。《贡禹传》，蜀、汉（汉上脱广字——编者按）主金银器，岁各用五百万。

【编者按】治今四川成都市。

郫，

【补注】先谦曰：望帝治汶山下邑曰郫，见《蜀王本纪》。秦为县，见《元和志》。在岷山之阳，见《扬雄传》。县人何武，见本传。《续志》，后汉因。《一统志》，故城今郫县北。

《禹贡》江沱在西，东入大江。

【颜注】师古曰：郫，音疲。沱，音徒何反。

【补注】先谦曰：《禹贡》山水泽地篇称郫县江沱，与志合。引见汶江下。《释水》，江为沱。李巡注，江水溢出为沱。郭璞注，沱水自蜀郡都安县湔山与江别而东流，即此。郑康成梁沱注云，郫县，江沱首，不于此出江。原有郫江，首出江南，至犍为武阳，又入江，岂沱之别欤。先谦案，郫水即大江非沱江。郫县江沱，出江入江，郑意不可晓，道元止录汶江之沱；而遗郫县之沱，亦其疏也。据《一统志》，沱水自灌县西，首受大江，东流，经崇宁县南（汉郫县地），郫县北，下入繁。

【编者按】治四川今县。

繁，

【补注】先谦曰：《续志》，后汉因。《华阳国志》，县在蜀郡北九十里。《后汉·臧宫传》注，繁，江名，因以为县。《一统志》，故城今新繁县北二十里。

【编者按】治今四川彭州市西北。

广都，莽曰就都亭。

【补注】先谦曰：《续志》，后汉因。《一统志》，故城今华阳县东南。《隋志》、《元和志》谓双流县即汉广都。据章怀注，参考岑彭、吴汉《传》，汉县当在府东南江北岸，不知徙置在何时耳。先谦案，双流南有广都驿，疑即其地。

【编者按】治今四川双流县东南。

临邛，

【补注】先谦曰：秦张仪所城，见《华阳国志》。卓氏程郑，居此致富，见《货殖传》。

仆千水东至武阳入江，

【补注】先谦曰：武阳，犍为县。《江水注》，布仆水自旄牛来，东迳临邛县，合文井水。先谦案，《华阳国志》临邛，有布仆水，合文井江者也。先谦案，《一统志》，邛水在邛州南，东流入新津县界，即古仆千水，今曰南河。《元和志》有白木水，经临邛县南二里，又东南经依政县南十里（县后魏置，在邛州东南），即此水也。唐宋以前，谓之文井江，或曰白木水，初无邛水之名，古邛水出邛崃山，在今荥经县界，至雅安合青衣水，未尝北至临邛。道元误谓邛水东至临邛，入青衣（见下）。《旧唐志》于临邛县下又引其说，于是邛水及邛崃山名，皆移于州境，其实非也。先谦案，志以文井水、布仆水为一。案，文井水即百丈河，与邛水异出也。邛水即仆千水。

过郡二，行五百一十里。

【补注】先谦曰：过蜀、犍为。陈澧云，此水不及二百里，志五字误。

有铁官、盐官。

【补注】先谦曰：《华阳国志》，县有古石山，山出石矿。文如蒜子，火烧合之，成流支铁，甚刚。又云，地节中穿临邛、蒲江盐井二十所，增置盐铁官。盐井详见《续志》刘注。

莽曰监邛。

【颜注】应劭曰：邛水出严道邛来山，东入青衣。

【补注】先谦曰：《青衣水注》，邛水自严道来，东至临邛县入青衣。案，道元以邛来山出之邛水为在临邛，其误自应劭开之。《续志》，后汉因。《一统志》，故城今邛州治。

【编者按】治今四川邛崃市。

青衣 [道]，《禹贡》蒙山溪

【补注】先谦曰：依志文例，当云《禹贡》蒙山在西，有蒙溪。疑夺文。

【编者按】青衣下当脱道字，据《后汉书·安帝纪》补。志后序云有道三十二，但逐郡细数只三十道，且其中如除道、故道皆非主蛮夷者，故知志文必有所遗。检《吕后纪》有武都道，《郡国志》蜀郡有绵虬道、汶江道，《安帝纪》有青衣道，《茗水注》有旄牛道，皆在少数民族地区，当为《汉志》所遗，今据补。除武都外，四道都在本郡。

大渡水东南至南安入泔。

【颜注】应劭曰：顺帝更名汉嘉也。师古曰：泔，音哉。

【补注】先谦曰：南安，犍为县。《续志》汉嘉下云，故青衣。阳嘉二年改属蜀郡属国，为治所。《一统志》，故城今雅安县北。大渡水今青衣水。泔，当为泔（见汶江下）。《青衣水》篇，青衣水出青衣县西蒙山。注云，县故青衣羌国也。《纪年》梁惠成王十年，瑕阳人自秦道岷山青衣水来归。武帝天汉四年，罢沈黎郡，分两部都尉，一治青衣，主汉民。县有蒙山，青衣水所发，东迳其县，合沫水，又

合邛水，下入犍为南安。又《江水注》有蒙水，即大渡水也。水发蒙溪，东南流，下入南安。

先谦案，《一统志》，青衣水源有东西二派。东派出芦山县东北，邛州西界伏牛山，注所云蒙水出蒙溪，即大渡水者也。有三水，会流而南，迳芦山县东。《元和志》谓之罗带水，俗谓之龙门河水，与西派（见旄牛下）合于县城之南，注所云青衣水会沫水也。又南至三江口，会和川水，为多功河，又南下飞仙关，迳雅州府北，俗呼雅河，荦经水自荦经县东注之，注所云合邛水也。下入乐山界。今人多以沫为泔，今考青衣先合沫水，后入邛水，然后入今大渡河，知沫非泔矣。

【编者按】治今四川名山县城北。

江原，犍水首受江，南至武阳入江。

【补注】先谦曰：武阳见上。《说文》犍，蜀江原地。《江水注》，江水自临邛来，迳江原县，犍江水出焉。江水下入郫。先谦案，犍水分于灌江，灌县亦兼有江原地也。注又云，犍水出江原县首受大江，东南流。《尚书》郑康成注，疑此为《禹贡》江沱。《一统志》云，自汉以来，皆以李冰所凿经成都者为大江，其南流者为犍水，转谓之入江，《汉志》犍水云云是也。《元和志》以犍江即阜江，与温江分为二，又与流江互称大江。《寰宇记》讹犍为郛，源流皆未明晰。宋元以来，专以阜江为正源。近时南流数道，有金马、羊马、白马诸名，而阜江之名

又混。旧《志》或以白马河为阜江，或以羊马河为郫江，纷纭无定。

莽曰邛原。

【颜注】应劭曰：郫，音寿。

【补注】先谦曰：《续志》，后汉因。《一统志》，故城今崇庆州东。

【编者按】治今四川崇州市东。

严道，

【补注】先谦曰：秦灭楚，徙严王之族以实其地，因名，见《华阳国志》。淮南王长迁此，见《文纪》。有铜山，见《佞幸传》、《南史·刘俊传》。青衣水左侧，并是秦严道地。

【集释】陈直曰：《御览》一百七十六引《蜀纪》云，秦灭楚，徙楚严王之族于此，故谓之严道。然楚庄王在东汉时因避明帝讳，始改称楚严，严道在秦时即有此名，《蜀记》之说非也。

邛来山，邛水所出，东入青衣。

【补注】先谦曰：《青衣水注》，邛水出严道县邛来山，下入临邛。邛来一作邛崃。《一统志》，山在荥经县西南，邛水即荥经水。又《江水注》，崃山，邛崃山也，在严道县。一曰新道南山，有九折坂，王阳案辔处也。平恒言是中江所出（互见汶江）。先谦案，出邛水之邛来山，与出中江水之崃山，相去较远，道元盖误，亦详临邛。《元和志》，邛来山在荥经县西五十里，九折坂在县西八十里。《通志》，山半属荥经，半属清溪。邛水即荥水，自清溪界五水并发，至县西合流。经水出县东南瓦屋山，西北流迳县东，至城北，与荥水合，又北至雅安县西，会西来一水，折而东流，入青衣。

有木官。

【补注】王念孙曰：木官，当作橘官。《蜀都赋》注可证。下文巴郡胸忍、鱼复二县，并云有橘官。周寿昌曰：宋洪迈《容斋随笔》续集，于汉郡国官条内引此，作木官，而别引胸忍、鱼复之橘官，足证宋本此处本作木，非橘字脱写。刘注或引胸忍、鱼复之橘官误引耳。

【集释】杨树达曰：王说是，周说非也。《封泥考略》卷六有严道橘丞印十六事，又有严道橘园印二十二事。《考略》云，“左太冲《蜀都赋》，户有橘柚之园。刘渊林注引《汉书·地理志》，蜀郡严道出橘，有橘官。知班史本注橘官，后乃误为木官耳。橘丞即橘官。”按陈说是也。周据《容斋随笔》作木官，反疑刘注误引，可谓颠倒黑白矣。然则宋本书必无误字耶？莽曰严治。

【补注】先谦曰：《续志》，后汉属蜀郡属国。《一统志》，故城今雅安县西。

【编者按】治今四川荥经县。

绵虬〔道〕，

【补注】先谦曰：后汉因。《续志》作绵虬道。《一统志》，故城今保县南。保县、汶川、灌县，皆其地。

玉垒山，湔水所出，东南至江阳入江，

【补注】先谦曰：江阳，犍为县。玉垒山，在今松潘卫境。《蜀都赋》，廓云关以为门，包玉垒而为宇。刘逵注，玉垒山名，湔水出焉，在成都西北，岷山界在后，故曰宇。灵关在前，

故曰门也。《说文》，湔水出蜀绵虬玉垒山，东南入江。《江水注》，又有湔水入焉。水出绵虬县之玉垒山。吕忱云，一曰半浣水也（案此因《说文》而误）。先谦案，下入邽。

过郡三，

【补注】先谦曰：蜀、广汉、犍为。行千八百九十里。

【颜注】应劭曰：虬，音斯。〔师古曰〕：湔，音子千反。

【中华校】〔师古曰〕三字据景祐、殿本补。

【编者按】治今四川汶川县西南。

旄牛〔道〕，

【补注】先谦曰：《续志》，后汉属蜀郡属国。《后书·西羌传》，羌各自为种，或为犍牛种，越嶲羌是也。《水经·沫水》篇，作旄牛县，江水、青衣水《注》作旄牛道。案县以都尉主外羌，作道未尝不是，然两《汉志》究无道字，仍以县为正。《一统志》，故城今清溪县南。《江水注》，布仆水出徼外成都西沈黎郡，武帝以蜀郡西部邽作理旄牛道。天汉四年，置都尉，主外羌，在邽嶰山表。

【编者按】沈黎郡主犴都夷，武帝元鼎六年置，治犴都。天汉四年罢，犴都亦省，故不见志。沈黎郡当领有犴都、青衣、旄牛、严道、徙五县。参见《西汉政区地理》下篇二章四节。鲜水出徼外，南入若水。

【补注】先谦曰：《若水注》，鲜水一名州江，大度水出徼外，至旄牛道，南入若水。先谦案，以地望测之，当

即今坝拉河南入鸦蓉江者。州江大度水五字，水名不合，当有羡文。

若水亦出徼外，南至大犴入绳，

【补注】先谦曰：大犴，越嶲县。《若水注》、《山海经》云，南海之内，黑水之间，有木名曰若木，若水出焉。若水沿流间关蜀土，东南流，合鲜水下入邽都。先谦案，据舆图，若水出西番巴延喀喇山，南流千余里，迳敏尔雅克山西，为鸦蓉江，又南迳多什拉岭，坝拉河水入之，下入西昌县境。注又云，绳水自越嶲遂久来，南迳旄牛道，下入大犴。先谦案，金沙江东距清溪甚远，似绳水迳遂久后，不能越若水而上至旄牛。道元盖误。

过郡二，

【补注】先谦曰：蜀、犍为。

行千六百里。

【颜注】师古曰：犴，音才各反。

【补注】刘奉世曰：里数盖误。钱坫曰：自占对入境，至入金沙江，约一千六百余里。

【编者按】治所今四川汉源县南一带，确地无考。

徙，

【颜注】师古曰：音斯。

【补注】先谦曰：徙，国名，见《西南夷传》。一作斯榆，见《司马相如传》。亦称斯都，见《蜀志·张巖传》。徙斯音同。《续志》，后汉属蜀郡属国。《一统志》，故城今天全州东。

【集释】陈直曰：《封泥考略》卷七有“徙右尉印”封泥。吴式芬考云，印文作徙甚明，似非徙字，疑今本

《汉书》有误。颜注音斯，亦不读为迁徙之徙。

【编者按】治今四川天全县东。

湔氏道，

【补注】先谦曰：湔氏，盖氏名也。孝惠三年，蜀湔氏反，见《史·将相表》。《续志》，后汉因。《一统志》，故城今松潘厅西北。

《禹贡》岷山在西徼外，江水所出，东南至江都入海，

【补注】先谦曰：江都，广陵县。《禹贡》山水泽地篇，岷山在湔氏道西，与志合。《江水》篇，岷山在湔氏道县，大江所出，东南过其县北，注云，岷山即湔山，水曰湔水，又谓之汶阜山。《益州记》云，江原始发羊膊岭下，东南下百余里，至白马岭而历天彭阙，亦谓之天彭谷，又东迳汶关而历氏道县北（蜀汉改氏道），武帝元鼎六年分蜀郡北部，置汶山郡以统之，县本秦置，后为升迁县（晋改），江水下入蚕陵。

先谦案，《华阳国志》，岷山一名沃焦山。其跗曰羊膊，江水所出。《尚书地理今释》，岷山跨雍梁二州，自陕西巩昌府岷州卫以西，大山重谷，谿谿起伏，西南走蛮笮中，抵成都府西境。凡茂州、雪岭、灌县、青城，皆其支脉，而导江之处，则在今松潘卫北西番界之浪架岭，《汉志》所云湔氏道西徼外也。《一统志》云，俗名潘州河，出西夷哈吗鼻浪架岭。岷汶字同，古从民从文之字，多相假借。天彭阙，云在灌县西北（《华阳国志》）及彭县彭门山者（《明一统志》），并非。

过郡七，行二千六百六十里。

【颜注】师古曰：音丁奚反。

【补注】齐召南曰：案里数大误。江为南纪巨川，自蜀至海，即以地形东西直计，亦五六千里，况水道纡曲乎。过郡七，七字其上不有脱文，则字误也。且湘、汉、沅皆入江之支水，汉由西县东南至江州入江，曰行二千七百八十里；湘由零陵北至酃县入江，沅由故且兰至益阳入江，亦曰行二千五百三十里；以岷江之远，从西塞蟠折巴蜀，襟带荆扬，其里数乃仅与沅、湘埒，反不如汉水之长乎。此为转写脱误，灼然易晓。又案，宋本旄牛下，班氏自注，鲜水、若水云云之外，有刘奉世曰里数盖误八字，鲜、若源出徼外，里数难以测量，疑此八字当注此条之下。

阎若璩曰：《水经》江水东过夷陵县南。注说宜昌县流头滩，而引袁山松云，自蜀至此五千余里。干宝《晋纪》，吴使纪涉如魏，司马昭问吴戍备几何。对曰，西陵至江都，五千七百里。宜昌今宜都县，在西陵之东，自江发源松潘，至此四千四五百里。西陵今宜昌府治东湖县，自此至江都，不过四千里。山松与涉言皆夸，然共计亦当有八千余里，二当作八。

王念孙曰：赵一清《水经注释》云，今本《汉书》误也。宋本是过郡九，行七千六百六十里。《禹贡锥指》云，今江水所过，于汉为蜀郡、犍为、巴郡、南郡、长沙、江夏、豫章、庐江、丹扬、会稽、广陵，凡十郡一国。易祓云，江源自松州交川县至夷陵，凡四千三百三十里。自夷陵至泰州，凡

三千六百三十里，是江自松潘至泰州，行七千九百六十里。自泰州至海门又四百里，通计八千三百余里。据此，则俗本《汉书》固非，而宋本亦未合也（以上《水经注释》）。案后人所计江行里数，未必与班志原文相符，且志但云至江都，则里数固不及八千也。《锥指》又云，行二千二百六十里，二当作八，或是七，其言或是七者，正与赵氏所见宋本合。又《说文系传》水部江下引《汉志》云，过郡九，行七千六百六十里。郡数里数，皆与宋本同，则是旧本相承如此，宜据以订正。

【集释】王峻曰：胡朏明曰，以《尚书纂言》易氏之说考之，江自松潘至泰州行七千九百六十里，自泰州至海门入海又四百里，通计八千三百余里，志云二千六百六十里，其误无疑。二当作八，或是七。而释《汉书》者曾无驳正，岂近世传写之误，古本不若是欤？

【编者按】治今四川松潘县北。

汶江〔道〕，

【补注】先谦曰：后汉因。《续志》作汶江道。刘注，《华阳国志》云，泔水、驺水出焉，多冰寒，盛夏凝冻不释。孝安延光元年复立之为郡。《一统志》，故城今茂州北。

【编者按】武帝元鼎六年分蜀郡北部置汶山郡，立冉駹夷，以汶江道为郡治，领蚕陵、湍氏道、广柔、绵虬道诸县。据《后汉书·西南夷传》，宣帝地节三年省并，为蜀郡北部都尉，由此知本志汶江下可能脱注北部都尉。

又常璩《蜀志》云：“汶山郡本蜀郡北部冉駹都尉”，是汶江道先已为冉駹都尉治。参见《西汉政区地理》下篇二章五节。

泔水出徼外，南至南安，东入江，过郡三，行三千四十里。

【补注】先谦曰：泔，当作泔。《江水注》，泔水出徼外，迳汶江道。吕忱云，泔水出蜀。许慎以为泔水也。出蜀汶江徼外，从水我声。先谦案，道元言泔水迳汶江道，因弥缝班志，致有此误。水迳汶江道者，皆入于江，无别行至南安方入江之水，泔水经行，不涉汶江道境，志文泔水二十一字，疑当在广柔下，传写误移之，而酈注如此，盖其误久矣。三当为二，蜀、犍为，据舆图，泔水出西北小阿树土司中，东南流，合阿坝土司一水，又南至党坝土司，合梭磨土司两水，又南迳大金川勒乌围西，又南迳章谷屯，合小金川诸水，为大渡河，因青衣、大渡水合于斯川，故蒙大渡之名，泔水又西南，迳下鱼通砦，合巴旺巴底二土司三水，又南格濯河水左入之，打箭炉诸水，合为钭河，右入之，又南迳泸定桥，历沈边土司、松林地土司之间，左合三水，右合五水，又折而东，老鸦漩河合三水入之，又东入清溪境，汉旄牛县也。流沙河合数水自清溪县南流注之，又东金水河，合数水南流注之，又东南迳曲曲乌，越崧河水自越崧厅合诸水迳邛部土司东北流注之，泔水又东，峨眉厅二水东北流注之，下入峨眉县境。

江沱在西南，东入江。

【颜注】师古曰：沱，音徒何反。

【补注】先谦曰：《禹贡》山水泽地篇，益州沱水在汶江县西南。其一，在郫县西南，皆还入江，与志合。《江水注》，江水自蚕陵来，又六十余里，至北部，始百许步，又西百二十余里，至汶山故郡（此宣帝废郡），广二百余步，又西南百八十里至湿坂，江稍大矣，东北百四十里，曰嵎山，中江所出，东注大江。郭景纯《江赋》曰，流二江于嵎嵎，又东百五十里曰嵎山，北江所出，东注大江。《山海经》云，嵎山，江水出焉，东注大江，其中多怪蛇，江水又迳汶江道，又合湔水（见绵虬），又东别为沱，开明之所凿

也，县即汶山郡治（蜀汉置），渡江有笮桥。

【编者按】治今四川茂县北。

广柔，

【补注】先谦曰：《续志》，后汉因。《一统志》，故城今汶江县西北。

【编者按】治今四川汶川县西北。

蚕陵。莽曰步昌。

【补注】先谦曰：《续志》，后汉因。《一统志》，故城今松潘厅叠溪营西。

【编者按】治今四川茂县北。

犍为郡

犍为郡，

【补注】阎若璩曰：郡治犍道，以《西南夷传》知之。《元和志》云，昭帝时，犍为郡自犍道移理武阳，今眉州彭山县西北五里有犍为故城，是犍为郡先治犍道，后治武阳也。段玉裁曰：犍，宋本《说文》从木。《隶释》云，汉碑皆作犍为。先谦曰：《续志》，后汉治武阳。

【集释】陈直曰：汉代金石刻辞，犍为皆作犍为，从木不从牛，盖假借字。自隋仁寿四年犍为权始写作犍为，与文献相同（南陵徐氏藏，拓本）。武帝建元六年开。

【补注】先谦曰：开郡事详《西南

夷传》。

莽曰西顺。属益州。

【颜注】应劭曰：故夜郎国。

【补注】先谦曰：《续志》，后汉因。又犍为属国下云，故郡南部都尉，永元元年以为属国都尉，别领二城。户十万九千四百一十九，口四十八万九千四百八十六。

县十二：

犍道，莽曰犍治。

【颜注】应劭曰：故犍侯国也，音蒲北反。

【补注】先谦曰：《说文》，犍，犍

为蛮夷。后汉因。《一统志》，故城今叙州府宜宾县治。

【编者按】治今四川宜宾市西南。

江阳，

【补注】先谦曰：景帝封苏嘉为侯国，见表。《续志》，后汉因。《一统志》，故城今泸州治。

【编者按】治今四川泸州市。

武阳，

【补注】先谦曰：张仪、司马错获蜀王开明于此，见《蜀本纪》。太初四年，益州刺史任安城之，后遂为郡治，见《华阳国志》。

有铁官。

【补注】先谦曰：据《元和志》、《舆地纪胜》，地有铁山。

莽曰戡成。

【补注】先谦曰：后汉因，郡治。《一统志》，故城今彭山县东十里。《江水注》，江水自蜀广都来，东南过武阳县，县故大夜郎国，武帝开道，置以为县。

【编者按】治今四川彭山县东。

南安，有盐官、铁官。

【补注】钱坫曰：南安，本属蜀郡，见《邓通传》。后改属也。先谦曰：高帝封宣虎为侯国，见表。《续志》，后汉因。《一统志》，故城今夹江县西北二十里。

【编者按】治今四川乐山市。

资中，

【补注】先谦曰：《续志》，后汉因。《一统志》，故城今资阳县北。

【编者按】治今四川资阳市。

符，

【补注】先谦曰：县在江阳县东二百里，武帝元鼎二年置，见《华阳国志》。

温水南至鼈入黠水，黠水亦南至鼈入江。

【补注】洪亮吉曰：鼈水为今湘江、温水。黠水为今合湘江之洪江、仁江。洪江出娄山关南山，东南流至遵义东境之清乘桥北，有凤皇溪东北自绥阳西山西南流来会，又东南入湘江。仁江在遵义城东南五十里，源出永安驿山涧，下流合湘江。班云至鼈入江者，谓入延江水也。先谦曰：鼈，牂柯县。《延江水注》，温水亦曰煖水，出符县而南入黠水，黠水亦出符县，南与温水会。阨咽谓之阨水，下入鼈。入江，当作入延，与下汉阳一例。黠即黔字。莽曰符信。

【颜注】师古曰：咽，音蔽，又音鼈。黠，音纪炎反。

【补注】先谦曰：《续志》作荷节。《一统志》，故城今合江县西。

【编者按】治今四川合江县。

牛鞞，

【颜注】孟康曰：音鞞。师古曰：音必尔反。

【补注】先谦曰：《华阳国志》，县去郡三百里。元鼎二年置。有阳明盐井，即牛鞞井也。《续志》，后汉因。

《江水注》，雒水合绵水（湔水）自广汉新都来，又迳牛鞞县，为牛鞞水，县以元封二年置（与《国志》异），牛鞞水下入资中。《一统志》，故城今简州东。

【编者按】治今四川简阳市。

南广，

【补注】先谦曰：武帝太初元年置，见《华阳国志》。后汉因。《一统志》，故城今珙县西南。阮元《云南通志稿》云，今镇雄州。《延江水》篇，延江水出南广县，东流下入牂柯江。先谦案，本志汉阳下，汉水入延；牂柯江下，江入延。班氏载入延之水，无反置延江大水不录之理。今志既无之，道元《延江水注》又不引《汉志》，则传写夺文久矣。洪亮吉《延江水考》云，乌江即古延江也。出贵州威宁州东北山，东北流，山接四川屏山县境，距犍道县不远。《元丰九域志》戎州南溪郡治犍道，其地界，东南至南广蛮百八十里。知威宁东北境，在汉为南广县地，至宋时为苗踞，故曰南广蛮也。先谦证以图志，延江水出威宁城西山，潴为八仙海，东北流迳州城北，又东迳黑章汛，右有黑章水入之，又东北，迳七星关，为七星水，左有三道水入之，余见江。

汾关山，符黑水所出，北至犍道入江。

【补注】先谦曰：《江水注》，符黑水出南广县（刘禅立南广郡），导源汾关山，北流，合大涉水，下入犍道。据《志稿》，符黑水，今南广水，一曰宋江，出镇雄州东北二百二十里威信

州判界，白水黑阳河，桃坝，黑林子，三处合流，经黑墩为黑墩河，会长官司水，亦曰玉贵河，北流经罗星渡，出南广口，又北迳筠连、高二县界，又北迳庆符县西，又东北迳宜宾县入江。《一统志》同。

又有大涉水，北至符入江，过郡三，行八百四十里。

【补注】先谦曰：《江水注》，大涉水出南广县，北流注符黑水，与志文异。过郡三，未详。洪亮吉以为鰲部水，即今安乐水。据《志稿》云，安乐水，俗名赤水河，出镇雄州乌通山，为沱洛河，又为白乌河，东南合苴蚪河，至毕节县北，为赤水河，又东经遵义府，西折而西北，经仁怀县，西折北流，至四川合江县东，入大江。过郡三者，谓自犍为南广，经牂柯江，又经犍为符县，为三郡。又据《水经》，延江水所出南广县，当北自四川珙县，南及镇雄白水江以东，又南至威宁州北境皆见，郤注谓大涉水入符黑水，殊误，使两水果合为一，则源流不出犍为一郡，大涉水何以为过郡三乎。先谦案，《志稿》说是。惟赤水河源，据舆图出水鹿山，为厂丈河，南流合雨洒河、洛甸河，迳毋享司，为毋享河。下流为赤水河，其抵洛、白乌河，乃入乌江之水，疑《志稿》有误。

【编者按】治所在今四川筠连县一带，确地无考。

汉阳，都尉治。山阨谷，汉水所出，东至江入延。莽曰新通。

【颜注】师古曰：阆，音它盍反。

【补注】先谦曰：《续志》，后汉属犍为属国。《延江水注》，汉水出汉阳道山阆谷，下入牂柯，延即延江省文，与人青衣、人绳、人若、人仆、人劳同例。酈注道字盖误。《一统志》，故城今庆符县南。县北八十里有汉阳山。先谦案，庆符、长宁、兴文，皆古汉阳地，据輿图，三县但有人江之水，无人延之水，所当阙疑。

【编者按】治所在今贵州威宁彝族回族苗族自治县、赫章县一带，确地无考。

郿，

【补注】王念孙曰：郿，本作存，此因郿字而误加卩也。《说文》，存，犍为县（宋本如是，今本改存为郿），而无郿字。自《玉篇》始有之。而字书、韵书，皆仍其误。《水经》作郿，亦后人所改。《华阳国志》、《晋书》，尚作存，且师古注，郿字有音，而涖字无音，则本作存明矣。洪亮吉曰：《晋志》作存，今《玉篇》、《广韵》讹郿为郿。《广韵》两载郿、郿县，尤误。

【集释】杨树达曰：王校是也。《封泥考略》卷七有存郿左尉印三事，字皆作存。陈直曰：《汉印文字征》第六，有“存郿右尉”封泥，正作存郿，王说是也。又按，《居延汉简释文》有残简文云，“□□阴桂阳里公士陈□□”，□□阴当即存郿，书阴作郿，盖俗体也。

莽曰：郿。

【颜注】师古曰：郿，音莫亚反。犍，音仕连反。

【补注】先谦曰：《续志》，后汉省。《一统志》，故城今叙州府东南蛮界。《志稿》云，在今贵州、威宁州境。先谦案，郿，隋代复置，唐因之，隶犍为。天宝初更名义宾，改隶戎州，宋改为宜宾，今叙州宜宾县，《一统志》文可据。但宜宾县治，在金沙、岷江水会，前志以为汉犍道治，金沙江自北流屈而东，出宜宾之右，则郿当在宜宾之左，跨威宁北境，《志稿》是也。

【编者按】治所在今云南宣威市北一带，确地无考。

朱提，山出银。

【颜注】应劭曰：朱提山在西南。苏林曰：朱，音铢。提，音时。北方人名匕曰匙。

【补注】钱坫曰：余得汉安洗，朱提字作提。案，《玉篇》提即匙字，是义与苏林合。诸葛武侯云，汉嘉金，朱提银，采之不足以自食。谓此。徐松曰：爨龙颜碑阴，有功曹参军朱提、李融之。又作提。先谦曰：朱提银，见《食货志》。《续志》，后汉属犍为属国，为治所。《一统志》，故城今屏山县境。朱提山在宜宾县西五十里。

【集释】陈直曰：汉洗皆作朱提，提字从木。而《封泥考略》卷五有“朱提长印”封泥，提字从手，与志文合。

【编者按】治今云南昭通市。

堂琅。

【补注】先谦曰：《续志》，后汉省。朱提下刘注引《南中志》云，有堂琅山，多毒草。据此，县併入朱提。晋、宋《志》作堂狼。《华阳国志》，县因山为名。《志稿》云，堂琅，今东川

府。

【集释】陈直曰：东汉洗铭，多作堂狼，盖假借字。

【编者按】治今云南巧家县东。

越嶲郡

越嶲郡，

【补注】阎若璩曰：越嶲治邛都，以《西南夷传》知之。先谦曰：据《若水注》，郡治邛都。《续志》，后汉治同。

【集释】杨树达曰：《封泥考略》卷三有越嶲太守章，字作越嶲。又卷四作越嶲都尉章。

武帝元鼎六年开。

【补注】先谦曰：《华阳国志》，司马相如开犍道，通南中，置越嶲郡。《若水注》，通后复反叛。元鼎六年，汉兵自越嶲水伐之，以为越嶲郡。

莽曰集犍。属益州。

【颜注】应劭曰：故邛都国也。有嶲水，言越此水以章休盛也。师古曰：嶲，音行蕊反。

【补注】先谦曰：《通典》、《元和志》并云有越嶲水。《西南夷传》作粤嶲，粤越同字，足征应说之非。《若水注》，莽遣任贵为领戎大尹守之，更名为集嶲。案，《续志》，后汉因，属同也。

户六万一千二百八，口四十万八千四百五。

县十五：

邛都，南山出铜。有邛池泽。

【补注】先谦曰：《续志》，后汉因。《若水》篇，若水自蜀旄牛来，南过邛都县西。注云，邛都县，武帝开邛苴置之，县陷为池，今名邛池，南人谓之邛河，河中有蜂嶲山、越嶲水，即绳、若矣，似随水地而更名矣。《一统志》，故城今宁远府西昌县东南。李膺《益州记》云，邛河土人谓之陷河。《元和志》，陷河在县东南十里，据舆图，今县南有热河塘，疑即此。邛河出泸山溪箐中，流迳瑶山寺，入怀远河。

【编者按】治今四川西昌市东。

遂久，

【补注】先谦曰：《续志》，后汉因。《一统志》，故城今盐源县西。阮元《云南通志稿》云，据下绳水即金沙

江，遂久当在金沙江入边处，《后书·南蛮传》注，遂久在今靡州界。《唐志》，靡州南接姚州，领么豫七部二县。又徽州北接靡州，领深利十部二县。又《名胜志》，汉遂久在金沙江北，古称为白门，是遂久当在江北，唐靡州地。唐靡州，在徽州北，又南接姚州，当在今永北厅迤西，北至中甸厅金沙江，而徽州则顺州土司境也。绳水出徼外，东至樊道入江，

【补注】先谦曰：官本，道下无人字，引宋祁曰：道字下当添入字。嵩道，犍为县。《若水注》，绳水出徼外。《山海经》云，巴遂之山，绳水出焉，东南流，分二水，一下入蜀广柔，一下入蜀旄牛。据《志稿》，金沙江出西藏卫地巴萨通拉木山，即古犁石山，在黄河源西，径千五百里，曰木鲁乌苏。《山海经》云巴遂之山，即巴萨通拉木山也。遂萨音转字变，上古之书，迢遥数千载，尚堪印证矣。

过郡二，行千四百里。

【补注】先谦曰：二，当为三。过越嵩、蜀、犍为。金沙江入边至叙州府城东，大江水会二千数百里，汉里数又短，知千上有脱字。

【编者按】治所在今云南丽江玉龙纳西族自治县北部，确地无考。

灵关道，

【补注】先谦曰：《司马相如传》，通灵山道，即此。《续志》，后汉因。《一统志》，故城今芦山县西北。

【编者按】治所在今四川峨边县南部一带，确地无考。

台登，

【补注】先谦曰：后汉因。《续志》，出铁。县去越嵩郡三百余里，见《蜀志·张嶷传》。《一统志》，故城今冕宁县东。《纪要》，建昌指挥司北百二十里有泸沽峡巡司，即县故治。

孙水南至会无入若。

【补注】先谦曰：《若水注》，孙水出台登县，一名白沙江，南流下入邛都。据《一统志》，孙水一名长河。《元和志》谓之长江水。出宁番卫北架州窝下，今所谓架州土司，《元和志》云出台登县西北胡浪山中。

行七百五十里。

【颜注】应劭曰：今台高。

【补注】先谦曰：台高，县名。盖汉末所改，亦见《若水注》。

【编者按】治今四川冕宁县南。

定祚，出盐。

【补注】先谦曰：《华阳国志》，县在郡西三百余里，本摩沙夷所居。文颖云即祚都，沈黎郡治。《续志》，后汉因。刘注，《国志》云，度泸水宾冈徼，曰摩沙夷，有盐坑，积薪以齐水灌而焚之，成白盐，汉末，夷等皆錮之。《一统志》，故城今盐源县南。《志稿》云，凡言笮者，夷人于大江水上置藤桥，谓之笮。定祚，今盐源，西去泸水甚远，不能跨泸而西，考永宁土府，东北有泸沽湖，其东为盐井河，所谓渡泸水者，盖即此是。定祚，当自盐源县西，兼有永宁土府，浪蕖土州，南涧土州同诸处。先谦案，《元和志》，昆明县东北至嵩州三百里，本汉

定祚县，后没蛮夷，周武帝立定祚镇，唐武德中，于镇置昆明县，盖南接昆明之地，因名。又唐宋皆以若水为泸水，似不必专指泸沽湖为泸水也。

步北泽在南。

【补注】先谦曰：《一统志》，泽在盐源县东。陈澧云，盐源县无大泽，但以小池泽当之耳。泸沽湖乃大泽，志必不遗之，疑步北泽即泸沽湖也。先谦案，陈说是。《志稿》云，泸沽湖出永宁土府东左所山阳，广二十五里，南流折而东北。中有三岛，又东北流，百余里入打冲河。

【集释】谭其骧曰：步北泽当即清代地图里盐井南之龙塘。旧说在盐源县东，或说即今左所海（一名泸沽湖），皆误。

都尉治。

【颜注】师古曰：祚，音才各反，其下并同。本祚都也。

【编者按】治今四川盐源县。

会无，东山出碧。

【补注】先谦曰：后汉因。《续志》，出铁。刘注，郭璞云，《山海经》称县东山出碧，亦玉类。《华阳国志》云，故濮人邑，今有濮人冢，冢不闭户，其中多珠，人不可取，取之不祥。有元马河。《一统志》，故城今会理州治。

【编者按】治今四川会理县西。

祚秦，

【补注】先谦曰：后汉因。《续志》或作祚秦，奏秦形近而误。

【编者按】今地无考。

大祚，

【补注】先谦曰：《续志》，后汉因。《一统志》，故城今冕宁县西，绳、若二水合流处。

【编者按】治所当在今四川盐边县与攀枝花市交界处一带，雅砻江与金沙江合流处。

姑复，

【补注】先谦曰：王莽时有夷人大牟叛，见《莽传》。《续志》，后汉因。临池泽在南。

【颜注】师古曰：复，音扶目反。

【补注】先谦曰：《续志》，刘注引《地道纪》，临池泽作盐池泽。陈澧云：临池泽，即今永北厅程海，其水南入金沙江。姑复近鸦砮、金沙二江合流处，其地大泽惟程海。

【编者按】治所当在今云南永胜县北部一带，确地无考。

三绛，

【补注】先谦曰：后汉因。《续志》作三缝。《志稿》，三绛今会理州东南，跨金沙江，江以东之巧家厅，江以南元谋、禄劝县，北撒甸等处皆是。

【集释】陈直曰：《汉印文字征》第十三、五页，有“三绛尉印”封泥，与志文合。《续汉书·郡国志》作三缝，为传写之误字。

【编者按】治今云南元谋县北。

苏示，

【补注】先谦曰：《续志》，后汉因。《国志》作苏祁。《新唐志》，自台登城

南九十里至苏祁县，又南八十里至崙州。《一统志》，故城今西昌县北。《纪要》，即礼州守御所治。

𡵓江在西北。

【颜注】师古曰：示，读曰祗。𡵓，古夷字。

【补注】先谦曰：官本𡵓并作𡵓。𡵓江不见它书，钱坫以为开基河。陈澧云，开基河与泸沽湖会，志既载泸沽湖（见定祚），即兼开基河。或以为在西昌县北，则与孙水混，盖盐源县盐井河也，其水西入鸦砦江。先谦案，苏示在西昌北，则开基盐井二河，皆在县西南，不在西北，然舍二河无足当𡵓江者，开基距苏示远，今从陈说。

【集释】谭其骧曰：依地望推测，𡵓江疑即今沙坝河。

【编者按】治今四川西昌市北。

阌，

【颜注】师古曰：音兰。

【补注】先谦曰：官本注作音阌。后汉因。《续志》作阌。《华阳国志》，县故邛人邑，治邛都城。案，《宋志》沈黎郡领兰县，汉旧县作阌，然则作阌是也。《一统志》，故城今越崙厅北。

【编者按】治今四川越西县北。

卑水，

【颜注】孟康曰：音班。

【补注】先谦曰：《续志》，后汉因。《华阳国志》，县距郡三百余里，水通马湖。《一统志》，故城今会理州东北。《纪要》，在越崙卫指挥司东南，近马湖江。

【编者按】治所当在今大凉山南麓，

四川昭觉、雷波、美姑县交界处一带。

灋街，

【颜注】师古曰：灋，音潜。又音才心反。其下亦同。

【补注】先谦曰：《汉志》，后汉省。据《志稿》，以为今剑川州，又鹤庆州，亦灋街地。

【集释】谭其骧曰：灋街故城，各种古代地理著作都没有记载到。清代学者提出了三种说法：阮元《云南通志稿》说“即今剑川无疑”，汪士铎《汉志释地略》说“在今西昌东南”，吕调阳《汉书地理志详释》说“疑为今黄螂土司，在雷波之东”。三说中以阮说最为通行，王先谦《汉书补注》，杨守敬《前汉地理志图》都采用了它；其次为汪说，谢钟英《三国疆域表》从之；独吕说以其书大都出于向壁虚造，穿凿附会，向不为学者所重，故无人理会。实际三说都并没有提出可信的论据，都不过是一种推测。吕说从铨释字义立论，说是黄螂“司东江中有落瓮口，与大鹿溪之瀑水潜通也；街者，水入多仍复出也”，固然很荒唐可笑。汪书例不著论证，更无从审核其是非。阮说的来历，是由于他先肯定了汉志青蛉县下的临池灋即今剑川县东的剑湖，又认为灋街是名于临池灋，因而得出了灋街即今剑川的结论。可是他对立说的出发点临池灋即今剑湖这一点，却并未申述理由；推测起来，可能是由于灋、剑二字读音相近之故，这当然也是不成其为理由的。所以对于这样一个问题，我们是不应该简单地用从众的办法来解决的，必

须要进一步从多方面予以考索。

首先要解决的是临池瀾地属何县的问题。阮元认为瀾街得名于临池瀾这一点是合理的，因为瀾字用于地名的很少见，二者同在一郡，不应无关。但今本志文“临池瀾在北”一句系于青蛉县下，阮氏对此竟深信不疑，那就无法自圆其说。试问，一县的县名，怎能得名于他县境内的山川泽藪呢？我们认为这一句是错简，原文当在瀾街县下。何以知道是错简呢？因为：瀾街当得名于临池瀾，临池瀾当在瀾街县境，此其一。志文瀾街、青蛉相连接，错简的可能性很大，此其二。青蛉县北境，并无大泽，若非错简，临池瀾便无可指，此其三。第一、第二两点无须解释，第三点需要解释一下。

清代学者由于他们没有怀疑到“临池瀾在北”这一句排在青蛉县下有问题，因此他们考释青蛉县与临池瀾的位置，不得不陷于顾此失彼的窘境。有的顾全了青蛉县的故址，就强指临池瀾为姑复县南临池泽即今程海（见上释）的别名（见赵一清《水经注释》，吴卓信《汉书地理志补注》）。有的以今剑湖为临池瀾，就硬把青蛉故城位置在今剑川之南（陈澧《汉书地理志水道图说》置于剑川邓川间，阮元《云南通志》以为在今云龙）。这两种说法显然都是断难成立的。汉志所载池泽多至数十，例止一见，何尝有一个复出？大到象县区（今太湖）、彭蠡（今鄱阳湖）那样都并不例外，何至对这个较小的临池泽反要破例？假如作者存心要两见，自应采用同一名

词，何以偏要时而作泽，时而作瀾？可见泽与瀾尽管同样冠以“临池”二字，衡以汉志义例，却决不能混为一谈。至于青蛉故城在今大姚江流域或一泡江流域，那是有很明确的史料可据的（释见青蛉县下），当然更不容凭臆把它移置到洱海以西、剑川以南去。怎样才能不至于顾此失彼呢？那就必须先肯定临池瀾与青蛉县无关，“临池瀾在北”一句原文应在瀾街县下。

杨守敬的《前汉地理志图》可能已悟到了这一点，故图中一方面从阮说指剑湖为临池瀾，置瀾街县于剑湖之南，另一方面又不从阮氏关于青蛉县故址的说法，仍置一泡江流域。但杨氏这样处理只是解决了临池瀾的县属问题，还是没有找出临池瀾与瀾街县的正确位置来。这是因为要达到这一目的，必须经历两个步骤，而杨氏只走了第一步，没有走第二步。

临池瀾与瀾街县究应何在？单是看汉志是得不出圆满的结论来的。汉志之外古籍中只有晋人常璩所著《华阳国志》记载到瀾街县。常志记载很简略，可就是由于这点点简略的记载，解决了我们的问题。这就是杨守敬所未能到达的第二步。

据常志，瀾街仍属越嶲郡，但两汉属越嶲的青蛉、遂久二县，蜀汉以来已改属新置的云南郡。按青蛉、遂久二县在越嶲郡的西南，今剑川县更在其西，既然在青蛉、遂久改属云南之后瀾街仍得属越嶲，可见瀾街决不可能在今剑川一带，阮、杨诸氏之说必误无疑。又汉志瀾街列在卑水之后，常志同，瀾街之后又有安上、马湖二

县。按卑水故城当在今雷波县西北，已见上释，安上故城约当在今屏山县境，马湖故城在今雷波县境，濞街夹在这三县之中，这不能不使我们设想到濞街县亦当在越嶲郡的东北境，即今雷波、屏山一带。找濞街县故址的先决条件就是要找出一个可以指实为临池濞的著名湖泊来。这一带的大湖有两个，一是马湖，一是龙湖。常志既另有马湖县，则马湖当在马湖县境内，不属濞街，不是临池濞。龙湖据清一统志在今黄螂所南五里，长二十里，广五里（今地图上仍有）。它的特点是湖水与金沙江“同消长，日夕作潮”，正符合临池濞的“濞”字的名义。由此可见，临池濞无疑即今龙湖，濞街故城的正确位置应在今龙湖之南。上举清代学者释濞街故址三说之中，第一、第二两说都错了，倒是出于吕氏详释的第三说，其全书虽极不可信，但在这一点上，却被他说得虽不中，亦不远。不过就其立说的论据看来，这一不中不远的结论，显然不能说是由于考证得来的，只是偶然的巧合而已。而清代这么许多学者之所以不能正确地解决这一问题，关键在于：一，不知“临池濞在北”一句是错简；二，只知就汉志考释汉志，没有注意到其他古籍记载。

【编者按】治所在今四川雷波县境。

青蛉。

【补注】先谦曰：《续志》，后汉因。《元和志》，青蛉旧县，夷名大姚堡，与桥栋川相接。《一统志》，故城今大姚县治。

【集释】陈直曰：西安汉城遗址曾出土有“越归义蜻蛉长印”，知本志作青蛉者为省文，其地与朱提、堂琅，皆产银铜。先考辅卿府君曾语不肖兄弟云，青蛉当为蜻蛉之省文，堂琅为螳螂之假借，犹巴郡胸忍县，因出胸忍虫而名县也。现以蜻蛉印文证之，知其说确不可易。

临池濞在北。

【补注】先谦曰：临池濞即临池泽也，以地望推之，即永北厅程海，南流入金沙江，当大姚北境。

【集释】谭其骧曰：此句原文当在濞街县下，错简在此，释见濞街条。

仆水出徼外，东南至来惟入劳，

【补注】宋祁曰：惟，后作唯。王鸣盛曰：惟，南监本作唯，是。先谦曰：《续志》刘注，有盐官。濮水出（濮当为仆）。来唯，益州县。《江水注》，布仆水自邛都来，东南至青蛉县，入仆水。仆水下入益州邪龙。先谦案，布濮水不至青蛉县，辨见邛都。据《志稿》，仆水即礼社江，出蒙化厅西北定西岭土司花判山，东南流迺厅城南，为阳江。定边河、窝接河合流注之，又东与白岩江水合。又《志稿》以白岩江为礼社江东源，阳江为西源，由不知白岩江为贪水也。今案阳江当为礼社经流，白岩江断属青蛉所出之贪水，形势吻合。

【集释】谭其骧曰：仆水当即今之元江，其上游指今源出巍山县西北的阳江。来唯，益州郡属县，当在今滇越界上。劳水，应即今之李仙江。（本志来唯下，劳水出徼外，东至麋泠入南海。麋泠，交趾郡属县，故城在今

越南河内西北越池境内。) 微外二字疑是衍文, 或系班志原误, 因为仆水发源处若在微外, 那么益州郡西部的叶榆、不韦、比苏、嵩唐四县, 势必和东部的二十县相互隔绝, 那恐怕是不会有事。

系仆水于青蛉县下, 不仅班志如此, 常志、郾注亦复如此。但此项记载是否正确, 事实上很成问题。本志叶榆下, “贪水首受青蛉, 南至邪龙入仆。”《水经·江水注》, “贪水出青蛉县, 上承青蛉水, 径叶榆县, 又东南至邪龙县入于仆。”可见贪水除自青蛉水别出处在青蛉县境外, 其下径流全在益州郡属叶榆、邪龙二县境内, 仆水上游更在其西, 怎么可能还是青蛉县的属境呢? 班、常、郾三家的记载可能同出于一源, 也可能班志即系常志、郾注所本, 我们正不必因三家记载相同, 便尔肯定其正确性。据地望推断, 仆水当源出叶榆, 下入邪龙, 与青蛉无涉。

过郡二, 行千八百八十里。

【补注】先谦曰: 过越嶲、益州。

【集释】谭其骧曰: 如上所考, 仆水自叶榆发源至来唯入劳, 全在益州郡境内。志作过郡二, 当指越嶲、益州而言, 由此可知系仆水于青蛉县下, 确系班志原文, 并非后来错简。

元江下流是越南境内的富良江, 与李仙江的会流处在今河内西北, 自阳江发源地至此, 计程当在汉里二千以上, 而志作一千八百八十里; 又二江会流处距交趾郡属诸县近而距来唯远, 也不该在来唯境内。大致汉代人对于今滇越边界附近的水道, 已不甚了了,

故误以为仆水南至来唯即入劳(《江水注》同)。

(则) [有] 禺同山, 有金马、碧鸡。

【颜注】应劭曰: 青蛉水出西, 东入江也。师古曰: 蛉, 音零。禺, 音愚。

【补注】先谦曰: 则, 当作有。《续志》, 有禺同山, 俗谓有碧鸡金马, 是其证也。《淹水注》, 淹水自遂久来, 东南至青蛉县, 有禺同山, 其山神有金马碧鸡, 光景修忽, 民多见之。淹水下入姑复。又《若水注》, 青蛉水出青蛉县西, 东迳其县下, 县以氏焉。有石猪圻, 长谷中有石猪子母数千头, 长老传言, 夷昔牧此, 一朝化为石, 迄今夷人不敢往牧。贪水出焉。青蛉水又东入绳若水。先谦案, 本志益州叶榆下云, 贪水首受青蛉, 班无置青蛉原委不言之理。此注, 青蛉水出西, 东入江。当为班志原文。应劭曰三字衍。入江者, 入绳若水也。

又《江水注》, 贪水上承青蛉县青蛉水, 下入益州叶榆。先谦案, 《一统志》、《纪要》, 皆以出姚州南入金沙江之大姚河为青蛉水, 与郾注不合。青蛉县为大姚, 此水出其南, 非出其西也。青蛉水即大姚西之青龙海, 出云南县北二十五里之梁王山, 西南流, 纳诸山水, 又南, 迳团山坝东, 为青龙、品甸二海, 又合为一, 东北迳老虎关为一泡江, 又北迳北极山, 左合米甸水, 又右合一字水入金沙江, 此青蛉水出西, 东入绳若水也。其自团山坝支分者, 南流为万花溪, 此贪水自青蛉水出也。又东南纳二水为白岩

江，又东迳苍山北，与阳江合，又东南为礼社江，此贪水入仆也。

【集释】谭其骧曰：证以本志益州叶榆下叙贪水作“首受青蛉”，可见班志原文在此县下当有关于青蛉水的记载，传写脱去。或疑今本注引应劭曰“青蛉水出西，东入江也”一句应为班志原文，“应劭曰”三字衍。但青蛉水流注今金沙江，于班志为绳水，此作入江不作入绳，不像是班固原文。

青蛉水当今何水？青蛉县故城在今何地？这是两个相互牵连而不容易作出明确解答的问题。从本志叶榆下“贪水首受青蛉”一语（《水经·若水注》）看来，贪水大致可以确定即今礼社江的东源白岩江，则青蛉水当即今一泡江。因为白岩、一泡二江同源而异流，若以发源部分归之一泡江，则一泡正为白岩所自出，与贪水首受青蛉之说符合。（据清代舆图和清人记载，白岩、一泡二江之源出今祥云县西北梁王山，东南流至县城西北分为二派，一支东流潞为青龙、品甸二海，下流为一泡江，一支南流为万花溪，下流为白岩江；但在近几十年来的新地图中，一泡江出自祥云东南境，已与梁王山水源隔绝。）青蛉水既是今之一泡江，据《水经·若水注》青蛉水出青蛉县西，东径其县下，则青蛉故城当在今一泡江江侧。但一泡江下游

是北流入金沙江的，与本志注引应劭曰“东入江也”，《水经·若水注》“青蛉水径县下，又东注于绳水”记载不合。又据《隋书·史万岁传》，万岁征“爨蛮”，入自青蛉川，经弄栋（今姚安），然后进度西洱河（今洱海），则青蛉水的下游当在今姚安之东北；若青蛉水即今一泡江，下游在姚安西北，那么既入自青蛉川，自当径行西向渡西洱河，何须经过弄栋？《读史方輿记要》、《清一统志》皆以今大姚河为青蛉水，今大姚县为青蛉县，这是符合于应劭、郾道元青蛉下游东流入绳之说和史万岁征爨的路线的；但大姚河去白岩江甚远，二水不相关涉，又与贪水首受青蛉之说不合。既然一泡江和大姚河各有一部分符合，同时又各有一部分不符合于古人关于青蛉水的记载，因此我们认为实际情况应该是：由于古人对这一带的水流原委了解得不够清楚，所以他们误以大姚河为一泡江的下游，班志、郾注所谓青蛉水，上游指近代自祥云东流的一段一泡江而言，下游又指今大姚以东的大姚河而言。至于青蛉县故城，《清一统志》据《元史·地理志》元大姚县即唐青蛉县的记载，推定汉县亦当在此，其说可信。

【编者按】治今云南大姚县。

益州郡

益州郡，

【补注】阎若璩曰：郡治滇池，以《西南夷传》知之。先谦曰：据《温水注》，郡治滇池。《续志》，后汉治同。武帝元封二年开。

【补注】周寿昌曰：《武纪》元封二年遣将军郭昌，中郎将卫广，发巴蜀兵平西南夷未服者，以为益州郡。而《江水注》引《地理风俗记》云，华阳黑水惟梁州，武帝元朔二年改梁州为益州，以新启犍为、牂柯、越巂，州之疆壤益广，故称益云。案，元朔二年，帝方有事朔方，收河南地，置朔方、五原郡，尚未及收服巴蜀，应说误也。

莽曰就新。属益州。

【颜注】应劭曰：故滇王国也。师古曰：滇，音颠其，下并同。

【补注】先谦曰：《续志》，后汉因。户八万一千九百四十六，口五十八万四百六十三。

县二十四：

【补注】钱大昭曰：《昭纪》始元元年，益州廉头、姑缯，牂柯、谈指、同并二十四邑皆反。《西南夷传》同。今志中牂柯郡有谈指、同并，而益州郡无廉头、姑缯，或是改名，或是并省，不可知矣。

滇池，

【补注】先谦曰：《说文》，滇，益州池名。楚武王时，庄蹻至此王之，见《西南夷传》。《续志》，后汉因。《一统志》，今昆明宜良呈贡县，晋宁州地，故城今晋宁州东。阮元《云南通志稿》云，汉滇池治，当在宜良县地，大泽、滇池，是二，在西、在西北，方位又不同，大约大泽今阳宗海子，滇池乃今昆明海子。阳宗海子在西，非今宜良而何，第滇池为郡治，当较他县稍广，今晋宁州，及并入呈贡之废归化县，皆当属之，惟宜良北境当属昆泽县耳。

大泽在西，滇池泽在西北。

【补注】先谦曰：《温水注》，温水自味来，西南迳滇池城，池在县西，周三百许里，上源深广，下流浅狭，似如倒流，故曰滇池。先谦案，阮福云，《上林赋》文成颠歌。文颖注，颠县，其人能作西南夷歌，颠与滇同。然则武帝前滇池县，本作颠县，后人因池加水为滇耳。滇池读作颠池，以颠为义。《说文》颠，顶也。言益州各水，四面下注于卑地，此县之地与池独居高顶。如金沙江，在滇池东北，流至普渡河，因颠高不能南注，折往东北，入四川叙州矣；澜沧江在金沙江之西，因颠高不能东注，即往正南入南掌国界矣；南盘江因颠高不能北注，而东行入广西矣，车洪江因颠高不能西注，亦东北入金沙江矣。皆因

滇池居地高颠之故也，不当以颠倒为义。大泽，《志稿》以为阳宗海子，是也。阳宗元旧县，在今河阳县东北四十里。阳宗海子在县北，周七十余里。有黑水祠。

【补注】陈澧曰：黑水今云南怒江，西南流入缅甸国。其水在汉边徼，故但于昆明县望祀之。怒江上源，曰哈喇乌苏。蒙古谓黑曰哈喇，水曰乌苏，其为古黑水无疑。《五经异义》云，以今汉地考之，自黑水至东海，经略万里。《禹贡》导黑水，郑注，今中国无也。合二说观之，则汉地至黑水而尽，故班志不著其源流耳。先谦曰：黑水即怒江，详见嵩唐下。

【编者按】治今云南晋宁县东。

双柏，

【补注】先谦曰：后汉因。《续志》，出银。《志稿》云，易门县诸志不详，据《叶榆水注》，双柏当东临滇池，又即水至此入仆，则双柏当兼南安耆峨边界，西及新平丁癸江入礼社江处。易门为双柏，似为可据。

【编者按】治所当在云南今县南，确地不详。

同劳，

【补注】先谦曰：《续志》，后汉因。《志稿》云，同劳今南宁县南，陆凉州北。

【编者按】治所当在今云南陆良县西。

铜濊，

【补注】先谦曰：后汉因。《续志》作同濊。《志稿》云，铜濊当在今南宁县西北。今南宁以北，水自西东流入温者为白石江，谈稿在温水东，南宁、沾益东畔，今白水站诸处，白石江即迷水，是马龙为铜濊可知。

谈虏山，迷水所出，东至谈稿入温。

【补注】先谦曰：《续志》刘注，《地道记》云，铜虏山，米水所出。谈作铜，迷作米，形声之变。谈稿，牂柯县。《温水注》，迷水出铜濊县谈虏山，下入谈稿。据《志稿》，迷水出马龙州东南山，中为响水河，东北流合札海子水，又东北合三岔河水，又东南合冯家桥水，又东迳柳家坝为白水江。

【编者按】治所当在今云南马龙县南。

连然，有盐官。

【补注】先谦曰：《续志》，后汉因。《元和志》，连然即滇国螳螂川地。《一统志》，故城今安宁州治。《华阳国志》，县有盐泉，南中所共仰。《志稿》云，安宁为汉连然，其南并入之三泊县，实兼有俞元县地。而安宁西之禄丰，亦连然地也。

【编者按】治今云南安宁市。

俞元，

【补注】先谦曰：《华阳国志》，县在河口洲上。《温水注》，县治龙池州。《续志》，后汉因。《一统志》，今河阳

县地。《志稿》云，《南齐志》，晋宁七县，有俞元，诸志以为潞江江川。案，当属今昆阳及旧三泊县南境，新兴江川，皆是昆阳三泊北境，当分属连然、双柏为是（三泊，元旧县，今隶昆阳）。

池在南，桥水所出，东至毋单入温，行千九百里。

【补注】先谦曰：毋单，牂柯县。《温水注》，桥水，上承俞元之南池，周四十七里，一名河水，下入毋单。《志稿》云，毋单或毋椳之误。毋单属牂柯，不应至彼。毋椳在今宁州，宁州地广，可以南及建水阿迷。先谦案，俞元即河阳桥水所承之俞元，南池即县城南抚仙湖也。《志稿》云，单为椳误，是也。此水以当桥水入温，地望适合。至道元谓即胜休之河水，前人皆疑其误，此湖纳众流而无别出之水，其明证矣，里数亦不合，当有讹文。怀山出铜。

【补注】先谦曰：《续志》作装山。《一统志》以为即罗藏山，在河阳北十里。

【编者按】治所当在今云南澄江县北。

收靡，

【补注】先谦曰：后汉因。《续志》作牧靡。《说文》同。《华阳国志》直作升麻，云山出升麻。段玉裁云，收升牧三字同纽。《隶释》益州太守碑，收靡字三见。《晋志》作牧麻。先谦案，《若水注》，县、山并即草以立名，山在县东北乌句山南五百里。山生牧

靡，可以解毒。百卉方盛，鸟多误食，鸟喙中毒，必急飞往收靡山，啄收靡以解毒也。《志稿》云，收靡在今会泽县寻甸州境。

【集释】陈直曰：《隶释》卷十七，益州太守无名碑，有“故吏牧靡孙□”，碑阴有“故吏牧靡陈汉”，“故吏牧靡杨□”各题名，可证志文收靡为牧靡之误字（上文先谦引《隶释》收靡字之见，收当为牧之误刊——编者按）。《续汉书·郡国志》及《说文》亦作牧靡。李奇注，“收靡即升麻”。《本草》卷五，“升麻生益州山谷中”，与李注合。

南山腊[谷]，涂水所出，西北至越嶲入绳，过郡二，行千二十里。

【颜注】李奇曰：靡，音麻，即升麻。杀毒药所出也。师古曰：涂，音途。

【补注】先谦曰：腊下脱谷字，郡二，益州、越嶲。《若水注》，涂水导源收靡县南山腊谷，西北流下入越嶲郡。据《志稿》云，涂水即壁谷江，出寻甸清水海西北，至东川壁谷坝，入金沙江。然云至越嶲入绳，过郡二，则汉越嶲东南界至绳水以南，今之东川。巧家厅，皆越嶲郡地也。

先谦案，据《志稿》，杨林海子，出寻甸州西南果马山，为果马溪，南流为龙巨河，亦曰龙济溪，东南流合花箐哨水，间易屯水，又迳嵩明州城北，合福祐河水、罗锦溪水，又迳王师坝南汇，为嘉利泽，周百余里。又东南合杨梅河、宽郎河、弥良河、天生桥

河、对龙河、遥岔河、玉龙河水，又东南迳宜良县北，纳县市屯河水，又东北迳杨高桥为河口，又东北为阿交合溪，又北为车洪江。江西为东川府界，东为沾益州界。又北迳平溪西，又迳歹拉西，俱流万山中，又迳宣威州西，合赤水河水、西泽河水，又屈西北流为牛栏江。又东北，右为宣威州，左为东川府，合沙河水。又东北，右为贵州威宁州，左为东川。又北迳者海东，合车乌小河水。又西北，右为昭通府鲁甸通判境，左为东川境，合头道河水，又西，入金沙江，疑此为涂水，其入金沙江西北流，与志合。壁谷江源流甚短，无千余里，且直北流，非西北，故知非也。

【编者按】治所当在今云南寻甸回族彝族自治县北。

穀昌，

【补注】先谦曰：《华阳国志》，武帝遣将军郭昌讨平之，因名县为郭昌，以威蛮人。孝章时改为谷昌。案西京已名谷昌。章，盖宣之误。《续志》，后汉因。《志稿》云，今昆明呈贡地。《一统志》，故城今昆明县北七里。

【编者按】治今云南昆明市东北。

秦臧，

【补注】先谦曰：《续志》，后汉因。《一统志》，今富民县武定州地，故城今富民县治。《志稿》云，云南府南流之水，惟星宿江可当即水，牛兰山当即今武定罗次界之白花山，则秦臧实兼有今罗次、禄丰及武定、禄劝南境地，不仅富民一县。又建伶故县，旧

《志》并以为在府城西北，则富民又当兼有建伶地。

牛兰山，即水所出，南至双柏入仆，行八百二十里。

【补注】先谦曰：《江水注》，即水出秦臧县牛兰山南流，下入双柏。据《志稿》，即水即麻哈江，出罗次县南九涌山，北流合分水、岭水、穹盪山水，又西为金水河，又屈西南，会一水至禄丰境，为星宿江。

【编者按】治所当在今云南禄丰县东部一带。

邪龙，

【补注】先谦曰：《续志》，后汉改属永昌。《志稿》云，盖蒙北、永平、顺宁地。

【编者按】治所当在今云南巍山彝族回族自治县北部。

味，

【颜注】孟康曰：音味。

【补注】先谦曰：《续志》，后汉因。《一统志》，故城今南宁市西十五里，旧名洪范川。《通志》，地名三岔，故城遗址尚存。

【编者按】治今云南曲靖市。

昆泽，

【补注】先谦曰：《续志》，后汉因。《纪要》，故城今昆阳州治。《志稿》云，《宋志》，晋惠帝分建宁西七县为益州郡，皆属今云南府，而昆泽隶建宁本郡，不属益州，当在七县之东。昆阳在滇池、连然西南，非昆泽也，

惟嵩明、杨林、大泽，在晋宁七县东，当属昆泽。温水迳县合滇池，即今南盘江，汉昆泽当在今嵩明南及陆凉西之废芳华县，若郾注，昆泽县下中隔又迳味县一段，本当在上，误错在下，味县即今南宁，其东无昆泽县地，温水亦非西流数县，始迳味县，味县离滇池甚远，温水自味县确是西流，迳昆泽南，又西南迳滇池城，并非由味县迳西南至滇池城者。明乎此，则昆泽为嵩明无疑。

【编者按】治所当在今云南宜良县北部一带。

叶榆，

【补注】先谦曰：后汉改属永昌。《续志》作牂榆。《一统志》，今太和、浪穹县，邓川、宾川州地。故城今太和县东北。《志稿》云，太和县，汉以前为昆明，所谓自同师以东，北至牂榆为嵩昆明者，是也。武帝并昆明地，属益州，立牂榆县，见《后书·西南夷传》。牂榆地，北及浪穹、邓川东，有宾川西丰地，不止太和一县，又鹤庆州亦牂榆地。

叶榆泽在东。

【补注】先谦曰：《叶榆水》篇，叶榆河出其县北界，屈从县东北流。注云，县故滇池叶榆之国也。县之东有叶榆泽，叶榆水所钟而为此川薮也，下入不韦。《一统志》，叶榆泽即洱海也。

贪水首受青蛉，南至邪龙入仆，行五百里。

【颜注】师古曰：叶，音弋涉反。

【补注】先谦曰：蛉下夺水字。《江水注》，贪水自越嵩青蛉来，迳叶榆县，下入邪龙。据《志稿》，万花溪水出云南县西，直大理府太和县东，汉叶榆境也，下流为白崖江，与阳江合，在今蒙化厅境，二江并行，为大厂河，又南迳石羊山东，合马龙河水，又下为礼社江，源流约当汉五百里，即贪水也。

【编者按】治今云南大理市北。

律高，西石空山出锡，东南豎町山出银、铅。

【颜注】师古曰：豎，音呼鷄反。町，音挺。

【补注】先谦曰：《续志》，后汉因。石空作石室。《蜀都赋》刘注，豎作盘。《纪要》，故城今马龙州东。《志稿》云，据温水、叶榆两《注》，毋极，为今阿迷，建水则律高，乃今之广西州弥勒县也。盘町山为晋梁水郡地，梁水在律高东南、贲古在梁水北，汉时无梁水，则律高以东皆贲古，师宗、丘北等处皆是。又路南州亦律高西北境。

【编者按】治所当在今云南开远市、弥勒县交界一带。

不韦，

【补注】先谦曰：后汉改属永昌。《续志》，出铁。刘注，《华阳国志》云，孝武置不韦县，徙南粤相吕嘉子孙宗族居之，因名不韦，以章其先人之恶。《叶榆水》篇，叶榆水自叶榆来，过不韦县。注云，县故哀牢九隆之国也。有牢山，盖秦始皇徙吕不韦

子孙于此，故以不韦名县。《一统志》，故城今保山县治。《府志》，相传在凤溪山下。《志稿》云，据嵩唐下周水及类水至不韦云云，是周水今怒江，类水今枯柯河，自今保山县北冲，西南流，经老姚关南，西南入怒江。嵩唐在今保山北境及云龙南界，不韦在今保山县南，自蒲缥以南，至湾甸、镇康皆是。旧《志》以嵩唐为云龙州地，又以不韦在保山县北三十里凤溪山，皆未确。先谦案，不韦名县，常、酈二说互异，常说近之。

【编者按】不韦县之得名，常、酈二说皆属附会。以不字为首的地名在古代有不少，上文东莱郡不夜县下已举出一些。汉语地名多是齐尾式的，而许多少数民族地名却是齐头式的，如浙江一带的古越语地名，余暨、余姚、余杭等。不字冠首的地名也与此类似。除了东北朝鲜沿海地区外，西南地区也有一批不字地名，如《汉志》益州郡有不韦县，牂柯郡牂县有不狼山，巴郡宕渠县有不曹水；《华阳国志·南中志》有不津江。后三个地名的不字显然都不能作否定义解，不韦也当从此例，故云常、酈之说皆不足信。治今云南保山市东北。

云南，

【补注】先谦曰：《续志》，后汉改属永昌。《一统志》，故城今云南县南八十里安南坡。《志稿》云，今云南县及太和县南境，又宾州、赵州亦有云南地。

【编者按】治今云南祥云县东南。

嵩唐，

【补注】先谦曰：《续志》，后汉改属永昌。刘注，本西南夷。《史记》，古为嵩、昆明。《一统志》，故城今云龙州南。《志稿》云，嵩唐虽在云龙州西南境，其地属永昌府保山县，盖保山西汉兼不韦、嵩唐二地也。

周水首受徼外。

【补注】先谦曰：首受二字当作出。《华阳国志》有同水自徼外来，同水即周水也。同周形近而误。此周水，非《存水注》郁林定周县之周水，钱坫以为怒江，是也。

又有类水，西南至不韦，行六百五十里。

【补注】先谦曰：至不韦下，夺入兰仓水四字。《若水注》，类水出嵩唐县。县武帝置。类水下入不韦。钱坫以为泚江，是也。

【编者按】治所当在今云南保山市与云龙、永平县交界处一带。

弄栋，东农山，毋血水出，北至三绛南入绳，行五百一十里。

【补注】先谦曰：《说文》桄下云，桄，木也。从木弄声。益州有桄栋县。后汉因。《续志》作桄栋，此作弄，传写之误。刘注，《地道记》云，连山，无血水所出，盖东农山异名也。水下脱所字。《若水注》，毋血水出弄栋县东农山毋血谷，下入越嵩三绛。《一统志》，故城今姚州北。

《志稿》云，三绛在今四川会理州南，北至三绛南入绳者，惟大姚河、龙川江二水，然大姚东入绳，与北入

不合，亦非三绛南，则北入绳在三绛南者，惟镇南州之龙川江耳。出州西北境山，北流至四川黎溪州土司南境入金沙江。毋血水即为龙川江，则弄栋当兼有楚雄、姚州、大姚、镇南、定远、广通、元谋各州县。陈澧《汉志水道图说》同。

【编者按】治今云南姚安县北。

比苏，

【颜注】师古曰：比，音频二反。

【补注】先谦曰：《续志》，后汉改属永昌。《宋志》作芘苏。《一统志》，故城今云龙州西。《志稿》云，晋咸和中分河阳郡置西河郡，治芘苏县。则芘苏当属云龙州澜沧江西，西及潞江以外，北及丽江县西，皆是。

【编者按】治所当在今云南云龙县北。

贲古，

【补注】先谦曰：《续志》，后汉因。《一统志》，故城今建水县东南。《志稿》云，旧《志》以临安为汉贲古。考郦注，叶榆水又迳贲古县北，合盘江。盘江出律高县东，迳梁水郡北，贲古县南，则贲古当在今师宗以北，罗平州东及贵州兴义府，与临安无涉。旧《志》以临安为贲古者，或因马援上言，从麓泠，出贲古，击益州。又云，从麓泠水道，出进桑王国至益州贲古县，转输通利，以为从越南龙门溯流至蒙自，即属临安，岂知蒙自乃来唯，非贲古。想汉贲古兼有梁水一郡，南亦红水江与谭封交界，麓泠水道乃由龙江出镇南关，走广西古进桑，

当自越南临洮府，北及广西镇安府，皆是水道，由镇南关出郁江，顺流至潯州，复由红水江，溯流至贲古甚易。叶榆水不合盘水，《水经注》未加详考，而所言贲古之方位，则可凭也。北采山出锡，西羊山出银、铅，南乌山出锡。

【颜注】师古曰：贲音奔。

【补注】先谦曰：《续志》，采山出铜锡，明此锡上脱铜字。

【编者按】治今云南蒙自县东南。

毋椳，桥水首受桥山，东至中留入潭，过郡四，行三千一百二十里。莽曰有椳。

【颜注】师古曰：毋，读与无同。椳，音之悦反，其字从木。

【补注】先谦曰：《续志》，后汉因。《志稿》云，今宁州。首受二字，依志例当作出。《续志》刘注引《地道记》云，有桥水出桥山，即本志文。四当作三，过益州、牂柯、郁林。中留，郁林县。《温水注》，南桥水出县之桥山，东流合梁水入温，梁水即河水，自胜休来，东迳毋椳县，左注南桥水。先谦案，本志胜休下河水东至毋椳入桥者也。全祖望云，道元加南字别之，然南桥水固河水之所入也。又谓俞元之桥，亦名河水，则二桥互相出入矣，恐误。注又云《地理志》曰，桥水东至中留入潭，余诊其川流，更无殊津，正是桥、温乱流，故兼通称，作者咸言中留入潭，潭水又得郁之兼称，而字当为温，非桥水也，盖书字误矣。先谦案，温、郁、潭在中留，合流乃

桥水下游，故道元言如此。《志稿》云，南桥水当为今曲江，是也。

【编者按】毋掇是以毋为冠首的一批地名之一，这类地名牂柯郡有毋单县、毋敛县，益州郡弄栋县下有毋血水。地名而外，人名也有以毋为首的，如昭帝立牂柯钩町侯毋波为王。可见毋字也不可照汉语字面解释成无，这大约也是少数民族语言的记音，但王莽时代已不明此理，所以改毋掇为有掇，改毋敛为有敛。

治所当在今云南华宁县南部。

胜休，河水东至毋掇入桥。莽曰胜焚。

【补注】先谦曰：《续志》，后汉因。刘注，《南中志》云，有大河从广百四十里，深数十丈。《地道记》云，水东至毋掇，入桥水。《纪要》，故城在今临安府境。《温水注》，梁水即河水，自俞元来，东南迳兴古郡胜休县，下入毋掇。先谦案，桥水俞元下详之。河水即梁水，酈注是也。晋时梁水郡治宁州，在后汉，宁州为兴古郡地，阿迷州为梁水郡地，皆今之临安府境。胜休，地志不详。考梁水者，固当于临安求之，梁水盖即泸江。

【编者按】治所当在今云南江川县北部一带。

健伶，

【颜注】应劭曰：音铃。

【补注】宋祁曰：健字，邵本作建。先谦曰：案，宋说所见本作健。《说文》伶，弄也。益州有建伶县。《续

志》，后汉因。《一统志》，故城今昆明县西北。

【编者按】治所当在今云南晋宁县南部。

来唯。

【补注】先谦曰：《续志》，后汉省。据《志稿》，今广西泗城、镇安及蒙自、开化南。又云，当自蒙自南及越南交冈水尾，至嘉兴州蒙县龙门江入洮江处。古人郡县，北狭而南广，故益州南陲如此之广。先谦案，泗城、镇安，远不相及，言蒙自、开化可矣。从陆山出铜。

【补注】钱坫曰：陆，古沱字。先谦曰：《集韵》，从陆，山名，在益州。劳水出徼外，东至麋伶入南海，

【补注】先谦曰：官本作麓伶。齐召南云，各本俱作麋伶。又牂柯郡西随，麋水至麓伶入尚龙溪。亦作麋伶。误也。麓伶，交趾县。今改正。朱一新云，据《说文》，当作麓，麓讹字，麋借字。伶亦借作伶。《江水注》，仆水自双柏来，东至来唯县入劳水。劳水出徼外，东迳县与仆水合，下入交趾麓伶。据《志稿》，劳水即澜沧江。过郡三，

【补注】先谦曰：越雋、益州、交趾。

行三千五百六十里。

【颜注】师古曰：陆，音胡工反。伶音零。

【编者按】治所当在今越南莱州南部。

牂柯郡

牂柯郡，

【补注】阎若璩曰：郡治故且兰，以《西南夷传》知之。先谦曰：据《温水注》，郡治故且兰。《续志》，后汉治同。

武帝元鼎六年开。

【补注】先谦曰：《温水注》同。《华阳国志》，唐蒙斩笮王首，置牂柯郡。

莽曰同亭。

【补注】先谦曰：《西南夷传》，夜郎国有且同亭，莽更名取此。

有柱蒲关。

【补注】周寿昌曰：《初学记·州郡部》作桂浦。《温水注》作柱浦。

属益州。

【颜注】应劭曰：临牂柯江也。师古曰：牂柯，系船杙也。《华阳国志》云，楚顷襄王时遣庄蹻伐夜郎，军至且兰，楸船于岸而步战，既灭夜郎，以且兰有楸船牂柯处，乃改其名为牂柯。杙，音弋。

【补注】先谦曰：《温水注》，牂柯亦江中两山名，《吴都赋》吐浪牂柯者也（今《吴都赋》无之），亦引常璩说。《通鉴》注引《后汉志》注，牂柯江中名山。案，牂柯南夷国名，见《管子·小匡》篇，是春秋时已有，非至顷襄时改名。郑珍云，果如常说，

且兰自蹻后名牂柯，何以终西汉世，止称且兰，不及牂柯。盖秦以前，牂柯自为国，后臣属夜郎。《史记·西南夷传》所称此诸国及夜郎旁小邑者。《异物志》云，有一山，在海内，小而高，似系船筏，俗人谓之越王牂柯。《交州记》云，侯石孤绝，高数丈，名为牂柯，在海中。与郦注言江中两山异。要是山似系船，牂柯故以为名。在其国境，即以为国。汉开郡取管书旧名耳。《续志》，后汉因。属同。

户二万四千二百一十九，口十五万三千三百六十。

县十七：

故且兰，

【补注】先谦曰：洪亮吉《贵州水道考》云，以沅、无二水出黄平州金凤山证之，县在黄平州以西，都匀府以北左近界中。检诸地志，贵筑、贵定、清平，皆注云故且兰地。《图经》云，且兰在湄瓮黄施之交，明汉时县大，自黄平州西南，贵筑县东北，皆其地也。知且兰即知牂柯郡治所在，亦可因此正汉晋地志之误矣。郑珍云，贵州镇远一府，及贵阳之龙里、贵定，平越州之瓮安、余庆诸县，都匀府之麻哈州、清平县，石阡府之乌江以南境，皆且兰地。《元和志》以播州为且

兰，后人因以遵义地当之，误也。先谦案，《续志》，后汉因。《晋志》去故字。

《温水注》，豚水自谈稿来，东迳且兰县，谓之牂柯水，水广数里，县临江上，故且兰侯国也。一名头兰。元鼎五年，武帝伐南越，发夜郎精兵下牂柯江，同会番禺，是也。牂柯水下入毋敛。又《存水注》，存水自益州收靡来，东迳且兰县北，而东南出，下入毋敛。先谦案，豚、存二水，皆不迳毋敛。考按舆图，牂柯豚水即三岔河，存水即可渡河。以二水所迳推之，则故且兰当兼有郎岱、永宁、安顺、镇宁等境。

沅水东南至益阳入江，

【补注】洪亮吉曰：沅水自黔阳以下至入江，皆东北流，惟经辰州府城外，稍东南流数里，即折向北。故《说文》云，沅水出牂柯故且兰，东北入江。志作东南，传写误也。先谦曰：益阳，长沙县。《沅水》篇，沅水出且兰县为旁沟水，下入武陵潭成。据《贵州水道考》云，今黄平州属重安长官司，北有金凤山，山北即镇阳江，古无水也。山南即重安江，古沅水也。重安江出都匀府都匀县城内之东山，亦曰马尾河。

过郡二，行二千五百三十里。

【颜注】应劭曰：故且兰侯邑也。且，音苴。师古曰：音子闾反。

【补注】段玉裁曰：郡二当作郡三，牂柯、武陵、长沙。洪亮吉曰：沅水经都匀、平越、黎平、镇远、沅州五府，八寨、清江二厅，都匀、麻哈、清平、黄平、施秉、开泰、天柱、黔

阳八州县，合无水后，已千一百余里。又历辰州、常德、长沙三府，辰溪、溆浦、泸溪、沅陵、桃源、武陵、龙阳、益阳八县，由洞庭湖入大江，共千二百里，合前实行二千三百余里，古里较短，故班云然。

【编者按】治所当在今贵州福泉市境，确址不详。

潭封，

【补注】先谦曰：《续志》，后汉因。阮元《云南通志稿》云，今广南北境，西林县西隆州境。

温水东至广郁入郁，过郡二，行五百六十里。

【颜注】师古曰：潭，音寻，又音淫。

【补注】先谦曰：广郁，郁林县。过牂柯、益州、郁林，二当为三。里数亦误。《温水注》，温水自益州律高来，东南迳潭封县北，下入益州来唯。志书温水于潭封，而《水经》及《注》上溯其源，云出夜郎，此补班氏之阙也。温水即南盘江。

【编者按】治所当在今云南砚山县西北与文山县交界处一带。

牂，

【补注】先谦曰：《说文》牂，牂柯县。从邑敝声。《续志》，后汉因。《一统志》，故城今遵义府城西。

不狼山，牂水所出，东入沅，

【补注】先谦曰：以《水经注》证之，沅是延之误。《延江水注》，延江水自犍为南广来，东至牂县，又屈北

流，县故犍为郡治也（《华阳国志》有此说，盖误）。县有犍山（晋置平夷郡）。延江水合鼈水、汉水，下入巴涪陵。洪亮吉《延江水考》云，乌江自威宁州迳毕节县南，又东迳大定府南，黔西州南，又北折而东，迳清镇县鸭池汛北，又东北迳修文县西北，开州西，乌江城南，又东南迳遵义府南，余庆县西北，又东北迳石阡府西，龙泉县南，思南府城东南，又北稍东迳印江县西北，婺川县东北，大定、黔西、修文、开州、甯安、余庆、石阡，皆汉牂牁郡地。毕节、遵义，则鼈县地。《水经》云，延江水至牂牁鼈县，又东，屈北流。此水自西而东北，一一不爽。洪亮吉云，鼈水即今之湘江水，出遵义府遵义县北境，桐梓县南境之龙岩山，流迳湘山南，与桃溪水合，迂回五百余里入乌江。龙岩山即不狼山也。

过郡二，行七百三十里。

【颜注】孟康曰：鼈，音鹭。师古曰：音不列反。

【补注】先谦曰：郡二，牂牁、犍为。洪亮吉《鼈水考》云，道元云，鼈水于符县而东注延江水。符县，今仁怀厅，及仁怀县以北地。汉鼈县属牂牁，符县属犍为，故知过郡为此二郡也。《图经》云，迂回五百余里，又南入乌江，与班志七百三十里之数亦合。

【编者按】治今贵州遵义市西。

漏卧，

【颜注】应劭曰：故漏卧侯国。

【补注】先谦曰：漏卧侯俞与夜郎

句町相攻，见《西南夷传》，系河平中事，则此亦县国并置。《续志》，后汉因。《纪要》，故城今罗平州南。据《志稿》，当在今安顺府镇宁州诸处。

【编者按】治所当在今云南罗平县南。

平夷，

【补注】先谦曰：《续志》，后汉因，亦见《蜀志·李恢传》。《一统志》，今曲靖府平夷县地，故城在今南宁县境。据《志稿》，今平夷县西境为汉谈藁地，东境为平夷地，平夷亦兼有普安厅地。先谦案，《志稿》是。南宁境故城，疑未可据。

【编者按】治所当在今贵州毕节市以东与大方县以北交界处一带。

同并，

【颜注】应劭曰：故同并侯邑。并，音伴。

【补注】先谦曰：昭帝时反，见本纪及《西南夷传》。《续志》，后汉因。《叶榆水注》，叶榆水自益州滇池来，东迳同并县南，下入漏江。是县在滇池东境，或云今澂江府河阳县地。

【编者按】治所当在今云南弥勒县东南。

谈指，

【补注】王鸣盛曰：指，南监本作拒，给也。从手臣声，章刃切。《续志》仍作指。今人虽不识拒字，然北方以物掷与人，犹有拒音。《说文》字今废不用者多，即见此志，存之。先谦曰：昭帝时反，见本纪及《西南夷

传》。苏林云，亦西南夷别种。《宋志》作谈柏。《华阳国志》作谈指，皆误。后汉因。《纪要》，故城今桐梓县西南。《志稿》，当在今安南县郎岱厅诸处。

【集释】陈直曰：王鸣盛谓“南监本作谈拊，《续汉书·郡国志》仍作谈指。”考《汉印文字征》第三，有“谈指尉印”，足证南监本作谈拊者为传写之误字。《汉书疏证》曰：按《华阳国志》谈指县出丹，注云有不津江，江有瘴气。今本无之。

【编者按】治所当在今贵州贞丰县西北一带。

宛温，

【颜注】师古曰：宛，音于元反。

【补注】先谦曰：《续志》，后汉因。据《温水注》、《华阳国志》，刘禅分牂柯置兴古郡治此，止称温，无宛字，盖脱。《一统志》，今罗平州地。《志稿》，宛、温二水名，在宣威州。旧《志》以宛温为平夷县，又以为罗平州，皆非。先谦案，宛温水出宣威州南四十里东屯，《志稿》以为北盘江源。案刘引《南中志》，县北三百里有盘江，即可渡河也。唐于此置盘州盘水县，今普安州县正宛温属地。

【编者按】治所当在今云南丘北县南、砚山县北一带。

毋敛，刚水东至潭中入潭。

【补注】先谦曰：《温水注》，刚水西出毋敛县，下入郁林潭中。案，刚水即独山河也。

莽曰有敛。

【颜注】师古曰：潭，音大含反。

【补注】先谦曰：《续志》，后汉因。先谦案今独山州荔波县地。

【编者按】治所当在今贵州独山县北。

夜郎，

【补注】先谦曰：《温水》篇，温水出夜郎县。注云，县故夜郎侯国也，唐蒙开以为县。

豚水东至广郁。

【补注】先谦曰：《温水注》，郁水即夜郎豚水也，汉武帝时，有竹王兴于豚水，唐蒙开牂柯斩之，今竹王三郎祠，其神也。豚水下入谈稿。先谦案，豚水诸家异论，以地望推之，即宣威州北之三岔河，《提纲》以为北盘江源者是也。

都尉治。莽曰同亭。

【颜注】应劭曰：故夜郎侯邑。

【补注】先谦曰：后汉因。据《志稿》，夜郎今沾益州，亦兼有宣威州地。先谦案，当在宣威、沾益西界。《西南夷传》夜郎国有且同亭。《纪要》因谓桐梓县东有且同亭。夜郎县亦在此。考《西南夷传》成帝河平中，尚有夜郎王兴，未除其爵，是县自为县，国自为国，夜郎疆域较大，不必同在一地，无容泥莽改同亭为县在桐梓之证（莽改牂柯郡为同亭郡，不得便谓同亭一郡皆夜郎县地也）。夜郎后立为王。应云，夜郎侯邑在此县，亦未为核实也。

【编者按】治所当在今贵州关岭布依族苗族自治县西部一带。

毋单，

【颜注】师古曰：毋，读与无同。单，音丹。

【补注】先谦曰：《续志》，后汉因。

【编者按】同毋牂、毋斂例，颇疑此县莽曰有单。

治所当在今云南弥勒县西北一带。

漏江，

【补注】先谦曰：《续志》，后汉因。疑县即今通海县地矣。

【编者按】治所当在今云南泸西县东。

西随，

【补注】先谦曰：《续志》，后汉因。《宋志》作西隋。据《志稿》，西随当在今广南南境及越南界内。又云，西随在富良江南。

麋水西受徼外，东至麋伶入尚龙溪，

【补注】先谦曰：麋伶，官本作麓冷，下同，交趾县也。受乃出之误。

过郡二，

【补注】先谦曰：郡二，牂柯、交趾。

行千一百六里。

【编者按】治所当在今云南元阳县东南一带。

都梦，

【补注】先谦曰：《续志》，后汉省。据《志稿》，当在今开化广南南境及越南界内。

壶水东南至麋伶入尚龙溪，

【补注】先谦曰：《水经注》不载。《志稿》云，水东南至交趾入江者，惟开化之天生桥河，广南之者赖普梅二河。天生桥河自入宣光江；者赖普梅合小镇安水以入宣光江。自此以东，无水东南入交趾者。则壶水即此二水中之水可知。都梦当自开化以东，东至广南南境皆是，而西随又在其南。陈澧云，壶水盖宝宁县南境普梅河，南流入越南国，曰宣化水，入洮江。《安南志略》云，宣化水出特磨道，今宝宁县为宋特磨道地，普梅河出其南，是其水为越南宣化水之源也。

过郡二，

【补注】先谦曰：牂柯、交趾。

行千一百六十里。

【编者按】治所当在今云南文山、砚山及西畴县交界处一带。

谈稿，

【颜注】师古曰：稿，音工老反。

【补注】先谦曰：《续志》，后汉因。《志稿》云，谈稿在今南宁、平夷二县交河东。

【编者按】治所当在今贵州盘县西南。

进桑，南部都尉治。有关。

【补注】先谦曰：后汉因。《续志》作进乘，盖误。《叶榆水注》，叶榆水自西随来，东出进桑关，牂柯之南部都尉治也。水上有关，曰进桑关。故马援言从麓冷水道出进桑王国，至益州賁古县，转输通利，盖兵车资运所由矣。先谦案，据《志稿》，进桑在越

南交冈境。又云，古进桑，当自越南府临洮府东北及广西镇安府皆是。又云，进桑在西随东，及越南奉天府东北，此当在交趾龙编、朱鸢、麋伶等处。

【编者按】治所当在今云南屏边苗族自治县东。

句町。

【补注】先谦曰：句，亦作钩。钩町侯毋波有功，立为钩町王。又成帝时，钩町王与夜郎相攻，见《西南夷传》，此亦国县并置。

文象水东至增食入郁。又有卢唯水、来细水、伐水。

【补注】先谦曰：增食，郁林县。《温水注》，文象水导源句町县。又蒙水、卢惟水、来细水、伐水，并自县

东下入郁林广郁。唯，误惟。据注，诸水皆入郁。又有下疑夺蒙水二字，伐水下疑夺亦至增食入郁六字。《续志》刘注引《地道记》，文象水又讹为文众水。先谦案，据舆图，文象水即西洋江。句町国县并置，幅员自广，其县当在宝宁、百色、泗城、镇安之间。文象水历广郁至增食，疑西洋江所迳下旺旧城。定罗诸土司，归德土州，皆为广郁境。增食县当在隆安、永康、武缘境内，故文象水于此入郁。入郁者因欢水以通郁水也。

莽曰从化。

【颜注】应劭曰：故句町国。师古曰：音劬挺。

【补注】先谦曰：《续志》，后汉因。

【编者按】治所当在今云南广南县西北。

巴郡

巴郡，

【补注】阎若璩曰：郡治江州，以《扬雄传》注知之。先谦曰：据《江水注》，秦即治江州。又云，汉世郡治江州，巴水北。《续志》，后汉治同。秦置。

【补注】全祖望曰：高帝始建国三郡之一。王念孙曰：《左传正义》云，《地理志》巴郡故巴国。据此，则巴郡秦置下当有故巴国三字。先谦曰：《江

水注》，秦惠王遣张仪等救苴侯于巴，仪贪巴苴之富，因执其王以归，置巴郡。

属益州。

【颜注】应劭曰：《左氏》，巴子使韩服告楚。

【补注】先谦曰：《续志》，后汉因。属同。

户十五万八千六百四十三，口七十万八千一百四十八。

县十一：

江州，

【补注】先谦曰：《续志》，后汉因。《一统志》，故城今巴县西。

【编者按】治今四川重庆市北。

临江，莽曰监江。

【补注】先谦曰：《续志》，后汉因。《一统志》，故城今忠州治。

【编者按】治今重庆忠县。

枳，

【颜注】如淳曰：音徙，或音抵。师古曰：音之尔反。

【补注】先谦曰：《续志》，后汉因。刘注，《史记》苏代云，楚得枳而国亡。《华阳国志》云，有明月峡、广德屿者是也。《一统志》，故城今涪州西。

【编者按】治四川重庆涪陵区西。

阆中，

【补注】先谦曰：《华阳国志》，阆水迂曲，径其三面，县处其中，故名。巴子后治此。《续志》，后汉因。《一统志》，故城今阆中县西。

彭道将池在南。

【补注】先谦曰：《方輿胜览》，南池在今阆州高祖庙旁，即彭道将池也。《寰宇记》，南池东西二里，南北约五里。《一统志》，池在阆中县南，自汉以来，堰大斗小斗水溉田，里人赖之，唐时堰坏，渐成平陆。

彭道鱼池在西南。

【颜注】师古曰：阆，音浪。

【补注】先谦曰：《方輿胜览》，鱼池即今郭池。《寰宇记》，阆州西南十里有郭池，周约五十亩。刘注引《巴汉志》云，有彭池大泽，名山灵台，见《孔子内谶》。陈澧云，《四川通志》，苍溪县老池潭产鱼，疑即彭道鱼池。

【编者按】治四川阆中市。

垫江，

【颜注】孟康曰：音重叠之叠。

【补注】先谦曰：应劭云，音徒浹反。《说文》褰，重衣也。从衣执声。巴郡有褰江县。段玉裁云，褰江县为嘉陵江、渠江、涪江会合之地，水如衣之重复，故曰褰江，浅人讹作昏垫之垫。观应孟之音，则知《汉书》字故从衣也。今忠州垫江县，汉巴郡临江县，地与汉褰江相距甚远。先谦案，《续志》，后汉因。《一统志》，故城今合州治。

【编者按】治今重庆合川市。

胸忍，

【补注】钱大昭曰：《郡国志》、《曹全碑》并作胸忍，颜音胸为劬，是也。阆中《十三州志》乃云，胸，音春。腮，音闰。其地下湿，多胸腮虫，因以名县。既有春音，则字已近胸，然《玉篇》尚无胸字。《通典·州郡门》作胸腮。胸，音如顺切；腮，音如尹切。读如闰蠢。杜虽用阆音，字犹未变。至徐铉校定《说文》，竟于肉部附入胸腮二字，可谓好俗异说矣。先谦曰：《续志》，后汉因。《一统志》，故城今云阳县西。

容毋水所出，南〔入江〕。

【补注】先谦曰：南下脱入江二字。《一统志》，容毋水，今名东灊河。

有橘官、盐官。

【颜注】师古曰：胸，音劬。

【补注】先谦曰：《江水注》引志橘官下有有民市三字，不合志例，乃鄙注文，或以补志，非也。《纪要》，云阳县西五峰驿南，有橘官堂故址。

【集释】陈直曰：《御览》卷六百六十五，引阳孚《异物志》云，桔为树白华而赤实，皮既馨香，里有美味，交趾有桔官一人，秩三百石，岁出贡御。西汉桔官，以出土封泥考之，其组织有长、丞、监，以阳孚《异物志》所记秩三百石，当指长或丞之秩而言。交趾贡桔，虽为东汉事，其秋奉当与西汉大致相近。

【编者按】治今重庆云阳县西。

安汉，是鱼池在南。莽曰安新。

【补注】先谦曰：池无考。《续志》，后汉因。《一统志》，故城今南充县北。

【编者按】治今四川南充市北。

宕渠，

【补注】先谦曰：《华阳志》，长老言，宕渠盖为古賸国，今有賸城。后汉因。《续志》，有铁。《一统志》，故城今渠县东北。

符特山在西南。

【补注】先谦曰：《寰宇记》，今流江县有龙驤山，盖即古符特山。《一统志》，龙驤山在今渠县北。

潜水西南入江。

【补注】王念孙曰：明监本入江讹作入灊，胡渭遂引之以驳《水经》，大误。赵一清辨之。案，潜水本作灊水，即下文入灊之灊，今作潜者，浅人以《水经》改之也。《说文》，灊水出巴郡宕渠西南入江。潜，涉水也；一曰，汉为潜。是出巴郡宕渠入江者字本作灊，《水经》作潜者借字耳。

先谦曰：《潜水》篇，潜水出宕渠县。注云，潜水盖汉水枝分潜出，故受其称。有大穴，潜水入焉。通冈山下西南潜出，谓之伏水，或以为古之潜水。郑玄云，汉别为潜，其穴本小，水积成泽，流与汉合。大禹自导汉疏通，即为西汉水也。故《书》曰，沱潜既道。县有渝水，夹水上下，皆賸民所居，潜水又南入江。庾仲雍云，垫江有别江出晋寿县（晋县，今昭化县东南），即潜水也。其南源取道巴西，是西汉水也。《说文》作灊，应劭音潜，文颖音岑。官本，潜作灊。先谦案，据《说文》，潜水西南入江，与宕渠水入西汉，方位正合，则潜水即宕渠水也。今通江县渠河是，亦曰巴江。《一统志》保宁府巴江下云，出南江县北，即古宕渠水，此以难江水为宕渠水。又达州通川江下云，自太平县发源，至渠县为宕渠江，此以通川江为宕渠水。惟《水经注》以出南郑者为宕渠水，而通川、难江皆入之，源流较合，今从之。《说文》，一曰汉为潜者，与郑说合。

《一统志》云，《尔雅》，水自汉出为潜。郭注，有水从沔阳南流，至梓潼、汉寿，入大穴中，通峒山下西南潜出，一名沔水，即《禹贡》之潜。

《括地志》，潜水一名复水，今名龙门水，出龙门山大石穴下。《广元县志》，出县北三十里木寨山，流经神宣驿，又南二十里，经龙洞口，至朝天驿北，穿穴而出，入嘉陵江。是潜水即西汉水，后人知有西汉而不知潜水久矣。《舆地纪胜》云，自朝天驿入谷十五里，有石洞三，水自第三洞发源，贯通两洞，下合嘉陵江，即所谓入大穴中，通峒山下，西南潜出者也。自此而下，嘉陵水通谓之潜水矣。先谦案，以西汉为潜，其说甚古，惟大穴潜通，源微流短，后人觉其未安，遂不从旧说，而以宕渠水当潜水之目。《说文》两存之，本志则潜水、西汉水并载，知班氏不复以西汉为潜矣。

不曹水出东北〔徐谷〕，南入潜（徐谷）。

【颜注】师古曰：宕，音徒浪反。

【补注】王念孙曰：潜下不当有徐谷二字。《潜水注》，县西北有不曹水，南迳其县，下注潜水，不言入潜徐谷也。徐谷二字，未知何字之讹。先谦曰：官本，不作徐。先谦案，徐谷二字，当在东北之下。言不曹水出县东北徐谷而南入潜也。今案，绥定府太平县所出前中后三河之水，东北流至东乡县，合为一，迳达州为通川江，入宕渠水，以当不曹之目，方位吻合，似为得实。

【编者按】治今四川渠县东北。

鱼复，江关，都尉治。

【补注】先谦曰：鱼复在周为南蛮国，见《逸周书》。后属庸。《续志》，后汉因。刘注，古庸国，《左传》文十年，鱼人逐楚师，是也。《一统志》，故城今奉节县东北，瞿塘关在县东，即古江关。案，《郡国志》以为扞关，误。《括地志》，扞关在巴山县界，今长阳县。

有橘官。

【颜注】应劭曰：复，音腹。

【补注】先谦曰：鱼复县出橘，见《蜀都赋》注。

【编者按】治今重庆奉节县东。

充国，

【补注】先谦曰：后汉因。《续志》，永平二年分阆中置（后分南充国县）。《蜀都赋》注，县有盐井数十。《一统志》，故城今南部县西北。

【编者按】治今四川南部县西北。

涪陵。莽曰巴亭。

【颜注】师古曰：涪，音浮。

【补注】先谦曰：后汉因。《一统志》，故城今彭水县治。

【编者按】治今重庆市彭水苗族土家族自治县。

地理志第八下一

武都郡

武都郡，

【补注】先谦曰：《漾水注》，王莽更名乐平郡，县曰循虏。循虏即武都，是武都为郡治也。《续志》，后汉治下辨。

武帝元鼎六年置。

【补注】先谦曰：《武纪》同。《后书·西南夷传》，白马氏者，武帝元鼎六年开，分广汉西部，合以为武都。鱼豢《魏略》，汉置武都郡，排其种人，分竄山谷，或称青氏，或称白氏。《华阳国志》，东接梓潼，西接天水，北接始平。

莽曰乐平。

【颜注】应劭曰：故白马氏羌。

【补注】先谦曰：《续志》，后汉因。属凉州，志失书。

【集释】谭其骧曰：武都属益州。晋常璩著《华阳国志》，以古梁州为境界，分为巴、汉中、蜀、南中四部分，武都郡即被列于《汉中志》。郡下曰，“本广汉西部都尉也，元鼎六年别为郡。”即此郡本是广汉郡辖地，属益州；元鼎前盖为白马氏所据，故置都尉以镇之，待削平而后，因罢都尉，别为郡，仍属益州。下文又曰，“建兴七年……还属益州，”言还者，知西汉旧属益州也。

户五万一千三百七十六，口二十三万五千五百六十。

县九：

武都，东汉水受氏道水，一名沔，过江夏，谓之夏水，入江。

【补注】王念孙曰：东汉水东字，后人所加。下文陇西氏道下云，养水东至武都为汉，不言东汉也。志言西汉水者，别于汉水而言之，若汉水，则本无东汉之称。

先谦曰：《禹贡》，岷冢导漾，东流为汉。《说文》，漾水出陇西獬（氏字之误）道，东至武都为汉。本志氏道下云，《禹贡》漾水所出，东至武都为汉。是汉水在氏道曰漾水，至武都曰汉水也。云一名沔者，互详沮县下。此举江夏郡名，沮下举沙羡县名，用明互见之义耳，其原委备具沮下。

沈垎云，二汉水俱出陇西西县岷冢山，西汉水南入广汉白水，东南至江州入江，汉水在氏道则为漾水，至武都则为汉水，盖岷冢山包络数县，班氏著岷冢于西县，而氏道则不言，以既言《禹贡》漾水，则知是《禹贡》之岷冢导漾，不必再言岷冢也。西县在西，氏道在东，二县相联，岷冢绵亘二县之南，山之西南，西汉水所出；山之东南，东汉水所出。细检班志，源流极分明，汉水至武都，又受沮县之沮水，犹西汉水至广汉葭明，又受甸氏道之白水也。后世自氏道至武都，漾水故渎不可见，于是专以沮县之沮水为汉源，而西县之岷冢，遂

属之西汉所出。又别名一山曰蟠冢，而真蟠冢之在西与氏道者，转付之芒昧矣。沮水特汉别源，其正源之漾水，实在陇西，而经武都耳。

陈澧云，氏道下云，养水至武都为汉，此云汉水受氏道水，皆存《禹贡》故道。汉世汉水已不受氏道水，故更以沮水为其源，凡汉水所纳之水，志云入汉，或云入沔，惟不云入沮，以沮水本非汉水正源也。

【集释】王峻曰：按《禹贡》汉无东西之分，此志武都之东汉水即《禹贡》之[蟠]冢居漾，东流为汉者也。班氏反舍此而以陇西之西汉水目之，至氏道之养水乃沮水也，入西汉，不入东汉，班氏强相牵合，酈道元委曲傅会，《尚书》蔡传亦因之而误，胡[渭]明力辨其非，其说详见《禹贡锥指》。

天池大泽在县西。

【补注】先谦曰：《续志》刘注，《华阳国志》云，有大池泽，疑文有脱误。天池大泽即仇池。《纪要》，天池山在徽县南三十里。《提纲》，洮州卫湫池，是也，即白水之源。《漾水注》，西汉水自嘉陵道来，东南迳瞿堆西，又屈迳其南，高二十余里，羊肠蟠道，三十六回，《开山图》谓之仇夷。上有平田百顷，煮土成盐，因以百顷为号。武帝以为武都郡。常璩、范曄云，郡居河池，一名仇池，池方百顷，即指此也。左右悉白马氏。西汉水又东合洛谷水，洛溪水，下入平乐道。莽曰循虜。

【颜注】师古曰：以有天池大泽，故谓之都。

【补注】先谦曰：《续志》，后汉因。《一统志》，故城今成县西。

【编者按】治今甘肃礼县南。

上禄，

【补注】先谦曰：《续志》，后汉因。《一统志》，故城今成县西南。

【编者按】治今甘肃成县西南。

故道，

【补注】先谦曰：高祖用韩信计，从此袭章邯，见《高纪》。曹参攻之，见《参传》。

莽曰善治。

【补注】先谦曰：《续志》，后汉因。《渭水注》，扞水出周道谷，北迳故道县故城西，县有怒特祠，本南山大梓，秦文公时立祠。扞水东北至大散关入渭。《一统志》，故城今凤县西北，接两当县境。

【编者按】治今陕西凤县东北。

河池，

【补注】先谦曰：《官本考证》云，池，监本讹地，从宋本改正。

泉街水南至沮入汉，行五百二十里。

【补注】先谦曰：《续志》刘注，有泉街水。《沔水注》，泉街水出河池县，东南流，下入沮县。陈澧云，今凤县嘉陵江源，南至徽县，合西汉水者也。今略阳县北，三水合流，一西汉水，一黑峪江（即浊水），一嘉陵江源，其水自发源至西汉合，约三百余里，为汉时五百余里，知为泉街水矣。

莽曰乐平亭。

【颜注】师古曰：《华阳国志》云，一名仇池，地方百顷。

【补注】先谦曰：河池即仇池异名。此山接界广远，故在武都者，为武都山，而河池又以山氏县。《续志》，后汉因。《一统志》，故城今徽县西。

【编者按】治今甘肃徽县西北。

平乐道，

【补注】先谦曰：《续志》，后汉省。乐，一作洛。故《地形志》修武郡有平洛县。《一统志》，故城今阶州东北。

【编者按】治今甘肃康县西北。

沮，

【补注】徐松曰：《郾阁颂》，沮县士民，或给州府，休谒往还，恒失日晷。谓此县之人至武都郡也。先谦曰：《续志》，后汉因。《一统志》，故城今略阳县东。沮水出东狼谷，南至沙羨南入江，

【补注】先谦曰：《续志》，沔水出东狼谷。《沔水》篇，沔水出沮县东狼谷口。注云，沔水，一名沮水。阚骃云，以其初出沮洳然，故曰沮水也。县亦受名焉。导源南流，合泉街水，又东南迳沮水戍，注汉，曰沮口。《尚书》蟠冢导漾，东流为汉，《山海经》所谓汉出鲋隅山也。东北流，得献水口，又合沮口，同为汉水之源也。又东迳白马戍南，合涇水，下入汉中沔阳。先谦案，陈澧云，此沮水，今沔县之上沮水。案，《水经注》所称汉水，皆西汉也。于《禹贡》之汉，则但谓之沔水、沮水。沮县南与葭萌接壤，东狼谷即《禹贡》蟠冢山（《通典》所谓金牛之嚼冢），为东汉水所自出。阎若璩谓当以武都县下，“一名沔，过江夏，谓之夏水”十字补入此处东狼谷之下，然后东汉水原委方备，非也。此志所载蟠

冢，正自分明，后人读之不审耳。

过郡五，

【补注】先谦曰：武都、汉中、南阳、南郡、江夏。

行四千里，荆州川。

【颜注】师古曰：沮，音千余反。羨，音夷。

【补注】先谦曰：官本注，羨作又。《漾水注》，沮水枝津，承沮县之沮水湊，西南流，入两当溪，下入下辨。又云，通谷水出西北通溪，上承漾水，西南流为西汉水。先谦案，漾水在此与西汉水通流，盖西汉水之名，始于此矣。

【编者按】治今陕西略阳县东。

嘉陵道，

【补注】先谦曰：《续志》，后汉省。《漾水注》，西汉水自陇西西县来，南入嘉陵道，为嘉陵水。世俗名之为阶陵水，非也。《一统志》，故城今成县西北。后魏为阶陵县。嘉陵水源流郾注甚晰，后人以故道水当之，误矣。

【编者按】治所当在今甘肃徽县东南一带。

循成道，

【补注】王念孙曰：循，当为修。隶书循、修二字相似，传写易讹。《魏志》、《隋志》、《漾水注》，并作修城。先谦曰：《续志》，后汉省。《一统志》，故城今略阳县西北。

【编者按】治今甘肃成县东南。

下辨道，

【补注】先谦曰：曹参攻之，见《参传》。

莽曰杨德。

【颜注】师古曰：辨，音步见反。

【补注】先谦曰：官本，杨作扬。后汉因。《续志》无道字。《华阳国志》，下辨

一曰武街。《一统志》，故城今成县西三十里。

【编者按】治今甘肃成县西北。

陇西郡

陇西郡，

【补注】先谦曰：郡治未详。《续志》，后汉治狄道。

【集释】严耕望曰：《河水注》，“滥水……又西北迳狄道故城东……汉陇西郡治……秦昭王二十八年置。”案郦注殆即《地志》首狄道为言，不足为强证，今姑存之。

秦置。

【补注】先谦曰：《河水注》，秦昭王二十八年置。以陇西、天水、安定、北地、上郡、西河，为六郡，所谓六郡良家子给羽林期门，是也。钱大昭云，《异姓诸侯王表》云，汉拔我陇西，则高帝元年属雍国，二年方属汉。

莽曰厌戎。

【颜注】应劭曰：有陇坻在其西也。师古曰：陇坻，谓陇阪，即今之陇山也。此郡在陇之西，故曰陇西。坻，音丁计反，又音底。

【补注】先谦曰：《续志》，后汉因。属凉州，志失书。《河水注》引应劭云，有陇坻在其东，故曰陇西也。此注脱“东故曰陇”四字。

户五万三千九百六十四，口二十三万六千八百二十四。有铁官、

盐官。

县十一：

狄道，

【补注】先谦曰：汉初匈奴频寇之，见高后、文《纪》。县人辛武贤、辛庆忌，见本传。

白石山在东。莽曰操虏。

【补注】先谦曰：《续志》，后汉因。《一统志》，故城今狄道州西南。白石山在今州东，陇水所经。自《寰宇记》谓山有梁泉，后人遂误以为即兰州之山。盖兰州东南八十里，亦有白石山，山有梁泉也。河水西亦有白石山。

【编者按】治今甘肃临洮县。

上邽，

【颜注】应劭曰：《史记》，故邽戎邑也。师古曰：邽，音圭。

【补注】先谦曰：秦伐邽戎，以为县。见《秦纪》。周勃所攻，见世家。县人赵充国、段会宗，见本传。上官桀，见《外戚传》。《续志》，后汉改属汉阳。《一统志》，故城今秦州西南。邽山在州西北。

【编者按】治今甘肃天水市。

安故，

【补注】先谦曰：县见《武纪》。《续志》，后汉因。《一统志》，故城今狄道州南。

【编者按】治今甘肃临洮县南。

氐道，《禹贡》养水所出，至武都为汉。

【补注】齐召南曰：养，当作漾。前文引《禹贡》嶓冢道漾，即其证也。王念孙曰：《说文》，漾，古文作𣶒，今志作养者，𣶒之假借字也。《续志》亦作养。《淮南·地形》篇作洋。高注，洋或作养。是古书多以养为漾。又云，至武都为汉，至上脱“东”字。《禹贡》嶓冢导漾，东流为汉，即班志所本。《说文》，漾水出陇西獬道（当依《汉志》作氐道，《水经注》已辩之），又云东至武都为汉。《水经》云，漾水出陇西氐道县嶓冢山，东至武都沮县为汉水，皆本班志。

先谦曰：《续志》，养水出此。刘注，《巴汉志》云，汉水二源，东源出县之养山，名养。《漾水注》，孔安国云，泉始出为漾，其犹漾耳。常璩专为漾山漾水，当是作者附为山水之殊目。先谦案，注引常璩、阚骃，皆言东源出氐道为汉，西源出西县为西汉，与司马彪、袁山松同。阚骃言，漾水出昆仑西北隅，至氐道重源显发，为漾水。则本之《山海经》及高诱说。道元于《漾水》篇，但辨常璩西汉始源曰沔之误。许慎、吕忱漾水出獬道之非，以下专叙西汉源流，不言汉水，良以养水初源，无可推证，《水经》既附西汉于漾水，因而释之。至漾水下至武都，则分晰于沔水、沮水篇下也。

莽曰亭道。

【颜注】师古曰：氐，夷种名也。氐之所居，故曰氐道。氐，音丁溪反。养，音弋向反。字本作漾，或作𣶒。

【补注】先谦曰：《续志》，后汉因。钱坫云，故城，今清水县西南。县在上邽之东南，下辨之东北。

【编者按】治所当在今甘肃武山县、岷县及礼县交界处一带。

首阳，

【补注】先谦曰：有西极山，见《元纪》。《续志》，后汉因。《一统志》，故城在渭源县东北。

《禹贡》鸟鼠同穴山在西南，渭水所出，东至船司空入河，

【补注】先谦曰：《禹贡》山水泽地篇，鸟鼠同穴山在首阳县西南，与志合。船司空，京兆县。《说文》，渭水出首阳渭首南谷，东入河。《渭水注》，渭水出县首阳山渭首亭南谷，山在鸟鼠山西北，此县有高城岭，岭上有城，号渭源城，渭水出焉，三源合注，东北流迳首阳县西，与别源合，其水南出鸟鼠山渭水谷，《禹贡》所谓渭出鸟鼠者也。地说曰，鸟鼠山，同穴之枝干也，渭水出其中，东北过同穴枝间，既言其过，明非一山也。渭水东南流，迳首阳县南，右得封溪水，次广相溪水，共谷水；左则天马溪水，次伯阳谷水，乱流东南出，下入襄武。《一统志》，鸟鼠山在今渭源县西，鸟鼠同穴，详《山海经》郭注。

过郡四，

【补注】先谦曰：陇西、天水、扶风、京兆。

行千八百七十里。雍州浸。

【补注】先谦曰：胡渭引易氏云，渭水自渭源至入河，通计一千四百三十一里。

【编者按】治今甘肃渭源县北。

予道，莽曰德道。

【补注】先谦曰：《续志》，后汉省。

【编者按】今地无考。

大夏，莽曰顺夏。

【补注】朱一新曰：顺夏，汪本作顺陵，误。先谦曰：《续志》，后汉因。《河水注》，大夏川水出西山，二源合会，而乱流迳金纽城南。《十三州志》云，大夏县西有故金纽城，去县四十里，又东北迳大夏县故城南。《地道记》云，县有禹庙，禹所出也。又东北出山入洮。《一统志》，故城今河州东南，大夏水今三岔河。

【编者按】治今甘肃广河县西。

羌道，

【补注】先谦曰：高帝时地震，见纪。《续志》，后汉改属武都。《一统志》，故城今阶州西，成固县西北。

羌水出塞外，南至阴平入白水，

【补注】先谦曰：阴平，广汉县。《羌水》篇，羌水出羌中参狼谷。注云，彼俗谓之天池白水。《地理志》曰，出羌道。东南流迳宕昌城东，西北去天池五百余里。羌水又迳宕婆城东，而东南注，合阳部溪水，又迳武阶城西南（后魏县，今阶州东），下入阴平。《一统志》，羌水今白龙江。出洮州卫西南番界，东南流迳

岷州，又东迳阶州，合白水。

过郡三，行六百里。

【颜注】师古曰：《水经》云，羌水出羌中参谷。

【补注】先谦曰：郡三当作郡二，陇西、广汉也。颜注参下夺狼字。

【编者按】治所当在今甘肃舟曲县北与宕昌县交界处一带。

襄武，莽曰相桓。

【补注】先谦曰：后汉因。《一统志》，故城今陇西县东五里。

【编者按】治今甘肃陇西县东。

临洮，

【补注】先谦曰：秦县，始皇迁民于此，见本纪。蒙恬筑长城，起此至辽东，见本传。

洮水出西羌中，北至枹罕东入（西）[河]。

【补注】王鸣盛曰：南监本，西作河，是。朱一新曰：汪本作河。先谦曰：《河水注》引《地理志》云，洮水出塞外羌中。又云，《沙州记》云，洮水与垫江水（即白水），俱出强台山，山南即垫江源，山东则洮水源。强台，西倾之异名也。

【中华校】景祐、殿、局本“西”都作“河”。

《禹贡》西倾山在县西，

【补注】先谦曰：《禹贡》山水泽地篇，西倾山在临洮县西南，与志合。山在洮州卫西南三百三十余里，番名罗插普喇山，绵亘千余里，黄河以南诸山，无大于此者。

南部都尉治也。

【颜注】师古曰：洮，音吐高反。枹读曰肤，顷读曰倾。

【补注】先谦曰：《续志》，后汉因。《一统志》，故城今岷州治，白水出松潘厅北境，东流至昭化县，入嘉陵江。

【编者按】治今甘肃岷县。

西。

【补注】先谦曰：《史记》，尧申命和仲居西土。徐广以为此县秦县也。有丞。为周勃、樊噲击破，见勃、噲《传》。

《禹贡》岷冢山，西汉所出，南入广汉白水，东南至江州入江，

【补注】先谦曰：《禹贡》山水泽地篇，岷冢山在氏道县南，与志合。西与氏道接界也。《通典》所谓上邦之岷冢，在今秦州。西汉下脱“水”字，“入”当作“会”。陈澧云，“南入广汉白水”六字衍。甸氏道下云，白水入汉，此云汉入白水，志无此例。且既云入白水，又云入江，亦无此例也。江州，巴郡县。《续志》西下云，有岷冢山西汉水。《漾水

注》，西县岷冢山，西汉水所导也，微涓细注，若通冢历津注而已。西流合马池水，又西南流，左得五水，右得三水，又合资水、峡石水、杨廉川水，迳始昌峡，又迳宕备戍，合宕备水、盐官水、左谷水、兰皋水。又迳祁山军，合鸡水、建安川水。汉水之北，连山秀举，祁山在岷冢西七十许里，汉水迳其南，又合甲谷水，又西迳南岨北岨中，又合武植戍水、夷水，下入武都嘉陵。先谦案，西汉水自今西河礼县至成县，即《汉志》嘉陵也。

过郡四，

【补注】先谦曰：陇西、武都、广汉、巴。行二千七百六十里。莽曰西治。

【补注】王念孙曰：此下脱“有盐官”三字。《漾水注》，盐官水北有盐官，在岷冢西五十许里，相承营煮不辍，味与海盐同。故《地理志》云，西县有盐官，是其证。先谦曰：《续志》，后汉改属汉阳。《一统志》，故城今秦州西南百二十里。

【编者按】治今甘肃礼县北。

金城郡

金城郡，

【补注】先谦曰：据《河水注》，郡治允吾。《续志》，后汉治同。

昭帝始元六年置。

【补注】先谦曰：见《昭纪》。

莽曰西海。

【颜注】应劭曰：初筑城得金，故曰金城。臣瓚曰：称金，取其坚固也。故墨

子曰，虽金城汤池。师古曰：瓚说是也。一云以郡在京师之西，故谓金城。金，西方之行。

【补注】何焯曰：《平纪》元始四年冬，置西海郡，乃王莽遣中郎将平宪等持金币，诱羌豪良愿等献地为之，非改金城故名也。注疑有讹字，特附见西海之名于此郡下耳。先谦曰：莽时献地之卑和

羌，在临羌县西，见后阾骊注。莽纳其地，因并金城之名改为西海耳。志文不讹，何说误。《续志》，后汉因。属凉州，志失书。

【集释】王峻曰：《水经注》亦以金城即王莽之西海，又云湟水东南流迳龙夷城，故西零之地也。《十三州志》曰，城在临羌新县西三十里，王莽纳西零之献以为西海郡，治此城。《元和志》云，龙夷城今鄯州西北三百五十里，威龙城也。今按其地正当青海之东，故《水经注》又曰，莽置西海郡，筑五县周海，亭燧相望。莽篡政纷乱，亦废弃。盖莽初置时本在金城之外，其后废弃，遂移其名于金城耳。

户三万八千四百七十，口十四万九千六百四十八。

县十三：

【补注】钱大昕曰：《昭纪》始元六年，以边塞阔远，取天水、陇西、张掖各二县置金城郡，是金城始置只有六县。此十三县之中，惟破羌、允街两县宣帝所置，其余俱不书置自何时，可见志之阙漏者多也。先谦曰：破羌、允街外，榆中秦置，令居武帝置，河关宣帝置，白石见《元纪》，临羌见《赵充国传》，余无考。

【编者按】金城始置六县为：榆中、金城、白石、枹罕及令居、枝阳，分别取自天水、陇西、张掖三郡。此时之金城郡地域狭小，仅得《汉志》金城郡之东半部，金城县适居六县之中心，必为最初之郡治，故郡乃以县名。金城建郡后，乃逐步向西面羌人所居地推进，大致在宣帝神爵二年或其后不久，金城郡的地域即已达到《汉志》所示的范围。此时，旧郡治金城县已偏于东隅，所以西迁允

吾县。《汉志》金城郡即以允吾为首县。详见《西汉政区地理》下篇三章三节。

允吾，乌亭逆水出参街谷，东至枝阳入湟。

【补注】先谦曰：《河水注》，逆水出允吾县之参街谷，东南流迳街亭城南，又迳阳非亭北，下入枝阳。《元和志》、《寰宇记》称乌逆水。《一统志》，逆水出平番县西。旧《志》，即庄浪河，入河不入湟，其下流去湟入河处甚近，盖水道微有变迁。陈澧云，今可可河出庄浪厅西境山，东南流，至厅西南境入湟水。先谦案，陈说是。详令居下。

莽曰修远。

【颜注】应劭曰：允吾，音铅互。

【补注】钱坫曰：梁鸿父让，王莽时封修远伯，即此地。先谦曰：《续志》，后汉因。《一统志》，故城今皋兰县西北。

【编者按】治今甘肃永靖县西北。

浩亶，浩亶水出西塞外，东至允吾入湟水。莽曰兴武。

【颜注】孟康曰：浩亶，音合门。师古曰：浩，音诰。浩，水名也。亶者，水流峡山，岸深若门也。《诗·大雅》曰，鳧鷖在亶，亦其义也。今俗呼此水为閼门河，盖疾言之浩为閼耳。湟，音皇。

【补注】先谦曰：《续志》，后汉因。《河水注》，閼门河即浩亶河，出西塞外，东入塞，迳敦煌、酒泉、张掖南，又东南迳西平之鲜谷塞尉故城南（当在今青海北），又合湛水，又东迳养女北山（在今大通县西），左合南流川水，又迳浩亶县故城南。阾骊云，浩读閼也，故亦曰閼

门水，两兼其称矣。下入允吾。《一统志》，故城今碾伯县，东接平番县界，与西大通堡近，浩亶水今大通河。

【编者按】治今甘肃永登县西南。

令居，

【补注】先谦曰：县详张骞、匈奴《传》及《后书·西羌传》。

涧水出西北塞外，至县西南，入郑伯津。莽曰罕虏。

【颜注】孟康曰：令，音连。师古曰：令，音零。

【补注】先谦曰：《续志》，后汉因。郑伯津即河津也。《河水注》，涧水出令居县西北塞外，南流迺其县故城西，武帝元鼎二年置，又南迺永登亭，西历黑石谷，南流注郑伯津。《甘肃通志》，涧水即可可川，出古浪县西南，南流迺大通堡东，又南迺红城子入湟。《一统志》，故城今平番县西北，陈澧云，涧水即庄浪河，志言逆水出参街谷，涧水出塞外，今可可河出庄浪厅西境，而庄浪河出其北百余里，故知庄浪河为出塞外之涧水，而可可河为逆水也。

【编者按】治今甘肃永登县西。

枝阳，

【补注】先谦曰：《续志》，后汉因。《一统志》，故城今平番县城，南接皋兰县界。董祐诚云，当在今庄浪厅南。

【编者按】治今甘肃永登县南。

金城，莽曰金屏。

【补注】先谦曰：《续志》，后汉因。《一统志》，故城今皋兰县西南。

【编者按】治今甘肃兰州市西。

榆中，

【补注】先谦曰：秦县，见《始皇纪》。《续志》，后汉因。《一统志》，故城今金城县西北，在黄河之北。《寰宇记》谓即大小榆谷。《明统志》云，在兰州西二百里。皆误。

【编者按】治甘肃今县西。

枹罕，

【颜注】应劭曰：故罕羌侯邑也。枹，音扶。师古曰：读曰肤，本枹鼓字也。其字从木。

【补注】先谦曰：顾祖禹云，《寰宇记》枹罕县下引《周地图》云，枹罕，即故枹罕侯邑也。应注故下夺枹字，县亦见《武纪》。《续志》，后汉改属陇西。《一统志》，故城今河州治。

【集释】陈直曰：《汉印文字征》第十二，有“枹罕护军长史印”，借枹为枹，其他尚少见。

【编者按】治今甘肃临夏市西南。

白石，

【补注】先谦曰：任立屯军于此，见《元纪》。

离水出西塞外，东至枹罕入河。莽曰顺砾。

【颜注】应劭曰：白石山在东。

【补注】宋祁曰：砾，一本作乐。先谦曰：《河水注》，漓水导源塞外羌中（董祐诚云，今大夏河。出循化厅西南边外。山曰答苏尔海阿林，水曰和尔藏必拉），故志云，出西塞外也。先谦案，《水经

注》作顺砾，则宋说一本作乐者，误也。《续志》，后汉改属陇西。《一统志》，故城今河州西南，漓水今大夏河。

【编者按】治今甘肃临夏县西南。

河关，

【补注】王念孙曰：《河水注》引《地理志》云，汉宣帝神爵二年置河关县，则此县下当有“宣帝神爵二年”置七字，而今本脱之。先谦曰：《续志》，后汉改属陇西。《一统志》，故城今河州西。

积石山在西南羌中。

【补注】先谦曰：《禹贡》山水泽地篇，积石在河关县西南。注云，《山海经》云，在邓林东，河所入也。《一统志》，积石山即今大雪山，在西宁边外西南五百三十余里黄河北岸，绵亘三百余里，上有九峰，为青海诸山之冠。河流其南，至山之东，乃折而北，土人以为西海之望，四时祷祀，唐时名为大积石，《元史》误为昆仑者也。《西域水道记》云，自章怀注《后书》，误认龙支县之小积石为《禹贡》之积石，杜佑《通典》踵其谬，至蔡传援以释经，而大小积石合而为一矣。小积石山在今甘肃河州西北七十里。山之西北百二十里，为积石关。

河水行塞外，东北入塞内，至章武入海，

【补注】先谦曰：章武，勃海县，班氏知河流荒远，故志浑言行塞外，而不记所出。国朝乾隆中平定回部，侍卫阿弥达往穷河源，见阿勒坦郭勒之西有巨石，高数丈，名阿勒坦噶达素齐老（蒙古语，噶达素，北极星；齐老，石也）。其崖壁黄赤色，壁上为天池，池中流泉喷涌，酃

为百道，皆作金色，入阿勒坦郭勒，为真黄河上源。其阿勒坦郭勒（蒙古语，阿勒坦即黄金，郭勒即河也），在星宿海西南，水色黄，回旋三百余里，穿入星宿海中，自蒲昌海（即盐泽，蒙古语谓之罗布淖尔）伏流地中，至青海始出，为星宿海（蒙古语谓之鄂敦塔拉，其水在库尔坤之东）。而河源黄色，独为灵异，更在星宿海上，合流至贵德堡，始名黄河。《元史》志言张骞道西域，见二水交流，发葱岭，汇盐泽，伏流千里，至积石而再出。《史记·大宛传》，本书《西域传》，于阗之东水，流注盐泽，潜行地下，其南则河源出焉，皆相符合。详见《御制河源纪略》。

《水经·河水》篇，河水东入塞，过敦煌、酒泉、张掖郡南。注云，河水自蒲昌有隐沦之证，并间关入塞之始，河水重源，又发于西塞之外，出于积石之山。《山海经》云，积石之山，其下有石门，河水冒以西流，《禹贡》所谓导河自积石也。山在西羌之中，河水屈而东北流，迺析支之地，是为河曲。应劭云，《禹贡》析支属雍州，在河关之西，东去河关千余里，羌人所居，谓之河曲羌也。东北历敦煌、酒泉、张掖南，而缠络远矣（董祐诚云，经举三郡以表地，注明河去三郡尚远，《通典》必欲求河于三郡中，误矣）。河水自河曲，又东迺西海郡南，王莽置，筑五县。又迺允川，而历大榆小榆谷北（今贵德厅西），又右迺沙州北（盖即河关县境）。《地理志》云，宣帝神爵二年置河关县，盖取河之关塞也。又东北入西平郡界（晋郡），左合二川，又合济川水，又东迺浇河故城北（宋县），又迺石城县南（后魏县）合北谷水，迺黄

(当作湟)河郡城南(前凉郡),又北迳广远城北(循化、贵德二厅间)合乌头川水,又东迳邯川城南(巴燕戎格厅境内)纳邯亭二水、临津溪水、白土川水,又东北会两川,右合二水,又合唐述水、研川水,下入枹罕。

《西域水道记》云,罗布淖尔水伏流东南,千五百余里,涌出于巴颜哈喇山之麓,为阿勒坦郭勒,东北行三百里,入鄂敦塔拉,会碧水,黄色稍淡,纵广百里,南北长而东西狭,泉数百如星,故有星宿海之号,又东出鄂敦塔拉,东南流百三十里,潴为札陵淖尔,出淖尔东南流,折而南五十里,潴为鄂陵淖尔,自淖尔东北出,东流五十里,折而东南百四十里,又南流二百六十里,折而东南三百里,迳阿弥耶玛勒津木逊山南麓,又东流折而北,又折而西北,凡千六百余里,迳山之东麓,迄于克俦渡口。山即古大积石也,自先秦古书言河出昆仑,而不言昆仑所在,言河伏流,而不言伏流所出,至《汉书》,始有源出葱岭于阗,潜流地下,南出积石之文,得河之初源,而未言重源。唐刘元鼎使吐番,误指库尔坤山为昆仑(巴颜哈喇山、阿克塔沁山、巴尔布哈山,三山并峙,总名库尔坤山),而云河源出其间,则失河之初源、重源,而并失昆仑。元潘昂霄撰《河源志》,以火敦老儿(即鄂敦塔拉)为河源,而误指大积石山为昆仑,小积石山为《禹贡》积石,则失河之初源重源,而并失昆仑与积石,自非八荒在宥,千载一时,淆乱之说,畴使辨哉。

【编者按】河水即今之黄河,发源于青海巴颜喀喇山北麓的卡日曲,全长5464公里,在山东垦利县境入渤海。

由于黄河源远流长,又在中国传统文化中占据重要的地位,因此千百年来黄河源头始终蒙上一层神秘色彩,既误其发源于昆仑,又复臆造出伏流、重源之说,自先秦古书直至清代徐松之《西域水道记》,莫不如此。而先谦亦莫能是正。

过郡十六,行九千四百里。

【补注】王鸣盛曰:河所过郡,据郑康成《尚书》注,当为金城、天水、武威、安定、北地、朔方、五原、云中、定襄、雁门、西河、上郡、河东、冯翊、河南、河内、魏郡、巨鹿、东郡、清河、平原、信都、勃海,凡二十三郡,此言十六,疑有阙漏。

【编者按】治所当在今青海同仁县北。

破羌,宣帝神爵二年置。

【补注】王念孙曰:《河水注》,湟水东迳破羌县故城南。应劭云,宣帝神爵二年置。全氏祖望据此,谓“宣帝神爵二年置”七字,乃应劭注,非班志原文。今本脱“应劭曰”三字。案上文之河关,下文之允街,并云宣帝神爵二年置,则此亦班志原文,非应劭注也。《水经注》所引乃应劭《地理风俗记》耳。《淇水注》,白沟又东,水迳平恩县故城东。《地理风俗记》云,汉宣帝地节三年置,是其比例也。或曰,既系班志原文,何以不引班志而引《地理风俗记》乎?曰,西河郡鸿门下云,有天封苑火井祠,火从地中出,此班志原文也,而《河水注》以为《地理风俗记》文;曰南郡下云,故秦象郡,武帝元鼎六年开,此班志原文也。而《温水注》亦以为《地理风俗记》文。然则《水经注》中,固有不引班志而引《地理风俗记》者矣。右扶风渭城下云,故咸阳,此班志原文也,而《渭水注》则云,

渭城，文颖以为故咸阳。彼言文颖以为故咸阳，犹此言应劭曰宣帝神爵二年置也，岂得“应劭曰”三字，而遂谓其非班志原文乎。

先谦曰：《续志》，后汉因。《一统志》，故城今碾伯县西。

【编者按】治今青海乐都县东。

安夷，

【补注】先谦曰：《续志》，后汉因。《一统志》，故城今西宁县东七十里。

【编者按】治今青海西宁市东。

允街，宣帝神爵二年置。莽曰修远。

【颜注】孟康曰：允，音铅。

【补注】先谦曰：《续志》，后汉因。修远下宜有亭字，以别于郡治，今脱。《一统志》，故城今平番县南。《寰宇记》，其城极险阻，沮渠蒙逊增筑防戍，今尚坚完。

【编者按】治今甘肃永登县南。

临羌。

【补注】先谦曰：县见《赵充国传》。

西北至塞外，有西王母石室、仙海、盐池。

【补注】钱坫曰：《尔雅》四荒，有西王母，国名。《竹书纪年》穆王十七年，西征于昆仑丘，见西王母，即此地矣。依《水经注》，石室下当有“石釜”二字。先谦曰：董祐诚云，《河水注》作西海，即仙海，今曰青海，蒙古曰库克诺尔。盐池在西南，蒙古曰达布逊诺尔。库克谓青，达布逊谓盐，诺尔即积水之名也。

先谦案，仙、西、青，并声转字变。仙海之当西海，犹先零之为西零矣。赵充国、王莽《传》又作鲜水海，鲜、仙亦音同变字。《一统志》，青海在西宁府西五百余里，周曰七百五十余里。盐池在青海西南，周百余里，产青盐。

北则湟水所出，东至允吾入河。

【补注】先谦曰：《河水注》，有湟水，出塞外，东迳西王母石室石釜、西海盐池北，故阾骊云，其西即湟水之源也。《地理志》云，湟水所出。董祐诚云，湟水出青海东北，实不迳青海盐池之北。志云北则湟水所出，盖指县北言之，与上西北一例，非蒙上仙海盐池也，鄙偶失检。西有须抵池，有弱水、昆仑山祠。

【补注】先谦曰：弱水、昆仑山二祠也。《续志》有昆仑山，乃误夺祠字，后人多据此以为山水在县境，非也。陈澧云，今青海之南有功额池、细纳池、奇尔多克池，殷得尔图池，未知孰为须抵池也。此弱水祠，非祠张掖删丹水，盖祠青海，即仙海也。青海水不能浮舟，故亦谓之弱水矣。

莽曰盐羌。

【颜注】师古曰：阾骊云，西有毕和羌，即献王莽地为西海郡者也。抵，音丁礼反。

【补注】王念孙曰：盐，当依《水经注》作监。凡县名上一字称临者，莽多改为监。王鸣盛曰：注，毕，南监本作卑。先谦曰：作卑是也。据《河水注》，和与禾同。《续志》，后汉因。《一统志》，故城今西宁县治。

【编者按】治今青海湟源县东南。

天水郡

天水郡，

【补注】阎若璩曰：天水治平襄，以《五行志》知之。《水经注》言故天水郡治冀，指东汉时。先谦曰：《续志》，后汉治冀。《渭水注》，上邽北城中有湖水，有白龙出是湖，风雨随之，故汉武帝元鼎三年改为天水郡。据此，置郡时上邽来属，后改属陇西耳。

武帝元鼎三年置。

【补注】钱大昕曰：盖析陇西置，李广陇西成纪人，志属天水，是其证也。

莽曰填戎。明帝改曰汉阳。

【颜注】师古曰：《秦州地记》云，郡前湖水，冬夏无增减，因以为焉。填，音竹真反，其后并同。

【补注】钱坫曰：《后书·马援传》作镇戎。吴卓信曰：本书《原涉传》、《后书·隗嚣传》，并有填戎大尹。朱一新曰：《渭水注》作镇戎。此填字当音竹刃反，颜云竹真反，未喻。陈景云曰：明帝六字，恐是后人注，非班语。先谦曰：《续志》，后汉属凉州，志失书。

户六万三百七十，口二十六万一千三百四十八。

县十六：

平襄，莽曰平相。

【颜注】师古曰：阾驷云，故襄戎邑也。

【补注】先谦曰：《续志》，后汉因。《一统志》，故城今通渭县西南。《纪要》，伏羌县西南三十里。钱坫云，《通典》，故

城在伏羌县南。《后书》注，在伏羌县西北。《寰宇记》，在大潭县南一百三十里。案《寰宇记》之说，似与《通典》同。今大潭废县在西河县东南也，但以为天水郡治，则当在伏羌为是。

【编者按】治今甘肃通渭县西。

街泉，

【补注】先谦曰：《续志》，后汉省。略阳县下云，有街泉亭。刘注，街泉故县省。《寰宇记》，俗名汉街城，在陇城县东北六十里，马谡为张郃败处。《一统志》，故城今秦安县东北。

【编者按】治今甘肃庄浪县东南。

戎邑道，莽曰填戎亭。

【补注】先谦曰：《续志》，后汉省。《一统志》，魏置安戎县，为略阳郡治。故城今秦安县东百二十里。

【编者按】治今甘肃清水县西北。

望垣，莽曰望亭。

【补注】先谦曰：后汉因，《续志》作望恒，恒盖垣形近而误。《一统志》，故城今秦州西北。

【编者按】治今甘肃天水县西北。

罕开，

【颜注】应劭曰：音羌肩反。师古曰：本破罕开之羌，处其人于此，因以名云。

【补注】先谦曰：罕开羌详《赵充国

传》。苏林云，在金城南。《续志》，后汉省。《纪要》。故城今秦州南。

【编者按】治所当在今天水县东南。

绵诸道，

【补注】先谦曰：绵诸本戎名，见《匈奴传》。县见《五行志》。《续志》，后汉省。《一统志》，故城今秦州东四十五里邽山下古城遗址是。

【编者按】治今甘肃天水市北。

阿阳，

【补注】先谦曰：县见《高后纪》。《续志》，后汉因。《一统志》，故城今静宁城南。

【编者按】治今甘肃静宁县西南。

略阳道，

【补注】先谦曰：后汉因，《续志》无“道”字。《一统志》，故城今秦安县东北九十里。

【编者按】治今甘肃秦安县东北。

冀，

【补注】先谦曰：旧冀戎地，秦武公伐而县之，见《秦纪》，亦作驥，见《说文》。《禹贡》朱圉山在县南梧中聚。

【补注】先谦曰：《禹贡》山水泽地篇，朱圉山在天水北冀城南，与志合。《渭水注》，山在梧中聚，有石鼓，不击自鸣，鸣则兵起，案《五行志》云，冀南山有大石，自鸣者也。《一统志》，山在今伏羌县西南三十里，圉圉古通用。

莽曰冀治。

【颜注】师古曰：《续汉·郡国志》云，

有缙群山落门聚，圉读与圉同。

【补注】先谦曰：《续志》，后汉因。落门作雒门（来歙破隗嚣处）。《一统志》，故城今伏羌县南。

【编者按】治今甘肃天水市西北。

勇士，属国都尉治满福。

【补注】先谦曰：别为一城治，隶于勇士县。《霍去病传》，分处匈奴降者于边五郡故塞外，而皆在河南，因其故俗为属国。

莽曰纪德。

【颜注】师古曰：即今土俗呼为健士者也。随室之初，避皇太子讳，因而遂改。

【补注】先谦曰：官本今下有主字，随作隋。引宋祁曰，主土当删主字。先谦案，《续志》，后汉因。《一统志》，故城今金城县东北。

【编者按】治今甘肃榆中县北。

成纪，

【补注】先谦曰：元帝时黄龙见，见本纪。县先属陇西。县人李广，见《广传》。《续志》，后汉因。《渭水注》，成纪水导源西北当亭川，东流出破石峡，津流遂断，故渎东迳成纪县，故帝太皞庖牺所生处，王莽之阿阳郡治也（此盖支郡，所谓大郡至分为五者也），又东潜源隐发，通入成纪水，东南入瓦亭水。先谦案，《莽传》有成纪大尹李育，盖阿阳郡治成纪，故有此称。《一统志》，故城今秦安县北。

【编者按】治今甘肃静宁县西南。

清水，莽曰识睦。

【补注】先谦曰：《续志》，后汉省。《渭水注》，秦水出大陇山秦谷，二源双导，历三泉，合成一水而历秦川。川有故秦亭，秦仲所封也。秦之为号，始自是矣。《通典》云，秦州清水县，秦仲始所封地，汉置县也。据《续志》成纪下汪云，有秦亭。明后汉并入成纪。《一统志》，故城今清水县西五十里牛头山下。清水在县北。

【编者按】治甘肃今县西北。

奉捷，

【补注】先谦曰：《续志》，后汉省。

【编者按】今地无考。

陇，

【颜注】师古曰：今呼陇城县者也。

【补注】先谦曰：《续志》，后汉省。《一统志》，故城今清水县北。晋大兴初，南阳王保故将陈安保陇城，刘曜攻拔之，即故县城也。后魏改置陇城县于略阳界，非故治，颜注误也。《旧唐志》，陇城，汉陇县。隋加城字，误同。

【编者按】治今甘肃清水县北。

獬道，

【补注】先谦曰：秦孝公斩戎之獬王，

见《秦纪》。《匈奴传》所谓陇西有翟獬之戎也。县见《元纪》。

骑都尉治密艾亭。

【颜注】应劭曰：獬，戎邑也。音完。

【补注】钱坫曰：亭在今府城东北。陈奂曰：密艾亭上疑脱莽曰二字。《秦纪》集解引应注，獬，音桓，是也。《说文》獬，读若完。朱一新曰：陈说非也。骑都尉治密艾亭，与上属国都尉治满福一例，皆七字连读。满福、密艾亭为属国都尉、骑都尉治所。勇士、獬道为县令长治所，两不相蒙也。张掖郡休屠下两都尉治所，一在熊水障。酒泉郡之会水、乾齐，敦煌郡之敦煌、广至、龙勒，北地郡之富平，五原郡之成宜，皆都尉，别有治所，与此同例。先谦曰：《续志》，后汉因。《一统志》，故城今陇西县东北，渭水北。

【编者按】治今甘肃陇西县东南。

兰干。莽曰兰盾。

【补注】陈奂曰：干，音戡。《说文》，戡，盾也。先谦曰：《续志》后汉因。吴卓信云，《典略》，马腾父子硕，尝为兰干尉。

【编者按】今地无考。

武威郡

武威郡，

【补注】先谦曰：《禹贡》山水泽地篇注，郡治武威。《续志》，后汉治姑臧。

【集释】严耕望曰：据《水经注》，初置武威郡治武威县，是也。然不足以概哀平之世。考武帝始置武威郡时，兼有

《地志》张掖郡之地，其时武威县地当一郡中心，故为郡治，且以郡名名县。遼分郡之西北部为张掖郡，武威县于武威郡已为西北部，而姑臧即为郡之中心，且当通西域孔道，其为郡治之条件已远优于武威。且前汉武威郡之疆域变化甚大，而《地志》与《续志》之县城相差甚微，《续志》既治姑臧，吾人与其相信郡治之徙在班志版籍之后，不如信其徙治在班志之前也。又《地志》，休屠城，北部都尉治。其地在姑臧之北，而在武威县之南甚远，若郡治仍在武威，则北部都尉决不当治此，是西汉末郡治不在武威而在姑臧必矣。

【编者按】武威乃宣帝时分张掖置，详下。故武威郡是以县名郡不是以郡名县，严说适得其反。但严说西汉哀平之世武威郡治已移至姑臧，则有其道理。故匈奴休屠王地。武帝太初四年开。

【补注】齐召南曰：《武纪》元狩二年，匈奴昆邪王杀休屠王，并将其众来降，置五属国以处之，以其地为武威酒泉郡，岂迟至太初四年乎。志与纪自相矛盾。自应以纪为实，下三郡同。

【编者按】河西地的开辟是西汉史上一件大事，但世所习称的“河西四郡”酒泉、张掖、敦煌、武威的设置年代，却长期成为一个悬案。这主要是《武帝纪》和《地理志》所载年代相互矛盾所引起。《武纪》以为，元狩二年匈奴浑邪王杀休屠王来降，遂以其地置酒泉、武威郡，元鼎六年乃分两郡置张掖、敦煌郡。《地理志》则认为太初元年开酒泉、张掖，四年开武威，后元元年乃分酒泉置敦煌。

对于这一矛盾，早期的《汉书》注家从

未触及，大约都知难而退。直到宋代司马光才提出这个问题，因为《资治通鉴》的编年体例迫使他去确定置郡年代。但司马光也未能克服这一矛盾，只能提出“今从武纪”的解决办法。自此以后，“从武纪”便成为回避矛盾的防空洞。上引齐召南曰，就是其典型。例外从《地理志》的似乎只有朱一新一人。调和的也有，如王峻的《汉书正误》，即以置郡和开府时间的先后来解释纪志的歧异。

但无论是从纪、从志还是调和派，都是一种简单从事的办法。数百年来，四郡的建置年代实际上并没有真正解决。这个局面直到四十年代才为张维华的卓识所打破。张氏在其《汉河西四郡建置年代考疑》一文中，从《武纪》、《地志》以外的《史》、《汉》有关记载出发，综合考察河西地区置郡的经过，断言《武纪》、《地志》的说法都存在问题，认为四郡之中酒泉最先置，武威最后，张掖、敦煌则《武纪》可从。

据张氏分析，《史记》大宛、匈奴、霍去病诸传及《汉书·西域传序》记河西最初所置郡，皆独有酒泉而不及武威，因此《武纪》言武威与酒泉同置于元狩二年之说不可靠。而且酒泉置于元狩二年，亦嫌过早，因为《武纪》述元狩四年移民不及河西，而《大宛传》载张骞元狩四年后对武帝犹言“故浑邪地空无人”，欲招诱乌孙使东还“居故浑邪之地”，可见当时不可能已置郡，因此推断酒泉当置于元鼎二三年间，乌孙不肯东还之后。武威郡之置则应迟至昭帝元凤元年与宣帝神爵元年之间，因为昭帝始元六年始置金城郡时，取天水、陇西、张掖

各二县以成立,而未言及武威,如武威先已置郡,就地理方位言,当云取武威二县,不当言取张掖二县。武威之名始见于《汉书·赵充国传》“屯兵在武威、张掖、酒泉”一语,时当神爵元年用兵西羌,故武威之置又须在此年以前。

以上结论得之于人所习见的《史》、《汉》记载,并未借助于考古资料,虽然具体年代不无可商榷之处,但已大大超越前人的认识。六十年代初,陈梦家先生更进一步,将《史》、《汉》等文献资料和汉简所载有关史料进行全面的排比,上起元狩二年下及神爵元年及武威置郡以后。据而认为《史记》的记载有其一致性,四郡之建置主要应以《史记》为据,而不能受《汉书·武纪》的支配(见陈氏所著《河西四郡的建置年代》,载《汉简缀述》一书)。

陈氏的结论是,酒泉、张掖应同置于元鼎六年。因为《平准书》有言:“其明年(徐广曰元鼎六年)南越反,西羌侵边为桀,于是天子为山东不赡,赦天下。因南方楼船卒二十余万人击南越,数万人发三河以西骑,击西羌,又数万人渡河筑令居,初置张掖、酒泉郡。”敦煌之置当更在张掖、酒泉之后。《大宛传》谓元封六年,单于益西方而匈奴“右方直酒泉、敦煌郡”,故敦煌当置于元封四、五年间。

至于武威则应置于宣帝初,而不在昭末。因为居延汉简 7.7(甲 45A)言:“地节二年六月辛卯朔丁巳,肩水候房谓候长光以姑臧所移卒被候,本籍为行边丞相王卿治卒被候……。”说明后来作为武威郡治的姑臧当时尚属张掖管辖,因此张掖肩水候官告候长核对姑臧

戍卒名籍,显见武威地节二年前尚未置郡,否则姑臧戍卒当戍休屠,而不在居延。至神爵元年则《赵充国传》已有武威之名,故其建郡之上下限应缩短为地节三至元康四的六年间。

要之,张、陈两氏的共同点是武威最后置,虽然断代稍有宽狭的不同,张掖郡置于元鼎六年,与《武纪》同,虽然陈氏认为张掖并非酒泉所分。敦煌郡张从《武纪》,而陈稍有异议。至于酒泉郡则看法不一,代表两种不同思维方式。因此四郡建置问题尚未完全解决,须作进一步分析。

武威郡最后置确是不易之论,毋庸再议。实际上《史记》全书不及武威一名已从侧面证明了这一点,问题只在于确定建郡的具体年限。张氏以为武威之名首见于《赵充国传》,因此以神爵元年为武威置年之下限,陈氏看法与之相同,任取神爵元之前一年元康四为下限。其实武威一名首见于《霍光传》,一条重要记载被两位学者所忽略了。

《霍光传》记宣帝“乃徙光女婿度辽将军未央卫尉平陵侯范明友为光禄勋……数月,复出光姊婿给事中光禄大夫张朔为蜀郡太守,群孙婿中郎将王汉为武威太守”。检《百官表》,范明友为光禄勋事在地节三年,可见武威郡至迟该年已置。因此张、陈二氏所定武威置郡之下限已不足凭。但陈氏认为武威置郡之上限当在宣初而不在昭末,是正确的。因为《宣纪》载有本始二年五将军大举出击匈奴一事,《匈奴传》记此事言二十余万人出西河、云中、五原、酒泉、张掖而无武威。再参以上引居延汉简 7.7(甲 45A)的简文,推测武威当置于

地节二年以后是完全合理的。这样一来,我们便有理由相信,武威郡之置当在地节二、三年间。或者竟可以大胆设想,王汉便是武威的首任太守。

由以上分析,已知武威置郡比其他三郡整整晚了半个世纪左右,难怪乎汉末哀帝时刘歆等人述武帝之功,亦只言其起敦煌、酒泉、张掖三郡,而不及武威。将武威与其他三郡并提而称“河西四郡”当是东汉以后的事。四郡之中,酒泉最先置,而后由酒泉分置张掖与敦煌,最后才分张掖东部置武威,详见《西汉政区地理》下篇三章二节。

莽曰张掖。

【颜注】师古曰:休,音许纠反。屠,音直间反。其后并同。

【补注】先谦曰:《续志》,后汉因。属凉州。志失书。

户万七千五百八十一,口七万六千四百一十九。

县十:

姑臧,

【补注】先谦曰:《西河旧事》,凉州城,匈奴故盖臧城,音讹为姑臧。《续志》,后汉因。《一统志》,故城今武威县治。南山,谷水所出,北至武威入海,

【补注】先谦曰:海,即休屠泽也。《禹贡》山水泽地篇注,武始泽水二源,东北流为一水,迳姑臧县故城西,水侧有灵渊池。武始泽水下入休屠。横水出姑臧城下,清涧水亦名五涧水,出姑臧城东,并下入休屠。道元未言何者为谷水,盖谷水正源即武始泽也。《一统志》,南山在今武威县西南百二十里,西

连永昌县界。谷水在武威县东,亦名武始泽,即今三岔河,土人呼为郭河。案郭谷双声变字。陈澧云,今武威县沙河,出县南境山,北流至镇番县出边,入休屠泽。

行七百九十里。

【编者按】治今甘肃武威市。

张掖,

【补注】先谦曰:《续志》,后汉因。《唐志》,凉州南二百里,有张掖守捉,盖因旧县为名。

【编者按】张掖县不在张掖郡而在武威郡,似悖常理,然亦有因。前已证明河西四郡中,武威郡实为后置,故张掖县先必为张掖郡所辖,分武威郡后,方度属之。今地当甘肃省古浪县西北。

武威,

【补注】先谦曰:《续志》,后汉因。《一统志》,故城今镇番县北。《寰宇记》谓在番和县西北三百里,误也。

休屠泽在东北,古文以为猪野泽。

【补注】王鸣盛曰:猪,南监本作猪,是。先谦曰:《禹贡》山水泽地篇,休屠泽在武威县东北。注云,县在姑臧城北三百里,东北即休屠泽也。古文以为猪野。又云,马城河自宣威来,东北迳武威县故城东。《地理志》曰,谷水出姑臧南山,北至武威入海。届此水流两分,一北入休屠泽,俗谓之西海,一水又东迳百五十里入猪野,世谓之东海,通谓之都野矣。陈澧云,今镇番县东北边外大池。

【编者按】治今甘肃民勤县东北。

休屠，

【补注】先谦曰：《续志》，后汉因。《禹贡》山水泽地篇注，武始泽自姑臧来，东北流迳马城东，城即休屠县之故城也，本匈奴休屠王都。谓之马城河。

【集释】陈直曰：《善斋吉金录·玺印录》卷中有“休箸长印”。又《十六金符斋印存》有“休箸胡佰长印”。休屠皆假借为休箸，与志文不同。

莽曰晏然。

【补注】吴卓信曰：《水经注》，马城河东北迳晏然亭东。《晋志》，永宁中，张轨以秦雍流入置武兴郡。《后魏志》，武兴郡领休屠、晏然、马城三县。据本志，莽改休屠为晏然，轨盖析休屠置晏然、马城二县也。先谦曰：据《水经注》，马城即休屠县城，是休屠县更名马城也。马城河自休屠历宣威方至晏然亭，是晏然亭乃后魏废县，非莽更名休屠之晏然甚明，吴说未晰。《一统志》，故城今武威县北。

都尉治熊水障。北部都尉治休屠城。

【补注】吴卓信曰：《李广利传》，酒泉、张掖，北置居延、休屠，以卫酒泉。如淳注，立二县以卫边，或曰置二部都尉，谓此及张掖居延都尉也。

【编者按】治今甘肃武威市北。

揅次，

【补注】先谦曰：揅次一作且次，见《三国·魏志》，一作揖次，见《晋书·张骏传》、《吕光载记》、《魏地形志》。揅、且声近变字，揖即揅之讹文。

莽曰播德。

【颜注】孟康曰：揅，音子如反。次，音咨，诸本作恣。

【补注】先谦曰：《续志》，后汉因。《一统志》，故城今古浪县北。

【编者按】治所当在今甘肃古浪县北，确地不详。

鸾鸟，

【补注】宋祁曰：鸟，郡本作乌。段玉裁曰：宋有神乌县，乌是也，见《舆地记》。先谦曰：《旧唐志》、《元和志》皆作神鸟县，段说未审。《后书·桓纪》注，鸾，音瞿。《段颎传》注，鸟，音爵。《旧唐志》，鸾鸟读曰鹳雀，唐于此置嘉麟县。若作乌，不能读为爵也。《续志》，后汉因。《一统志》，故城今武威县南。《纪要》，永昌卫西南有鸾鸟山。

【中华校】景祐、殿本都作乌。

【集释】陈直曰：《居延汉简释文》卷三，有“葆鸾鸟大昌里不更李恽”户籍简文，志文作鸾鸟，为传写之误字，殿本作鸟是也。

【编者按】先谦之说有理，且有陈直所引居延汉简为证，故当以作鸾鸟为是。中华书局本改先谦补注本之鸾鸟为鸾鸟，不当。

治今甘肃武威市南。

扑剺，莽曰敷虜。

【颜注】孟康曰：音蒲环。

【补注】先谦曰：后汉因。《续志》，扑作朴。《广韵》同。《一统志》，故城今古浪县东，前凉改为魏安。后周为白山县者也。

【编者按】治今甘肃古浪县东北。

媼围，

【补注】先谦曰：《续志》，后汉因。《通鉴》胡注云，秃发偁檀之拒赫连，其臣焦朗，初令从温围水北渡，疑因媼围水得名，讹媼为温。前此晋马隆讨凉州鲜卑，渡温水，则省文也。后此拓跋伐沮渠，李顺谓自温围水至姑臧，又讹围为圉矣。先谦案，温围水即县泉源入河者是也。《说文》又作媼围。《一统志》，故城今皋兰县东北。

【编者按】治所当在今甘肃皋兰县西北一带。

苍松，南山，松陕水所出，北至揶次入海。莽曰射楚。

【颜注】师古曰：松，古松字也。陕，音下夹反。两山之间也。松陕，陕名。

【补注】先谦曰：后汉因。《续志》作仓松。《一统志》，故城今古浪县西，后汉改为昌松。松陕水在古浪县西套厄鲁特旗南界，东北至土门堡出边，至旗界猪为泽，志所谓入海也。凡边外积水处，通谓之海。

【编者按】治今甘肃武威市东南。

宣威。

【补注】先谦曰：《续志》，后汉因。《一统志》，故城今镇番县南。

【编者按】治今甘肃民勤县西南。

张掖郡

张掖郡，

【补注】阎若璩曰：郡治觿得，见《旧唐志》。先谦曰：《续志》，后汉治同。

故匈奴昆邪王地，武帝太初元年开。

【补注】钱大昕曰：《武纪》言分武威、酒泉置张掖、敦煌。敦煌为酒泉所分，则张掖必武威所分矣。四郡之地，虽皆武帝所开，然先有武威酒泉，而后有张掖敦煌，以内外之词言之，武威酒泉当云元狩二年开，张掖敦煌当云元鼎六年分某郡置。昆邪来降，在元狩间，而志以为太初。张掖乃武威所分，而志以张掖属元年，武威属四年，皆误。吴卓信曰：《武纪》明言分武威置，然则非昆邪

所属。胡氏注《通鉴》，亦从纪文。

【编者按】志云张掖太初元年开，不可信。《武纪》云，元鼎六年分武威酒泉置张掖敦煌，武威二字乃衍文，但年代可信。张掖乃分酒泉东部置，宣帝时又分张掖东部置武威。钱大昕据《武纪》，以为张掖分自武威，恰与史实相反，详见《西汉政区地理》下篇二章二节。

莽曰设屏。

【颜注】应劭曰：张国臂掖，故曰张掖也。师古曰：昆，音胡门反。

【补注】先谦曰：《续志》，后汉因。属凉州，志失书。又张掖属国下云，武帝置属国都尉，以处蛮夷降者。安帝时，别领候官、左骑、千人、司马官、千人官，

五城。又张掖居延属国下云，故郡都尉，安帝别领居延一城。属亦同。

户二万四千三百五十二，口八万八千七百三十一。

县十：

觿得，

【补注】先谦曰：《霍去病传》，所谓杨威乎觿得也。《元和志》引《西河旧事》云，本匈奴觿得王所居，因以名之。

千金渠西至乐涓入泽中。

【补注】先谦曰：乐涓，酒泉县。《一统志》，千金渠在张掖县西，盖引羌谷水也。钱坫云，即永昌卫河。案《提纲》云，永昌卫水出卫西南重山中，东北百余里，流迳新城堡北，又东循北山麓，迳水关北，又东迳卫城北，又东北出长城阊门，迳西山麓宁建堡西，又东北流四百里，于沙漠中汇为一池，周三十余里。羌谷水出羌中，东北至居延入海，

【补注】先谦曰：《括地志》，羌谷水一名鲜水，一名合黎水，一名张掖河。《一统志》，张掖河在今张掖县西，即羌谷水也。胡渭云，张掖河出山丹卫西，吐谷浑界，北流迳张掖县北，合弱水为张掖河，俗谓之黑河，自下通兼河水之目。又云，羌谷水，张掖江之上源也。自合黎山至居延海，行千五百里，溯源则二千余里。《提纲》，羌谷水出甘州西南边山，东北流迳祁连，又北合数小水，又东北迳张掖县西，又北与山丹水合也。

过郡二，

【补注】先谦曰：张掖、酒泉。

行二千一百里。莽曰官式。

【颜注】应劭曰：觿得渠西入泽羌谷。

孟康曰：觿，音鹿。师古曰：孟音是也。涓，音官。其下并同。

【补注】先谦曰：《续志》，后汉因。《一统志》，故城今张掖县西北。《纪要》，千金渠，或谓之觿得渠。案应注亦与志文复出，泽羌谷文不成义，盖羌谷泽之例文，或衍泽字。酒泉禄福下，呼蚕水入羌谷，是其证。

【编者按】治今甘肃张掖市西北。

昭武，莽曰渠武。

【补注】先谦曰：《续志》，后汉因。《一统志》，故城今张掖县西北。

【编者按】治今甘肃临泽县东北。

删丹，

【补注】先谦曰：《括地志》，焉支山一名删丹山，在县东南五十里，县以此名。《匈奴传》，霍去病过焉支山。《西河旧事》云，匈奴失焉支山，歌曰，失我焉支山，使我妇女无颜色，夺我祁连山，使我六畜不蕃息。

桑钦以为道弱水自此，西至酒泉合黎。

【补注】先谦曰：《说文》，弱水自张掖删丹，西至酒泉合黎，余波入于流沙。桑钦所说与志同。《淮南子》，弱水出穷石山。《括地志》，兰门山，一名穷石，在删丹县西南七十里，弱水所出也。胡渭云，合黎山自甘州卫西北，绵延而西，接高台所界，又西接镇夷所界。羌谷水至张掖县合黎山下，与弱水合。先谦案，下流并入居延泽，合觿得、居延志文观之，则弱水之委了然矣。合黎详酒泉会水下。

莽曰贯虜。

【补注】先谦曰：《续志》，后汉因。《一统志》，故城今山丹县治。焉支山在县东南，接永昌县界。

【编者按】治今甘肃山丹县。

氏池，莽曰否武。

【补注】先谦曰：《续志》，后汉因。《一统志》，故城今山丹县西南。

【编者按】治今甘肃民乐县。

屋兰，

【补注】先谦曰：《匈奴传》，昭帝时犯屋兰，败去。

莽曰传武。

【补注】先谦曰：《续志》，后汉因。《一统志》，故城今山丹县西北。

【编者按】治今甘肃山丹县西北。

〔曰〕〔日〕勒，

【补注】先谦曰：《官本考证》云，各本俱作日。案《匈奴传》，当作日勒。先谦案，《匈奴传》，昭帝时寇日勒，败去。《赵充国传》，日勒当北塞，有通谷水草。

【集释】陈直曰：《居延汉简释文》有“日勒骑士万岁里孙守”户籍简文，志文作曰勒，为传写之误字。

都尉治泽索谷。莽曰勒治。

【颜注】师古曰：泽，音铎。索，音先各反。

【补注】先谦曰：《续志》，后汉因。《一统志》，故城今山丹县东南。

【集释】《汉书疏证》引齐召南曰：按自注但曰都尉治，而《玉海》引此谓张掖属国都尉治日勒，则都尉上脱“属国”二字

矣。

【编者按】治今甘肃山丹县东南。

骊靬，

【补注】先谦曰：《说文》作丽靬。《张骞传》作犂靬，《西域传》作黎靬，《匈奴传》作黎汗，音同通用。犂靬即大秦国，盖以其降人置县。

莽曰揭虜。

【颜注】李奇曰：音迟虔。如淳曰：音弓靬。师古曰：骊，音力迟反。靬，音虔。是也。今其土俗人呼骊靬，疾言之曰力虔。揭，音其揭反。

【补注】先谦曰：《续志》，后汉因。《隋志》，并力乾县入番和。力乾即骊靬之误，足征颜引土音至确，李、如音皆非。《一统志》，故城今永昌县南。

【编者按】治今甘肃永昌县南。

番和，农都尉治。

【补注】先谦曰：《匈奴传》，昭帝时犯番和，败去。

莽曰罗虜。

【颜注】如淳曰：番，音盘。

【补注】先谦曰：《续志》，后汉因。《一统志》，故城今永昌县西。

【编者按】治今甘肃永昌县。

居延，

【补注】先谦曰：以泽氏县。

居延泽在东北，古文以为流沙。都尉治。

【补注】先谦曰：《禹贡》山水泽地篇，流沙地在居延县东北。注云，泽在县故城东北，《尚书》所谓流沙者也，形如月

生五日。弱水入流沙，沙与水流行也。《一统志》，流沙在今安西府沙州卫西。陈澧云，今蒙古额济纳旧土尔扈特索博鄂模。

莽曰居成。

【颜注】师古曰：阹駟云，武帝使伏波将军路博德筑遮虏障于居延城。

【补注】先谦曰：《续志》，后汉属张掖居延属国。献帝建安末立为西海郡。

《纪要》，居延城在甘州卫西北千二百里。

【编者按】治今内蒙古额济纳旗东南。

显美。

【补注】先谦曰：《续志》，后汉改属武威。《一统志》，故城今永昌县东。

【编者按】治所当在今甘肃永昌县东。

酒泉郡

酒泉郡，

【补注】阎若璩曰：郡治禄福，见《旧唐志》。先谦曰：《续志》，后汉治同。

武帝太初元年开。

【补注】全祖望曰：故匈奴昆邪王地，武帝元狩二年开。据《匈奴传》，则初置止酒泉一郡，武威亦稍后之。今从本纪。钱坫曰：《史记·匈奴传》，汉西置酒泉郡，以隔绝胡与羌通之路。

【编者按】全氏疑河西地区初置只酒泉一郡，武威亦稍后之，十分有理。但因无法解决纪志之间的矛盾，只能因循今从本纪的旧说。《武纪》元狩二年载，浑邪王杀休屠王来降，以其地为武威酒泉郡。武威不可能置于此时已见前述。于是酒泉之置年亦引起怀疑。《通鉴》虽曰从纪，事实上将酒泉郡之置系于元鼎一年，乃是以为元狩二年时，浑邪王虽已降汉，但其故地空无人，显然不能立郡，必于数年后，乌孙不肯东还，方不得不置郡。张维华氏亦持同样见解，认为《武纪》述元狩四年移民尚不及河西，

故酒泉郡只能置于元鼎二三年间。这样设想，于理似可通，但于史则无据。无论《史》《汉》记载或考古发现的资料，都不能证明酒泉置于元鼎初。

而且元狩四年实际上已经移民河西。《匈奴传》云：“是后匈奴远遁，而幕南无王庭。汉度河自朔方以西至令居，往往通渠置田，官吏卒五六万人，稍蚕食，地接匈奴以北。”时当元狩四年，而汉已全线度河以西，实行移民屯田。因此颇疑元狩二年时，汉廷确已在河西地区虚悬酒泉郡之名，同时计划逐步移民以实之。或者正因为酒泉郡置于元狩二年，比张掖、敦煌早出十年之多，所以不但太史公言河西地置郡，往往独举酒泉，甚至在张掖、敦煌置郡一段时间以后，亦以酒泉代表河西。如《大宛传》云太初间“盖发戍甲卒十八万酒泉、张掖北，置居延、休屠以卫酒泉。”居延于《汉志》属张掖，休屠更在其东，属武威，言其卫张掖即可，何能卫酒泉？可见酒泉郡初置时包括整个河西地区，故言酒泉可以

代河西。若酒泉置于元鼎二三年间,与张掖相去不远,于太史公印象中,两郡近乎同时置,似乎不能述其事如上所引。

综上所述,全从《武纪》显然不行,因为武威不能置于元狩二年,但在发现更有力的证据前,我们却不能完全否定《武纪》,必须相信酒泉置于该年。(详见《西汉政区地理》下篇二章二节)

莽曰辅平。

【颜注】应劭曰:其水若酒,故曰酒泉也。师古曰:旧俗传云,城下有金泉,泉味如酒。

【补注】先谦曰:《续志》,后汉因。属凉州,志失书。

户万八千一百三十七,口七万六千七百二十六。

县九:

禄福,呼蚕水出南羌中,东北至会水入羌谷。

【补注】先谦曰:《一统志》,讨来河,古呼蚕水也。出肃州西南五百余里番界中,最西者曰讨来河(以讨来堡得名),西流合辉图巴尔呼河,又南合巴哈额济纳河入边,绕肃州南,至州东北,合西来水,又东北入边,过金塔寺,稍折而北,又转东,入张掖河,北入居延海。其发源甚远,与志云出南羌中,及《寰宇记》云出吐谷浑界之说符合。先谦案,羌谷水见张掖觥得下。

莽曰显德。

【补注】先谦曰:后汉因。《续志》作福禄,误也。吴卓信云,晋、隋、唐并作福禄,考郃阳令曹全碑云,拜酒泉禄福长。

《三国志·庞参传》,有禄福长尹喜、皇甫谦。《列女传》载庞娥亲事,亦云禄福赵君安之女。是汉魏之间犹称禄福,其改为福禄,当自晋始。《晋书·张重华传》,封中坚将军谢文为福禄伯,是其证也。《一统志》,故城今肃州治。

【编者按】治今甘肃酒泉市。

表是,莽曰载武。

【补注】先谦曰:后汉因。《续志》作表氏,氏是古通用。《一统志》,故城今高台县西。

【编者按】治今甘肃高台县西。

乐涓,

【补注】洪亮吉曰:《玉篇》、《广韵》涓字注云,县名,在酒泉。今志从官,作涓非。陶宪曾曰:《说文》无涓字,涓下云,从水,官声。酒泉有乐涓县。则字本从官甚明。古写本《玉篇》涓下云,古乱、胡乱二反。《汉书》酒泉有乐涓县。是顾氏原书亦作涓(《广韵》平声二十六桓,涓下亦云,乐涓县在酒泉)。今《玉篇》、《广韵》作涓,盖唐宋《汉志》涓字或有误从官者。孙强、陈彭年辈,因而收之,洪不加订正,反以涓字为非,其失甚矣。先谦曰:《说文》涓,鬻也。涓下云,涓,涓溢也,今西河朔方言,谓沸溢为涓涓。据本志张掖觥得,千金渠至县入泽中。

莽曰乐亭。

【补注】先谦曰:《续志》,后汉因。《一统志》,故城今高台县西北,镇夷城西南。

【编者按】治今甘肃酒泉市东南。

天陬，

【颜注】师古曰：音衣。此地有天陬阪，故以名。

【补注】先谦曰：《说文》，酒泉有天陬阪。从阜，衣声。《续志》，后汉省。

【编者按】治所当在今甘肃肃北蒙古族自治县东北及肃南裕固族自治县交界一带。

玉门，莽曰辅平亭。

【颜注】师古曰：阾駟云，汉罢玉门关屯，徙其人于此。

【补注】先谦曰：《续志》，后汉因。《一统志》，故城今玉门县东。

【编者按】治今甘肃玉门市西北。

会水，北部都尉治偃（前）[泉]障，东部都尉治东部障。莽曰萧武。

【颜注】师古曰：阾駟云，众水所会，故曰会水。

【补注】朱一新曰：汪本萧作肃。先谦曰：《续志》，后汉因。《禹贡》山水泽地篇，合离山在会水县东北。注云，合黎山也。《元和志》，合黎山，俗名要埿山，在张掖县西北二百里。张掖删丹下班注，弱水至酒泉合黎。案弱水至此亦有合黎水之称。是所谓会水者，谓众水会

于弱水也。志文删丹下但言酒泉合黎，而此不明著所在。《元和志》，酒泉县东北四十里有白亭海，一名会水。以众水所会，故曰会水，以北有白亭，故名白亭海，又别一义。《一统志》，故城今高台县镇夷城西北。

【编者按】治今甘肃高台县西北。

池头，

【补注】先谦曰：后汉因。《续志》作沙头。《一统志》，故城今玉门县西南。

【编者按】治今甘肃玉门市西北。

绥弥，

【颜注】如淳曰：今曰安弥。

【补注】先谦曰：后汉因。《续志》作安弥。《一统志》，故城今肃州东。

【编者按】治所当在今甘肃酒泉市东。

乾齐。西部都尉治西部障。莽曰测虏。

【颜注】孟康曰：乾，音干。

【补注】先谦曰：《续志》，后汉因。《一统志》，故城今玉门县西南。

【编者按】治所当在今甘肃玉门市西北。

敦煌郡

敦煌郡，

【补注】先谦曰：郡治未详。《续志》，后汉治敦煌。

【集释】严耕望曰：敦煌郡县皆武帝新授嘉名，其时县为郡治决无可疑。又观《地志》仅六县，惟敦煌县当西域大道，

为玉门、阳关南北二道之枢纽，且地位居中，中部都尉即治县境之步广候官，东北有宜禾都尉，西北有玉关都尉，西南有阳关都尉，三面屏障，是最理想之郡治。西汉末，西北无大骚动，当不徙治他县，则《地志》首列敦煌，即郡治也。《续志》，后汉因之。又莽改郡县皆名敦德，当为治所，是历西汉、王莽、东汉皆未迁徙，良以形势使然。

武帝后元年分酒泉置。

【补注】齐召南曰：《武纪》，敦煌与张掖并元鼎六年置。又太初元年书蝗从东方飞至敦煌，则置郡久矣。朱一新曰：后元元年称后元年，盖当时通称。《昭纪》，赦天下词讼在后二年，前皆勿听治。注，后二年谓后元二年也。《诸侯王表》，济北王宽以后二年谋反自杀，亦谓后元二年也，与此同例。

【编者按】敦煌乃武帝元鼎六年分酒泉西部置，志云后元年置不可信，详见《西汉政区地理》下篇二章二节。

正西关外，有白龙堆沙。

【补注】先谦曰：《西域传》，楼兰王最在东垂，当白龙堆。《一统志》，白龙堆在今安西州治西。旧《志》，沙形如卧龙，无头有尾，高大者二三丈，卑者丈余，东倚三危，北望蒲昌，绵延起伏，西尽流沙之地，是为西极要路。

有蒲昌海。

【补注】先谦曰：《河水注》，河水自西域都善国来，东注于渤海，即蒲昌海也，亦有盐泽之称。东去玉门阳关千三百里，广轮四百里，其水澄渟，冬夏不减，其中洄湍电转，为隐沦之脉，即河水之所潜而出于积石也。河水下入金城河关。蒲昌海，今名罗布淖尔。《一统

志》，在安西厅沙州卫西北境外。天山以南，葱岭以东之水，皆会于塔里木河，而潴于淖尔，自此伏流而至鄂敦他拉也。

莽曰敦德。

【颜注】应劭曰：敦，大；煌，盛也。敦音屯。

【补注】钱坫曰：《说文》作焞煌。段玉裁曰：《左氏音义》，敦，徒门反。《集韵》，敦煌，郡名。敦，徒浑切。此皆本应劭。《集韵》又云，焞煌，郡名。焞，他昆切。此亦必出《汉书音义》，当是本作敦，浅人改焞。先谦曰：《续志》，后汉因。属凉州，志失书。

【集释】谭其骧曰：据日人藤田丰八考订，敦煌可能是都货罗 Tokhara 的译音。此所谓都货罗，即汉初居于敦煌祁连间的月氏族。

陈直曰：《流沙坠简·杂事三》，有简文云，“丁丑□□大夫武威男并□□张掖酒泉文德□□张掖□太尉，下当用者”。又《簿书六十》有简文云，“入西蒲书二封，其一封文德大尹章，诣大使五威将军莫府。一封文德长史印，诣大使五威将军幕府，始建国元年十月辛未日食时，关嗇夫□□受戍卒赵彭。”据此王莽在始建国元年改敦煌为文德，继又改文德为敦德也。吴县吴氏藏有敦德压戍虎符，与志文同，其改文德，则志文未注。

户万一千二百，口三万八千三百三十五。

县六：

敦煌，

【补注】先谦曰：《禹贡》山水泽地篇，三危在敦煌县南。注云，山广圆百里，在鸟鼠山西，《书》所谓率三苗于三危也。案导黑水之三危，在大河之南，陕西岷州卫塞外，古叠州西西番界，故志不载。

中部都尉治步广候官。

【补注】段玉裁曰：步广候官未详。宋本官作宫。先谦曰：官本步作部。步广地名，候官与县道同，不为县道则别立候官以领之。《续志》张掖属国有候官。后总云凉州刺史部县道候官九十八，是其明证也。

【集释】陈直曰：《敦煌汉简校文》有“地皇上戊元年，敦德步广尉曲，平望塞有秩候长，敦德亭间田东武里五王参秩庶士”简之记载。又按，《汉印文字征》有“敦德步广曲候”封泥（引自《澠秋馆封泥》）。皆与志文相合。据简文步广候官，为步广尉之候官，曲为部曲之统称，简印皆王莽时物，候官制度，仍因汉未改。

杜林以为古瓜州地，生美瓜。

【补注】先谦曰：《禹贡》山水泽地篇注云，杜林云燉煌古瓜州也。州之贡物，地出好瓜，民因氏之。瓜州之戎并于月氏者也。县南七里有鸣沙山，故亦曰沙州。案前凉州张骏，于敦煌置沙州，因此。今镇西府哈密通判地出瓜，曰哈密瓜。

莽曰敦德。

【颜注】师古曰：即《春秋·左氏传》所云允姓之戎居于瓜州者也。其地今犹出大瓜，长者狐入瓜中食之，首尾不出。

【补注】先谦曰：郡县无嫌同名，或于敦煌下加亭字，非也。《续志》，后汉因。《一统志》，故城今敦煌县治。瓜州今安西府治。

【编者按】治今甘肃敦煌市西。

冥安，

【补注】先谦曰：《续志》，后汉因。《纪要》，冥安，晋为晋昌县，唐为瓜州治。西凉置常乐、永兴二郡，亦在县境。《一统志》，故城今渊泉县南。

（南）籍端水出南羌中，西北入其泽，溉民田。

【颜注】应劭曰：冥水出北，入其泽。

【补注】王念孙曰：南籍端水，南字涉下文南羌而衍。《御览·州郡部十一》引此，作籍端水出羌中，无“南”字。又案，西北入其泽及应注冥水出北入其泽，两其字疑皆“冥”字之讹。盖县曰冥安，本因冥水以得名，而冥水所入之泽，因谓之冥泽（《元和志》云，晋昌县，本汉冥安县，因县界冥水为名也。又云，冥水自吐谷浑界流入大泽，东西二百六十里，南北六十里，丰水草，宜畜牧），犹荷水出于菏泽，因谓之荷水也。故曰冥水出北，入冥泽，冥泽既为冥水所入，又为籍端水所入，故曰籍端水西北入冥泽也。若云入其泽，则大为不词。

朱一新曰：班注其字，盖涉应注而衍。应注其字，则未尝误也。班注与下文龙勒县下，氐置水出南羌中东北入泽溉民田一例，此其字当为衍文。应注云云，盖以见冥安之所由名县，以冥水得名，与班注各申一义，两不相蒙。应注云入其泽者，承冥水言之，犹云冥水入冥泽耳，奚谓不词。

先谦曰：南字衍，王说是。其字衍，朱说是。《寰宇记》籍端水，一名冥水。然则水非二也。应说乃《地理风俗记》之文，自为一书，本非为志作注。颜引之而不加分疏，是其失也。《一统志》，籍端水今布隆吉尔河，源出靖逆卫南山，为昌马河，北流转而西，经旧柳沟卫，北会十道沟水，为苏赖河，又西迳渊泉县北三十里，又西迳敦煌县西北，合党河，又西流三十里许，入哈喇淖尔，流七百余里，泽方数十里，今渊泉、敦煌屯田，并藉此水灌溉。

【集释】谭其骧曰：籍端水即今疏勒河，发源祁连山南。疏勒河北流至北山南麓后，清代以来地图有折西经安西县北，西至敦煌县西北注入哈喇淖尔一段，多数清代学者因而就认为古冥水也是如此，哈喇淖尔即古冥泽。按班志应记都只是说入泽或入其泽，并没有说至敦煌或龙勒入泽，是冥泽应即在冥安县境，不得远在敦煌之西。所以徐松《西域水道记》以清代地图上玉门县北的青山湖、布鲁湖、华海子当冥泽，认为冥水北流至此即入泽，这是正确的。青山、布鲁、华海子诸湖在古代连成一气，至为宽广，但在今地图上已不复存在。

【编者按】治今甘肃安西县东南。

效谷，

【颜注】师古曰：本渔泽障也。桑钦说，孝武元封六年，济南崔不意为鱼泽尉，教力田，以勤效得谷，因立为县名。

【补注】王鸣盛曰：渔，南监本作鱼，是。《孙宝传》，唐林左迁敦煌鱼泽障候。胡渭云，“师古曰”三字，后人妄加，此非师古所能引也。《地理志》引桑钦

者六，皆班氏原注，此桑说亦必班注。先谦曰：官本，渔作鱼。《续志》，后汉因。《一统志》，故城今安西府治西。

【编者按】治所当在今甘肃安西县西南。

渊泉，

【颜注】师古曰：阡陌云，地多泉水，故以为名。

【补注】宋祁曰：渊泉，一本作拼泉。先谦曰：后汉因，《续志》作拼泉。《一统志》，故城今渊泉县东，其县东二百五十里有三道沟，自此西至柳沟卫东二里，又有四道至三十道七沟，皆草地。出泉，北入苏赖河。惟四道沟泉流特盛，即所云昌马河，乃苏赖河源也。阡谓以地多泉水，亦即指此。

【编者按】治所当在今甘肃安西县东。

广至，宜禾都尉治昆仑障。

【补注】先谦曰：《后书·明纪》注，伊吾庐城，本匈奴中地名，汉破呼衍王，取其地，置宜禾都尉，以为屯田，今伊州纳职县伊吾故城是也。《纪要》，唐纳职县城，在哈密卫西南，汉宜禾都尉地也。

【集释】谭其骧曰：两汉时代宜禾都尉治所先后有三处，据本志北地富平下浑怀都尉治浑怀障，上郡下匈奴归都尉治塞外匈奴归障，知宜禾都尉盖初治宜禾障，因以为名，此其一。其后徙治昆仑障，班固据以载入本志，此其二。至东汉明帝永平中复置宜禾都尉于塞外的伊吾，此其三。伊吾是东汉一代经营西域的根本，宜禾都尉之名自此大著。后人不察，往往即以伊吾为班志宜禾都尉所在，大误。

莽曰广桓。

【补注】先谦曰：《续志》，后汉因。《后书·盖勋传》注，故城在唐常乐县东，谓之县泉堡。《一统志》，故城今渊泉县西。

【编者按】治今甘肃安西县西南。

龙勒。

【补注】先谦曰：《续志》，后汉因。《括地志》，龙勒山在玉门县南百六十五里，县因以名。《一统志》，故城今安西府治西。龙勒山在州西南三百里。

有阳关、玉门关，皆都尉治。

【补注】段玉裁曰：《扬雄传》，西北一候。孟康注，敦煌玉门关候也。《文选》注引如淳云，《地理志》，龙勒玉门、阳关有候，今志有缺。先谦曰：候不入志。上文效谷下，鱼泽障候是其例，非缺也。《续志》之属国候官，略与县道等，非此候。段说未审。《西域传》，阨以玉门阳关。《一统志》，玉门关在今安西府治西百五十里，阳关在安西府治西南百三十里。

【集释】谭其骧曰：阳关故址在龙勒故城西六里今古董滩、红山口一带。以在玉门关南，故名阳关。玉门关故址即今敦煌县西北二百里小方盘城，斯坦因地图中的 TXIV 古城，东南去阳关一百四十里。

氏置水出南羌中，东北入泽，溉民

田。

【补注】先谦曰：《一统志》，氏置水即今党河，一名锡尔噶勒津河，源出敦煌县东南山中，北流二百余里，折西流百余里，一水自南来会之，又折北流，绕沙州故城东新城西，又百余里，入苏赖河。溉田甚广。先谦案，下流亦入冥泽，详冥安下。陈澧云，锡尔噶勒津河西北流，与志云东北不合。又水入布隆吉尔河，而志不言入籍端水，亦不合也。今玉门县，故赤金卫，南山水出县南境，东北流入哈喇淖尔，疑即氏置水。

【集释】谭其骧曰：清代学者多数都认为氏置水即今党河，所入的泽即今喀喇淖尔。但党河源出敦煌东南，下游流经敦煌近郊，志不应系于今敦煌西境的龙勒县下；哈喇淖尔在党河西北，也和志文“东北入泽”不合。据今地图，南湖之南有小水若干条出自南山，北向偏东流没入砂碛中，古氏置水的上游疑即其中之一，下游和所入的泽则已湮没无考。不过敦煌境内的大川无过于党河，班志似不应不载，故旧说仍未可断其必误。若氏置水确是党河，那么志文当有错脱之处。

【编者按】氏、党双声，从声转字变方面来看，氏置水可能即今党河。

治今敦煌市西南。

安定郡

安定郡，

【补注】先谦曰：据《河水注》，郡治高

平。《续志》，后汉治临泾。

武帝元鼎三年置。

【补注】全祖望曰：武帝元鼎三年分陇西置。钱大昕曰：盖析北地郡置。先谦曰：《续志》，后汉因。属凉州，志失书。

【编者按】钱是全误。

户四万二千七百二十五，口十四万三千二百九十四。

【补注】朱一新曰：三，汪本作二。

县二十一：

高平，莽曰铺睦。

【补注】先谦曰：后汉因。《一统志》，故城今固原州治。高平水在州东，今清水河。

【编者按】治今宁夏固原县。

复累，

【颜注】师古曰：复，音服。累，音力追反。

【补注】先谦曰：《续志》，后汉省。

【编者按】今地无考。

安俾，

【颜注】孟康曰：俾，音卑。

【补注】先谦曰：《续志》，后汉省。

【编者按】今地无考。

抚夷，莽曰抚宁。

【补注】先谦曰：《续志》，后汉省。《一统志》，故城今镇原县北。

【编者按】治所当在今甘肃镇原县北。

朝那，

【补注】先谦曰：《说文》那，西夷国。安定有朝那县。《通典》，《诗·公刘》逝彼百泉。汉为朝那，唐百泉县也。有萧

关，见《文纪》、《匈奴传》。《续志》，后汉因。《一统志》，故城今平凉县西北。段玉裁云，《左》襄十三年传释文，朝那，如淳，朝，音株。

有端旬祠十五所，胡巫祝。又有秋渊祠。

【颜注】应劭曰：《史记》，故戎那邑也。师古曰：湫，音子由反。

【补注】钱坫曰：即朝那湫也。祠在今固原州东十五里。秦人沮楚，投文于此湫。《封禅书》，湫渊祠朝那。苏林云，湫渊方四十里，停水不流，冬夏不增减，不生草木。《括地志》，祠在平高县东南二十里。先谦曰：官本，秋作湫，是。《河水注》，湫渊在陇山四山中，湫水北流，下入高平。《寰宇通志》，湫有二，俱在山间。土人谓之东海西海。董祐诚云，今平凉县西北，与固原州西南接壤，有六盘山，其阴山腰有泉，径广一里，名曰西海，下流为海子河，即湫水。

【集释】陈直曰：《说文》那从丹，隶变作丹，今俗作那非是。《隶释》卷四，《李翕西狭颂》有“武都丞吕国”等题名，作安定朝邽。《汉印文字征》第六有“朝邽右尉”印，皆可证那字已由隶变作邽。

【编者按】治今宁夏彭阳县东。

泾阳，

【补注】先谦曰：《续志》，后汉省。《一统志》，故城今平凉县西四十里。周宣王獫狁内侵，至于泾阳，谓此地也。案《秦纪》，昭王母弟曰泾阳君。《通典》云，唐京兆府泾阳县，本秦旧县地，非汉县。

开头山在西，

【补注】先谦曰：开头，一作鸡头，见五帝、始皇《纪》索隐，崆峒山之别名。一名牵屯，见《北史》尔朱天光、贺拔岳《传》。《一统志》，即笄头山也。当在平凉府西北固原州界。诸书言在平高县西百里，与泾水发源地不合。《禹贡》泾水所出，东南至阳陵入渭，

【补注】先谦曰：《官本考证》云，泾水讹至水，今改正。阳陵，冯翊县。《淮南·地形训》，泾出薄洛之山，盖开头异名。《水经注》佚《泾水》篇。惟《长安志》醴泉县下引《水经注》云，泾水导源朝那县西笄头山，秦始皇巡北地，西出笄头山，即是山也，盖大陇之异名。《寰宇记》，百泉县泾水下引《水经》云，泾水出安定泾阳县高山。注云，《山海经》曰，高山，泾水出焉。东流，注于渭入关，谓之八水。

过郡三，

【补注】先谦曰：安定、扶风、冯翊。行千六十里。雍州川。

【颜注】师古曰：开，音苦见反，又音牵。此山在今灵州东南，土俗语讹，谓之汧头屯山。

【补注】王鸣盛曰：《诗·谷风》疏引郑玄《尚书》注所引《地理志》，作行千六百里。其上文说泾水自发源地至入渭，几二千里。《禹贡》疏所引《地理志》亦作千六百里。今毛本、南监本作六十，误也。陈奂曰：泾水出今甘肃平凉府西北，至陕西高陵县西南入渭，计行不及千里，则六百里是六十里之讹。郑从《续志》而云几二千里，兼渭水言之。

【编者按】治今甘肃平凉市西北。

临泾，莽曰监泾。

【补注】先谦曰：《续志》，后汉因。《一统志》，故城今镇原县西二里。

【编者按】治今甘肃镇原县东南。

鹵，濯水出西。

【颜注】师古曰：濯，音其子反。

【补注】先谦曰：《说文》鹵，西方咸地也。安定有鹵县。东方谓之斥，西方谓之鹵。《续志》，后汉省。陈澧云，濯水盖今静宁州罗玉河，南入渭。

【编者按】今地无考。

乌氏，

【补注】先谦曰：本乌氏戎，见《匈奴传》。秦惠王取之，置县，见《纪要》。郿商破雍将军于此，见《商传》。王念孙云，《史记·商传》，乌氏《索隐》本作焉氏，音于然反。《吕氏春秋》，秦公子连去入翟，从焉氏塞。高注，塞在安定，是焉氏即乌氏也。又作阨氏，高帝封冯解散为侯国，见表。

乌水出西，北入河。

【补注】先谦曰：《续志》有瓦亭山薄落谷。刘注《地道记》云，乌水出薄洛，山名也，即笄头之异名。故《元和志》云，泾水，亦谓之薄落水，南流迳都卢山，谓之弹箏峡。全祖望谓黑水即志之乌水。先谦案，黑水西南流，非西北。亦是合瓦亭川水以入渭，非入河也。《寰宇记》潘源县下云，乌水出都卢山。有西乌水，又东北迳乌氏县，东注于泾，谓之阨川水。然泾水间有石岩，东会西川也。据此，则乌水入泾，为阨川水，亦见《渭水注》中。入河者，入泾也。赵一清必

以入瓦亭之黑水当之，而以湓水为西乌水，误矣。陈澧云，乌氏与今固原州接界，有清水河出州南境，北入河，盖即乌水。

【编者按】陈说是。乌水即今清水河，亦即《山海经·海内东经》中的温水。（参见《被忽视了的秦代水经》，载《自然科学史研究》1986年第1期）

都卢山在西。

【补注】先谦曰：《寰宇记》百泉县弹筝峡引《水经注》云，泾水迳都卢山，山路之内，常有如弹筝之声，行者闻之，鼓舞而去。又《九域志》云，都卢峡即弹筝峡。据此，山为泾水所迳也。《元和志》，都卢山，一名可兰山。《一统志》，可蓝山在今平凉县西南。

莽曰乌亭。

【颜注】师古曰：氏，音支。

【补注】先谦曰：后汉因。《续志》作乌枝。《一统志》，故城今平凉县西北。《寰宇记》，宋泾州保定县东有乌亭，即汉县故城。

【编者按】治今宁夏固原市东南。

阴密，

【补注】先谦曰：秦邑。迁白起于此，见《秦纪》。《续志》，后汉省。阴盘下刘注，旧有阴密县，未详所并。《一统志》，故城今灵台县西五十里。

《诗》密人国。

【补注】钱坫曰：密有二，一姬姓，河南郡密县也；一媾姓，此是也。《国语》云，密须之亡由伯媾。韦注，《世本》云，密须，媾姓。吴卓信曰：两密地近，盖一国也。周灭密须，以封同姓。先谦曰：《周

语》，恭王游泾上，密康公从。韦注，姬姓。阴密近泾，吴说亦通。

有器安亭。

【颜注】师古曰：即《诗·大雅》所云，密人不恭，敢距大邦者。

【编者按】治今甘肃灵台县南。

安定，

【补注】先谦曰：《续志》，后汉省。《一统志》，故城今泾州北十五里。

【编者按】治今甘肃泾川县北。

参繚，主骑都尉治。

【颜注】师古曰：繚，音力全反。

【补注】先谦曰：《续志》，后汉改属北地。《一统志》，故城今安化县西北。

【编者按】治所当在今甘肃环县南部。

三水，属国都尉治。有盐官。莽曰广延亭。

【补注】先谦曰：《续志》，后汉因。《一统志》，故城今固原州北。又云，《括地志》、《通典》皆谓在安定县南。《元和志》又以原良县为汉三水地。今考其地，当在固原州北，高平川西，肥水东。盖后汉末，县废入高平，魏置西川都督，后遂为西川县，晋初因之耳。在安定南者，或后人徙置。又后魏改置三水县于邠州界，皆非汉治。

【编者按】治今宁夏同心县东。

阴槃，

【补注】先谦曰：后汉因。《续志》作阴盘。《一统志》，故城今长武县西北。

【编者按】治今陕西长武县西北。

安武，莽曰安桓。

【补注】先谦曰：《续志》，后汉省。《一统志》，故城今镇原县南。《府志》，府东北。

【编者按】治今甘肃镇原县西南。

祖厉，

【补注】全祖望曰：祖，本作咄，其作祖者，后世之省文也。故易濶于祖，而竟忘其为咄祝之咄矣。先谦曰：武帝西临祖厉河，见纪。

莽曰乡礼。

【颜注】应劭曰：祖，音置。师古曰：厉，音赖。

【补注】王鸣盛曰：南监本，置作𤑔，是。先谦曰：置，官本作𤑔。后汉改属武威。《续志》作祖厉。《一统志》，故城今靖远县西南。

【编者按】治今甘肃会宁县西北。

爰得，

【补注】先谦曰：《续志》，后汉省。《一统志》，故城今泾州东南。

【编者按】治所当在今甘肃泾川县南。

胸卷，

【补注】先谦曰：《续志》，后汉省。《一统志》，故城今中卫县东。旧《志》，灵州西南二百里。

河水别出为河沟，东至富平北入河。

【颜注】应劭曰：胸，音旬日之旬。卷，音箇箬之箇。

【补注】陈澧曰：康熙舆地图，河水至

宁夏卫，分为二派，皆北流。乾隆舆地图，二派之外，复于灵州分一派，东流，屈北流，与志合。朱一新曰：箇，《广韵》有两音，一收入十七真，去伦切；一收入十六轸，渠殒切。此当从去伦切。额卷叠韵。先谦曰：富平，北地县。

【编者按】治所当在今宁夏中宁县东北一带。

彭阳，

【补注】先谦曰：县见《文纪》。《北征赋》所谓释余马于彭阳也。《续志》，后汉因。《一统志》，故城今镇原县东八十里。隋改彭原。《金志》有彭源池。

【编者按】治今甘肃镇原县东。

鹑阴，

【补注】先谦曰：后汉改属武威。《续志》作鹑阴。《寰宇记》，鹑，水名。其城俗名正阴城。正、鹑一声之转。《一统志》，故城今靖远县西北，其在平凉县西南，后魏置，非汉县。

【编者按】治所当在今甘肃靖远县西北与景泰县、皋兰县交界处一带。

月〔氏〕道，

【补注】钱坫曰：本在敦煌祁连间，后为匈奴所逼，西去。此盖以其国降人所置者也。

莽曰月顺。

【颜注】应劭曰：氏，音支。

【补注】先谦曰：《续志》，后汉省。

【编者按】治所当在今宁夏固原市南与隆德县、西吉县交界处一带。

北地郡

北地郡，

【补注】先谦曰：郡治未详。《续志》，后汉治富平。

【集释】严耕望曰：《地志》首书马领县。按，据杨守敬《汉地志图》，北地郡东西极狭，南北极长，马领地位居中，而北部都尉居其北，则马领为治所之可能性固甚大。

秦置。

【补注】全祖望曰：故秦郡，楚汉之际属雍国，高帝二年属汉。先谦曰：《史·匈奴传》，秦昭王伐残义渠，于是有北地郡。

莽曰威(成)[戎]。

【补注】先谦曰：《河水注》，莽名郡为威戎，疑戎是也。《续志》，后汉因。属凉州，志失书。

【集释】钱大昕曰：北地当属朔方刺史部。谭其骧云，钱说是。

【编者按】先谦所疑是。莽郡尚有填戎、厌戎，此威戎之名与其相类也。

户六万四千四百六十一，口二十一万六千八百八十八。

县十九：

马领，

【颜注】师古曰：川形似马领，故以为名。领，颈也。

【补注】先谦曰：县人绣君宾，见《游侠传》。《续志》，后汉省。《一统志》，故城今环县东南。马领山在安化县西北七

十五里，接环县界。马领水今名环河，在环县西南。

【编者按】治今甘肃庆阳市西北。

直路，

【补注】先谦曰：《蒙恬传·赞》云，吾适北边，自直道归行，观蒙恬所为，广筑长城亭障，堑山堙谷，通直道，固轻百姓力矣。苏林注，长安八千里，正南北相值也，此直路名县之由。《续志》，后汉省。《一统志》，故城今中部县西北二百里。

沮水出(东,西)[西,东]入洛。

【补注】宋祁曰：洛，疑作路。先谦曰：宋说谬。《说文》，澧水出北地直路西，东入洛。全祖望云，此与江南之沮不同，今概作省文，而沮漆与沮漳濶矣。王念孙云，洛在沮东，不得言西入洛。据《说文》及《水经》云，沮水出北地直路县东，过冯翊投袂县北，东入于洛，则此文本作沮水出西，东入洛，明矣。先谦案，《沮水注》引《地理志》曰，沮出直路县西，东入洛。尤为今志文西东误倒之明证。注又云，沮水自直路县东南，迳谿石山，东南流，历檀台川，俗谓之檀台水，屈夹山西流，又西南迳宜君川，世又谓之宜君水，下入冯翊投袂。陈澧云，今沮水出陕西中部县西境，东流入洛。

【编者按】治今陕西富县西。

灵武，莽曰威(成)[戎]亭。

【补注】钱大昭曰：《水经注》作威戎

亭。先谦曰：《续志》，后汉省。《后书·段颍传》注，灵武有谷，在今灵州怀远县西北。《一统志》，故城今宁武县西北。隋县在汉浑怀障，唐县在灵州西北。

【编者按】郡既作威戎，灵武县亦应改威戎亭，应据《水经注》改。

治今宁夏平罗县西南。

富平，北部都尉治神泉障。

【补注】先谦曰：《河水注》，神泉障北山龙尾溪，龙尾水出焉，东北流，注清水。

浑怀都尉治塞外浑怀障。莽曰特武。

【颜注】师古曰：浑，音胡昆反。

【补注】先谦曰：《续志》，后汉因。《一统志》，故城今灵州西南，浑怀障在平罗县东河东岸。

【编者按】治今宁夏青铜峡市东南。

灵州，惠帝四年置。有河奇苑、号非苑。

【补注】先谦曰：《百官表》，边郡六牧师苑，是也。其二在郁郅、归德、西河鸿门。

莽曰令周。

【颜注】师古曰：苑，谓马牧也。水中可居者曰州，此地在河之州，随水高下，未尝沦没，故号灵州，又曰河奇也。二苑皆在北焉。

【补注】先谦曰：正文及注州字，官本作洲。《续志》，后汉因。《一统志》，故城今灵州境。《后汉书》注云，在马领山西北，则去今州尚远，近志谓在州北，亦无所据。后魏置灵州，即薄骨律镇城，

在今灵州西，唐肃宗即位灵武，即此，非汉县。

【集释】陈直曰：《百官表》，太仆有边郡六牧师苑令丞，六牧师苑钱大昭谓为陇西、天水、安定、北地、上郡、西河六郡是也。考之《地理志》注苑名者，北地郡灵州县有河奇苑，号非苑，归德县有堵苑，白马苑。西河郡鸿门县有天封苑。又《说文》载有《雅苑》（《说文》雅，苑名。朱骏声《说文通训定声》谓为西汉三十六苑之一）。居延木简载有坚年苑（《居延汉简释文》有“坚年苑髡钳钐右右止大奴冯宜”之简文，余亦考坚年苑应为三十六苑名之一）。综言之，六郡牧师苑，今可考者仅有两郡，三十六苑之中，今可考者仅有七苑。此外《地理志》注有牧师苑官者，有北地郡郁郅县一处。又辽东襄平县亦有牧师官，疑在六郡之外。牧师令有三丞，今可考者有骑丞，详见太仆条下。牧师苑与牧师苑官，有不可分割之关系，至班固撰书时，牧师苑之制度久废，仅就所知者，加以记录，故注文或称苑名，或称牧师官名，即此之故。

【编者按】治今宁夏银川市东南。

昫衍，

【颜注】应劭曰：昫，音煦。师古曰：音香于反。

【补注】先谦曰：《说文》昫，日出温也。北地有昫衍县。昫衍本戎名，见《匈奴传》，误作胸衍。秦孝文游此，见《五行志》。《续志》，后汉省。《一统志》，故城今灵州东南花马池北。

【编者按】治所当在今宁夏盐池县东南与陕西定边县交界处一带。

方渠，

【补注】先谦曰：《续志》，后汉省。《一统志》，故城今环县南。《纪要》，七十里。宋省为方渠砦。

【编者按】治今甘肃环县东南。

除道，

【补注】钱坫曰：秦始皇除道九原，抵云阳。此以其事氏县，疑与直路县近。莽曰通道。

【补注】先谦曰：《续志》，后汉省。

【编者按】今地无考。

五街，莽曰吾街。

【补注】先谦曰：《续志》，后汉省。

【编者按】今地无考。

鹑孤，

【补注】先谦曰：后汉改属安定。《续志》作鹑觚，《晋志》同。《一统志》，故城今灵台县东北。

【编者按】治今甘肃泾川县东南。

归德，

【补注】宋祁曰：归德，景本无德字。先谦曰：《续志》，后汉省。《纪要》，故城今庆阳府东北百里。《一统志》，安化县东北隋洛源故城，即汉归德县。洛水出北蛮夷中，入河。

【补注】王念孙曰：前左冯翊襄德下云，洛水东南入渭。《禹贡锥指》云，归德下云洛入河，襄德下云入渭，盖杂采古记，故有不同。其曰入河者，以二水合流，渭亦可称洛耳。案入河二字，后

人妄加之也。洛水出北蛮夷中，记其所出也；洛水东南入渭，记其所入也。《说文》，洛水出北地归德北夷界中，东南入渭（今本北地作左冯翊。案归德属北地，不属左冯翊，此后人不明地理而妄改之，今正）。《淮南·地形篇》，洛出猎山。高注云，猎山在北地西北夷中，洛水东南流入渭。皆本《地理志》，而但言入渭，不言入河，则志无人河之文明矣（或曰，许高所据，乃左冯翊襄德下入渭之注，非北地归德下入河之注。曰，不然。许云洛水出北地归德北夷界中，高云猎山在北地西北夷中，皆据北地归德之注，而皆言入渭，则襄德下有人渭之文，而归德下无人河之文明矣）。

记大川所入，而前后异文，《汉志》从无此例，胡渭曲为之说，非也。或曰，一水而前后两见，或记其所出，或记其所入，《汉志》亦有此例乎。曰，陇西郡氐道下云，《禹贡》养水所出，东至武都为汉（今本脱东字，辨见前至武都下）；武都郡武都下云，汉水受氐道水（今本“汉”上有“东”字，辨见前东汉水下），一名沔，过江夏，谓之夏水，入江。渔阳郡白檀下云，濡水出北蛮夷中（今本濡讹作洳，又脱中字，辨见后洳水下）；辽西郡肥如下云，濡水南入海（今本海下衍阳字，辨见后海阳下）。临渝下云，渝水首受白狼，东入塞外；交黎下云，渝水首受塞外，南入海。郁林郡临尘下云，有斤员水；领方下云，斤员水入海。皆一水两见，而分记其出入，洛水亦犹是也。下文郁郅下云，泥土水北蛮夷中，亦不记其所入（此与洛水、濡水文同一例，或谓蛮夷中下有脱文，非也。《说文》，泥水出北地郁致北蛮中，亦不言其所入）。

先谦曰：汉时沮水由郑渠东注洛，故洛水下流亦蒙漆沮之名。自郑渠废，而漆渠与洛不相入矣。以今水道考之，洛水上源出陕西定远县西，甘肃安化县东北白于山，东南流迳甘泉县西，又东迳洛川县西，中部县东，又东南迳宜君县东，又迳白水县东北，又南迳澄城县西，蒲城县东，又东南迳同州府城西，又东迳朝邑县南。又东南入河。与《史记·魏世家》自郑滨洛以北至上郡，及《汉志》出归德北之文，皆合。《御览》白于山下引《水经注》云，洛水源出洛源县北白于山；洛水下引云，白于山今名女郎山，上多松柏，下多栲栳，其兽多牝牛羴羊，鸟多白鸮，洛水出其阳，东注于渭也。先谦案，《山海经》云，孟山西北五十里，曰白于之山，是也。《元和志》，洛源县本汉归德县地。《一统志》，白于山在安化县东北，洛水出定边县东南冢领下。

有堵苑、白马苑。

【编者按】治所当在今陕西吴旗县西北。

回获，

【补注】朱一新曰：汪本，“获”作“护”。先谦曰：《续志》，后汉省。

【编者按】今地无考。

略畔道，莽曰延年道。

【颜注】师古曰：有略畔山，今在庆州界。其土俗呼曰洛盘，音讹耳。

【补注】先谦曰：《续志》，后汉省。《一统志》，故城今合水县西南。《元和志》，庆州乐蟠、合水二水，并汉略畔地，是略畔音又讹为乐蟠。《寰宇记》乐蟠县下

引《水经注》云，有水出略畔道故城西北，与青山水合，入泥水。

【集释】陈直曰：西安汉城出土有“略畔之丞”印，不称道。

【编者按】治今甘肃合水县北。

泥阳，

【补注】先谦曰：秦县，酈商破周赧军于此，见《商传》。

莽曰泥阴。

【颜注】应劭曰：泥水出郁致北蛮中。

【补注】先谦曰：应注与郁致下复出。后汉因。《一统志》，故城今宁州东南五十里泥阳里。

【编者按】治今甘肃宁县东。

郁郅，

【补注】先谦曰：本义渠戎地，秦惠王伐取之，见《后书·西羌传》。县人王围，见《艺文志》。李息、甘延寿，见本传。

泥水出北蛮夷中。

【补注】先谦曰：《说文》同。《一统志》，东洛河在今安化县东，即《水经注》所云，洛川南迳尉李城东北，合马岭水，号白马水也。今曰马莲河，即泥水。徐松云，泥、洛字形相近，《元和志》误作洛水，其地本有漆沮之洛，于是调停之者，分为东洛水、西洛水，后又并二水为一，其误甚矣。

有牧师苑官。

【补注】先谦曰：本书苑苑通作。钱大昭云，汉制边郡牧师苑官有六郡，谓陇西、天水、安定、北地、上郡、西河也，志中惟记其一。辽东襄平说有牧师官，又

在六郡外矣。

莽曰功著。

【颜注】师古曰：郁，音于六反。郅，音之日反。

【补注】先谦曰：《续志》，后汉省。《一统志》，故城今安化县治。

【编者按】治今甘肃庆阳市。

义渠道，

【补注】先谦曰：本义渠戎国，秦惠文王十一年县之，见《秦纪》。县人公孙贺、公孙敖、傅介子，见本传。

莽曰义沟。

【补注】先谦曰：《续志》，后汉省。《一统志》，故城今宁州西北。

【集释】陈直曰：歙县黄氏藏有“义沟道宰印”，与志文正合。

【编者按】治甘肃庆阳市西峰区。

弋居，有盐官。

【补注】先谦曰：后汉因。《续志》有铁。《纪要》，故城今宁州东。

【编者按】治所当在今甘肃宁县南与正宁县交界处一带。

大夏

【颜注】师古曰：夏，即古要字也，音一遥反。

【补注】先谦曰：《后汉·邓禹传》作大要。《续志》，后汉省。《一统志》，故城今宁州东南。

【编者按】治所当在今甘肃宁县东南。

廉。卑移山在西北。

【补注】先谦曰：《河水注》引同。《一统志》，山在今宁朔县西北。

莽曰西河亭。

【补注】先谦曰：《续志》，后汉因。《河水注》，高平川自安定高平来，北迳廉城东。案《地理志》北地有廉县。阾駟言在富平北。自昔匈奴侵汉，新秦之土，率为狄场，故城旧壁，尽从胡目，地理沦移，不可复识，当是世人误证也。高平川下入三水。案道元虽引廉县为证，而意不谓然。其后又云，河水自富平来，东北迳廉县故城东，王莽之西河亭，下仍入富平。《一统志》，故城有二，一在宁夏县北，一在固原州东北，不可考。案高平川所迳之廉城，当在固原州北。则在宁夏县北者，乃汉县也。

【编者按】治今宁夏银川市西北。

上

郡

上郡，

【补注】先谦曰：据《河水注》，秦治肤施，汉因之。《续志》，后汉治同。

秦置。

【补注】先谦曰：秦惠文王十年，魏纳上郡十五县，见《秦纪》。昭王三年，置上郡，见《河水注》。

高帝元年更为翟国，

【补注】先谦曰：董翳国。

七月复故。

【补注】全祖望曰：《异姓诸侯王表》作元年八月。本记作二年六月，此又作元年七月，纪志误，表是。

匈奴都尉治塞外匈奴归障。

【补注】钱坫曰：《后书·马援传》有增山连率，注莽改上郡为增山，志脱莽曰增山四字。先谦曰：《河水注》又引司马彪云，增山者，上郡之别名。

属并州。

【颜注】师古曰：匈奴归者，言匈奴归附。

【补注】全祖望曰：本属凉州，武帝后属并州。先谦曰：《续志》，后汉因。属同。

【编者按】全说误。十三州刺史部乃武帝元封五年始置，故不能有“本属凉州，武帝后属并州”之说法。上郡西汉时应属朔方刺史部，东汉建武间方改属并州。钱大昕云，《古今注》曰“建武十一年十月，西河、上郡属魏”之魏字系误，按《光武纪》，建武十一年省朔方牧，并并州。此西河、上郡必朔方刺史部所部，至是始属并州耳。班史，冯野王为上郡太守，朔方刺史萧育奏封事荐之，是上郡属朔方部之证也。注文当有脱漏，又因下引《魏志》而衍一魏字耳。又，两汉郡国所属刺史部可参见顾颉刚《两汉州制考》及谭其骧《两汉州制考跋》（均载《蔡元培先生六十五岁庆祝论文集》，1934年）

户十万三千六百八十三，口六十万六千六百五十八。

县二十三：

膚施，

【补注】先谦曰：战国属赵，灭中山，迁其王于此，后乃入秦。

有五龙山、帝、原水、黄帝祠四所。

【补注】钱大昕曰：《郊祀志》，宣帝立五龙山仙人祠及黄帝、天神、帝原水，凡四祠于膚施。五龙山，一也；帝即天神，二也；原水，三也；黄帝，四也。先谦曰：钱说亦有理，然酈注以帝原为水名，姑阙疑。《续志》，后汉因。《河水注》，帝原水自龟兹来，东南注奢延水。《一统志》，故城今绥德州东南，合龙山在州西南五里，疑即五龙山。帝原水今名西河。

【编者按】治今陕西榆林市东南。

独乐，有盐官。

【补注】先谦曰：《续志》，后汉省。《一统志》，故城今宁州东南。《寰宇记》谓在定平县东北三十里者，后魏移置之县也。

【编者按】治今陕西横山县东。

阳周，桥山在南，有黄帝冢。

【补注】先谦曰：秦县。二世赐蒙恬死处，见《恬传》。《河水注》，走马水出西南长城北阳周县故城南桥山，山上有黄帝冢。帝崩，惟弓剑存焉，故世称黄帝仙矣。案黄帝葬桥山，见《帝纪》。武帝祠之，见《武纪》。王莽称桥畴，见《莽传》。《纪要》，桥山在今中部县北，一曰子午山，又名翟道山，自庆阳府境绵亘延安西境，其南麓跨县界。旧《志》云，有水自县北穿山而过，山若桥南，因以为名。

莽曰上陵 峙。

【补注】先谦曰：《续志》，后汉省。《一统志》，故城在安定县北。《元和志》谓在真宁县者，乃后魏侨置。

【编者按】治今陕西横山县南。

木禾，

【补注】先谦曰：《续志》，后汉省。

【编者按】今地无考。

平都，

【补注】先谦曰：《赵策》有平都侯，盖封此。《续志》，后汉省。《括地志》，与阳周县相近。

【编者按】治所当在今陕西子长县西南。

浅水，莽曰广信。

【补注】先谦曰：《续志》，后汉省。《一统志》，故城今长武县北五里浅水城。

【编者按】治所当在今陕西黄陵县西北。

京室，莽曰积粟。

【补注】先谦曰：《续志》，后汉省。

【编者按】今地无考。

洛都，莽曰卑顺。

【补注】先谦曰：《续志》，后汉省。

【编者按】今地无考。

白土，

【补注】先谦曰：县，见《高纪》、《韩王信传》。

圜水出西，东入河。

【补注】先谦曰：《河水注》，圜水出白土县圜谷东，东迳其县南。《地理志》曰，圜水出西，东入河。又东至长城，合神衔水，下入西河鸿门。神衔水出县南神衔山，出峡，东至长城入圜。《一统志》，圜水在今葭州境。《陕西通志》，即秃尾河也。自建安堡北塞外流入，东南迳高家堡西，合永利河蒺藜川，又东南合开化川，又东南入河。元、明《统志》谓无定河即圜水，误。

莽曰黄土。

【颜注】师古曰：圜，音银。其释在下。

【补注】王念孙曰：下文西河郡圜阴，莽曰方阴。颜注圜字本作圜，县在圜水之阴，因以为名也。王莽改为方阴，则是当时已误为圜字，今有银州银水，即是旧名犹存，但字变耳。又下文圜阳，颜注，此县在圜水之阳。又《匈奴传》，居于河西圜洛之间。晋灼云，圜，音器。《三仓》作圜。颜注与《地理志》同。又《史记·匈奴传》，居于西河圜洛之间。《集释》徐广云，圜在西河，音银。《索隐》圜，晋灼音器，三仓作圜（今本《史记》正文，圜作器。《集解》作徐广云器在西河。《索隐》作，《三苍》，器作圜。此校书者以注文改正文，而后人复据已改之正文转改注文也，今据《索隐》单行本及晋灼注订正）。《地理志》云，圜水出上郡白土县西，东流入河。韦昭云，圜当为圜，《续志》及《太康地志》并作圜字也（以上《索隐》）。案，圜与圜声相近，古无圜字，故借圜为之。韦、颜并以圜为圜之误，非也（《水经·河水注》引《地理志》，圜水作圜水。全氏校本云，观善长所见之本，却不错，岂后人因王莽有方阴之名，而妄改为圜字以实之

乎。案全说非也，若《汉志》本是囿字，则韦不当云圜当为囿矣。《水经注》引作囿者，据韦注改之耳。乃谓善长所见本不错，后人始改囿为圜，何不察之甚也。王莽误以圜为方圜之圜，故改圜阴为方阴，而圜阴之圜，实非误字。《史记》、《汉书》之圜水、圜阴、圜阳、圜洛，其字皆不作囿。汉平周钲所纪县名有平周、平定、圜阴（三县皆属西河）；汉印有圜阳宰印；少室神道石阙铭、开母庙石阙铭，并有西河圜阳冯宝；刘宽碑阴有西河圜阳田植。是囿水之囿，古皆作圜也。王莽误改圜阴为方阴，即古无囿字之明证。故《说文》有圜无囿。

先谦曰：《续志》，后汉因。《一统志》，故城今鄂尔多斯左翼中旗南，其地近神木县北。

【编者按】治今陕西神木县西。

襄洛，莽曰上党亭。

【补注】先谦曰：《续志》，后汉省。《一统志》，故城今宁州东北燕原下襄乐镇。《元和志》，后魏孝文帝改洛为乐。

【编者按】治所当在今陕西富县西北。

原都，

【补注】先谦曰：县见《史·景纪》。《续志》，后汉省。

【编者按】今地无考。

漆垣，莽曰漆墙。

【补注】先谦曰：《续志》，后汉因。

【编者按】治今陕西宜君县西。

奢延，莽曰奢节。

【补注】先谦曰：《续志》，后汉因。《河水注》，奢延水出奢延县西南赤沙阜，东北流。《山海经》所谓生水出孟山者也。因县土，谓之奢延水，又谓之朔方水。《一统志》，故城今怀远县西。《提纲》，无定河有东西二源，西曰额图浑河，即奢延水也。

【编者按】治今内蒙古乌审旗西南。

雕阴，

【颜注】应劭曰：彫山在西南。

【补注】先谦曰：战国魏地，秦败龙贾军于此，见《魏世家》、《苏秦传》。傅宽食邑，见《宽传》。《续志》，后汉因。《一统志》，故城今鄜州北，雕山在州西南。一名雕阴山。

【编者按】治今陕西富县北。

推邪，莽曰排邪。

【颜注】师古曰：邪，音似嗟反。

【补注】先谦曰：《续志》，后汉省。

【编者按】今地无考。

桢林，莽曰桢干。

【颜注】师古曰：桢，音贞。

【补注】先谦曰：《续志》，后汉省。

【编者按】治内蒙古准格尔旗西南。

高望，北部都尉治。莽曰坚宁。

【补注】先谦曰：《续志》，后汉省。《一统志》，故城今鄂尔多斯右翼前，直榆林北。

【编者按】治今内蒙古乌审旗北。

雕阴道，

【补注】先谦曰：《续志》，后汉省。

【编者按】治所当在今陕西甘泉县西。

龟兹，

【补注】先谦曰：《河水注》，帝原水西北出龟兹县，东南流，县因处龟兹降胡著称。帝原水下入膚施。

属国都尉治。有盐官。

【颜注】应劭曰：音丘慈。师古曰：龟兹国人来降附者，处之于此，故以名云。

【补注】先谦曰：上郡属国归义降胡，见《冯奉世传》。有盐池，为民利，见《后书·西羌传》。《续志》，后汉因。《一统志》，故城今榆林县北。

【编者按】治今陕西榆林市北。

定阳，

【颜注】应劭曰：在定水之阳。

【补注】先谦曰：战国赵地。《齐策》，魏拔邯郸，西围定阳也。《续志》，后汉因。《一统志》，故城今宜川县西北。

【编者按】治今陕西延安市东南。

高奴，

【补注】先谦曰：翟王董翳都，见《项羽传》。文帝幸焉，见《文纪》。

有洧水，可𩚑。莽曰利平。

【颜注】师古曰：𩚑，古然火字。

【补注】王念孙曰：可𩚑，本作肥可𩚑。肥者，膏也、此谓水上之肥可然，非谓水可然也。脱去肥字，则文不成义。《水

经注》引《地理志》云，高奴县有洧水，肥可𩚑。又云，水上有肥，可接取用之。《博物志》称酒泉延寿县南山出泉水，大如筍，注地为沟。水有肥，如肉汁，取著器中。始黄后黑如凝膏，然极明，与膏无异。水肥亦所在有之，非止高奴县洧水也。据此，则志文原有肥字，而师古不为作解，盖所见本已脱之矣。古者谓膏为肥，故此云肥可𩚑，而《说文》亦云，膏，肥也。肪，肥也。腑，肠间肥也。段注《说文》，不得其解，乃谓此三肥字皆脂字之讹，岂其然乎。

先谦曰：《续志》，后汉因。《河水注》，丰林水，《地理志》谓之洧水也。长津泻注，北会清水。《一统志》，故城今肤施县东。陈澧云，洧水出安塞县。

【集释】陈直曰：《地理志》所记，《博物志》、《水经注》所说，皆战国石油矿最早之记载。《博物志》所称酒泉延寿县南山之水肥，似即今日之玉门油矿也。

【编者按】治今陕西延安市北。

望松，北部都尉治。

【补注】先谦曰：一郡二北部，盖误文。《续志》，后汉省。

【编者按】今地无考。

宜都。莽曰坚宁小邑。

【补注】先谦曰：县无四字为名者，疑“小”字衍。《续志》，后汉省。

【编者按】今地无考。

西河郡

西河郡，

【补注】先谦曰：《后书·顺帝纪》李注，西河本理平定县，永和五年徙离石。《元和志》云理富昌，非。《续志》，后汉治离石。

【集释】严耕望曰：西河当治富昌，除《地志》首书为富昌外虽无他证（《元和志》云，汉武帝元朔四年置西河郡，领县三十六，理富昌县是也，后汉徙离石。观县数，当即据《地志》而言，以首县为郡治也），然永和去西汉末哀平之世已一百三四十一年，王氏据李注谓西汉即治平定，亦非的证。

武帝元朔四年置。

【补注】全祖望曰：战国魏郡，文侯以来即有之。然魏之西河，自焦虢桃林之塞，西抵关洛，其界最广，秦以其东界并入内史，而西界并入上郡，汉分置者，特秦上郡所属地耳。东界则别置弘农。宋白、乐史并云，汉分南阳、河南二郡以为弘农，盖即内史东界广之。

【编者按】汉与魏之西河郡，名同而实异。战国魏之西河郡相当于秦与汉初的内史东北部，今陕西渭南地区东部及延安地区东南一隅，而汉西河郡却是由上郡所分置。秦汉上郡原居河水（黄河）以西，当今陕西延安、榆林地区及内蒙伊克昭盟东南部地。武帝元朔三年，由代国（即太原郡，当今山西中部地）分封九个代王子侯国别属上郡，使上郡领域扩展至河水东岸今山西境内，于是遂在元朔四年时从上郡分置西河郡。这一新郡跨河水东西两岸，相当今山西忻

州、吕梁地区西部，陕西延安、榆林地区东部及内蒙伊克昭盟东南部地。与魏之西河郡在地域上毫无关系。

南部都尉治塞外翁龙、埤是。

【补注】钱坫曰：是即氏，氏者山阜之称。扬雄称响若氏隤。古氏是字通用。先谦曰：《纪要》，二障在废胜州北。

莽曰归新。属并州。

【颜注】师古曰：翁龙、埤是，二障名也。埤，音婢。

【补注】先谦曰：《续志》，后汉因。属同。

【集释】钱大昕曰：西河郡属朔方刺史部，东汉建武十一年方改属并州。谭其骧云，钱说是。

户十三万六千三百九十，口六十九万八千八百三十六。

县三十六：

【补注】先谦曰：郡人郭翁仲、漕中叔，见《游侠传》。

富昌，有盐官。莽曰富成。

【补注】先谦曰：《续志》，后汉省。《一统志》，故城今鄂尔多斯左翼前旗界。《纪要》，胜州西南。

【编者按】治内蒙古准格尔旗东南。

骆虞，

【补注】先谦曰：《续志》，后汉省。

【编者按】今地无考。

鹄泽，

【颜注】孟康曰：鹄，音告。师古曰：音古督反。

【补注】先谦曰：《续志》，后汉省。

【编者按】今地无考。

平定，莽曰阴平亭。

【补注】先谦曰：《续志》，后汉因。《纪要》，故城今榆林卫东南界。

【编者按】治内蒙古准格尔旗西南。

美稷，属国都尉治。

【补注】先谦曰：《续志》，后汉因。《一统志》，故城今鄂尔多斯左翼前旗东南。《纪要》，故胜州西南。《通典》汾州隰成县有美稷乡，汉县也。案此后汉中平中所徙置，非前汉县。西河置属国，见《宣纪》、《冯奉世传》。

【编者按】治内蒙古准格尔旗西北。

中阳，

【补注】先谦曰：战国赵地，秦取之，秦昭襄、赵惠文王会此，见《秦纪》、《赵世家》。《续志》，后汉因。《河水》篇，河水南过中阳县西。注云，河水自隰成来，中阳县故城在东，东翼汾水，隔越重山，不滨河也。河水下入土军。先谦案，《一统志》云，故城今宁乡县西。西河所领县皆夹河两岸，无东附汾水者。曹魏移郡东出，县亦随之，《元和志》所云魏移中阳于兹氏县界是已注，反以为汉县，误。董祐诚云，经所称河水过中阳西者，两汉之中阳也。《文水注》所称文湖迺中阳县故城东者。曹魏之中阳在今孝义县北。注于彼下仅引晋代《地

志》，初不以为二汉之中阳，此误证以驳经，偶有不照耳。

【编者按】治山西今县。

乐街，莽曰截虏。

【补注】先谦曰：《续志》，后汉因。

【编者按】今地无考。

徒经，莽曰廉耻。

【补注】先谦曰：《续志》，后汉省。

【编者按】今地无考。

皋狼，

【补注】先谦曰：秦祖孟增居此，见《秦纪》。战国地入赵，见《赵策》。亦作郭狼，见《赵世家》。亦作皋琅，见《王子侯表》。《续志》，后汉因。《一统志》，故城今永宁县西北。

【编者按】治山西吕梁离石区西北。

大成，莽曰好成。

【补注】先谦曰：后汉改属朔方。《续志》作大城。《一统志》，故城今鄂尔多斯左翼前旗界。《纪要》，榆林卫东北。

【编者按】治今内蒙古杭锦旗东南。

广田，莽曰广翰。

【补注】先谦曰：后汉省。

【编者按】今地无考。

圜阴，惠帝五年置。莽曰方阴。

【颜注】师古曰：圜字本作囿，县在囿水之阴，因以为名也。王莽改为方阴，则是当时已误为圜字。今有银州银水，即是旧名犹存，但字变耳。

【补注】先谦曰：圜不当为固，说见上（见上郡白土下——编者按）。《续志》，后汉因。《一统志》，故城今神木县南。

【集释】陈直曰：王念孙谓古无固字，故借圜为之。《小钟山房印举》有“固水”半通印，以文字审之，当为秦末汉初之物，足证古来本有固之，王氏谓古无固字，其说则非，借圜为之，其说较师古为胜。

【编者按】治今陕西榆林市东。

益阌，莽曰香阌。

【补注】先谦曰：后汉因。《续志》作益兰。

【编者按】今地无考。

平周，

【补注】王念孙曰：汉平周征所纪县名有平周、平定、圜阴三县，皆属西河。钱大昕曰：《王莽传》，民弃城郭，流亡为盗贼，并州平州尤甚。胡三省注《通鉴》，以为时无平州，疑字误。考《路博德传》云，西河平州人。是平州为西河属县，州周古字通用也。先谦曰：战国魏地，襄王时秦取之，见《魏世家》。《续志》，后汉因。《一统志》，故城今介休县西。

【编者按】治今山西孝义市西南。

鸿门，有天封苑火井祠，火从地出也。

【补注】王念孙曰：地下脱中字。火从地中出，谓从井中出也。《郊祀志》，祠天封苑火井于鸿门。如淳云，《地理志》西河鸿门县有天封苑火井祠，火从地中出。《水经注》引《地理风俗记》文与此

同，皆有中字。先谦曰：《续志》，后汉省。《河水注》，圜水自上郡白土来，东迳鸿门县，县故鸿门亭。应劭云，圜阴县西五十里，有鸿门亭，圜水又东合梁水，下入圜阴。案应说，县并入圜阴。《一统志》，故城今神木县西南。《纪要》，榆林卫东。

【编者按】治今陕西神木县西南。

藺，

【补注】先谦曰：战国赵地。魏败赵于此。秦攻之。肃侯时，秦取之，复入赵。武灵王时，为秦所拔。并见《赵世家》。亦称北藺，见《魏世家》。武帝封代共王子罢军为侯国，见表。《续志》，后汉因。《一统志》，故城今永宁州西。

【编者按】治今山西柳林县北。

宣武，莽曰讨貉。

【补注】先谦曰：《续志》，后汉省。

【编者按】今地无考。

(千)[干]章，

【补注】先谦曰：武帝封代共王子遇为侯国，见表。《续志》，后汉省。

【编者按】1976年内蒙古杭锦旗出土西汉铜漏壶，上有“干章铜漏”等铭文，知志误干章为千章，今改正。

今地无考。但必在今山西境内，忻州市、吕梁市西部。

增山，有道西出眩雷塞，

【补注】先谦曰：《匈奴传》，益广田至眩雷为塞。服虔云，地在乌孙北。《史记》作眩雷。

北部都尉治。

【颜注】师古曰：眩，音州县之县。

【补注】先谦曰：《续志》，后汉省。《一统志》，故城今套内之南，接榆林边界。《纪要》，榆林县东北。

【编者按】治内蒙古鄂尔多斯市东胜区西北。

圜阳，

【颜注】师古曰：此县在圜水之阳。

【补注】段玉裁曰：汉铜印有寰阳宰之印，寰阳即圜阳，莽县令为县宰，此莽印也。苻秦、隋、唐《地志》皆作银，以圜字音银改之。王念孙曰：少室神道石阙铭，开母庙石阙铭，并有西河圜阳冯宝；刘宽碑阴有西河圜阳田植。先谦曰：《续志》，后汉因。《一统志》，故城今神木县东。

【集释】陈直曰：《石交录》卷三有“西河圜阳郭季妃之椁”刻字，与左表墓刻同在山西出土。近年绥德五里店出土有“圜阳西乡榆里郭稚文万岁室宅”石刻题字，为永平十五年作昌。又《金石索·金索五》有王莽时“圜阳宰之印”，皆作圜阳，不作寰阳。盖王莽以前作圜为本字，东汉以来作寰，为假借字。

【编者按】治今陕西神木县南。

广衍，

【补注】先谦曰：《续志》，后汉因。

【编者按】治内蒙古准格尔旗西南。

武车，莽曰桓车。

【补注】先谦曰：《续志》，后汉省。

【编者按】今地无考。

虎猛，西部都尉治。

【补注】先谦曰：有制虏塞，见《匈奴传》。《续志》，后汉省。《一统志》，故城今鄂尔多斯左翼前旗界内，直匈奴北。

【编者按】治内蒙古伊金霍洛旗西南。

离石，

【补注】先谦曰：战国赵地。肃侯时，秦取之，见《周纪》、《赵世家》。武帝封代共王子绾为侯国，见表。《续志》，后汉因。《一统志》，故城今永宁州治。《府志》，东关北隅有县街遗址，古井尚存。

【编者按】治山西吕梁市离石区。

穀罗，武泽在西北。

【补注】先谦曰：《续志》，后汉省。《一统志》，故城今套内之南，接榆林边界。《纪要》，永宁州北。武泽在榆林卫东北，后汉建武二十八年，诏南匈奴徙居美稷之虎泽。永初三年、四年，梁懂击单于于属国故城南，单于败走，还虎泽，乞降，即此。唐讳虎，改武泽。先谦案，据《后书》，知谷罗并入美稷也。《司马相如传》，紫渊径其北。文颖注，西河谷罗县有紫泽，在西北。盖泽别名也。《通鉴》胡注，虎泽应在五原曼柏之北，在今榆林镇之东北。

【编者按】治内蒙古准格尔旗西南。

饶，莽曰饶衍。

【补注】先谦曰：《续志》，后汉省。

【编者按】今地无考。

方利，莽曰广德。

【补注】先谦曰：《续志》，后汉省。

【编者按】今地无考。

隰成，

【补注】先谦曰：武帝封代共王子忠为侯国，见表。

莽曰慈平亭。

【补注】先谦曰：《续志》，后汉省。《一统志》，故城今永宁州西。

【编者按】治今山西柳林县西。

临水，莽曰(坚)[监]水。

【补注】吴卓信曰：《赵世家·集解》引张华云，赵简子冢在临水界，二冢并上气成楼阁。钱大昭曰：南监本、闽本，坚作监。先谦曰：官本作监，是。《续志》，后汉省。

【中华校】景祐、殿本“坚”都作“监”。

【编者按】治今山西临县东北。

土军，

【补注】先谦曰：高帝封宣义，武帝封代共王子郢客为侯国，见表。《续志》，后汉省。《一统志》，故城今石楼县治。

【编者按】治今山西石楼县。

西都，莽曰五原亭。

【补注】先谦曰：战国赵地。武灵王时，秦取之，见《赵世家》。《续志》，后汉

省。钱坫云，今孝义县地。

【编者按】今地无考。

平陆，

【补注】吴卓信曰：平陆侯刘礼，应劭、韦昭并以为此县，误也。详东平国东平陆下。先谦曰：《续志》，后汉因。

【编者按】今地无考。

阴山，莽曰山宁。

【补注】先谦曰：《续志》，后汉省。

【编者按】治今陕西宜川县东。

觥是，莽曰伏觥。

【颜注】苏林曰：音魔。师古曰：觥，音倪，其字从角。

【补注】先谦曰：《说文》觥，角觥曲也。西河有觥氏县，氏是古字通。《续志》，后汉省。

【编者按】今地无考。

博陵，莽曰助桓。

【补注】先谦曰：《续志》，后汉省。

【编者按】今地无考。

盐官。

【补注】先谦曰：《续志》，后汉省。

【编者按】今地无考。

朔方郡

朔方郡，

【补注】阎若璩曰：武帝置朔方郡，筑

朔方城，则朔方郡治朔方县矣。三封乃元狩三年城也，《元和志》以为治三封，

误。先谦曰：阎说是，《河水注》可证（见朔方县下）。《续志》，后汉治临戎。

【集释】严耕望曰：郡治三封，除《地志》外虽无他证（《元和志》，武帝元朔二年使卫青击匈奴，开置朔方郡，领县十，理三封。观县数，当即据《地志》而言，以首县为郡治也），然阎、王所持之证据，只是证明武帝始置郡时理朔方县，不能明其直至哀、平均未迁徙也。

王文楚曰：《汉志》载，东部都尉治渠搜，中部都尉治广牧，西部都尉治麻浑。三都尉所治之县，恰在朔方郡治朔方县之东、中、西部，若郡治三封，三都尉无一不在郡之东部，显与《汉志》记载相违。故朔方郡治应在朔方县。

武帝元朔二年开。

【补注】先谦曰：《武纪》元朔二年，收河南地，置朔方郡。《卫青传》同，亦见《主父偃传》。

西部都尉治麻浑。

【补注】先谦曰：中、东部都尉在县下，此独在郡下，志变文，无义例。

莽曰沟搜。属并州。

【颜注】师古曰：麻，音庾。浑，音魂。

【补注】钱大昕曰：武帝元封五年置十三部刺史，并与朔方，各自为部，未尝属并州也。朔方之属并，乃光武建武十一年事耳。上郡亦属朔方部。故冯野王为上郡太守，朔方刺史萧育奏封事荐之。

全祖望曰：故属秦九原郡，汉初入匈奴，武帝元朔二年开，别称朔方州，置刺史，监河西诸郡事。中兴后，始省朔方入并州，而以所监诸郡属凉州。本志以为元朔即属并州，误也。扬雄《十二州箴》已无朔方，盖平帝时莽省，而中兴因

之。又曰：自颜注《平当传》，谬言朔方不在十三州之内，则以司隶为一部，盖以东京之制为武帝制。宋王应麟因之，区分其目，载入《通鉴地理通释》，如凉州刺史部，陇西、金城、天水、武威、张掖、酒泉、敦煌、安定、北地九郡，并州刺史部，太原、上党、西河、朔方、五原、云中、定襄、雁门八郡。不知前汉之凉州，止武都、陇西、天水、安定、北地五郡，并州止六郡，其朔方、五原二郡，合河以西之金城、武威、张掖、酒泉、敦煌五郡，共七郡，为朔方州所统也。若云朔方未得为州，而不与，则交趾亦未得为州，何以独与乎。

先谦曰：《晋地理志》注，西汉十三部，凉、益、荆、扬、青、豫、兖、徐、幽、并、冀十一州，并趾、朔方二刺史，合十三部，全说是也。依钱说，则上郡当日亦统于朔方刺史。《续志》，后汉因。属同。

【编者按】钱说极是。全说分辨东、西汉州制之异是，言各部所监郡则误。西汉凉州有陇西、天水、安定、金城、武威、张掖、酒泉、敦煌八郡（武都则属益州），朔方则仅有朔方、五原、北地、上郡、西河五郡。参见顾颉刚《两汉州制考》及谭其骧《〈两汉州制考〉跋》。

户三万四千三百三十八，口十三万六千六百二十八。

县十：

三封，武帝元狩三年城。

【补注】先谦曰：《续志》，后汉因也。《一统志》，故城在套外河西岸，今鄂尔多斯后旗正西河外。《元和志》谓夏州长泽县本汉三封县地。《寰宇记》、《通

典》因之，非是。

【编者按】治今内蒙古阿拉善左旗东北。

朔方，金连盐泽、青盐泽皆在南。莽曰武符。

【补注】先谦曰：《续志》，后汉因。《河水注》，河水自五原西安阳来，东南迳朔方县故城东北。《诗》所谓城彼朔方也。卫青取河南为朔方郡，使校尉苏建筑朔方城，即此城也。《魏土地记》云，县有大盐池，其盐大而青白，名曰青盐，又名戎盐，入药分。汉置典盐官，池在新秦之中。吴卓信云，《元和志》以唐什赉故城为汉朔方县，而云近在唐朔方县理之北。不知汉之朔方，在上郡北，与河北相近。唐之朔方县，在今榆林西南，本汉上郡地。如《元和志》所言，则汉之朔方，在今榆林边内，而上郡转在朔方之北矣，非是。陈澧云，今蒙古鄂尔多斯右翼南境，有喀喇莽尼池、乌蓝池，即此二泽，其孰为金连盐泽，孰为青盐泽，未详。

【编者按】治今内蒙古乌拉特前旗东南。

修都，

【补注】先谦曰：《续志》，后汉省。

【编者按】治内蒙古杭锦旗西北。

临河，莽曰监河。

【补注】先谦曰：《续志》，后汉省。吴卓信云，县在北河之南，当今榆林边外河套内。今延川县北临河故城，当是晋魏侨置。

【编者按】治今内蒙古临河市北。

呼遒，

【颜注】师古曰：遒，音在由反。

【补注】先谦曰：《续志》，后汉省。

【编者按】治今内蒙乌拉特前旗东南。

麻浑，

【补注】先谦曰：《卫青传》作冥浑。

有道西北出鸡鹿塞。

【补注】先谦曰：鸡鹿塞，见《匈奴传》。《纪要》，在故夏州西北。

屠申泽在东。莽曰极武。

【补注】先谦曰：《续志》，后汉省。《河水注》，河水自沃野来，又北屈，而南河出焉。河水又北迳西，溢于麻浑县故城东。武帝开朔方郡县，即西部都尉治。其水积而为屠申泽，泽东西百二十里，阡陌谓之麻浑泽矣。又屈而东流，为北河，卫青绝梓岭梁北河，是也。下入临河。南河下入临戎。《一统志》，故城今套外西北河北流折东之处。屠申泽，番名腾格里淖尔，东西正长，其西有哈尔滨纳河南流入之。黄河自泽东溢入，又自东北流出。

【编者按】治今内蒙磴口县西北。

渠搜，中部都尉治。莽曰沟搜。

【补注】先谦曰：后汉省。《河水注》，河水自朔方来，东转迳渠搜县故城北，王莽之沟搜亭也。《禹贡》之所云析支、渠搜矣。河水下入五原西安阳。案，依注文，沟搜下夺亭字。扬雄《解嘲》所谓大汉左东海右渠搜也。宋傅寅云，汉朔方渠搜亦当是金城以西之戎，后世种落

迁徙,故汉有居朔方者。若禹时渠搜居朔方,则不应浮积石。胡渭云,《礼·三朝记》,渠搜与交阯对举,则不在朔方可知。《凉土异物志》,古渠搜在大宛北界。《隋书·西域传》云,钹汗国都葱岭之西五百余里,古渠搜国也,渠搜之在西域明矣。《一统志》,故城在故朔方城东。《纪要》,废夏州北。

【编者按】治今内蒙古乌拉特前旗东南。

沃墜,武帝元狩三年城。有盐官。莽曰绥武。

【补注】先谦曰:《续志》,后汉因。《一统志》,故城今套外河水北流一曲之西。《河套志》,后魏置沃墜镇于此,又于盐泽北之黑池西置凉城郡,故城犹在。

【编者按】治今内蒙古巴彦淖尔市临河区西南。

广牧,

【补注】先谦曰:县见《五行志》。

东部都尉治。莽曰盐官。

【补注】先谦曰:《续志》,后汉因。《纪要》,故城在废夏州东北。

【编者按】治今内蒙古五原县南。

临戎。武帝元朔五年城。莽曰推武。

【补注】先谦曰:《续志》,后汉因。《一统志》,故城在故朔方城西,大河北流之东岸。

【编者按】治今内蒙古磴口县北。

五原郡

五原郡,秦九原郡,

【补注】先谦曰:《通典》,赵置九原郡,秦因之。汉为九原县,五原郡治焉。《续志》,后汉治同。案,九原见《赵世家》、《始皇纪》。全祖望云,不在始皇所并三十六郡内,说详后三十六郡下。武帝元朔二年更名。

【补注】全祖望曰:汉初入匈奴,武帝始与朔方同置,非但更名而已。五原、朔方归中国,而后河西辟,故别为州。东部都尉治稠阳。

【补注】先谦曰:《河水注》,河水自宜梁来,东迳稠阳城南,东部都尉治。河

水下入河阴。钱坫云,在今榆林府城东北鄂尔都斯界内黄河北岸,与下稠阳县是两地。

莽曰获降。属并州。

【颜注】师古曰:稠音固。

【补注】先谦曰:《续志》,后汉因。属同。

【编者按】五原郡应属朔方刺史部,东汉以后才属并州,说见朔方郡下。

户三万九千三百二十二,口二十三万一千三百二十八。

县十六:

九原，莽曰成平。

【补注】先谦曰：《续志》，后汉因。《一统志》，故城今大同县西北大河外。董祐诚云，当在今乌喇旗东南境。

【编者按】治今内蒙古包头市西。

固陵，莽曰固调。

【补注】先谦曰：《续志》，后汉省。

【编者按】今地无考。

五原，莽曰填河亭。

【补注】先谦曰：《续志》，后汉因。《一统志》，故城在故九原城西。《纪要》，故胜州西。董祐诚云，当在今乌喇特旗之东，近茂明安旗界。

【编者按】治内蒙古乌拉特前旗东。

临沃，莽曰振武。

【补注】先谦曰：《续志》，后汉因。《一统志》，故城在故九原城东。《纪要》，柰阳县东。

【编者按】治今内蒙古包头市西。

文国，莽曰繁聚。

【补注】先谦曰：《续志》，后汉因。文，或讹父。

【编者按】今地无考。

河阴，

【补注】先谦曰：《续志》，后汉因。《一统志》，故城在故九原城东。《纪要》，故丰州西南。董祐诚云，当在今鄂尔多斯左翼后旗界内。

【编者按】治内蒙古达拉特旗西北。

蒲泽，属国都尉治。

【补注】钱大昭曰：南监本、闽本作蒲泽。朱一新曰：汪本、正统本作蒲。先谦曰：官本作蒲。《续志》，后汉省。《一统志》，故城在故丰州东。

【编者按】今地无考。

南兴，莽曰南利。

【补注】齐召南曰：《河水注》于云中北舆县下曰，五原有南舆，故此加北。据此，则县名南舆，不名南兴也。各本俱误。先谦曰：《续志》，后汉省。

【编者按】治今内蒙古准格尔旗东。

武都，莽曰桓都。

【补注】先谦曰：《续志》，后汉因。《寰宇记》，在银州界。

【编者按】治所当在今内蒙古准格尔旗北。

宜梁，

【补注】先谦曰：《续志》，后汉因。《一统志》，故城在故九原城西。《纪要》，故丰州东。

【编者按】治今内蒙古包头市西。

曼柏，莽曰延柏。

【颜注】师古曰：曼，音万。

【补注】先谦曰：《续志》，后汉因。《一统志》，故城在黄河北岸。《纪要》，故胜州西。

【编者按】治内蒙古准格尔旗西北。

成宜，中部都尉治原高，西部都尉治田辟。有盐官。莽曰艾虏。

【颜注】师古曰：辟，读曰壁。艾，读曰刈。

【补注】先谦曰：《续志》，后汉因。《河水注》，河水自西安阳来，东迳田辟城南，又东迳成宜县城南，又东迳原亭城南，下入宜梁。案据此，志高当作亭。《一统志》，故城在故九原城西。《纪要》，在故丰州界。董祐诚云，当亦在乌喇特旗南。

【编者按】治今内蒙古乌拉特前旗东南。

稠阳，

【补注】先谦曰：战国魏地，作固阳。《魏世家》，惠王筑长城，塞固阳。《正义》，魏筑长城，自郑滨洛，北达银州，至胜州固阳县，为塞。

(此)[北]出石门障得光禄城，又西北得支就城，又西北得头曼城，又西北得虚河城，又西得宿虏城。

【补注】王鸣盛曰：南监本，此作北，是。朱一新曰：汪本作北。汪本又西下有北字。钱坫曰：虚河，《括地志》作牢河。先谦曰：官本，此作北。光禄城，徐自为筑，见《武纪》。头曼城盖即冒顿父所筑。

莽曰固阴。

【颜注】师古曰：曼，音莫安反。虚，音呼。

【补注】先谦曰：《续志》，后汉省。《一

统志》，故城在故九原城东北，近云中郡。《纪要》，废胜州西南。

【编者按】治今内蒙古包头市东。

莫𡵓，

【颜注】如淳曰：音切怛。师古曰：音丁葛反。

【补注】先谦曰：《说文》𡵓，白而有黑也。五原有莫𡵓县。《续志》，后汉省。

【编者按】今地无考。

西安阳，

【补注】何焯曰：汝南有安阳，故此加西，代郡加东也。

莽曰鄣安。

【补注】钱大昭曰：《河水注》作鄣安。朱一新曰：汪本漳作鄣。先谦曰：官本漳作鄣。后汉因。《一统志》，故城在故九原城西。《纪要》，丰州东北。

【编者按】治今内蒙古乌拉特前旗东南。

河目。

【补注】先谦曰：《续志》，后汉省。《一统志》，故城在故九原城西，当在阳山南高阙东南北河之间。《纪要》，废丰州东北。

【编者按】治所当在今内蒙古乌拉特前旗东北。

云中郡

云中郡，

【补注】先谦曰：据《河水注》，郡治云

中。《续志》，后汉治同。

秦置。

【补注】先谦曰：赵武灵王破林胡楼烦，攘地至此，因置郡，见《赵世家》、《匈奴传》。秦始皇十三年因之，见《河水注》。全祖望云，楚汉之际属赵国，寻分属代国；高帝三年属汉，四年复以属赵国，六年属代国，十一年以边郡收（见本纪）。

【编者按】云中郡自高帝三年属汉以后，即未再属诸侯王国，全说有误。十一年云中郡东部分置定襄郡（说见该郡下），并非至该年方再属汉。莽曰受降。属并州。

【补注】先谦曰：《续志》，后汉因。属同。

户三万八千三百三，口十七万三千二百七十。

县十一：

【补注】钱大昭曰：《周勃世家》，定云中郡十二县，是秦领县十二。先谦曰：郡人李沮、郭昌，见本传。

云中，莽曰远服。

【补注】先谦曰：《续志》，后汉因。郡治。《一统志》，故城今大同府西北塞外托克托城地。其崞县西南云中故城，乃后汉建安中移置。

【编者按】治内蒙古托克托县东北。

咸阳，莽曰贲武。

【补注】先谦曰：《续志》，后汉因。《一统志》，故城今托克托城地。

【编者按】治内蒙古土默特右旗东。

陶林，东部都尉治。

【补注】先谦曰：《续志》，后汉省。《一

统志》，故城今朔平县、左云县西北塞外归化城界内。

【编者按】治今内蒙古呼和浩特市东北。

桢陵，缘胡山在西北。西部都尉治。莽曰桢陆。

【补注】先谦曰：《续志》，后汉省。《一统志》，故城今托克托城地，与河南县隔河相对，即辽、金东胜州地也。董祐诚云，缘胡山当即今托克托城西北临河诸山。桢陵城当在托克托城西南。《寰宇记》谓在榆林县西北，非。

【编者按】治内蒙古托克托城东南。

犍和，

【补注】先谦曰：《续志》，后汉省。

【编者按】治所当在今内蒙古固阳县东南近土默特左、右旗一带，确地待考。

沙陵，莽曰希恩。

【补注】朱一新曰：汪本，恩误思。先谦曰：《续志》，后汉因。《一统志》，故城今托克托城北。

【编者按】治内蒙古托克托县北。

原阳，

【补注】先谦曰：战国赵地，武灵王破原阳为骑邑，见《赵策》。《续志》，后汉因。《一统志》，故城今归化城西。

【编者按】治今内蒙古呼和浩特市东南。

沙南，

【补注】先谦曰：《续志》，后汉因。《一

统志》，故城盖在河套内，今鄂尔多斯左翼后旗地。《元和志》，榆林、河滨二县，本汉沙南县地，是也。汉云中地，惟沙南在河南，余在河东。

【编者按】治内蒙古准格尔旗东北。

北與，中部都尉治。

【颜注】师古曰：阾駟云，广陵有與，故此加北。

【补注】钱大昕曰：與属临淮，后汉始属广陵。先谦曰：《续志》，后汉因。《河水注》，武泉水自武泉来，南流又西屈迳北與县故城南。按《地理志》五原有南與县，故此加北。阾駟云，广陵有與，故此加北。疑太疏远也。其水又西南入于荒干水。董祐诚云，今哲尔德必拉西流至归化城东境，合哈喇乌苏通，为图尔根必拉。北與故城当在今归化城东哲尔德必拉之北。《一统志》，当在古云中城北武泉县南。

【编者按】治今内蒙古呼和浩特市。

武泉，

【补注】先谦曰：县见《景纪》。周勃、灌婴破胡骑于此，见本传。

莽曰顺泉。

【补注】先谦曰：《续志》，后汉因。《一统志》，故城今右玉县西北塞外归化城西界。董祐诚云，当在今归化城东。武泉水今之哲尔德必拉也。

【编者按】治今内蒙古呼和浩特市东北。

阳寿。莽曰常得。

【补注】先谦曰：《续志》，后汉省。《一统志》，故城今归化城界内。吴卓信云，《隋志》金河县，初曰阳寿，盖相近，故取名也。

【编者按】治所当在今内蒙古托克托县东南一带。

定襄郡

定襄郡，

【补注】先谦曰：《一统志》，汉置成乐县，为定襄郡治。《纪要》同。《续志》，后汉治善无。

高帝置。

【补注】先谦曰：高帝六年置，见《河水注》。全祖望云，故属秦太原、雁门二郡，高帝分置，属代国；景帝后以边郡收。

【编者按】志注郡国沿革，称高帝置者

二十，其中真正为高帝置者仅五郡，定襄其一（其余四郡为清河、豫章、桂阳、广汉。至若楚国、淮阳国乃以秦郡改置）。王国维不察，以为定襄必非高帝置，差矣。然定襄亦非如《河水注》言，置于高帝六年；亦非如全说，故属秦太原、雁门二郡。定襄郡乃是高帝十一年分云中郡东部置，因史未明载，故为各家所忽略。《汉书·高纪》十一年“诏曰：代地居常山之北，与夷狄边，赵乃从

山南有之，远，数有胡寇，难以为国。颇取山南太原之地盖属代，代之云中以西为云中郡，则代受边寇少矣。”诏书所谓“代之云中以西为云中郡”，说明高帝十一年将云中郡分成两半，云中县以西部分为新云中郡，属汉；东部则属刘恒代国，当置为定襄郡。因为云中郡之东部既归代国，若不置郡，则需并入雁门，二者必居其一。并入雁门之事无征，自然是置为代国支郡定襄无疑。

莽曰得降。属并州。

【补注】先谦曰：《续志》，后汉因。属同。

户三万八千五百五十九，口十六万三千一百四十四。

县一十二：

【补注】吴卓信曰：汉县并在今归化城左右。

成乐，

【补注】先谦曰：《续志》，后汉改属云中。《一统志》，故城今杀虎口北，归化城南。

【编者按】治今内蒙古和林格尔县西北。

桐过，莽曰椅桐。

【颜注】师古曰：过，音工禾反。

【补注】先谦曰：《续志》，后汉因。《一统志》，故城今右玉县东北塞外归化城西南，滨河。《纪要》，朔州西。《寰宇记》引《冀州图》云，在云中郡西五十里者，误。

【编者按】治今内蒙古清水河县西。

都武，莽曰通德。

【补注】先谦曰：《续志》，后汉省。

【编者按】今地无考。

武进，白渠水出塞外，西至沙陵入河。

【补注】先谦曰：沙陵，云中县。《河水注》，白渠水出塞外，西迳武进县故城北，下入成乐。董祐诚云，白渠水当即今黄水河，蒙古曰西拉乌苏，出托克托东山。

西部都尉治。莽曰伐蛮。

【补注】先谦曰：《续志》，后汉改属云中。《一统志》，故城今成乐县东南。《纪要》，大同府西北塞外。

【编者按】治今内蒙古和林格尔县东北。

襄阴，

【补注】先谦曰：《续志》，后汉省。

【编者按】今地无考。

武皋，荒干水出塞外，西至沙陵入河。

【补注】先谦曰：《河水注》荒作芒，云芒干水出塞外，南迳钟山，即阴山也。其水西南迳武皋县，下入云中原阳。陈澧云，今归化城厅黑河，出察哈尔右翼，西流至萨拉齐厅入河，即荒干水。

中部都尉治。莽曰永武。

【补注】先谦曰：《续志》，后汉省。《一统志》，故城今归化县东北。董祐诚云，当在绥远城东北四子部落旗南。

【编者按】治内蒙古卓资县西北。

骆，莽曰遮要。

【补注】先谦曰：《续志》，后汉因。《一统志》，故城今平鲁县西北塞外归化城界内。《纪要》，今朔州北，俗名大骆城，即北魏大洛城也。

【编者按】治今内蒙古清水河县西南。

(定)[安]陶，莽曰迎符。

【补注】朱一新曰：汪本作安陶。先谦曰：官本作安陶。《续志》，后汉省。

【集释】陈直曰：近日内蒙古大学历史系发掘东郊西汉城址，出现有“安陶丞印”、“定襄丞印”等封泥。

【编者按】出土封泥与别本《汉志》相印证，知定陶乃安陶之误，今据改。

治今内蒙古呼和浩特市东。

武城，

【补注】先谦曰：《赵策》，封孟尝君以武城。秦攻定武城，见《赵世家》、《始皇纪》。

莽曰桓就。

【补注】先谦曰：后汉因。《续志》作武成。《一统志》，故城今平鲁县西北塞外

归化城西南。

【编者按】治今内蒙古清水河县北。

武要，东部都尉治。莽曰厌胡。

【颜注】师古曰：厌，音一叶反。其下并同。

【补注】先谦曰：《续志》，后汉省。《一统志》，故城今右玉县北塞外归化城界内。《后魏·太祖纪》，西登武要北原，观九十九泉，即此。

【编者按】治今内蒙古卓资县西北。

定襄，莽曰著武。

【补注】先谦曰：《续志》，后汉改属云中。《一统志》，故城今归化城东。《明统志》谓在大同府西北三十八里，乃唐之定襄，非汉县。

【编者按】治今内蒙古呼和浩特市东南。

复陆。莽曰闻武。

【颜注】师古曰：复，音服。

【补注】先谦曰：《续志》，后汉省。

【编者按】今地无考。

雁门郡

雁门郡，

【补注】先谦曰：据《河水注》，郡治善无。《续志》，后汉治阴馆。

秦置。

【补注】先谦曰：赵武灵王置雁门郡，见《匈奴传》。秦因之。全祖望云，楚汉

之际属赵国，寻分属代国；高帝三年属汉，四年仍属赵国，六年属代国；景帝后以边郡收。

【编者按】高帝四年雁门并未属赵国，而是直属皇帝。六年属刘喜代国，七年属刘如意代国，九年属如意赵国，十一

年又属刘恒代国。

句注山在阴馆。

【补注】段玉裁曰：阴馆，前汉作观，后汉、晋作馆，见沈约《宋书》。先谦曰：夏侯婴破胡骑于山北，见《婴传》。苏意屯此，见《文纪》。《一统志》，山在今代州西二十里。

莽曰填狄。属并州。

【补注】先谦曰：《续志》，后汉因。属同。

户七万三千一百三十八，口二十九万三千四百五十四。

县十四：

【补注】钱大昭曰：《周勃世家》，定雁门郡十七县，是秦领县十七。

善无，莽曰阴馆。

【补注】先谦曰：《续志》，后汉改属定襄，为郡治。《一统志》，故城今右玉县南。《纪要》，代州西北七十里。

【编者按】治今山西右玉县西。

沃阳，盐泽在东北，有长丞。西部都尉治。

【补注】先谦曰：陈澧云，盐泽今宁远厅代哈池。

莽曰敬阳。

【补注】先谦曰：《续志》，后汉省。《一统志》，故城今左云县西北塞外镶蓝旗察哈尔界中。《纪要》，应州西南。

【编者按】治今内蒙古凉城县西南。

繁峙，莽曰当要。

【颜注】师古曰：峙，音止。

【补注】先谦曰：《续志》，后汉因。《一

统志》，故城今浑源州西。其代州之繁峙县乃后魏置，非汉县。

【编者按】治今山西浑源县西南。

中陵，莽曰遮害。

【补注】先谦曰：《续志》，后汉改属定襄。《一统志》，故城今平鲁县北。

【编者按】治今山西朔州市西北。

阴馆，楼烦乡，景帝后三年置。

【补注】王念孙曰：楼烦上当有故字，言阴馆县乃故楼烦乡，景帝后三年始置县也。志文若是者多矣。脱去故字则文义不明。《漾水注》正作故楼烦乡。

累头山，治水所出，东至泉州入海，

【补注】先谦曰：泉州，渔阳县。《漾水》篇，漾水出累头山，一曰治水。泉发山侧，沿波历涧，东北流出山，迳阴馆县故城西，又左会桑乾水，又东合崞山水，下入代班氏。《一统志》，累头山在今代州西北。《州志》，山有七峰如斗形，一名北斗山，治水今桑干河。

过郡六，

【补注】先谦曰：过雁门、代、上谷、广阳、渔阳，六当为五。

行千一百里。莽曰富代。

【颜注】师古曰：累，音力追反。治，音弋之反。《燕刺王传》作台字。

【补注】王念孙曰：《漾水注》作富臧，亦于义为长。先谦曰：《续志》，后汉因。郡治。《一统志》，故城今朔州东南八十里。

【编者按】治今山西朔州市东南。

楼烦，有盐官。

【颜注】应劭曰：故楼烦胡地。

【补注】先谦曰：楼烦始见《王会解》。战国燕县。苏秦说齐闵王，胡人袭燕楼烦数县，是也。赵武灵王破林胡楼烦，筑高阙，见《赵世家》。是楼烦县与楼烦戎为二。秦为县。《灌婴传》，别降楼烦以北大县。《周勃传》，还攻楼烦三城，是其证也。高帝逐韩王信至此，见《高纪》。《续志》，后汉因。《一统志》，故城今宁武府雁门关北。晋县今崞县东。唐县今清乐县南。

【编者按】治所当在今山西宁武县北。

武州，

【补注】先谦曰：武帝时匈奴穿武州塞，见《匈奴传》。

莽曰桓州。

【补注】先谦曰：《续志》，后汉因。《一统志》，故城今左云县南。后魏县今代州。

【编者按】治今山西左云县。

涅陶，

【颜注】孟康曰：音汪。

【补注】先谦曰：官本引宋祁曰，涅，景本作汪，音枉。段玉裁云，《集韵》三十六养，涅，姬往切。引涅陶，县名。十一唐，涅，乌光切。不载县名。然则丁度所据志作汪也。先谦案，后汉因。《续志》，作汪陶。《一统志》，故城今山阴县东。《纪要》，应州西。

【编者按】治今山西应县西。

剧阳，莽曰善阳。

【补注】先谦曰：后汉因。《一统志》，故城今应州西北。

【编者按】治今山西应县东北。

崞，莽曰崞张。

【颜注】孟康曰：音郭。

【补注】先谦曰：《说文》，崞山在雁门。《续志》，后汉因。《滹水注》，崞川水出崞县故城南，县南面元岳，右背崞山，处二山之中，故莽以崞张为名。《一统志》，故城今浑源州西。《山西通志》，二十里。横山左侧，遗墟当存。

【编者按】治今山西浑源县西。

平城，

【补注】先谦曰：县见《高纪》、周勃、夏侯婴、韩王信、匈奴《传》。

东部都尉治。莽曰平顺。

【补注】先谦曰：《续志》，后汉因。《一统志》，故城今大同县东五里。

【编者按】治今山西大同市东北。

埽，莽曰埽狄亭。

【补注】朱一新曰：汪本作埽。陈奂云，《集韵》十一模，埽，埽也。不引县名。作埽是也。先谦曰：《续志》，后汉因。

【编者按】治今山西宁武县北。

马邑，

【补注】全祖望曰：故韩王信都。先谦曰：县见高、武《纪》、韩王信、匈奴《传》。莽曰章昭。

【颜注】师古曰：《晋太康地记》云，秦时建此城，辄崩不成，有马周旋驰走反

复,父老异之,因依以筑城,遂名为马邑。

【补注】先谦曰:《续志》,后汉因。《一统志》,故城今朔州治。旧《志》,城外西北隅。

【编者按】治今山西朔州市。

疆阴。诸闻泽在东北。莽曰伏阴。

【补注】先谦曰:后汉因。《续志》作疆阴,盖误。《一统志》,故城今大同县西北塞外。诸闻泽或曰即旋鸿池,或曰即威宁海。先谦案,《漾水注》,旋鸿池东西二里,南北四里,北对凉川城之南池,方五十里,俗名乞伏袁池。陈澧云,诸闻泽,今丰镇厅奇儿池。

【编者按】治今内蒙古丰镇市西。

代

代郡,

【补注】先谦曰:据《漾水注》,郡治高柳。阎若璩云,张守节云蔚州飞狐县北百五十里,有秦汉故郡城。飞狐,汉广昌县地。则汉代郡治广昌县,秦亦尔。云治高柳者,恐误。《续志》,后汉治高柳。

【集释】李子魁曰:“《元和志》十四蔚州,赵襄子杀代王有其地,秦为代郡,汉三年韩信斩陈余置代郡,领县十八。按蔚州,汉代县,是代郡治代。”(见《西汉百三郡国守相治所考》)。严耕望曰:前人对于代郡治所之说最为纷纭。考汉初代郡代国之治所变动极大,其始即治代县,当无问题,然不能概二百年事。酈注高柳之说,李子魁云,“此东汉郡治也。西汉高柳当西部都尉治,不得复为郡治。”所论甚确。至阎氏云治广昌,更揣测之言,无的证。故代郡治首县桑乾,除《地志》外虽无他证,然持首县非必郡治之说者,其证据亦不足以证明西汉末年不治桑乾也。

郡

秦置。

【补注】钱坫曰:始皇二十三年置。全祖望曰:楚汉之际属赵国,寻为代国;高帝三年属汉,六年仍为代国;武帝元鼎三年复故。

【编者按】高帝九年属赵国,十一年复属代国,景帝三年属汉。景帝三年以后之代国惟有太原一郡,与代郡无关,武帝元鼎三年代国除为太原郡。全祖望未加深考,误以为代国始终以代郡为国,至武帝时方国除为代郡。

莽曰厌狄。有五原关、

【补注】先谦曰:《说文》阮下作五阮关。《成纪》同。如淳注读阮为近卷反。《后书·乌桓传》同。《纪要》,紫荆关在易州西八十里,广昌县东北百里。或云即五阮关,原字盖误。

常山关。

【补注】先谦曰:《寰宇通志》,倒马关在唐县西北,汉置,名常山关。《纪要》,关在定州西北二百二十二里,广昌县南

七十里。《滹水注》，滹水自广昌来，东迳倒马关，关山险隘，最为深峭，故关受其名。

属幽州。

【颜注】应劭曰：故代国。

【补注】先谦曰：《续志》，后汉因。属同。

户五万六千七百七十一，口二十七万八千七百五十四。

县十八：

桑乾，莽曰安德。

【颜注】孟康曰：乾，音干。

【补注】先谦曰：《续志》，后汉因。《一统志》，故城今蔚州东北。

【编者按】治今河北阳原县东。

道人，莽曰道仁。

【颜注】师古曰：本有仙人游其地，因以为名。

【补注】先谦曰：《续志》，后汉因。案，注师古二字乃应劭之讹。《一统志》，故城今阳高县东南。

【编者按】治今山西阳高县东南。

当城，

【颜注】师古曰：阏骊云，当桓都城，故曰当城。

【补注】先谦曰：周勃斩陈豨于此，见《高纪》。《续志》，后汉因。《漂水注》，连水自广昌来，北迳当城县故城西。应劭云，当桓都山作城，故曰当城也。连水下入代。先谦案，据此，阏骊乃应劭之讹，桓都下夺山作二字。《一统志》，故城今蔚州东。《括地志》，县当常山，

故曰当城。

【编者按】治今河北蔚县东北。

高柳，西部都尉治。

【补注】先谦曰：景帝时，魏不害屯此，见《五行志》。《续志》，后汉因。《一统志》，故城今阳高县西北。《纪要》，大同府东南九十里。

【编者按】治今山西阳高县。

马城，东部都尉治。

【补注】先谦曰：《续志》，后汉因。先谦案，雁门马邑下颜注引《太康地记》，有依马走筑城之异。道元云，或以为代之马城。诸记纷竞，未识所是也。《一统志》，故城今怀安县北。

【编者按】治今河北怀安县西北。

班氏，秦地图书班氏。

【补注】钱大昕曰：注疑有脱误。秦地图盖萧何所收者。琅琊长广下，奚养泽在西。秦地图云，剧清池。班引秦地图只此二条。

莽曰班副。

【补注】先谦曰：《续志》，后汉因。《一统志》，故城今大同县东南。《纪要》，浑源州西北。

【集释】陈直曰：班壹秦汉间居楼烦，以财雄边，见《汉书·叙传》，疑班氏县即因此得名。

【编者按】治今山西大同县西南。

延陵，

【补注】先谦曰：战国赵邑。《赵世家》有延陵钧，《韩非子》有延陵生。《续

志》，后汉省。《漂水注》，延陵水自马城来，东迳延陵县故城北。《地理风俗记》曰，当城西北有延陵乡，故县也。俗指为琦城。延乡水又迳罗亭下，仍入马城。据应说，县并入当城。《一统志》，故城今天镇县北边墙外正黄旗察哈尔界中，延乡水即西洋河。

【编者按】治今山西天镇县北。

标氏，莽曰标聚。

【颜注】孟康曰：标，音权。氏，音精。

【补注】先谦曰：《说文》标，从示声。代郡有标氏县。读又如银，权精切银，明汉魏音读合。氏音二字盖衍，精下不著反字，本书此例多有。汉县名氏者无异读也，后人误审氏音二字。《篇》、《韵》因云标有权音，莫能是正矣。《续志》，后汉因。《一统志》，故城今广灵县西北。《纪要》，浑源州东。

【编者按】治今山西浑源县东北。

且如，于延水出塞外，东至宁入沽。

【补注】王念孙曰：宁上脱广字。此沽及下文平舒祁夷水北至桑乾入沽，沽皆当为治字之误。上文阴馆累头山，治水所出，即此水也。《漂水注》云，漂水一曰治水。又云，东左得于延水口。《地理志》云，于延水东至广宁入治，非矣（案注云，于延水又东迳大宁县故城南。《地理志》云，广宁也。又东南迳茹县故城北，又南迳且居县故城南，东南流注于漂水。是于延水至广宁尚未入治。故云《地理志》曰，于延水东至广宁入治，非矣。赵氏东潜未解非矣二字之意，而改入治为入沽，谓六朝时《汉志》

已讹治为沽，故道元以为非，盖误会也。又案注言漂水左会于延水于下洛县故城东南。漂水即今之桑乾河，汉下落故城在今直隶保安州西，于延水即今之洋河，源出山西天镇县边外，东至保安州入桑乾河，与《水经注》合。是于延水入治，非入沽也。又《漂水注》云，祁夷水出平舒东，东北至桑乾故城东而北流，注于漂水。《地理志》云，祁夷水出平舒县北，至桑乾入漂，是也。漂水即治水，是祁夷水入治，非入沽也。又下文渔阳郡渔阳，沽水出塞外，东南至泉州入海，此即今之白河，源出直隶赤城县边外，东南至天津县，由直沽入海者也。非于延、祁夷二水所入，且广宁、桑乾皆治水所经，非沽水所经，则此志入沽明是入治之讹。

先谦曰：《漂水注》，于延水出塞外柔玄镇西（后魏六镇之一。《通鉴》胡注，城在汉且如县西北塞外）长川城南小山，东南流迳且如县故城南。应劭云，当城西北四十里有且如城，故县也。代称不拘，名号变改，校其城郭，相去远矣。《山海经》云，梁渠之山无草木，多金石，修水出焉。于延水出县北塞外，即修水也。下入马城。《一统志》，于延水即东洋河，一名兆哈河，在天镇县北察哈尔东南六十里。

中部都尉治。

【颜注】师古曰：且，音子如反。沽，音姑，又音故。

【补注】先谦曰：《续志》，后汉省。按据上应说，县并入当城。《一统志》，故城今天镇县北。

【编者按】治今内蒙兴和县西北。

平邑，莽曰平胡。

【补注】先谦曰：后汉因。《续志》作北平邑。先谦案，平邑后入魏。悼襄王时，魏欲通平邑、中牟之道不成，见《赵世家》。《一统志》，故城今阳高县西南。《纪要》，灵丘县西北。

【编者按】治今山西大同县东。

阳原，

【补注】先谦曰：《续志》，后汉省。《一统志》，故城今西宁县南。

【编者按】治河北今县西南。

东安阳，莽曰竟安。

【颜注】师古曰：阡驷云，五原有安阳，故此加东也。

【补注】先谦曰：《续志》，后汉因。《一统志》，故城今蔚州西北。

【编者按】治今河北蔚县西北。

参合，

【补注】先谦曰：柴武斩韩王信于此，见《信传》。《续志》，后汉因。《漾水注》，敦水导源西北少咸山南麓，东流迳参合县故城南。《地理风俗记》云，道人城北五十里，有参合乡，故县也。敦水又东合滹水，东北入雁门水。《山海经》云，少咸之山，敦水出焉。东流注于雁门之水。谓斯水也。案据应说，后汉县并入道人。《一统志》，故城今阳高县东北。其左云县北塞外参合废县，乃后魏分沃阳置。

【编者按】治今山西阳高县南。

平舒，

【补注】先谦曰：战国燕地与赵，见《赵世家》。

祁夷水北至桑乾入沽。

【补注】先谦曰：沽，当作治，说详上《漾水注》。祁夷水出平舒县，东迳平舒县之故城南泽中，控引众泉，以成一川。《魏土地记》云，代城西九十里，有平舒城，西南五里，代水所出，东北流。言代水，非也。又东北迳石门关北，旧道出中山故关也，下入代。

莽曰平葆。

【补注】先谦曰：《续志》，后汉因。《一统志》，故城今广灵县西。《县志》，十里平水村南，俗呼平水城，即舒之转音字变。

【编者按】治今山西广灵县西。

代，

【补注】先谦曰：战国代灭于赵。楚汉之际，赵王歇都，见《项羽传》。

莽曰厌狄亭。

【颜注】应劭曰：故代国。

【补注】先谦曰：《续志》，后汉因。《一统志》，故城今蔚州东。

【编者按】治今河北蔚县东北。

灵丘，

【补注】先谦曰：战国赵邑。敬侯败齐于此，后入齐，与乐毅复伐取之，孝成王以封楚黄歇，并见《赵世家》。魏武侯伐齐至此，见《魏世家》，周勃破陈轸于此，见《勃传》。《续志》，后汉省。《一统志》，故城今灵丘县东。《括地志》，十里。

滹河东至文安入大河，

【补注】段玉裁曰：滹水故道，本由今清苑县东南，与濡博诸水合流注易，后徙而东，不入县境。大河之名，非志所有，当有误。陈澧曰：今灵丘县唐河，东流至文安县西境，入西淀。云入大河者，以今西淀为河水所汇也。博水、卢水、涑水入河，并仿此。先谦曰：文安，勃海县。《滹水》篇，滹水出灵丘县高氏山。注云，即呕夷之水也。《山海经》云，高氏之山，滹水出焉。东流注于河者也。东南流合温泉水、莎泉水，又东迳灵丘县故城南，南流入峡，谓之隘门，历南山，沿涧西转，又南转东屈，下入广昌。

过郡五，

【补注】先谦曰：代、常山、中山、涿、勃海。

行九百四十里。并州川。

【颜注】应劭曰：武灵王葬此，因氏焉。臣瓚曰：灵丘之号，在赵武灵王之前也。师古曰：瓚说是也。滹音寇，又音苦侯反。其下并同。

【补注】全祖望曰：《职方》郑注误以呕夷为祁夷，而师古从之。不知班志已自了然，盖以呕夷即滹水，故于滹河下书曰：并州川也。先谦曰：《滹水注》，《史记》，赵敬侯九年败齐于灵丘，则名不因武灵王事，如瓚注。

【编者按】治山西今县东。

广昌，

【补注】先谦曰：秦县。樊哙破秦母邱、尹潘于此，见《哙传》。文帝发东骑材官屯焉，见《五行志》。

涑水东南至容城入河，

【补注】先谦曰：容城，涿郡县。《巨马河》篇，巨马河出广昌县涑山。注云，即涑水也。有二源，俱发涑山，东迳广昌县故城南，又东北迳西射鱼城、东射鱼城，又合白涧溪水、桑谷水、紫水，又东南迳榆城，为榆城河。又南迳藏刀山下，层岩壁立，直上千霄，涑水下入涿郡乃。注又云，涑水东南至容城入河，河即濡水也（濡谓南濡），盖互以明会矣。先谦案，涑水至容城，复迳益昌、东平舒二县，方入滹沱也。

过郡三，

【补注】钱坫曰：过代、涿二郡，三字误。先谦曰：并东平舒数之，则过勃海为三郡也。

行五百里。并州浸。莽曰广平。

【颜注】师古曰：涑音来。

【补注】先谦曰：《续志》，后汉改属中山。《一统志》，故城今广昌县北。

【编者按】治今河北涑源县北。

鹵城。虜池河东至参（合）[户]入虜池别，过郡九，行千三百四十里，并州川。从河东至文安入海，过郡六，行千三百七十里。

【补注】齐召南曰：班注参合当是参户之讹。参户，勃海县。故下文曰，过郡九。若东至参合，入虜池别，同在一郡，安得云过郡九乎。且参合故城在北塞之外，限隔重山，既北至参合，安能复南注勃海也。又案虜池别，见河间国弓高下云，虜池别河，首受虜池河，东至平舒入海。平舒之上脱东字。东平舒，勃海属县也，但曰平舒，便疑向代郡之平舒矣。王念孙曰：齐说是也。虜池别下，

当有河字。下文河间国弓高下云，摩池别河首受摩池河，是其证。段玉裁曰：《毛传》沱，江之别；《说文》勃、灈，海之别。此云摩池别者，谓摩池之别，不必有河字。下文弓高下，则或加河字矣。

钱坫曰：从河当作别河。《水经》无摩池河，于二漳、滹、易、巨马诸经中，杂出一二语。盖书逸也。今河上流为摩池，正流下流则为别河，正流为漳水所乱，莫可考矣。水出繁峙县东北泰戏山，西流迳县城南，折南迳崞县东，折东迳定襄县东北五台县南，折东南，出长城，迳平山县北，获鹿县北，灵寿县南，真定府城南，藁城县北、晋州南、束鹿县西，入大陆泽，曰北泊。出泽东北流，迳武邑县北，武强县南，至献县西，分为二，一流北出，迳河间府城南文安县南，青县西北，大城县南，至东安县东，会桑乾河；一流南出，迳交河县北，东南迳静海县北，会桑乾河，同入于海。河北之水，惟摩池决溢无常，渐趋而南，无复旧迹矣。应过代、雁门、常山、信都、河间、勃海六郡，九郡不可闻。

徐松曰：从河当作徒河。周寿昌曰：代属幽州，此与上滹水，皆引并州川，知幽并两州地互相属也。徒河属辽西郡狐苏，唐就水至徒河入海，距鹵城远，无缘受此河，徐说非也。《浊漳水注》，衡漳东迳蒲领县城，赵一清云，案《寰宇记》引《水经》云，今沧州鲁城县。《水经注》又云，又东北，右会桑社沟，沟上承从陂，世称卢达从薄。赵氏谓即此志鹵城下之从河也。寿昌谓从疑读如从横之从。《浊漳水注》衡漳称衡水，亦称衡河。孔安国曰：衡，横也。言漳水横流也。则从河之称，安知非因摩池别河之

径行入海，而得此名乎？沽水直流者曰直沽；女祁水横流者曰横水；濡水东南回曲，谓之曲河。皆此类。

陈澧曰：今摩池河出山西繁峙县，东南流至直隶藁城县，皆故道。自藁城以东，古今异流，考本志诸水出入摩池河之地，有新市（滋水入）、东昌（浸水入）、弓高（摩池别河首受）、乐成（摩池别水首受）、东光（摩池别水入）诸县，皆当时摩池河所过也。参合当作参户，既云东至参户，入摩池别，又云从河东至文安入海，各记所过郡数，所行里数者，其水分二派也。以今地考之，自今藁城县（汉新市）过武邑县（汉东昌），今已湮。其二派之分，盖始于此，其至参户入摩池别者，东一派也。勃海成平下云，摩池河，民曰徒骇河，即此一派。当过今阜城（汉弓高）、交河（汉成平）、东光（汉东光）、青县（汉参户），今堙。其至文安入海者，西一派也，当过今献县（汉乐城）至文安（汉文安）。今武邑县北境摩池河，俗曰子牙河，盖其故渚。其自文安入海之渚，今亦堙矣。云从河东者，汉时大河北至今天津县入海，此水自河西绝河而过，从河之东入海，或从即绝之讹。段、钱云，从当作别，谓摩池别河也。然别河见弓高县下，无庸复出。此至文安入海者，必更为一派。又滹水、博水、卢水、涑水、桃水，皆在摩池河北，志皆云入河，则汉时河水过摩池河北，摩池河入海必东绝河水而过，绝字草书类从（指繁写体從——编者按），传写之误也。过郡九，过郡六，亦当有讹字。二派相去不远，不得一派多过三郡，一派少过三郡也。

先谦曰：河间乐成下有摩池别水首受

摩池河；弓高下有摩池别河首受摩池河，明是二水，此志若只称摩池别，则文不分晓，是别下应有河字或水字，段说未审。摩池别者，受摩池河而别流，即水决复入，当云摩池别入摩池河，不当反云摩池河入摩池别，惟此叙摩池大川正流，又不应摩池别在上，疑从当作绝，陈说是也。摩池河至参户入摩池别；又出而绝河至文安入海，志分叙其所过之郡及所行里数，其郡数里数不可究矣。

【集释】陈直曰：《封泥考略》卷四有

“呼佗塞尉”封泥，莽为摩池之假借字。莽曰鲁盾。

【颜注】师古曰：摩，音呼。池，音徒河反。

【补注】先谦曰：《续志》，后汉改属雁门。《一统志》，故城今繁峙县东。《州志》，百里。其地多卤，故名。故城周三里有奇。

【编者按】治今山西繁峙县东北。

上谷郡

上谷郡，

【补注】先谦曰：郡在谷之上头，故因名焉。《漾水注》，秦上谷郡治沮阳，汉治盖亦在此。《续志》，后汉治同。

秦置。

【补注】先谦曰：本燕郡，见《匈奴传》。旧三十六县，为秦赵攻得，见《战国策》。秦始皇二十三年置郡，见《圣水注》。全祖望云，楚汉之际属燕国，高帝六年属汉，仍属燕国，景帝后以边郡收。

莽曰朔调。属幽州。

【补注】周寿昌曰：《后书·耿弇传》，父况为王莽朔调连率。又《郭伋传》，王莽时为上谷大尹。既有朔调，复存上谷。《莽传》，大郡至分为五，其后岁复变更，一郡至五易名，而还复其故，吏民不能记，每下诏书，辄系其故名。朔调之又名上谷，亦其类也。先谦曰：《续志》，后汉因。属同。

户三万六千八，口十一万七千七百六十二。

县十五：

【补注】钱大昭曰：《周勃传》，定上谷十二县，是秦领县十二。段玉裁曰：《说文》，上谷有鄯县，读若蓊，今志无。

沮阳，莽曰沮阴。

【颜注】孟康曰：音俎。

【补注】先谦曰：《续志》，后汉因。《一统志》，故城今怀来县南。

【编者按】治今河北怀来县东南。

泉上，莽曰塞泉。

【补注】先谦曰：《续志》，后汉省。

【编者按】治所当在今河北怀来县东北一带。

潘，莽曰树武。

【颜注】师古曰：音普半反。

【补注】全祖望曰：据《水经注》，潘乃濩字。自此志、《续志》、《晋志》、《魏志》俱作潘。以致今本《水经注》亦作潘。若非《通鉴》引《水经》，则谁能踪迹而正之。段玉裁曰：胡、全据《水经·河水注》，潘作濩。考《集韵》有潘无濩，则知梅廬据误本《水经注》也。先谦曰：《续志》，后汉因。《一统志》，故城今保安州西南。

【编者按】治今河北涿鹿县西南。

军都，

【补注】先谦曰：秦县。一作浑都，见《绛侯世家》索隐及本书《周勃传》注。《续志》，后汉改属广阳。《一统志》，故城今昌平州西。

温余水东至路，南入沽。

【补注】王念孙曰：温余，本作濩余（濩，力追反）。濩省作濩，与济濩之濩相乱，讹而为温（濩，它合反，即濩字之省，故今本《水经注》作濩余水），又讹为温（濩字俗书作湿，温之俗书作温，二形相似而误），而师古濩字无音，则所见本已讹为温矣。先谦曰：路，渔阳县。赵一清云，朱彝尊《日下旧闻》云，《后书·王霸传》，从温水槽。章怀引《水经注》温余水以证之。因谓《水经》作温不误，谬矣。濩误为温，温又误为温，《水经》濩余之名，连上篇出累头山濩水以受称，汉昌平旧县自有温水，见《漯水注》中，岂可便以温余水当之。《方輿纪要》云，榆水一名濩余河，或名温榆河。即濩余之讹也。《金石文字记》云，《水经》濩余水，亦漯字之异文。《昌平山水记》云，芹城水出芹城北，南入沙河。

《水经注》芹城水出北山，南迳芹城东南，注濩余水，以此知沙河为古濩余水也。传写之讹，或为温水。《辽史》作温余河，本《水经》之濩余河，以字相似而误。即昌平之榆河，下流为沙河，入顺义西南，谓之西河者也。金人名县曰温阳，以此。先谦案，《濩余水注》，濩余水自居庸来，故洩东迳军都县故城南，又东，重源潜发，积而为潭，谓之濩余潭，又合易荆水，又东南合芹城水，下入渔阳安乐。

【编者按】治今北京昌平区南。

居庸，有关。

【补注】先谦曰：《续志》，后汉因。《濩余水》篇，濩余水出居庸关东。注云，关在沮阳城东南六十里居庸界。濩余水导源关山，南流历故关下，又历山南，迳军都县界，谓之军都关，又南流出关，谓之下口，水流潜伏十许里，下入军都。《一统志》，故城今延庆州东。《纪要》，东南五十里。居庸关门，南北相距四十里，两山夹峙，巨涧中流，称为绝险。《吕览》九塞之一也。

【编者按】治今北京延庆县。

雌督，

【颜注】孟康曰：音句无。师古曰：雌，音工豆反。督，音英豆反。

【补注】先谦曰：《续志》，后汉因。《一统志》，故城今蔚州东。

【编者按】治今河北蔚县东北。

夷舆，莽曰朔调亭。

【补注】先谦曰：《续志》，后汉省。《一统志》，故城今延庆州东北。

【编者按】治今北京延庆县东北。

宁，西部都尉治。莽曰博康。

【补注】先谦曰：后汉因。《续志》作甯。《一统志》，故城今宣化县西北。

【编者按】治今河北万全县。

昌平，莽曰长昌。

【补注】先谦曰：《续志》，后汉改属广阳。《一统志》，故城今昌平州东南。

【编者按】治北京昌平区南。

广宁，莽曰广康。

【补注】先谦曰：后汉因。《续志》作广甯。《一统志》，故城今宣化县西北。

【编者按】治今河北张家口市。

涿鹿，莽曰栝陆。

【颜注】应劭曰：黄帝与蚩尤战于涿鹿之野。

【补注】先谦曰：《续志》，后汉因。《一统志》，故城今保安州南。

【编者按】治河北今县东南。

且居，(东阳)[阳乐]水出东，(东)[南]入(海)[沽]。

【补注】王鸣盛曰：南监本下东作南，是。王念孙曰：东阳当为阳乐，入海当为入沽。《沽水注》，阳乐水出且居县。引《地理志》云，水出县东。又曰阳乐水东南合赤城河，又东南入沽水。是其证。今犹谓之阳乐河，出宣化府龙门县

西娘子山，东南至鹞鹑堡合南河（即赤城河），又东至赤城县入沽河，与《水经注》合。其入沽之处在赤城县南界，尚未出山，不得言入海也，此涉下文沽水入海而误。先谦曰：官本东东作东南。《沽水注》，鹞谷水二源，南即阳乐水也，出且居县。《地理志》曰水出县东。南流迳大翻山、小翻山北、下入女祁。陈澧云，今龙门县龙门水，东流至赤城县，及赤城东南之白河，是也。东南流，与潮河合。

莽曰久居。

【补注】先谦曰：《续志》，后汉省。《一统志》，故城今宣化县东六十里，城周一里。

【编者按】治今河北怀来县西。

茹，莽曰谷武。

【补注】先谦曰：《续志》，后汉省。《一统志》，故城今宣化县南。

【编者按】治今河北涿鹿县北。

女祁，东部都尉治。莽曰祁。

【补注】先谦曰：《续志》，后汉省。《一统志》，故城今龙门县东。

【编者按】治今河北赤城县南。

下落，莽曰下忠。

【补注】先谦曰：《续志》，后汉因。《一统志》，故城今保安州西。

【编者按】治今河北涿鹿县。

渔阳郡

渔阳郡，

【补注】先谦曰：据《鲍丘水注》，渔阳郡治渔阳县。盖沿秦旧。《续志》，后汉治同。

秦置。

【补注】先谦曰：《鲍丘水注》，始皇二十二年置。全祖望云，楚汉之际属燕国；高帝六年属汉，仍属燕国；景帝后以边郡收。

莽曰（北顺）〔通路〕。

【补注】钱大昭曰：右北平，莽改北顺，此必不同。闽本作通路，当从之。朱一新曰：汪本作通路。先谦曰：官本作通路。《御览·州郡部八》同。《鲍丘水注》作通潞。此北顺涉下右北平而误。

【中华校】景祐、殿本都作“通路”。

属幽州。

【补注】先谦曰：《续志》，后汉因。属同。

户六万八千八百二，口二十六万四千一百一十六：

县十二：

【补注】钱大昭曰：《周勃传》，定渔阳二十二县，与此文不同。疑彼传衍二字，秦领县亦止十二。

渔阳，

【补注】先谦曰：秦县。始皇时发闾左戍之，见纪。

沽水出塞外，东南至泉州入海，

【补注】先谦曰：《沽水》篇，沽河从塞外来。注云，沽水出御夷镇西北九十里

（城在居庸县西北二百里，本名侯卤城，魏太初中更名）丹花岭下，东南流合大谷水，南出峡合乾溪水，又西南迳赤城东，为赤城河。又东南合鹊谷水（即阳乐水）、高峰水，又西南流出山，迳渔阳县故城西而南，合七度水、渔水、螺山水下入安乐。渔水出县东南，平地泉流，西迳渔阳县故城南。应劭云，在渔水之阳也。考诸地说则无闻，脉水寻川则有自，今城在斯水之阳，有符应说。渔阳之名当属此，渔水又西南入沽水。

行七百五十里。有铁官。莽曰得渔。

【补注】先谦曰：后汉因。《续志》，有铁。《一统志》，故城今密云县西南三十里，渔水在县南。

【编者按】治今北京密云县西南。

狐奴，莽曰举符。

【补注】先谦曰：《续志》，后汉因。《一统志》，故城今顺义区东北。

【编者按】治今北京顺义区东北。

路，莽曰通路亭。

【补注】先谦曰：后汉因。《续志》作潞。《一统志》，故城今通州东。

【编者按】治今河北三河市西。

雍奴，

【补注】先谦曰：《续志》，后汉因。《一统志》，故城今武清县东。《县志》，邱家庄，东距白河七十里。

【编者按】治今天津武清区东北。

泉州，有盐官。莽曰泉调。

【补注】先谦曰：后汉因。《续志》，有铁，此云有盐官，未知孰讹。《一统志》，故城今武清县东南四十里。

【编者按】治今天津武清区南。

平谷，

【补注】先谦曰：《续志》，后汉因。《一统志》，故城今平谷县东北十二里城子庄。

【编者按】治北京今平谷区东北。

安乐，

【补注】先谦曰：《续志》，后汉因。《一统志》，故城今顺义县西南。

【编者按】治今北京顺义区西北。

庠奚，莽曰敦德。

【颜注】孟康曰：庠，音题，字或作蹄。

【补注】王念孙曰：庠皆当为廐。韵书廐、庠二字，并有题音，易于相乱。又隶书廐字或作廐，形与庠亦相乱（案古谚云，书三写，鱼成鲁，帝成虎。盖俗书虎字作廐，与帝字相似，故二字互讹也。今经传相承，廐字作蹄，廐字作蹄，皆其类。然则廐奚之作庠奚，当亦是传写者以廐为庠，因讹而为庠矣），故廐误作庠。《郡国志》、《鲍丘水注》并作廐奚，廐字以廐为声，则《汉志》之本作廐奚甚明。《集韵》庠、廐二字，并田黎切。庠字注引《说文》，唐庠石也。廐字注云，廐奚县名。是庠字自为唐庠石，而廐字则为廐奚县，作庠奚者误也。《御览·

州郡部八》引《十道志》云，檀州本汉廐奚县，又引《汉志》，廐奚属渔阳。廐，音题。则宋祁本尚不误。

先谦曰：王说是也。孟云或作蹄，盖本作廐，误为廐，再误为蹄也。《续志》，后汉因。《一统志》，故城今密云县东北口外犷平城东北。

【编者按】治今北京密云县东北。

犷平，莽曰平犷。

【颜注】服虔曰：犷，音巩。师古曰：音九永反，又音犷。

【补注】先谦曰：官本犷作犷。《说文》犷从犬，广声。渔阳有犷平县。《续志》，后汉因。《一统志》，故城今密云县东北，在潮河西，近古北口地。

【编者按】治今北京密云县东北。

要阳，都尉治。莽曰要术。

【颜注】师古曰：音一妙反。

【补注】先谦曰：《续志》，后汉省。《一统志》，故城今承德府西古白檀城西北。《地形志》，要阳县有檀花山，在顺义，乃侨置，非汉置。

【编者按】治所当在今河北丰宁满族自治县东南一带。

白檀，

【补注】先谦曰：县见《李广传》。

洹水出北蛮夷。

【颜注】师古曰：洹，音呼鸱反。

【补注】齐召南曰：案《水经注》引此文云洹水，是古本作洹字也。然师古注，洹，音呼鸱反，则唐初本已作洹字。钱大昕曰：汉之白檀县在今古北口外，滦

水所经。濡柔古今变字，别无洫水之名。

王念孙曰：白檀塞外之濡水，字本作湫，从水𠂔声。𠂔，俗作软。故湫从其声，而音乃官反，声相近故也。若出涿郡故安之濡水，则字从需声，而读若儒，两字判然各异。《说文》，濡（《玉篇》音儒）水出涿郡故安东，入涑，不言出渔阳白檀北蛮夷中也。今本《汉志》、《水经》，湫字皆讹作濡，学者莫能是正。余谓隶书需字或作𠂔（《易·需卦》释文曰，需字从雨，重而者非），与𠂔相似，故从𠂔之字多讹从需（若𠂔之为儒，𠂔之为濡，𠂔之为濡，皆是），湫水之为濡水，犹《士丧礼》湫濯弃于坎之湫，《丧大记》讹作濡也。湫与洫字形相似，故湫讹为洫，若本是濡字，不得讹为洫矣（世人多见濡，少见湫，故湫水字今皆作濡，此湫字若不讹为洫，则后人亦必改为濡矣）。又考《水经注》，濡水亦名难水。又云，濡难声相近，狄俗语讹耳。盖其字本从𠂔声，故声与难相近（湫水亦名难水，犹有骨醢谓之腴，而字或作𠂔也），今人谓之滦河，声与𠂔亦相近也。《集韵》平声二十六桓，湫，奴官切。水名，在辽西肥如。或作濡（《类篇》同）。云湫水在辽西肥如，即本于《汉志》，而又云或作濡，则仍为俗本所惑。然以湫为正文，而以濡为或字，则固非无据而云然矣。

先谦曰：《濡水篇》，濡水自塞外来。注云，濡水出御夷镇东南，二源双引，夹山西北流，合成一川；又西北迳御夷故城东北流，左合连渊水，右合汗水，又北

迳沙野西，又迳箕安山东，又东北迳林山北，又迳孤山南，合吕泉水、盘泉水，又东南，水流回曲，谓之曲河，在镇东北三百里；又东出峡，入安州界，东南流迳白檀县故城。《地理志》曰，濡水出县北蛮夷中也。又合要水、索头水、武列水、五渡水、高石水，又东南迳卢龙塞。塞道自无终县东出，渡濡水，向林兰陁，东至青陁，濡水又南合黄洛水、东南合洛水，又屈而流，左得去润水、敖水，下入辽西会支。要水自要阳来，东南流迳白檀县入濡。《续志》，后汉省。《一统志》，故城今承德州西古北口东北百四十里。后魏密云郡白檀县治、汉庠奚城。北齐废白檀入密云。《隋志》密云县有渔阳螺山，则在故渔阳县界，并非庠奚故治矣。《一统志稿》云，《金志》兴州兴化县有白檀镇，泰和三年升为宜兴县，此汉白檀县也。《明统志》谓白檀废县在密云南，有白檀山，非汉县。

【编者按】治今河北滦平县北。

滑盐。莽曰匡德。

【颜注】应劭曰：明帝改名盐。

【补注】先谦曰：《续志》，后汉省。《鲍丘水注》，北溪水出县北广长塹南，南流迳滑盐县故城东，汉明帝改曰盐田，世谓之斛盐城，西北去御夷镇二百里，南入鲍丘水。案据此，应注盐下脱田字。《一统志》，故城今承德府西南。《纪要》，蓟州平谷县西北。

【编者按】治今河北滦平县南。

右北平郡

右北平郡，

【补注】阎若璩曰：《鲍丘水注》，无终县秦置，右北平郡治。汉李广为郡于此县。又案《田畴传》，旧北平郡治在平冈，是北平郡治先平冈而后无终矣。先谦曰：前汉右北平治当在平刚。《续志》，后汉治土垠。宋琬云，《括地志》，渔阳郡东南七十里右北平城，当在今蓟州玉田县界，此后汉之右北平也。若平刚，则在卢龙塞之东北三四百里，此前汉之右北平，而李广之所守也。射虎石，道元言玉田、无终之间，是以后汉之右北平为李广所治，与注中东越青陞之说自相矛盾。

秦置。

【补注】先谦曰：《鲍丘水注》，始皇二十二年灭燕置。全祖望云，楚汉之际属燕国，寻分为辽东国，六月复故；高帝六年属汉，仍属燕国；景帝后以边郡收。

莽曰北顺。属幽州。

【补注】先谦曰：《续志》，后汉因。属同。

户六万六千六百八十九，口三十二万七千八百八十。

县十六：

【补注】钱大昭曰：秦领县亦止十六，见《周勃传》。

平刚，

【补注】先谦曰：《续志》，后汉省。《纪要》，故城在营州故城西南五百里。

【编者按】治今内蒙古宁城县西南。

无终，故无终子国。

【补注】先谦曰：顾炎武云，无终为故无终子国，证以《史记》、范书、韦昭《国语》注、《水经注》、《魏土地记》，无终之为今玉田县，无可疑者。然《左传》襄四年，无终子如晋，请和诸戎；昭元年，晋中行穆子败无终及群狄于太原；《汉书·樊噲传》，击陈豨，破，得綦母卬、尹藩，军于无终、广昌，则去玉田千余里，岂无终国先在云中、代郡之境，而后迁右北平欤？赵一清云，顾说是也。不然右北平去太原东北二千余里，嘉父安得远涉而与晋和。先谦案，无终一作无穷，终穷字通。《史记》云，遂之代北，至无穷也。辽东王韩广都，臧荼击杀广于此，见《项羽传》。县人徐乐，见本传。《续志》，后汉因。《一统志》，故城今蓟州治，旧以玉田县为古无终，考玉田乃唐初析置之无终，非汉县。

溲水西至雍奴入海，

【补注】先谦曰：溲水即庚水。雍奴，渔阳县。言入海者，合鲍丘水以入海也。《鲍丘水注》，庚水自徐无来，至县合溲水，下入雍奴。

过郡二，

【补注】先谦曰：右北平、渔阳。

行六百五十里。

【颜注】师古曰：溲音庚，即下所云入庚者，同一水也。

【补注】先谦曰：《一统志》，以《水经注》证之，沽河即溲水，遵化州西之沙河

则明水也。

【编者按】治今天津蓟县。

石成，

【补注】王鸣盛曰：南监本作石城。先谦曰：战国赵地，秦拔之，见《赵世家》。《续志》，后汉省。《一统志》，故城今口外大宁故卫界。其灤州西南石城乃辽置，非汉县。

【编者按】治所当在今辽宁建昌县西与喀喇沁左翼蒙古族自治县交界处一带。

廷陵，莽曰铺武。

【补注】朱一新曰：汪本廷作延，误。先谦曰：《续志》，后汉省。

【编者按】今地无考。

俊靡，湮水南至无终东入庚。

【补注】先谦曰：《说文》作浚靡。《鲍丘水注》，湮水出俊靡县，东南流，世谓之车牟水，又合温泉水，下入无终。《一统志》，沙河在今遵化州西，源出州北，凡分十二派，与汤泉合，即古湮水也。旧《志》以沽河为湮水，非。程瑶田云，湮水自州西北十五里鲇鱼石关入口，东经温泉，注所云温泉水也。又东迤南十五里，曰水门口，注所谓石门峡也，又西南入梨河，即庚水也。庚水既得湮水，又稍西，淋河南入之，淋河即蓝水也。潮河合洵水入之，潮河即鲍丘水也。又东，还乡河西南入之，注所谓巨梁水也。湮水俗呼梨河，湮梨一声之转，因使所入之庚水冒称梨河，而巨梁水冒称庚水，皆误。

莽曰俊麻。

【颜注】师古曰：湮，音力水反。又音郎贿反。

【补注】宋祁曰：湮，当作濛。先谦曰：湮从水壘声，与濛迥别，宋说谬。《续志》，后汉因。《一统志》，故城今遵化州西北。

【编者按】治今河北遵化市西北。

薺，都尉治。莽曰哀睦。

【颜注】师古曰：音才私反。

【补注】先谦曰：《续志》，后汉省。

【编者按】今地无考。

徐无，莽曰北顺亭。

【补注】先谦曰：《续志》，后汉因。《一统志》，故城今遵化州西。

【编者按】治今河北遵化市东。

字，

【补注】钱坫曰：疑即城子谷口，古子字声同通用，在今山海关西北边城外。先谦曰：《续志》，后汉省。

榆水出东。

【补注】先谦曰：《纪要》，榆水在城子谷，今曰榆河，亦曰右河。《提纲》，榆水两源，出北边城外，一东北自城子谷口西南流入；一西北自义苑口东南流入，至石门寨东北合流，又东南经山海关城之西南入海。

【编者按】治所当在今河北平泉县北一带。

土垠，

【颜注】师古曰：垠音银。

【补注】先谦曰：《续志》，后汉因。《一统志》，故城今丰润县东十里南关城是。其密云之土垠城后魏侨置。

【编者按】治河北唐山丰润区东。

白狼，莽曰伏狄。

【颜注】师古曰：有白狼山，故以名县。

【补注】先谦曰：《续志》，后汉省。《纪要》，故城在营州故城西南，白狼山亦在西南。《一统志》，曹操登白狼山望柳城，其山必高峻，可俯览二百里之远。今喀喇沁左翼东三十里白鹿山近之。柳城今土默特右翼西京板苏巴尔薄城。

【编者按】治今辽宁喀喇沁左翼蒙古族自治县西南。

夕阳，有铁官。莽曰夕阴。

【补注】先谦曰：《续志》，后汉省。《一统志》，故城今滦州西南，燕慕容宝封高云为夕阳公，即此。

【编者按】治所当在今河北遵化市东南一带。

昌城，莽曰淑武。

【补注】先谦曰：《续志》，后汉省。《一统志》故城今滦州西南。

【编者按】治河北唐山丰南区西北。

骊成，大碣石山在县西南。

【补注】先谦曰：碣，当为碣。依志例，成下当有《禹贡》二字。大字盖衍。《说文》作碣，云特立之石，东海有碣石山。《河水注》，《书·禹贡》，夹右碣石入于河。《山海经》云，碣石之山，绳水出焉，东流注于河。河之入海，旧在碣石，今

川流所导，非禹渚也。汉王横云，往者天尝连雨，东北风，海水溢，西南出，侵数百里，故张折云，碣石在海中，盖沦于海水也。昔燕齐辽旷，分置营州，今城届海滨，海水北侵，城垂沦者半。王横之言，信而有征，碣石入海，非无证矣。又《禹贡》山水泽地篇，碣石山在辽西临渝县南水中。注云，大禹凿其石，夹右而纳河，秦皇汉武皆尝登之。海水西侵，岁月逾甚，而苞其山，故言水中矣。先谦案，骊成故县，地说家皆失所在。班志辽西象县下，但有碣石水，不言有碣石山也。自《武纪》文颖注云，碣石在象县，象县今罢入临渝，碣石著海旁，始与班异。后之言碣石者，不得骊成所在，皆从颖说矣。

【集释】谭其骧曰：魏武及秦皇汉武所登的碣石山，就是今天昌黎县北的碣石山。约在东汉中期以前，山前余脉露出地表，延伸至海边特立着一块巨石，被目为“碣石”。此后海水内侵，山前平地被淹，余脉露出水面的石块枕海如埽道数十里，那块“碣石”则随潮汛涨落时隐时现，有“天桥柱”之称。约在郦道元之后的北朝晚期（六世纪中叶以后），海水又大规模后退，山前出现了大片平陆，从此碣石不再成为登临胜地，那些枕海石和那块特立的碣石，终于全部都被埋没在平陆之中了。历史时期的碣石山一直屹立在渤海北岸，既没有脱离过大陆，更没有沦于海底。只有碣石山前那块碣石，近二千年来曾经三度改变其相对位置：先是“著海旁”，继而“立于巨海之中”，最后沉埋于地表之下。（见《碣石考》）

莽曰碣石。

【颜注】师古曰：揭，音桀。

【补注】先谦曰：《续志》，后汉省。《一统志》，《舆地广记》，碣石城县，故骊成也。考石城在今滦州，则骊成当在今乐亭。《县志》，有古城在县西南三十里，疑即是。然今县境，实无碣石山也。

【编者按】今地无考。

广成，莽曰平虏。

【补注】先谦曰：《续志》，后汉省。

【编者按】治今辽宁建昌县。

聚阳，莽曰笃睦。

【补注】先谦曰：《续志》，后汉省。

【编者按】今地无考。

平明。莽曰平阳。

【补注】先谦曰：《续志》，后汉省。

【编者按】今地无考。

辽西郡

辽西郡，秦置。

【补注】先谦曰：《寰宇通志》，辽西故城在今永平府治东一里，西汉为郡于此，遗址尚存。《纪要》，城在今永平府治东。杜佑谓卢龙县西有辽西故城，汉郡治此，后废。案卢龙为汉肥如县地，汉辽西郡治且虑，后魏始治肥如，《通典》所言或后魏郡治也。先谦案，《濡水注》，《地理风俗记》云，阳乐，故燕地，辽西郡治，秦始皇二十二年置，则是自秦至汉，以阳乐为郡治，不独后汉治阳乐也。旧说俱未审。全祖望云，楚汉之际属辽东国，六月复故；高帝六年属汉，仍属燕国；景帝后以边郡收。

【集释】严耕望曰：《地志》首书且虑县。本注云，有高庙。考《韦玄成传》，高祖时令诸侯王都立太上皇庙。又《惠帝纪》，帝初即位，令郡诸侯王立高庙。必亦在郡国治所也。据《郊祀志》及《韦玄成传》，至元帝时始废毁。且虑之高庙独存，盖有特殊之因缘，高庙所在，至

少可证元帝时郡治且虑矣。自元帝至哀平不过四十年，且东北边境无大变动，宜可证平帝世亦治且虑也。郾注引应劭说本亦述东汉治所，惟带述置郡之始耳。王氏据之以为自秦以来即治阳乐，未尝迁徙，疏矣。

【编者按】西汉辽西郡治且虑的可能性很大。据拙著《西汉宗教地理略说》所考（载《中国文化》第三辑），汉初共有三十九郡立高帝庙，辽西是其中一郡。高庙是四类祖宗庙（其他三类是太上皇庙、孝文庙、孝武庙）之一，是否必定建于郡治，史未明言，但这种可能性极大。且虑有高庙，说明它在汉初为辽西郡治。但有高庙之郡多达三十九，本志没有第二个郡加上此注。所以反过来似乎也可这样解释：辽西郡虽初治且虑，后来迁到阳乐，郡治可迁而高庙不能动，因此特为标明且虑有高庙。但这些都是揣测之词。在目前史料未备的情况下，且虑既列首县，又有高庙，可暂时

认为是西汉辽西郡治。至于阳乐,则是东汉辽西郡治,应劭所云以东汉之制概两汉是完全可能的。

有小水四十八,并行三千四十六里。

【补注】钱大昭曰:当有莽曰令支四字。何以知之?雁门郡莽曰填狄,其属县埒则曰填狄亭;代郡莽曰厌狄,其属县代则曰厌狄亭;上谷郡莽曰朔调,其属县夷舆则曰朔调亭;渔阳郡莽曰通路,其属县路则曰通路亭;右北平莽曰北顺,其属县徐无则曰北顺亭;今辽西属县惟令支莽曰令氏亭,亦其例也。属幽州。

【补注】先谦曰:《续志》,后汉因。属同。

户七万二千六百五十四,口三十五万二千三百二十五。

县十四:

【补注】钱大昭曰:《绛侯世家》,定辽东、辽西二十九县,今《地理志》,辽东辽西有三十二县,与《史记》不同,盖后有析置。

且虑,有高庙。莽曰钜虑。

【颜注】师古曰:且,音子余反。虑音卢。

【补注】先谦曰:《续志》,后汉省。《辽史·地理志》兴中府间山县,本汉且虑县。卢、间音近字变,间以山名,然则且虑是山也。又辽山城在营州故城西,汉且虑县地。《纪要》,故城今永平府东。

【编者按】治所当在今辽宁义县北一带。

海阳,

【补注】先谦曰:《续志》,后汉因。《纪要》,故城今滦州西南。

龙鲜水东入封大水。封大水、缓虚水皆南入海。

【补注】先谦曰:《濡水注》,龙鲜水出新安平县西北,世谓之马头水。二源俱导,南合一川,东流注封大水。《地理志》曰:龙鲜水东入封大水者也。封大水自新安平来,合龙鲜水,乱流南会新河,入于海。《地理志》曰,封大水于海阳县南入海也。缓虚水自令支来,西南流与新河合,南注海。《地理志》曰,缓虚水与封大水皆南入海也。《一统志》,龙鲜水盖今陡河,封大水盖官渠河,缓虚水盖沙河。

有盐官。

【补注】钱坫曰:《王尊传》,尊补辽西盐官长。

【编者按】治今河北滦县西南。

新安平,

【补注】先谦曰:《续志》,后汉省。《一统志》,故城今滦州西。

夷水东入塞外。

【补注】先谦曰:《水经注》不载,人当为出之讹。陈澧云,今蒙古喀尔喀左翼杨柅木河,东流至科尔沁左翼,为汉塞外地,又南入大辽水。大辽水之西,惟此水东流,疑即夷水也。

【编者按】治今河北滦县西北。

柳城,马首山在西南。参柳水北入海。

【补注】先谦曰:马首山,未详。陈澧

云,今蒙古土默特左翼拿拉特河,北流入泽中,大辽水以西惟此水入泽,当是参柳水也。

西部都尉治。

【补注】先谦曰:《续志》,后汉省。《一统志》,故城即后魏及唐之营州,辽、金之兴中府,在今锦州边界。

【编者按】治今辽宁朝阳市西南。

令支,

【补注】钱坫曰:《齐世家》作离支,离令声相转。《吕氏春秋》九塞有疵处,《淮南子》作令疵。高诱云,令疵在辽西,亦即此。支疵声相近,皆通用。有孤竹城。

【补注】先谦曰:孤竹、不令支,皆见《王会解》,亦见《齐语》,无不字,是其先二国也。《尔雅》作觚竹。《一统志》,孤竹山在卢龙县西,孤竹城在其阴。

莽曰令氏亭。

【颜注】应劭曰:故伯夷国,今有孤竹城。令,音铃。孟康曰:支,音祗。师古曰:令又音郎定反。

【补注】先谦曰:《续志》,后汉因。《一统志》,故城今迁安县西。

【编者按】治今河北迁安市西。

肥如,

【补注】先谦曰:高帝封蔡寅为侯国,见表。

玄水东入濡水。

【补注】段玉裁曰:濡乃溲之讹。《集韵》溲,奴官切。水名,在辽西。《类篇》亦同。是知宋初班、酈之书尚未误。丁度、温公所据,可考也。至脱脱《宋史》,

乃易其字为溲,易其音为卢丸切,而溲之音义亡矣。溲训热水。《水经注》武列水入溲水,武列即热之反语,其地多温泉,溲之所以得名也。

先谦曰:《濡水注》,玄水出肥如县东北玄溪,西南流迳其县东,东屈南转西回,迳肥如县故城南,俗又谓之肥如水。应劭云,晋灭肥,肥子奔燕,燕封于此,故曰肥如也。西南流,右会卢水、温水,下入令支。故《地理志》曰,玄水东入濡。盖自东而注也。肥如县南十二里,二水之会也。温水出肥如城北,西入玄。先谦案,孤竹城在令支、肥如二县界,濡水亦迳肥如,故志书濡水之委于此。《一统志》,玄水今白沟河,出阳山之阴,绕卢龙县城东北,西入青龙河。陈澧云,今滦平县以西之滦河,东南流至县东境合热河。即玄水也。濡水南入海阳。

【补注】先谦曰:阳字当衍。此著濡水之委,但云南入海而已,海阳又非其入海处也。《濡水》篇,濡水东南过海阳县,西南入于海。注云,濡水自令支来,自孤竹城东南,迳西乡北,合瓠沟水,又迳故城南,分为二,北水枝出,为小濡水,东迳乐安亭北,东南入海;濡水东南流,迳乐安亭南,东合新河故渚,下至象县入海,不迳海阳西,盖经误证耳。瓠沟水出城东南,东入濡水。陈澧云,今承德府热河,出蒙古喀喇沁右翼西南境,南流至府南境,及府南之滦河,东南流至乐亭县入海,即濡水也。

又有卢水,南入玄。

【补注】先谦曰:《濡水注》,卢水出肥如县东北沮溪,南流为大沮水;又南,左合阳乐水;又西南合小沮水为卢水。卢

水有二渠，号大沮、小沮，合而入于玄水。《地理志》曰，卢水南入玄也。《一统志》，卢水今青龙河。陈澧云，今滦平县北境宜孙河，南流入滦河，即卢水也。《水经注》言濡水西北流，又北流，东北流，东流，东南流；与今滦河上源，自独石口外西北流，屈而东南流正合。但滦河上源即为濡水，则其西别无二水可当玄水、卢水者，道元遂谓玄水西入濡水，而以志言玄水东入濡水者为自东而注矣。今以滦平县滦河东流，而宜孙河南流注之，与志言玄东入濡，卢南入玄，正合。故知滦河为玄水，宜孙河为卢水，而热河为濡水之源也。

莽曰肥而。

【颜注】应劭曰：肥子奔燕，燕封于此也。师古曰：濡音乃官反。

【补注】宋祁曰：人玄当作入畜。全祖望曰：宋谓玄作畜，妄也。钱坫曰：古而如字通用。先谦曰：应说以《濡水注》较之，似颜引不全。《续志》，后汉因。《一统志》，故城今卢龙县西北三十里。

【编者按】治今河北卢龙县北。

宾从，莽曰勉武。

【补注】先谦曰：《续志》，后汉改属辽东属国，作宾徒。《晋志》同。此作从，误。《通鉴》，晋赵王伦贬吴王宴为宾徒县公，秦苻坚封慕容垂宾徒侯，并取此名。《晋书·载记》作宾都侯，都徒音近而误。《辽史》作宾从，沿《汉志》传写之误。《纪要》，辽大定府长安、劝农、富遮、归化四县，并在今大宁卫东南，皆汉宾徒县地。

【编者按】治今辽宁锦州市北。

交黎，渝水首受塞外，南入海。

【补注】先谦曰：《大辽水注》，渝水自临渝来，又东南迳一故城东，俗曰女罗城；又南迳营邱城西，又东南入海。《地理志》渝水自塞外南入海也。先谦案，志言首受者，皆必有所受之水，今言首受塞外，大为不词。据郦注，首受塞外作自塞外，是也。渝水今大凌河，自土默特右翼东流至义州，又南入海，合下临榆注观之，益知首受二字，为复出误文矣。

东部都尉治。莽曰禽虜。

【颜注】应劭曰：今昌黎。师古曰：渝音喻，其下并同。

【补注】先谦曰：据应说，后汉为昌黎，而《续志》无交黎，亦无昌黎，惟辽东属国下云，昌辽，故天辽，属辽西。此志无天辽县，窃以为昌辽即昌黎，辽、黎双声变转。《后书·安纪》作夫黎，《鲜卑传》作扶黎，夫扶一字，明天乃夫之误。交黎改夫黎，又改昌黎、辽黎一字。故《续志》云，昌辽，故夫辽，属辽西也。《续志》，后汉辽东属国都尉治此。《纪要》，故城今营州故城东南百七十里，晋为棘城县。

【编者按】治今辽宁义县。

阳乐，

【补注】先谦曰：《续志》，后汉因。郡治。《一统志》，故城今抚宁县西。

【编者按】治今辽宁义县西。

狐苏，

【补注】先谦曰：《续志》，后汉省。唐就水至徒河入海。

【补注】先谦曰：《寰宇记》，彭卢水，一名卢河水，即唐就水也。《后魏风土记》云，水至徒河入海，与地平，故曰平卢，讹为彭卢。陈澧云，今蒙古土默特右翼小凌河，东南流至锦县入海，疑即唐就水。

【编者按】治今辽宁朝阳市东南。

徒河，莽曰河福。

【补注】先谦曰：《续志》，后汉改属辽东属国。《一统志》，故城今锦州西北。刘恕《通鉴外纪》，周惠王三十三年，齐桓公救燕，破屠河，即徒河也。据《辽志》，天定府神水县是其地。

【编者按】治今辽宁锦州市。

文成，莽曰言虏。

【补注】先谦曰：《司马相如传》，文成颠歌是也。《续志》，后汉省。《辽志》，中京松山县，汉文成县地。

【编者按】治今辽宁建昌县东。

临渝，渝水首受白狼，东入塞外。

【补注】先谦曰：《大辽水注》，白狼水自交黎来，东分为二水，右水疑即渝水也。《地理志》曰，渝水首受白狼水也。西南循山迳一故城西，世以为河连城，疑是临渝县之故城，渝水又南流，东屈合槁伦水，下入交黎。先谦案，塞外止当言出，不当言入。《说文》，渝水在辽西临渝，东出塞。明班志入为出之讹。《一统志》云，酈注所言白狼水道，今不能一一考证，但今塞外人辽之水，惟老哈河和西拉木伦河。老哈河东北流，经黄龙柳城之北，与《水经注》合。隋唐时白狼之名尚在，至辽金时为土河。陈澧

云，辽河以西之水，东流屈南入海者，惟大凌河，故知为渝水。大凌河首受西境阿喇善河，苏巴尔噶图河，塞因台河，和尔图河诸水，东流至土默特右翼，所谓首受白狼东出塞外也。又东流至义州，则复入塞内矣。

又有侯水，北入渝。

【补注】先谦曰：《大辽水注》，槁伦水盖戎方之变名，疑即《地理志》所谓侯水北入渝者也。《十三州志》云，侯水南入渝。《地理志》盖言自北而南也。又西南流，注于渝。陈澧云，今大凌河之源，曰喇木伦水，北流与西境阿喇善河诸水合，即侯水也。今别无北入大凌河之水，惟大凌河源北流，故知为侯水矣。

莽曰冯德。

【颜注】师古曰：冯，读曰恁。

【补注】先谦曰：《续志》，后汉因。《一统志》谓汉临渝县唐改石城，有临渝故城在县北，今考无的据。

【编者按】治所当在今辽宁朝阳市东。

象。下官水南入海。

【补注】先谦曰：《濡水注》，新河自海阳来，东绝清水，木究水出焉，南入海，新河又东，左迤为北阳孤淀，又东会于濡。孙星衍、钱坫以为即下官水。下、木；官、究，字形相乱。《一统志》，旧《志》，下官水即潮河。案在今昌黎县东二十里，源出仙台顶后，东南流，合饮马河入海。先谦案，旧《志》说较可据。

又有揭石水、宾水，皆南入官。

【补注】先谦曰：即下官水也。官上疑夺下字，单称官，则不词。《一统志》，旧《志》云，碣石水，今急流河；宾水，今饮

马河。案急流河在今昌黎县西门外，一名西沙河。源出龙潭，下流至县西南里许，合饮马河。饮马河在昌黎县南五里，源出卢龙县界溪石中，东迳四安山下，又东与深江河合流，为沙河，又东合潮河入海。

莽曰选武。

【颜注】师古曰：彖，音力迫反。

【补注】先谦曰：《续志》，后汉省。《武

纪》文颖注，县并入临渝。《濡水注》，濡水自肥如来，东南至彖县碣石山，汉武帝登之以望巨海，勒石于此。今枕海有石如甬道，数十里。当山顶有大石，如柱形，往往而见。立于巨海之中，潮水大至则隐，及潮波退，不动不没，不知深浅，世名之天桥柱。韦昭亦指出为揭石也。《一统志》，故城今昌黎县南。

【编者按】治今河北昌黎县南。

辽东郡

辽东郡，秦置。

【补注】先谦曰：《大辽水注》，襄平，始皇二十二年灭燕置辽东郡，治此。后汉亦为郡治。前汉盖同。全祖望云，楚汉之际属燕国，寻分属辽东国，六月复故；高帝六年属汉，仍属燕国；景帝后以边郡收。

【编者按】自上谷至辽东凡五郡，皆战国燕所置，秦灭燕后因之，非秦始置。

属幽州。

【补注】先谦曰：《续志》，后汉因。属同。又辽东属国下云，故西部都尉。安帝时以为属国都尉，别领昌辽、宾徒、徒河、无虑、险渚、房，六城，治昌辽。属同。

户五万五千九百七十二，口二十七万二千五百三十九。

县十八：

襄平，

【补注】先谦曰：战国燕县，筑长城，自

造阳至此，见《匈奴传》。高帝封纪通为侯国，见表。

有牧师官。莽曰昌平。

【补注】先谦曰：《续志》，后汉因。郡治。《一统志》，故城今辽阳州北。《盛京通志》，辽阳城西北隅，故定辽左、右、后三卫治。

【编者按】治今辽宁辽阳市。

新昌，

【补注】先谦曰：《续志》，后汉因。《唐志》为安东都护府。《金志》，鸿滨县有新昌镇。《一统志》，故城今海城县东。

【编者按】治今辽宁海城市东北。

无虑，西部都尉治。

【颜注】应劭曰：虑音闾。师古曰：即所谓医巫闾。

【补注】先谦曰：《续志》，后汉因。又分为辽东属国属县，下注云，有医无虑山。《辽志》，显州奉先县，本汉无虑县，

即医巫闾。又乾州奉陵县，并无虑县地。《一统志》，故城今广宁县治。又义州亦无虑县地。医无闾山在县西十里，高十余里，周二百四十里。

【编者按】治今辽宁北宁市东南。

望平，大辽水出塞外，南至安市入海，

【补注】先谦曰：《大辽水》篇，大辽水出塞外卫白平山（《海内东经》郭注作塞外卫皋山，白平二字系皋之误）。注云，亦言出砥石山，自塞外东流，直望平县西，下入襄平。案大辽水《山海经》作潦水。《一统志》，即句骊河。案今名巨流河。句、巨，骊、流，音转字变。

行千二百五十里。莽曰长说。

【颜注】师古曰：说，读曰（悦）[悦]。

【补注】先谦曰：官本，悦作悦。《续志》，后汉因。《辽志》辽阳府析木县，显州山东县，汉望平县地。《一统志》，故城今广宁县东北。

【中华校】景祐、殿本都作“悦”。

【编者按】治今辽宁新民市南。

房，

【补注】先谦曰：《续志》，后汉属辽东属国。《大辽水注》，大辽水自辽队来，东南过房县西，右会白狼水，下入安市。《一统志》，故城今广宁县东南。考后汉辽东属国六城，昌黎、宾徒、徒河旧属辽西，无虑县属辽东，亦在辽水之西，不应房县独在水东；如在水东则去辽东郡治甚近，且与安市、平郭接壤，何独析隶属国？盖房与险渎皆辽水西滨河海之地，《水经》西字乃东之讹。

【编者按】治所当在今辽宁大洼县东北一带。

候城，中部都尉治。

【补注】先谦曰：《续志》，后汉因，又分为玄菟属县。《后书·陈禅传》为玄菟候城障尉，即此。

【编者按】治今辽宁沈阳市东南。

辽队，莽曰顺睦。

【颜注】师古曰：队音遂。

【补注】先谦曰：《续志》，后汉省。《辽志》，辽阳府仙乡县本汉辽队县，又顺州，辽队县地。《一统志》，故城今海城县西。

【编者按】治今辽宁海城市西北。

辽阳，大梁水西南至辽阳入辽。

【补注】先谦曰：《小辽水注》，大梁水出北塞外，西南流至辽阳入小辽水。故《地理志》曰，大梁水西南至辽阳入辽。其水西南流，故谓之梁水也。《一统志》，大梁水今太子河，在辽阳州北十五里。国语曰：塔思哈河，字音讹变为太子河，又名东梁河。出古林萨穆禅山，自苇子峪东入边，西南流至州西北入浑河。陈澧云，至辽阳当作至辽队。此水原委若皆在辽阳县，则不当言所至也。莽曰辽阴。

【补注】先谦曰：《续志》，后汉改属玄菟。《一统志》，故城当在今辽阳州西北界，承德、辽阳之间，辽水、浑河交会之处。今辽阳州则辽、金之辽阳也。。

【编者按】治今辽宁辽中县东。

险渎，

【颜注】应劭曰：朝鲜王满都也，依水险，故曰险渎。臣瓚曰：王险城在乐浪郡溟水之东，此自是险渎也。师古曰：瓚说是也。溟音普大反。

【补注】先谦曰：《续志》，后汉属辽东属国。《一统志》，此辽东之西境，故城今广宁县东南。《辽志》以集州为汉险渎县，非是。

【编者按】治今辽宁台安县东南。

居就，

【补注】先谦曰：《续志》，后汉省。《一统志》，故城今辽阳州西南。《纪要》，海州卫东北。《辽志》，辽阳府鹤野县，汉居就县地。

室伪山，室伪水所出，北至襄平入梁也。

【补注】先谦曰：梁上脱大字。《一统志》，汤河在辽阳州东南五十二里，源出分水岭，北流入太子河。分水岭疑即室伪山，汤河疑即室伪水也。陈澧云，今辽阳州沙河出千山北流，至州西北境入太子河。

【编者编】治今辽宁辽阳县东南。

高显，

【补注】先谦曰：《续志》，后汉改属玄菟。

【编者按】治今辽宁铁岭市。

安市，

【补注】先谦曰：《续志》，后汉因。《辽志》，铁州建武军，本汉安市县。《一统志》，故城今盖平县东北。

【编者按】治今辽宁海城市东南。

武次，东部都尉治。

【补注】先谦曰：武帝时涉何为辽东东部都尉，见《朝鲜传》。

莽曰桓次。

【补注】先谦曰：《续志》，后汉省。《纪要》，故城在辽东都司北。

【编者按】治今辽宁凤城市东北。

平郭，有铁官、盐官。

【补注】先谦曰：后汉因。《续志》，有铁。《新唐志》，自安东都护府西南至建安三百里，故平郭县也。《辽志》辽阳府与辽县，汉平郭县地。《一统志》，故城今盖平县南。今奉天府各州县，皆有铁出盐。

【编者按】治今辽宁盖州市西南。

西安平，莽曰北安平。

【补注】何焯曰：涿郡有安平，故此加西，留川加东。先谦曰：《续志》，后汉因。刘注，《魏氏春秋》云，县北有小水，南流入海，句骊别种，因名之小水貊，案即《吴志》所谓安平口也。《新唐志》，安东府南至鸭绿江北泊沟城七百里，故西安平县也。《辽志》为上京临潢府。《一统志》，故城今辽阳州城东。

【编者按】治今辽宁宽甸满族自治县西南。

文，莽曰(受)[文]亭。

【补注】钱大昭曰：南监本、闽本，受作文。朱一新曰：汪本作文。先谦曰：官本作文，是。后汉因。《续志》，作汶。《纪要》，故城今盖州卫西。

【中华校】景祐、殿本都作“文”。

【编者按】治今辽宁营口市东南。

番汗，沛水出塞外，西南入海。

【颜注】应劭曰：汗水出塞外，西南入海。番音盘。师古曰：沛，音普盖反。汗音寒。

【补注】王鸣盛曰：南监本无应下十二字。则番音盘似班自音矣。非是。朱一新曰：汪本无沛下九字，应注汗水作沛水。汪远孙云，九字乃注语，毛本误入正文，又重出应注，惟沛作汗是也。颜注又为沛字作音，殊不可解。案《说文》，沛水出辽东番汗塞外，西南入海。从水、市声。大徐本《说文》，沛音普盖反。《玉篇》沛，溥盖切。水出辽东塞外。宋重修《广韵》十四泰，沛，普盖切。水名，出辽东。音与颜同。则此志沛水非误字，亦非衍文也。应注云云，盖别申一义，以释番汗所由得名，与班注不相蒙。

先谦曰：《续志》，后汉因。《纪要》，汉元封三年置真番郡。《茂陵书》云，郡治霫。昭帝时并入乐浪。霫县志不载，徐广云辽东郡有番汗县故城，疑即真番也。陈澧云，今朝鲜国博川城大定江，西南流入海，盖沛水也。马訾水不出塞外，此水出塞外，必更在马訾水之东。马訾水至西安平入海，西安平属辽东。

今鸭绿江入海处为汉辽东地，大定江距鸭绿江入海处不远，亦当为辽东地。又其水西南入海，故知为沛水也。

【编者按】番汗与真番无关，徐广之说纯粹附会。真番郡本在乐浪郡之南，昭帝时并入乐浪为南部都尉，详见下。霫县疑即今朝鲜汉城，亦见下。

治今朝鲜博川。

沓氏。

【颜注】应劭曰：氏水也。音长答反。师古曰：凡言氏者，皆谓因之而立名。

【补注】徐松曰：应注氏水也，谓县以沓水得名。地之以山氏者也，若缙氏、乘氏；以水氏者，若涅氏、兹氏。钱大昭曰：南监本、闽本，氏水作沓水。朱一新曰：汪本作沓水。先谦曰：官本作沓水。案《说文》沓，语沓沓也。从水从日。辽东有沓县。据此《说文》夺氏字。《续志》，后汉因。《一统志》，故城今辽阳州界。《纪要》，金州卫东南，县西南临海，谓之沓渚。《吴志》，孙权谋讨公孙渊。陆瑁谏曰，沓渚去渊，道里尚远。盖泛海至辽沓渚，其登涉之所也。魏景初三年以沓氏县吏民渡海，居齐郡界，因置新沓县于济南郡矣。

【编者按】治今辽宁大连市东北。

玄菟郡

玄菟郡，

【补注】先谦曰：《大辽水注》，高句骊，

武帝平右渠置玄菟郡于此。《续志》，后汉治同。

【集释】杨树达曰：《封泥考略》卷四有玄菟太守印，字作兔。

【编者按】汉武帝平右渠，于沃沮城置玄菟郡，以高句骊为郡治乃后来所徙，见《东沃沮传》。《大辽水注》只是因《汉书》玄菟郡首县高句骊为说，亦未深考。武帝元封四年开。

【补注】王念孙曰：四年，《辽水注》作三年，是也。《武纪》、《朝鲜传》并作三年（《史记·朝鲜传》、《汉纪》并同）。乐浪郡下亦云元封三年开。

高句骊，莽曰下句骊。属幽州。

【颜注】应劭曰：故真番朝鲜胡国。

【补注】先谦曰：莽更名事，详《莽传》。《续志》，后汉因。属同。据《武纪》，玄菟、真番同时为郡，玄菟非故真番也。应说真番二字衍文。

【集释】王峻曰：按《武帝纪》元封三年朝鲜降，以其地为乐浪、临屯、玄菟、真番郡。臣瓚引《茂陵书》曰，真番郡治[雋]县，去长安七千六百四十里，视临屯又远一千五百十里，其地当为今朝鲜之东境，《后汉·东夷传》昭帝始元五年罢临屯、真番以并乐浪、玄菟，玄菟复徙句骊，其地悉属乐浪。此志所载玄菟郡治高句骊县乃后来所迁，西与辽东接壤，非初置之故地也。应氏乃以为即故真番，误矣。又《水经注》曰，高句骊县，故高丽相之国。应云朝鲜胡国，胡字是相字之讹。

【编者按】应劭此注含混不清，不能确指玄菟是真番故国或朝鲜故国，最多只能解释为玄菟是朝鲜真番一类胡国，而玄菟与真番其实毫无关系。汉武帝元封三年灭朝鲜及其属国，立四郡。乐浪郡以朝鲜地置；临屯、真番郡以朝鲜属

国临屯、真番地置，玄菟郡则主要以朝鲜属国沃沮地置。《魏志·东沃沮传》云：“东沃沮在高句骊盖马大山之东，滨大海而居，其地形东北狭，西南长，可千里，北与挹娄夫余，南与涉貉接，户五千……汉初燕亡人卫满王朝鲜，时沃沮皆属焉。汉武帝元封二年，伐朝鲜，杀满孙右渠，分其地为四郡，以沃沮城为玄菟郡。后为夷貊所侵，徙郡句丽西北，今所谓玄菟故府是也。沃沮还属乐浪”。由此可见玄菟郡起初境域颇大，受夷貊所侵之后，才缩小版图，并迁郡治由沃沮至高句骊。沃沮城即下文乐浪郡之夫租（详下），高句骊即近人所谓第二玄菟郡者。应劭并不明白玄菟郡建立之始末，故其注甚为糊涂。类似之例，尚有上文附会辽东郡险渌县为朝鲜王满的都城王险城，也纯粹是臆想的产物。

户四万五千六，口二十二万一千八百四十五。

县三：

【编者按】玄菟郡属县三，而乐浪郡属县二十五，悬殊极大，暗示其领域经过很大的变动。

高句骊，

【补注】先谦曰：《王会解》之高夷也。《续志》，后汉因。《东夷传》，高句骊在辽东之东千里，南与朝鲜涉貉，东与沃沮，北与夫余接，武帝灭朝鲜，以高句骊为县，使属玄菟。《一统志》，故城在兴京城北。

辽山，辽水所出，西南至辽队入大辽水。

【补注】先谦曰：辽队，辽东县。《小辽水》篇，高句骊县有辽山，小辽水所出。注云，水出辽山，西南流，下入辽东辽阳。《一统志》，浑河即古小辽水，在承德县南十里。《提纲》，浑河出盛京东北柳条边英额门外东山，为英额河，又合苏子河，西南流，至辽阳州西北，合太子河，入大辽水。

又有南苏水，西北经塞外。

【颜注】应劭曰：故句骊胡。

【补注】先谦曰：《一统志》，苏子河在兴京城北半里，盖即南苏水也。晋永和元年，燕王皝使慕容恪攻高句骊，拔南苏；隆安二年，慕容盛袭高句骊，拔新城、南苏二城；隋大业七年伐高丽，遣段文振出南苏道；唐显庆中置南苏州于此，后废。《辽志》苏州安复军节度，本高丽南苏，盖因此水为名。陈澧云，今兴京北界昌图厅东境黑尔苏河，西北流，出柳边，经蒙古科尔沁左翼，为汉塞外地，又西南入大辽水，与志合。

【编者按】治今辽宁新宾满族自治县西。

上殷台，莽曰下殷。

【颜注】如淳曰：台音鲐。师古曰：音胎。

【补注】先谦曰：《续志》，后汉因。

【编者按】治今吉林省通化市。

西盖马。马訾水西北入盐难水，西南至西安平入海，

【补注】先谦曰：西安平，辽东县。《新唐书·高丽传》，鸭绿水与盐难水合。《一统志》，马訾水，今鸭绿江。出长白山，西南流，至朝鲜国山阳公城，入佟家江。盐难水，今佟家江，在兴京南境，南流合鸭绿江，又西南流，至其国义州入海。陈澧云，盐难水下当复举盐难水三字，西北当作西南。

过郡二，

【补注】先谦曰：玄菟、辽东。

行二千一百里。莽曰玄菟亭。

【补注】先谦曰：后汉因。《续志》误作西盖鸟。《东夷传》，东沃沮在高句骊盖马大山之东。李注，山在平壤西，平壤即王险城。据此，盖马乃山名。《一统志》，汉之盖马，即唐盖平城，今盖平县也。今海城西南至盖平界八十里，是海城在盖平东北境。自此说明，则知在汉为沃沮，在唐为沙卑，在渤海为南海府，在辽为海州无疑。

【编者按】治所当在今朝鲜慈江道古丰、三乐里一带。

乐浪郡

乐浪郡，武帝元封三年开。

【补注】先谦曰：乐浪，《王会解》之良

夷也。《大辽水注》，郡治朝鲜。《续志》，后汉治同。

莽曰乐鲜。属幽州。

【颜注】应劭曰：故朝鲜国也。师古曰：乐音洛。浪音狼。

【补注】先谦曰：《续志》，后汉因。属同。

户六万二千八百一十二，口四十万六千七百四十八。有云鄣。

【补注】先谦曰：《东夷传》，有上下鄣。县二十五：

【编者按】乐浪郡以朝鲜故地置，其先只有十一县地，即朝鲜、诘郞、浞水、黏蝉、遂成、增地、驺望、倭方、浑弥、屯有、吞列。后并入真番郡七县，即昭明、带方、含资、海冥、列口、长岑、提奚；临屯郡六县，即东暕、不而、蚕台、华丽、前莫、邪头昧；玄菟郡一县，即夫租（应为夭租），才成为领有二十五县的大郡。其原属真番郡诸县归南部都尉所辖，原属临屯、玄菟郡诸县归东部都尉所辖（详见《西汉政区地理》下篇五章所考，并参见杨守敬《汪士铎汉志释地驳议》，载《晦明轩稿》）

朝鲜，

【颜注】应劭曰：武王封箕子于朝鲜。

【补注】先谦曰：朝鲜见《海内北经》。《续志》，后汉因。据《括地志》，高丽王险城即古朝鲜。《一统志》，王险城即平壤城。

【编者按】治今朝鲜平壤市南，遗址尚存。

诘郞，

【颜注】孟康曰：诘音男。师古曰：诘音乃甘反。郞音酣。

【补注】先谦曰：《说文》诘，多语也。乐浪有诘郞县。《续志》，后汉因。

【编者按】治所当在今朝鲜平安南道顺安东部一带。

浞水，水西至增地入海。

【补注】朱一新曰：汪远孙云，注文水上当有浞字。案此承上文省言之，汪说非。先谦曰：《说文》，浞水出乐浪倭方，东入海。一曰出浞水县。所谓一曰者，即用志文。《一统志》，浞水今大同江，在平壤城东，西流至三和城入海。

【编者按】浞水当今何水，历来争论不休，有鸭绿江、清江、大同江三说。单从文献上很难确定其绝对位置。在下文带水推定为载宁江后，可知西汉浞水是今清川江（详见《西汉政区地理》下篇五章二节所考），最早须在东晋以后才转指今大同江。

莽曰乐鲜亭。

【颜注】师古曰：浞音普大反。

【补注】先谦曰：后汉因。《续志》浞误湏。《辽志》高丽改为句骊县，渤海为常乐县，今隶朝鲜。

【编者按】治所当在今朝鲜慈江道熙川以东一带。

含资，带水西至带方入海。

【补注】先谦曰：后汉因。《续志》作含资。《一统志》，故城今朝鲜南境。《纪要》，隋大业中伐高丽，分军出含资道，盖以汉县为名。成蓉镜云，带水今朝鲜平壤南黄州城北之黑河是也。陈澧云，朝鲜国水皆西流，大同江之南有驹苓山水，又南有临津江水，源流五百里，凡志行千里之水约得今六百里。列水行八

百二十里，正合今五百里，疑即临津江。带水不言里数，其水必短，疑即驹苓山水也。

【编者按】1913年，日人谷井氏在朝鲜黄海道凤山郡发掘了带方太守张氏之墓，推定位于张墓西南文井面的“古唐城”为带方郡治带方县遗址（见《朝鲜总督府古迹调查报告》），既然带方在今凤山郡，据本县注文：“带水西至带方入海”，知带水必是通过凤山郡西北之载宁江，顺带也可推定含资县是载宁江上游之瑞兴郡。

治今朝鲜黄海北道瑞兴郡。

黏蝉，

【颜注】服虔曰：蝉音提。

【补注】先谦曰：后汉因。《续志》作占蝉。据本志列水至县入海。《集韵》十二齐，蝉下云黏蝉，县名。即用服音。《一统志》，故城在平壤西南。

【编者按】治今朝鲜平安南道南浦市北。

遂成，

【补注】先谦曰：后汉因。《续志》作遂城。《晋志》，秦筑长城之所起。《太康地记》，遂成县有碣石山。《通典》以为左碣石。《一统志》，故城在平壤南境。

【编者按】治今朝鲜平安南道江西以东。

增地，莽曰增土。

【补注】先谦曰：《续志》，后汉因。《纪要》，故城在平壤南境。隋伐高丽，分军出增地道，即此。

【编者按】治所当在今朝鲜平安南道

新安州以东一带。

带方，

【补注】先谦曰：《续志》，后汉因。据本志，带水至县入海。《纪要》，故城在平壤南。汉末公孙度置带方郡；隋伐高丽，分军出带方道，即此。成蓉镜云，含资在平壤南。志云带水至县入海，则带方当在平壤西南，《纪要》谓在南，恐非。

【编者按】治今朝鲜黄海北道凤山郡。

弥望，

【补注】先谦曰：《续志》，后汉因。

【编者按】治所当在今朝鲜平安南道江东一带。

海冥，莽曰海桓。

【补注】先谦曰：《续志》，后汉因。《辽志》兴州兴中军，本汉海冥县地。

【编者按】治所当在今朝鲜黄海南道海州以东。

列口，

【补注】先谦曰：武帝灭朝鲜，杨仆兵先至此，见《朝鲜传》。《续志》，后汉因。《一统志》，故城今朝鲜国城西南。

【编者按】治今朝鲜黄海南道殷栗郡。

长岑，

【补注】先谦曰：《续志》，后汉因。《辽志》崇州隆安军，本汉长岑县地。《一统志》，崇信废县在今承德县东。

【编者按】治所当在今黄海南道长渊以北。

屯有，

【补注】先谦曰：《续志》，后汉因。

【编者按】治今朝鲜黄海北道黄州。

昭明，南部都尉治。

【补注】吴卓信曰：乐浪有两都尉，《薛宣传》，为乐浪都尉丞，不知何县。先谦曰：《续志》，后汉因。

【编者按】南部都尉因真番郡之罢而设。真番郡以故朝鲜附庸真番国而置。真番国方位有南北二说。北说的主要依据是《史记·朝鲜传》两条注文，一是前引徐广说，以辽东郡番汗县比附真番，二是《索隐》引应劭云：“玄菟本真番国。”而辽东、玄菟皆在朝鲜之北。然徐说纯粹牵强附会，应说原文则为：“故朝鲜真番胡国”，亦未明指玄菟等于真番，均已见前述。故北方说基础薄弱。南方说则有两条有力史料作支持。《朝鲜传》载，“真番旁辰国，欲上书见天子，（朝鲜）又拥阂不通。”杨守敬认为朝鲜既能阻碍真番辰国与汉朝的交通，说明真番必在朝鲜以南无疑。辰国即《魏志·东夷传》中三韩的前身，位朝鲜半岛南端，真番国当在辰国与朝鲜之间。又《魏略》云，“初右渠未破时，朝鲜相历溪卿以谏右渠不用，东之辰国，时民随出居者二千余户，亦与朝鲜贡藩不相往来。”此处贡藩当为真番之误，贡真形近而讹，番藩音同。日人稻叶岩吉认为必真番国与辰国相接，斯“不相往来”云云始有意义，若真番远在鸭绿江上游一带，则与辰国之间尚有他国居中间隔，而犹特书其不相往来于理殊不可通（见《满洲发达史》杨成能译本）。显然比北方说理由充足。

其实就南部都尉之设已可推断真番必在朝鲜之南。汉代都尉所治常常发展为郡，相反，郡被并省以后也常以都尉形式存在。蜀郡北部都尉武帝曾置为汶山郡，后罢郡仍为北部都尉。今乐浪郡有两部都尉，其东部都尉既由罢临屯郡所置（见下），南部都尉必为真番郡废后所设，殆无疑义。又《茂陵书》云，“真番郡治霑县，去长安七千六百四十里，十五县”，前述已知南部都尉所辖七县为原真番郡属，另有八县朝鲜学者李丙焄氏亦寻出蛛丝马迹，可参见其《真番郡考》（周一良之译文载《禹贡》2卷10期）。

至真番郡霑县何在，自来无考之者。杨守敬以为即昭明县，亦属臆断。李丙焄氏认为当在废辰国的八县中，位今朝鲜礼成江以南，汉江以北，然未明示其所据。考汉代于开边所置郡县，多以其本地旧名，取其音而不取其义，如岭东之不而县，即由不耐涉得名（见下），霑县恐亦如是。据《说文解字》注，霑音素洽反，与今朝鲜汉城之本名同声。汉城朝鲜文서울，音Seoul，义为京城。颇疑京城之义是后起的，先是在汉江附近，有地名Seoul，汉代以之置晡县，到中世纪时该地成为朝鲜李朝之都，Seoul之音仍存，遂以此音作为京城之解。杨守敬所以将昭明当晡县乃是基于都尉治必是原郡治的推想，但都尉治与故郡治并不尽相当，如东部都尉治不而，而故临屯郡治却为东晡。本来杨氏的推想并非全无道理，但因真番郡和临屯郡罢废以后并非全部并入乐浪郡之中，而是各有一部分没于辰国，因而故郡治与都尉治就不相一致。如真番郡

十五县，七县入乐浪，以昭明为都尉治，适得其中；而若指其为郡治则嫌偏北，当以在其南方的霭县更为合适。临屯情况亦相仿佛，东暕虽为故郡治，然在岭东七县中却最居南部，显然不宜作东部都尉治，故东部都尉治于七县居中之不而。

治今朝鲜黄海南道信川郡北部面土城里。其遗址已由日人小田省吾所确定。

镡方，

【补注】先谦曰：《续志》，后汉因。《辽志》辽阳府紫蒙县本汉镡方县地。《纪要》，紫蒙城在辽东都司东。

【编者按】本郡各县下先谦所引《辽志》以解县治所在地者，皆不可靠。

治所当在今朝鲜平安南道阳德以西一带。

提奚，

【补注】先谦曰：《续志》，后汉因。

【集释】陈直曰：《世界考古学大系》第七册载有“提翼长印”，知今《地理志》作提奚，为传写之误字。

【编者按】治所当在今朝鲜黄海北道平山西南一带。

浑弥，

【颜注】师古曰：浑音下昆反。

【补注】先谦曰：《续志》，后汉因。

【编者按】治所当在今朝鲜平安南道肃川以北一带。

吞列，分黎山，列水所出，西至黏

蝉入海，行八百二十里。

【补注】先谦曰：《海内北经》，朝鲜在列阳东，海北山南。列阳属燕，列即列水也。《史记》张晏注，朝鲜有温水、列水、汕水，三水合流为列口。亦作冽，杨雄《方言》所云朝鲜冽水之间也。《续志》，后汉省。《一统志》，故城今朝鲜国城东南。

【编者按】列水即今朝鲜境内大同江（详考见《西汉政区地理》下篇五章二节）。吞列据《后汉书集释》引谢云，即后汉乐都。

治所当在今朝鲜平安南道松山里一带。

东暕，

【颜注】应劭曰：音移。

【补注】先谦曰：《武纪》臣瓚注引《茂陵书》，临屯郡治东暕县，去长安六千一百三十八里，十五县；真番郡治霭县，去长安七千六百四十里，十五县。昭帝始元年罢真番郡，临屯省并不知其年。《艺文志》有东暕令延年。《说文》暕下云，日行暕暕也。乐浪郡有东暕县，读若醕。又觶下云，鱼名，皮有文，出乐浪东暕，神爵四年初捕权输考工。《续志》，后汉省。

【编者按】临屯郡亦始元五年罢。《后汉书·东夷传》载：“昭帝始元五年罢临屯、真番，以并乐浪、玄菟。玄菟复徙居高丽。自单单大岭以东，沃沮、涉貊，悉属乐浪。后以境土广远，复分岭东七县置乐浪东部都尉……建武六年，省都尉官，遂弃岭东地。”据此，知临屯郡罢而为乐浪东部都尉。

治今朝鲜江原道江陵。

不而，

【补注】钱坫曰：《魏志·母丘俭传》作不耐，《通典》同。《隋书·外国传》，新罗兼有沃沮、不而、韩、涉之地。

东(郡)[部]都尉治。

【补注】朱一新曰：汪本郡作部，是。先谦曰：官本作部。据《武纪》元朔元年以东夷莠君地置苍海郡，三年罢，寻置乐浪东部都尉治之也。《魏志》，汉武置乐浪郡，自单单大岭以西属乐浪，自岭以东七县，都尉主之，皆以涉为名，即所谓不耐涉也。《续志》，后汉省。《辽志》正州东那县本汉东暭、不而县，地在州西七十里。《一统志》，故城今朝鲜国韩兴府治。

【中华校】景祐、殿本“郡”都作“部”。

【编者按】苍海郡事颇暗昧，此处不具论，详见《西汉政区地理》下篇五章二节附考。但苍海郡与乐浪东部都尉毫无关系，却必须指出。苍海郡元朔三年已罢，十八年后之元封三年，武帝才置玄菟、临屯郡。又过二十六年，临屯郡才罢，东部都尉之置更在临屯罢郡之后，因此与苍海郡绝对无涉，先谦之说只是想当然耳。乐浪东部都所辖岭东七县，有六县为临屯郡故属，有一县即玄菟故治沃沮。

又，先谦所引《魏志》后半并非原文照录，而是经剪裁截合，与本义相违背。《魏志·涉传》原文为：“自单单大岭以西属乐浪，自岭以东七县，都尉主之，皆以涉为民(先谦误民作名)。后省都尉，封其渠帅为侯，今不耐涉皆其种也。”可见不耐涉只是涉之一种，而先谦所引却为“皆以不耐涉为名，即所谓不耐涉

也”，把涉与不耐涉等同起来了。补注先谦曰之中这种情况不止一二。

治今朝鲜江原道安边。

蚕台，

【颜注】师古曰：台音胎。

【补注】先谦曰：后汉省。

【编者按】治所当在今朝鲜江原道束草以南。

华丽，

【补注】先谦曰：《续志》，后汉省。《东夷传》，元初五年句丽王宫寇玄菟，攻华丽城，则县固在也。《一统志》，开原县南四十里有花露台，疑即华丽县遗址，音讹。

【编者按】华丽县并非玄菟故县，《东夷传》此载可疑。华丽是岭东七县之一，光武帝建武六年已弃，何得在八十多年以后的元初年间仍属玄菟？何况安帝时的玄菟郡已非西汉旧貌，经过两迁后，玄菟郡已侨置于辽东郡北部，而华丽城远在朝鲜东海岸，岂能悬属之？《东夷传》此载可能是误句丽为华丽。

治所当在今朝鲜咸镜南道永兴一带。

邪头昧，

【颜注】孟康曰：昧音妹。

【补注】先谦曰：《说文》鮓鱼、鲋鱼并出莠邪头国。莠、涉字同。邪头国名，后置县，因名邪头昧矣。《续志》，后汉省。

【编者按】颇疑邪头昧之昧有貉音，邪头昧即邪头貉，为涉貉之一支，故以之为县名。陈直云，《书道》卷三有“邪头昧宰印”封泥，盖传写之误。究其实，恐

非传写之误，以记貊之音，而或为昧，或为昧耳。

治今朝鲜江原道以西北一带。

前莫，

【补注】先谦曰：《续志》，后汉省。

【编者按】前莫之莫是否亦是貊之记音？书此以存疑。自东曺以下至此六县，皆为故临屯郡所属。

治所当在今朝鲜江原道高城以西南一带。

(夫)[夭]租。

【补注】先谦曰：《续志》，后汉省。

【集释】杨树达曰：《翰苑注》引作夭租。日本内藤虎云，今本夫租，那珂、白

鸟、箭内三博士尝疑其误写，读《翰苑注》，方知三君之精审。

【编者按】夫夭形讹，而夭租即沃沮之别写。玄菟郡即以故朝鲜属国沃沮地为主而置，并因而置沃沮县以为郡治。后为夷貊所侵，玄菟郡遂一分为二，西部三县自成一郡，东部郡治沃沮别属乐浪郡为东部都尉所辖。即无《翰苑注》，据《东沃沮传》与《汉志》亦可推断夫为夭之讹。自东曺以下至此七县，后汉皆省，杨守敬比较本志及《郡国志》，从而知七县为乐浪郡东部都尉地。唯其不能肯定七县之中的不而、邪头昧两县究属真番或临屯，其实此二县皆故属临屯。详考见上引拙著。

治今朝鲜咸镜南道咸兴市。

地理志第八下二

南海郡

南海郡，

【补注】先谦曰：据《浪水注》，郡治番禺。《续志》，后汉治同。

秦置。

【补注】先谦曰：始皇三十二年置，见纪。

秦败，尉佗王此地。武帝元鼎六年开。

【补注】先谦曰：见《武纪》。全祖望云，尉佗据南海，南武侯织亦稍分之，汉封为南海王者也。淮南厉王灭织，迁之上淦，佗始得据之。

属交州。

【补注】钱坫曰：《书》曰南交，故以名州。全祖望曰：南粤七郡至后汉末始称交州，前此但称交阯刺史。班史安得遽称交州，是必后人妄行窜改者。先谦曰：《续志》，后汉因。属同。

户万九千六百一十三，口九万四千二百五十三。有圉羞官。

县六：

番禺，

【补注】先谦曰：始皇使尉屠睢为五军，一军处番禺之都，见《淮南·人间训》，亦见南粤、货殖《传》。《续志》，后汉因。《一统志》，故城今南海县治。

尉佗都。

【补注】先谦曰：《元和志》，佗故城在今南海县西三十七里。佗墓在县东北八里。

有盐官。

【颜注】如淳曰：番禺潘，禺音愚。

【编者按】治今广东广州市。

博罗，

【补注】先谦曰：《续志》，后汉因。刘注，有浮山，从会稽浮往博罗山，故置博罗县。《一统志》，故城今博罗县。罗水、浮水出。《纪要》，浮山在县西北三十里。袤延五百里，高三千六百丈。

【编者按】治广东今县。

中宿，

【补注】先谦曰：《续志》，后汉因。《一统志》，故城今清远县西北六十里池水乡。

有涯浦官。

【颜注】师古曰：涯音匡。

【补注】钱大昭曰：官当作关。王鸣盛曰：官即关也。管叔，《墨子》作关叔。钱坫曰：即湟溪关，在今韶州府英德县西南四十里。周寿昌曰：此亦如南郡云梦官之类。宋洪氏《容斋随笔》、宋姚天麟《西汉会要》、宋王氏《玉海·汉官》内俱引此官，无作关者，足知宋本《汉书》是涯浦官。即《水经》酈注，亦无证及涯

浦官之误者，似未可轻改也。先谦曰：县自有涯浦关耳，与涯浦官无涉，周说是也。

【编者按】治今广东清远市西北。

龙川，

【颜注】师古曰：裴氏《广州记》云，本博罗县之东乡也。有龙穿地而出，即穴流泉，因以为号。

【补注】先谦曰：秦县，赵佗为令，见《南越传》。《续志》，后汉因。《一统志》，故城今龙川县西北。

【编者按】治广东今县西。

四会，

【补注】先谦曰：《续志》，后汉因。《一统志》，故城今四会县治。先谦案，四会

者，县西有绥江水，又有濠、湔、涯水为北江，浪、郁水为西江，四方来会，故名。《寰宇记》以为四水俱臻。此县所会之水不止四也。郁水所迳之四会浦，则在新会境内。

【编者按】治广东四会市。

揭阳。莽曰南海亭。

【颜注】韦昭曰：揭音其逝反。师古曰：音竭。

【补注】先谦曰：东越王余善击南海兵至此，以海风波为解，见《东越传》。《续志》，后汉因。《一统志》，故城今揭阳县西。揭岭在县西北百五十里，县以山氏。

【编者按】治所当在广东揭阳市西北一带。

郁林郡

郁林郡，

【补注】先谦曰：据《牂柯水注》，郡治布山。《续志》，后汉治同。

故秦桂林郡，

【补注】先谦曰：始皇三十三年置，见纪。《旧唐志》，江源多桂，不生杂木，故秦立为桂林郡。

属尉佗。武帝元鼎六年开，更名。

【补注】先谦曰：《说文》，郁，芳草也。远方郁人所贡。郁，今郁林郡也。

有小溪川水七，并行三千一百一十里。莽曰郁平。属交州。

【补注】先谦曰：《续志》，后汉因。属

同。

户万二千四百一十五，口七万一千一百六十二。

县十二：

布山，

【补注】先谦曰：《续志》，后汉因。《一统志》，故城今贵县南。

【编者按】治今广西桂平市西。

安广，

【补注】先谦曰：《续志》，后汉因。《一统志》，故城今横州境。

【编者按】治所当在今广西横县西北。

阿林，

【补注】先谦曰：《续志》，后汉因。《一统志》，故城今桂平县东。

【编者按】治今广西桂平市东南。

广郁，

【补注】先谦曰：《续志》，后汉因。《一统志》，故城今浔州府贵县治。

郁水首受夜郎豚水，东至四会入海，

【补注】先谦曰：四会，南海县。《温水注》，郁水即夜郎豚水也。自牂柯毋敛来，迳广郁县，为郁水，下入领方。又《温水》篇云，温水东至广郁县为郁水。先谦案，本志牂柯鄣封下云，温水东至广郁入郁，不言温水为郁水也。豚、温虽并行，班专以郁属豚水，《水经》失其意矣。旧以广郁在今贵县北，今案自来宾以西，下旺土司以东，瑶山以南，皆当为广郁境。按之水道，地望吻合。据《水经》，豚温二水至广郁合为一，可知不应至贵县境方为广郁地也。

【编者按】郁水即今西江及其上游红水河之古称。郁水之源，秦汉间尚不清楚，只知其出象郡，故《海内东经》言：“郁水出象郡，而西（东之误——编者按）南注南海”。至武帝开西南夷，汉人地理知识更加扩大，知郁水（红水河）上源为豚水，豚水出牂柯夜郎，即今北盘江。但红水河另有一上源南盘江，《汉志》称南盘江下游为温水（南盘江上游《汉志》另以桥水当之，这里已无法详述），汉人视之为郁水支流，故牂柯郡鄣

封县下云：“温水东至广郁入郁”，合本注“郁水首受夜郎豚水”观之，知温水与豚水合流后始称郁水，广郁县即在两水合流处，正是豚水、温水、郁水三名的分界点。

到了写作《水经》的时代（近人定为三国时期）又移温水名于豚水之上，豚水名遂隐，故《水经》云：“温水出牂柯夜郎县，又东至郁林广郁县为郁水。”实际上相当于合《汉志》牂柯郡夜郎县下“豚水东至广郁”及郁林郡广郁县下“郁水首受夜郎豚水”两条注文为一。

《中国历史地图集》以郁水当今右江——郁江——西江一系，显然与《汉志》所载不合。《汉志》以为郁水之上源是出自牂柯夜郎的豚水。夜郎今虽不能确指何地，要在贵州安顺以西南一带殆无异义，则豚水当今北盘江，郁水只能是其下游红水河——西江一系。若视郁水为今右江——西江，则夜郎只能位于今右江之源的滇桂边界一带（陈澧《汉书地理志水道图说》即持此观点），显然要与《史记·西南夷传》所载完全不合。《史记》说蜀枸酱是由夜郎经牂柯江到番禺。若夜郎在今右江之源，则枸酱运输路线将要越过南盘江与右江之分水岭再下右江，焉有是理？何不直走北盘江——红水河来得合理，汉人对豚水——郁水（北盘江——红水河——西江）一系相当熟悉，又称之为牂柯江，是当时西南夷地区通岭南之交通要道。《汉志》关于豚水——郁水的记载也很清楚，没有含混之处。因此，将右江——西江当成郁水是不妥的。过郡四，行四千三十里。

【补注】先谦曰：过牂柯、郁林、苍梧、

南海。

【编者按】治所当在今广西田林、乐业与贵州册亨县交界处一带，确址不详。今南、北盘江合流处当为汉广郁县地。《一统志》所言地望误。《图集》既以右江——郁江为汉之郁水，以红水河为温水，则温、郁合流处之广郁县当置于今广西贵县一带（即与《一统志》一致）方才合理，然却又自相矛盾地将广郁标在今广西凌云、凤山附近，去南、北盘江会合处不远，不知何故。

中留，

【颜注】师古曰：留音力救反，水名。

【补注】先谦曰：《说文》，溜水出郁林郡。后汉因。《续志》作中溜，此作留，通借字。《一统志》，故城今武宣县西南。《温水注》，留水自布山来，迳中留入郁。先谦案，据舆图，留水盖即武宣县南之东乡江。

【编者按】治今广西武宣县南。

桂林，

【补注】先谦曰：《续志》，后汉因。《一统志》，故城今象州东南。

【编者按】治所当在今广西象州县南。

潭中，莽曰中潭。

【颜注】师古曰：潭音大含反。

【补注】先谦曰：《续志》，后汉因。《一统志》，故城今马平县东南驾鹤山下。

【编者按】治今广西柳州市东南。

临尘，

【补注】先谦曰：《高纪》臣瓚注，《茂陵

书》，象郡治临尘，去长安万七千五百里。

朱涯水入领方。又有斤（员）〔南〕水。又有侵离水，行七百里。

【补注】宋祁曰：员，邵本作南。先谦曰：《温水注》，朱涯水出临尘县，东北流合欢水。朱涯水又迳临尘县，县有斤南水、侵离水，并迳临尘，下入领方。又《侵离水注》，侵离水出晋兴郡（晋分郁林置），东至临尘入郁。

【中华校】景祐本“员”作“南”，《温水注》同。

莽曰监尘。

【补注】先谦曰：《续志》，后汉因。《一统志》，今太平府崇善县地。

【编者按】治今广西崇左市。

定周，

【补注】先谦曰：《续志》，后汉因。钱坫云，今庆远府西北地。

〔周〕水首受无斂，东入潭，行七百九十里。

【补注】先谦曰：无斂，牂柯县。水上夺周字。周水首受无斂水也。《存水》篇，存水东南至定周为周水，又东北至潭中县，注于潭。注云，牂柯水迳毋斂县为毋斂水，东注存水。存水自毋斂来，又东迳定周县为周水，盖水变名也。先谦案，《一统志》以龙江为周水，是也。就地望以推班意，盖以出天河者为周水，出独山荔波者为无斂县水，与《一统志》所述相同，故云周水首受无斂，原委分明。《提纲》诸书，则以出独山者为龙江上源，并为一水，不加分析，而班氏首受之旨泯矣。

【编者按】治今广西宜州市。

增食，

【补注】先谦曰：《续志》，后汉因。

欢水首受牂柯东界，入朱涯水，行五百七十里。

【补注】先谦曰：东界二字当作水。《温水注》，豚水即牂柯水，自牂柯毋敛来，又东欢水出焉。注又云，欢水源上承牂柯水，东迳增食县，下注朱涯水。先谦案，欢水，即今驮蒙江也，东北与乌泥江通，西南与右江通，中历思恩府武缘县。旧《志》以武缘为领方，今案当为增食。阮元《云南通志稿》云，增食，今思恩境，是也。惟此水由南而北，则古今水道，容有变迁，如广陵中渚水之比，当时盖合右江水以注左江，故云合文象水入朱涯水耳。

【编者按】治所当在今广西隆安县东一带。

领方，斤(员)[南]水入郁。

【补注】朱一新曰：汪本员作南。先谦曰：《斤江水注》，斤江水自临尘来，至领方入郁。先谦案，道元此注引志文，又以斤江为斤员水。临尘云又有斤员水，

此云斤员水入郁，乃本志原委分见通例。《志稿》云，斤员水即龙江。

又有峽水。

【补注】先谦曰：《温水注》，《地理志》曰桥水东至中留入潭。又云领方县又有桥水。今诊其川流，更无殊津，正是桥温乱流，故兼通称。作者咸言至中留入潭，潭水又得郁之兼称，而字当为温，非桥水也，盖书字误矣。先谦案，据注，道元所见《汉志》本作桥不作峽。以地望推之，领方地广，当以宾州为治所，其所云峽水即思揽江，下通迁江之清水江，以入乌泥江。《九域志》云，宾州有宾水者也。或汉世有峽水之目，与益州两桥水无涉。

都尉治。

【颜注】师古曰：峽，音桥。

【补注】先谦曰：《续志》，后汉因。《一统志》，故城在宾州西。领方山在州南三十五里，汉以山氏县。

【编者按】治今广西宾阳县西南。

雍鸡。有关。

【补注】先谦曰：《续志》，后汉省。《一统志》，今崇善县地。

【编者按】治所当在今广西龙州县北。

苍梧郡

苍梧郡，

【补注】全祖望曰：故秦桂林郡，后为苍梧国，属尉佗。先谦曰：《淮南子》所称有梧也。梧，梧字之别。据《浪水

注》，郡治广信。元封五年，交州自羸陵县移治于此。《续志》，后汉治同。

【编者按】西汉刺史部无常治之所，先谦误。且元封五年才置交趾（不是交

州)刺史部,何能有当年移治之说?

武帝元鼎六年开。

【补注】先谦曰:见《武纪》、《南粤传》。

莽曰新广。属交州。

【补注】先谦曰:《续志》,后汉因。属同。

有离水关。

【补注】先谦曰:《纪要》,关在今苍梧县西。

户二万四千三百七十九,口十四万六千一百六十。

县十:

【编者按】先谦曰:郡人陈钦,见《儒林传》。

广信,莽曰广信亭。

【补注】先谦曰:《续志》,后汉因。《一统志》,故城今梧州府治。

【编者按】治今广西梧州市。

谢沐,

【补注】先谦曰:《续志》,后汉因。《一统志》,故城今永明县西南二十五里谢沐乡。

有关。

【补注】先谦曰:《一统志》,谢沐关,即今永明县六十里镇峡关。

【编者按】治今湖南江永县西南。

高要,有盐官。

【补注】先谦曰:《续志》,后汉因。《泐水注》,泐水合郁水,自广信来,迳高要县。《晋志》,县东去郡五百里,刺史夏避毒徙县水居也。《一统志》,故城今肇庆府高要县。

【编者按】治今广东肇庆市。

封阳,

【颜注】应劭曰:在封水之阳。

【补注】先谦曰:《续志》,后汉因。《一统志》,故城今贺县南百里信都镇封阳墟。

【编者按】治今广西贺州市南。

临贺,莽曰大贺。

【补注】先谦曰:《续志》,后汉因。《一统志》,故城今贺县治。

【编者按】治今广西贺州市东南。

端谿,

【补注】先谦曰:《续志》,后汉因。《旧唐志》,端山下有溪。《一统志》,故城今德庆州治。

【编者按】治今广东德庆县。

冯乘,

【补注】先谦曰:《续志》,后汉因。《一统志》,故城在江华西南六十里,富川东北七十里。冯水在县东南。

【编者按】治今湖南江华县西南。

富川,

【补注】先谦曰:《续志》,后汉因。《一统志》,故城今富川县西南。

【编者按】治今广西钟山县。

荔蒲,

【补注】先谦曰:《续志》,后汉因。《一统志》,故城今荔浦县治。

有荔平关。

【颜注】师古曰：荔音肆。

【补注】钱坫曰：《漓水注》，漓水之上有关，然则即离水关矣，在今荔浦县东。先谦曰：郡下离水自别一关。李尤《函谷关赋》，其南则有苍梧、荔浦、离水、谢沐、浞浦、零中。注云，苍梧以下六关在南。明荔浦、离水各自为关，钱说谬。《元和志》，荔浦县南有荔平关，久废。

【编者按】治广西今县西南。

猛陵。龙山，合水所出，南至布山入海。

【补注】先谦曰：布山，郁林县。此水

《水经注》不载，以今地覆之，苍梧、岑溪、平南、藤县，皆汉猛陵地。布山在猛陵之西，凡出猛陵之水，俱东合郁水入海，无西行至布山者。《一统志》浔州府下云，相思江在桂平县东六十五里，与平南县接界，源出平南麒麟山，自官塘堡分港而入，直通朋化内瑶，流入浔江。今桂平县汉阿林、布山二县地，相思江出猛陵境入布山境，又系南流，似足当合水之目，入海者，入郁以达海耳。

莽曰猛陆。

【补注】先谦曰：《续志》，后汉因。

【编者按】治今广西苍梧县西。

交趾郡

交趾郡，

【补注】宋祁曰：趾，景本作止。先谦曰：交趾国，见《山海经》。交趾，见《礼·王制》。《颍项纪》作跽，通借字。尉佗攻破安阳王，令二使典主交趾、九真二郡，即瓯骆也，详《南越传·索隐·广州记》。据《叶榆水注》引《交州外域记》，郡治羸陵。《续志》，后汉治龙编。

【集释】陈直曰：交趾在两汉金石刻辞中皆写作交趾。例如交趾釜（见《小校经阁金文》卷十三），平都相蒋君碑，及新丰令沈府君两阙皆可证（见《隶释》卷六及卷十三）。

武帝元鼎六年开，

【补注】先谦曰：见《武纪》、《南粤传》。属交州。

【补注】先谦曰：《续志》，后汉因。属

同。

户九万二千四百四十，

【补注】徐松曰：宋本二千作一千。

口七十四万六千二百三〔十〕七。

【补注】王鸣盛曰：三下脱十字。朱一新曰：汪本有十字。先谦曰：官本有十字。

【中华校】“十”字据景祐、殿本补。

县十：

羸陵，有羞官。

【颜注】孟康曰：羸音莲，陵音受土婆。师古曰：陵婆二字，并音来口反。

【补注】先谦曰：后汉因。《续志》作羸陵。《晋书·地道记》作羸陵，盖后人因孟音而制羸字，《广韵》载之，皆误。《纪要》，故城今安南国交州府西。隋改交

趾县据《元和志》，唐交州南定县本汉赢陵县地，汉故城在州治宋平县西七十五里。

【编者按】治今越南河内市西北。

安定，

【补注】先谦曰：《续志》，后汉因。或误定安。

【编者按】治所当在今越南南河省南定南。

苟漏，

【颜注】师古曰：漏与漏同。

【补注】段玉裁曰：《广韵》四十五厚、五十侯，皆言苟漏县名，字皆从竹不从艸。先谦曰：《官本考证》云，苟讹苟，今改正。此县即后世所谓句漏也。后汉因。《续志》作苟漏。《一统志》，句漏山在今安南国交州府石室县，相传古句漏县在其下。

【集释】陈直曰：考汉人从艸之字，多写作从竹。如范之作筴，苟字作筴，苟之作筴之类，此例见于封泥汉印最多。《广韵》之筴老，为古字之仅存者。

【编者按】治今越南河西省山西县东南

麓泠，尉治。

【颜注】应劭曰：麓音弥。孟康曰：音螟蛉。师古曰：音麋零。

【补注】王鸣盛曰：《马援传》注引《越志》同。但《说文》米部云，粃，溃米也。从米尼声。交趾有麓泠县。武移切。应劭音弥，与《说文》合。从鹿非声，传写误也。《叶榆水》篇作麋，皆非。先谦曰：《续志》，后汉因。《晋志》作麋泠，

《宋志》有寿泠，无麓泠。案寿泠属日南，当在占城国境。或以为即麓泠，非也。《纪要》，故城今安南国太原府西。

【编者按】治今越南永福省永安南。

曲易，

【颜注】师古曰：易，古阳字。

【补注】先谦曰：后汉因。《续志》作曲阳。

【编者按】治所当在今越南海阳省海阳一带。

北带，

【补注】钱大昭曰：闽本作比带，误。先谦曰：《续志》，后汉因。

【集释】杨树达曰：景祐本作比带。

【编者按】作比带未必误，益州郡有比苏、日南郡有比景，疑比字亦古越语之存留。

治所当在今越南河北省北宁南。

稽徐，

【颜注】师古曰：稽音古奚反。

【补注】先谦曰：《续志》，后汉因。

【编者按】治所当在今越南兴安省兴安北。

西于，

【补注】先谦曰：《续志》，后汉因。《寰宇记》，汉西于县在今爱州无编县。钱坫云，属安南国清化府。

【编者按】治今越南永福省福安南。

龙编，

【颜注】师古曰：编音鞭。

【补注】先谦曰：《续志》，后汉因。《纪要》，故城今安南国交州府东。据《元和志》、《寰宇记》，汉县在唐宋为交州龙编县。

【编者按】治今越南河北省北宁。

朱戟。

【补注】先谦曰：《续志》，后汉因。《纪要》，故城今安南国交州府东南。

【编者按】治今越南河西省河东县南。

合浦郡

合浦郡，武帝元鼎六年开。

【补注】全祖望曰：故属秦桂林郡，后复为骆越诸种国，属尉佗。先谦曰：《温水注》，合浦郡治合浦县，武帝平越所置，见《武纪》、《南粤传》。《续志》，后汉治同。

【集释】严耕望曰：志后叙云，“自合浦徐闻南入海得大州，东西南北方千里，武帝元封元年略以为儋耳、珠崖郡。”则合浦与儋耳、朱崖同时所置，合浦仅有今广东西南隅南尽雷州半岛之地，其时合浦县既当郡之中央，又与郡同名，自为郡治无疑。然昭帝罢儋耳郡，元帝罢珠崖郡，而《地志》合浦郡有朱卢县，都尉治。《续志》作朱崖。吴卓信云，“盖即改故珠崖郡所置，是今之琼州一府为汉朱卢一县也。”王先谦同（杨《图》朱卢在今博白县北，盖误）。其说甚的。是西汉末年合浦兼有今海南岛之地，其时徐闻地当雷州半岛之顶端，地控海岛与大陆之要冲。又据《地志》，其地为海上交通之起点，而《元和志》云，“徐闻县，本汉县名……县南七里与崖州澄迈县对岸，相去约百里，汉置左右候官，在此屯积货物，备其所求，与交易有利，故谚云欲拔贫，诣徐

闻。”是在汉世徐闻尤为海上交通之枢纽，吾人可以想象儋耳、朱崖两郡既罢为朱卢县，属合浦，则一郡中心为徐闻县，非合浦县，即就交通及军事控制言，徐闻亦远优于合浦，徙治徐闻，亦理势然也。郿注叙事至合浦县亦带叙郡事，故不及徙治，不足据以驳平帝时郡治徐闻也。

王文楚曰：元帝接受贾捐之建议弃珠崖郡，吴卓信以朱卢县为改珠崖郡所置，乃是误解，与《汉书·贾捐之传》记载显相违背。严说既罢儋耳、朱崖两郡为朱卢县，属合浦郡，郡治徙治海上交通枢纽的徐闻，不可信。

莽曰桓合。属交州。

【补注】先谦曰：《续志》，后汉因。属同。

户万五千三百九十八，口七万八千九百八十。

县五：

徐闻，

【补注】先谦曰：《续志》，后汉因。《温水注》，朱崖、儋耳二郡，大海中南极之

外,对合浦徐闻县。晴朗无风之日,径望朱崖州,如困廩大,从徐闻对渡,北风举帆,一日一夜而至。《一统志》,故城即海康县治。《纪要》,今徐闻县西北。

【编者按】治广东今县西南。

高凉,

【补注】先谦曰:《续志》,后汉因(孙吴立高凉郡)。《一统志》,故城今阳江县西。有高凉山,在茂名县东北。

【编者按】治今广东阳江市北。

合浦,有关。

【补注】先谦曰:《一统志》,今合浦县有条风关,旧名东关。

莽曰桓亭。

【补注】钱坫曰:疑当作桓合亭。先谦曰:《温水注》亦作桓亭,志文不误。《续志》,后汉因。《一统志》,故城在合浦东北。

【集释】沈家本曰:与赵国改桓亭同,恐误。应为桓合亭,与郡名所改同(见《汉书琐言》)。

【编者按】治广西今县东北。

临允,

牢水北入高要入郁,过郡三,行五百三十里。

【补注】先谦曰:上人当为至,郡三当作郡二,合浦、苍梧。《温水注》,牢水南出合浦郡临允县,自县北流,下入苍梧、高要。《一统志》,新江即牢水。《寰宇记》,端州南有新江,出新州东南山谷间。《新兴县志》,县南泸溪诸水,北流迳县城东,又北合锦山水,为新江。又北五十里,至东安县腰古驿,又北九十里出高要县界,入新江,曰新江口。此水出新兴,为古临允地,入江处又适在高要,故说者以为即牢水,然源流不满二百里,与志不合。或以罗定州之泷水当之,近是。先谦案,罗定,汉端溪地。水流虽远,地望则乖。疑志文五百三十里五字有误,终以新江为合。

莽曰大允。

【补注】先谦曰:后汉因。《续志》误临允。《一统志》,今新兴、开平县地,故城在县南七十里。

【编者按】治今广东新兴县南。

朱卢。都尉治。

【补注】先谦曰:后汉因。《续志》作朱崖。案志序,朱崖、儋耳二郡并立,昭帝罢儋耳。元帝并罢朱崖,今并入琼州府,是汉朱卢县当今一府也。

【编者按】今地无考。今有云朱卢在海南岛者,证据不足。

九真郡

九真郡,

【补注】先谦曰:据《温水注》,郡治胥

浦。《续志》，后汉治同。

武帝元鼎六年开。

【补注】先谦曰：见《武纪》、《南粤传》。据《元和志》，故秦象郡地。《安南志略》，清化府路，汉九真郡，隋唐爱州。有小水五十二，并行八千五百六十里。

【补注】先谦曰：《温水注》，竺枝《扶南记》，山溪濊中，皆谓之究。《地理志》曰：郡有小水五十二，并行大川，皆究之谓也。先谦案，大川上当有入字。《续志》，后汉因。属交州，志失书。

户三万五千七百四十三，口十六万六千一十三。有界关。

县七：

胥浦，莽曰驩成。

【补注】先谦曰：《续志》，后汉因。《纪要》，故城在清化府西。

【编者按】治今越南清化省清化西北。

居风，

【补注】先谦曰：《续志》，后汉因。刘注，《交州记》曰，县有山出金牛，往往夜见，光耀十里。山有风门，常有风。《纪要》故城在清化县西北。据《通典》、《寰宇记》，唐为爱州，九真、安顺、崇平、日南四县。宋为爱州所治九真县及州东北二百二十里日南县。

【编者按】治今越南清化省清化北。

都庞，

【颜注】应劭曰：庞，音龙。师古曰：音葺。

【补注】汪远孙曰：庞，校本作宠。《初

学记·兽部》引《吴录·地理志》云，九真郡庞县多象。郡盖都字之误，然则庞字亦未必非也。《集韵》，都庞县在九真，或作宠。朱一新曰：作宠者，本字因庞，音转为龙，传写作宠耳。先谦曰：官本，葺作龚。《续志》，后汉省。《纪要》，故城在清化府北。据《元和志》，唐为爱州军宁县。

【编者按】治所当在今越南清化省锦水东南一带。

馀发，

【补注】先谦曰：《续志》，后汉省。

【编者按】治所当在今越南清化省金山东部一带。

咸驩，

【补注】先谦曰：后汉因。《续志》作咸懽。《温水注》，咸驩以南，麀鹿满冈，鸣咆命俦，警啸聒野，孔雀飞翔，蔽日笼山。《纪要》，故城在安南国新平府东南。《寰宇记》，县自汉迄隋不改。据《元和志》，唐为演州忠义、怀欢二县。

【编者按】治今越南义安省演州西。

无切，都尉治。

【补注】先谦曰：后汉因。《续志》作无功，《马援传》同。《叶榆水注》，交趾南水自交趾朱戡来，东迳无功县北，下入交趾苟扁。

【编者按】治所当在今越南宁平省宁平西。

无编。莽曰九真亭。

【补注】先谦曰：《续志》，后汉因。《纪

要》，故城在安南国清化府北。据《通典》，唐为爱州无编县。《元和志》、《舆地广记》，唐为演州龙池县，宋为爱州长林县。《后书·马援传》，援兵南自交趾

入九真，由无功进入余发，分兵入无编，至居风，九真乃靖。

【编者按】治今越南清化省如春东。

日南郡

日南郡，

【补注】先谦曰：据《温水注》，郡治西捲。《续志》，后汉治同。

【集释】严耕望曰：《地志》首书朱吾县。王先谦曰，据《温水注》，郡治西捲。杨《图》从之。按，《温水注》，“应劭《地理风俗记》曰，日南故秦象郡汉武帝元鼎六年开日南郡。治西捲县”此明引应劭说，当指东汉事，与《续志》治西捲合。前人均据此以为西汉治西捲，以诋班志首朱吾为无义例，谬矣。王文楚曰：按郾注引应劭说，明指元鼎时设日南郡，治西捲县。何谓东汉事？《郡国志》郡仍治西捲可知直至东汉永和时未迁。故秦象郡，

【补注】先谦曰：始皇三十三年置，见纪。《唐志》，因象山为名，山形如象也。《温水注》，郎湖浦口有秦时象郡，区（原文作墟——编者按）域犹存。武帝元鼎六年开，更名。

【补注】先谦曰：见《武纪》、《南粤传》。

【编者按】象郡秦始皇三十三年置，汉昭帝元凤五年罢。其领域相当于《汉志》郁林郡西部，牂柯郡东部与武陵郡南缘之和，即今广西西部，贵州东南部

和湖南西南一隅之地。而汉日南郡地望在今越南中部地区，与之毫无关系，但由于有班固此注，遂引起象郡沿革千年之讼。一派学者以此注为据认为秦有象郡，汉无象郡，汉之日南郡即秦之象郡更名，因此秦象郡南端已达今越南中部。另一派学者以《昭帝纪》“罢象郡，分属郁林、牂柯”为主要根据，主张秦汉皆有象郡，且其地只在广西、贵州交界处。两派意见相持不下，论战文章连篇累牍。究其实，班固此注大误，象郡自象郡，日南自日南，两不相涉，但限于篇幅，此处不能详细论证，诸参见《西汉政区地理》下篇四章一节。

有小水十六，并行三千一百八十里。

【补注】先谦曰：《日南水》篇，容容、夜、岫、湛、乘、牛渚，须无、无濡、营进、皇无、地零、侵离、无会、重濑、夫省、无变、由蒲、王都、融、勇外，二十水。注云，此皆出日南郡西，东入于海。容容水在南垂，名之以次转北也。

属交州。

【颜注】师古曰：言其在日之南，所谓开北户以向日者。

【补注】先谦曰：《续志》，后汉因。属同。

户万五千四百六十，口六万九千四百八十五。

县五：

朱吾，

【补注】先谦曰：《续志》，后汉因。刘注引《交州记》云，其民依海际居，不食米，止资鱼。《温水注》，《林邑纪》云，渡比景，至朱吾，朱吾县浦今之封界，县南有文狼究，下流迳通。《晋书·地道纪》，朱吾县去郡二百里，此县民汉时不堪二千石调，求引屈都乾为国。《林邑记》云，屈都夷也。朱吾浦内通无劳湖，无劳究水通寿冷浦。《纪要》，故城今占城北境，本越棠地。

【编者按】治今越南广平省美丽。

比景，

【颜注】如淳曰：日中于头上，景在己下，故名之。

【补注】吴仁杰曰：所谓开北户以向日者。《考古编》云，《旧唐志》景州北景县，晋将灌遼破林邑，五月五日即其地立表，表在北，而日影在表南。郡名日南，则县为北景固相应。案唐命太史往安南测候日影，夏至影在表南，与灌遼同，郡得名因以此。然王充书谓日南郡有徙民还者，问之，云日中之时，所居之地，未能在日南也。盖日南郡唯五月五日影在南，常时影不在南，亦不在北。故《水经》云，北读荫茝之茝，言影为身所茝，此《尔雅》所谓岨齐州以南戴日者也。汉民徙者，但以常时所见言之。北

景音茝影，《水经》言是也。若缺倒景，则谓日月之光皆倒在下，又与茝影音训不同。

段玉裁曰：《文选·吴都赋》注引如淳注与此同。比，方利反。一作北景。云汉武时，日南郡置北景县，言在日之南，向北看日，故名。此则《汉志》字本有二。先谦曰：《续志》，后汉因。《纪要》，故城在占城北境。

【编者按】治今越南广平省箐河口。

卢容，

【补注】先谦曰：《续志》，后汉因。《温水注》，《林邑记》云，地滨沧海，众国津迳郁水，南通寿冷，即一浦也。

【编者按】治今越南承天省顺化市北。

西捲，水入海，有竹，可为杖。莽曰日南亭。

【颜注】孟康曰：音卷。师古曰：音权。

【补注】先谦曰：后汉因。《续志》作西卷。《温水注》，卢容水出区粟城南高山，东迳区粟城北，合寿冷水。寿冷水出寿冷县界，东迳区粟故城南。古志无区粟之名。应劭云，日南郡治西捲县。《林邑记》云，城出林邑步道四百余里。《交州外域记》云，从日南郡南去，到林邑国四百余里，准迳相符，然则城故西捲县也。《地理志》曰，水入海。《林邑记》云，其城治二水之间，三方际山，东北瞰水，东西涧浦，流湊城下，寿冷水自城南会卢容水。先谦案，晋武帝太康十年，分西卷立寿冷县，以注证之，注云水入海者，即卢容、寿冷二水，合入四会之郁水以注海也。《纪要》，故城今古城朱吾故县东北。据《寰宇记》，宋为交州

宋平县，及州西南六十里南定县。

【编者按】治今越南广治省东河。

象林。

【补注】先谦曰：《续志》，后汉因。刘

注，今之林邑国。《一统志》，故安南国有布政府路，林邑故地也。《纪要》，象林故城在占城西北，隋改象浦。

【编者按】治今越南广南省会安西南。

赵国

赵国，

【补注】阎若璩曰：治邯郸县，以赵幽王友及赵敬肃王彭祖《传》知之。秦时邯郸郡即治邯郸县。先谦曰：《续志》，后汉治同。

故秦邯郸郡，

【补注】先谦曰：始皇十六年置，见纪。高帝四年为赵国，

【补注】先谦曰：封张耳，表作三年。全祖望云，楚汉之际为赵国，寻为常山国。八月，复为赵国。高帝四年属汉，仍为赵国。

景帝三年复为邯郸郡，

【补注】钱坫曰：耳子敖，以高帝八年废除。九年，立子如意为赵王，惠帝元年为吕后所杀。复徙淮阳王友为赵王，高后七年自杀。孝文元年友子遂绍封，孝景三年以反诛。《史记·景纪》作四年，非。

【编者按】《史记·酈商传》云：“孝景前三年，吴、楚、齐、赵反，上以（商子）寄为将军，围赵城，十月不能下，得俞侯栾布自平齐来，乃下赵城，灭赵，王自杀，除国。”按吴楚反在三年正月，围赵十月

以后方下赵城，已至四年冬（汉初以十月为岁首），故《史记·景纪》曰：“四年冬，以赵国为邯郸郡”，完全正确。本志言景帝三年为邯郸郡，误。钱坫不加深考，反以《史记》为非。

五年复故。

【补注】先谦曰：封子彭祖。

莽曰桓亭。属冀州。

【补注】先谦曰：《续志》，后汉因。属同。

户八万四千二百二，口三十四万九千九百五十二。

县四：

【补注】钱大昭曰：秦领县六，见《靳歙传》。先谦曰：国人吾丘寿王，见本传。毛公、贯长卿，见《儒林传》。

邯郸，

【补注】先谦曰：邯郸始见《左》定传。战国入赵，魏拔之，复归赵，见赵、魏《世家》。高帝击陈豨至此，见《高纪》，亦见《货殖传》，县人蔡癸，见《艺文志》。

堵山，牛首水所出，东入白渠。

【补注】先谦曰：《北山经》锡山，牛首

之水出焉，东流，注于滏水。《浊漳水注》，牛首水出邯鄲县西堵山，东流分为二，洪湍双逝，澄映两川，酈寄围邯鄲，引牛首拘水灌城，是也。其水东入邯鄲城，又迳丛台南，六国时赵王之台也。又历邯鄲阜，又出城合成一川，又澄而为渚，东南流，注拘涧水。先谦案，班因拘涧入白渠，故志文以白渠统之。《一统志》，堵山今邯鄲县三十里。渚河、沁河即古牛首、拘涧二水。《纪要》，渚河在城南五里，沁河在城西半里，合为西河。

赵敬侯自中牟徙此。

【颜注】张晏曰：邯鄲山在东城下。单，尽也。城郭从邑，故加邑云。师古曰：邯，音寒。

【补注】段玉裁曰：《水经注》引此注无鄲字。《后书》注亦云，邯，山名。单，尽也。邯山至此而尽也。亦无鄲字。鄲本作单，单与殫同，故训尽。单字后人加邑，自《左传》已然。先谦曰：敬侯元年都邯鄲，见《赵世家》。后汉因。《续志》有丛台。《一统志》，故城今邯鄲县西南十里赵王城。

【编者按】治今河北邯鄲市。

易阳，

【颜注】应劭曰：易水出涿郡故安。师古曰：在易水之阳。

【补注】全祖望曰：此是洺水，亦谓之南易水，故曰易阳，应说非。先谦曰：《续志》，后汉因。案易水即洺水，全说是也。《广韵》，洺水在易阳。春秋时为赤狄之地，后属晋。《水经注》失洺水篇。《一统志》，故城今永年县西十五里。

【编者按】治今河北永年县东南。

柏人，

【补注】先谦曰：尧都，见《帝王世纪》。春秋晋地，见《左》哀传。战国入赵，王迁城之，见《赵世家》。高帝过此弗宿，见《高记》。

莽曰寿仁。

【颜注】师古曰：本晋邑。

【补注】先谦曰：《续志》，后汉因。《一统志》，故城今唐山县西。

【编者按】治今河北隆尧县西。

襄国。

【补注】先谦曰：常山王张耳都，见《项羽纪》。后汉因。《续志》，秦为信都，项羽更名。《一统志》，故城今邢台县南百泉村，遗址尚存。

故邢国。

【补注】陈奂曰：《说文》邢，周公子所封地。近河内怀，许与班说不同者。汉襄国县，即今直隶顺德府附郭邢台县。汉怀县，今河南怀庆府武陟县。襄国为邢始封国，怀即春秋之夷仪，为邢徙封国也。凡班志故国，皆是始封国矣。

西山，渠水所出，东北至任入浸。

【补注】先谦曰：任，广平县。《说文》，潏水出赵国襄国之西山，东北入浸，即用志文。据此，渠当作潏。浸，即漳也。《寰宇记》邢州龙冈县下云，潏水，一名澧水，俗谓之百泉水。出县东平地，以其导源总纳众泉，合成一川故也。亦谓之鸳鸯水。《魏都赋》云，鸳鸯交合。合，当作谷。刘良云，鸳鸯水在南和县西。交谷水在邺南。又沙河县下云，沙

河即潏水也。《水经》云，潏水出赵国襄国。《通鉴》胡注引《水经》此句下有东过沙河县五字。宋白云，沙河即潏水也。先谦案，潏亦作隅，澧亦作醴。《浊漳水注》，衡漳水与隅澧通为衡津，知人浸即入漳矣。潏，亦作耦。《列子》中缺下之邯郸，遇盗于耦沙之中。隅醴、耦沙连言，实即一水也。《一统志》，潏水今百泉河，在邢台县东南八里。《寰宇记》，西山即汤山也。《山海经》云，汤山之下，汤水出焉。《纪要》，西山今封山，在顺德府西二十里。

又有蓼水、冯水，皆东至朝平入潏。

【颜注】师古曰：潏，音藕。又音牛吼反。

【补注】先谦曰：朝平，广平县。《寰宇

记》龙冈县下云，蓼水一名达活水。《水经》云，蓼水出襄国西石井冈，冈上有井，大如车轮。朱弁《曲洧旧闻》云，去巨鹿郡西北一舍，有泉水，经名达活，源流深长，广轮数百步，人享其利。《说文》，灈水出赵国襄国，东入潏。今志举入潏之水，有冯无灈，然则冯水盖灈水之误，或别称也。《隋志》亦云，龙冈县有灈水，当以灈为正。《一统志》，达活水出邢台县治西北五里，东流合牛尾河，又东经小吕社，合百泉支流，又东北经任县城北，又东入大陆泽，古蓼水也。灈水，一名任水。出邢台县东南。东流迳南和县西南，又东北迳任县，又东入大陆泽。

【编者按】治今河北邢台市。

广平国

广平国，武帝征和二年置为平干国，宣帝五凤二年复故。

【补注】先谦曰：据表，平干国封赵敬肃王子偃。偃子元以五凤二年国除。全祖望云，故属巨鹿郡，景帝中六年，分置广平郡，武帝置平干国。《水经注》云，景帝中六年，改巨鹿为广平，误。广平乃巨鹿之分郡，巨鹿故无恙也。故中兴复省广平入巨鹿。钱大昕云，王温舒为广平都尉，在元朔元狩之间。是平干国未置之前，已为广平郡矣。五凤二年，平干缪王坐杀谒者，会薨，不得代，国除，仍为广平郡，故云复故也。当云

故广平郡某年置，乃与复故之文相应。哀帝建平三年，更置广平国。志文失书，盖脱漏之甚者。

莽曰富昌。属冀州。

【补注】先谦曰：《续志》巨鹿郡下云，建武十三年省广平国，以其县属。

户二万七千九百八十四，口十九万八千五百五十八。

县十六：

【补注】先谦曰：见《王子侯表》者，有襄欒、邯平、成陵、祚阳四县无考。

【编者按】广平国领县十六，而户不足三万，口数不足二十万，县数与户籍悬

殊太大。十六县之中又有七个是王子侯国,汉制王子侯国例不属诸侯王,须别属汉郡,但广平国违背此例,显见《汉志》存在问题。下文信都国也有类似情况,领县十七,而户数止六万五千,又辖有六个王子侯国。钱大昕首先发现这些矛盾,于是作出如下解释:“班志郡国之名,以元始二年户口籍为断,其侯国之名则以成帝元延之末为断,元延之世,广平、信都皆郡也,非国也,国已除为郡,则从前之改属他郡者,复返其旧,迨哀帝建平中,复置此二国,则侯国必仍改属他郡,特史家不能一一载之尔。”

这个解释原则上是正确的,但尚未臻于完善。汉制,侯国地位与县相当,析封侯国等于建立新县,必须登于版籍之上。既然《汉志》侯国名不及成帝绥和元年以后,说明《汉志》各郡国所属县目(即各郡国领域)乃以元延绥和之交为断。所以《汉志》事实上乃是两份资料的混合物。一份是平帝元始二年各郡国的户籍,另一份大抵是成帝元延绥和之际各郡国的版图(即所属县目)。这两种资料生硬地凑在一起,结果就产生了上述矛盾。正因为元延末年,广平、信都为汉郡,分别领有十六和十七县,其中可含有王子侯国,而到元始二年时广平、信都又复为王国,王子侯国已改属汉郡,县目大为减少,故户籍只有二万八和六万五。一句话,《汉志》郡国名只与户口籍相对应,而与县目无关。《中国历史地图集》中的西汉图乃据《汉志》绘制,但图上所标郡国名悉以元始二年为准,据以上分析,均应改为元延绥和间的郡国名,方与所属县目相符。

广平,

【补注】先谦曰:《续志》,后汉属巨鹿。《一统志》,故城今鸡泽县东二十里旧城村。

【编者按】治今河北鸡泽县东。

张,

【补注】钱坫曰:《元和志》,张城一名渚阳城,在任县西南二十七里。《史记·曹参世家》云东张,即此。先谦曰:《侯表》,毛释之国,高帝封。彰昭,景帝封。赵顷王子嵩,宣帝封。《续志》,后汉省。《一统志》,故城今任县西南。

【编者按】治今河北任县西南。

朝平,

【补注】先谦曰:《续志》,后汉省。本志襄国下,蓼水、冯水,至县入潏。

【编者按】治今河北任县东南。

南和,

【补注】先谦曰:《续志》,后汉属巨鹿。《寰宇记》南和县下引《水经注》云,北有和城县,故此云南也,鸳鸯水在县北五里。《水经注》,南和西,官治东,有便水,一名鸳鸯水。先谦案,即潏水也,亦见襄国下。《一统志》,故城在今南和县治。

列蓼水东入潏

【颜注】师古曰:蓼音家,潏音斯。

【补注】段玉裁曰:潏入潏,潏入浸,浸入庠入沱,庠沱移徙不常,故道今不可考。先谦曰:《武五子传》所云蓼水也。《寰宇记》邢州南和县下云,列家水在县西南十里,下至狼沟河。列家即列蓼之

同音变字。又沧州清池县下引《水经》云，长芦水出列人县，以其旁多芦苇，故名（今本无）。《浊漳水注》，衡水自巨鹿堂阳分为二水，其右水东北出石门，谓之长芦淫水，盖变引葭之名也。引葭当即列葭之讹，是列葭水即长芦水。列人南和，壤地相比，故《寰宇记》云，长芦出列人，而志系列葭于南和下也。余见堂阳下。灞水见襄国下。

【编者按】治河北今县。

列人，

【补注】先谦曰：战国赵地，梁惠成王八年取之，见《纪年》。

莽曰列治。

【补注】先谦曰：《续志》，后汉属巨鹿。《一统志》，故城今肥乡县东北。

【编者按】治今河北肥乡东北。

斥章，

【颜注】应劭曰：漳水出治北，入河。其国斥卤，故曰斥章。

【补注】先谦曰：《续志》，后汉属巨鹿。《一统志》，故城今曲周县东南。

【编者按】治今河北曲周县南。

任，

【颜注】师古曰：本晋邑也。郑皇颡奔晋，为任大夫。

【补注】先谦曰：春秋晋邑，齐取之。见哀四年《传》。高帝封张越为侯国，见表。本志襄国下，潏水至县入浸。《续志》，后汉属巨鹿。《一统志》，故城今任县东南。《名胜志》，任水在县东南二十里，从南和流入，县以此名。

【编者按】治河北今县东。

曲周，武帝建元四年置。

【补注】先谦曰：《浊漳水注》，衡水故渚自南曲来，东北迳曲周县故城东。《地理志》曰武帝建元四年置，余案《史记》，酈商以高祖六年封曲周县，为侯国。《汉书》同。是知曲周旧县，非始孝武。衡水故渚下入巨鹿。巨鹿，钱大昕云，景帝之世，酈寄以罪免，国除为乡，孝武复置也。

莽曰直周。

【补注】先谦曰：《续志》，后汉属巨鹿。《一统志》，故城今曲周县东北。

【编者按】治河北今县东北。

南曲，[侯国]。

【补注】先谦曰：昭帝封清河纲王子迁为侯国，见表。《续志》，后汉省。《浊漳水注》，衡水故渚自魏平恩来，东北迳南曲县故城西。应劭云，平恩县北四十里有南曲亭，故县也。衡水故渚下入曲周。据应说，县并入平恩。《一统志》，故城今邱县北。

【集释】钱大昕曰：志失注侯国。

【编者按】治今河北邱县西北。

曲梁，

【补注】先谦曰：春秋晋地，见《左》桓、襄传。

侯国。

【补注】先谦曰：平干顷王子敬国，宣帝封。钱大昕云，汉侯国例不属诸侯王，故王子而侯者必别属汉郡。广平、信都亦诸侯王国也，何得有侯国者？班

志郡国之名,以元始二年户口簿为断,其侯国之名,则以成帝元延之末为断。元延之世,广平、信都皆郡也,非国也。国已除为郡,则从前之改属它郡者,复返其旧。迨哀帝建平中,复置此二国,则侯国必仍改属它郡,特史家不能一一载之耳。试观广平领县十六,户二万七千有奇;信都领县十七,户止(六)万五千有奇,以附近郡国准之,不应县多而户少乃尔,盖改郡为国之后,未必仍领若干县也。

【编者按】《汉志》郡国户籍以元始二年版籍为据,县目则以成帝元延绥和之际为断,两不相干而凑在一起,故产生王国领有王子侯国之假象及县多户少的矛盾。此乃班固撰《地理志》时缺乏断代概念的缘故,并非“史家不能一一载之耳”。参见《西汉政区地理》引论第三节。又,曲梁侯国表在魏郡,说明广平郡置为诸侯王国时,曲梁侯国别属魏郡。

莽曰直梁。

【补注】先谦曰:后汉改属魏郡。《一统志》,故城今永年县治。

【编者按】治今河北永年县东南(旧永年)。

广乡,[侯国]。

【补注】先谦曰:宣帝封平干顷王子明为侯国,见表。《续志》,后汉省。《一统志》,故城今任县界。

【集释】钱大昕曰:志失注侯国。

【编者按】治今河北任县西。

平利,[侯国]。

【补注】先谦曰:宣帝封平干顷王子世

为侯国,见表。《续志》,后汉省。

【集释】钱大昕曰:志失注侯国。

【编者按】今地无考。

平乡,[侯国]。

【补注】钱坫曰:刘向《列仙传》,木羽,巨鹿南和平乡人,是其先为乡。先谦曰:宣帝封平干顷王子壬为侯国,见表。《通典》、《元和志》以为秦巨鹿郡,王离围赵王歇,在此。《续志》,后汉属巨鹿。《一统志》,今平乡县西北六里大老营南。

【集释】钱大昕曰:志失注侯国。

【编者按】王子侯国之封多一乡之地,平乡即其例。而一旦某乡置为侯国,则升格为县级政区,以是国除以后县名(即原国名)就带有乡字,如本县与东海郡合乡县等即是。从地名学而言,这是在专名(合乡)中包含有通名(乡)的典型例证。秦县尚无此现象,西汉因分封侯国而成为始作俑者。又,平乡侯国表属魏郡,亦说明广平置国时,此侯国改属魏郡。

治河北今县西南。

阳台,侯国。

【补注】钱大昭曰:台,闽本作壘。《说文》,籀文堂从高,疑此即壘字。先谦曰:平干顷王子田国,宣帝封。表作阳城,未知孰是。《续志》,后汉省。

【编者按】今地无考。

广年,莽曰富昌。

【补注】陈奂曰:广平国莽既更名富昌,则广年下当云富昌亭,此脱亭字,他郡国皆如是。先谦曰:《续志》,后汉属

巨鹿。《一统志》，故城今永年县西北。

【编者按】治今河北永年县东北。

城乡。〔侯国〕。

【补注】先谦曰：宣帝封平干顷王子庆为侯国，表城作成。《续志》，后汉省。

【集释】钱大昕曰：志失注侯国。

【编者按】今地无考。

真定国

真定国，武帝元鼎四年置。

【补注】先谦曰：中山宪王子平国。表作三年。全祖望云，故属常山郡。

【集释】严耕望曰：《地志》首书真定县，为真定国都。

【编者按】常山宪王子，非中山，先谦误。真定国与泗水国置年颇为棘手。据《汉书·武纪》，元鼎三年“常山王舜薨子勃嗣立，有罪废徙房陵。”纪系此事于夏四月之后，而《常山王勃传》云，王数月废，国除。月余，诏立宪王子平为真定王，商为泗水王。国除以后再过月余有一定弹性，虽极可能在元鼎三年当年之内，但也可能跨到元鼎四年。故《汉表》作三年，《史表》与本志作四年，不知孰是。但即使分置两国在三年，真定王与泗水王之元年也须从元鼎四年计起。这或许正是《史表》与本志的依据。常山国除为常山郡，月余之后，再分常山郡部分地置真定国。属冀州。

【补注】先谦曰：《续志》常山国下云，建武十三年省真定国，以其县属。

户三万七千一百二十六，口十七万八千六百一十六。

县四：

真定，

【补注】先谦曰：县见《成纪》。

故东垣，高帝十一年更名。

【补注】先谦曰：战国中山地，赵取之，见《赵世家》。高帝更名，见《陈豨传》。莽曰思治。

【补注】先谦曰：《续志》，后汉属常山。《一统志》，故城今正定县南。

【编者按】治今河北正定县南。

藁城，

【补注】先谦曰：县见《五行志》武帝元鼎四年置，见《元和志》。

莽曰藁实。

【颜注】师古曰：藁，音工老反。

【补注】先谦曰：《续志》，后汉省。《一统志》，故城今藁城县西南邱头社。

【编者按】治今河北藁城市西南。

肥累，

【补注】先谦曰：战国赵地，亦称肥下，见《赵世家》。《五行志》作肥累。《续志》，后汉省。《一统志》，故城今藁城县

西七里。

故肥子国。

【颜注】师古曰：彙，音力追反。

【补注】先谦曰：详见巨鹿下曲阳下。

【编者按】治今河北藁城市西。

绵曼，斯洺水首受太白渠，东至鄴入河。

【补注】先谦曰：河即漳河也。鄴，巨鹿县。《浊漳水注》，斯洺水首受大白渠，大白渠首受绵蔓水，绵蔓水上承桃水，桃水自常山桑中来，东南流迳绵蔓县故城北，

自下通谓之绵蔓水，下入常山乐阳。又云，白渠水自下曲阳为斯洺水，东分为二，枝津右出，下入巨鹿和成，斯洺水下入巨鹿。

莽曰绵延。

【颜注】师古曰：曼，音万。鄴，口尧反。

【补注】先谦曰：《续志》，后汉省。《一统志》，故城今获鹿县北。今平山县治河，汉时分脉为大白渠，东南流至今获鹿县为斯洺水，又东至束鹿县，今湮。

【编者按】治今河北鹿泉市北。

中山国

中山国，

【补注】先谦曰：《滹水注》，《十三州志》云，中山治卢奴。《续志》，后汉治同。高帝郡，景帝三年为国。

【补注】先谦曰：封子靖王胜。全祖望云，故属代郡，高帝分置，属赵国。景帝二年别为国。宣帝五凤三年为郡。元帝永元元年复为国。

【编者按】志云中山高帝郡，不可信。中山国乃景帝三年六月分常山郡东部地置。全云故属代郡，大谬。中山与代郡毫不相干。又，成帝建始二年中山国又除为郡，阳朔二年复为国。莽曰常山。属冀州。

【颜注】应劭曰：中山，故国。

【补注】先谦曰：《续志》，后汉因。属同。

户十六万八百七十三，口六十六万八千八十。

县十四：

【补注】先谦曰：见《王子侯表》者，有柏畅县无考。

卢奴，

【颜注】应劭曰：卢水出右北平，东入河。

【补注】先谦曰：注右字衍，《水经注》可证。本秦县，灌婴降之，见本传。《续志》，后汉因。《滹水注》，滹水之右，卢水注之，水上承卢奴城内黑水池。《地理志》曰卢水出北平（案此以为班注）。疑为疏阔，阡陌、应劭之徒亦咸言是矣（案此言北平卢水不能至县）。余案城内西北隅有水，渊而不流，南北百步，东西百

余步，水色正黑，俗名曰黑水池。或曰，水黑曰卢，不流曰奴。故此城藉水以取名矣。池水东北，际水有汉中山王故宫处，台殿观榭，皆上国之制。简王尊贵，壮丽有加，始筑两城，开四门，穿北城，累石为宫，下通池，流于城中，东北注滹。《一统志》，故城今定州治。

【编者按】治今河北定州市。

北平，

【补注】先谦曰：赵简子筑北平距燕，见《赵世家》。高帝封张苍为侯国，见表。

徐水东至高阳入博。

【补注】先谦曰：《滹水注》，徐水自代广昌来，又迳北平县，又东南历石门中，其山上合下开，山开处高六丈，飞水历其间南出，乘崖倾洄，洩注七丈有余，东南出山，迳其城中。其水东流，别名顺水。又东迳蒲城北，又迳清苑城，又合卢水、曹水，下入涿樊舆。案志系徐水北平下，注更于广昌溯源也。《一统志》，徐河出易州五回岭，东南迳满城县北，又东迳清苑县北，又东迳安州，合清苑、石桥二河。

又有卢水，亦至高阳入河。

【补注】先谦曰：河当作博。《滹水注》，卢水出蒲城西，俗谓之泉头水也。《地理志》曰北平县有卢水，即是水也。东迳其城，又东南，左入徐水。《地理志》曰东至高阳入博，今不能也。《一统志》，清苑河出满城县，东南流迳保定府城南，又东与石桥河合，即古卢水也。

有铁官。莽曰善和。

【补注】先谦曰：后汉因。《续志》，有铁。《一统志》，故城在满城县西二里眺山下。

【编者按】治今河北满城县北。

北新成，

【补注】何焯曰：河南有新成，故此加北。先谦曰：志末论十二国分域，北新城属涿郡。

桑钦言易水出西北，东入滹。

【补注】先谦曰：《易水注》，南易水自涿容城来，水侧有浑堽城，易水迳其南，东合滹水，故桑钦曰，易水出北新成西北，东入滹。自下滹易互受通称矣。南易水下入涿易县。

莽曰朔平。

【补注】先谦曰：《续志》，后汉省。《一统志》，故城今安肃县西南二十里。

【编者按】治今河北徐水县西。

唐，

【补注】先谦曰：春秋燕别邑，见《左》昭传。《齐策》云，赵可取唐，即其地。

尧山在南。莽曰和亲。

【颜注】应劭曰：故尧国也。唐水在西。张晏曰：尧为唐侯，国于此。尧山在唐东北望都界。孟康曰：晋荀吴伐鲜虞，及中人，今中人亭是。

【补注】先谦曰：后汉因。《续志》，有中人亭，有左人乡也。《一统志》，故城今唐县东北。

【编者按】治河北今县东北。

深泽，

【补注】先谦曰：高帝封赵将夕为侯国，见表。又乘丘侯将夜《表》注深泽，盖析为乘丘县。

莽曰翼和。

【补注】先谦曰：《续志》，后汉省。《一统志》，故城今深泽县东南。《寰宇记》云，祁州深泽县南二十五里，有南深泽故城，以城名言之，则涿郡属县，以去国里数较近，则中山属县。余详涿郡下。

【编者按】治河北今县。

苦陉，

【补注】先谦曰：战国中山邑，入魏，见《说苑》。陈余游此，得公乘氏女，见《余传》。中山孝王后汤沐邑，见《平纪》。

莽曰北陉。

【颜注】应劭曰：章帝更名汉昌。陉音邢。

【补注】先谦曰：《续志》，后汉更名汉昌。《一统志》，故城今无极县东北。

【编者按】治今河北无极县东北。

安国，

【补注】先谦曰：高帝封王陵，成帝封赵共王子吉为侯国，见表。

莽曰兴睦。

【补注】先谦曰：《续志》，后汉因。《一统志》，故城今祁州南。

【编者按】治今河北安平县东北。

曲逆，

【补注】先谦曰：战国燕地，见《齐策》。一作曲吾，见《赵策》。高帝封陈平为侯国，见表。

蒲阳山，蒲水所出，东入濡。又有苏水，亦东入濡。莽曰顺平。

【颜注】张晏曰：濡水于城北曲而西流，故曰曲逆。章帝丑其名，改曰蒲阴，在蒲水之阴。师古曰：濡音乃官反。

【补注】先谦曰：《续志》，后汉更名蒲阴。有阳城。刘注，有阳安关。阳城蒲城山，蒲水出也。《滹水注》，蒲水出县西北蒲阳山，西南流，积水成渊，东西百步，南北百余步，深而不测，南迳阳安亭东，世俗名斯水为阳安圻。蒲水又东南历圻迳阳安关下，出关北流，又东迳夏屋故城，实中险绝。《纪年》魏赵伐燕还，取夏屋，城曲逆者也。蒲水又东南迳蒲阴县故城北，《地理志》曰县在蒲水之阴（此以张说为志文）。又合鱼水，东入濡，为蒲水口。苏水出县西南，近山东北流，迳尧姑亭南，又东迳其县入濡，故《地理志》曰，蒲水、苏水并从县东入濡也。濡水（此南濡）出蒲阴县西、昌安郭南，自源东迳其县故城南，枉渚回湍，率多曲复，亦谓之为曲逆水也。张晏云，濡水于城北曲而西流，是受此名，故县亦因水名而氏曲逆矣。濡水又东合苏水，又合蒲水，又东北迳乐城南，又东入博水。自下博水亦兼濡水通称矣。

先谦案，濡乃南濡也，北濡即北易，在今易州界。下流为定兴县之沙河，《明统志》溷为一。《一统志》，故城今完县东南。蒲水在县北，苏水在县西南。濡水自县发源，为祁水，东南流为方顺河，又东至清苑县南，为石桥河。蒲阳山在完县西北四十里，俗讹为白崖山。

【编者按】治今河北顺平县东南。

望都，

【补注】先谦曰：战国属赵，为庆都邑，秦始皇七年攻之，见《始皇纪》。

博水东至高阳入河。莽曰顺调。

【颜注】张晏曰：尧山在北，尧母庆都山在南，登尧山见都山，故以为名。

【补注】先谦曰：高阳，涿郡县。河当为滹。《续志》，后汉因。《滹水注》博水出望都县，东南流迳其县故城南，又东南潜入地下，又东南循滹，重源涌发，迳之梁亭南，又迳谷梁亭南，下入曲逆。《一统志》，故城今望都县西北三十里。博水今界河。

【编者按】治河北今县西北。

新市，

【颜注】应劭曰：鲜虞子国，今鲜虞亭是。

【补注】先谦曰：后汉因，《续志》，有鲜虞亭，故国，子姓。刘注，杜预云白狄别种。《一统志》，故城今新乐县西南四十五里新城镇。《河朔访古记》，县有蔺相如、廉颇、李牧宅。相如祖茔皆在城中。

【编者按】治今河北新乐市南。

新处，

【补注】先谦曰：武帝封中山靖王子嘉为侯国，表新作薪。又陆地侯义《表》注辛处，薪、辛皆通用字。据表，尝析为陆地县。《续志》，后汉省。《一统志》，故城今定州东北。

【编者按】治今河北定州市东北。

毋极，

【补注】先谦曰：《续志》，后汉因。《唐志》，县有无极山。《一统志》，故城今无极县西二十五里新城村。无极山在元氏县西，距县百六十余里。

【编者按】治河北天极县西。

陆成，

【补注】先谦曰：《续志》，后汉省，先谦案，《史表》作陆成，本表陆成，《田叔传》作陆成，《三国志·刘先主纪》作陆成。或先名陆成，后改陆成也。《一统志》，故城今蠡县南。

【编者按】治今河北蠡县南。

安险。莽曰宁险。

【颜注】应劭曰：章帝更名安惠。

【补注】宋祁曰：宁险，邵本作宁阴。先谦曰：武帝封中山靖王子应为侯国，见表。《续志》，后汉更名安惠。《滹水注》，滹水自唐来，东过安惠县南，县故安险也。其地临险，有井塗之难。《中山纪》云，县在唐水之曲，山高岸险，故曰安险。邑丰民安，改曰安惠。滹水下入卢奴。《一统志》，故城今定州东三十里。

【编者按】治今河北定州市东南。

信都国

信都国，

【补注】先谦曰：据《浊漳水注》，治信

都。《续志》，后汉治同。

景帝二年为广川国，宣帝甘露三年

复故。

【补注】先谦曰：《漳水注》，信都县，信都郡治也，汉高帝六年置。刘攽云，景帝前二年，初封王子彭祖为广川王，都信都；四年徙赵，国除为信都郡，中二年封皇子越为广川王，传国至王汝阳，废，当甘露四年也。《百官表》，成帝永始二年有信都太守，是广川削国除为信都郡矣。《后汉志》刘昭注云，安平故信都，高帝置。疑此信都下注当云，高帝置，景帝二年为广川国，宣帝甘露四年复故。又案志云，景帝增六郡，若信都高帝置，则不及此数。疑注当云，景帝前二年为广川国，四年为信都郡，中二年复为广川国，宣帝四年复故也。全祖望云，当云故属秦邯鄲郡，信都县是高帝置，郡则景帝置也。信都本秦县，项羽改襄国，高祖分之，仍置信都。《续志》殆误以置县为置郡也。元帝建始二年更为信都国，成帝阳朔二年复故，哀帝建平二年复为信都国。先谦案，《续志》赵国襄国下云，秦为信都，项羽更名。此县在今顺德府邢台县，与信都国距远，故钱坫以全说为非。然其言置县非置郡，则可从也。志文有夺误，三年当作四年。

【编者按】信都国沿革比较复杂，各家之说都有不足与错误之处，故补正如下：景帝二年，以广川郡置广川国，封亲子彭祖为广川王。广川国必定以汉郡置。因景帝子与赵王遂有亲疏之分，大小宗之别，故不得割赵地以封彭祖（这与文帝二年分封河间国情况不同，当时之河间王辟疆是赵王遂之弟，故可取赵之一郡以封之）。史籍虽未见有广川郡之记载，但可推知该郡为文帝十五年河间国除以后所分置。景帝五年，广川王彭祖徙赵，国

除为信都郡。中元二年复置广川国，立子越为广川惠王。宣帝本始四年，广川国除为郡；甘露四年，地节四年，复置广川国；广川国除为郡。元帝建昭二年，以广川郡置信都国，立子兴为信都王。成帝阳朔二年，信都王兴徙中山，国除为郡。哀帝建平二年复置信都国，直至西汉覆灭。

《汉志》信都属县十七，应表示元延绥和间信都郡（而不是信都国）之领域。《汉志》所以记为信都国者，因郡国名以元始二年户口籍为据，这个情况与广平国同。哀帝建平二年复置信都国后，《汉志》十七县中有六王子侯国当别属汉郡。故实际上元始二年之信都国至多只应有十一县之地，这样才能与六万五千户籍相对应。

莽曰新博。

【补注】吴卓信曰：《后书·李忠传》，王莽时为新博长。

属冀州。

【颜注】应劭曰：明帝更名乐安。安帝改曰安平。

【补注】先谦曰：《续志》安平国下刘注，故信都，明帝名乐成，延光元年改，仍属冀州，应说乐安，系乐成之误，《浊漳水注》，亦作乐成。

户六万五千五百五十六，口三十万四千三百八十四。

县十七：

【补注】先谦曰：见《王子侯表》者，有东襄县无考。国人泰恭，见《儒林传》。

信都，王都。

【补注】先谦曰：县见《五行志》。

故章河、故庠池皆在北，东入海。

【补注】先谦曰：《浊漳水》篇，漳水东北过扶柳县，又东北过信都西。注云，扶柳在信都西，漳水迳扶柳西，明漳不过信都西也。余见扶柳下，庠池水无考。陈澧云，庠池河自藁城至武邑，其间必过冀州北境，为汉信都北境矣。此故庠池之异者，盖于信都绝故大河而东出耳。故大河即汉世漳水之渚。《水经》漳水过信都，是故大河过信都也。故大河北流，故庠池东流，皆过信都，而故庠池东入海，其绝大河而东出明矣。志存古水道，故于其绝河东出之地著之，此似无可疑者。惟故章河即清浊二漳，至邺合流，而故大河在邺东，故章河至邺，必入故大河。邺县为今河南临漳县，北至冀州三百余里，故章河不得如故庠池，在信都绝河东出也，志以故章河、故庠池并言，今以故章河疑不能明，故于故庠池亦阙疑矣。《禹贡》绛水亦入海。

【补注】先谦曰：《浊漳水注》，绛水故渚自清河繇来，左迳安城南，故信都之安城乡也，下入辟阳。又自辟阳来，北迳信都城东，散入泽渚，西至于信都城东，连于广川县之张甲故渚，同归于海。故《地理志》曰，《禹贡》绛水在信都东入于海也。胡渭云，《汉志》杂采古记，故漳绛二水并存，实一川也。漳绛本入河，及河徙之后，漳绛循河故道而下，故道元云，水流间关，所在著称，信都复见绛名，而东入于海也。然《汉志》信都之绛水，则又有别。志云，故漳河在北，东入海，《禹贡》绛水亦入海。盖县北故漳，即禹河之故道，而绛水出其南，则漳水之徙流，道元所谓绛渚也，盖汉时信都之漳水，徙从其县南，故《地志》以此为绛水，而目县北之

渚曰故漳河，其后漳又复北道，故《水经》叙漳水，仍自信都西，东北过下博县。而道元云绛渚今无水，唐人遂谓之枯泽。《通典》云，清河郡经城县界有枯泽渠，北入信都郡界，是也。

《一统志》，绛水故道自顺德府广宗县流入冀州，迳南宫县北，又东北迳州城北，又东迳衡水县南，至武邑县界，合于漳水，亦名枯泽。旧《志》，今南宫县燕南有虹江，一曰牛口峪；又有破塘，在县东北二十里。疑即古泽水所经，今皆堙塞。莽曰新博亭。

【补注】先谦曰：后汉因。《续志》有绛水、呼沱河。《一统志》，故城今冀州治。

【编者按】治今河北冀州市。

历，莽曰历宁。

【补注】先谦曰：高帝封程黑为侯国，见表。《续志》，后汉省。《淇水注》，清河自广川来，东北迳历县故城南。应劭云，广川县西北三十里有历城亭，故县也。今亭在东如北水济，尚谓之历口渡，清河下入修。据应说，县省入广川。《一统志》，故城今故城县北。《括地志》，乐毅云故鼎返乎历室，即此。

【编者按】治今河北故城县北。

扶柳，

【颜注】师古曰：阡陌云，其地有扶泽，泽中多柳，故曰扶柳。

【补注】先谦曰：战国中山地，赵取之，见《国策》。高后封吕平为侯国，见表。《续志》，后汉因。《一统志》，故城今冀州西南六十里蒲笠城。

【编者按】治今河北冀州市西北。

辟阳，

【补注】先谦曰：高帝封审食其为侯国，见表。

莽曰乐信。

【颜注】师古曰：辟音珪璧。

【补注】先谦曰：官本作辟，音璧。《续志》，后汉省。《浊漳水注》，绛水故渎自信都来，东北迳辟阳亭。应劭云，广川县西南六十里有辟阳亭，故县也。绛渎下仍入信都。案据应说，县并入广川。《一统志》，故城今冀州东南三十里。

【编者按】治今河北枣强县西南。

南宫，

【补注】先谦曰：高后封张买为侯国，见表。

莽曰序下。

【补注】先谦曰：《续志》，后汉因。《浊漳水注》，衡漳故渎自巨鹿堂阳来，迳南宫县故城西，王莽之序中也（隋讳忠，当时改之），其水与隅酺通为衡津。《一统志》，故城今南宫县西北。

【编者按】治河北南宫市西。

下博，莽曰闰博。

【颜注】应劭曰：博水出中山望都，入河。

【补注】先谦曰：《续志》，后汉因。《浊漳水注》，衡漳自巨鹿鄯来，右迳下博县故城西。应劭云，太山有博，故此加下。先谦案，出望都入河之博水，与县无涉，应说误。《一统志》，故城今深州南。

【编者按】治今河北深州市东南。

武邑，莽曰顺桓。

【补注】先谦曰：《续志》，后汉因。《一统志》，故城今武邑县治。

【编者按】治河北今县。

观津，

【补注】先谦曰：战国魏地，齐宋败魏于此，见齐、魏《世家》。后人赵，以封乐毅，见《毅传》。

莽曰朔定亭。

【颜注】师古曰：观音工唤反。

【补注】先谦曰：《续志》，后汉因。《一统志》，故城今武邑县东南。

【编者按】治今河北武邑县东。

高隄，

【颜注】师古曰：堤音丁奚反。

【补注】先谦曰：《续志》，后汉省。《一统志》，故城今枣强县东。

【编者按】治今河北枣强县东北。

广川，

【颜注】师古曰：阌驷云，其县中有长河为流，故曰广川也。至隋仁寿元年，初立炀帝为皇太子，以避讳故，改为长河县，至今为名。

【补注】先谦曰：武帝封中山靖王子颇以为侯国，见表。县人董仲舒，见本传。孟但、段仲温、吕步舒，见《儒林传》。后汉改属清河。案长河即清河也。《一统志》，故城今枣强县东三十里。

【编者按】治今河北枣强县东北。

乐乡，侯国。

【补注】先谦曰：河间献王子佟国，宣帝封。

莽曰乐丘。

【补注】先谦曰：《续志》，后汉省。《一统志》，故城今深州东南，其乐毅后所封乐乡，在清苑县东南，见《漳水注》，地说家混而一之，非。

【编者按】治今河北深州市东。

平隄，侯国。

【补注】先谦曰：河间献王子招国，宣帝封。《续志》，后汉省。《一统志》故城今枣强县东。

【编者按】治今河北景县西南。

桃，[侯国]。

【补注】先谦曰：高帝封刘襄，元帝封广川缪王子良为侯国，见表。

【集释】钱大昕曰：志失注侯国。

莽曰桓分。

【补注】先谦曰：《续志》，后汉省。《一统志》，故城今冀州西北。

【编者按】治今河北衡水市西北。

西梁，侯国。

【补注】先谦曰：广川戴王子辟兵国，宣帝封。《续志》，后汉省。《浊漳水注》，衡漳自昌成来，北迳西梁县故城东。应劭云，扶柳县西北五十里有西梁城故县也。世以为五梁城，盖字状致谬，衡漳下入桃。先谦案，据应说，县并入扶柳。《一统志》，故城今束鹿县南六十里。

【编者按】乐乡、平堤、桃、西梁四侯国，表皆在巨鹿，说明这些侯国始封时均别

属巨鹿郡，后属信都郡。

治今河北辛集市南。

昌成，

【补注】先谦曰：战国赵地，燕拔之，见《赵世家》。

侯国。

【补注】先谦曰：广川缪王子元国，宣帝封。《浊漳水注》，衡漳自扶柳来，东北迳昌城县故城西。应劭云，堂阳县北三十里有昌城，故县也。衡漳下入西梁。《续志》，后汉改名阜城。《一统志》，故城今冀州西北。

【编者按】治今河北冀州市西北。

东昌，侯国。

【补注】先谦曰：清河纲王子成国，宣帝封。

莽曰田昌。

【补注】先谦曰：《续志》，后汉省。《一统志》，故城今武邑县东北。

【编者按】治今河北武邑县东北。

脩。莽曰脩治。

【颜注】师古曰：脩音条。

【补注】先谦曰：官本，治作治，是。案，脩县，《景纪》、《周亚夫传》作条，《晋志》作蓼，《魏志》作脩，高肇诸《传》仍作蓼，盖蓼脩通用。《续志》，后汉改属勃海。《一统志》，故城今景州南。

【编者按】治今河北景县南。

河间国

河间国，

【补注】先谦曰：《浊漳水注》，治乐成。《续志》，后汉治同。

故赵。

【补注】先谦曰：钱大昕曰：河间与真定、信都、广平皆故赵地，常山、中山虽为郡，仍属赵也。志或书或不书。周寿昌曰：高祖置河间郡。《功臣表》，张相如、赵衍俱为河间守，是也。

文帝二年别为国。

【补注】先谦曰：封赵幽王辟强。全祖望云，十五年复为郡，景帝二年复为国，元帝建昭元年复为郡，成帝建始元年复为国。

莽曰朔定。

【颜注】应劭曰：在两河之间。

【补注】何焯曰：两河，谓摩池河、摩池别河。先谦曰：《续志》，后汉为河间郡。属冀州，志失书。

户四万五千四十三，口十八万七千六百六十二。

县四：

乐成，摩池别水首受摩池河，东至东光入摩池河。

【补注】先谦曰：东光，勃海县。《浊漳水》篇，衡水东北至乐成陵县北别出（桓帝加陵字）。注云，衡水于县无别出之渚，出县北者，乃摩陀别水分摩陀故渚之所缠络也。衡水东分为二，左出为向氏

口，渚水自此决入也。先谦案，此志所云摩池别首受摩陀河者也。陈澧云，汉时摩池河西派过今直隶献县，又分一派，东流至东光县西北境入摩池河，东派也。今时摩池河至献县，分一派东流，盖其故渚。今又东北流至沧州，则与古异矣。

莽曰陆信。

【补注】先谦曰：《续志》，后汉因。《一统志》，故城今献县东南。

【编者按】治今河北献县东南。

候井，

【补注】先谦曰：《续志》，后汉省。《寰宇记》定远军东光县有候井城。候井，汉县也。旧地理书，并失其所在，以理推之，当在今弓高县西北三十五里房将池侧。旧传此池每日再增再减，疑其与海潜通，而池形窄小，有似于井，故以候井名其县，岁月既久，今其泉不复有增减之候矣。《一统志》，故城今东光县西。

【编者按】治今河北阜城县东北。

武隧，莽曰桓隧。

【颜注】师古曰：隧音遂。

【补注】先谦曰：《续志》，后汉改属安平，作武遂。《浊漳水注》，衡水自信都乐乡来，东北迳武邑郡南（后魏郡），又东迳武强县北（后魏县），又东北迳武隧县故城南。《史记》秦破赵将扈辄于武隧，斩首十万，即于此处也。又《易水注》，南易

水自涿故安来，东流屈迳长城西，又南迳武隧县南，新城县北。《史记》李牧伐燕取武隧方城，是也。俗谓是水为武隧津，津北对长城门，谓之汾门。《赵世家》，赵以龙兑、汾门与燕，燕以葛城、武阳与赵，是也。亦曰汾水门，又谓之梁门。下入涿范阳。《一统志》，故城今武强县东北沙窪村。

【编者按】治今河北武强县西北。

弓高。

【补注】先谦曰：文帝封韩贲当为侯国，见表。

庾池别河首受庾池河，东至平舒入海。

【补注】齐召南曰：平舒上脱东字。东平舒，勃海县。但曰平舒，则疑代郡之平

舒矣。先谦曰：此又一庾池别河也，与上至东光仍出庾池者不同。陈澧云，汉时庾池河至今直隶阜城县又分一派，在正流二派之东也。志言庾池河至参户入此水，是此水自今阜城县东北流过青县（汉参户）。今漳水东北流，一派过阜城至青县，盖其故渎，又自青县绝河而东，至静海县入海，今湮。庾池河二派，又有此别河，则为三派。志言滹河至文安入河，则庾池至文安一派与滹河相近，而参户一派在其东。参户一派东入别河，则别河更在东也。

莽曰乐成。

【补注】先谦曰：《续志》，后汉因。《一统志》，故城今阜城县西南。其东光县西之弓高故县，隋改置。

【编者按】治今河北阜城县南。

广阳国

广阳国，

【补注】全祖望曰：《漾水注》，秦始皇二十一年灭燕以为广阳郡。案渔阳、上谷、右北平、辽东、辽西五郡，皆燕所置，以防边也。渔阳四郡在东，上郡在西，而其国都不与焉。自蓟至涿，三十余城，始皇无不置郡之理，亦无反并内地于边郡之理。且始皇并六国，其国都如赵之邯郸，魏之邲，楚之江陵，陈之九江，齐之临淄，无不置郡，何以燕独无之？道元之言，当必有据。志以为昭帝始改，殆考之未详欤。顾炎武主《汉志》以驳《水经》，予则谓《汉

志》明失黔中、楚郡，安保其不失广阳，而广阳之为秦郡，又以例推之而可信者。或曰：然则三十六郡多其一矣。曰吾固尝以九原不当在三十六郡之内，则进广阳以足之，而退九原于南海四郡之列，所谓三十六郡者吻合矣。先谦曰：据《五行志》，燕王都蓟，广阳盖仍之。《续志》，后汉治蓟。

高帝燕国，昭帝元凤元年为广阳郡，

【补注】先谦曰：高帝时，燕王臧荼、卢绾，帝子灵王建。建死，吕后立敬王泽。

泽孙定国有罪自杀，武帝立子刺王旦，谋反诛，国除为郡。全祖望云，楚汉之际为燕国；高帝六年属汉，仍为燕国；武帝元朔二年为燕郡（见《徐乐传》），元狩二年为国；昭帝为广阳郡。

【编者按】吕后八年十月立吕通为燕王，不及一年而诛。文帝元年琅邪王刘泽徙燕，是为敬王。先谦以为吕后立敬王泽，误。全祖望所叙沿革应更正如下：武帝元朔元年为燕郡，元狩六年为国。宣帝本始元年更为国。

【补注】先谦曰：立刺王子建。

莽曰广有。

【补注】先谦曰：《续志》，后汉为广阳郡。属幽州，志失书。

户二万七百四十，口七万六百五十八。

县四：

蓟，

【补注】先谦曰：《乐记》，武王封黄帝之后于蓟（《周纪》云，帝尧之后）。《说文》云，封于鄆，读若蓟。上谷有鄆县。是鄆即蓟也，上谷当是误文。本志，蓟南通齐赵勃碣之间，一都会也。《漂水注》，城内西北隅有蓟丘，因丘以名邑也。犹鲁之曲阜，齐之营丘矣。

故燕国，召公所封。

【补注】先谦曰：《燕世家》，召公奭与周同姓，武王封于北燕。盖燕蓟各一国，后

并徙都之。燕王喜时，秦拔蓟，见《燕世家》。

莽曰伐戎。

【补注】先谦曰：《续志》，后汉因。《一统志》，故城今顺天府大兴县西南。蓟丘在宛平县北。

【编者按】治今北京市。

方城，

【补注】先谦曰：战国燕地，赵拔之，见燕、赵《世家》。后汉改属涿。《一统志》，故城今固安县西南方城村。

【编者按】治今河北固安县西南。

广阳，

【补注】先谦曰：《续志》，后汉因。《漂水注》，漂水自涿良乡来，东迳广阳故城北，谓之小广阳。漂水下入蓟。《一统志》，故城今良乡县东北十里。

【编者按】治今北京市西南。

阴乡。莽曰阴烦。

【补注】先谦曰：《续志》，后汉省。《寰宇记》，旧失所在，盖在今蓟县南界、良乡东界、固安北界三县交入之地。《一统志》，故城今宛平县西南。《纪要》，二十五里笼火城。唐武德三年窦建德将高士兴退军笼火城，是也。

【编者按】治今北京市西南。

菑川国

菑川国，

【补注】先谦曰：阎若璩云，国治剧县。先谦案，此据《巨野水注》所叙推之，别无证据。

故齐，

【补注】先谦曰：言故齐者，悼惠王封国。

文帝十(八)[六]年别为国。

【补注】先谦曰：封悼惠王子贤。王念孙云，十八年当为十六年。《巨野水注》作十八年，则善长所见本已误。《高五王传》，齐、济北、菑川、胶东、胶西、济南，孝文十六年同日立。《诸侯王表》及《史记·汉兴以来诸侯表》、《齐悼惠王世家》并同。《汉纪》亦同。全祖望云，景帝二年为郡，四年复为国。武帝时其地多并入北海，而割临菑之东予之。

【编者按】景帝三年菑川王贤反诛，济北王徙为菑川懿王。并非二年为郡，四年复为国。武帝元朔二年，因齐国除为郡，故将临淄县东环齐悼惠王冢园割界菑川国，以奉祭祀。并非因菑川国地并入北海之故，全说无。

后并北海。

【补注】刘敞曰：案菑川于汉俱不见并北海时，至建武年，乃省菑川入北海耳。先谦曰：《续志》北海国下刘注，建武十三年省菑川国，以其县属。先谦案，后并北海四字，不合志例，非班语。高密、胶东二国俱并北海，而志不书，知此为后人窜

入也。

户五万二百八十九，口二十二万七千三十一。

县三：

【补注】钱大昕曰：《史记·平津侯传》称齐菑川薛县人，《汉书》同。是汉初菑川与鲁俱有薛县，其后并省，班志据元成以后版籍，故菑川无薛。徐松曰：菑川始立国恐不止领县三，传称武帝为悼惠王冢园在齐，乃割临菑东圈悼惠王冢园邑，尽以予菑川，薛初属楚，故为薛郡，不止一县地，实临菑东境也。宣帝五凤中，王终古有罪，诏削四县，若止领县三，何足当削，此恐薛先为所属，削后移属之也。先谦曰：国人公孙弘，见本传。杨何、长孙顺、任公，见《儒林传》。

【编者按】菑川国武帝元朔二年以前领域颇大，元朔二年以后陆续分封二十一个王子侯国别属北海等郡，宣帝时又削四县(薛县或在其中)，版图方才缩小到三县之地。汉初菑川薛县与属楚之薛郡毫不相干，徐说混二为一，大谬。

剧，

【补注】先谦曰：此与北海之剧即一地，彼是侯国，此为县治，汉世县与侯国分治，仍各自为县者，二剧、二东安，是也。其侯国在县内，仍各自为城治者。《淇水注》，清河先迳修县故城，后迳修国故城，是也(赵一清疑修国为误字，非)。迨后

汉，留川并入北海，则留川之剧转为北海郡治。

义山，蕤水所出，北至寿光入海。

【补注】先谦曰：《巨洋水注》，尧水出剧县南角崩山，即故义山也。俗人以其山角若崩，因名为角崩山，亦名为角林山。水即蕤水矣。《地理志》曰，剧县有义山，蕤水所出也。北迳嵎山东，俗亦名为青山矣。蕤水下入北海寿光。

莽曰俞。

【颜注】应劭曰：故肥国，今肥亭是。

【补注】先谦曰：注两肥字，皆纪之误。后汉属北海。《续志》，有纪亭，故纪国。《巨洋水注》，巨洋水自齐临朐来，东北合康浪水，又迳剧县故城西。古纪国也，后改曰剧。故鲁连子曰：胸剧之人辨者也。巨洋水下入北海。《纪要》，故城在寿光县东南。

【集释】杨树达曰：《齐鲁封泥集存》有勳丞之印，周明泰《续封泥考略》卷四有勳丞印，字皆从力，不从刀。《地志》此文及前北海郡剧侯国皆从刀作剧。按《说文》有劇无剧，从刀乃从力之误写也。

【编者按】治今山东寿光市南。

东安平，

【补注】先谦曰：春秋纪鄆邑，见《左》庄三年传注。战国齐田常自安平以东至琅

邪为封邑，见《田齐世家》。田单封此，见《单传》。后汉属北海。《续志》有鄆亭。《一统志》，故城今临淄县东十里。

菟头山，女水出，东北至临留入巨定。

【颜注】孟康曰：纪季以鄆入于齐，今鄆亭是也。师古曰：阌驷云，博陵有安平，故此加东。鄆音攢。

【补注】钱坫曰：阌说非也，千乘有安平耳。先谦曰：临留，齐郡县。《巨洋水注》，女水出东安平县菟头山，东北流，甚有神焉。化隆则水生，政薄则津竭。东北流迳东安平县故城南。《续述征记》云，女水至安平城南，伏流十五里，然后更流，北注阳水城，故鄆亭也。又迳东安平城东，下入齐临淄。《一统志》，菟头山在今临淄县东南十五里。女水出，东北至乐安县界，入北阳水。《晋地道记》作羌头山。《括地志》，一名鼎足山，一名牛首冈。

【编者按】治今山东淄博市东。

楼乡。

【补注】钱坫曰：今青州府诸城县西南有楼乡。《水经注》渭水所迳者也，去此远，疑非是。先谦曰：《续志》，后汉省。

【编者按】治所当在今山东寿光市西。

胶东国

胶东国，

【补注】先谦曰：都即墨，见《项羽传》。

故齐，高帝元年别为国，五月复属齐国，

【补注】先谦曰：项羽徙齐王田市为胶东王，见《羽传》。田荣击破市，属齐。全祖望云，属秦琅邪郡，楚汉之际属齐国，寻别为胶东国，五月复属齐国，因置郡。高帝四年属汉，仍属齐国。

【集释】谭其骧曰：胶东秦郡，分琅邪置。《项羽本纪》、《田儋列传》，徙齐王田市更王胶东。姚氏鼎曰，此或秦置郡，或楚汉置郡，举未可知。按项羽封建诸王，率因秦郡之旧，则以秦置为是。（见《秦郡新考》）

文帝十六年复为国。

【补注】先谦曰：封悼惠王子雄渠，十一年反诛；景帝四年立武帝，四年人为皇太子；中二年立康王寄。

【编者按】高帝六年，胶东为齐悼惠王国七郡之一。文帝十五年，齐国除，胶东为汉郡；十六年才复置国。

莽曰郁秩。

【补注】先谦曰：《续志》北海郡下云，建武十三年省胶东国，以其县属。

户七万二千二，口三十二万三千三百三十一。

县八：

【补注】先谦曰：国人庸生，见《儒林传》。

即墨，

【补注】先谦曰：战国齐地，见《田齐世家》，苏秦、田单《传》。

有天室山祠。

【补注】先谦曰：宣帝置。《郊祀志》作太室。《一统志》，天室山在今即墨县西

南三十里。

莽曰即善。

【补注】先谦曰：后汉属北海。《一统志》，故城今平度州东南，俗名康王城。

【编者按】治今山东平度市东南。

昌武，

【补注】先谦曰：高帝封单究为侯国，见表。《续志》，后汉省。

【集释】陈直曰：《善斋吉金录·玺印录》卷中，有“昌武君印”，为秦代制作，则昌武亦为秦代旧县。

【编者按】今地无考。

下密，有三石山祠。

【颜注】应劭曰：密水出高密。

【补注】先谦曰：《续志》，后汉属北海。《潍水注》，潍水自北海密乡来，东北迳下密县故城西，城东有密阜。案应劭云，密者，水名。是有下密之称，俗以之名阜，非也。潍水下入北海都昌。先谦案，密水入潍，潍亦兼密通称，故下密得蒙密水之目。祠宣帝置，石当为户，见《郊祀志》。《潍水注》同。《魏地形志》，即墨县有三户山，今讹为三固山，固又户之音变字。《一统志》，故城今昌邑县东，其潍县界二下密县，皆隋徙置。三户山在今平度州西南七十里。

【编者按】治今山东昌邑市东。

壮武，

【补注】先谦曰：文帝封宋昌为侯国，见表。

莽曰晓武。

【补注】先谦曰：后汉属北海。《续志》，

安帝复。刘注，故夷国。《左传》，纪伐夷。《纪要》，故城今即墨县西。

【编者按】治今山东即墨市西。

郁秩，有铁官。

【补注】先谦曰：《续志》，后汉省。《一统志》，故城今平度州治。

【编者按】治今山东平度市。

挺，

【颜注】师古曰：挺音徒鼎反。

【补注】先谦曰：《续志》，后汉误拒，属北海，详《续志》。《一统志》，故城今莱阳县南七里。

【集释】陈直曰：《汉印文字征》第六，有

“挺丞”及“挺县左执奸”印（疑为王莽时制作），挺字皆从木不从手，当以印文为正。

【编者按】治今山东莱阳市南。

观阳，

【颜注】应劭曰：在观水之阳。师古曰：观音工唤反。

【补注】先谦曰：《续志》，后汉属北海。《一统志》，故城今莱阳县东七十里。

【编者按】治今山东莱阳市东。

邹卢。莽曰始斯。

【补注】先谦曰：《续志》，后汉省。

【编者按】治今山东莱西市东北。

高密国

高密国，

【补注】先谦曰：据《潍水注》，国治高密。

故齐，文帝十六年别为胶西国，

【补注】先谦曰：封悼惠王子卬，十一年反诛。景帝三年立子端，元封三年薨，国除。全祖望云，故属秦琅邪郡，楚汉之际属齐国，分置胶西郡；高帝四年属汉，仍属齐国，文帝为胶西国。景帝二年为郡，三年复为国，武帝元封三年为郡。

【编者按】楚汉之际未置立新郡，率因秦郡之旧。胶西之名始见于高帝六年，为悼惠王齐国七支郡之一，当由高帝五年之琅邪郡析置。文帝十五年，齐国

除，胶西郡属汉。十六年置国。景帝三年更立胶西王，并无二年为郡，三年复为国之事（二年胶西国只是削县并未除国），全说误。

宣帝本始元年更为高密国。

【补注】先谦曰：立广陵王胥子宏。《续志》北海国下刘注，建武十三年省高密国，以其县属。

户四万五百三十一，口十九万二千五百三十六。

县五：

高密，莽曰章牟。

【补注】先谦曰：《续志》，后汉属北海。

《潍水注》，潍水自琅邪平昌来，北过高密县西。应劭云，县有密水，故有高密之名，今所谓百尺水，盖密水也。《一统志》，故城今高密县西南。密水自诸城县流入潍。

【编者按】治今山东高密市西南。

昌安，

【补注】先谦曰：《续志》，后汉属北海。《一统志》，故城今安丘县治。

【编者按】治今山东安丘市东南。

石泉，莽曰养信。

【补注】先谦曰：《续志》，后汉省。《潍水注》，潍水自琅邪东武来，北迳石泉县故城西。应劭云，平昌县东南四十里有

石泉亭，故县也。下入琅邪平昌。先谦案，据应说，县并入平昌。《一统志》，故城今诸城县东北。《寰宇记》谓在安邱西南者，乃误指平昌故城。

【编者按】治今山东诸城市北。

夷安，莽曰原亭。

【颜注】应劭曰：故莱夷维邑。

【补注】先谦曰：《续志》，后汉属北海。《一统志》，故城今高密县治。

【编者按】治今山东高密市。

成乡。莽曰顺成。

【补注】先谦曰：北海亦有成乡。《续志》，后汉并省。

【编者按】治今山东安丘市东北。

城阳国

城阳国，

【补注】先谦曰：战国齐地。襄王遭淖齿之难，走城阳山中，见《国策》。韩信追田广至此，田横击项羽于此，见信、横《传》。官本城作成，《考证》云，案当作城阳国，宋本误也。先谦案，据《沐水注》，国治莒。

故齐。文帝二年别为国。

【补注】先谦曰：封悼惠王子章。全祖望云，本秦琅邪郡。楚汉之际属齐国，分置郡。高帝四年属汉，仍属齐国。惠帝元年为鲁元公主汤沐邑，属鲁国。文帝元年复属齐国，二年别为国，八年复

为郡属齐国（城阳王徙淮南，后以城阳郡予齐，见《史记·诸侯王表》），十二年复为国。成帝鸿嘉三年复为郡，永始元年复为国。

【编者按】城阳亦齐悼惠王国七支郡之一，当是高帝所分置，并非楚汉之际郡名。又，城阳王喜徙淮南在文帝十一年，复王城阳在十六年，全作八年与十二年，误。据《诸侯王表》，鸿嘉二年哀王云嗣，一年薨，无后，永始元年王偃以云弟绍封。则鸿嘉四年前后，城阳王出现空缺，但城阳国似乎并未国除为郡，全说似未有据。

莽曰莒陵。属兖州。

【补注】先谦曰：《续志》琅邪国下刘注，建武中省城阳国，以其县属。后汉琅邪属徐州。

户五万六千六百四十二，口二十万五千七百八十四。

县四：

莒，故国，盈姓，三十世为楚所灭。少昊后。

【补注】陈奂曰：少昊后三字，当在故国之下。下文淮阳国陈，故国，舜后；东平国任城，故任国，太昊后。是其例也。先谦曰：少昊后三字，在三十世为楚所灭之下，文义不顺，陈说是也。惟或在故国下，或在盈姓下，则不可定耳。《沐水注》引《地理志》曰，莒子之国，盈姓也，少昊后。文略有增易，据此，则三字似在盈姓下矣。盈嬴同字，《春秋世族谱》作嬴姓，《正义》引《世本》作己姓，为异。楚简王灭莒，见《楚世家》。

【集释】杨树达曰：《齐鲁封泥集存》及周明泰《再续封泥考略》并有筭丞之印，字从竹作筭。

有铁官。莽曰莒陵。

【补注】先谦曰：后汉属琅邪。《续志》，有铁，有峥嵘谷。先谦案，有鼓里，见《齐策》。国人衡胡，见《儒林传》。《沐水注》，沐水自琅邪东莞来，东南过莒县东，其城三重，并悉崇峻，惟南开一门，内城方十二里，郭周四十许里，始皇县之。《一统志》，故城今沂州府莒州治。

【编者按】治山东今县。

阳都，

【颜注】应劭曰：齐人迁阳，故阳国是。

【补注】先谦曰：高帝封丁复，宣帝封张彭祖为侯国，见表。后汉属琅邪。《一统志》，故城今沂水县南。

【编者按】治今山东沂南县南。

东安，

【补注】先谦曰：《续志》，后汉属琅邪。《一统志》，故城今沂水县南三十里。钱坫云，东海亦有此县，疑一地也。今沂水县与海州壤境，南北相接。先谦案，钱说是也。东海侯国，此为县治，不妨接壤，与甯川、北海二剧同。

【编者按】治今山东沂水县南。

虑。

【补注】王念孙曰：虑当为卢字之误，《沂水注》可证。全祖望云，今本《汉书》卢作虑，虑有卢音，如昌虑、取虑之类。案全说非也。虑字虽有卢音，而古书卢字无通作虑者。若卢通作虑，则注当云虑音卢，今注内无音，则本是卢字明矣。莽曰著善。

【补注】先谦曰：《续志》，后汉省。《沂水注》，卢川水出鹿岭山，东南流，左则二川臻凑，右有诸葛泉源，乱流迳城阳之卢县，故盖县（属泰山郡）之上里也。武帝封城阳共王子犛为侯国，卢水又入桑泉水（见泰山蒙阴）先谦案，表作雷侯犛，卢雷通用，益证县字当为卢，若是虑字，无缘与雷通也。《一统志》，故城今沂水县西南。

【编者按】治今山东沂水县西。

淮阳国

淮阳国

【补注】先谦曰：据《渠水注》，国治陈县。《续志》，后汉治同。《晋志》，汉分颍川立淮阳郡。全祖望云，淮阳是陈，陈乃楚地，安得云属颍川，盖因汉初韩王信兼有淮阳而误。先谦案，此因《高纪》罢颍川郡颇益淮阳误也。

高帝十一年置。

【补注】先谦曰：封子友。全祖望云，故属秦楚郡，楚汉之际属楚国，六年置淮阳郡，十一年为国。先谦案，惠帝元年友徙赵，国为郡，高后元年复为国，立强及武，文帝诛武，复为郡；五年徙子武淮阳，十年徙梁，复为郡；景帝二年立子余，二（三之误刊—编者按）年徙鲁，又为郡；宣帝元康三年立子钦。

【编者按】秦有陈郡，即全祖望以为楚郡者，于《汉志》相当于淮阳国、汝南郡之和。陈郡本韩信楚国地，韩信国除以后，高帝开复东海，分淮水以东地置东阳郡，以淮东之东阳、鄆郡、吴郡置荆国，以淮西之薛郡、彭城、东海封楚元王，以淮北陈郡自属，至十一年遂以之置淮阳国。又，文帝四年徙子武王淮阳，不是五年；十二年又徙梁，不是十年，先谦误。

莽曰新平。属兖州。

【颜注】孟康曰：孝明帝更名陈国。

【补注】先谦曰：《续志》陈国下刘注，高帝置为淮阳。章和二年改属豫州。

户十三万五千五百四十四，口九十八万一千四百二十三。

县九：

【补注】先谦曰：国人冷丰，见《儒林传》。

【编者按】居延汉简屡见淮阳郡长平之名，长平县于《汉志》属汝南，由汉简知其本属淮阳郡。长平改属汝南当在宣帝淮阳复置国时，因为此后淮阳未再为郡。又，居延汉简又有“田卒淮阳郡器堂邑里上造赵胜”名籍，本志并无器县，或因志脱裁，或因省并，今已不得其详。

陈，

【补注】先谦曰：秦楚郡治陈，故《陈涉世家》陈守、令并称。亦见张耳、陈余《传》。县人郑当时，见本传。

故国，舜后，胡公所封，为楚所灭。

【补注】先谦曰：胡公封此，见《陈世家》。楚惠王使公孙朝灭陈，见《左》哀十七年传。

楚顷襄王自郢徙此。

【补注】先谦曰：二十一年，为秦白起所迫，徙都，见《楚世家》。《沙水注》，文颖以为西楚，三楚斯其一焉。始皇灭楚后，游焉，见《始皇纪》。

莽曰陈陵。

【补注】先谦曰：《续志》，后汉属陈。《渠水注》，渠水即沙水，自汝南长平来，

东南迳陈城北，故陈国也，伏羲神农并都之。城之东门内有池，《诗》所谓东门之池也。城南郭里又有一城，名曰淮阳城，子产所置也。《一统志》，故城今陈州府淮宁县治。

【编者按】治今河南淮阳县。

苦，

【补注】先谦曰：春秋楚县，见《老子传》。秦因之，陈涉将葛婴攻下之，见《涉传》。

莽曰赖陵。

【颜注】师古曰：《晋太康地记》云，城东有赖乡祠，老子所生地。

【补注】先谦曰：后汉属陈。《续志》，春秋时曰相，有赖乡。刘注，《古史考》云，曲仁里，老子里也。先谦案，赖乡即《史记》厉乡，厉赖古通，莽氏县以此。《阴沟水注》，澚水自陈留襄邑来，东迳苦县西南，分为二水，枝流东北注于赖城入谷水，为死澚也。澚水又东南屈迳苦县故城南，又东北屈，至赖乡西，合谷水，又北迳老子庙东，又屈东迳相县故城南，其城卑小实中。边韶《老子碑》，老子楚相县人也。相县虚荒，今属苦，故城犹存，在赖乡之东。澚水处其阳，疑即此城也。澚水下入沛郡譙。先谦案，此战国以前之相，非汉沛郡相县也。故边云，今属苦，沛郡之相，为睢水所经，与苦县地中隔涣水，非澚水所能至也。《一统志》，故城今鹿邑县东十里，相城在县东十五里。

【编者按】治今河南鹿邑县。

阳夏，

【颜注】应劭曰：夏音贾。

【补注】先谦曰：秦县，县人吴广，见《始皇纪》。高帝追项羽至此，见《羽传》。高帝封陈豨为侯国，见表。县人黄霸，见《循吏传》，彭宣，见本传。后汉属陈。《一统志》，故城今太康县治。

【编者按】治今河南太康县。

宁平，

【补注】先谦曰：《续志》，后汉属陈。《一统志》，故城今鹿邑县西南五十里。

【编者按】治今河南郸城县东。

扶沟，涡水首受狼汤渠，东至向入淮，

【补注】先谦曰：向，沛郡县。涡，《说文》、《水经注》并作澚，字同。《阴沟水》篇，阴沟水东南至沛，为澚水。注云，阴沟水自陈留浚仪来，始乱菰荡，终别于沙，而澚水出焉。澚水受沙水于扶沟县。许慎云，澚水首受扶沟县菰荡渠，不得至沛方为澚水也。《尔雅》曰，澚为洧。郭璞云，大水洑为小水也。吕忱云，洧，澚水也。澚水迳大扶城西，下入阳夏。《一统志》，澚水在今扶沟县东，即蔡水分流。

过郡三，

【补注】先谦曰：河南、淮阳、沛。

行千里。

【颜注】师古曰：狼音浪。汤音徒浪反。涡音戈，又音瓜。

【补注】先谦曰：《续志》，后汉改属陈留。《一统志》，故城今扶沟县东北五十里。

【编者按】治河南今县东北。

固始，

【补注】师古曰：本名浸丘，楚令尹孙叔敖所封地。

【补注】先谦曰：据《高纪》晋灼注，固陵即固始。此班志之固始也。其世祖更名之固始，自属汝南浸。周寿昌云，浸下注引应劭云，孙叔敖子所邑之浸丘，是也。世祖更名固始。《续志》，固始，侯国。故浸也。光武中兴，更名。《汝水注》，汝水别渚又东迳固始县故城北，《地理志》云，县，故浸也。浸丘在南，故藉丘以名县矣。城北又有孙叔敖碑，建武二年，司空李通，又慕叔敖受邑，光武嘉之，更名固始。兹淮阳国下已有固始，志文亦无县故浸也四字。盖县境实与汝南之浸接壤，光武并固始入于阳夏，而以汝南之浸为固始，故东汉但有固始，无浸县也。先谦案，《续志》自注，阳夏有固陵聚，合之晋注，足为前汉并入阳夏之确证，周说是也。高帝击楚，军至固陵，见《羽传》。《史记》作故陵。《一统志》，固始故城今淮宁县西北固陵聚，在太康县西。

【编者按】治今河南淮阳县西北。

圉，[莽曰益岁]。

【补注】王念孙曰：《王莽传》，其以益岁以南付新平。苏林云，陈留圉县，莽改曰益岁。然则圉县下当脱莽曰益岁四字。先谦曰：春秋郑地，见《左》昭传。战国入魏。《楚世家》云，射圉之东江喜，为嗇夫，见《侯表》。《续志》，后汉改属陈留。《一统志》，故城今杞县南南圉镇。

【编者按】治今河南杞县南。

新平，

【补注】先谦曰：高帝时，杜恬先为信平侯，又封张偃，并见表。信新同字。《续志》，后汉属陈。《一统志》，故城今淮宁县东北。

【编者按】治今河南淮阳县东北。

柘。

【补注】先谦曰：春秋陈国株邑，见《元和志》。秦县，葛婴攻下之，见《陈涉传》。灌婴击破柘公军于此，见《婴传》。《续志》，后汉因。《一统志》，故城今柘城县北。《寰宇记》，县有柘沟，故以为名。

【编者按】治今河南柘城县北。

梁国

梁国，

【补注】阎若璩曰：秦碭郡治碭县，故沛公军碭，遂以沛公为碭郡长。长即守

也。汉改为梁国，治睢阳。又曰，梁国不治碭县，而治睢阳，以《梁孝王武传》知之。吴楚七国反，梁王城守睢阳，后

广睢阳城七十里,大治宫室,王国以内史治其民,而梁内史韩安国从王于睢阳,非以睢阳为治而何,王鸣盛曰:贾谊请徙代王都睢阳,代王即孝王武,后果徙王梁,如谊策,睢阳为梁都甚明,志乃居末,此国至元始方除,盖始终都睢阳,而志以居末,可见王国都不必定首县,举一可知其余。先谦曰:据《睢水注》,梁国治睢阳。《续志》,后汉治下邑。

【集释】严耕望曰:全祖望云,《地志》之首县,于郡为治,于国为都,是定例也。然亦偶有不同者,梁都睢阳而列于八城之末,反首碭,盖梁故秦之碭郡也,碭郡始治碭,改而为梁国,则都睢阳,孟坚或仍秦地图之旧未及戴正耳。耕望按,据《梁孝王武传》,孝王薨,分为五国,长子买仍王梁,是为恭王。买子梁平王襄仍居睢阳,五传至王立,当成帝时仍都睢阳。阎及二王诸人所持首县非必郡治之新说,其证据以梁都睢阳最为坚强有力,盖成帝至平帝,时代已甚接近也。全祖望本持旧说者,至此亦不能自坚,而以“或仍秦地图”为解,实则汉自有版图地图,司空掌之,为班志所凭藉,断不复仍秦图之旧。考《获水注》,“获水又东迳碭县故城北。应劭曰,县有碭山,山在东,出文石,秦主碭郡盖取山之名也。山有梁孝王墓,其冢塹山作郭,穿石为藏,行一里到藏。”又《续志》惠氏补注引《曹瞒列传》云,“引兵入碭,发孝王冢,破棺收金宝万觔。”是碭不但为大县,为秦碭郡所治,且亦为梁国始祖宗庙所在也。又检《孝王传》,梁分为五后,一传至王襄,有罪削五县,尚有八县,又五传至王立,仍都睢阳,然屡削户数。至成帝元延中,复削

立五县,只得三县矣。至哀(应作平—编者按)帝元始中废为庶人。后二年,又立孝王玄孙之曾孙音为梁王,盖还后削五县,故《地志》仍为八县也。据杨《图》,梁国地形,东西两头广大,中间狭仄(中为沛郡之祁方县所扼),如药葫芦形,西部五县,睢阳其一,东部三县,碭县其一,碭与睢阳之间有下邑、虞、蒙三县,则王立末年仅有三县时必不能兼有碭及睢阳也。然碭县为梁之始祖墓冢所在,既与立国,似不宜割隶他郡,盖即其时尽削西部五县,徙都碭县,以就祖墓宗庙欤?且立甚刚戾,其得众罪,始于永始中“对外家(王氏)怨望有恶言”。故元延中削五县,有三县,至元始中为王莽所奏废,亦“坐与平帝外家中山卫氏交通”之故。故自始即以不满王氏擅权而得罪,其他罪名皆莫须有也。睢阳为关东有数之大城,军事之重镇,王氏窃权,自不乐为刚戾不驯且素不满王氏者所居,故以东就孝王塚墓为名,徙都碭县,而收睢阳以益邻郡耳。故据《孝王传》,虽成帝时梁国仍都睢阳,仍不能以概平帝元始时之版图也。

【编者按】梁国于成帝元延中削五县,所余仅三县。此时迁都自睢阳至碭,完全有可能。汉初诸侯王权势极大,自立宗庙,自行纪年,自任百官。景武以后诸侯王虽日见衰微,但对宗庙冢墓仍极重视。故齐国废为郡,齐悼惠王冢园须割畀留川国(为悼惠王子之一贤国)以存奉祀。常山王勃废,而仍以原常山国部分地置真定国,王勃之弟,亦为继常山之祀。故梁国八县削去大半时,若国都与碭县不能两全,则必留碭县而去国都也,因都可迁而冢不可移也。然而

《汉志》梁国仍有八县，显见是成帝元延中未削五县以前之版图，则其时国都仍在睢阳，而志不首书睢阳而首书碭，这只能有两种解释，一是班志确不以首书之县为郡治或国都；二是错简，睢阳应首书而误置之于末。至于严说元始五年还梁王音所削五县，乃无根据之臆想。且《汉志》各郡国版图乃元延绥和之际的反映（梁国为元延中未削五县前之情势，中山国十四县则绥和元年领域，参见《西汉政区地理》引论三节），郡国户口籍则迟至以元始二年之版籍为据，即使还梁五县之事真有，也在《汉志》不载之列了（元始二年四月所封之广德、广世、广宗三王国已不见于《汉志》）。

故秦碭郡，

【补注】先谦曰：《睢水注》，秦始皇二十二年为碭郡，高帝尝为碭郡长。

高帝五年为梁国。

【补注】先谦曰：王彭越。全祖望云，楚汉之际属楚国，高帝五年属汉，王越。六年尚为碭郡，封楚王。是汉初仍有碭郡之名，且分属楚。十一年越反，诛。十一年立子恢，高后七年徙恢王赵。文帝元年为郡，二年立子揖，十年立子淮阳王武。平帝元始三年嗣王以罪死，为郡；五年封孝王玄孙之曾孙音为国。案《水经注》汧水、获水、睢水三篇，俱称为梁郡。本书《王莽传》，陈定故梁郡，殆莽时国废为郡也。《高纪》十一年，罢东郡颇益梁国。《孝王传》，梁为大国，四十余城，多大县。景帝封孝王子五人为王，太子买嗣梁，次子明王济川，济川即陈留郡。《水经注》引应劭云，今陈留济阳县。是必初为济川国，武帝建元三年

国除始改陈留郡也。彭离王济东，武帝元年王以罪废，国除为大河郡，即东平国也。定王山阳，不识王济阴，皆以无子国除为郡。传所云分梁为五国也。梁国初建，不止领八县，迨孝王孙平王襄，以罪削去五县，又夺王太后汤沐成阳邑之属陈留者。传云梁余尚有八城，即此志所书领县八也。

【编者按】碭郡汉初封梁王彭越，不得属楚。《高纪》：“以碭郡、薛郡、郯郡三十六县立弟文信君交为楚王。”其中碭郡乃彭城之误。钱氏大昕已辨之。全祖望不能分辨乃不能自圆其说，又说碭郡封梁，又说分属楚。高帝十一年封子恢梁王，有东、碭二郡。文帝二年立子揖为梁王，只有碭郡。景帝中元六年，梁分为五，梁国所余至少尚有十八县地。武帝元朔中削梁八城，梁余尚有十城，之后又分封若干王子侯国，及削户多次，至成帝元延中存八县之地，如《汉志》所载。任何诸侯王国始封时都比《汉志》所载版图为大，不止梁国为然。为了削夺诸侯王之权势，文、景、武三帝相继采用众建诸侯、削藩及推恩之手段，将王国领域不断缩小。所以直至汉末，王国属县大者只有十三四县，小者只有三四县而已，如城阳国从未因罪削县，但竟推恩分封王子侯国至五十四个之多，这些侯国都别属周围之汉郡，致使封域缩小了三倍以上，只余四县之地。

莽曰陈定。

【补注】吴卓信曰：《莽传》有陈定大尹沈意。

属豫州。

【颜注】师古曰：以有碭山，故名碭郡。

【补注】先谦曰：《续志》，后汉因。属同。

户三万八千七百九，口十万六千七百五十二。

县八：

【补注】先谦曰：国人栾布、申屠嘉，见本传。丁宽、项生、焦延寿、陈翁生、戴德、戴圣、桥仁、杨荣、周庆、丁姓，皆见《儒林传》。

碭，山出文石。莽曰节碭。

【颜注】应劭曰：碭山在东。师古曰：碭，文石也，其山出焉，故以名县。碭音唐，又音徒浪反。

【补注】先谦曰：县人田王孙、鲁赐，见《儒林传》。《续志》，后汉因。《一统志》，故城今碭山县南保山镇。碭山在永城县北八十里，与碭山县接界。

【编者按】治今河南永城市北。

留，

【补注】先谦曰：秦县，靳歙破邢说军于留南，见《歙传》。王莽诸将破翟义于此，见《义传》。故戴国。

【补注】先谦曰：见《左》隐十年传。《说文》作𡗗，《公羊传》作𡗗，隋置载州。徐松云，《左传正义》，古者留载声相近，故郑玄《诗笺》读椒戴为𡗗，是其音大同，故汉于戴国立留县。

莽曰嘉谷。

【颜注】应劭曰：章帝改曰考城。

【补注】先谦曰：《续志》，后汉改名考城，属陈留。刘注，有谷亭，古句渚之丘。《汴水注》，汴水自陈留成安来，东

迺考城县故城南。为菑获渠。县，周之采邑，春秋为戴国，高帝封秘彭祖为侯国，是渚盖因县以获名矣。汴水下入陈留宁陵。《一统志》，故城今考城县南二十五里。

【编者按】治今河南民权县东北。

杼秋，莽曰予秋。

【颜注】师古曰：杼，音食汝反。

【补注】先谦曰：后汉改属沛国。《一统志》，今碭山县东六十里。

【编者按】治今安徽碭山县东。

蒙，

【补注】先谦曰：战国楚地。邑人庄子，见《史记》。秦县，周勃攻取之，见《勃传》。

获水首受留获渠，东北至彭城入泗，

【补注】先谦曰：留获渠，见留下注。彭城，楚国县。《说文》，汴水受阴沟，至蒙为获水。《获水》篇，获水出汴水于蒙县北。注云，《地理志》曰获水首受留获渠。亦兼丹水之称。《纪年》，宋杀其大夫皇瑗于丹水之上。又曰，宋大水，丹水壅不流。盖汴水之变名也。获水自蒙东出，下入已氏。《一统志》，汴水一名获水。旧自河南永城流迺江南碭山萧县，至徐州府城东北入泗。唐宋以来，汴渠多自夏邑永城达宿州界，东至泗州入淮，而入泗之汴甚少。其后九河洪啗，遂夺河之故道为经流矣。陈澧云，据郦注，汴水自考城迺宁陵、睢阳。以今地考之，为自河南考城（后汉考城）过宁陵（汉宁陵）、商丘（汉睢阳），今河

南考城以东之黄河，盖其故渚也。下流为获水，自蒙迳已氏、虞、下邑、杼秋、彭城。以今地考之，为自今商丘（汉蒙县）过山东曹县（汉已氏）、河南虞城（汉虞县）、江苏砀山（汉下邑、杼秋）、萧县（汉萧县）、铜山（汉彭城），今商丘县之黄河，其故渚也。东南流，至铜山以下，为汉时泗水。

过郡五，

【补注】先谦曰：据《获水注》，过梁、沛、楚，五当作三。

行五百五十里。莽曰蒙恩。

【补注】先谦曰：后汉因。《续志》，有蒙泽。《一统志》，故城今商丘县东北。

【编者按】治今河南商丘市北。

已氏，莽曰已善。

【补注】先谦曰：《续志》，后汉改属济阴。《一统志》，故城今曹县东南。

【编者按】治今山东曹县东南。

虞，

【补注】先谦曰：《古史考》，商均所封。秦为县，高帝至此，使随何说英布，见《高纪》。周勃攻取之，见《勃传》，亦见《五行志》。

莽曰陈定亭。

【补注】先谦曰：后汉因。《获水注》，获水自已氏来，东迳虞县故城北，古虞国。少康所奔也。《一统志》，故城今虞城县西南三里。

【编者按】治今河南虞城县北。

下邑，

【补注】先谦曰：战国鲁地，楚灭鲁顷公，迁此，见《鲁世家》。周勃攻此，先登，见《勃传》。

莽曰下洽。

【补注】朱一新曰：洽，汪本作治，是。先谦曰：《续志》，后汉因。《一统志》，故城今砀山县东。

【编者按】治今安徽砀山县。

睢阳。

【补注】先谦曰：《世本》，相土居商丘，宋更名睢阳，秦为县。项羽拔外黄，东下睢阳，见《羽传》。县人灌婴，见本传。后汉因。《一统志》，故城今商丘县南。故宋国，微子所封。

【补注】先谦曰：见《宋世家》。《元和志》，齐、楚、魏灭宋，三分其地，魏得梁陈留，齐得济阴东平，楚得沛。

《禹贡》盟诸泽在东北。

【颜注】师古曰：睢音虽。

【补注】王念孙曰：此下当有青州藪三字。先谦曰：《禹贡》山水泽地篇，明都泽在睢阳县东北，与志合。《济水注》，《尚书》导菏泽，被孟猪。孟猪在睢阳县之东北。《十三州记》云，不言入而言被者，明不常入也。水盛方乃复被矣。《一统志》，孟猪泽在今商丘县，东北接虞城县界。虞城县北有孟猪台，俗谓之帽台，亦故泽地。杜预所谓水草之交曰麋者也。元时屡为河水冲突，禹迹不可复问矣。

【编者按】治今河南商丘市南。

东平国

东平国，

【补注】阎若璩曰：国治无盐，以东平思王宇及翟方进《传》知之。先谦曰：《续志》，后汉治同。

故梁国，

【补注】先谦曰：孝王武国。全祖望云，东平本宋地，宋亡，齐得之，本不属梁。其属梁，自封彭越始。秦属齐郡，楚汉之际属楚国也。钱大昕云，当云故梁。衍国字。《水经注》引此文无国字。

【集释】谭其骧曰：项羽自王梁楚地九郡，而齐地则为齐、济北、胶东三国，东平若秦属齐郡，则羽不得有之，当从《元和志》作属薛郡。迨羽亡而分其楚地王韩信，梁地王彭越，楚大梁小，故割东平之地以畀梁耳。

景帝中六年别为济东国，

【补注】先谦曰：立孝王子彭离。《续志》，景帝分为济东国也。

武帝元鼎元年为大河郡，

【补注】先谦曰：济东国除为大河郡，见《文三王传》。徐松云，《夏侯胜传》，初，鲁共王分鲁西宁乡以封子节侯，别属大河，大河后更名东平。据此，则东平国旧鲁西宁乡地。先谦案，此乡为大河属地耳，非大河郡即西宁乡也。韦玄成尝为大河都尉。

【编者按】徐松之说固然大谬，但先谦纠正之说也出毛病。鲁西宁乡是鲁县西部之宁乡，并非鲁之西宁乡。徐松读

书多不细考，其于《西域传》则误以为宣帝有破姑师之举，亦因此故。然先谦亦未深究，故无意中仍出新纰漏。宁乡置为宁阳侯国以封鲁共王子恬，别属大河郡。大河置为东平国后，宁阳又改属泰山。

宣帝甘露二年为东平国。

【补注】先谦曰：立子宇。哀帝建平三年国除为郡，平帝元始元年，开明绍封，复为国。

莽曰有盐。属兖州。

【补注】先谦曰：《续志》，后汉为东平国。又任城国下刘注，章帝元和元年，分东平为任城国。属并同。

户十三万一千七百五十三，口六十万七千九百七十六。有铁官。

县七：

【补注】先谦曰：《儒林传》，王式，东平新桃人。今案东平无新桃，止信都有桃县，亦非新桃。国人夏侯胜，见本传，唐长宾、嬴公，见《儒林传》。

【集释】日比野丈夫曰：钱大昕将《后汉书·光武纪》的桃城和《刘永传》的桃乡视为一地，并以之当东平的新桃，误。新桃县当是《郡国志》任城县下之桃聚（见《汉简所见地名考》，载《东洋史研究》十二卷三号）。

无盐，

【补注】先谦曰：秦县。宋义送子襄相

齐,至此,见《项羽传》。有危山,见东平王、王莽《传》。

有郕乡。莽曰有盐亭。

【颜注】师古曰:郕音后。

【补注】先谦曰:后汉因。《续志》,本宿国,任姓。《汶水注》,《禹贡》汶水自泰山桃乡来,分为四,其左二水双流,西南至无盐县之郕乡城南。郕昭伯之故邑也。叔孙氏堕郕,今其城无南面。汶水下入东平陆。又自东平陆来,迳危山南,合为一水,西南入茂都淀。淀,陂水之异名也。淀水下入东郡须昌。次一汶西迳郕亭北,下入东郡寿良。其右一汶,西流迳无盐县故城南,齐宣后之故邑,所谓无盐丑女也。武帝封城阳共王子广为东平侯国。汶水又迳郕乡城南,下入寿良。《一统志》,故城今东平州东二十里。郕城在州南四十里。

【编者按】城阳共王子东平侯国不能远封至此,道元以地名相同而附会,误。《水经注》中关于王子侯国地望之比附多不可信(参见《西汉政区地理》下篇四章一节)。

治今山东东平县东南。

任城,故任国,太昊后,风姓。

【补注】先谦曰:任国见《左》僖十一年传。《济水注》,夏后氏之任国也,在亢父北。先谦案,孟子、季任为任处守,是也。县人周仁,见本传。

莽曰延就亭。

【补注】先谦曰:后汉属任城。《一统志》,故城今济宁州治。

【编者按】治今山东济宁市东南。

东平陆,

【颜注】应劭曰:古厥国,今有厥亭是。

【补注】先谦曰:西河有平陆,故此加东。景帝封楚元王子礼为侯国,见表。后汉因。《续志》,六国时曰平陆。先谦案,战国属齐,《齐策》云,魏攻平陆也。鲁败齐于此,见《田齐世家》。赵成侯与齐宋会此,见《赵世家》。《一统志》,故城今汶上县北。《寰宇记》云,中都县,汉为东平陆县,亦古之厥国地,今邑界有厥亭存。案据《汶水注》,中都在须昌盖地,与东平陆接界耳。

【编者按】治今山东汶上县北。

富城,莽曰成富。

【补注】先谦曰:后汉因。《续志》作富成。《山东通志》,故城今东平州东北平阴界上。

【编者按】治今山东东平县东北。

章,

【补注】先谦曰:《续志》,后汉因。《汶水注》,《禹贡》汶水自泰山刚来,西南过章县南。章,任姓国。齐人降章者也。《一统志》,故城今东平州东六十里郛城集。

【编者按】治今山东东平县东。

亢父,

【补注】先谦曰:战国齐地。《齐策》云,径亢父之险。秦县,见《高纪》。项梁攻之,见《项羽传》。县人宁寿,见《两龚传》。

诗亭,故诗国。

【补注】先谦曰:诗,当作郛,见《左》襄十三年传。《说文》郛,附庸国,在东平

亢父。《一统志》，在今济宁州东南。案春秋时有两郛，一在今平阴县东南，晋魏绛以下军克郛，杜预以为在平阴西者是也，与此不同。

莽曰顺父。

【颜注】师古曰：音抗甫。

【补注】先谦曰：《续志》，后汉属任城。《一统志》，故城今济宁州南五十里。

【编者按】治今山东济宁市西南。

樊。

【补注】王鸣盛曰：《成纪》建始二年，东平王宇有罪，削樊、亢父二县，志仍有者，其后又复。详宇本传。纪书削不书复，脱漏也。先谦曰：文帝封蔡兼为侯国，见表。《续志》，后汉属任城。《一统志》，故城今滋阳县西南。

【编者按】治今山东兖州市西南。

鲁国

鲁国，

【补注】阎若璩曰：国治鲁，以《孔光传》知之。先谦曰：据《泗水注》，秦薛郡即治鲁县。《续志》，后汉治同。

故秦薛郡，

【补注】先谦曰：《济水注》，始皇二十四年置。《泗水注》云二十三年。

高后元年为鲁国。

【补注】先谦曰：王张偃，据《张耳传》，在六年。八年度。景帝二年立子共王余。

【编者按】《张耳传》系于六年，是。因为年宣平侯张敖死，方以鲁国封其子偃。又鲁共王余乃景帝三年由淮阳徙来，非二年立。

属豫州。

【补注】先谦曰：《续志》，鲁本属徐州，光武改属豫州，此豫字传写之误。王鸣盛云，《鲁世家》，鲁为楚灭，秦灭楚后，改为薛郡者。当以其所属之薛而名之。

《高纪》云，楚地悉定，独鲁不下，持羽头示之，鲁乃降。其下又云，怀王封羽为鲁公，及死，鲁又为坚守，故以鲁公礼葬羽。然则楚汉之际，此地复为鲁也。羽王梁楚地九郡，鲁亦在九郡之中，盖泗水郡地也。或鲁或薛，殆错言之，至张偃就封，方定改薛郡为鲁国耳。又《高纪》云，沛公如薛，与立楚怀王，时诸侯兵初起，尚仍秦制，此地大约为薛郡之属县，未必遽复鲁国之称。全祖望云，成帝阳朔三年为郡，哀帝建平三年，复为国。薛郡，高帝所以封楚王，而薛之鲁县，鲁元公主之食邑。当高后时，未尝夺楚之薛郡以封张偃也。张偃之国乃齐所割之城阳郡，故莒国也。莒与鲁接，而公主食邑在鲁，因称鲁王，非能全得薛郡之地也。楚之薛郡，至景帝时削（见《晁错传》）。次年，景帝始以封其子。志言高后元年为鲁，误也。

【编者按】先谦以为属豫州之豫是徐传写之误，不确。此字不误，只是说明

本志所注属某州者皆为东汉之制，与西汉无涉，联系前文上郡、西河、朔方、五原诸郡，西汉应属朔方部，而注皆云属并州，更加证明这一判断的正确。

又，王鸣盛之说含糊之至，不知是何主张。为羽坚守之鲁乃指鲁县，为薛郡治，非指鲁国。薛郡乃秦郡，楚汉之际及汉初因之，为项羽梁楚地九郡之一。王说楚汉之际此地复为鲁，误。高后六年即以薛郡置鲁国，全说未尝夺楚之薛郡，亦误。时高后为所欲为，故夺齐城阳郡为鲁元公主汤沐邑，又夺楚薛郡封外孙张偃，皆在情理之中。又鲁国自景帝三年以后直至西汉末，中间未有国除为郡之事。全说成帝阳朔三年为郡，哀帝建平三年为国，乃子虚乌有。《汉书·诸侯王表》鲁文王浞阳朔二年嗣，十九年薨，亡后。则文王死时为建平二年，虽然因亡后有国除的可能，但实际上未有此事，第二年，建平三年即绍封文王之兄弟郿乡侯闵为鲁王。全祖望误读《汉表》，未看到“薨”字前“十九年”三字，于是误会阳朔三年至建平三年间鲁国除为郡，真是太疏忽了。

户十一万八千四十五，口六十万七千三百八十一。

县六：

【补注】先谦曰：国人丙吉，见本传。夏侯始昌、申公、周霸、冯宾、许生、徐生、闾丘卿、夏侯敬、荣广、皓星公，见《儒林传》。朱家，见《游侠传》。

鲁，伯禽所封。

【补注】先谦曰：见《鲁世家》。
户五万二千。有铁官。

【补注】先谦曰：高帝封奚涓为侯国，见表。后汉因。《续志》，有阙里，孔子所居。《泗水注》，泗水自下来，西南流迳鲁县，分为二水。侧有一城，为二水之分会也。北为洙洑，南则泗水。《从征记》云，洙泗二水，交于鲁城东北十七里，阙里背洙面泗，南北百二十步，东西六十步，四门各有石阙，北门去洙水百步。泗水东南有夫子冢。泗水自城北，南迳鲁城西南，合沂水，下入山阳瑕丘。《一统志》，故城今曲阜县治。

【编者按】治今山东曲阜市。

卞，

【补注】先谦曰：春秋鲁地。子路，邑之野人，见《尸子》。后汉因。《一统志》，故城今泗水县东五十里。

泗水西南至方与入沛。

【补注】王念孙曰：入沛，当为人沛渠。今本沛讹作沛，又脱渠字。沛渠者，沛水分出之渠，东入于泗水，一名荷水，即前山阳郡湖陵下所云，《禹贡》浮于淮泗，通于荷，水在南者也。《水经》云，济水东至乘氏县西，分为二：其一水东南流者，东过方与县北为荷水，又东过湖陵县南，东入于泗水（湖陆即湖陵，章帝更名）。又曰，泗水又南过方与县东，荷水从西来注之。注云，荷水即济水之所苞注以成湖泽也。而东与泗水合于湖陵县西六十里谷庭城下，即此所云泗水西南至方与入沛渠者也（《泗水注》云，泗济合流，故地记或言济入泗，泗亦言入济，互受通称）。又下文蓄下云，南梁水西至湖陵入沛渠，沛渠亦当为沛渠，《水经注》引此，正作沛渠（今本《水经注》脱渠字），此言入沛渠，则知上文泗

水至方与入沛，沛下当有渠字矣。

先谦曰：方与，山阳县。《泗水》篇，泗水出卞县北山。注云，《地理志》曰出济阴乘氏县。又云出卞县北，经言北山，皆为非矣。《山海经》云，泗水出鲁东北。余路迳洙泗，寻其源流，水出卞县故城东南，桃墟东北。《春秋》谢息迁于桃也。杜预云，卞县东南有桃墟，墟有漏泽，方十五里，泽西际阜，连冈通阜，西北四十许里，冈之西际，便得泗水之源。《博物志》云，泗出陪尾，盖斯阜矣。石穴吐水，五泉俱导，穴各径尺余。泗水西迳卞县故城南，南有姑蔑城，春秋鲁邾盟于蔑也。水出二邑间，西迳郛城北，而会于洙水，下入鲁县。

过郡三，

【补注】先谦曰：鲁、济阴、山阳。

行五百里，青州川。

【颜注】师古曰：即《春秋》僖十七年，夫人姜氏会齐侯于卞者也。方与音房豫。

【编者按】治今山东泗水县东。

汶阳，莽曰汶亭。

【颜注】应劭曰：《诗》曰，汶水汤汤。师古曰：汶音问，即《左传》所云公赐季友汶阳之田者也。

【补注】先谦曰：官本无汶音问三字。《续志》，后汉因。《一统志》，故城今宁阳县东北。

【集释】陈直曰：《隶释》卷一，《史晨后碑》、《韩敕修孔庙礼器碑》题名，皆作文阳。又《再续封泥考略》卷二有“文阳丞印”封泥，亦简写作文阳。

【编者按】治今山东宁阳县东北。

蕃，

【补注】先谦曰：县人睦孟，见本传。《续志》，后汉因。《一统志》，故城今滕县治。滕国故城在县西南十四里。

南梁水西至胡陵入沛渠。

【颜注】应劭曰：邾国也。音皮。师古曰：白哀云，陈蕃之子为鲁相，国人为讳，改曰皮，此说非也。郡县之名，土俗各有别称，不必皆依本字。

【补注】全祖望曰：颜说善矣。然未知蕃之本无皮音。胡三省云，据《通典》，则蕃乃音反。然则皮字乃反字之讹，非真有皮音也。斯言足以扫除燕说。朱一新曰：汪本哀下有公字。先谦曰：胡陵，山阳县。沛是沛之误，《泗水注》正作济渠也。注云，《地理志》南梁水出蕃县。今县之东北，平泽出泉若轮，发源成川，西南流，分为二水。北水枝出，西迳蕃县北，下入沛公丘。南梁水自枝渠西南迳蕃县故城东，俗以南邻于漯，故谓之西漯水。南梁水又屈迳城南。应劭云，县，故小邾邑也，下入胡陵。案据注引应说，知志注，邑误为国，又夺小字也。《一统志》，南梁水在滕县北十五里。源出趵突、荆沟二泉，合而为一，会漯水，入运河，自明嘉靖间运河东徙，又遏漯水，导之北出赵沟，与南梁会，而同入于漕。《齐乘》、《明统志》所言南梁河流，皆与今不合。

【编者按】治今山东滕州市。

邾，故邾国，曹姓，

【补注】先谦曰：《寰宇记》，邾，鲁附庸国。《左传》鲁击柝，闻于邾。是也。《说文》邾作邾。《韦贤传》作鲁国邾人。段玉裁云，邾娄之合声为邾，周时或云

邹，或云邾娄者，语言缓急之殊也。周时作邹，汉时作驺者，古今字之异也。案《楚世家》，陆终氏生子六人，五曰曹姓。《索隐》，《世本》云五曰安，是为曹姓。曹姓者，邾是也。宋忠云，曹姓，诸曹所生。

二十九世为楚所灭。

【补注】先谦曰：《齐乘》云，邾为楚灭，迁之江夏，故黄冈县有邾城。

峯山在北。莽曰驺亭。

【颜注】应劭曰：邾文公卜迁于峯者也，音驺。

【补注】段王裁曰：峯，当作绎，与下邳葛峯山字从山者不同。先谦曰：秦李斯所篆《峯山碑》作绎，后来通作，更不分别矣。《续志》，后汉因。刘注，有驺山，高五里，秦始皇刻石焉。刘荟《驺山记》云，邾城在山南，去山二里，城北有绎山。《泗水注》，漈水自东海合乡来，迳鲁国驺山东南，而西南流，《左传》所谓峯山也。邾文公之所迁。京相璠云，《地理志》峯山在邹县北，绎邑之所依以为名也。山东西二十里，高秀独出，积石相临，殆无土壤，石间多孔穴，洞达相通，往往有如数间屋处，其俗谓之峯孔，遭乱，辄将家人。峯外寇虽众，无所施害。漈水下入蕃。《一统志》，故城今邹县东南二十六里。峯山在县东南二十里，古无邹山之名。《鲁颂》止称峯，《史记》始兼称邹峯，《汉志》仍称峯山，刘昭、魏收始分邹、峯为二。考始皇勒石邹峯，《宋书》载魏主焘登邹山仆秦碑，可知邹峯互称，分为二者误。

【集释】陈直曰：吴县蒋氏藏有“驺四铢”方钱，为西汉物。唐河方氏所编《德

九藏陶》，有“驺”字陶片，为战国时物。王先谦谓周时作邹，汉时作驺之说，未可信也。又《隶释》卷十二，刘宽碑阴，有“邹长汝南潘俭”题名。更可证邹驺二字，在两汉时通用并无区别。

【编者按】治今山东邹城市东南。

薛。夏车正奚仲所国，后迁于邳，汤相仲虺居之。

【补注】先谦曰：项梁引兵入此，见《项羽传》。高帝于此治竹冠，见《高纪》。县人颜安乐，见《儒林传》。后汉因。《续志》，六国时曰徐州。刘注，《史记》云，齐宣王九年与魏襄王会徐州，而相王。先谦案，战国齐地。《田齐世家》，田氏执简公于此，或以为在东平舒。又齐败楚徐州，在此。亦分属鲁。《鲁世家》，顷公时，楚伐我，取徐州，是也。奚仲事，见《左》定传。邳，上邳也，下邳在东海。《泗水注》，漈水自蕃来，西迳薛县故城北。《纪年》，梁惠成王三十一年，邳迁于薛，改名徐州。城南山上有奚仲冢，齐封田文于此，号田孟尝君，今郭侧犹有文冢。漈水又西迳仲虺城北。《晋太康地记》云，奚仲迁于邳，仲虺居之，为汤左相。其后当周世，爵称侯，后见侵削，为霸者所绌为伯，任姓也。应劭云，邳在薛。徐广《史记音义》云，楚元王子郢客，以吕后二年封上邳侯，有下，故此为上矣。《地道纪》云，仲虺城在薛城西三十里，漈水迳薛之上邳城西，而南注，下入山阳胡陵。《一统志》，故城今滕县东南四十四里。

【编者按】治今山东滕州市南。

楚国

楚国，

【补注】阎若璩曰：治彭城。以楚元王交及龚胜《传》知之。先谦曰：《五行志》，楚都彭城，亦见《获水注》。《续志》，后汉治同。

高帝置，

【补注】先谦曰：王韩信，信死后，立弟交。及孙戊，以孝景三年反诛，复立元王子礼。全祖望云，故秦楚郡，楚汉之际为楚国，高帝五年属汉，仍属楚国。

【编者按】全云故秦楚郡应改曰故秦泗水郡。王国维以为项羽都彭城以后，泗水更名彭城郡，故《楚元王传》云，汉六年，立交为楚王，王薛郡、东海、彭城三郡。景帝三年冬，削东海郡，三月又以薛郡置鲁国，楚国只余一郡之地。

宣帝地节元年更为彭城郡，

【补注】先谦曰：礼玄孙延寿反诛。《世家》作二年。

黄龙元年复故。

【补注】先谦曰：徙子定陶王嚣。

莽曰和乐。属徐州。

【补注】先谦曰：《续志》，彭城国下刘注，高帝置，为楚。章帝改。属同。

户十一万四千七百三十八，

【补注】先谦曰：官本一作二，引宋祁曰，十二。邵本作十一。

口四十九万七千八百四。

县七：

【补注】先谦曰：郡人季布、陆贾、朱

建、伍被，见本传。申章昌，见《儒林传》。曹羽，见《艺文志》。

彭城，古彭祖国。

【补注】先谦曰：《世本》，尧封彭祖于彭城。彭祖即陆终氏第三子篋铿，号为大彭氏。彭城，春秋宋邑，见《左》成传。战国韩执宋君于此，见《韩世家》。秦县，始皇过之，见本纪。项梁败秦嘉于此，见《项羽传》。羽为西楚霸王，都于此，见《高纪》。有廉里，见《龚胜传》。

户四万一百九十六。有铁官。

【补注】先谦曰：后汉属彭城国。《续志》，有铁。《一统志》，故城今徐州府铜山县治。

【编者按】治今江苏徐州市。

留，

【补注】先谦曰：春秋宋邑，见《左》哀传。秦县，曹参定之，见《参传》。高帝封张良为侯国，见表。《续志》，后汉属彭城国。《一统志》，故城今沛县东南。

【编者按】治今江苏沛县东南。

梧，

【补注】先谦曰：高后封阳成延为侯国，见表。

莽曰吾治。

【补注】先谦曰：《续志》，后汉属彭城国。

【编者按】治今安徽宿州市北。

傅阳，故偃阳国。莽曰辅阳。

【颜注】师古曰：偃音福，《左氏传》所云偃阳妘姓者也。

【补注】先谦曰：傅、偃声近字通。《春秋传》偃阳，《谷梁传》作傅阳，《人表》作福阳。《续志》，后汉属彭城国。《一统志》，故城今峰县南五十里。

【编者按】治今山东枣庄市南。

吕，

【补注】先谦曰：春秋宋邑，见《左》襄传。吕忿封吕成侯，盖国此。《续志》，后汉属彭城国。《一统志》，故城今铜山县北。

【编者按】治今江苏铜山县东南。

武原，

【补注】先谦曰：高帝封卫肤，武帝封代共王子罢军为侯国，见表。县人龚舍，见本传。

【编者按】代共王子所封应在今山西境内，不得至此。

莽曰和乐亭。

【补注】先谦曰：《续志》，后汉属彭城国。《一统志》，故城今邳州西北八十里洳口社。

【编者按】治今江苏邳州市西北。

留丘。莽曰善丘。

【补注】先谦曰：《续志》作菑丘。后汉属彭城国。《一统志》，故城今宿州东北六十里。

【编者按】治今安徽宿州市北。

泗水国

泗水国，

【补注】先谦曰：据《淮水注》，都淩。故东海郡，

【补注】先谦曰：汉之东海郡，秦为郯郡，此则秦东海郡也。全祖望云，高帝因秦郡，属楚国，景帝二年复故。

【编者按】秦、汉东海郡均治郯，故均可称郯郡，并非如先谦言，汉之东海郡，秦为郯郡。然秦东海郡至高帝六年时一分为二，其淮东部分置为东阳郡，与会稽、郯郡一起封刘贾荆国；其淮西部

分仍称东海郡（郯郡），与彭城、薛郡一起封刘交楚国。景帝三年冬，削楚东海郡属汉。全云景帝二年复故，误。

武帝元鼎四年别为泗水国。

【补注】先谦曰：封常山宪王舜子商，《诸侯王表》作三年。

【编者按】分东海郡数县地置，郡仍存。与真定国置年同，参见真定国下。莽曰水顺。

【补注】先谦曰：《淮水注》作顺水。《续志》广陵郡下刘注，建武中省泗水

国,以其县属。

户二万五千二十五,口十一万九千一百一十四。

县三:

凌,

【补注】先谦曰:《说文》,凌水在临淮。从水,夌声。秦县。秦嘉起此,见《陈涉世家》。

莽曰生麦。

【颜注】应劭曰:凌水所出,(入淮南)[南入淮]。

【补注】王鸣盛曰:注入淮南,南监本作南入淮,是。朱一新曰:汪本作南入淮。先谦曰:官本作南入淮。《续志》,后汉属广陵。《淮水注》,凌水出凌县,东流迳县故城东,又东南入淮,曰凌口。

应劭云,凌水出县,西南入淮。先谦案,据此,应注南入淮上,更有西字。《一统志》,故城今宿迁县东南五十里。

【中华校】景祐、殿本都同南监本。

【编者按】治今江苏泗阳县西北,故址犹存。

泗阳,莽曰淮平亭。

【补注】先谦曰:《续志》,后汉省。《一统志》,故城今桃源县东角城。晋县故城今清河县南。

【编者按】治江苏淮安市淮阴区西南。

于。莽曰于屏。

【补注】先谦曰:《续志》,后汉省。《寰宇通志》,故县在海州西。

【编者按】今地无考。

广陵国

广陵国,

【补注】先谦曰:治广陵。《续志》,后汉治同。

高帝六年属荆(州),

【补注】先谦曰:州字衍。钱大昕云,高帝六年封刘贾为荆王,兼有广陵之地,故云属荆。其时未设诸州刺史,不得言荆州也。全祖望云,故秦东海郡;楚汉之际,置东阳郡,属楚国(见《高纪》);高帝五年属汉,仍属楚;六年属荆。

【编者按】楚汉之际诸郡尽因秦之旧,

未曾置立新郡。东阳郡只能在高帝六年分淮东、淮西为荆楚两国时,分东海郡淮东地置。

十一年更属吴,

【补注】先谦曰:属刘濞国。《诸侯王表》、《史记·诸侯表》作十二年,一字误。王念孙云,《文选·芜城赋》注引此已误。

景帝四年更名江都,

【补注】先谦曰:徙汝南王非。王念孙云,四当为三。《诸侯王表》,非以景帝二年三月甲寅立为汝南王,二年徙江

都。二年者，景帝之三年也。《史表》误在四年。《史记·孝景纪》三年六月徙汝南王非为江都王，《汉纪》同。

武帝元狩三年更名广陵。

【补注】先谦曰：元狩二年，非子建反，死，国入汉为广陵郡，见《建传》。三年更立子胥。全祖望云，宣帝五凤四年为郡，元帝初元二年复为国，平帝元始二年分广陵国为广世国，以封江都易王后。广世不知其地，莽所置。

莽曰江平。属徐州。

【补注】先谦曰：《续志》，后汉为广陵郡。属同。

户三万六千七百七十三，口十四万七百二十二。有铁官。

县四：

广陵，

【补注】先谦曰：春秋吴地，战国时属楚，怀王十年城广陵，见《史记·六国表》。二世二年广陵人召平为陈王徇广陵，则秦时已置县矣。

江都易王非、广陵厉王胥皆都此，并得鄣郡，而不得吴。

【补注】先谦曰：本志丹阳郡下云，故鄣郡属江都，元封六年更名丹扬，是胥得鄣郡不数年即别为丹扬郡矣。《史记·吴王濞传》云，削吴会稽郡。徐广注云，荆王刘贾都吴，吴王移广陵，此吴王濞不都吴之明证。《续志》刘注，广陵濞所都，城周十四里半。又《非传》云，徙王江都，治吴故国。是都广陵自濞始，志专举非胥者，为不得吴立文耳。广陵，楚汉之间为东阳郡，兼有广陵、临淮二郡地。《王子侯表》，封江都易王子

蒙之盱眙侯、定国淮陵侯，皆临淮郡属县。《广陵王胥传》，相胜之奏夺王射陂草田。张晏云，射水之陂，在射阳县，射阳亦属临淮，是临淮先属江都，后属广陵，故《晋志》云，武帝分沛、东阳置临淮郡也。

【编者按】江都国兼有鄣郡，但广陵国未得鄣郡地，班志本注有误。元狩六年武帝封三子为燕、齐、广陵王时，中央集权已达顶峰，藩国经过削地推恩，都已户少地蹙。后置之小宗真定、泗水国，其小自不待言，就是燕国亦仅有数县之地，齐王闾虽是爱子，所封不过十余县，因此广陵国不应兼有两郡之地。而且武帝既于同年分广陵郡（即江都国本郡——东阳郡的后身）之一部分置临淮（见上引《晋志》），其意即在于不使广陵国领有广陵全郡，若使广陵国兼有鄣郡，何不举广陵全郡以封厉王来得直截了当？再者鄣郡已于元狩二年扩大领域而更名丹扬，元狩六年所置之广陵国固不能领有鄣郡。

莽曰安定。

【补注】先谦曰：《淮水注》作定安。后汉因。《一统志》，故城今扬州市东北。《元和志》，江都县北四里。

【编者按】治今江苏扬州市西北。

江都，

【补注】先谦曰：《续志》，后汉因。《一统志》，故城今江都县西南。又仪征县北，亦江都地。《通鉴地理通释》引《元和志》云，广陵在江都县北四里，州城正直其上。《新唐志》，江都东十一里有雷塘。此据唐江都县治言之，至汉江都县，酈注云，县城临江。《寰宇记》，故城

在县西南四十六里，城临江水，今为水所侵，无复余址。先谦案，汉故县城在今县西南四十里，唐已无存。

有江水祠。

【补注】先谦曰：祠，宣帝置，见《郊祀志》。《淮水注》，应劭《地理风俗记》曰，俗谓之伍相庙也；子胥但配食耳。岁三祭，与五岳同。

渠水首受江，北至射阳入湖。

【补注】先谦曰：射阳，临淮县。《淮水》篇，江（淮之误刊——编者按）水东过淮阴县北，中渎水出白马湖东北注之。注云，中渎水首受江于江都县，县城临江。应劭云，县为一江之会，故曰江都。旧江水道也，昔吴将伐齐，自广陵城东南筑邗城，城下掘深沟，谓之韩江，亦曰邗溟沟，自江东北通射阳湖，《地理志》所谓渠水也，西北至末口入淮。自永和中，江都水断，其水上承欧阳埭，引江入埭，下入广陵。阎若璩云，今仪征县南有上江口、下江口、旧江口，或者旧江口为吴夫差所穿，故志云，渠水首受江也。又志云渠水入湖，不言入

淮，颇有分判。桑、郦直以此水至山阳口入淮，而其说牢不可破矣。窃疑高邮、宝应，地势最卑，若釜底然，邗沟首受江水，东北流，至射阳湖而止，《水经》殆不如《地志》之确。此水自南入北，非自北入南，至隋文帝开山阳渎，炀帝开邗沟，皆自山阳至扬子入口，水流与前相反，而孟子淮注江之言乃验。

【编者按】治江苏扬州邗江区西南。

高邮，

【补注】先谦曰：《续志》，后汉因。《寰宇记》，本秦之高邮亭。因以立名。《一统志》，故城今高邮州治西北三里。高邮湖一名新开湖，长阔百五十里，天长以东之水汇此入运。

【编者按】治江苏高邮市。

平安。莽曰杜乡。

【补注】先谦曰：《续志》，后汉因。《一统志》，故城今宝应县西北。

【编者按】治今江苏宝应县西南。

六安国

六安国，

【补注】先谦曰：据《英布传》，都六。

故楚，高帝元年别为衡山国，

【补注】先谦曰：封吴芮。全祖望云，故属秦九江郡，楚汉之际为衡山国，仍属楚国（吴芮地为项羽所夺，见高帝

诏）。

五年属淮南，

【补注】先谦曰：属英布，布死，属厉王长。

文帝十六年复为衡山，

【补注】先谦曰：立淮南厉王子勃，后

徙庐江王赐。

武帝元狩二年别为六安国。

【补注】先谦曰：立胶东康王子庆，表作三年，《史记》作二年。

【编者按】依本注，六安国是衡山国之后身，实则不然。高帝十一年，以九江、庐江、衡山、豫章四郡封子长为淮南王。至文帝十六年，淮南国三分：九江郡仍置淮南国，庐江、豫章二郡置庐江国，衡山郡置衡山国。武帝元朔二年，淮南王安有罪削二县，此二县为弋阳、期思（考证见《西汉政区地理》四章四节）。元狩元年淮南国除为九江郡。《汉志》六安国五县全部在弋阳、期思二县以东，证明六安封域是九江郡（即刘安淮南国）地的一部分，显见在淮南国除以后第二年即割原国都六县以西数县立六安国。《史记·诸侯王表》将六安国与淮南国置于同一格内，亦说明淮南——六安的接续关系。《史记·淮南王传》：“国除为九江郡”集解引徐广曰：“又为六安国”，证明徐广当时也明白六安国乃分自九江，为刘安淮南国故地。然而班固生在东汉，却已不明前朝六安国之始末，直以其前身为衡山国，误大矣。上文言广陵国之沿革，亦有同样错误。这也说明西汉一代诸侯王国变迁过程之繁复，虽只相隔一朝，却已堕入五里雾中。

莽曰安风。

【补注】先谦曰：《续志》庐江郡下云，建武十年（十下脱“三”字——编者按）省六安国，以其县属。

户三万八千三百四十五，口十七万八千六百一十六。

县五：

六，

【补注】先谦曰：秦县，见《项羽纪》。县人英布，见《布传》。《续志》，后汉改六安，属庐江。《一统志》，故城今六安州北。《寰宇记》云在舒城县东六十里者，误。

故国，皋繇后，偃姓，为楚所灭。

【补注】先谦曰：《泚水注》，夏禹封皋陶少子，奉其祀。今县都陂中有大冢，民传曰公琴者，即皋陶冢也。楚人谓冢为琴。《帝王世纪》，皋繇生于曲阜，曲阜偃地，故赐姓曰偃。楚灭六，见文五年传（文前脱左字——编者按）。

如溪水首受泚，东北至寿春入芍陂。

【颜注】师古曰：泚音匕，又音鄙。芍音鹄。

【补注】先谦曰：寿春，九江县。《泚水注》，泚水或作潏。《泄水注》，泄水自博乡，上承泚水于麻步川，西北出历濡溪，谓之濡水，下入安丰。案如溪即濡溪也，如、濡音同字变，今讹为裕溪。

【编者按】治今安徽六安市。

蓼，

【补注】先谦曰：高帝封孔聚为侯国，见表。《续志》，后汉属庐江。《一统志》，故城今固始县东北七十里蓼城冈。故国，皋繇后，为楚所灭。

【补注】先谦曰：楚灭蓼，见《左》文五年传。《说文》蓼作鄆，《楚世家》作英。

【编者按】治今河南固始县北。

安丰,《禹贡》大别山在西南。

【补注】钱坫曰:山在今颖州府霍丘县西南八十里。《寰宇记》,县在山北。考大别山有二,一在今汉阳府城东北一里,京相璠云汉东山名,一即此。沈尧云,大别山在光州西南、黄州西北、汉阳东北、霍邱西南。班志属之安丰,但据山之东北一面言也。若论其西南,则直至汉水入江处。故商城西南,麻城黄陂之山,古人皆目为大别。洪氏亮吉有《大别山释》一篇,甚详核。先谦曰:《禹贡》山水泽地篇,大别山在安丰县西南,与志合。

莽曰美丰。

【补注】先谦曰:《续志》,后汉属庐江。《一统志》,故城今固始县东。

【编者按】治今河南固始县东南。

安风,莽曰安风亭。

【补注】先谦曰:《续志》,后汉属庐江。《一统志》,故城今霍邱县西南二十里,与固始接界。

【编者按】治今安徽霍邱县西南。

阳泉。

【补注】先谦曰:《续志》,后汉属庐江。刘注,有阳泉湖。《决水注》,阳泉水受决水,东北流迳阳泉县故城东,故阳泉乡也。《一统志》,故城今霍邱县西。《寰宇记》,安阳山在霍邱县西九十里,西属固始,东属霍邱,汉阳泉县在山西,安丰县在山东北,各取县之一字为名。又霍邱县西北九里有临水山,山东有古城,即汉阳泉县也,其泉于县西北流入决水,城在泉水之阳,故名。

【编者按】治今安徽霍邱县西北。

长沙国

长沙国,

【补注】先谦曰:都临湘,见《高纪》及《湘水注》。《续志》,后汉治同。

秦郡,高帝五年为国。

【补注】先谦曰:王吴芮。全祖望云,楚汉之际为义帝都,高帝为国,文帝后七年为郡,景帝元年王子发,复为国。

【编者按】刘发之长沙国,乃景帝二年置。全为《史表》所误,以为在元年。《史记·汉兴以来诸侯王表》的写法与众不同,在实际封王建国的前一格里就

写上初置、复置某国的字样,但这只起标识作用,并非该国置于前一年。试看景帝二年三月甲寅同日封六子为王(河间、广川、临江、汝南、淮阳、长沙),可见这六国必置于此年,而不是在元年。《史表》在二年一栏内明载封王之日期,而在元年一栏内又写上初置(复置)这六国的字样,粗心者一看,就误以为孝景元年已置该六国,全氏本不该如此大意。其他栏目也同此类推,这就可以解释,为什么有人老是据《史表》而搞错王国置废年代。

莽曰填蛮。属荊州。

【补注】先谦曰：《续志》，后汉为长沙郡。属同。

户四万三千四百七十，口二十三万五千八百二十五。

县十三：

临湘，莽曰抚睦。

【颜注】应劭曰：湘水出零山。

【补注】先谦曰：《续志》，后汉因。《湘水注》，湘水自桂阳阴山来，北过醴陵县西（后汉县），合漉水。又迳建宁县（晋立），有空泠峡，又迳建宁县故城下，又迳临湘县南石潭山西，又迳昭山西，又迳南津城西，西对橘州，为南津洲尾，又左会瓦官水口，又迳船官西，北对长沙郡（郡在水东州城南，旧在城中，后移此）。又左迳麓山东，上有故城，山北有白露水口，又右迳临湘县故城西，县治湘水滨、临川侧，故即名焉。故楚南境之地也，秦灭楚，立长沙郡，即青阳之地也。秦始皇二十六年令曰，荆王献青阳以西，汉封吴芮，是城即芮筑也。城西北有故市，北对临湘县之新治，县治西北有北津城。《一统志》，故城在长沙府城南。据《一统志》，今长沙县治，即《水经》所谓临湘新治，本在城外，隋唐时包入城中。

【编者按】治今湖南长沙市。

罗，

【颜注】应劭曰：楚文王徙罗子，自枝江居此。师古曰：盛弘之《荆州记》云，县北带汨水，水原出豫章艾县界，西流注湘，沿汨西北，去县三十里，名为屈

潭，屈原自沈处。

【补注】先谦曰：《官本考证》云，艾，监本讹茭，今改正。《续志》，后汉因。《一统志》，故城今湘阴县东北六十里。

【编者按】治今湖南汨罗市西北。

连道，

【补注】先谦曰：《续志》，后汉因。《涟水》篇，涟水出连道县西，资水之别。《一统志》，故城今湘乡县西，亦名龙城。先谦案，涟水出邵阳县龙山之阴，资水出其阳，《水经》以为资水之别，即实非也。

【编者按】治所当在今湖南涟源市东，邻娄底市处。

益阳，湘山在北。

【颜注】应劭曰：在益水之阳。

【补注】先谦曰：《续志》，后汉因。《资水注》，资水自昭陵来，东北出益阳县，其间迳流山峡，名为茱萸江，又东迳益阳县北，为资水。应劭云县在益水之阳，今无益水，或亦资水之殊目矣。《一统志》，故城在益阳县西八十里。湘山，见《始皇纪》。《封禅书·正义》，湘山，一名编山，在巴陵县南。《方輿胜览》，湘山在洞庭中，湘君所游处，一曰君山。据二书，则君山即编山。《湘水注》分君山、编山为二，编、编音近字变，盖湖中相近之山，统曰湘山耳。

【编者按】治今湖南益阳市东。

下隳，莽曰闰隳。

【颜注】师古曰：隳音字究反，又音辞究反。

【补注】先谦曰：《续志》，后汉因。《一

统志》，故城在沅陵县东北。《后书·马援传》，援征五溪，军次下隼，计其地当在澧州安乡县，然历代地志俱以通城、巴陵、临湘当之。马援军次下隼，进壶头，去岳州、武昌相隔千里，必非其地。即以沅陵为下隼，亦属可疑。沅陵在武陵西，下隼属长沙，不应反在武陵西也。《纪要》，巴陵县本汉下隼县地，故城今沅江县东。章怀注云在沅陵县，误也。

【编者按】治今湖北通城县西北。

(收)[攸]，

【补注】钱大昭曰：南监本、闽本作攸，下注云，音收。今本攸作收，又脱注二字。王鸣盛曰：何氏所见北宋本，音收二字在音铃下，据此可见皆孟注，其初音收之上，别有孟康曰三字，在攸字下方，传写脱去三字，又误移于下耳。北宋本亦误。朱一新曰：汪本收作攸，下注云，音收。《集韵》、《类篇》又作攸，亦误字。先谦曰：官本作攸音收，音上夺文，王说是也。《续志》，后汉因。《泚水注》，攸水自安成来，西北流，迳其县北，县北带攸溪，盖即溪以名县也。《一统志》，故城今攸县东。

【集释】杨树达曰：景祐本作攸，下无注。下文酃下孟康注音铃，下有上音收三字。王称何氏所见北宋本岂即此本耶？

【编者按】治所当在湖南今县东北。

酃，

【颜注】孟康曰：音铃。

【补注】先谦曰：《续志》，后汉因。《一统志》，故城今清泉县东十三里。

【编者按】治今湖南衡阳市东。

承阳，

【颜注】应劭曰：承水之阳。师古曰：承水原出零陵永昌县界，东流注湘也。承音丞。

【补注】汪远孙曰：零陵无永昌。朱一新曰：晋荆州零陵郡有永昌县，南宋、南齐改属湘州，其郡县则同。颜注疑袭《晋地道记》之文，而失改永昌二字。先谦曰：《续志》作烝阳，改属零陵。《一统志》，故城在衡阳县西。烝水在县北二里，自邵阳县流入，东北入湘。先谦案，《湘水注》，承水自零陵钟武来，武水入承水之下，至湘东临承县北之上，文句有脱，当是脱承阳一县水道也。承水下入酃。

【编者按】治今湖南邵东县东南。

湘南，《禹贡》衡山在东南，荆州山。

【补注】先谦曰：《续志》，后汉因。《禹贡》山水泽地篇，衡山在湘南县南，与志合。《一统志》，故城在湘潭县西六十里，俗名花石城。衡山在衡山县西三十里。

【编者按】治今湖南湘潭县西南。

昭陵，

【补注】先谦曰：《续志》，后汉因。《一统志》，故城今宝庆府治。

【编者按】治今湖南邵阳市。

荼陵，

【补注】先谦曰：武帝封长沙定王子诩为侯国，见表。

泥水西入湘，行七百里。

【补注】先谦曰：《洙水》篇，洙水出茶陵县上乡西北，过其县西。注云，水出江州安成郡广兴县（晋郡县，证以《水经》，盖析茶陵置）太平山，西北流迳茶陵县南。洙水又屈过其县西北，《地理志》谓之泥水者也，又合攸水，下入攸。攸水自攸来，西南流，至茶陵县入洙水。《一统志》，洙水出酃县东桃花坤，一名桃花涧。

莽曰声乡。

【颜注】师古曰：茶，音弋奢反，又音丈加反。

【补注】先谦曰：后汉因。《续志》作茶陵。《说文》茶，苦茶也。从艸，余声。徐铉云即今之茶字。《一统志》，今茶陵州地，故城在州东五十里茶王城。

【编者按】治湖南茶陵县东北。

容陵，

【补注】先谦曰：武帝封长沙定王子福为侯国，见表。《续志》，后汉因，今无考。《洙水注》，阴山县上有容水，自侯县山下注洙水，谓之容口水，有大穴，容一百石，水出于此，因以名焉，容陵殆以

此氏欤？

【编者按】治所当在今湖南攸县南。

安成。

【补注】先谦曰：武帝封长沙定王子苍为侯国，见表。

庐水东至庐陵入湖汉。

【补注】先谦曰：庐陵，豫章县。《赣水注》，《十三州志》称庐水西出长沙安成县（吴立安成郡，晋改安复县），下入庐陵。据《一统志》，庐水即泸江水，出安福、萍乡二县界之泸潇山。

莽曰思成。

【补注】先谦曰：后汉因。《续志》作安成。《一统志》，故城今吉安府安福县西。

【编者按】以上安城、容陵、攸、茶陵四县，其先皆长沙王子侯国，理应别属汉郡，据表，安成应属豫章，攸、茶陵当属桂阳（攸表在南阳，乃桂阳之误）。容陵表未注其所属，依地望言之，亦当属桂阳。而史籍并无益地长沙之记载，此四县似不应回属长沙国。此谜尚不得其解，留以待知者。

治今江西安福县西。

总论

本秦京师为内史，

【颜注】师古曰：京师，天子所都畿内也。秦并天下，改立郡县，而京畿所统，特号内史，言其在内，以别于诸郡守也。

【补注】先谦曰：汉之京兆、冯翊、扶风是也。又弘农郡亦由内史东界广之。全祖望云，内史不在三十六郡内，尊京师也，《续志》、《晋志》皆误以为三十六郡之一。案《史记》裴骃注、王应麟《地理通释》、胡三省《通鉴注》，误同。

分天下作三十六郡。

【补注】先谦曰：河东一、太原二、上党三、三川四（汉河南）、东郡五、颍川六、南阳七、南郡八、九江九、泗水十（汉沛郡）、巨鹿十一、齐郡十二、琅邪十三、会稽十四、汉中十五、蜀郡十六、巴郡十七、陇西十八、北地十九、上郡二十、九原二十一（汉五原）、云中二十二、雁门二十三、代郡二十四、上谷二十五、渔阳二十六、右北平二十七、辽西二十八、辽东二十九、邯郸三十（汉赵国）、钜郡三十一（汉梁国）、薛郡三十二（汉鲁国）、长沙三十三（汉长沙国）、南海三十四、桂林三十五（汉郁林）、象郡三十六（汉日南），并见本志。全谓班误以内史为三十六郡之一，谬也。

《史记·始皇本纪》云，秦初并天下，分以为三十六郡。三十三年，略取陆梁地，为桂林、象郡、南海。又《尉佗传》云，秦时已并天下，略定扬越，置桂林、南海、象郡。是分三十六郡，乃初并天

下事，而置桂林等三郡，在三十三年，故裴、全及王鸣盛，皆以此三郡不在数内，而三十六郡尚阙其三。据《国策》、《史记》，楚置有新城郡、巫郡，秦皆并省。《两粤传》云，秦并天下，废闽粤王无诸，及粤东海王摇为君长，以其地为闽中郡。案秦虽置郡，地仍为无诸、摇所据，秦不得而有之。汉又省属会稽，不在数内。《续志》、《晋志》及裴、王、胡氏数楚汉间置之郢郡，三刘纠之。

全云，《楚世家》、《秦本纪》、《六国年表》并载黔中郡楚置，秦因。本志无，《续志》有（即汉武陵，《水经注》所谓割黔中置武陵，误。汉改其名，非割也）。始皇二十四年置楚郡，见《楚世家》（胡云，三十六郡无楚郡，盖灭楚时所暂置，后分为九江、郢、会稽三郡。案秦灭楚，置楚、九江、泗水、薛、东海五郡，及定江南，又置会稽，无郢郡也。楚郡盖自淮阳以至彭城，泗水则沛也，薛则鲁也，东海则郯以至江都也，皆江北地。会稽则江南地，惟九江跨兼江介，非由楚郡分置为三也。胡因二汉、晋《志》皆无，欲护其失，而为此语）。又据陈胜、周勃《传》，秦有东海郡。本志东海郡下云高帝置，盖误。《续志》漏载。胡云秦无东海，非也。又《水经注》，始皇二十三年置广阳郡，高帝改曰燕，又分燕置涿郡。本志云，昭帝改广阳。案，渔阳、上谷、右北平、辽西、辽东五郡，皆燕所旧置以防边。渔阳四郡在东，上谷在西，其国

都不预焉。自蓟至涿三十余城,始皇无不置郡之理,亦无反并内地于边郡之理。且始皇并六国,其国都,如赵之邯郸,魏之邺,楚之江陵、陈、九江,齐之临淄,无不置郡,不应燕独否。本志以为昭帝改广阳,殆考之未详。以上楚郡、东海、广阳,合黔中为四。

全又云,本志五原郡下,班云秦九原郡,案《匈奴传》,赵有雁门、代郡、云中三郡,以备胡,而九原特云中北界,未置郡也。始皇二十五年以前,边郡多仍前旧,不闻增设。三十三年,蒙恬辟河南地四十余县,盖以此四十余县置九原。何以知之,徐广所谓阳山在河北,阴山在河南者,刘昭以为俱属九原之安阳,则九原统属河南四十余县可知矣,不然不应以四十余县之多而不置郡也。然则九原不当在始皇二十六年所并三十六郡之内。先谦案,如全说,去九原,恰得三十六郡之数,较前人为核实。

【集释】谭其骧曰:裴解释三十六郡有九原、鄣、内史而无广阳、陈、闽中,《晋志》因之,唐宋以来无异说。陈氏芳绩、洪氏亮吉、金氏榜始别内史于郡数外而补东海;全氏祖望始退九原、鄣而补以广阳、陈(即楚郡),王氏国维始退东海而补以闽中(至此,三十六郡已全——编者按),然王氏又退广阳、陈而补以陶、河间,是其失也。(见《秦郡新考》)汉兴,以其郡(大)[太]大,

【补注】先谦曰:官本,上大作太。稍复开置,又立诸侯王国。武帝开广三边。故自高祖增二十六,

【补注】先谦曰:河内一(河东分)、汝南二(颍川、南阳分)、江夏三(九江分)、魏郡四(河东分)、常山五(邯郸分)、清

河六(巨鹿分)、涿郡七(渔阳分)、勃海八(巨鹿分)、平原九(齐郡分)、千乘十(齐郡分)、泰山十一(齐郡分)、东莱十二(琅邪分)、豫章十三(九江分)、桂阳十四(长沙分)、广汉十五(巴、蜀、汉中分)、定襄十六(太原、雁门分)、中山十七(邯郸分)、胶东十八(琅邪分)、淮阳十九(楚国分)、衡山二十(九江分)、武陵二十一(黔中改)、梁国二十二(秦碭郡改)、楚国二十三(秦楚郡改)、燕国二十四(秦广阳郡改)、鄣郡二十五(楚汉间郡,高帝因,后为丹阳)、东海二十六(秦郡,志以为高帝置)。

【集释】王国维曰:班孟坚志汉地理毕而总结之曰,本秦京师为内史,分天下作三十六郡,汉兴以其郡太大,稍复开置,又立诸侯王国,武帝开广三边,故自高祖增二十六,文景各六,武帝二十八,昭帝一,讫于孝平凡郡国一百三。志中各郡下,又分注其沿革,其称高帝置者二十,曰河内、曰汝南、曰江夏、曰魏郡、曰常山、曰清河、曰涿郡、曰渤海、曰平原、曰千乘、曰泰山、曰东莱、曰东海、曰豫章、曰桂阳、曰武陵、曰广汉、曰定襄、曰楚国、曰淮阳国。其称高帝时为某郡者三,京兆尹曰高帝二年为渭南郡,左冯翊曰高帝二年为河上郡,右扶风曰高帝二年为中地郡。称高帝郡国者二,中山国曰高帝郡,广阳国曰高帝燕国。称故郡者一,丹阳郡曰故鄣郡。计为郡二十三,为国三,合于后序增二十六之数。而后之祖述其说者亦小有异同,《续汉书·郡国志》举信都而无武陵,《晋书·地理志》举梁国而无鄣郡,钱氏大昕举内史、胶东、衡山而无渭南、河上、中地三郡,皆求以足《汉志》二十六之数,其

是非暂置勿论,要皆以班氏之说为信而不可易也。岂独此数家而已,自来读《汉书》者殆无不以班氏之说为信而不可易也。自余考之,则上所举二十六郡国,其真为高帝置者曾不及三分之一,而世人莫之察焉,是可异已。诸郡中可确证为高帝置者,唯河内郡见于《史记·汉兴以来诸侯王年表·序》,清河、常山二郡见于《樊哙传》,豫章郡见于《黥布传》,余如汝南、魏郡、中山已不足征,至江夏、涿郡、渤海、平原、千乘、泰山、东莱、桂阳、武陵、定襄十郡,尤可证其非高帝所置(见《汉郡考》)。

【编者按】班志后序这一总结自来无人怀疑,至王国维始以其卓见证明高帝增置二十六郡为不可能。但其怀疑又走向极端,致将确为高帝所置之郡亦排斥在外,如定襄郡;另一方面又把秦代已置之郡,如河内、常山,当成高帝郡。因此这里必须重新进行考订,才能真正确定高帝所置郡国的数目。

秦初并六国,分天下为三十六郡,其后开胡越之地置九原、南海、桂林、象郡;又开复内郡,置东海(分薛郡)、常山(分邯鄲)、济北(分临淄)、胶东(分琅邪)、河内(分河东)、衡山(分九江)、鄆郡(分会稽)、庐江(分九江)、成四十八郡之势,加上内史,共四十九个郡级政区(参见谭其骧撰《中国大百科全书·历史卷》秦郡条,及拙撰《秦一代为四十八郡说》,载《历史地理》第8辑)。

所谓高帝增置之郡国,必须是对这四十九个郡级政区稍复开置(即一分为二或三),并且列于本志百三郡国之中,才能算数,若更名改置,则不应计入。依此标准,则王国维所举二十六郡中,河

内、常山、东海、广阳、鄆郡,皆为秦郡;江夏、泰山、武陵、楚国、淮阳、渭南(即京兆尹),分别为秦衡山、济北、黔中、泗水、陈郡、内史之后身;汝南、勃海,乃文帝置;魏郡、平原、东莱、中山,乃景帝置,涿郡、千乘,为武帝置(参见各该郡下按语)。则其为高帝所置者仅清河、豫章、桂阳、广汉、定襄、河上(即左冯翊)、中地(即右扶风)七郡而已。其他各家,如《郡国志》所举信都乃文帝置,《晋志》所举梁国乃秦碭郡后身,钱大昕所举内史、胶东、衡山,皆秦代已有(先谦所举则不出上述诸家之说,不必另行分析),皆非高帝所置。

然而高帝所置并不止七郡,尚有上述诸家均未提及之东阳(广陵国之前身,分东海)、城阳(分琅邪)、博阳(济南之前身,分济北)、胶西(即高密,分琅邪)、河间(分巨鹿),合以上七郡,共得十二郡,不及班固所云二十六的一半(又,秦闽中郡汉兴即省,若抵消去此郡,高帝只增十一)。

班固计算增置的基础,并不是秦代四十九个郡级单位,而是三十六郡;而且对各郡始置年代又考证不详;加以始置标准亦无一定之规,如河间宁已见《史记·功臣表》,肯定河间郡高帝时已有,但河间国下班固注却作“文帝二年别为国”,当成文帝置。所以班固所说高帝增二十六并无道理,与事实不可能相符。

文、景各六,

【补注】宋祁曰:各六,越本作五十六。先谦曰:文帝,庐江一、济南二、河间三、甯川四、胶西五、城阳六;景帝,山阳一、济阴二、北海三、广川四、济东五(即东

平)、江都六。见本志。孝惠时,齐王献城阳郡,为鲁元公主汤沐邑;高后割齐济南郡,为吕王奉邑。疑高帝即有此二郡名,而文帝因以为二国名也。钱大昕云,景帝置济川,不久即废,故不数。

【编者按】所谓增置乃是以郡国数目有真正地增加为准,而不以名义上所记载的置废为据。故钱大昕之说不对,济川国虽然不久即废,但废而为济川郡,后又改陈留郡,列于本志百三郡国之中,并未省入他郡,因此济川应作为景帝增置。相反,城阳郡乃高帝时已有,文帝不过以之置国而已,并未在地域上增置一个新城阳国,以与原城阳郡共存,所以城阳不能算文帝所增置(此点先谦亦不能自坚)。因此先谦之说亦须重新检讨。

文帝所增之郡国应是:留川(分临淄)、勃海(分河间)、广川(即信都,分河间)、汝南(分陈郡),共四郡。景帝所增应是:北海(削胶西置)、中山(分常山)、沛郡(分彭城,彭城即秦泗水)、魏郡(分邯郸)、平原(分济北)、东莱(分胶东)、济川(即陈留)、济东(即东平)、山阳、济阴(此四郡分梁置),共十郡。与志所云文景各六,全不相合。

武帝二十八,

【补注】先谦曰:冯翊一、扶风二、弘农三、陈留四、临淮五、零陵六、犍为七、越嶲八、益州九、牂柯十、武都十一、天水十二、武威十三、张掖十四、酒泉十五、敦煌十六、安定十七、西河十八、朔方十九、玄菟二十、乐浪二十一、苍梧二十二、交趾二十三、合浦二十四、九真二十五、平干二十六(即广平)、真定二十七、泗水二十八(此泗水与秦泗水无涉,乃

分东海置——编者按),并见本志。钱大昕云,沈黎、文山、珠崖、儋耳、临屯、真番、苍海,后皆废,故不数。

【编者按】左冯翊、右扶风之名虽武帝所定,但该二郡即高帝时河上、中地两郡之后身,虽然其后若断若续(河上、中地后又合于渭南复为内史,文帝时又分左、右内史,武帝时再分右内史置主爵都尉,即右扶风),但论始置应属高帝,而非武帝,亦非文帝,这样才能条理井然。又,陈留(即济川)乃景帝置,武威乃宣帝置(见后文),皆非武帝所增。然六安(分九江)、涿郡(分广阳)、千乘(分齐郡)为武帝置,因此从上列二十八郡退四(冯翊、扶风、陈留、武威),进三(六安、涿郡、千乘),知武帝所增置郡国为二十七。

昭帝一,

【补注】先谦曰:金城,见本志。

迄於孝平,凡郡国一百三,

【编者按】昭帝以后,宣帝尚置一郡,即分张掖置武威,为本志及治史各家所不及。于是综上所述,高帝增十二,文帝增四,景帝增十,武帝增二十七,昭、宣各增一,加上秦代四十八个郡级政区(秦闽中郡汉兴即省,故四十九去其一),恰合百三郡国之数。

县邑千三百一十四,

【补注】朱一新曰:汪本作二十四。

道三十二,

【补注】齐召南曰:《百官公卿表》,邑有蛮夷曰道。志中县邑之以道名者,得二十九,南郡一,夷道;零陵二,营道、泠道;广汉三,甸氏道、刚氏道、阴平道;蜀郡二,严道、湍氏道;犍为一,犍道;越嶲

一,灵关道;武都五,故道、平乐道、嘉陵道、循成道、下辨道;陇西四,狄道、氐道、羌道、予道;天水四,戎邑道、绵诸道、略阳道、獬道;安定一,月氏道,北地三,除道、略畔道、义渠道;上郡一,雕阴道;长沙国一,连道。尚缺其三。以《续志》证之,则蜀郡汶江道、绵虬道、武都武都道,与三十二之数合。本志于汶江、绵虬、武都三县不言道,殆阙文。王鸣盛曰:《后汉·仲长统传》注作三十四。

【编者按】齐召南所举志中县邑之以道名者,尚遗其一,左冯翊之翟道。又武都道早已见《吕后纪》,不必求之于《续志》。且《续志》而外,《后汉书·安帝纪》有青衣道,《水经·若水注》有旄牛道,也可能是《汉志》所遗漏的道名。这样道的总数为三十五。但《汉志》所载道名,有些是显然与蛮夷无关,如除道之名可能记载秦始皇除道九原,抵云阳之事,与直路县之名相类。故道之道似乎亦当解作道路之道。若去此二道,则余三十三道,与志云道三十二亦不相合。

侯国二百四十一。

【补注】周寿昌曰:《百官公卿表》云,凡县道国邑千五百八十七,综此计之,适符其数,而以每郡国所领县计之,止有一千五百七十八。本注侯国一百九十三,尚有四十八未注,则皆传写脱漏之失也。

【集释】钱大昕曰:《地理志》载侯国,皆据当时见存者,若中山之曲逆,陈平所封;清河之鄆,栾布所封;南阳之冠军,霍去病所封;汝南之定陵,淳于长所封;丹阳之秣陵、胡孰,江都易王子所

封,魏之阴安,济北贞王子所封,志皆不云侯国者,其时国已除也。考哀平间侯国,志皆不书,《王子侯表》堂乡以下十一侯,《恩泽侯表》殷绍嘉以下三侯,皆成帝绥和以后所封,而志亦不之及。然则志所书侯国,盖终于成帝元延之末,惟博山一侯,或后人增加也。志称侯国二百四十一,今数之,止百九十有四,予证以诸表,各标其始封姓名,又补志之失注者二十五人。后之读班史者,庶有取焉。

【编者按】钱氏见识高人一着,其所补正之侯国多言之有据,然犹稍有阙误,今经订正整理,共得侯国二百二十六,除四个不知所属外,其余皆已分别补注订正于正文各该县之下。不知所属之侯国为:利昌,武帝封代共王子嘉,可能属西河;怀昌,武帝封菑川懿王子高遂,或在北海,或在琅邪,或在齐郡;卑梁,成帝封高密顷王子都,不在北海,即在琅邪。又,《汉书·高惠高后文功臣表》汾阴侯周昌下有“元康四年昌曾孙沃侯士伍明诏复家”之附载,似宣帝时有沃侯国,但表、志皆不见此侯之名,录此以备考(然宣帝时即使有沃侯国,亦不能确知成帝元延时是否尚存)。

据《百官表》,县道国邑千五百八十七,而周寿昌云,以每郡国所领计之,止有一千五百七十八,是志尚有九县遗漏。今在正文东郡下已补畔县,庐江郡下已补金兰,汝南郡下已补乐昌。又有三县表有而志脱即上述利昌、怀昌、卑梁三侯国。这样九县已补其六。另,《儒林传》言,王式东平新桃人;居延汉简有“田卒淮阳郡露堂邑里上造赵德”名籍。可见东平国曾领新桃县,淮阳郡

曾领器县,但不知此二县是否元延时尚存。又陈直云,《续封泥考略》卷二有“原鹿长印”封泥,又见“原鹿”铎。《汉书》无原鹿县,《续汉书·郡国志》汝南郡有原鹿侯国,盖仍西汉旧名,而志文未载,当为旋置旋罢之县。是汝南郡曾领原鹿县,亦不知是否延续至西汉末。因此,新桃、器、原鹿亦录此以待考。

地东西九千三百二里,南北万三千三百六十八里。

【补注】王鸣盛曰:《后书》注,九千三百作九千二百,无三千二字。

提封田一万万四千五百一十三万六千四百五顷,

【颜注】师古曰:提封者,大举其封疆也。

其一万万二百五十二万八千八百八十九顷,邑居道路,山川林泽,群不可垦,

【补注】王念孙曰:山川林泽,当依《汉纪》作山林川泽,见《周官·大司徒》。其三千二百二十九万九百四十七顷,可垦不可垦,

【补注】宋祁曰:可垦下,越本无不可垦三字。淳化本无不垦二字,邵本无可字。王鸣盛曰:此误衍不可垦三字,南监无。

定垦田八百二十七万五百三十六顷。民户千二百二十三万三千六十二,口五千九百五十九万四千九百七十八。

【补注】齐召南曰:《帝王世纪》,民户千三百二十三万三千六百一十二,口五千九百一十九万四千九百七十八人。皇甫谧所计户口,必本此志,而数目参

差,似所见古本异也。王鸣盛曰《续志》,元始二年民户口数与《世纪》同。汉极盛矣。

凡民函五常之性,

【颜注】师古曰:函,苞也。读与含同。而其刚柔缓急,

【补注】王念孙曰:其本作有言五常之性不同,故民函五常之性,亦有刚柔缓急及音声之不同也。今本有作其字之误耳(《管子·小匡》篇,则有制令史记律书,非有圣心,以乘聪明。今本有字并误作其)。《周南·关雎》正义、《小雅·谷风》正义、《采菽》正义、《左传》文六年、昭二十一年正义、《文选·东都赋》注、《后汉书·班固传》注引此,并作有。

音声不同,系水土之风气,故谓之风;好恶取舍,动静亡常,

【颜注】师古曰:好音呼到反。恶音一故反。

随君上之情欲,故谓之俗。

【集释】杨树达曰:欲、俗同从谷声,文以欲释俗,乃声训。

孔子曰:“移风易俗,莫善于乐”。

【颜注】师古曰:《孝经》载孔子之言。言圣王在上,统理人伦,必移其本,而易其末,此混同天下一之庠中和,然后王教成也。汉承百(年)[王]之末,

【补注】朱一新曰:汪本年作王,是。先谦曰:官本作王。

【集释】杨树达曰:景祐本作王。国土变改,民人迁徙,成帝时刘向

略言其(域)[地]分,

【补注】先谦曰:官本作地分。引宋祁曰:地字,景本作域。钱大昭云,闽本域作地。

【中华校】景祐、殿本都作地。

丞相张禹使属颖川朱赣条其风俗,犹未宣究,故辑而论之,

【颜注】师古曰:辑与集同。

终其本末著于篇。

【补注】汪远孙曰:案秦地不空格提行,因秦地即汉都也。毛本空格,旧本不如是。先谦曰:上文是总论,不专汉都也,提行是。

秦地,于天官东井、舆鬼之分野也。

【补注】钱坫曰:《史记·天官书》,东井、舆鬼,雍州。

其界自弘农故关以西,

【补注】钱坫曰:秦故关在弘农弘农。京兆、扶风、冯翊、北地、上郡、西河、安定、天水、陇西,南有巴、蜀、广汉、犍为、武都,西有金城、武威、张掖、酒泉、敦煌,又西南有牂柯、越嶲、益州,皆宜属焉。

秦之先曰柏益,

【补注】钱坫曰:古字柏与伯同,即伯益也。禹、益治水有功,故禹称神,益称化。《律历志》,化益为天子。

出自帝颛顼,尧时助禹治水,为舜朕虞,养育草木鸟兽,赐姓嬴氏,

【颜注】师古曰:伯益一号伯翳,盖翳益声相近故也。

历夏、殷为诸侯。至周有造父,

【颜注】师古曰:造,音于到反。父,读曰甫。

善驭习马,得华骝、绿耳之乘,

【颜注】师古曰:华骝,言其色如华之赤也。绿耳,耳绿色。

幸于穆王,封于赵城,故更为赵氏。

【补注】钱坫曰:今霍州赵城县。《汾水注》,汾水迳赵城西南,穆王以封造父,赵氏自此始。

后有非子,为周孝王养马汧渭之间。孝王曰:“昔伯益知禽兽,子孙不绝。”

【补注】钱坫曰:《诗谱》,孝王谓伯翳能知禽兽之言,子孙不绝,故封非子为附庸。按蔡邕云,伯翳综声于语鸟,葛卢辨音于鸣牛,是知禽兽者,谓知其语言也。

乃封为附庸,邑之于秦,

【补注】宋祁曰:秦,晏本作桀。

今陇西秦亭秦谷是也。

【补注】齐召南曰:此陇西非郡名,言陇县之西,有秦亭秦谷,即是其地。陇县属天水郡,《后书·郡国志》,陇有大坂,名陇坻,獮坻聚有秦亭。注云,秦之先起于此。钱坫曰:今曰亭乐山,山下有秦亭,在秦州清水县东三十里。

至玄孙,氏为庄公,

【颜注】师古曰:氏与是同,古通用字。

【补注】周寿昌曰:案,氏为庄公,氏即谥也,亦犹名也。《水经注》于某水,或称县受名焉,或云以氏县,此常例也。古人名谥通用尤多,如幽厉,谥也,而孟子名之曰幽厉;洞箫,物名也,而《王褒赋》云,谥为洞箫;司马相如《告巴蜀檄》

有身死无名，谥为至愚之语。颜注以氏是古通，必训氏为是，拘矣。

破西戎，有其地。子襄公时，幽王为犬戎所败，平王东迁雒邑，襄公将兵救周有功，赐受郟、鄆之地，列为诸侯。

【颜注】师古曰：郟，亦岐字。

后八世，穆公称伯，以河为竟。

【颜注】师古曰：伯读曰霸。竟读曰境，言其地界东至于河。

十余世，孝公用商君，制辕田，

【颜注】张晏曰：周制三年一易，以同美恶。商鞅始割列田地，开立阡陌，令民各有常制。孟康曰：三年爰土易居，古制也，末世侵废。商鞅相秦，复立爰田。上田不易，中田一易，下田再易。爰自在其田，不复易居也。《食货志》曰，自爰其处而已，是也。辕、爰同。

【补注】钱坫曰：《春秋传》，晋作爰田，服虔曰，爰，易也。《国语》作辕田。古爰辕字同用。《说文》爰，籀文以为车辕字。然辕田之辕，《解字》又作赳。是赳正字，爰、辕并通借。

开阡伯，

【颜注】师古曰：南北曰阡，东西曰伯，皆谓开田之疆亩也。伯，音莫白反。

【补注】钱坫曰：《秦本纪》作阡陌。按阡伯为田渠交午之称。《说文》有阡陌，当是正字。盖破沟洫之制而为此。先谦曰：程瑶田《阡陌考》云，阡陌，田间之道也。训故家释阡陌者，皆言南北阡，东西陌，惟《风俗通》具二义，曰南北曰阡，东西曰陌；河东以东西为阡，南北为陌。

东雄诸侯。子惠公初称王，得上

郡、西河。孙昭王开巴蜀，灭周，取九鼎。昭王曾孙政并六国，称皇帝，负力怙威，燔书阬儒，自任私智。至子胡亥，天下畔之。

故秦地

【补注】先谦曰：故、古字同。

于《禹贡》时，跨雍、梁二州，《诗·风》兼秦、豳两国。昔后稷封豳，

【颜注】师古曰：豳，读曰郃，今武功故城是也。

【补注】钱坫曰：字应作郃，豳借用也。公刘处豳，

【颜注】师古曰：即今豳州栒邑是。

大王徙郟，

【颜注】师古曰：今岐山县是。

文王作鄆，

【颜注】师古曰：今长安西北界灵台乡丰水上是。

武王治镐。

【颜注】师古曰：今昆明池北镐陂是。

【补注】钱坫曰：丰在今西安府鄆县东五里，镐在西安府城西南三十二里。其民有先王遗风，好稼穡，务本业，故《豳诗》言农桑衣食之本甚备。

【颜注】师古曰：谓《七月》之诗。

有鄆、杜竹林，南山檀柘，号称陆海，为九州膏腴。

【颜注】师古曰：言其地高陆而饶物产，如海之无所不出，故云陆海。腹下之肥曰腴，故取谕云。

【补注】先谦曰：官本谕作喻。

始皇之初，郑国穿渠，引泾水溉田，

【颜注】师古曰：郑国，人姓名，事具在《沟洫志》。

【补注】钱坫曰：故渠在今西安府泾阳、三原二县。

沃野千里，

【颜注】师古曰：沃，即溉也。言千里之地，皆得溉灌。

民以富饶。汉兴，立都长安，徙齐诸田，楚昭、屈、景及诸功臣家于长陵。后世世徙吏二千石、高訾富人及豪桀兼并之家于诸陵。

【颜注】师古曰：訾，读与赀同。高訾，言多财也。

盖亦以强干弱支，非独为奉山园也。

【颜注】如淳曰：《黄图》谓陵冢为山。师古曰：谓京师为干，四方为支也。

是故五方杂厝，

【颜注】晋灼曰：厝，古错（反）[字]。

【补注】朱一新曰：汪本反作字，是。钱坫曰：厝、错，古字同用。先谦曰：官本反作字。

【中华校】景祐、殿本都作“字”。

风俗不纯。其世家则好礼文，富人则商贾为利，豪桀则游侠通奸。濒南山，

【颜注】师古曰：濒，犹边。濒，音频，又音宾。

近夏阳，

【颜注】师古曰：夏阳，即河之西岸也，今在同州韩城县界。

多阻险轻薄，易为盗贼，常为天下剧。又郡国辐凑，浮食者多，民去本就末，列侯贵人车服僭上，众庶

放效，羞不相及，

【颜注】师古曰：放，依也。音甫往反。嫁娶尤崇侈靡，送死过度。

天水、陇西，山多林木，民以板为室屋。及安定、北地、上郡、西河，皆迫近戎狄，修习战备，高上气力，以射猎为先。故《秦诗》曰“在其板屋”；

【颜注】师古曰：《小戎》之诗也。言襄公出征，则妇人居板屋之中，而念其君子。

又曰“王于兴师，修我甲兵，与子偕行。”

【颜注】师古曰：《无衣》之诗也。言于王之兴师，则修我甲兵，而与子俱征伐也。

及《车辚》、《四薺》、《小戎》之篇，皆言车马田狩之事。

【颜注】师古曰：《车辚》美秦仲大有车马，其诗曰，有车辚辚，有马白颠。《四薺》美襄公田狩也，其诗曰，四薺孔阜，六轡在手，辚车鸾镳，载猓獬狔。《小戎》美襄公备兵甲讨西戎，其诗曰，小戎伐收，五檠良辇。文茵畅毂，驾我骐驎。龙盾之合，鋟以𨾏𨾏。辚音邻。薺音羣。辚音犹，又音诱。猓音力贍反。狔音许昭反。伐音践。檠音木。驎音羣。鋟音沃。𨾏音玦。辚音纳。

【补注】宋祁曰：载猓，当作载斂。钱坫曰：薺，古铁字。

汉兴，六郡良家子选给羽林、期门，

【颜注】如淳曰：医商贾百工，不得豫也。师古曰：六郡，谓陇西、天水、安定、北地、上郡、西河。羽林、期门，解在《百

官公卿表》。

以材力为官，名将多出焉。

【补注】钱坫曰：所谓山西出将，山东出相者，以华山为界也。六郡并山西地。

孔子曰：“君子有勇而亡谊则为乱，小人有勇而亡谊则为盗。”

【颜注】师古曰：《论语》载孔子对子路之言也。

【补注】钱坫曰：谊、义古字通用。故此数郡，民俗质木，不耻寇盗。

【颜注】师古曰：质木者，无有文饰，如木石然。

自武威以西，本匈奴昆邪王、休屠王地，

【颜注】师古曰：昆，音下门反。休，音许蚪反。屠音除。

武帝时攘之，

【颜注】师古曰：攘，却也。音人羊反。初置四郡，以通西域，隔绝南羌、匈奴。

【颜注】师古曰：隔，与隔同。

其民或以关东下贫，或以报怨过当，

【颜注】师古曰：过其本所杀。或以谄逆亡道，家属徙焉。

【颜注】师古曰：谄，乱也，惑也。音布内反。

习俗颇殊，地广民稀，水少宜畜牧，

【颜注】师古曰：少，古草字。

(古)[故]凉州之畜

【补注】朱一新曰：汪本古作故，是。先谦曰：官本作故。

【中华校】景祐、殿本都作“故”。

为天下饶。保边塞，二千石治之，咸以兵马为务；酒礼之会，

【补注】朱一新曰：案礼通醴。

上下通焉，吏民相亲。是以其俗风雨时节，谷粟常贱，少盗贼，有和气之应，贤于内郡。此政宽厚，吏不苛刻之所致也。

巴、蜀、广汉本南夷，秦并以为郡，土地肥美，有江水沃野，山林竹木疏食果实之饶。

【颜注】师古曰：疏，菜也。

南贾滇、犍僮，

【颜注】师古曰：言滇、犍之地，多出僮隶也。滇，音颠。犍，音蒲北反。

【补注】先谦曰：贾犹市也。官本重滇犍二字，引宋祁曰：正文滇犍二字当删。西近邛、笮马旄牛。

【颜注】师古曰：言邛、笮之地，出马及旄牛。笮，音材各反。

【补注】先谦曰：官本重笮字，引宋祁曰：正文笮笮，当删一笮字。

民食稻鱼，亡凶年忧，俗不愁苦，而轻易淫佚，柔弱褊阬。

【颜注】师古曰：言其材质不强，而心忿狭。

景、武间，文翁为蜀守，教民读书法令，

【补注】先谦曰：言读书兼读律也。

未能笃信道德，反以好文刺讥，贵慕权势。及司马相如游宦京师诸侯，以文辞显于世，乡党慕循其迹。后有王褒、严遵、扬雄之徒，

【颜注】师古曰：遵即严君平。

文章冠天下，繇文翁倡其教，相如为之师，

【颜注】师古曰：繇，读与由同。倡，始也。音充向反。

【补注】钱坫曰：《三国志·秦宓传》云，蜀本无学士，文翁遣相如受七经，还教吏民。

故孔子曰：“有教无类。”

【颜注】师古曰：《论语》载孔子之言，言人之性术，在所教耳，无种类。

武都地杂氐、羌，及犍为、牂柯、越嶲，皆西南外夷，武帝初开置。民俗略与巴、蜀同，而武都近天水，俗颇似焉。

故秦地天下三分之一，而人众不过什三，然量其富居什六。

（秦幽）

【补注】王念孙曰：秦幽二字，与上下文皆不相属，盖涉上文兼秦幽两国而衍。

吴札观乐，为之歌《秦》，

【颜注】师古曰：札，吴王寿梦子也。来聘鲁，而请观周乐，事见《左氏传》襄二十九年。

曰：“此之谓夏声。”

【颜注】师古曰：夏，中国。

夫能夏则大，大之至也，其周旧乎？”

【补注】先谦曰：先天文，次地形，次世系，次风俗。

自井十度至柳三度，谓之鹑首之次，秦之分也。

【补注】钱大昕曰：十二次宿度，惟载鹑首、鹑火、寿星、析木，余皆阙如，盖班

氏未定之本。其述分野，既以东平、须昌、寿张为宋分，又云，“东平、须昌、寿张，皆在济东，属鲁，非宋地也，当考。”亦疑而未决之词也。所述星度与蔡邕《月令章句》合，较之《律历志》，每次大率差五六度。

魏地，觜觿、参之分野也。

【颜注】师古曰：觿，音弋随反。

【补注】钱坫曰：《天官书》，觜觿参，益州，与武帝所置益州异。

其界自高陵以东，

【补注】先谦曰：魏初，地自郑滨洛以东，故起高陵。

尽河东、河内，南有陈留及汝南之召陵、潁疆、新汲、西华、长平，

【颜注】师古曰：召，读曰邵。隐，音于靳反，又音殷。

【补注】先谦曰：疆当为彊，见本志。新汲属颍川，非汝南。

颍川之舞阳、郾、许、偃陵，

【颜注】师古曰：郾，音一扇反。偃，音偃。

河南之开封、中牟、阳武、酸枣、卷，

【颜注】师古曰：卷，音去权反。

【补注】先谦曰：酸枣属陈留，非河南。皆魏分也。

【补注】顾炎武曰：《左传》，子产曰，迁实沈于大夏，主参，故参为晋星，然其疆界亦当至河而止，若志所列陈留以下郡县，并在河南，于春秋自属陈、郑二国，角、亢、氐之分也，不当并入。魏本都安邑，至惠王始徙大梁。乃据后来之疆土，割以相附，岂不谬哉。

河内本殷之旧都，周既灭殷，分其畿内为三国，《诗·风》邶、庸、卫国是也。

【颜注】师古曰：自紂城而北谓之邶，南谓之庸，东谓之卫。邶，音步内反，字或作鄩。庸，字或作鄩。

【补注】钱坫曰：邶字，本或作鄩，别字。《说文》，邶自河内朝歌以北。《诗谱》，自紂城而北，邶以南，庸以东。卫，今卫辉府滑县，东南有邶水。府城西有故庸城，有庸水，出宜苏山，当是其地。鄩，以封纣子武庚；

【补注】朱一新曰：鄩，当作邶，涉上注文而误。

庸，管叔尹之；卫，蔡叔尹之：以监殷民，谓之三监。

【颜注】师古曰：武庚，即禄父也。尹，主也。管叔、蔡叔，皆武王之弟。

【补注】先谦曰：陈奂云，监者，以监殷民。三监者，管、蔡及武庚也。武庚既叛，管蔡流言，见于《国语》、《左传》、《诗序》、《诗传》，信而有征。惟《逸周书·作雒篇》，有霍叔监殷之说。郑作《诗谱》，遂以管、蔡、霍为三监，始与古相背。梅氏伪《书》，又从而附会之，有降霍叔之语。又《逸周书·作雒解》言中旄父字于东。孔晁注云，中旄父代管叔，此与志言尽以邶庸封康叔不合。郑作《诗谱》依据《逸书》，故有后世稍并邶庸之说。

故《书》序曰“武王崩，三监畔。”

【颜注】师古曰：《周书·大诰》之序。周公诛之，尽以其地封弟康叔，号曰孟侯，

【颜注】师古曰：康叔，亦武王弟也。

孟，长也，言为诸侯之长，

【补注】先谦曰：官本注在周室下。

以夹辅周室；迁邶、庸之民于雒邑，故邶、庸、卫三国之诗相与同风。

【补注】先谦曰：谓同为一国风，惟《毛诗》误分为三卷，故说不可通。

《邶诗》曰“在浚之下”，

【颜注】师古曰：《凯风》之诗也。浚，卫邑也。音峻。

《庸》曰“在浚之郊”；

【颜注】师古曰：《干旄》之诗。

《邶》又曰：“亦流于淇”，

【颜注】师古曰：《泉水》之诗。

“河水洋洋”，

【颜注】师古曰：今《邶诗》无此句。

【补注】王念孙曰：卢文弨云，《玉篇·水部》泮，亡尔切。亦泮字。《集韵》泮，或作泮。然则泮泮乃泮泮之讹，即新台之河水泮泮也。《广雅·释邱》有泮字，今亦讹为泮（念孙案，《广雅·释邱》泮，厓也。宋本泮讹作泮。《集韵》遂误收入泮字，音迷浮切。引《广雅》泮，厓也。今本《广雅》又讹泮为泮，卢以泮为泮之误，非也。河水泮泮，不得训为厓）。案卢说是也。泮字本作泮，以泮姓之泮为声。俗书泮姓字作泮，与篆文羊字无异，故泮讹为泮也。下文引《卫诗》河水泮泮，则此泮泮为泮泮之讹明矣。

《庸》曰“送我淇上”，

【颜注】师古曰：《桑中》之诗。淇上，淇水之上。

“在彼中河”，

【颜注】师古曰：《柏舟》之诗也。中河，河中也。

《卫》曰“瞻彼淇奥”，

【颜注】师古曰：《淇奥》之诗也。奥，水隈也。音于六反。

【补注】朱一新曰：奥，古澳字。汪本作澳。

“河水洋洋”。

【颜注】师古曰：《硕人》之诗也。洋洋，盛大也。音洋，又音翔。

故吴公子札聘鲁观周乐，闻《邶》、《庸》、《卫》之歌，曰：“美哉渊乎！吾闻康叔之德如是，是其《卫风》乎？”至十六世，懿公亡道，为狄所灭。齐桓公帅诸侯伐狄，而更封卫于河南曹、楚丘，是为文公。

【颜注】师古曰：曹及楚丘，二邑名。

【补注】先谦曰：陈奂云，曹、楚丘，皆卫邑名。《曹诗》作漕，即漕虚。戴公初庐于漕虚，未逾年而卒，立文公。文公初年在漕虚，自漕虚而徙楚丘，或谓《诗》序，露于漕邑，野处漕邑，皆指戴公，不及文公，自误。钱坫云，漕在今滑县南二十里，旧白马县也。楚丘在滑县东六十里。

而河内殷虚，更属于晋。

【颜注】师古曰：殷虚，汲郡朝歌县也。虚，读曰墟。

康叔之风既歇，而纣之化犹存，故俗刚强，多豪桀侵夺，薄恩礼，好生分。

【颜注】师古曰：生分，谓父母在而昆弟不同财产。

【补注】先谦曰：生分，盖夫妇乖异。下韩地民以生分为失，同义。颜以生为父母在，分为昆弟不同财，于文不顺，且昆弟同财固善，分亦未大失，若以父母

在而分财为非，岂父母死而分财即是乎？知其义之未安矣。

河东土地平易，有盐铁之饶，本唐尧所居，《诗·风》唐、魏之国也。周武王子唐叔在母未生，

【颜注】师古曰：谓怀孕时。

武王梦帝谓己曰：

【颜注】师古曰：帝，天也。

“余名而子曰虞，将与之唐，属之参。”

【颜注】师古曰：属，音之欲反。参，音所林反。

及生，名之曰虞。至成王灭唐，而封叔虞。唐有晋水，及叔虞子跻，为晋侯云，故参为晋星。其民有先王遗教，君子深思，小人俭陋。故《唐诗·蟋蟀》、《山枢》、《葛生》之篇曰“今我不乐，日月其迈”；

【颜注】师古曰：《蟋蟀》之诗也。迈，行也。言日月行往，将老而死也。蟋，音悉。蟀，音率。

“宛其死矣，它人是媮”；

【颜注】师古曰：《山有枢》之诗也。媮，乐也。言己俭吝，死亡之后，当为他人所乐也。媮，音愉，又音偷。枢，音瓠。

“百岁之后，归于其居”。

【颜注】师古曰：《葛生》之诗也。居，谓坟墓也。言死当归于坟墓，不能复为乐也。

皆思奢俭之中，念死生之虑。

【颜注】师古曰：中，音竹仲反。

吴札闻《唐》之歌，曰：“思深哉！其有陶唐氏之遗民乎？”

【补注】先谦曰：陈奂云，《诗·唐风》正义引《左传》作遗风，此作遗民者，后人依误本《左传》改之。

魏国，亦姬姓也，在晋之南河曲，故其诗曰“彼汾一曲”；

【颜注】师古曰：《汾沮洳》之诗。沮，音子豫反。洳，音人豫反。

“真诸河之侧”。

【颜注】师古曰：《伐檀》之诗。真，置也。音之鼓反。

自唐叔十六世至献公，灭魏以封大夫毕万，

【颜注】师古曰：毕万，毕公高之后，魏犇祖父。

灭耿以封大夫赵夙，

【颜注】师古曰：赵夙，赵衰之兄。

及大夫韩武子食采于韩原，

【颜注】师古曰：韩武子，韩厥之曾祖也。本与周同姓，食采于韩，更为韩氏。此说依《史记》，而与释《春秋传》者不同。

【补注】钱坫曰：《春秋传》，秦穆公、晋惠公战于韩原。杜注，韩原，晋地。旧解相承以为在今同州府韩城县东南二十里，非也。考《传》，穆公伐晋，涉河，侯车败。又曰，获晋君归，至于王城。穆公都今凤翔府城，若战晋在韩城，不得路出王城。今韩城县，自古相传，并称梁国，本非韩侯国。惟《括地志》云，韩国在今韩城县南十八里，此乃无稽谬证，非由经。故秦晋战地自当在今解州芮城县。《郡国志》，河东河北有韩亭者是也。今谓武子所封亦应是此。又《史记·韩世家》，韩之先，与周同姓，其后苗裔事晋，得封于韩原，曰韩武子。按

《水经注》，圣水迳韩城东。《诗·韩奕》曰，溥彼韩城，燕师所完。王锡韩侯，其追其貊，奄受北国。王肃云，今涿郡方城县有韩侯城。今顺天府固安县地也。《潜夫论》亦云然。是韩侯国非韩城县之证。又《春秋传》称邳晋应韩为武王之后，而《世本》谓曲沃桓叔生武子万，万生定伯，定伯生子舆，则晋之支庶又与武穆之谊不同，于世家更戾矣。

晋于是始大。至于文公，伯诸侯，尊周室，

【颜注】师古曰：伯，读曰霸。

始有河内之土。

【颜注】师古曰：《左氏传》所谓始起南阳者。

吴札闻《魏》之歌，曰：“美哉泝泝乎！”

【颜注】师古曰：泝泝，浮貌也。言其中庸，可与为善，可与为恶也。泝，音冯。

以德辅此，则明主也。”文公后十六世为韩、赵、魏所灭，三家皆自立为诸侯，是为三晋。赵与秦同祖，韩、魏皆姬姓也。自毕万后十世称侯，至孙称王，徙都大梁，故魏一号为梁，七世为秦所灭。

周地，柳、七星、张之分野也。

【补注】钱坫曰：《天官书》，柳、七星、张，三河。

今之河南雒阳、谷成、平阴、偃师、鞏、缑氏，

【补注】先谦曰：官本，成作城。

是其分也。

昔周公营雒邑，以为在于土中，诸侯蕃屏四方，

【颜注】师古曰：言雒阳四面皆有诸侯为蕃屏。

故立京师。至幽王，淫褒姒，以灭宗周，子平王东居雒邑。其后五伯更帅诸侯以尊周室，

【颜注】师古曰：伯，读曰霸。解在《刑法志》。更，互也，音工衡反。

【补注】先谦曰：官本，周作王。故周于三代最为长久。八百余年至于赧王，

【补注】王鸣盛曰：南监本作赧王，是。先谦曰：官本作赧王。

乃为秦所兼。初雒邑与宗周通封畿，

【颜注】韦昭曰：通在二封之地，共千里也。师古曰：宗周，镐京也。方八百里，八八六十四，为方百里者六十四也。雒邑，成周也。方六百里，六六三十六。为方百里者三十六。（三）〔二〕都得百里者〔百〕，方千里也。故《诗》云，邦畿千里。

【补注】王鸣盛曰：南监本作二都得百里者百，方千里也。是。朱一新曰：三都当作二都，言宗周及雒邑也。汪本并脱此字。者下当有百字，此脱，汪本有。颜监此注全袭臣瓚，见《诗·王城谱》正义，今据以补改。先谦曰：官本作二都得百里者百，方千里也。

【中华校】按景祐、殿本都作“二都”，者下都有百字。

【集释】《汉书疏证》曰：按《毛诗·王风疏》引此以为臣瓚之言，师古袭用之。东西长而南北短，短长相覆为千

里。至襄王以河内赐晋文公，又为诸侯所侵，故其分坠小。

【颜注】师古曰：坠，古地字。

【补注】钱坫曰：坠，籀文地字。

周人之失，巧伪趋利，贵财贱义，高富下贫，意为商贾，不好仕宦。

【颜注】师古曰：意，音许吏反。

自柳三度至张十二度，谓之鹑火之次，周之分也。

【集释】《汉书疏证》引《左传疏》曰：《汉书·地理志》分郡国以配诸次，其地分或多或少。鹑首极多，鹑火甚狭，徒以相传为说，其言不可得而闻之。

韩地，角、亢、氐之分野也。

【补注】钱坫曰：《天官书》，角、亢、氐，兖州。

韩分晋得南阳郡

【补注】全祖望曰：楚有南阳，韩亦有南阳。盖颍川之西，如宛如穰，与楚南阳接，故并取名焉。《六国年表》、《秦纪》、《韩世家》可考，非故晋所启之南阳也。晋之南阳，赵得其温原，韩得其州，魏得其修武，即河内也。三晋同分河内之地，而魏独多。及韩、赵相继失上党，而河内道断，魏之修武亦不保，是非可并晋、楚之南阳而合之也。志云，韩分晋，得南阳。下文云，秦灭韩，徙天下不轨之民于南阳。又云，宛西通武关，东受江淮，一都会也。则即以为楚南阳矣。不知河内之南阳，得名在春秋之世，三晋分之，非韩所独。始皇十六年所受之南阳，地在宛、穰，与楚境相犬牙者，不得混而举之。秦并天下，盖并韩地以入楚之南阳矣。

及颍川之父城、定陵、襄城、颍阳、颍阴、长社、阳翟、郟，

【颜注】师古曰：郟，音工洽反，即今郟城县是也。

东接汝南，西接弘农，得新安、宜阳，皆韩分也。及《诗·风》陈、郑之国，与韩同星分焉。

郑国，今河南之新郑，本高辛氏火正祝融之虚也。

【颜注】师古曰：虚，读曰墟，后皆类此。

及成皋、荥阳，颍川之崇高、阳城，皆郑分也。本周宣王弟友，

【补注】朱一新曰：《诗》郑谱正义引，弟上有母字。

为周司徒，食采于宗周畿内，是为郑。

【颜注】师古曰：即今之华阴郑县。

郑桓公问于史伯曰：“王室多故，何所可以逃死？”史伯曰：“四方之国，非王母弟甥舅则夷狄，不可入也，其济、洛、河、颖之间乎！”

【颜注】师古曰：济，音子礼反。

子男之国，虢、会为大，

【颜注】师古曰：会，读曰郛。字或作桼。桼国在豫州外方之北，荥播之南，溱洧之间。妘姓之国。

【补注】齐召南曰：案颜注引康成《诗谱》应作荥播，宋本、监本作荥播，讹也。别本作荥波，依《禹贡》，较是。钱坫曰：会，即郛也。妘姓之国。《史记·楚世家》所称会人是也。《诗》作桼。今开封府新郑县地。

恃势与险，密侈贪冒，

【颜注】师古曰：冒，蒙也，蔽于义理。

【补注】先谦曰：密崇字同，故上文之崇高，即颍川之密高县（即嵩高），而此崇侈为密侈。

君若寄帑与贿，周乱而敝，必将背君；

【颜注】师古曰：帑读与孥同，谓妻子也。

君以成周之众，奉辞伐罪，亡不克矣。”公曰：“南方不可乎？”对曰：“夫楚，重黎之后也。黎为高辛氏火正，昭显天地，以生柔嘉之材。姜、嬴、荆、芈，实与诸姬代相干也。

【补注】师古曰：代，递也。干，犯也。姜，伯夷之后也；嬴，伯益之后也。伯夷能礼于神以佐尧，伯益能仪百物以佐舜，

【颜注】师古曰：仪，与宜同。宜，安也。

其后皆不失祠，而未有兴者，周衰将起，不可偪也。”桓公从其言，乃东寄帑与贿，虢、会受之。后三年，幽王败，（威）[桓]公死，

【补注】朱一新曰：威公即桓公也。汪本仍作桓。先谦曰：官本作桓公。

【中华校】景祐、殿本都作“桓”。

其子武公与平王东迁，卒定虢、会之地，右雒左（沛）[沛]，

【补注】朱一新曰：沛，当作沛，汪本不误。

【中华校】景祐、殿本都作“沛”。

食溱、洧焉。

【颜注】师古曰：溱、洧，二水也。溱音

臻。洧音甯。

【补注】钱坫曰：臻，《说文》作漹，《水经》同。惟《诗》、《春秋内外传》作臻。古臻、漹字、音声皆异，无通用之例。或水有二名，故《诗》臻与人字相协为韵，若以漹协人，则失之远矣。

土陿而险，山居谷汲，男女亟聚会，

【颜注】师古曰：亟，屡也。音丘吏反。故其俗淫。《郑诗》曰：“出其东门，有女如云。”

【颜注】师古曰：《出其东门》之诗。东门，郑之东门也。如云，言其众多而往来不定。

【补注】先谦曰：陈奂云，《毛诗》以此闵乱而作，孟坚以为俗淫，盖《鲁诗》说。又曰：“臻与洧，方灌灌兮，士与女方秉菅兮。”“恂盱且乐，惟士与女，伊其相谑。”

【颜注】师古曰：《臻洧》之诗也。灌灌，水流盛也。菅，兰也。恂，信也。盱，大也。伊，惟也。谑，戏言也。谓仲春之月，二水流盛，而士与女执芳草于其间，以相赠遗，信大乐矣。惟以戏谑也。灌，音胡贯反。菅，音奸。

【补注】先谦曰：陈奂云，《毛诗》涣涣，《韩诗》作洹洹，则灌灌为《鲁诗》也。声并同。毛、韩作茝，鲁作菅。此其风也。吴札闻《郑》之歌，曰：“美哉！其细已甚，民弗堪也。是其先亡乎？”

【颜注】臣瓚曰：谓音声细弱也，此衰弱之征。

自武公后二十三世，为韩所灭。

陈国，今淮阳之地。

【补注】王鸣盛曰：地下误空一格，南监下陈字误提行起，皆非是。

陈本太昊之虚，周武王封舜后妫满于陈，是为胡公。妻以元女大姬。妇人尊贵，好祭祀，用巫，故其俗巫鬼。

【补注】王念孙曰：案巫鬼上原有好字。此言大姬好祭而用巫，故其民化之，而皆好巫鬼也。脱去好字，则文义不明。《诗谱》云，大姬无子，好巫觋祷祈鬼神歌舞之乐，民俗化而为之。《正义》引此志，正作其俗好巫鬼。又云，在女曰巫，在男曰觋，巫是总名，故《汉书》唯言好巫。《正义》两引此，皆云好巫，则有好字明矣。《匡衡传》亦云，陈夫人好巫，而民淫祀。

《陈诗》曰：“坎其击鼓，宛丘之下，亡冬亡夏，值其鹭羽。”

【颜注】师古曰：《宛丘》之诗也。坎坎，击鼓声。四方高，中央下，曰宛丘。值，立也。鹭鸟之羽以为翺，立之而舞，以事神也。无冬无夏，言其恒也。

又曰：“东门之粉，宛丘之栩，子仲之子，婆娑其下”。

【颜注】师古曰：《东门之粉》之诗也。东门，陈国之东门也。粉，白榆也。栩，杼也。子仲，陈大夫之氏也。婆娑，舞貌也。亦言于粉栩之下，歌舞以娱神也。粉，音扶云反。栩，音许羽反。杼，音神汝反。

【补注】钱坫曰：婆应作𪚩，婆俗字。此其风也。吴札闻《陈》之歌，曰：“国亡主，其能久乎！”

【颜注】师古曰：言改由妇人，不以君为主也。

自胡公后二十三世为楚所灭。陈虽属楚，于天文自若其故。

【补注】宋祁曰：世字下，淳化本有亦字。

颍川、南阳，本夏禹之国。夏人上忠，其敝鄙朴。韩自武子后七世称侯，六世称王，五世而为秦所灭。秦既灭韩，徙天下不轨之民于南阳，

【颜注】师古曰：不轨，不循法度者。故其俗夸奢，上气力，好商贾渔猎，藏匿难制御也。宛，西通武关，东受江淮，一都之会也。

【补注】王念孙曰：案都会之间不当有之字。篇内皆言一都会，无之字。《史记·货殖传》亦无。

宣帝时，郑弘、召信臣为南阳太守，

【颜注】师古曰：召读曰邵。治皆见纪。信臣劝民农桑，去末归本，郡以殷富。颍川，韩都。士有申子、韩非刻害余烈，

【颜注】师古曰：申子，申不害也。烈，业也。

高(士)[仕]宦，

【补注】钱大昭曰：士，南监本、闽本作仕，是。朱一新曰：汪本作仕。先谦曰：官本作仕。

【中华校】景祐、殿本都作“仕”。好文法，民以贪遴争讼生分为失。

【颜注】师古曰：遴，与吝同。

【补注】钱坫曰：《说文》遴，行难也。《易》曰，以往遴。今《易》作吝。《王莽传》，性实遴啬。《杜钦传》，诚难以忽，

不可以遴。义皆与吝同。

韩延寿为太守，先之以敬让；黄霸继之，教化大行，狱或八年亡重罪囚。南阳好商贾，召父富以本业；

【颜注】师古曰：召父，谓召信臣也。劝其务农以致富。

颍川好争讼分异，黄、韩化以笃厚。“君子之德风也，小人之德草也”，信矣。

【颜注】师古曰：《论语》载孔子之言也。曰，君子之德风，小人之德草也。草上之风必偃。言从教而化。

自东井六度至亢六度，谓之寿星之次，郑之分野，与韩同分。

【补注】齐召南曰：寿星之次，星曰角、亢。《律历志》，寿星初轸十二度，中角十度，终于氐四度。乌在其为自东井六度至亢六度也。夫自东井十度至柳三度，为鹑首之次，秦分野也。柳、七星、张，为鹑火之次，周分野也。翼轸为鹑尾之次，楚分野也。岂有自未至辰，远及四次，以为一地之分星乎。二句必系传写之误。

【集释】《汉书疏证》曰：依蔡氏《月令章句》，宜云自轸六度至亢六度。

赵地，昴、毕之分野。

【补注】王引之曰：昴上当有胃字。《史记·天官书》正义引《星纪》曰：胃、昴，赵之分野。《晋书·天文志》引费直《周易分野》曰，自娄十度至毕八度（胃、昴在其中），赵之分野。又引蔡邕《月令章句》曰，自胃一度至毕五度，赵之分野。高注《吕氏春秋·有始》篇、《淮南·天文》篇，并曰，胃、昴，赵之分野。皆其证。《汉纪》（应为书，编者按）·高

后纪》云，胃、昴、毕，赵也（《广雅》同）。即本《汉书》，尤其明证矣。《史记正义》论例引此，已脱胃字。钱坫曰：《天官书》，昴、毕，冀州。

赵分晋，得赵国。北有信都、真定、常山、中山，又得涿郡之高阳、郑、州乡；

【颜注】师古曰：郑，音莫。

东有广平、巨鹿、清河、河间，又得渤海郡之东平舒、中邑、文安、束州、成平、章武，河以北也；南至浮水、繁阳、内黄、斥丘；

【补注】汪远孙曰：繁阳，繁渊。郦注云，即浮水，盖县并入。

西有太原、定襄、云中、五原、上党。上党，本韩之别郡也，远韩近赵，后卒降赵，皆赵分也。

自赵夙后，九世称侯，四世敬侯徙都邯郸，至曾孙武灵王称王，五世为秦所灭。

赵、中山地薄人众，犹有沙丘纣淫乱余民。

【颜注】晋灼曰：言地薄人众，犹复有沙丘纣淫地余民，通系之于淫风而言之也。不说沙丘在中山也。

【补注】宋祁曰：正文中山地下，别本又一地字。

丈夫相聚游戏，悲歌忼慨，起则椎剽掘冢，

【颜注】师古曰：椎杀人而剽劫之也。椎，音直追反，其字从木。剽，音频妙反。掘冢，发冢也。

作奸巧，多弄物，

【补注】朱一新曰：弄，《史·货殖传》

作美。徐广曰，美，一作弄，一作推。

为倡优。女子弹弦跕蹻，游媚富贵，遍诸侯之后宫。

【颜注】如淳曰：跕，音蹠足之蹠。蹻音疑。臣瓚曰：蹻跟为跕，（桂）【挂】指为蹻。师古曰：跕，音它颊反。蹻字与疑同。疑，谓小履之无跟者也。跕，谓轻蹻之也。

【补注】钱坫曰：蹻，舞履也。跕即走字，疑即蹻耳。先谦曰：官本桂作挂，是。跕蹻，服虔所谓蹠履是也。古无蹠蹻二字，蹠亦即走，

【集释】《汉书疏证》引《演繁露》曰：按今人夏月以生帛为履，其三面稍隆起，惟当脚跟处正低，即师古所指也。

邯郸北通燕、涿，南有郑、卫，漳、河之间一都会也。其土广俗杂，大率精急，高气势，轻为奸。

太原、上党又多晋公族子孙，以诈力相倾，矜夸功名，报仇过直，

【颜注】师古曰：直亦当也。

【补注】宋祁曰：一本倾下有务字。朱一新曰：汪本有务字。

嫁取送死奢靡。

【颜注】师古曰：取读曰娶，其下并同。汉兴，号为难治，常择严猛之将，或任杀伐为威。父兄被诛，子弟怨愤，至告讐刺史二千石，

【颜注】师古曰：讐，面相斥罪也。音居列反，又音居谒反。

【补注】宋祁曰：注相字，邵本作犹。或报杀其亲属。

钟、代、石、北，迫近胡寇，

【颜注】如淳曰：钟，所在未闻。石，山险之限，在上曲阳。

【补注】钱坫曰：钟，钟山，亦曰阴山也。在今榆林府城北，鄂尔都斯界黄河北岸。如以为未闻，非矣。代，郡县名。石，石城。北，北平。如以为石为在上曲阳者，常山石邑，非此耳。先谦曰：官本，如淳作师古。

民俗犷戾，

【颜注】臣瓚曰：犷，音冀。今北土名强直为犷中。师古曰：犷，坚也。戾，恨也。音章鼓反。

【补注】钱坫曰：犷即冀字别也。《释名》亦云，坚犷，冀为北方州者，以民俗坚冀称之欤。

好气为奸，不事农商，自全晋时，已患其剽悍，

【颜注】师古曰：剽，急也，轻也。悍，勇也。剽，音频妙反，又音疋妙反。悍，音胡旦反。

而武灵王又益厉之。故冀州之部，盗贼常为它州剧。

定襄、云中、五原，本戎狄地，颇有赵、齐、卫、楚之徙。

【颜注】师古曰：言四国之人被迁徙来居之。

其民鄙朴，少礼文，好射猎。雁门亦同俗，於天文别属燕。

燕地，尾、箕分野也。

【补注】钱坫曰：《天官书》，尾、箕，幽州。朱一新曰：燕下汪本提行。王鸣盛曰：误连上，南监提行，是。先谦曰：官本提行。

武王定殷，封召公于燕，其后三十

六世与六国俱称王。东有渔阳、右北平、辽西、辽东，西有上谷、代郡、雁门，南得涿郡之易、容城、范阳、北新城、

【补注】王鸣盛曰：城，当作成。南监亦误。先谦曰：北新成属中山，非涿郡，此与上新汲、酸枣，或班偶误，或先后改属，皆不可知。

故安、涿县、良乡、新昌，及勃海之安次，皆燕分也。乐浪、玄菟，亦宜属焉。

燕称王十世，

【补注】朱一新曰：正统本、汪本作七世，是。

秦欲灭六国，燕王太子丹遣勇士荆轲西刺秦王，不成而诛，秦遂举兵灭燕。

蓟，南通齐、赵，勃、碣之间一都会也。

【颜注】师古曰：蓟县，燕之所都也。勃，勃海也；碣，碣石也。

【补注】先谦曰：官本注末多此石著海旁揭揭然特立之貌也十三字。

初太子丹宾养勇士，不爱后宫美女，民化以为俗，至今犹然。宾客相过，以妇侍宿，嫁取之夕，男女无别，反以为荣。后稍颇止，然终未改。其俗愚悍少虑，轻薄无威，亦有所长，敢于急人，

【颜注】如淳曰：赴人之急，果于赴难也。

燕丹遗风也。

上谷至辽东，地广民希，数被胡寇，俗与赵、代相类，有鱼盐枣

栗之饶。北隙乌丸、夫余，

【颜注】如淳曰：有怨隙也。或曰隙，际也。师古曰，训际是也。乌丸本东胡也，为冒顿所灭，余类保乌丸山，因以为号。夫余在长城之北，去玄菟千里。夫，读曰扶。

东贾真番之利。

玄菟、乐浪，武帝时置，皆朝鲜、涉貉、句骊蛮夷。

【颜注】师古曰：涉，音移。字或作萝，其音同。

殷道衰，箕子去之朝鲜，

【颜注】师古曰：《史记》云，武王伐纣，封箕子于朝鲜，与此不同。

教其民以礼义，田蚕织作。乐浪朝鲜民犯禁八条：

【颜注】师古曰：八条不具见。

相杀以当时偿杀；相伤以谷偿；相盗者男没入为其家奴，女子为婢，欲自赎者，人五十万。

【补注】先谦曰：官本贖作偿。

虽免为民，俗犹羞之，嫁取无所雠，

【颜注】师古曰：雠，匹也。一曰，雠读曰售。

是以其民终不相盗，无门户之闭，妇人贞信不淫辟。

【颜注】师古曰：辟，读曰僻。

其田民饮食以筴豆，

【颜注】师古曰：以竹曰筴，以木曰豆，若今之檠也。檠，音其敬反。

都邑颇放效吏及内郡贾人，往往以杯器食。

【颜注】师古曰：都邑之人，颇用杯器

者，效吏及贾人也。放，音甫往反。

郡初取吏于辽东，吏见民无闭臧，及贾人往者，夜则为盗，俗稍益薄。今于犯禁浸多，至六十余条。可贵哉，仁贤之化也。然东夷天性柔顺，异于三方之外，

【颜注】师古曰：三方，谓南、西、北也。故孔子悼道不行，设浮于海，欲居九夷，有以也夫！

【颜注】师古曰：《论语》称孔子曰，道不行，乘桴浮于海，从我者，其由也欤。言欲乘桴筏而适东夷，以其国有仁贤之化，可以行道也。桴音孚。筏音伐。

【补注】朱一新曰：颜注失引子欲居九夷事。刘敞曰：夫字宜属上句（此处已属上句——编者按）。

乐浪海中有倭人，分为百余国，以岁时来献见云。

【颜注】如淳曰：如墨委面，在带方东南万里。臣瓚曰：倭是国名，不谓用墨故谓之委也。师古曰：如淳云如墨委面，盖音委字耳，此音非也。倭，音一戈反。今犹有倭国。《魏略》云，倭在带方东南大海中，依山岛为国，度海千里，复有国，皆倭种。

自危四度至斗六度，谓之析木之次，燕之分也。

【补注】齐召南曰：按析木之次，星曰尾、箕。《律历志》，析木初尾十度，中箕七度，终于斗十一度，此言一次之全度也。燕地只占尾、箕，不及南斗，何缘自危四度至斗六度乎？若顺数之，几乎周天矣，若逆数之，则自危而虚，而女，而牵牛，而南斗，正当元枵星纪二次，又何以云析木也。宋本、监本俱误。

齐地，虚、危之分野也。

【补注】钱坫曰：《天官书》，虚、危，青州。

【集释】《汉书疏证》引蔡氏《月令章句》曰：自须女二度至危十度谓之玄枵之次，齐之分野。

东有菑川、东莱、琅邪、高密、胶东，南有泰山、城阳，北有千乘，清河以南，勃海之高乐、高城、重合、阳信，西有济南、平原，皆齐分也。

【补注】宋祁曰：分也，一本作分地。少昊之世有爽鸠氏，虞、夏时有季荝，

【颜注】师古曰：荝音仕力反。

汤时有逢公柏陵，殷末有薄姑氏，皆为诸侯，国此地。至周成王时，薄姑氏与四国共作乱，成王灭之，以封师尚父，是为太公。

【颜注】师古曰：武王封太公于齐，初未得爽鸠之地，成王以益之也。

《诗风》齐国是也。临菑名营丘，故《齐诗》曰：“子之营兮，遭我嵎岫之间兮。”

【颜注】师古曰：《齐国风·营》诗之辞也。《毛诗》作还，《齐诗》作营。之，往也。岫，山名也。字或作嵎，亦作巛，音皆乃高反。言往适营丘而相逢于岫山也。

【补注】钱坫曰：《说文》作嵎。今山在青州府临淄县东南十五里。钱大昕曰：古书营与环通。《说文》，营，市居也。读如阊阖之阊。还与环音亦同也。嵎、农声相近，故文或为岫。

又曰：“俟我于著乎而。”

【颜注】师古曰：《齐国风·著》诗之辞也。著，地名。即济南郡著县也。乎而，语助也。一曰，门屏之间曰著，音直庶反。

此亦其舒缓之体也。吴札闻齐之歌，曰：“泱泱乎，大风也哉！”

【颜注】师古曰：泱泱，弘大之意也。音乌郎反。

其太公乎？国未可量也。

古有分土，亡分民。

【颜注】师古曰：有分土者，谓立封疆也。无分人者，谓通往来不常厥居也。太公以齐地负海舄鹵，少五谷而人民寡，

【颜注】师古曰：舄鹵，解在《食货志》。乃劝以女工之业，通鱼盐之利，而人物辐凑。后十四世，

【补注】朱一新曰：汪本作十五。案《齐世家》，汪本是。

桓公用管仲，设轻重以富国，

【颜注】师古曰：解在《食货志》。

合诸侯成伯功，

【颜注】师古曰：伯，读曰霸。

身在陪臣而取三归。

【颜注】师古曰：三归，三姓之女。

【补注】钱坫曰：《战国策》，桓公设女市女闾，而管仲有三归之台，谓此也。故其俗弥侈，织作冰纨绮绣纯丽之物，

【颜注】如淳曰：纨，白熟也。纯，缘也。谓絛组之属也。丽，好也。臣瓌曰：冰纨，纨细密坚如冰者也。纯丽，温纯美丽之物也。师古曰：如说非也。

冰，谓布帛之细，其色鲜絜如冰者也。絜，素也。绮，文缯也。即今之所谓细绌也。纯，精好也。丽，华靡也。絜音丸。纯音淳。

【补注】王念孙曰：案冰絜，谓素色鲜絜如冰也。师古分冰絜为二物，亦非。号为冠带衣履天下。

【颜注】师古曰：言天下之人，冠带衣履，皆仰齐地。

【补注】钱坫曰：汉制，齐有三服之官。初太公治齐，修道术，尊贤智，赏有功，故至今其土多好经术，矜功名，

【补注】苏舆曰：土，疑土之讹。

舒缓阔达而足智。其失夸奢朋党，言与行缪，虚诈不情，

【颜注】师古曰：不可得其情。

急之则离散，缓之则放纵。始桓公兄襄公淫乱，姑姊妹不嫁，于是令国中民家长女不得嫁，名曰“巫儿”，为家主祠，嫁者不利其家，民至今以为俗。痛乎，道民之道，可不慎哉！

【颜注】师古曰：上道读曰导。

【补注】宋祁曰：慎，疑作愤。苏舆曰：慎字于文自顺，宋说赘。

昔太公始封，周公问“何以治齐？”太公曰：“举贤而上功。”周公曰：“后世必有篡杀之臣。”其后二十九世，为强臣田和所灭，而和自立为齐侯。初，和之先陈公子完有罪来奔齐，

【颜注】师古曰：公子完，陈厉公之子也。《左氏传》鲁庄二十二年，陈人杀其

太子御寇，公子完与颛奔齐，盖御寇之党也。

齐桓公以为大夫，更称田氏。九世至和而篡齐，至孙威王称王，五世为秦所灭。

临淄，海、岱之间一都会也，其中具五民云。

【颜注】服虔曰：土、农、商、工、贾也。如淳曰：游子乐其俗，不复归，故有五方之民也。师古曰：如说是。

鲁地，奎、娄之分野也。

【补注】钱坫曰：《天官书》，奎、娄、胃，徐州。

【集释】《汉书疏证》引蔡氏《月令章句》曰：自壁八度至胃一度谓之降娄之次，鲁之分野。

东至东海，南有泗水，至淮，得临淮之下相、睢陵、僮、取虑，皆鲁分也。

【颜注】师古曰：睢音虽。取音趣，又音秋。虑音间。

【补注】先谦曰：官本无睢音虽三字。

周兴，以少昊之虚曲阜封周公子伯禽为鲁侯，

【颜注】师古曰：少昊金天氏之地。

【补注】汪远孙曰：《诗·鲁颂谱》正义引应劭曰，曲阜在鲁城中，委曲长七八里。

以为周公主。

【颜注】师古曰：主周公之祭祀。

其民有圣人之教化，故孔子曰：“齐一变至于鲁，鲁一变至於道”，言近正也。

【颜注】师古曰：鲁庶几至道，齐人不如鲁也。

濒洙泗之水，

【颜注】师古曰：言所居皆边于一水也。濒，音频，又音宾。

其民涉度，幼者扶老而代其任。

【颜注】师古曰：任，负戴也。

俗既益薄，长老不自安，与幼少相让，故曰：“鲁道衰，洙泗之间断断如也。”

【颜注】师古曰：断断，分辨之意也。音牛斤反。

孔子闵王道将废，乃修六经，以述唐虞三代之道，弟子受业而通者七十有七人。是以其民好学，上礼义，重廉耻。周公始封，太公问“何以治鲁？”周公曰：“尊尊而亲亲。”太公曰：“后世寤弱矣”。

【颜注】师古曰：言渐微弱也。

【补注】钱坫曰：《鲁世家》，太公、伯禽报政周公，周公曰：鲁后世北面事齐，与此异。

故鲁自文公以后，禄去公室，政在大夫，季氏逐昭公，陵夷微弱，三十四世而为楚所灭。然本大国，故自为分野。

今去圣久远，周公遗化销微，孔氏庠序衰坏。地陋民众，颇有桑麻之业，亡林泽之饶。俗俭嗇爱财，趋商贾，好訾毁，多巧伪，

【颜注】师古曰：以言相毁曰訾。訾，音子尔反。

丧祭之礼文备实寡，然其好学犹愈于它俗。

【颜注】师古曰：愈，胜也。

汉兴以来，鲁东海多至卿相。东平、须昌、寿良，

【补注】王鸣盛曰：南监本作寿张，此与前东郡下良字不当互异，作良是。先谦曰：官本作张。

皆在济东，属鲁，非宋地也，当考。

【颜注】师古曰：当考者，言当更考核之，其事未审。

【补注】顾炎武曰：于宋地下云，今之沛、梁、楚、山阳、济阴、东平，及东郡之须昌、寿张，皆宋分也。于鲁地下又云，非宋地也，当考。此并存异说以备考，当小注于下，而误连书者。钱坫曰：自东平以下十八字，似非原文，或后人因其地属鲁，而分野在宋，故增记于此，以俟再核耳。

宋地，房、心之分野也。

【补注】钱坫曰：《天官书》，房、心，豫州。

【集释】《汉书疏证》引蔡氏《月令章句》曰：自亢八度至尾四度谓之大火之次，宋之分野。

今之沛、梁、楚、山阳、济阴、东平，及东郡之须昌、寿张，皆宋分也。

周封微子于宋，今之睢阳是也，本陶唐氏火正阏伯之虚也。济阴定陶，《诗风》曹国也。武王封弟叔振铎于曹，其后稍大，得山阳、陈留，二十余世为宋所灭。

昔尧作游成阳，

【颜注】如淳曰：作，起也。成阳在定陶，今有尧冢灵台。师古曰：作游者，言为宫室游止之处也。

舜渔鼈泽，

【颜注】师古曰：渔，捕鱼也。鼈，古雷字。

汤止于亳，故其民犹有先王遗风，重厚多君子，好稼穡，恶衣食，以致畜藏。

【颜注】师古曰：畜，读曰蓄。

宋自微子二十余世，至景公灭曹，灭曹后五世亦为齐、楚、魏所灭，参分其地。魏得其梁、陈留，齐得其济阴、东平，楚得其沛。故今之楚彭城，本宋也，《春秋经》曰“围宋彭城”。宋虽灭，本大国，故自为分野。

沛楚之失，急疾颡己，地薄民贫，

【颜注】师古曰：颡，与专同。急疾颡己，言性褊狭而自用。而山阳好为奸盗。

卫地，营室、东壁之分野也。

【补注】钱坫曰：《天官书》，营室至东壁，并州。

【集释】《汉书疏证》引蔡氏《月令章句》曰：自危十度至壁八度谓之豕韦之次，卫之分野。

今之东郡及魏郡黎阳、河内之野王、朝歌，皆卫分也。

卫本国既为狄所灭，

【颜注】师古曰：卫懿公为狄人所灭，事在《春秋》闵公二年。

文公徙封楚丘，

【补注】先谦曰：官本无封字。

三十余年，子成公徙於帝丘。故

《春秋经》曰：“卫燬于帝丘，”

【颜注】师古曰：燬，古迁字。

【补注】钱坫曰：《说文》燬，升高也。迁，登也。声义同，故通用。

今之濮阳是也。本颡项之虚，故谓之帝丘。夏后之世，昆吾氏居之，成公后十余世，为韩、魏所侵，尽亡其旁邑，独有濮阳。后秦灭濮阳，置东郡，徙之于野王。始皇既并天下，犹独置卫君，二世时乃废为庶人，凡四十世，九百年，最后绝，故独为分野。

卫地有桑间濮上之阻，

【颜注】师古曰：阻者，言其隐阨，得肆淫僻之情也。

男女亦亟聚会，声色生焉，

【颜注】师古曰：亟，屡也。音丘吏反。故俗称郑卫之音。周末有子路、夏育，民人慕之，

【颜注】师古曰：子路，孔子弟子仲由也，性好勇。夏育亦古之壮士，皆卫人。故其俗刚武，上气力。汉兴，二千石治者亦以杀戮为威。宣帝时韩延寿为东郡太守，承圣恩，崇礼义，尊谏争，至今东郡号善为吏，延寿之化也。其失颇奢靡，嫁取送死过度，而野王好气任侠，有濮上风。

楚地，翼、轸之分野也。

【补注】钱坫曰：《天官书》，翼、轸，荆州。

【集释】《汉书疏证》引蔡氏《月令章句》曰：自张十度至轸六度，谓之鹑尾之

次，楚之分野。

今之南郡、江夏、零陵、桂阳、武陵、长沙及汉中、汝南郡，尽楚分也。

周成王时，封文、武先师鬻熊之曾孙熊绎于荆蛮，为楚子，

【补注】钱坫曰：鬻古音读米。《说文》鬻，从鬻从米声，是也。鬻熊本姓半，古字半与鬻声同通用，故半熊亦称鬻熊耳。

居丹阳。后十余世至熊达，是为武王，浸以强大。

【颜注】师古曰：浸，渐也。

后五世至严王，总帅诸侯，观兵周室，并吞江、汉之间，内灭陈、鲁之国。

【补注】刘攽曰：严王未尝灭鲁也。齐召南曰：案楚之灭鲁，在顷襄王时，去庄王时甚远，又庄王虽尝入陈，旋复其国，至惠王始灭陈也。汪远孙曰：案此统后言，不指庄王。

后十余世，顷襄王东徙于陈。

【补注】朱一新曰：案陈属淮阳国，顷襄王自郢徙此。

楚有江汉川泽山林之饶；江南地广，或火耕水耨。民食鱼稻，以渔猎山伐为业，

【颜注】师古曰：山伐，谓伐山取竹木。果蓏羸蛤，食物常足。

【颜注】师古曰：羸，音来戈反。蛤，音阁。似蟬而圓。

【补注】钱坫曰：《史记》作果隋，隋俗字。

【集释】《汉书疏证》曰：按《史记》作

果隋，《正义》曰，隋今摇音，同上。古少字也。羸，力和反。摇，犹摇。叠包裹也。今楚越之俗尚有裹摇之语。楚越水乡，足螺鱼鳖，民多探捕积聚，摇叠包裹，煮而食之。班固不晓包裹之方言，修太史公书述地理，乃改云果蓏羸蛤，非太史公意，班氏之失也。

故蚺羸媮生，而亡积聚，

【颜注】应劭曰：蚺，弱也。言风俗朝夕取给，媮生而已，无久长之虑也。如淳曰：蚺，或作鳖，音紫，羸，音庾。晋灼曰：蚺，病也。羸，惰也。师古曰：诸家之说皆非也。蚺，短也。羸，弱也。言短力弱材，不能勤作，故朝夕取给而无储侍也。如音是也。

【补注】朱一新曰：《史记正义》，《淮南子》曰，古者民食羸蚌之肉，多疹毒之患也。

饮食还给，不忧冻饿，

【颜注】师古曰：还，及也。言常相及而给足也。

亦亡千金之家。信巫鬼，重淫祀。而汉中淫失枝柱，与巴蜀同俗。

【颜注】师古曰：失，读曰洩。柱，音竹甫反。枝柱，音意相节却，不顺从也。汝南之别，皆急疾有气势。江陵，故郢都，西通巫、巴，东有云梦之饶，亦一都会也。

吴地，斗分野也。

【补注】钱坫曰：《天官书》，斗，江湖。今之会稽、九江、丹阳、豫章、庐江、广陵、六安、临淮郡，尽吴分也。

殷道既衰，周大王亶父兴邠

梁之地，长子大伯，次曰仲雍，少曰公季。公季有圣子昌，大王欲传国焉。大伯、仲雍辞行采药，遂奔荆蛮。公季嗣位，至昌为西伯，受命而王。故孔子美而称曰：“大伯，可谓至惠也已矣！三以天下让，民无得而称焉。”谓“虞仲夷逸，隐居放言，身中清，废中权。”

【颜注】师古曰：皆《论语》载孔子之言也。虞仲，即仲雍也。夷逸，言窜于蛮夷而遁逸也。隐居而不言，故其身清洁，所废中于权道。

【补注】吴仁杰曰：《史记·周本纪》、《吴世家》所载虞仲、仲雍事不同，自本纪言之，则仲雍为太伯之弟，而虞仲乃仲雍曾孙周章之弟也。然本纪言太伯弟曰虞仲，而世家言太伯弟曰仲雍，是虞仲、仲雍合而为一人也。本纪言虞仲为太伯之弟，而世家言虞仲为周章之弟，是虞仲有两人也。纪与世家，皆出太史公，而自相伐如此。太史公采《论语》、《春秋传》为书。今案《左传》，宫之奇曰，太伯虞仲，太王之昭，则虞仲为太伯之弟，太王之子，明矣。孔子亦谓虞仲隐居放言，与夷齐并称之曰逸民。夫虞仲唯未尝有国也。故与夷齐并称，使其继太伯君句吴，则安得谓之隐，而以逸民名之。《左氏》又载子贡之言曰，太伯端委，以治《周礼》，仲雍嗣之，断发文身，以此推之，则虞仲、仲雍，决非一人，虞仲则终于逸民，仲雍嗣有吴国，虞仲为太伯之弟，则仲雍盖太伯之子也。孟坚既承误于太史公，颜注又从而和之，过矣。

大伯初奔荆蛮，荆蛮归之，号曰句

吴。

【颜注】师古曰：句，音钩，夷俗语之发声也。亦犹越为于越也。

【补注】先谦曰：官本于作於。

大伯卒，仲雍立，至曾孙周章，而武王克殷，因而封之。又封周章弟中于河北，是为北吴，

【颜注】师古曰：中读曰仲。

【补注】吴仁杰曰：案周章之弟，世家作虞仲，志作吴中，吴声变而为虞，仲中占字通，则吴中即虞仲矣。然《周本纪》以虞仲为太伯之弟，而世家与志以虞仲为周章之弟者，案周章弟其初必自有名，而史失之。方武王封周章弟为虞公，本以为逸民虞仲之后，当时因以虞仲目之，如二虢之后称虢仲、虢叔，赵盾之后称赵孟也。张守节云，周章弟名仲，初封于虞，后人以国配仲，故又号始祖为虞仲，如其说，则是以曾孙而变祖字，恐无是理。北吴亦谓之吴，故以北冠之，以别荆蛮之吴，如虢之分东西耳。其转而为虞，则犹虢为郭也。志以虞为北吴，而《齐语》谓为西吴者，盖在北在西，从周所都言之。世家曰，封周章弟于周之北，则以为北吴者，以其在镐京之北。《郑语》曰，当成周者，西有虞虢，则以为西吴者，以其在成周之西，二说所以不同。

后世谓之虞，十二世为晋所灭。后二世而荆蛮之吴子寿梦盛大称王。其少子则季札，有贤材。兄弟欲传国，札让而不受。自（大伯）寿梦称王六世，

【补注】先谦曰：陈奂云，大伯二字疑衍。

【集释】王峻曰：按大伯下当有至字。

阖庐举伍子胥、孙武为将，战胜攻取，兴伯名于诸侯。

【颜注】师古曰：伯，读曰霸。

至子夫差，诛子胥，用宰嚭，

【颜注】师古曰：嚭，音披美反。

为粤王句践所灭。

吴、粤之君皆好勇，故其民至今好用剑，轻死易发。

粤既并吴，后六世为楚所灭。后秦又击楚，徙寿春，至子为秦所灭。

寿春、合肥受南北湖皮革、鲍、木之输，

【颜注】师古曰：皮革，犀兕之属也。

鲍，鲍鱼也。木，枫、枏，豫章之属。

【补注】钱坫曰：鲍即鞞字。《说文》，鞞，柔革工也，读若朴。《周礼》曰：柔皮之工鲍氏，鞞即鲍也。

【集释】杨树达曰：钱据《说文》读鲍为鞞，则与皮革木不类，其说非也。《说文·鱼部》，鲍，鳢鱼也。

亦一都会也。始楚贤臣屈原，被谗放流，作《离骚》诸赋以自伤悼。

【颜注】师古曰：诸赋，谓《九歌》、《天问》、《九章》之属。

后有宋玉、唐勒之属慕而述之，皆以显名。汉兴，高祖王兄子濞于吴，招致天下之娱游子弟，枚乘、邹阳、严夫子之徒兴于文、景之际。而淮南王安亦都寿春，招宾客著书。而吴有严助、朱买臣，贵显汉朝，文辞并发，故世传《楚

辞》。其失巧而少信。初，淮南王异国中民家有女者，

【颜注】晋灼曰：有女者见优异。

以待游士而妻之，故至今多女而少男。

【颜注】如淳曰：得女宠或去男也。臣瓚曰：《周官·职方》云，扬州之民，二男而五女，此风气非由淮南王安能使多女也。师古曰：二说皆非也。志亦言土地风气既足女矣，因淮南之化，又更聚焉。

【补注】刘敞曰：班氏作史，杂采异说，亦安能无失。瓚举扬州之说，是矣。钱坫曰：多女少男，谓多少之也。生男无喜，生女无怒，独不见卫子夫伯天下是其义，而说者乃訾议之，何欤？

本吴粤与楚接比，数相并兼，

【颜注】师古曰：比，近也。音频寐反。故民俗略同。

吴东有海盐章山之铜，三江五湖之利，亦江东之一都会也。豫章出黄金，然堇堇物之所有，取之不足以更费。

【颜注】应劭曰：堇堇，少也。更，赏也。言金少耳，取不足用，顾费用也。师古曰：应说非也。此言所出之金，既以少矣，自外诸物，盖亦不多，故总言取之不足偿功直也。堇，读曰仅。更音庚。

【补注】钱大昭曰：赏，闽本作偿。先谦曰：官本作偿。

江南卑湿，丈夫多夭。

会稽海外有东鯪人，

【颜注】孟康曰：音题。晋灼曰：音鞮。师古曰：孟音是也。

分为二十余国，以岁时来献见云。

粤地，牵牛、婺女之分野也。

【补注】钱坫曰：《天官书》，牵牛、婺女，扬州。

今之苍梧、郁林、合浦、交趾、九真、南海、日南，皆粤分也。

其君禹後，帝少康之庶子云，封於会稽，

【颜注】臣瓚曰：自交趾至会稽七八千里，百越杂处，各有种姓，不得尽云少康之后也。按《世本》，越为半姓，与楚同祖。故《国语》曰，半姓夔越。然则越非禹后明矣。又半姓之越，亦句践之后，不谓南越也。师古曰：越之为号，其来尚矣，少康封庶子，以主禹祠，君于越地耳。故此志云其君禹后，岂谓百越之人皆禹苗裔？瓚说非也。

【补注】刘攽曰：瓚所云越非禹后，亦谓百越之君耳，岂指七八千里内之民乎。班氏所举，但是会稽一越耳。瓚以一越证之，亦未为失，而颜遂曲排之，非通论也。

文身断发，以避蛟龙之害。

【颜注】应劭曰：常在水中，故断其发，文其身，以象龙子，故不见伤害也。

后二十世，至句践称王，与吴王阖庐战，败之雋李。

【颜注】师古曰：雋，音醉，字本作構，其旁从木。

【补注】钱坫曰：会稽郡下作就李，即今醉李也。何焯曰：西汉会稽一郡，吴越共之，故前以会稽为吴分，此仍叙封于会稽，为百越始。

夫差立，句践乘胜复伐吴，吴大破之，栖会稽，

【颜注】师古曰：会稽，山名。登山而处，以避兵难。言若鸟之栖。

臣服请平。后用范蠡、大夫种计，遂伐灭吴，兼并其地。度淮与齐、晋诸侯会，致贡于周。周元王使使赐命为伯，诸侯毕贺。后五世为楚所灭，

【补注】朱一新曰：案，《史·越世家》作六世者，是。

子孙分散，君服于楚。

【颜注】师古曰：事楚为君，而服从之。后十世，至闽君摇，佐诸侯平秦。汉兴，复立摇为越王。是时，秦南海尉赵佗亦自王，传国至武帝时，尽灭以为郡云。

处近海，多犀、象、毒冒、珠玕、银、铜、果、布之凑，

【颜注】韦昭曰：果，谓龙眼、离支之属。布，葛布也。师古曰：毒音代。冒，音莫内反。玕，谓珠之不圆者也，音祈，又音机。布，谓诸杂细布皆是也。

中国往商贾者多取富焉。番禺，其一都会也。

自合浦徐闻南入海，得大州，

【补注】先谦曰：即今琼州府。

【编者按】即今海南岛。

东西南北方千里，武帝元封元年略以为儋耳、珠厓郡。民皆服布如单被，穿中央为贯头。

【颜注】师古曰：著时从头而贯之。男子耕农，种禾稻紵麻，女子桑蚕织绩。亡马与虎，民有五畜，

【颜注】师古曰：牛、羊、豕、鸡、犬。山多麋麋。

【颜注】师古曰：麋似鹿而大，麋似鹿而小。麋音主。麋音京。

兵则矛、盾、刀，木弓弩，竹矢，或骨为鏃。

【颜注】师古曰：鏃，矢锋，音子木反。自初为郡县，吏卒中国人多侵陵之，故率数岁壹反。元帝时，遂罢弃之。

【补注】先谦曰：详《贾捐之传》。

自日南障塞、徐闻、合浦

【补注】朱一新曰：障塞，犹筑亭乘障塞之，障塞非县名也。汪氏云，障塞无闻，殊误。

【编者按】自此以下是一段极可珍贵的汉代海外交通资料。日南障塞与徐闻合浦是当时海外航线的起点，但颇疑此处徐闻合浦乃合浦徐闻之误倒。徐闻合浦者，指徐闻、合浦二县，而合浦县并不在海滨，不大可能是港口。反之，合浦徐闻意即合浦郡徐闻县，徐闻是汉代控扼琼州海峡的重要海港（参见正文该县下注），船队每年冬天自此起航，驶往东南亚，夏天又自东南亚回航至此。对照上文“自合浦徐闻南入海”，亦可证此处徐闻合浦有误。

关于这段交通史料的研究，半个多世纪以来有不少中外学者用力甚勤。其中比较重要的论著有法人费琅的《昆崙及南海古代航行考》，日人藤田丰八的《前汉对于西南海上交通的记录》，冯承钧的《中国南洋交通史》及韩振华《公元前二世纪至公元一世纪间中国与印度东南亚的海上交通》（载《厦门大学学

报》1957年第2期），岑仲勉的《西汉对南洋的海道交通》与《汉使海程的再次讨论》（收入《中外史地考证》），周连宽的《汉使航程问题——评岑韩二氏的论文》（载《中山大学学报》1964年第3期）。

这些论著对汉使航程上的一些地名加以考证，以比附今地。各家之说有相合之处，有乖离之处，甚至有大方向全不一致者，此处不能一一引述，只能择要介绍其结论，以便读者比较。

船行可五月，有都元国；

【编者按】都元国藤田氏以为即《通典》之都昆、《梁书》的屈都昆及《水经注》的屈都乾，乃 Kalaha 之对音，地在印尼苏门答腊岛的北岸。岑氏以为马来半岛克拉地峡北之 Htayan，南去万峇湾不远。周氏则认为是马来半岛东岸的北大年。

又船行可四月，有邑卢没国；

【编者按】藤田氏以为邑卢没即缅甸迦尔耶尼碑文中的 Golamattika，当今缅甸直通或其附近。周氏则认为此国应在爪哇岛北岸的雅加达，因其附近有岬名 Kra bang，音与邑卢没相近。

又船行可二十余日，有谶离国；

【颜注】师古曰：谶，音士林反。

【编者按】藤田氏认为谶离即贾耽的悉利城，位伊洛瓦底江之上游，今之 Sillah，而邑卢没正在伊洛瓦底江下游。而周氏即以为当在爪哇的三宝壟（Cemarang）。

步行可十余日，有夫甘都卢国。

【颜注】师古曰：都卢国人，劲捷善缘高，故张衡《西京赋》云，乌获扛鼎，都卢

寻幢。又曰，非都卢之轻舫，孰能超而究升也。夫音扶。

【编者按】费琅比定夫甘都卢为缅甸的蒲甘(Pagan)古城。多数学者都同意这一说法，只是对“都卢”的解释有所不同，其中韩氏以为“夫甘都卢”意即“都卢人的夫甘国”。周氏另有见解，视爪哇西南海岸有地名 Tulunhagang 者为都卢夫甘(即夫甘都卢)的对音。

自夫甘都卢国船行可二月余，有黄支国，

【编者按】黄支国是汉使航行的终点，故其地望是理解整段史料的关键。多数学者都同意藤田和费琅二氏的主张，认定黄支即印度东海岸的 Conjevaram，亦即玄奘《大唐西域记》中达罗毗荼国都城建志补罗。周氏则认为黄支国在苏门答腊西北海岸 Ayer Bangis 处。黄支国地望考定的差异，即表明航线长短及方向的不同。若黄支即建志(补罗)，则航线是向南再向西，比到苏门答腊西北部要远得多。

民俗略与珠厓相类。其州广大，户口多，多异物，自武帝以来皆献见。有译长，属黄门，

【集释】陈直曰：本文之译长，与大鸿胪之译官令不同。又按，《居延汉简释文》卷一有“女译二人”之记载。边郡长吏皆得自用译人，未必皆属于黄门令。与应募者俱入海市明珠、璧流离、

【编者按】费琅以为璧琉璃即玻璃，非。《说文》珣，石之有光，璧珣也。出西胡中，从玉珣声。疑璧珣即璧琉璃之异译，是天然宝石。韩振华说是印度七宝中的一种碧玉，近是。

奇石异物，赍黄金杂缯而往。所至国皆稟食为耦，

【颜注】师古曰：稟，给也。耦，嬖也。给其食而侣嬖之，相随行也。

蛮夷贾船，转送致之。亦利交易，剽杀人。

【颜注】师古曰：剽，劫也。音频妙反。又苦逢风波溺死，

【补注】宋祁曰：逢，越本作蓬。不者数年来还。大珠至围二寸以下。

【补注】先谦曰：《通典》云，至圆者，置之平地，终日不停。

平帝元始中，王莽辅政，欲耀威德，厚遗黄支王，令遣使献生犀牛。自黄支船行可八月，到皮宗；

【编者按】藤田氏以为皮宗即马来语 Pisang 的对音，意即香蕉。在《通典》为比嵩，在黄省曾《西洋朝贡典录》为“披宗之屿”，今则为马来西岸的 Pulau Pisang。韩氏认皮宗是苏门答腊岛，而周氏则把皮宗看成一个小停靠站，从回程航行时间看，应位于越南半岛最南端。

船行可(八)[二]月，到日南、象林界云。

【补注】钱大昭曰：八，南监本、闽本并作二。先谦曰。汪本、官本作二。象林，日南县也。

【集释】杨树达曰：景祐本作“二”。黄支之南，有已程不国，

【编者按】已程不国的址定比较困难。藤田氏亦不能确指。翦伯赞氏认为其地当在锡兰岛。韩氏更进一步以为已程不即巴利语 Sihakipa(师子洲，即锡

兰今之斯里兰卡)的对音。周氏则认为
是上引 Bangis 以南的 Sipora 群岛。

汉之译使自此还矣。

【编者按】从上面一段史料,读者可推
测出西汉时期与东南亚甚至印度之间

的交通往来情形。但是具体的航线以
及中途停泊港言人人殊,至今尚不能完
全指实。由于缺乏旁证材料,在可预见
的将来,恐怕还不可能取得一致的意
见。

《集释》、《编者按》中所引专著及论文目录

岑仲勉《西汉对南洋的海道交通》、《汉使海程的再次讨论》，见《中外史地考证》，中华书局 1960 年

陈介祺《封泥考略》，（清）吴式芬辑，影印本（光绪三十年版），北京，中国书店，1990 年

陈直《汉书新证》

陈澧《汉书地理志水道图说》，（清）同治十一年，广州富文斋刊本

陈梦家《河西四郡的建置年代》，载《汉简缀述》

杜佑《通典》，北京，中华书局，1984 年

段玉裁《经韵楼集》卷五三《地理志观县考》，见《经韵楼丛书》戴段合刻

范晔《后汉书》，北京，中华书局点校本，1965 年

冯承钧《中国南洋交通史》，上海，上海书店，1984 年

顾颉刚《两汉州制考》，载《蔡元培先生六十五岁庆祝论文集》

韩振华《公元前二世纪至公元一世纪间中国与印度、东南亚的海上交通》，《厦门大学学报》1957 年第 2 期。

何若瑶《汉书注考证》，广雅书局丛书·史学

洪适《隶释》，影印本，北京，中华书局 1985 年

洪适《容斋随笔》，上海，上海古籍出版社 1978 年

胡渭《禹贡锥指》，四库全书·经部

黄省曾《西洋朝贡典录》，谢方校注，北京，中华书局 1982 年

雷浚《学古堂日记·汉书》，（清）汪之昌辑，见《学古堂日记》。

李子魁《西汉百三郡国守相治所考》，《禹贡》卷六第 3 期

酈道元《水经注》，陈桥驿点校，上海古籍出版社，1990 年

刘安《淮南子》，（汉）高诱注，影印本，上海古籍出版社 1989 年

刘台拱《汉学拾遗》，见《刘端临先生遗书》，广雅书局丛书·杂著

缪荃孙《汉书引经异文录证》，光绪乙酉刻本，复旦大学图书馆藏

钱大昕《三史拾遗》，嘉定钱大潜研堂全书·史部

沈家本《汉书琐言》，《沈寄铨先生遗书》乙编

谭其骧《〈汉书·地理志〉选释》，见《长水集》，人民出版社 1987 年

谭其骧《秦郡新考》，见《长水集》，人民出版社 1987 年

谭其骧《中国历史地图集》，中国地图出版社 1982—1987 年

谭其骧《讨论两汉州制致顾颉刚先生书》，见《长水集》，人民出版社 1987 年

谭其骧《两汉州制考跋》，载《蔡元培先生六十五岁庆祝论文集》，国立中央研究院历史语言研究所集刊补编》1934 年

王国维《汉郡考》，载《王国维遗书》，上海书店 1983 年

王峻《汉书正误》

王文楚《关于〈中国历史地图集〉第二册西汉图几个郡国治所问题》，《历史地理》第 5 辑，上海人民出版社，1987 年

王献唐《齐鲁封泥集存》

吴大澂《愬斋集古录》，影印本，商务印书馆 1930 年。

严耕望《汉书地理志县名首书者即郡国治所辩》，载《中央研究院院刊》第一辑。

杨守敬《历代地理沿革图说》，饶敦秩撰，王尚德重绘，光绪二十四年文贤阁石印本。

杨守敬《汪士铎汉志释地驳议》，见《晦明轩稿》，《近代中国史料丛刊续编》第六十九辑行 688 册。

张维华《汉河西四郡建置年代考疑》，见《汉史论集》，齐鲁书社，1980 年。

赵明诚《金石录》，张元济校，见《四部丛刊》续编，第 28(348)种。

周连宽《汉使航程问题——评岑韩二氏的论文》，《中山大学学报》1964 年第 3 期

周明泰《再续封泥考略》，刻本，复旦大学图书馆藏

周振鹤《〈水经·浊漳水注〉一处错简》，载《历史地理》第一辑，上海人民出版社

周振鹤《被忽视了的秦代水经》，载《自然科学史研究》1986 年第 1 期

周振鹤《方言与中国文化》，上海人民出版社 1996 年新 1 版

周振鹤《秦一代郡数为四十八说》，载《历史地理》第八辑，上海人民出版社，1990 年

周振鹤《西汉齐郡北乡侯国地望考》，载《复旦学报》历史地理增刊，1980. 8 期

周振鹤《西汉政区地理》，人民出版社 1987 年

周振鹤《西汉宗教地理略说》，载《中国文化》第三辑

《长安获古编》，胡琨编，刻本，复旦大学图书馆藏

《朝鲜总督府古迹调查报告》

《定海厅志》引元吴莱甫《甬东山水古迹记》，史致驯修，陈重威，黄以周纂，光绪刊本。

《汉金文录》

《汉书疏证》稿本，(清)沈钦韩撰，光绪二十六年，浙江官书局刊本。

《汉书校证》

《汉印文字徵》，罗福颐编，北京，文物出版社，1978 年。

《翰苑注》，(唐)张楚金撰，(唐)雍公督注，见《辽海丛书》，辽沈书社影印本，第四册。

《河图握矩记》、《河图稽命征》、《河图始开图》(《艺文类聚》卷 2 所引)

《金石索》，(清)冯云鹏、冯云鹗同辑，道光丁亥刊本。

《江苏邳海地区考古调查》，南京博物院邳城调查队俞伟超载，《考古》1964. 1 期，页 23

《李翕西狭颂》，见《两汉金石记》十三，稿本，复旦大学图书馆藏。

《炮录》

《尚书纂言》

《十钟山房印举》

《太平御览》卷一七六引《蜀记》，(宋)李昉等撰，见《四部丛刊三编》，第34(438)种。

《文物》63年第11期“洽平马丞印”

《小校经阁金文》(拓本)，刘体智编，见《小校经阁石印本》1935年

《续山东考古录》，(清)叶圭绶继续，光绪八年山东书局刊本。

《尹湾汉墓简牍释文选》，载《文物》1986.8期

《钟鼎疑识》，原器拓片第一，见《丁氏文库》

稻叶岩志《满洲发达史》，杨成能译

费琅《昆仑及南海古代航行考》，冯承钧译，中华书局1957年

李丙焘《真番郡考》，周一良译，《禹贡》2卷10期

日比野丈夫《汉简所见地名考》，载《东洋史研究》十二卷三号，昭和二十八年三月

日比野丈夫《西汉郡国治所考》，载《中国历史地理研究》，东洋史研究史丛刊之三十，同朋舍出版部，昭和五十二年

藤田丰八《前汉对于西南海上交通的记录》

佐藤武敏《中国古代工业史的研究》

附：《汉书补注》引用诸书

萧该《汉书音义》

张泌《汉书校说》

宋祁《汉书校说》

刘敞《汉书刊误》

刘攽《汉书刊误》

刘奉世《汉书刊误》

吴仁杰《两汉刊误补遗》

王应麟《汉书艺文志考证》

张照

励宗万

陈浩

齐召南

杭世骏

张永祚 (以上诸人见官本《考证》)

顾炎武《日知录》

- 阎若璩《潜邱札记》
何焯《义门读书记》
全祖望《经史问答》、《汉书地理志稽疑》
王鸣盛《十七史商榷》
钱大昕《廿二史考异》、《三史拾遗》、《三统术衍》、《三统术铃》
钱大昭《汉书辩疑》
陈景云《两汉订误》
李锐《三统术注》
钱坫《新斠注地理志》
姚鼐《惜抱轩笔记》
王念孙《读书杂志》
洪亮吉《四史发伏》
段玉裁《汉书地理志校正》
刘台拱《汉学拾遗》
李麋芸《炳烛编》
沈涛《铜熨斗斋四史随笔》
洪颐煊《读书丛录》
汪远孙《汉书地理志校本》
吴卓信《汉书地理志补注》
梁玉绳《汉书人表考证》
王引之（见《读书杂志》）
沈钦韩《汉书疏证》
何若瑶《汉书注考证》
徐松《西域传补注》、《汉书地理志集释》
翟云升《校正古今人表》
周寿昌《汉书注补正》
汪士铎《汉志释地略》
陈澧《汉书地理志水道图说》
李光廷《汉西域图考》
张文虎《舒艺室随笔》
成蓉镜《史汉骈枝》
俞樾《湖楼笔谈》

地名笔画索引

二画

九门·····	184
九江郡·····	148
九真郡·····	437
九原·····	388

三画

三水·····	368
三封·····	385
三绛·····	315
于·····	480
于乡·····	253
于离·····	74
土军·····	384
土垠·····	409
土鼓·····	213
下曲阳·····	179
下邳·····	249
下邑·····	471
下邾·····	34
下相·····	257
下密·····	461
下博·····	454
下落·····	404
下雒·····	142

下雒·····	485
下蔡·····	165
下辨道·····	340
大末·····	265
大成·····	381
大阳·····	64
大祚·····	315
大夏·····	343
大陵·····	75
大夏·····	375
万年·····	42
弋阳·····	121
弋居·····	375
上乡·····	231
上艾·····	76
上曲阳·····	184
上谷郡·····	402
上邾·····	341
上郡·····	375
上殷台·····	421
上党郡·····	77
上庸·····	298
上禄·····	339
上虞·····	264
上蔡·····	121
上雒·····	62
小黄·····	105
山乡·····	251
山阳·····	84

山阳郡·····	151
山阴·····	263
山都·····	127
山桑·····	166
千乘·····	209
千乘郡·····	208
千章·····	382
千童·····	199
夕阳·····	410
广·····	225
广川·····	454
广乡·····	446
广平·····	258
广平·····	444
广平国·····	443
广田·····	381
广汉·····	300
广汉郡·····	298
广宁·····	404
广成·····	411
广至·····	365
广年·····	446
广阳·····	458
广阳国·····	457
广阿·····	178
广武·····	76
广郁·····	430
广昌·····	400
广牧·····	387

广信····· 433	云陵····· 42	日南郡····· 439
广衍····· 383	元氏····· 181	日勒····· 359
广饶····· 225	元城····· 174	中山国····· 448
广柔····· 309	无切····· 438	中乡····· 156
广都····· 303	无阳····· 289	中水····· 197
广陵····· 481	无终····· 408	中丘····· 185
广陵国····· 480	无盐····· 472	中阳····· 381
广戚····· 165	无虑····· 416	中牟····· 91
广望····· 195	无编····· 438	中邑····· 200
义成····· 171	无锡····· 263	中庐····· 136
义陵····· 290	天水郡····· 350	中都····· 73
义渠道····· 375	天陟····· 362	中留····· 431
巳氏····· 471	夫夷····· 293	中宿····· 428
弓高····· 457	夫租····· 427	中陵····· 394
女祁····· 404	开阳····· 250	内黄····· 173
女阳····· 117	开阳····· 257	贝丘····· 189
女阴····· 119	开封····· 95	父城····· 112
马邑····· 395	开陵····· 258	公丘····· 167
马城····· 397	井陘····· 185	公犹····· 256
马领····· 371	不韦····· 325	乌氏····· 368
辽队····· 417	不禾····· 377	乌伤····· 262
辽东郡····· 416	不而····· 426	乌程····· 266
辽西郡····· 411	不其····· 239	牛鞞····· 310
辽阳····· 417	不夜····· 236	长广····· 243
	五原····· 388	长子····· 77
	五原郡····· 387	长平····· 122
	五街····· 373	长安····· 31
	丰····· 165	长岑····· 423
	屯有····· 424	长利····· 298
	屯留····· 78	长沙国····· 484
	太原郡····· 71	长社····· 110
	历····· 453	长罗····· 107
	历乡····· 180	长垣····· 107
	历阳····· 149	长脩····· 68
	历城····· 214	长陵····· 43
	历陵····· 279	月氏道····· 370

四画

比阳····· 129
比苏····· 327
比景····· 440
云····· 243
云中····· 390
云中郡····· 389
云阳····· 43
云杜····· 142
云南····· 326

丹水	60	平氏	130	平望	229
丹扬郡	269	平丘	107	平隄	455
丹阳	272	平乐	156	平棘	186
丹徒	264	平乐道	340	平舒	399
计斤	243	平台	187	平輿	116
卞	475	平夷	331	平襄	350
六	483	平刚	408	玉门	362
六安国	482	平曲	249	东乡	171
文	418	平曲	254	东平阳	218
文成	415	平安	209	东平陆	473
文安	202	平安	482	东平国	472
文国	388	平阳	68	东平陵	213
方与	154	平阴	91	东平舒	201
方利	383	平寿	228	东光	199
方城	458	平邑	399	东安	252
方渠	373	平利	446	东安	464
亢父	473	平谷	406	东安平	460
邓	131	平陆	384	东安阳	399
双柏	322	平阿	171	东阳	190
允吾	345	平明	411	东阳	236
允街	349	平昌	205	东牟	258
予道	343	平昌	243	东阿	101
巴郡	334	平的	229	东邹	209
毋极	451	平周	382	东武	238
毋单	333	平度	234	东武阳	100
毋敛	332	平定	381	东武城	188
毋櫟	327	平城	395	东昌	455
		平城	230	东昏	106
		平都	377	东郡	97
		平原	204	东城	150
		平原郡	203	东莱郡	233
		平恩	176	东莞	244
		平皋	85	东海郡	248
		平郭	418	东缙	154
		平陵	55	东眭	425
		平陶	74	石山	247

五画

邛都	313
扑剌	356
艾	280
平	93
平广	226
平乡	446

石乡	231	由拳	265	冯乘	433
石成	409	四会	429	汁方	299
石邑	182	代	399	汉中郡	294
石泉	463	代郡	396	汉阳	311
石城	273	外黄	106	兰干	352
左冯翊	35	令支	413	兰阳	259
左邑	66	令居	346	兰陵	248
右北平郡	408	白土	377	兰祺	250
右扶风	44	白马	103	宁	404
布山	429	白水	301	宁平	466
龙川	429	白石	346	宁阳	221
龙亢	164	白狼	410	宁陵	105
龙勒	366	白檀	406	邳	136
龙舒	145	斥丘	173	弘农	57
龙额	208	斥章	445	弘农郡	57
龙编	435	句阳	160	召陵	121
归德	122	句町	334	台	213
归德	373	句容	272	台乡	226
北乡	226	句章	266	台登	314
北平	449	乐乡	454	司吾	253
北地郡	371	乐成	133	皮氏	68
北屈	70	乐成	456	发干	99
北带	435	乐安	211		
北海郡	226	乐阳	187		
北新城	449	乐昌	102		
北舆	391	乐昌	124		
叶	130	乐信	180		
叶榆	325	乐都	231		
卢	217	乐浪郡	421		
卢乡	237	乐陵	205		
卢氏	57	乐陵	259		
卢奴	448	乐望	230		
卢容	440	乐涓	361		
且如	398	乐街	381		
且居	404	氏池	359		
且虑	412	氏道	342		

六画

邾	242
式	222
戎邑道	350
耒阳	285
枋	207
芒	169
西	344
西于	435
西乡	197
西平	121
西平	258

西华·····	122	夷安·····	463	任城·····	473
西安·····	224	夷陵·····	135	伊乡·····	246
西安平·····	418	夷道·····	137	延乡·····	211
西安阳·····	389	夷舆·····	403	延陵·····	397
西阳·····	141	当阳·····	136	华·····	220
西阳·····	157	当利·····	237	华阴·····	32
西河郡·····	380	当城·····	397	华丽·····	426
西城·····	295	当涂·····	150	华容·····	135
西梁·····	455	刚·····	217	向·····	164
西都·····	384	刚氏道·····	301	全椒·····	151
西陵·····	140	吕·····	479	会无·····	315
西捲·····	440	吕都·····	159	会水·····	362
西鄂·····	128	同并·····	331	会稽都·····	260
西盖马·····	421	同劳·····	322	合乡·····	252
西随·····	333	回获·····	374	合阳·····	207
共·····	84	回浦·····	269	合肥·····	150
列人·····	445	曲乡·····	157	合浦·····	437
列口·····	423	曲成·····	235	合浦郡·····	436
成·····	196	曲江·····	286	郇·····	74
成乡·····	231	曲阳·····	151	旬阳·····	295
成乡·····	463	曲阳·····	253	犷平·····	406
成平·····	201	曲阿·····	262	壮武·····	461
成乐·····	392	曲周·····	445	充·····	291
成安·····	105	曲易·····	435	充国·····	337
成安·····	113	曲逆·····	450	齐郡·····	222
成阳·····	123	曲梁·····	445	交趾郡·····	434
成阳·····	159	竹·····	164	交黎·····	414
成纪·····	351	迁陵·····	289	羊石·····	231
成武·····	153	廷陵·····	409	关·····	186
成固·····	297	朱卢·····	437	州·····	84
成宜·····	388	朱吾·····	440	州乡·····	195
成都·····	302	朱载·····	436	州陵·····	137
成皋·····	96	朱虚·····	239	江州·····	335
成德·····	149	朱提·····	312	江阳·····	310
邪龙·····	324	休屠·····	356	江都·····	481
邪头昧·····	426	任·····	445	江夏郡·····	139

[illegible]

杜衍·····	125	邹卢·····	462	即裴·····	174
杜陵·····	35	删丹·····	358	即墨·····	461
杨·····	69	龟兹·····	379	灵·····	189
杨氏·····	179	甸氏道·····	300	灵门·····	240
邯会·····	175	冶·····	269	灵丘·····	399
邯沟·····	176	庐江郡·····	143	灵州·····	372
邯鄲·····	441	庐陵·····	278	灵关道·····	314
丽·····	246	羌道·····	343	灵寿·····	183
芜湖·····	274	汧·····	52	灵武·····	371
苍梧·····	357	沅陵·····	288	陆成·····	451
苍梧郡·····	432	沛·····	168	陆浑·····	62
苏示·····	315	沛郡·····	163	阿阳·····	206
严道·····	305	沔阳·····	297	阿阳·····	351
巫·····	138	沮水·····	422	阿武·····	197
束州·····	202	沙·····	173	阿林·····	430
酉阳·····	290	沙南·····	390	阿陵·····	197
辰阳·····	289	沙陵·····	390	陇·····	352
来唯·····	328	沙羨·····	142	陇西郡·····	341
狄·····	141	沃阳·····	394	陈·····	465
连然·····	322	沃壑·····	387	陈仓·····	51
连道·····	485	汾阳·····	75	陈留·····	104
邳·····	172	汾阴·····	66	陈留郡·····	104
怀·····	83	汶江·····	308	纶氏·····	114
吴·····	261	汶阳·····	476		
吴房·····	118	沈阳·····	41		
利·····	224	沁水·····	86		
利乡·····	196	怀·····	83		
利成·····	250	宋子·····	178		
利苗·····	102	罕开·····	350		
余吾·····	78	良乡·····	196		
含资·····	422	良成·····	249		
含洹·····	286	张·····	444		
谷口·····	38	张掖·····	355		
狄·····	210	张掖郡·····	357		
狄道·····	341	即丘·····	251		
邹平·····	213	即来·····	246		

八画

孟·····	74
青衣·····	304
青蛉·····	318
表是·····	361
奉明·····	35
奉高·····	216
奉捷·····	352
武乡·····	246
武车·····	383
武功·····	55

武当····· 128	苦径····· 450	罗····· 485
武州····· 395	若····· 137	固始····· 467
武次····· 418	茂陵····· 55	固陵····· 388
武安····· 176	苟扇····· 435	龟池····· 60
武阳····· 254	苑陵····· 96	邾····· 141
武阳····· 310	范····· 99	钊····· 297
武进····· 392	范阳····· 194	偃山····· 290
武邑····· 454	枣疆····· 191	卑水····· 316
武始····· 175	殳····· 470	阜城····· 199
武垣····· 197	郁夷····· 48	阜陵····· 151
武城····· 41	郁林郡····· 429	邵阳····· 40
武城····· 393	郁郅····· 374	金兰····· 148
武要····· 393	郁秩····· 462	金城····· 346
武威····· 355	郁郛····· 312	金城郡····· 344
武威郡····· 352	邾····· 111	标氏····· 398
武泉····· 391	虎猛····· 383	狐奴····· 405
武都····· 338	味····· 324	狐苏····· 414
武都····· 388	呼遒····· 386	狐谿····· 70
武都郡····· 338	盱眙····· 256	肥如····· 413
武原····· 479	昆山····· 246	肥成····· 217
武皋····· 392	昆阳····· 110	肥爨····· 447
武陵····· 297	昆泽····· 324	周承休····· 113
武陵郡····· 288	昌····· 244	鱼复····· 337
武陶····· 181	昌平····· 404	於陵····· 213
武隧····· 456	昌成····· 455	於誓····· 271
武德····· 83	昌安····· 463	京····· 91
枝江····· 136	昌阳····· 236	京兆尹····· 30
枝阳····· 346	昌阳····· 258	京室····· 377
柘····· 242	昌邑····· 152	京陵····· 75
析····· 61	昌武····· 461	夜郎····· 332
枞阳····· 146	昌国····· 224	育阳····· 125
松兹····· 148	昌城····· 410	育犁····· 236
杼秋····· 470	昌虑····· 254	郑····· 33
取虑····· 256	易····· 194	郑····· 156
直路····· 371	易阳····· 442	单父····· 154
苦····· 466	沓氏····· 419	卷····· 94

浅水·····	377	宜春·····	119	参合·····	399
河内郡·····	82	宜春·····	281	参封·····	246
河东郡·····	63	宜城·····	135	参繇·····	369
河北·····	65	宜都·····	379	骊望·····	247
河目·····	389	宜梁·····	388	骊望·····	423
河关·····	347	宜禄·····	122	骆·····	476
河池·····	339	宛·····	125	骆虞·····	380
河阳·····	84	宛陵·····	271	细阳·····	119
河阴·····	388	宛温·····	332	绎幕·····	189
河间国·····	456	投栩·····	40	留·····	470
河南·····	93	房·····	417	留川国·····	459
河南郡·····	87	房山·····	247	留乡·····	157
沾·····	79	房子·····	185	留丘·····	479
沮·····	340	房陵·····	296		
沮阳·····	402	建乡·····	251		
泗水国·····	479	建平·····	169		
泗阳·····	480	建成·····	169		
冷道·····	293	建成·····	202		
兹氏·····	81	建成·····	281		
泥阳·····	374	建阳·····	151		
波·····	84	建阳·····	253		
泾·····	272	建信·····	210		
泾阳·····	367	建陵·····	254		
定·····	200	居风·····	438		
定阳·····	379	居延·····	359		
定周·····	431	居庸·····	403		
定作·····	314	居巢·····	145		
定陵·····	123	居就·····	418		
定陵·····	110	承·····	252		
定陶·····	158	承阳·····	486		
定陶·····	393	陕·····	58		
定襄·····	393	姑复·····	315		
定襄郡·····	391	姑幕·····	241		
宕渠·····	336	姑臧·····	355		
宜成·····	215	始安·····	293		
宜阳·····	59	参户·····	200		

故市	94	桂平	100	临泾	368
故安	193	莒	464	临朐	225
故道	339	荡阴	87	临朐	235
故鄣	271	茹	404	临洮	343
胡孰	274	荔蒲	433	临贺	433
封丘	106	贲古	327	临都	171
封阳	433	贲	179	临晋	39
封斯	186	茌阳	90	临原	241
勃海郡	198	垫江	335	临淮郡	255
郅乡	254	带方	423	临淄	223
郾	128	要阳	406	临颖	112
南广	311	赵国	441	临湘	485
南平	285	厚丘	252	临湖	146
南平阳	152	庠奚	406	临渝	415
南皮	200	咸阳	390	昭武	358
南成	251	咸驩	438	昭明	424
南曲	445	軹	86	昭南	225
南行唐	187	临乡	196	昭陵	486
南兴	388	临水	384	毗陵	262
南安	310	临允	437	虻丘	217
南阳郡	124	临邛	303	郢	135
南武阳	218	临平	179	显美	360
南昌	278	临乐	201	界休	73
南和	444	临戎	387	钜平	220
南郑	295	临尘	431	钜定	225
南城	280	临江	335	钜鹿	177
南宫	454	临安	247	钜鹿郡	177
南郡	133	临邑	101	钜壑	154
南顿	119	临沅	288	钟武	143
南海郡	428	临沃	388	钟武	294
南陵	34	临沂	251	钟离	150
南野	282	临汾	67	秭归	137
南深泽	194	临武	283	郃成	156
南燕	103	临羌	349	复阳	133
南谿	178	临河	386	复阳	191
茌	216	临沮	134	复陆	393

[illegible]

原平	75	狼孟	74	高唐	204
原阳	390	馮发	438	高陵	36
原武	94	馮汗	279	高陵	247
原都	378	馮杭	266	高望	378
頓丘	99	馮姚	264	高隄	454
鄆	300	馮暨	263	高密	462
柴	217	胶东国	460	高密国	462
柴桑	279	胶阳	232	离石	383
慮	464	鄆阳	282	离狐	101
慮廐	76	留	478	资中	310
洵衍	372	凌	480	唐	449
郾	142	旄牛	306	閬中	335
钱唐	268	效穀	365	朔方	386
秣陵	271	高	170	朔方郡	384
蚕台	426	高山	257	郾	165
蚕陵	309	高广	245	剡	265
乘氏	161	高乡	245	郾	248
乘丘	221	高平	258	益	228
脩	455	高平	367	益州郡	321
脩市	202	高句骊	420	益阳	485
脩武	85	高乐	200	益昌	196
候井	456	高奴	379	益阆	382
候城	417	高成	138	酒泉郡	360
健伶	328	高成	200	涅氏	80
射阳	257	高阳	195	涅阳	126
皋狼	381	高阳	246	浩臺	345
皋虞	243	高邮	482	海曲	239
郾	302	高昌	211	海曲	250
徒河	415	高宛	211	海阳	412
徒经	381	高柳	397	海昏	281
徐	255	高要	433	海盐	265
徐乡	237	高显	418	海冥	423
徐无	409	高都	81	海陵	259
徐闻	436	高柴	170	浮阳	199
般	205	高凉	437	浚仪	108
般阳	214	高郭	198	浚迺	149

宾从·····	414	掖·····	233	曼柏·····	388
容丘·····	252	梧·····	478	圉·····	467
容城·····	194	梧成·····	240	铎·····	165
容陵·····	487	梓潼·····	299	铜濑·····	322
诸·····	240	聊城·····	99	铜鞮·····	78
诸暨·····	263	乾齐·····	362	秣·····	160
谈指·····	331	郾·····	111	符·····	310
谈稟·····	333	郾·····	179	符离·····	167
被阳·····	221	鄆城·····	160	偃师·····	91
朗陵·····	119	著·····	215	徙·····	306
冥安·····	364	菅·····	214	船司空·····	31
冤句·····	159	菅浦·····	293	领方·····	432
剧·····	229	菅陵·····	227	郈·····	189
剧·····	459	菅道·····	293	猗氏·····	64
剧阳·····	395	萧·····	164	獠·····	214
剧魁·····	227	黄·····	155	猛陵·····	434
陵阳·····	274	黄·····	234	馆陶·····	172
猗氏·····	82	奢延·····	378	郕·····	268
陶林·····	390	戚·····	249	象氏·····	178
牂柯郡·····	329	雩娄·····	146	象林·····	441
愬题·····	190	雩段·····	242	商·····	61
桑中·····	183	雩都·····	281	章·····	473
桑乾·····	397	辄与·····	166	章乡·····	202
桑犊·····	230	鹵·····	368	章武·····	200
骊成·····	410	鹵城·····	400	竟陵·····	140
骊軒·····	359	虚水·····	241	鸾鸟·····	356
绥弥·····	362	堂阳·····	180	望平·····	417
十一画		堂邑·····	259	望垣·····	350
		堂琅·····	312	望松·····	379
		常山郡·····	181	望都·····	450
		崞·····	395	盖·····	218
		崞·····	236	清·····	101
		胸卷·····	370	清水·····	351
		略阳道·····	351	清阳·····	188
		略畔道·····	374	清河郡·····	188
		鄂·····	141	清渊·····	173
琅邪·····	241				
琅邪郡·····	238				
琅槐·····	210				
舂陵·····	132				
堵阳·····	126				
推邪·····	378				

鸿门····· 382
 涿····· 192
 涿郡····· 191
 涿鹿····· 404
 涿陶····· 395
 淮阳国····· 465
 淮阴····· 257
 淮浦····· 256
 淮陵····· 257
 渊泉····· 365
 渔阳····· 405
 渔阳郡····· 405
 淳于····· 228
 涪····· 299
 涪陵····· 337
 深泽····· 449
 霁高····· 111
 密····· 95
 密乡····· 231
 渠搜····· 386
 梁····· 96
 梁父····· 218
 梁邹····· 213
 梁国····· 467
 梁期····· 174
 尉氏····· 107
 随····· 130
 隃麋····· 51
 隆虑····· 86
 骐····· 70
 绵竹····· 300
 绵虬····· 305
 绵诸道····· 351
 绵曼····· 448
 郾····· 49

十二画

博····· 216
 博山····· 126
 博乡····· 151
 博平····· 100
 博石····· 246
 博阳····· 123
 博陵····· 384
 博昌····· 210
 博罗····· 428
 博望····· 133
 提奚····· 425
 揭阳····· 429
 掇次····· 356
 裨····· 245
 棘阳····· 127
 期思····· 120
 敬丘····· 167
 敬武····· 180
 朝平····· 444
 朝那····· 367
 朝阳····· 131
 朝阳····· 214
 朝歌····· 85
 朝鲜····· 422
 彭阳····· 370
 彭泽····· 278
 彭城····· 478
 郑····· 195
 蓀人····· 72
 粟邑····· 38
 葭明····· 300
 葭密····· 159
 越嶲郡····· 313

雁门郡····· 393
 皖····· 148
 景成····· 202
 犍和····· 390
 犍为郡····· 309
 餅····· 242
 鹄泽····· 381
 筑阳····· 127
 傅阳····· 479
 街泉····· 350
 循成道····· 340
 舒····· 145
 番汗····· 419
 番和····· 359
 番禺····· 428
 脍····· 233
 颍川郡····· 108
 颍阳····· 110
 颍阴····· 111
 酈得····· 358
 鲁····· 475
 鲁阳····· 131
 鲁国····· 474
 敦煌····· 364
 敦煌郡····· 362
 郾····· 186
 阌····· 316
 善无····· 394
 道人····· 397
 遂久····· 313
 遂成····· 423
 湖····· 33
 湖阳····· 132
 湖陵····· 153
 湖陵邑····· 148
 湘南····· 486

温 86
 渭城 45
 滑盐 407
 湍氏道 307
 富川 433
 富平 207
 富平 372
 富阳 221
 富昌 380
 富波 117
 富春 269
 富城 473
 富陵 258
 谢沐 433
 禄福 361
 孱陵 288
 媪围 357
 侯氏 93
 编 137
 甌 69
 糸 415

十三画

瑗 206
 瑕丘 156
 槐里 45
 榆中 346
 榆次 73
 楼乡 460
 楼烦 395
 楼虚 207
 瓠 227
 斟 230
 鄆 267
 蒲泽 388

蓝田 32
 蓟 458
 蓟 409
 蒲子 70
 蒲反 65
 蒲吾 183
 蒲领 203
 蒙 470
 蒙阴 220
 楚国 478
 鄆 45
 零阳 291
 零陵 292
 零陵郡 292
 频阳 39
 虞 471
 睢阳 471
 睢陵 257
 路 405
 蜀郡 301
 雒 127
 稻阳 389
 僞 107
 僞陵 112
 衙 38
 雒督 403
 解 64
 鹑阴 370
 鹑孤 373
 新山 246
 新丰 31
 新平 467
 新处 451
 新市 179
 新市 451
 新成 95

新成 231
 新汲 110
 新安 61
 新安平 412
 新阳 122
 新阳 254
 新昌 198
 新昌 416
 新郑 97
 新都 132
 新都 300
 新鄆 122
 新息 120
 新野 127
 新淦 280
 新蔡 120
 酈 39
 雍 49
 雍丘 105
 雍奴 405
 雍鸡 432
 廉 375
 滇池 321
 溧阳 276
 涇沃 209
 慎 121
 慎乡 247
 慎阳 120
 辟阳 454

十四画

贅其 257
 酸枣 105
 嘉陵道 340
 蔡阳 127

蔺..... 382
 蓼..... 483
 蓼城..... 210
 聚阳..... 411
 樊道..... 309
 鏊方..... 425
 箕..... 245
 舞阳..... 111
 舞阴..... 128
 僮..... 257
 與..... 259
 鄱阳..... 278
 雒..... 299
 雒阳..... 89
 铜阳..... 117
 端氏..... 67
 端谿..... 433
 漆..... 50
 漆垣..... 378
 漂阳..... 170
 漯阴..... 206
 漏卧..... 331
 漏江..... 333
 潏强..... 117
 譙..... 166
 翟道..... 36

十五画

增山..... 382
 增地..... 423
 增食..... 432
 播旌..... 258
 横..... 244
 穀丘..... 193
 穀成..... 94

穀阳..... 164
 穀远..... 82
 穀昌..... 324
 穀罗..... 383
 蕃..... 476
 薪..... 166
 薪春..... 142
 鞏..... 94
 樊..... 474
 樊與..... 195
 膚施..... 376
 崑唐..... 326
 稽徐..... 435
 稻..... 243
 黎..... 101
 黎阳..... 174
 徵..... 42
 號..... 54
 觥是..... 384
 褒中..... 295
 棗城..... 447
 潭中..... 431
 潘..... 402
 麻浑..... 386
 豫章郡..... 277
 繚..... 191
 繒..... 251

十六画

薛..... 477
 薄..... 155
 薄泽..... 66
 棗..... 154
 棗皋..... 149
 塹王..... 86

冀..... 351
 黔陬..... 243
 園阳..... 383
 園阴..... 381
 歙..... 276
 雕阴..... 378
 雕阴道..... 378
 羸..... 220
 廩丘..... 103
 潞..... 81
 滹..... 121
 彊阴..... 396
 褒德..... 41

十七画

盤庠..... 47
 獬道..... 352
 黝..... 275
 鐔成..... 289
 鐔封..... 330
 魏..... 174
 魏其..... 244
 魏郡..... 171
 黏蝉..... 423
 繁..... 303
 繁安..... 211
 繁阳..... 174
 繁峙..... 394
 襄..... 141
 襄平..... 259
 襄平..... 416
 襄安..... 146
 襄阳..... 136
 襄阴..... 392
 襄邑..... 106

襄武·····	343
襄国·····	442
襄垣·····	80
襄城·····	110
襄洛·····	378
襄贲·····	249
襄陵·····	69
襄泠·····	435
濮阳·····	98

十八画

鄭·····	125
營·····	330
陽成·····	384

十九画

鄴·····	486
滎·····	47
羸陵·····	434

二十画

贛·····	280
贛榆·····	239
廩陶·····	178

二十一画

霸陵·····	35
灊·····	147
灊街·····	316
濯阳·····	120
蠡吾·····	194

二十二画

穰·····	128
--------	-----

二十二画以上

犂·····	125
--------	-----